


Hewhewii winéwí'wii  
Kooh Kifiiliimunkii  
ki'askii



Noon: Hewhewii winéwí'wii Kooh Kifiiliimunkii ki'askii New  
Testament

**Hewhewii winéwí'wii Kooh Kifiliimunkii ki'askii**

**Noon: Hewhewii winéwí'wii Kooh Kifiliimunkii ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 22 Feb 2024 from source files dated 29 Jan 2022  
7c1cfb93-c4c9-5127-ac22-ecb23adca870

## Contents

|                          |     |
|--------------------------|-----|
| MËCCËE . . . . .         | 1   |
| MARKA . . . . .          | 53  |
| LÚKKAÄ . . . . .         | 87  |
| SAN . . . . .            | 140 |
| TUMEENCAA . . . . .      | 181 |
| BU-ROOM . . . . .        | 227 |
| 1 BU-KORENTI . . . . .   | 248 |
| 2 BU-KORENTI . . . . .   | 267 |
| BU-GALAAT . . . . .      | 280 |
| BU-EFEEŠ . . . . .       | 288 |
| BU-FILIIP . . . . .      | 296 |
| BU-KOLOOS . . . . .      | 301 |
| 1 BU-TESALONÍK . . . . . | 306 |
| 2 BU-TESALONÍK . . . . . | 311 |
| 1 TÍMOTÉE . . . . .      | 314 |
| 2 TÍMOTÉE . . . . .      | 320 |
| TÍT . . . . .            | 325 |
| FÍLEMON . . . . .        | 328 |
| YAAWÚU'CAA . . . . .     | 330 |
| SAAK . . . . .           | 345 |
| 1 PEE' . . . . .         | 351 |
| 2 PEE' . . . . .         | 357 |
| 1 SAN . . . . .          | 361 |
| 2 SAN . . . . .          | 366 |
| 3 SAN . . . . .          | 367 |
| YÚUT . . . . .           | 369 |
| ÍNOHLUKOH . . . . .      | 371 |

# Hewhewii winéwí'wii wo' ga loo Yéesu Kiristaa ee Mëccée bínda Wo'eencii lëgís Këyítfiida

Wii wérí en Hewhewii Mëccée bínda. Mëccée yérí en juutaa Yéesu bayee tumbari télibéecí. Ya bok ga apotaa'caa Yéesu wosee wo'aba kiyéegalohnee Hewhewii winéwí'wii na kituuki' kikerceen.

Mëccée bín ga këyítfi daa kilímukkaa Yéesu eneeda, iñcaa ya tumee ga éldúnada, iñcaa ya jégíree buwaada, kikaankaagari na kimilískaagari ga buwaa kaaninda. Yéesu jégíree buwaa ee yéréméeríi wo'eenci; ya yaa wékí' dúukoolí'caa, ya yaa kaal rabcaa ga buwaa, ya yaa tum enaama cidóoyí'-waa'.

Hewhewii winéwí'wiima Mëccée bídi'wa yaawúu'caa fodaagari kiteebba an kayoh-kayohda Yéesu yérí en Músalkaatii sëldíiga-Koochaa wo'ee ga looci ga Këyítfaa fisela'í'faa; ee béeb iñaa wo'see gari balaa ya hay éldúnada laakka. Yéesu yérí en buuraa jomee kihayda. Iñaama tah biyewin bayeeri "kucaasamunkii Dëwít" ndaga Dëwít yérí enee buuraa yiyaakyaa bu-Isarayeel, heetaa Kooh tanukdá. Ee hidaa daa Yéesu teebba heetaa Isarayeel daa Nguuraa Kooh manda tóoh, buwaa kuliuk gabadá, ba ga kihaffba bérí sagohsee nari. Ga waa Yéesu kaanndadá, ba kaalla télibéecaagari, hoonohussaba ki'aas jaangu-yaawúu'caagaba. Baama ga kihaffba tasaarukohussa daa en béeb ga éldúna, ba baa jangat Hewhewii winéwí'wii.

## Këyítfi Mëccée bínda tíidoh anee:

- 1 - Caasamuncaa Yéesu na kilímukkaagari (1: 1-2: 23)
- 2 - Jangataa Sanj-Bétís (3: 1-12)
- 3 - Bétísaan Yéesu, na firaa Seytaani na Yéesuda (3: 13-4: 11)
- 4 - Yéesu yaa lëgëy ga gohaa Gëlilée (4: 12-18: 35)
- 5 - Yéesu meyohha Gëlilée yaa yah Yéerúsaleem (19: 1-20: 34)
- 6 - Bescaa méeñjoh ga kipeskaa Yéesuda (21: 1-27: 66)
- 7 - Yéesu mílissa ga kikaankaa (28: 1-20)

## *Caasamuncii Yéesu*

<sup>1</sup> Niili caasamuncii Yéesu Kiristaa, kucaasamunkii Dëwít, ee Dëwít yiima en kucaasamun Abarahamda, wérí wii: <sup>2</sup> Abaraham límmabá Ísaak. Ísaak límmabá Yakoop. Yakoop límmabá Yúdaa, ya na bikéméenkíci <sup>3</sup> Yúdaa límmabá Farees na Sara, eewba teeksee Tama'. Farees límmabá Esarom. Esarom límmabá Aram. <sup>4</sup> Aram límmabá Amínadap. Amínadap límmabá Naason. Naason límmabá Salmoon. <sup>5</sup> Salmoon laakka na Rahap Boos. Boos laakka na Rut Yobet. Yobet límmabá Yesee. <sup>6</sup> Yesee límmabá buu' Dëwít. Dëwít laakka na beti Úrí' Salmoon. <sup>7</sup> Salmoon límmabá Robowaan. Robowaan límmabá Abíyaa. Abíyaa límmabá Asaf. <sup>8</sup> Asaf límmabá Yosafat. Yosafat límmabá Yoraam. Yoraam límmabá Osiyaas. <sup>9</sup> Osiyaas límmabá Yotaam. Yotaam límmabá Akaas. Akaas límmabá Esekýaaas. <sup>10</sup> Esekýaaas límmabá Manasee. Manasee límmabá Amoos. Amoos límmabá Yosiyaas. <sup>11</sup> Yosiyaas límmabá Yekoñaas na bikéméenkíci ga jamaanaa bu-Isarayeel toolohu na dooli ga kúlkaa Babíloonda.

<sup>12</sup> Ga waa bu-Isarayeel toolu Babíloonda, Yekoñaas límmabá Salaceel. Salaceel límmabá Sorobabeel. <sup>13</sup> Sorobabeel límmabá Abíyút. Abíyút límmabá Elíyakím. Elíyakím límmabá Aasoo'. <sup>14</sup> Aasoo' límmabá Sadok. Sadok límmabá Akím. Akím límmabá Elíyút. <sup>15</sup> Elíyút límmabá Eleyasaa'. Eleyasaa' límmabá Matan. Matan límmabá Yakoop. <sup>16</sup> Yakoop límmabá Yoseef, yaal Mariyaama, yaa en eew Yéesu yii baysi Kiristaaniida.

<sup>17</sup> Iñaa aboh ga Abaraham bi ga buu' Dëwít, laakin kon jamaanu-bo' cidaanjkaah na cinikiis; lëehí'ta iñaa aboh ga buu' Dëwít bi ga daa bu-Isarayeel toolohu na dooli ga kúlkaa Babíloonda laakin jamaanu-bo' cidaanjkaah na cinikiis, ee baawaagaba ga kúlkaa Babíloon bi ga kilímukkaa Kiristaanii, laakin jamaanu-bo' cidaanjkaah na cinikiis.

### *Kilímukkaa Yéesu*

<sup>18</sup> Kilímukkaa Yéesu Kiristaa laakoh anee: Eeci Mariyaama enee jowu Yoseef. Ee balaa ba bok túuyaa, Mariyaama ennda na look ga tumeenaa Helaa yisela'i'yaa.

<sup>19</sup> Yoseef fiilaagari enee bo' yijúwí', ee iñaama tah ya waaréeríri kiwíiñ ga fíkií buwaa, ya nammbari kiheel kifoñ ee ken yéegoo. <sup>20</sup> Lak ya yaa lís kihalaat ga iñaama, dalla kilaak malaakaaHa'mudii, yaa feeñukki ga duuy heey, wo"ari an:

- Yoseef, kucaasamunkii Dëwít, kaa niik kibeb Mariyaama ya en betifu ndaga lookaa ya bayda meyoh ga tumeenaa Helaa yisela'i'yaa. <sup>21</sup> Ya hay kilaak kowu kiyaal, ee fu teekanka Yéesu, ndaga yérí yah kimúsal buwiigari ga baakaa'ciigaba.

<sup>22</sup> Tóoh iñcaama laakka doonaa iñaa Ha'mudii, wo'ee kooroh ga kúuwkaa sëldíiga-Koohaada mat. <sup>23</sup> Ya wo'ee an:

«Oomaa-jowaa ínohoo yaal hay ki'en na look,  
ya laak kowu kiyaal  
kaa yah kiteku Emanuweel.»

Teekaama wëri en "Kooh yii naruu."

<sup>24</sup> Ga waa Yoseef yúudukfa, ya tummba fodaa daa malaakaa Ha'mudii na-keerikada: ya haydohha betici Mariyaama kaanci. <sup>25</sup> Wayee ya ínohhiri bi ga daa Mariyaama laak kowu kiyaalda, ya teekkaka Yéesu\*.

## 2

### *Bibo' biléekí'-hamham ga loo ol hayussa kimalak Yéesu*

<sup>1</sup> Ga waa Yéesu límu ga teeraa Betlee'em ga kúlkaa Yúudée, lakanaa Eroot en buu' daamadfa, laakka bibo' biléekí'-hamham ga loo ol, ba meyoh Peñku hayussa Yéerúsaleem, <sup>2</sup> ba meekisohha an:

- Yada buurii yaawúu'cii han kilímuda? Dí hotin ku'olkaagari ga Peñku ee dí hay kijaamukki.

<sup>3</sup> Ga waa Eroot buuraa kelohkada, ya jaahli'a lool, ya na bu-Yéerúsaleem bëebba.

<sup>4</sup> Ya hídírohha sarahohcaa biyaakbaa na jégíroh-waascaan bu-dëkaa. Ya meekissaba dékataa Kiristaanaa jom kilímohudsa. <sup>5</sup> Ba taassari an:

- Ya jom kilímohu Betlee'em ga kúlkaa Yúudée, ndaga iñii yii yérí sëldíiga-Koohaa bidee:

<sup>6</sup> «Ee fu, Betlee'em, ga kúlkii Yúudée,  
enndii an kay fu wëñ kijutuut ga dékcii Yúudée,  
ndaga ha'-kúlkii yah kiníi' bu-Isarayeel, heetiigooda, meyohan garaa.»

<sup>7</sup> Waa ennda da, Eroot bayya ha'-hamhamcaa ga pet, meekissaba wahtaa olaa mey siiydfa. <sup>8</sup> Lëehí'ta, ya wossaba Betlee'em, wo"aba an:

- Karat, dú meekisoh dijóff' ga loo ku'oomaakaa. Dú hotjanaa, yéegalattoo doonaa mi ban mi ka'ja kijaamuknee.

<sup>9-10</sup> Ga waa buuraa wo'a naba bi lëehí'ta, ba ammba waas. Ee ga waa ba en ga waasdfa, ba hotissa ku'olkaa ba séenee ga Peñkufa. Daa ba hotja hen keeñba soossa lool. Ku'olkaa kuliyükka ga fíkiiba bi ga dékataa oomaanaa enohdfa, ja tuukka da.

<sup>11</sup> Fodaama, ba aassa d'uuy kaanfaa. Ba hotta ku'oomaakaa na eeci, Mariyaama. Ba yí'a, jaamukussa ku'oomaakaa. Lëehí'ta ba pëkíssa hëmbúcaagaba, ba e'tari

\* <sup>1:25</sup> 1: 25 Yéesu ga ki'Ebérëe, waa' kiwo' «kimúsal, kisom.»

cikëñ'icaa: enee wúrúus, cíuraay, na míi\*. <sup>12</sup> Waa ennda da, Kooh yéegallaba ga heey an ba hanat kiboyukoh ga Eroot. Ba boykohha waas wiliis baa yah kúlba.

### *Yéesu núpídohussa kúlkaa Esípti*

<sup>13</sup> Laakka malaakaa Ha'mudii feeñuk Yoseef ga heey, lak ha'-hamhamcaa karuunun, wo''ari an:

- Kolka, bewaa oomaanii na eeci, núpaa kúlkaa Esípti, ndaga buu' Eroot hay kiraasluk oomaanii ki'aplukki. Tesaa daama bi ga daa mi wo'sanndaa yen yiliis.

<sup>14</sup> Yoseef kolukka ga wek, beþpa oomaanaa na eeci, ka'neera naba kúlkaa Esípti.

<sup>15</sup> Ya tessa daama bi ga daa Eroot kaanda. Fodaama iñaa Ha'mudii wo'ee, koorohha ga kúuwkaa sëldíiga-Koohaada matta. Ya wo'ee an: «Mi bayya kowukaagoo ka meyoh kúlkaa Esípti.»

### *Buu' Eroot aplukka tu'oomaa ga Betlee'em*

<sup>16</sup> Eroot ínohha an buwaa bilækí'-hamhambaa ga loo olda dúkuununndi, ya aylukka lool. Ya dalla ki'ebil bisoldaa' Betlee'em na dëkcaa wíilwada, ba ap béeþ tu'oomaa-yaalataa laakin tíkíis tanak aawwa taahay. Ndaga tíkíistaama méenngoh na jamaanaa ha'-hamhamcaama wo'seerida. <sup>17</sup> Fodaama, iñii yii ee Yérémíi sëldíiga-Koohaa wo'eeda matta. Ya wo'ee an:

<sup>18</sup> «Laakin koonaakaa kelohuk ga teeraa Ramaa, tikodukoh na tilooyoh timéeski' taa da.

Rasel yérí en na kikoduk towutaagari, ee ya waa'tii ken dékóhi'ti, ndaga ta lísissii.»†

### *Yoseef na Mariyaama na Yéesu kúlkohussa Esípti*

<sup>19</sup> Waama, lak buu' Eroot kaanin. Laakka malaakaa Ha'mudii feeñuk Yoseef ga heey, ga kúlkaa Esípti, <sup>20</sup> wo''ari an:

- Buwaa heelsee ki'ap oomaaniida kaanuunun. Kolka, bewaa oomaanii na eeci, boykaa kúlkaa Isarayeel.

<sup>21</sup> Yoseef kolukka, beþpa oomaanaa na eeci, ya boyukka kúlkaa Isarayeel. <sup>22</sup> Ee daa Yoseef kelohee an Arkelawoos yérí lam Eroot, paamci ga kibuu'kaa kúlkaa Yúudée, ya niikka da kika'. Kooh wo''a nari ga heey, ya ka'neera gohaa Gélilée. <sup>23</sup> Ya dëkka ga teeraa wo'u Nasareetda. Fodaama iñaa sëldíiga-Koohcaa wo'ee ga Kiristaaniida matta. Ba wo'ee an: «Ya dakantilohsan ga Nasareet.»‡

## 3

### *Jangataa Sañ-Bétís*

(Mëccëe 1: 2-8; Lúkkaa 3: 1-18; Tumeen 19: 4; Sañ 1: 6-8,15-37)

<sup>1</sup> Ga jamaanaama, Sañ-Bétís hayya ga, ya yaa jangat ga d'uuy égí'-dúndagaa kúlkaa Yúudée an:

<sup>2</sup> - Súpítat kipeskiigarúu, ndaga Nguurii ga d'ookda deeyin!

<sup>3</sup> Sañ yérí en baa Ísayiisëldíiga-Koohaa wo'ee gari an:

«Laakin koonaa-bo', kaa en na kiwo' didóoli' ga égí'-dúndagaa an:

“Waayukdat Ha'mudii waasii, júwí'datti tuwaas-waastii!”

<sup>4</sup> Sañ ekukee kúltífaa terohu na fénúf geeelem, ya pëkírukka liib-on ga kenohkaa. Ya daanee kiñam pay na kúum. <sup>5</sup> Buwaa baa meyoh Yéerúsaleem, na béeþ kúlkaa Yúudée na béeþ dëkcaa deey húlúwaa Yúrdeñda, baa hay gari. <sup>6</sup> Ba baa récuk baakaa'caagaba ga fíkii béeþ ee Sañ yaa bétisi'ba ga húlúwaa Yúrdeñ. <sup>7</sup> Daa Sañ hotee biFérísiyeen na biSaduseyeeen biyewin baa hay gari kibétisi'uk, ya wo''aba an:

\* **2:11** 2: 11 Míi' muluuuy kedik mi'eeñí', en fan la'koleñ. † **2:18** 2: 18 Malkat Yérémíi 31: 15 Rasel abu fodii eew yaawúu'cii ee ya yaa ga loy ndaga daa tu'oomaataa en na ki'apufsa. ‡ **2:23** 2: 23 Malkat Marka 1: 24; Lúkkaa 2: 39; Sañ 1: 45.

- Heet goŋ-saamaancii, bii lëdítúu ba iñaa tahanndúu kirëc ga aylukaa Kooh yah kihayda? <sup>8</sup> Kon tumat iñcaa teewohin an dú récukin baakaa'ciigarúu. <sup>9</sup> Ee kaa abat ga hellúu an: "Abaraham en caasammbíi". Ndaga mi wo"úu man Kooh míniñ kibeb atohcii cii, ya meydoh ga tucaasamun Abaraham! <sup>10</sup> Diima den kékúsaan tíimin boscaa tediktaa, kigú' níilcaa. Kon kedikkaa límmibii towu tijóffí' tóoh, gúru, jafu ga kiwii. <sup>11</sup> Mi, mi bëtísí"úu ga mûsú kiteewoh an dú súpítin kipeskiigarúu. Wayee baa en na kihay ga fenoorooda yahhúu kibëtísí' na Helaa yisela'í' yaa na ga kiwii. Yérí wëñnjoo kimat: mi jutuutin ga kidol ñafa'caagari. <sup>12</sup> Kankaa kaa ga yahci ee ya yah kifaa' yoonaagari, ya ek tohootaagari ga dapaa; wayee feki'faa, ya hayfa kitëkí' ga kiwiikaa yímoo taa'da.

### *Bëtísaa Yéesu*

<sup>13</sup> Waa ennda dfa, Yéesu kúlkohha Gélilée hayya kibëtísí'uknee ga Sanj ga húlúwaa Yürdeŋ. <sup>14</sup> Wayee Sanj tookkii, ya wo"a Yéesu an:

- Mi yérí sooluk kihay garaa fu bëtísí"oo, fu nammba garoo kihay!

<sup>15</sup> Wayee Yéesu loffari an:

- Tookaa hen rek, ndaga dufu jomin kimëti' iñaa Kooh waa'da.

Waa ennda dfa, Sanj tookka. <sup>16</sup> Daa Yéesu bëtísí'see bi lëehí'ta, ya meyca mûsúmaa. Ga saasi asamaanaa lëgísukka, ya hotta Helaa Kooh yaa yoosuk ga dlookci en fan ho'.

<sup>17</sup> Laakka koonaakaa meyoh dlook wo"a an:

- Bii yii yérí en Kowukiigoo mi keeñukdfa, keeñnjoo soosin gari!

## 4

### *Seytaani fí'ta Yéesu*

<sup>1</sup> Waa ennda dfa, Helaa yisela'í' yaa woocca Yéesu, bayyari ga dëkat, égí'-dúndan doonaa Seytaani fí'ti. <sup>2</sup> Ga waa Yéesu oo'ta noh-noh cidaankaah-nikiis na wekcaagaca, faba kiyaab ammbari. <sup>3</sup> Waa ennda dfa, Seytaani deeyca Yéesu kiff'ti. Ya wo"ari an:

- En lak fu yérí en Kowukii Koohaa, nakaa atohcii ca súpítuk mbúurú.

<sup>4</sup> Wayee Yéesu loffari an:

- Këyítfaa wo' an: «Bo' pesohannndii na mbúurú doŋ, wayee ban, na tóoh wo'eenaa meyohin ga kúuw Kooh.»

<sup>5</sup> Waa ennda dfa, Seytaani bayyari Yéerúsaleem, teeraa wisela'í' waa, yíppari ga dlook Kaanfaa Kooh, <sup>6</sup> wo"ari an:

- En lak fu yérí en Kowukii Koohaa, yípukaa kakay, ndaga Këyítfaa wo' an:  
«Kooh hayyaa kinaki' malaakacaagari,

ba teeŋngaa ga yahcaagaba, doonaa kotfu këftukoo ga atoh.»<sup>☆</sup>

<sup>7</sup> Yéesu loffari an:

- Bíduunun ban an: «Kaa jéematuk Ha'mudii, Koohyiigaraa.»

<sup>8</sup> Waa ennda dfa, Seytaani bayissa Yéesu ga dlook janjaŋ wihoorí', ya teeþpari dëkcii ga ēldúnadsa tóoh na ndamaa nguuraagaca, <sup>9</sup> wo"ari an:

- Mi hayyaa ki'on iñcumáa tóohca binaa fu yi' ga fíkiiroo, fu jaamukkoonaa.

<sup>10</sup> Wayee Yéesu wo"ari an:

- Nískaa dii Seytaani! Ndaga Këyítfaa wo' an:

«Fu yi'dan Ha'mudii, Koohyiigaraa

ee fu jaamukanndi ya doŋ.»

<sup>11</sup> Waa ennda dfa, Seytaani hannda Yéesu ki'íis kimma, laakka malaakaca Kooh hayu ga Yéesu ba baa toputu"i.

<sup>☆</sup> 4:6 4: 6 Malkat Kañcaa 91: 11-12.

*Yéesu dalla lëgëyaagari ga gohaa Gëlilée  
(Marka 1: 14-15; Lúkkaa 4: 14-15)*

<sup>12</sup> Ga waa Yéesu kelohha an Sanj-Bëtís abuunun ga kasu, ya ka'ta gohaa Gëlilée.  
<sup>13</sup> Ya yunjngii ga Nasareet, ya ka'ta kidéknee ga teeraa Kafarnawom en ga gohaa Sabulon na Neftalíi. Teeraama en ga yahaa giyaa Gëlilée. <sup>14</sup> Iñaama laakka fodaama doonaa iñaa Ísayíi, sëldíiga-Kooħħaa wo'eeda mat. Ya wo'ee an:  
<sup>15</sup> «Dú bu-Sabulon, dú bu-Neftalíi;  
 Gohcii deey ga giyii bi ga bħakka hanoh húlúwaa Yúrdej gaada;  
 Fu Gëlilée, kulkii buwii enussii yaawúu' dëkohħa!  
<sup>16</sup> Heetii dëkee ga ñúusħa, hotin lee'laat wiyaak,  
 buwaa dëk ga kulkaa kiñúusí'kaa kikaan enohħa, lee'laat hayin gaba!»

<sup>17</sup> Waa ennda d'a, Yéesu aawwa kijangat an:

- Súpitat kipeskiigarúu, ndaga Nguurii ga dookħa deeyin!

*Yéesu bayya tħelibée binikiis  
(Marka 1: 16-20; Lúkkaa 5: 1-11)*

<sup>18</sup> Yéesu enee na kitíidisuk ga seereenaa giyaa Gëlilée. Ya hotta bo' bħanak baa bokoh. Enee Simon yaa teeku Pee'da na Andari kemmēenkici. Ba baa wees mbaal ga giyaa Gëlilée. Ba enee bimbaaloh jēn. <sup>19</sup> Yéesu wo'aba an:  
 - Taabukattoo, mi hayyúu kitum bimbaaloh bo'! <sup>20</sup> Ga saasi ba foñja mbaal-caagħa, baa taabukki. <sup>21</sup> Ga waa Yéesu ka'ta bi ga fikíi, ya hotta bo' bħanak biliis baa bokoh. Enee towutaa Sebedee: Saak na kemmēenkici Sanj. Ba enee ga dħuy gal-loocaa na Sebedee paambha, baa hewwiraat mbaalcaagħa. <sup>22</sup> Yéesu bayyaha; ga saasi, ba foñja paambha na gal-loocaa, baa taabukki.

*Yéesu yaa jégíroh ee ya wéki' dūukoolí'caa*

<sup>23</sup> Yéesu yaa wíil gohaa Gëlilée béeħwa, yaa jégíroh ga jaangu-yaawúu'caa, yaa yéegaloh Hewhewii winéwí'wii wo' ga loo Nguuraa ga dookħa, ee ya yaa wéki' dūukoolcaa buwaa béeħca na béeħ iñcaa mesik buwaada. <sup>24</sup> Teekaagħi sıwwa ga béeħ kulkaa Sírii. Ya yaa komu béeħ buwaa dūukool, ee dūukoolcaagħa na mesiklaatcaagħa bokkii. Enndha buwaa raħ abee na baa laakee cikeen-keen, na lafañcaa, ya yaa wéki'ba. <sup>25</sup> Mboolloo wiyaak waa taabukki: buwaa meyohee goħha Gëlilée na goħha Teerucaa Cidaqkaahċaa, na teeraa Yéerúsaleem, na goħha Yúudée, na goħha hanoh húlúwaa Yúrdej gaada.

## 5

*Jangataa Yéesu ga dook janjagħaa*

- <sup>1</sup> Daa Yéesu hotee mbooloomaa, ya lappa dook janjagħaa, ya yunjngi, tħelibéecaagħi hayuża ga yahaaci. <sup>2</sup> Ya aawwaba kijęgi' wo'eencii cii:
- <sup>3</sup> - Ba yewinin müu', buwii tookuunun ga keeñha kinduulkaagħa ga fikíi Koħħa, ndaga Nguuraa ga dookħa wuuba!
- <sup>4</sup> Ba yewinin müu', buwii en na kikoduk watidha, ndaga Koħħ hayha kidékóħi'!
- <sup>5</sup> Ba yewinin müu', buwii yewinin jamħa, ndaga bérí yah kilam ēlduna!
- <sup>6</sup> Ba yewinin müu', buwii dīibuk kipes ga iñaa Koħħ nakohħa, ndaga Koħħ hayha kikumi'!
- <sup>7</sup> Ba yewinin müu', buwii laakin yērmaandi ga mooroomħa, ndaga Koħħ hay kilaak yērmaandi għab!
- <sup>8</sup> Ba yewinin müu', buwii setin keeñha, ndaga ba hay kihot Koħħ!
- <sup>9</sup> Ba yewinin müu', buwii saki jam daa ba enoh tóohħa, ndaga ba hay kibayu bitowu Koħħ!

- <sup>10</sup> Ba yewinin múu', buwii hatalu ga kipesba, ndaga kitum iñaa Kooh nakohdā; Nguuraa ga dookdā wuuba!
- <sup>11</sup> Dú yewinin múu', binaa mi tah dú bassi, dú hatalsi ga kipessúu, dú wo'dusi enaama yibóní' yaa en béeb ee saboh!
- <sup>12</sup> Leenaa keeñnjúu soosat, dú nebluki, ndaga neehalaagarúu ga dookdā hay kiyak. En ki'enaa, sëldíiga-Koohcaa dëßpúu kihaydā hatalsee ga kipesba fodaama.

*Ki'en maraa na lee'laat ga ēldúna  
(Marka 9: 50; Lúkkaa 14: 34-35)*

<sup>13</sup> - Dú bëri en maraamii ēldúna. Binaa maraa safissiinaa, ma ñaanohsan na ya? Ma laaksisoo jeriñ, ma aamsan ga læedúu, buwaa togisohma. <sup>14</sup> Dú bëri en lee'laatii ēldúna. Teeraa tawahu ga dook tégël mínoo kidaakuk. <sup>15</sup> Ken taaloo lampu lí' kanu ga dookgaanaa. Wayee fu líkanwa hen doonaa wa míñ kilee' ga béeb buwaa enu ga túuyaada. <sup>16</sup> Kon lee'laatii en garúuda jom kimelic fodaama ga fíkií buwii. Doonaa ba míñ kihot tumeencaagarúu cijóff'caa, ee ba míñ kikañ Paammbúu yii en ga dookdā.

*Yéesu na Waasaa Móyíis*

<sup>17</sup> - Kaa foogat an mi hay kinís Waasii Móyíis wala iñii sëldíiga-Koohcii jëgírohdā. Kinísca haydohhiiroo, wayee mi hayca kimëti'si'. <sup>18</sup> Mi wo"úuka ee kayoh; en an asamaanii na kakayfii cii lís diinaa, ku'oc jíinoo wala kufiiskaa wëñ kijutuut ga Bíncii Waasii nískoo ga, bi ga daa tóoh laakan. <sup>19</sup> Kérí tah, baa fu foñ enaama yiñoo doñ yaa wëñ kijutuut ga iñcii nakohu kitumdā, fu jëgí' buwaa kitum fodaamanaa, fu tíksan baa wëñ kijutuut ga Nguurii yii ga dookdā. Wayee baa fu taabukca, fu jëgí' buwaa kitum fodaamanaa, fu tíksan bo' yiyaak ga Nguurii yii ga dookdā. <sup>20</sup> Mi wo"úu man: jëgíroh-waascii na Férísiyeençii, binaa dú wëñnjiiba kitaabuk iñaa Kooh nakohdānaa, dú aasoo ga Nguurii yii ga dookdā.

*Ki'aylukoh na kijúwoh*

<sup>21</sup> - Dú kelohin an wo'see caasamuncaa an: «Kaa laj kumuun bo'. Baa laj kumuun bo' béeb hay kibayu ga waas.» <sup>22</sup> Ee mi wo"úu man: Baa ayluk mooroomcinaa, gënин gari ya bayu waas. Baa bas mooroomci an "Fu enndii dara" béeb, gënин gari ya bayu ga fíkií paanaa yaawúu'caa wiyaakwaa. Baa wo"i an "Hafiigaraa líiffii" béeb, gënин gari ya jafu ga kiwiikaa safara. <sup>23</sup> Binaa book, baa fu tuuk ki'e' Kooh sarah ga loteelaa, ee daama fu níindísuk an mooroomfu amdinndaa aylookaa, <sup>24</sup> foñaa saraha daama ga loteelaa. Kara, fu júwohnee na mooroomfu paay. Lëehíraa, boyka, fu eroh sarahaagaraa. <sup>25</sup> Binaa fu laakoh na bo', dú taam kilayohneenaa, gaawaa nari kijúwoh ga waasaa. En ñaanaa ya tíkooraa ga yah atti'ohaa, yaama tikkaa ga yah élkëetaa, fu tècu ga kasu. <sup>26</sup> Mi wo"úuka ee kayoh; fu meyohoo daama ee fu fayyii iñaa fu laaki'tifa bi ga fiftínaa méeñjohdā.

*Kidúk yaalfu wala betifu fu faanuk na bo' yiliis*

<sup>27</sup> - Dú kelohin an wo'see an: «Kaa dúk yaalfu wala betifu, fu faanuk na bo' yiliis.» <sup>28</sup> Ee mi, mi wo"úu man: baa fu malak beti mooroomfu bi helfu tes garinaa, fu dúkin betifu, fu faanukka na betifaama ga helfu. <sup>29</sup> Binaa en lak kuhaskaagaraa ñaabaa tahhaa kitum baakaaraa, lukitaaja fu jafja di'úsaayí'. Iñaa gën garaada wëri en kiñak bak wíinoo ga faanfigaraa loo faanfigaraa tóohfa jafu ga safara. <sup>30</sup> Ee en lak yah-ñaabaagaraa tahhaa kitum baakaaraa, gúraawa, fu jafwa di'úsaayí'. Iñaa gën garaada wëri en kiñak bak wíinoo ga faanfigaraa loo faanfigaraa tóohfa jafu ga safara.

*Yéesu wo"a ga loo kifasi'*

<sup>31</sup> - Laakin iñaa wo'see an: «baa fu foñ betifunaa, eraari jikëyítja teewoh an fu fasi'inndi.» <sup>32</sup> Wayee mi wo"úu an: béeb baa fu foñ betifu, ee enndii an ya dükkaa hen faanukka na yaal yiliisaa, fu ekki ga kifaanuk na bo' yiliis. Ee baa fu pañ betifaa fasi'u hennaa, iñaa kidük betifu fu faanuk na beti filiis.

### *Yéesu wo" a ga loo kiwaatuk*

<sup>33</sup> - Dú kelohin ban an wo'see caasamuncaa an: «Kaa waatuk sooy, wayee iñaa fu waatukin kitum ga fíkíi Ha'mudiinaa, tumaari»; <sup>34</sup> wayee mi, mi wo"úu man: Kaa waatat hen dara. Enndii ga teekii dook-Kooh, ndaga Kooh yunj daama kinguuruk. <sup>35</sup> Enndii ga teekii kakayfii ndaga Kooh tum da ditogaa' kotci. Enndii ga teekii Yéerúsaleem, ndaga daama en teeraa buurii yiyaakyii. <sup>36</sup> Kaa waatuk ga hafigaraa ndaga fu mínoo kiyaanaawi' wala kisúusúusí' kufen jíinoo ga. <sup>37</sup> Wo'eenndúu en "Eheenaa", enat "Ehee". En ó'ónaa enat "ó'óo". Iñaa baatuk ga béeb, meyoh ga Sneytaani.

### *Iñaa Yéesu jégíroh ga loo ki'eldükda*

<sup>38</sup> - Dú kelohin wo'u an: "Kobot baam fayohsi baam"; <sup>39</sup> wayee mi, wo"úu an: bo' tummbúu iñaa meskinaa, kaa éldükat. Binaa bo' múttaa pa' ga ñaamaagaraa ñaabaaanaa, eraari wiinoowaa ban. <sup>40</sup> Binaa bo' waa'taa kibay waas kite' túrkaagaraanaa, iisdaari ban sibidooraa. <sup>41</sup> Binaa bo' gitínndaa kitíin gaaf cijúnninaa, tíidaa nari cijúnni-kanak. <sup>42</sup> Bo' kíimmbaanaa onaari, ee kaa sañ kilúun baa hayinndaa kilúuduk.

### *Yéesu nakoh kiwaa' baa sañngaa*

<sup>43</sup> - Dú kelohin wo'u an: «Waaraa baa en filiifu, fu sañ baa waa'tii garaa kihot»; <sup>44</sup> wayee mi, mi wo"úu an: Waarat buwii waarrussii garúu kihotda ee buwii hatallúu ga kipesda, dú kíimdsiba Kooh. <sup>45</sup> Dú tumkanaa, dú hay ki'en towutii Paamudiigarúu en ga dookda. Ndaga nohiigari ya oninwa buwii joffii na buwii jofinda. Ya towi ga dook buwii júwinda na buwii júbpiida. <sup>46</sup> Binaa en lak dú waa' buwii waa'túuda rekaa, neehalii wiida wérí dú laakan ga iñama? Iñama, bi ga juuticci sah tumsinndi. <sup>47</sup> En lak dú këñdohi na bo"úu dogaa, dú tum ya daama yiyékí? Iñama, bi ga yiifa'cii tumsinndi. <sup>48</sup> Kon enat buwaa matin, fodii dii Paammbúu yii ga dook matda.

## 6

### *Iñaa Yéesu wo' ga loo kisarahohda*

<sup>1</sup> - Binaa dú en na kitum iñii Kooh nakohfanaa, abukat ga kiheel kihotuk bi tah dú tumika ga fíkíi buwii béeb. Enndiikanaa, dú laakanndii neehal wiinoo ga Paammbúu yii ga dookda. <sup>2</sup> Kon binaa fu en na kisarah baa laakoonaa kaa tip han, kiwaa' kiyéeguk, fodaa daa buwaa bíinoo jójófduki tumsi ga díuy jaangu-yaawúu'caa na mbediccaa, kiheel buwaa ndamba. Mi wo"úuka ee kayoh; ba laasin neehalaagaba kuméeñí'. <sup>3</sup> Wayee fu, binaa fu en na kisarah baa laakoonaa, yah-segaagaraa hanat ki'ínoh iñaa yah-ñaabaaagaraa tumda, <sup>4</sup> doonaa sarahaagaraa daakuk, ee paamfu yii hotin ga iñaa daakukinda, hayyaaka ki'ík.

<sup>5</sup> Ee binaa dú en na kikíim Koohaa, kaa madat na buwii bíinoo jójófdukida. Ba waari kituuk ba kíimi Kooh ga díuy jaangu-yaawúu'cii na sal-waascii doonaa béeb hotba. Mi wo"úuka ee kayoh; ba laasin neehalaagaba kuméeñí'. <sup>6</sup> Wayee fu, fu en na kikíim Koohaa, aasaa túuyaagaraa wéñ kidaakuk ga kaanfuða, fu lañ halaa, fu kíim

\* <sup>5:38</sup> 5: 38 Yéesu ñewaat wo'eenaa bídu ga Kéyítfaa kifiliimunkaa kudsewaakaadfa an: «kuhas na kuhas, sis na sis, yah na yah, kot na kot», ee waa' kiwo' an ki'eldük hídat na tooñaa fu tooñufa, hanat kiwéñ. Eksoot 21: 24; Léwítik 20: 40; Dëteronom 19: 21.

Paamudiigaraa. Ya yaa da, ga dëkataa widaakukí'waama. En danaa, Paamudiigaraa hotin ga iñaa ñaakukinda hayyaaka ki'ík.

### *Yéesu yëedí'ta buwaa kikiim Kooh*

<sup>7</sup> - Binaa dú en na kikiim Koohaa kaa madat na yiifa'cii, dú am ga kiwo' rek dú ínohoo kilëehí'. Ba foon an ba yewin tiwo'aa Kooh tumi'ba iñaa ba kíimda. <sup>8</sup> Kaa ëldúkohatba. Iñaa dú sooluk, balaa sah dú kíimmbi Kooh, Paamudiigarúunaa, lak ya ínohinndi haat. <sup>9</sup> Kon dú jom kikím Kooh anee:

«Paammbíi yii ga dookfa,  
béeþ buwii ínohat kisela'kii teekiigaraa,

<sup>10</sup> Nguuriigaraa le'at dii,  
Iñaa fu waa'da laakat ga kakay,  
fodaa ka laak ga dookfa.

<sup>11</sup> Onaaríi iñaa dí jom kiñam ga besii watida.

<sup>12</sup> Bayalaaríi baakaa'cii dí tumida,  
fodaa dí ban, dí bayalin buwaa tooñnjíida.

<sup>13</sup> Ee kaa íissíi dí keen ga fí' Seytaani,  
wayee mûsalaaríi ga sépí'i'-ga-nofii,  
[ndaga fu yérí laak kinguuruk,  
fu yérí laak kimín, fu yérí laak ndam, bi taa'.

Aameen]\*.»

<sup>14</sup> En ki'ena, binaa dú bayal buwii iñcii ba tooñirúudanaa, Paammbúu yii ga dookfa hayyúu kibayal ñan. <sup>15</sup> Wayee binaa dú bayallii ñuwiinaa, Paammbúu yii ga dookfa ñan bayaloorúu baakaa'ciigarúu.

### *Yéesu wo' ga loo ki'oo'*

<sup>16</sup> - Binaa dú en na ki'oora, kaa súuñdukat fodii dii buwii jójódfuki tumsida: ba api faancaagaba kiteeb buwaa béeþ an ba oorin. Mi wo'"uuka ee kayoh; ba laasin neehalaagaba kumëeñí'. <sup>17</sup> Wayee fu, binaa fu en na ki'oora, sémúluka bi set, fu la'koleñ hafaagaraa, <sup>18</sup> doonaa fu teewoo buwaa an fu en na ki'oo'. Paamudiigaraa hotin ga iñaa ñaakukinda doj ínohanka. Ee Paamudiigaraa hotin ga iñaa ñaakukinda hayyaaka ki'ík.

### *Heelat kilaak alalaa ga dookfa*

#### *(Lükkaa 12: 33-34)*

<sup>19</sup> - Kaa négírohdat haffúu alal ga ëldúna. Dii, maasoh na homaak míniñwa kilaas, yasohwa, ee lokcii míniñ kihay pook kaan, bayuwa. <sup>20</sup> Namat kinégírohi' haffúu alal ga dook, daa maasoh na homaak míñsoowa kiyasoh ee lokcii míñsoo kihay, pooku kaan, ba baywa. <sup>21</sup> En ki'ena, daa alalfu enoh béeþ, keeñfu waa da ñan.

### *Kuhas, lampu ga faan*

<sup>22</sup> - Kuhas kérí en lampii faanfii. Kon binaa dara enndii na kuhasfunaa, faanfaagaraa tóohfa yah ga lee'laat. <sup>23</sup> Wayee binaa tuhastaagaraa mesikaa, faanfaagaraa béeþfa en ga ñúus. Kon binaa lee'laatii en garaadfa ñúusaa, waama ñúus hídan na kitérúus!

### *Yéesu nakoh ki'óoluk Kooh*

<sup>24</sup> - Ken mínoo kisúrga'uk ga ha'-kaan banak. Faw fu saj yíinoo, fu waa' yaa tesfa; wala fu taabuk yíinoo, fu foñluk yaa tesfa. Dú mínoo ki'atukoh kitop Kooh na kitop héelís.

<sup>25</sup> - Iñamaa tah mi wo'"úu an: kaa bítukat ga ñamahaa [wala anahaa] dú laakan sooli kipesoh wala yéerícaa dú laak sooli ki'ekuk ga faanndúufa. Ndaga kipes kérí

\* <sup>6:13</sup> 6: 13 Lóogíohcii ñeþda laakoo wo'eencii ga ñuuñ hëlfí-júbciiida

wëñ kilaak solu ñamah ee faan férí wëñ yéerí kilaak solu. Enndii dee? <sup>26</sup> Malkat ga selii púdida. Ba sokoo, ba píkoo, ba laakoo dap, ee Paammbúu yii ga dookda yii ñémi'ba. Enndii dú wëñ selii púdida kilaak solu fúufe? <sup>27</sup> Bii yiida garúu míñ kibaat iñaa hín na siñdaa jokon ga kipesci, bi ya bítuki ga coonucaagari?

<sup>28</sup> Kon iñii tahhúu kibítuk ya ga iñcaa dú ekukan? Malkat ga pëegíi-nduhumfii fimórí'fii ga ëgíriida na ga dii fa kolukida: fa lëgëyoo, fa foliloo. <sup>29</sup> Wayee mi wo"úuka, bi ga buu' Salomon na alalaagari tóoh, ya ekukkii kúltícaa hín kimo' na wíinoo ga pëegíi-nduhumcii. <sup>30</sup> En lak Kooh yérí móri' fodaama pëegíi-nduhumfii fimórí'fii ga ëgírii wati, ee kuwisaa fa yah kijafu ga kiwii doñdanaa, wëñaa ga, dú ga kihaffúu, ya ekoorúu bi jofe? Ngëmiigarúu daal dooyyii! <sup>31</sup> Kon kaa bítukat rek ga kiheel iñaa dú ñaman, na iñaa dú anan, na iñaa dú ekukan. <sup>32</sup> Béeb iñcumá buwii ga ëldúna ee ínohssoo Koohda bérí tumi lëgëy kiheelca. Wayee, Paammbúu yii ga dookda ínohin an dú laakin sooli gaca. <sup>33</sup> Namat kideb kiheel Nguurii [Kooh] na kitum iñaa ya nakohda. Ee iñaa tes dú laak sooli gadfa, Kooh hayyúuri ki'e'. <sup>34</sup> Kuwis hanattúu kibít. Kuwis hay kihëwí' hafwa, ndaga besaa en béeb coonufaa gadfa dooyin ga.

## 7

### *Yéesu wo'"a an ken hanat ki'atti' mooroomci (Lúkkaa 6: 37-38,41-42)*

<sup>1</sup> - Kaa atti'at ken, en danaa Kooh atti'oorúu. <sup>2</sup> En ki'enaa, Kooh atti'anndúu fodaa dú atti'i bimooroommbúuda. Ee nataa dú natoh buwiida, wëri dú natohohsan. <sup>3</sup> Iñii tah ya fu malaki bolaa en ga kuhaskaa mooroomfu, ee fu mínoo sah kimalaksukoh dúuñii ga kuhaskiigaraada. <sup>4</sup> Fu yii fu bay dúuñ ga kuhaskiigaraada, fu míñ na kiwo' mooroomfu an: «Íisa mi nísí'taa bolii en ga kuhaskiigaraada»? <sup>5</sup> Fu yii fu jójfódfuki ga fíkíi buwiida, dëwaa kinís dúuñii ga kuhaskiigaraada, en danaa fu hay kihot dijófi' bi fu míñ kinís bolaa ga kuhaskaa mooroomfuda.

<sup>6</sup> Kaa jafdat baaycaa iñaa setin ga fíkíi Kooh enndiikanaa ba míñin kiméeñsuk ga dsookkúu döwussúu. Ee ban kaa weesat siimii-pemiciigarúu ga fíkíi mbaamcii, enndiikanaa, ba yahca kitogisoh doñ.

### *Kíimat, heelat, fëekírat, Kooh hayyúu kitaas (Lúkkaa 11: 5-13)*

<sup>7</sup> - Kíimat, Kooh hayyúu ki'on. Heelat, dú hay kihot. Fëekírat, dú hay kilégísdú. <sup>8</sup> En ki'enaa, baa kíim béeb, onu; baa heel béeb, hot; ee baa fëekí' béeb, hay kilégísdú. <sup>9</sup> Bii yiida garúu eran kowukaagari atoh binaa ka kíimmbi mbúurúnaa? <sup>10</sup> Wala ya e'ka goñ binaa ka kíimmbi jënaa? <sup>11</sup> Kon dii dú hín kibonda, en lak dú bérí míñ ki'on towutaagarúu enaama cijófíraa, wëñaa ga Paammbúu yii ga dookda. Buwaa kíimmbi enaama cijófí'da, ya onoobacane?

<sup>12</sup> Kon béeb iñaa dú waa' bimooroommbúu tumi'túunaa, dú ban tumdatbari. Waasii Móyíis na iñcaa sëldíiga-Koohcaa wo'da, nakohu iñaama.

### *Halcaa kanakcaa (Lúkkaa 13: 24)*

<sup>13</sup> - Aasohat halaa wiýinwaa. En ki'enaa, halaa ëewdoh bo' ga kisañku'da agin, ee waasaa aaw gada newin kitaaboh\*. Yewinin buwaa taam ga waasaama. <sup>14</sup> Wayee halaa ëewdoh bo' ga kipeskaa leehoo taa'da hatin, ee waasaa aaw gada newoo kitaaboh. Yewinndii buwaa míñwa kihot.

\* <sup>7:13</sup> 7: 13 Ga Këyítcaa cidewaaca laakin baa bín an: «waasaa ëewdoh bo' ga kikaanda agin ee newin kitaaboh.»

*Kedik ínohsohsí ga towutaa ka límda*  
*(Lúkkaa 6: 43-44)*

<sup>15</sup> - Watukat haffuu ga buwii tík haffba bisëldíiga-Kooh ee lak sabohda. Ba hay garúunaa, ba teewoh kidoooy en fan baal, ee lak ga d'uuuy keeñcaagaba, ba iñcaa bigumuú bisóotí'. <sup>16</sup> Dú ínohsohanba ga tumeencaagaba. Bo' mínan na kibeen kowu reseñ ga pëegíi-ñaawaab wala kowu een ga ka'ka'? <sup>17</sup> Kedik kijóff'kaa en béeb lími towu timórí', wayee kedikkaa d'úukoolin lími towutaa moroo. <sup>18</sup> Kedikkaa jofin mínoo kilím towutaa moroo, ee kedikkaa d'úukoolin mínoo kilím towu timórí'. <sup>19</sup> Kedikkaa límmibii towu tijóff' béeb, hay kigúru, jafu ga kiwii. <sup>20</sup> Kon fodaama, buwaa tík haffba bisëldíiga-Kooh ee lak sabohda, dú ínohsohanba ga tumeencaagaba.

*Buwaa en téelibée kayoh-kayohda*

<sup>21</sup> - Enndii an béeb buwii bayiroo «\*Ha'mudii, Ha'mudiida» bérí aasan ga Nguuraa Kooh ga d'ookda; bii tumi iñii Paammboo yii ga dook waa'da bérí yah ki'aas. <sup>22</sup> Besaa Kooh yah ki'atti'oh buwii le' bériinaa, hay kiyewin buwaa wo'anndoo an: «Ha'mudii, Ha'mudii, man dí yéegalohée wo'eenaa Kooh ga teekiigaraa. Dí kaalla rabcaa abee buwaada ga teekiigaraa. Dí tummba kíntaan ciyewin ga teekiigaraa!»

<sup>23</sup> Wayee mi hayba kilof an:

- Mi mosoorúu ki'ínoh, úsaayattoo, dú bii dú meerin kitum iñaa joffiida.

*Kaancaa kanakcaa*

<sup>24</sup> - Kon béeb baa keloh wo'eenii mi meyoh kiwo'da, ee ya taabukiwa ga tumeencaagarinaa, hay kimédírohu na bo' yiñéeñí' yaa tawah kaanci ga atoh. <sup>25</sup> Tob wiyewin keennda bi baalcaa líiffa. Wambalaan na urisaa tapukka ga kaanfaama, fa bú'tii ndaga fa yípsee ga atoh. <sup>26</sup> Wayee béeb baa keloh wo'eenii mi meyoh kiwo'da, ee ya taabukkiwa ga tumeencaagarinaa, hay kimédírohu na bo' yiñékkí'-hel yaa tawah kaanci ga dook koleñ. <sup>27</sup> Tob wiyewin keennda bi baalcaa líiffa, wambalaan na urisaa tapukka ga kaanfaama, fa bú'ta, béebsfa tassa taras.

<sup>28</sup> Ga waa Yéesu lëehí'ta kiwo' iñcaama, béeb buwaa waaru'ussa ga jégírohaagari.

<sup>29</sup> En ki'ena, ya madéeríi na jégíroh-waasca. Ndaga ya en kijégírohaa, ya yérémoo wo'eenci.

## 8

*Yéesu wëki'ta baa bay d'úukool-gaana*  
*(Marka 1: 40-45; Lúkkaa 5: 12-16)*

<sup>1</sup> Daa Yéesu yoosukee janjagaa, mbooloo wiyaak taabukkari. <sup>2</sup> Laakka baa bay d'úukool-gaana, ya deeyca gari, yí'a ga fíkiici, wo'ari an:

- Ha'mudii, fu waa'kanan, fu mínnidoo kiwékkí\*.

<sup>3</sup> Yéesu léríssa yahaagari, le'a ga baa, wo'ari an:

- Mi waarinka, waka! Ga saasi, baa wakka ga d'úukool-gaanaa. <sup>4</sup> Lëehí'ta Yéesu wo'ari an:

- Abukaa ga kiwo' bo' iñii mi tumi'taadfa, wayee kara, fu teewohnee haffu ga sarahohaa, ee fu tum sarahaa Móyíis nakoh ga kisetkiigaraadfa. En danaa, iñaama hay kiteeb béebs an fu setin<sup>5</sup>.

*Yéesu wëki'ta súrgaa soldaaraa yiyaakyaa*  
*(Lúkkaa 7: 1-10)*

<sup>5</sup> Lak Yéesu yaa aas teeraa Kafarnawom, soldaa', yaa kuliuki bo' bítéemée' ga heñ, deeyca gari, kiimmbari <sup>6</sup> an:

\* <sup>8:2</sup> 8: 2 Fu mínnidoo kiwékkí': wo'u an: «Fu mínnidoo kisétí」. D'úukool-gaana ga baahaa yaawúu'caa enee d'úukoolaa hoonohi d'úukoolíraa kideey buwaa. Baa wak ganaa man na ya séti'siru ga yen yisépí'i'. <sup>8:4</sup> 8: 4 Malkat Léwítik 14: 2-32.

- Kiyaakii, súrgaagoo d'úukoolin bi mínoo kikoluk, yaa faanukka ga kaan ee sodin lool.

<sup>7</sup> Yéesu wo"ari an:

- Mi hay kika', mi wëkí'ti.

<sup>8</sup> Baa wo"a Yéesu an:

- Ha'mudii, joobinndoo fu aas Kaanndoo, wayee wo'aa wo'een wiinoo rek, súrgaagoo wak. <sup>9</sup> Mi ga kihaffoo, mi laakin buwaa hanohhoo dook, ee mi laakin soldaa'caa hanohussoo kakay. Binaa mi wo' yii an karanaa, ya ka'; mi wo' yiinoo an hayanaa, ya hay; ee binaa mi wo' súrgaagoo an tumaa iñii yiinaa, ya tummbi.

<sup>10</sup> Daa Yéesu kelohee wo'eencaama, ya waaru"a ga soldaaraa yiyaakyaa. Ya wo"a buwaa taabukeerida an:

- Mi wo"úuka ee kayoh; ga bu-Isarayeel, mi mossii kihot ken baa laak ngëmaa hín na wii garoo. <sup>11</sup> Ee mi wo"úu an bo' biyewin hay kimeyohu meyaa'-noh na aasaa'-noh, ba bok kanu na Abaraham, Ísaak na Yakoop ga Nguurii yii ga dookda. <sup>12</sup> Wayee buwaa jomee ki'aas ga Nguurii yii ga dookda hay kijafu ga fooh ga ñúusaa, daa kikodukoh na ki'únoh sís yah kilaakda.

<sup>13</sup> Lëehí'ta Yéesu wo"a soldaaraa yiyaakyaa an:

- Tiida fu yee kaanfu, ka laakohat fodum fu gëmkada. Ga wahtaama siiy, súrgaa soldaaraa wakka pelej.

### *Yéesu wëkí'ta payam Simon na bibo' biyewin biliis*

(Marka 1: 29-34; Lúkkaa 4: 38-41)

<sup>14</sup> Waa ennda ña, Yéesu ka'ta kaan Pee', ya laak payam Pee' yibeti yii ga dook fayaan, d'úukoolin ee faanfaa tamin jír. <sup>15</sup> Yéesu ammbari ga yah, tamohlaataa faanfaa dalla kiyím, lëehí'ta ya kolukka, ya aawwa kitoputu' Yéesu.

<sup>16</sup> Ga noh-soosaa, Yéesu haydohfussa bibo' biyewin baa rab am. Ya kaalla rabcaa na doolaa wo'eñaagari ee ya wëkí'ta d'úukoolí'caa béeħba. <sup>17</sup> Fodaama, iñaa Ísayíi, sëldíiga-Koohaa wo'eeda matta. Ya wo'ee an: «Ya bëwin ga hafci coonuciigaruu, ya koorukin d'úukoolciigaruu.»

### *Buwaa waa' kitaabuk Yéesuda*

(Lúkkaa 9: 57-62)

<sup>18</sup> Daa Yéesu hotee mbooloomaa wiilinndi, ya ebilla télibéecaagari an:

- Du paafat bakii giyyii hanoh gaada.

<sup>19</sup> Laakka jégíroh-waasaa deey gari, wo"ari an:

- Jégírohii, daa fu yah téoh, mi hayyaa kitaabuk.

<sup>20</sup> Yéesu wo"ari an:

- Tílcii laakuunun d'úl ee selcii ga asamaanda laakuunun taal, wayee Kowukii bii laakoo daa ka leeman hafiigari.

<sup>21</sup> Bo' yiliis ga télibéecaagari wo"ari an:

- Ha'mudii, onaaroo paay mi ka' ki'acnee paammboo.

<sup>22</sup> Wayee Yéesu wo"ari an:

- Taabukaaroo, fu íis buwaa kaaninda ña ac buwaagaba kaanda.

### *Yéesu tuuki'ta uuris wiyaak*

(Marka 4: 34-41; Lúkkaa 8: 22-25)

<sup>23</sup> Lëehí'ta Yéesu aassa ga gaal-loocaa, télibéecaagari taabussa nari. <sup>24</sup> Uuris wiyaak dalla kiyíp ga giyyaa bi d'úuscaa caa yah ki'úul gaal-loocaa. Wiima lak Yéesu yii neeh. <sup>25</sup> Télibéecaa hayussa gari, yúudussari na tifiip an:

- Ha'mudii, somaaríi, kikaankii kii hayyuu!

<sup>26</sup> Yéesu wo"aba an:

- Iñii tähhúu ya kiniik hínda? Dú daal ngëmiigarúu yëgíssii!

Waa ennda dfa, ya kolukka, gëtta uurisaa na giiyaa, tóoh ennda selew. <sup>27</sup> Ba jaahli''a lool, ba baa wo' an:

- Moo bii yii yérí en ba bi uurisii sah na giiyii tumsi ga iñaa ya nakohdā?\*

*Yéesu wëki'ta bo' banak baa rab am  
(Marka 5: 1-20; Lükkaa 8: 26-39)*

<sup>28</sup> Ga waa Yéesu le''a bakaa giiyaa Gëlilée hanoh gaa, ga kúlkaa Gadaraada, bo' banak baa rab am, meyohussa ga loycaa†, gú'dukohussari. Buwaama namee kisoot hen bi ken kaañéerí kikooroh waasaa waama. <sup>29</sup> Ba aawwa kifiip an:

- Fu naríi ya, fu Kowukii Kooh! Kitummbíi iñaa meskin haydohhaa dii ee wahtii le''ii duume?

<sup>30</sup> Wiima lak ga disam di'usaayí laakin yop-mbaam-parki wiyaak waa en na kiníiru daama. <sup>31</sup> Rabcaa am buwaada kiimussa Yéesu an:

- En an fu yahhií kikaal dí meyoh ga buwii biinaa, ekaaríi ga yop-mbaamaa wúunee!

<sup>32</sup> Yéesu wo''aba an:

- Tíidat dú aas gabá!

Rabcaa meyohussa ga buwaa, aasussa ga mbaamcaa. Ga saasi béeb yopaa írkísukohha dlook janjagaa, wa keennda ga giiyaa, wa muu'ta.

<sup>33</sup> Buwaa níi'see yopaadá núpussa, aasussa teeraa, ba béstí'ta tóoh iñaa laakdá, na iñaa dal buwaa banakbaa rabcaa abeeda.

<sup>34</sup> Waa ennda dfa, béeb bu-teeraa meyussa kigú'dukohnee Yéesu. Daa ba hoteeri, ba kímmbari ya mey gohaagaba.

## 9

*Yéesu wëki'ta baa lafañin*

*(Marka 2: 1-12; Lükkaa 5: 17-26)*

<sup>1</sup> Waa ennda dfa, Yéesu aassa gaal-loocaa, ya húusissa giiyaa Gëlilée, ya boyukka teeraa ya dëkohdá. <sup>2</sup> Daama ya haydohfussa baa lafañin ee faanuk ga dlook gatan. Daa Yéesu hotee ngëmaagaba waama, ya wo''a lafañaa an:

- Yaal, helfu dalat, baakaa'cumgaraa bayaluununndaa.

<sup>3</sup> Jégíroh-waascaan baa wo' ga dñuyba an:

- Bii yii basin Kooh!

<sup>4</sup> Wayee Yéesu ínohha iñaa en ga helcaagaba, wo''aba an:

- Iñii tah ya dú laak halaatcum cibóni'cuma ga helciigarúu? <sup>5</sup> Kon iñii yiida wëñ kiyoob kiwo' lafañii? Kiwo''i an «Baakaa'cumgaraa bayaluununndaanoo», kiwo''i an «Kolka fu tíin»? <sup>6</sup> Wayee bi dú ínoh an ga éldúna Kowukii bii onuunun kibayal baakaaraa, malkat:

Ya wo''a lafañaa an:

- Kolka, bewaa gataniigaraa, fu yee kaanfu!

<sup>7</sup> Baa kolukka, yaa yah kaanci.

<sup>8</sup> Daa buwaa hotee iñama, ba dalla kitíit, ba baa ndam Koohyii on bo'-súusúus kimín kitum iñaa hínda kiyakdá.

*Yéesu bayya Mëccëe*

*(Mëccëe 2: 13-17; Lükkaa 5: 27-32)*

<sup>9</sup> Yéesu meyca, yaa yah. Ya hotta baa teeku Mëccëe, yugin ga daa buwaa fayohi juutida. Yéesu wo''ari an:

- Taabukaaroo!

\* <sup>8:27</sup> 8: 27 Médírohat na Kañcaa 65: 8; 89: 10; 107: 23-32. † <sup>8:28</sup> 8: 28 Loycaa waama, ga iñaa wëñ kiyewinda, tumsee ga atohaa bayin noj wala acu ga dñuy atoh ciyaak.

Mëccëe kolukka yaa taabuk Yéesu. <sup>10</sup> Laakka bes, Yéesu yunjga kiñam ga kaan Mëccëe. Juuti biyewin na bibo' biliis bibóni', hayussa, bokussa na Yéesu kanu, ya na tēelibéecaagari. <sup>11</sup> Férísiyeencaa hotussa iñama, wo'ussa tēelibéecaa Yéesu an:

- Iñii tah ya jégírohiirúu bok kiñam na juuticii na buwii bibóni'bii bii? <sup>12</sup> Wayee Yéesu kelohhaba, loffaba an:

- Buwii dara gaa nabada enndii ba laak sooli ga payoh, wayee buwii dúukoolda bëri laak sooli ga. <sup>13</sup> Karat, dú heel ki'ínoh iñaa wo'eenii wii waa' kiwo'da: «yërmäandi wëñnjoo kinebloh kisarahoh júu'»<sup>§</sup>, ndaga mi hayyiï ëldúna kibay buwii tik hafba bibo' bijuwí'fa, wayee mi hay kibay ha'-baakaa'cii.

### *Yéesu wo'"a ga loo ki'oo'*

(Marka 2: 18-22; Lúkkaa 5: 33-39)

<sup>14</sup> Waa ennda da, tēelibéecaa Sanj hayussa ga Yéesu, ba meekissari an:

- Iñii tah ya dí na Férísiyeençii dí oori ee tēelibéeciigaraa oo'soo?

<sup>15</sup> Yéesu loffaba an:

- Bedohcaa ha'-kilookkaa, mínan na ki'en keeñba newoo ee lak ha'-kilookkaa yaa naba? Wayee bes waa hay, waa ha'-kilookkaa hay kibewohu ga leelooba; le' bëriinaa, tēelibéeciigoo hay kidalu ki'oo'. <sup>16</sup> Ken daafoo píis wi'as ga líl-kultí, ndaga píisaa wi'aswaa hay kibaydoh yen ga líl-kultaa, wa tum d'araa wëñ kiyak. <sup>17</sup> Ee ken tumoo biiñ\* wi'as ga mbúus-oncaa maañin. Enndiikanaa biiñaa lúudaa, mbúuscaa pook, biiñaa aamuk, mbúuscaa yasukoh. Biiñ wi'as kay tumsi ga mbúus-on ci'as, en d'anaa ca béebsca ca míñ kimaañ.

### *Kowu baa kuliuk ga jaangu-yaawúuraada na Betifaa le'ee ga Yéesuda.*

(Marka 5: 21-43; Lúkkaa 8: 40-56)

<sup>18</sup> Lak Yéesu yaa lís kiwo' fodaama, bo' yaa kuliuk ga yaawúu'caa hayya, yí'"a ga fíkiici, wo'"ari an:

- Kowuroo kibeti han kikaan diima-diima, wayee hay fu tikki yahciigaraa ee ka hay kipesis.

<sup>19</sup> Yéesu kolukka, yaa yah na baa, ya taammba na tēelibéecaagari.

<sup>20</sup> Laakka betifaa daanee kimeydoh ñíf rek iñaa le'in tikis tidaanjkaah na tanak; fa koorohha fenoo, le'"a ga pawaa kultífaa Yéesu, <sup>21</sup> ndaga fa wo'ee ga helci an: «Binaa mi le' rek ga kultífaagarinaa, mi hay kiwak.» <sup>22</sup> Yéesu heelukka, hottari, wo'"ari an:

- Jowu, helfu dalat, ndaga ngëmumgaraa wëkfinndaa. Ga wahtaama sii' betifaa wakka.

<sup>23</sup> Yéesu le'"a kaan baa yaama kuliuk ga yaawúu'caada, ya hotta mbiwochcaa<sup>†</sup>, ee lak coowaa ban d'úukin pút ga mbooloomaa, ya wo'"aba an:

<sup>24</sup> - Meyat fooh! Ku'oomaa-jowukii kaanndii, ja en na kineeh rek. Daama, buwaa baa ciibsukki. <sup>25</sup> Buwaa meydohussa fooh, lëehí'ta Yéesu aassa túuyaa. Ya ammba yahaa ku'oomaa-jowukaa, ja kolukka.

<sup>26</sup> Iñaa hew yaama síwwa ga d'uuuy gohaama béebswa.

### *Yéesu wëkí'ta búumi' banak*

<sup>27</sup> Yéesu meyohha daama, ya yaa yah. Laakka búumi' banak baa taabukki ee ba baa fiip an:

- Kucaasamunkii Dëwít, yërëmaarí!

<sup>28</sup> Ga waa Yéesu le'"a kaanfaa, búumi'caa hayussa gari, ya meekissaba an:

- Dú gëmin an mi míñin kitum iñii dú kímmboofane?

Ba taassa an:

- Ee, Ha'mudii, fu míñinka.

\* 9:13 9: 13 Malkat Osee 6: 6. \* 9:17 9: 17 Biiñ wi'as Biiñ enee anahaa yaawúu'caa mee'see ki'an ee meyoh ga kowu reseñ. † 9:23 9: 23 Mbiwochcaa ba bok ga típohcaa daanee kibayu ga hew loy. Ba taabi na beti-looyohcaa kihúmbal loycaa.

**29** Yéesu dalla kile' ga tuhastaagaba, wo''a an:

- Iñii dú kíimda laakat fodii dú gëmkada.

**30** Tuhastaagaba dalla kilégísuk, ba baa hot. Lëehí'ta Yéesu gëttaba, wo''aba an:

- Watukat! Ken hanatka kiyéen!

**31** Wayee daa buwaa meyee, ba síwi'ta teekaa Yéesu ga gohaama béebwa.

### *Yéesu wëki'ta baa luub hen*

(Lúkkaa 11: 14-15)

**32** Ga wahtaa búumí'caama meyu kiyahfa, Yéesu haydohdfussa baa rab am, luuþlukohhari. **33** Yéesu kaalla rawaa, luuwaa aawwa kiwo'. Buwaa waaru''a ga lool, ba baa wo' an:

- Iñaa man na yii, ken mosoori kihot ga Isarayeel.

**34** Wayee Férísiyeencaa ba wo'ee an:

- Buurii rabcii, yëri onndi dooli kikaal rabcii ga buwii.

### *Yéesu laakka yërmaandi ga mbooloomaa*

(Marka 6: 6,34; Lúkkaa 10: 2)

**35** Yéesu yaa wiil béeb teerucaa na dëk-kawcaa, ya yaa jëgíroh ga jaangu-yaawúu'caa, ya yaa jangat ga loo Hewhewii winéwí'wii wo' ga loo Nguuraa Koohða. Ya yaa wëki' dúukoolcaa buwaa béebsca na béebsca iñcaa mesik buwaadfa.

**36** Daa Yéesu hotee mbooloomaa enin nérëm ndaga coonu en fan baalcaa laaksoo níroh, ya laakka yërmaandi wiyaak gafa. **37** Ya dalla kiwo' télibéecaagari an:

- Piikii yewinin ee píikohcii caakussii. **38** Kon kíimat ha'-piikii ya baat kiwosoh bilégéyoh ga píikiigari.

## 10

### *Yéesu bayya apotaa'caagari*

**1** Waa ennda ða, Yéesu bayya télibéecaagari bidaankaah na banakbaa, ya onndaba dooli kimín kikaal rab ga buwaa na kiwëki' dúukoolcaa buwaa béebsca na béebsca iñaa mesik buwaadfa. **2** Teekcii apotaa'cii bidaankaah na banakbii cérí cii: yaa debða, Simoñ yaa baysi Pee'ða, na Andari këmëenjkici, towutaa Sebedee: Saak\* na Sanj këmëenjkici, **3** Filiip na Bartulëmíi, Toomaa na Mëccëe juutaa, Saak kowukaa Alfee, na Tadee, **4** Simoñ selootaa†, na Yúdaa Iskariyot yaa onan Yéesu bíñða.

### *Yéesu wossa apotaa'caagari bidaankaah na banakbaa*

**5** Buwaa bidaankaah na banakbaama bëri Yéesu wosee, ya dígallabá an:

- Kaa karat gohcaa buwaa enussii yaawúu' dëkohfa ee kaa aasat teerucaa ga kúlkaa Samariida. **6** Namat kika' ga buwaa ga heetaa Isarayeel müuyunun fodii bibaalða.

**7** Daa dú kooroh béebs, yéegalohat an: «\*Nguurii yii ga dookfa deeyin, wii dii!»

**8** Wëkðat dúukoolí'caa, milísdat buwaa kaaninda, sétírat buwaa gaana'indfa, kaalat rabcaa ga buwaa. Dú onuunun ee dú meekisohussii dara ga, onohat ban ee kaa meekisohat dara ga. **9** Kaa baydohat dara ga poossúu, enndii wúrúus, enndii hëelís, enndii pérëm. **10** Kaa baydohat dara ga baawaagarúu, enndii hëmbu, enndii kúlti fisúmíyukaah, enndii ñafa', enndii doo', ndaga lëgëyohaa en béebs jomin kiñam<sup>☆</sup>.

**11** Dëk-teeru wala dëk-kawaa dú míñ ki'aas béebs, meekisohat ati laakin bo' yilëekí'-haf yaa mínnđúu kitook ga kaanci; dú dal ga kaanfaama bi ga daa dú kolukohan da. **12** Dú en na ki'aas kaanfaanaa, këñdsat bu-kaanfaa an: «Jam namohat narúu!»

\* **10:2** 10: 2 Saak teekaa Yakoobos (Yakoop) wëri enee ga wo'eenaa yaawúu'caa. Malkat ðan ga gúris 10: 3.

† **10:4** 10: 4 Selootaa wo'eenaa dakantilohu ga Simonða wëri e'see lagaa yaawúu'caa waa'see kilaak haffbadha.

Ba daanee kiheñoh þu-Room ee ba tookéerii kifay buu' Sesaa' lempu na ciliis. Malkat ðan Tum 1: 13.    <sup>☆</sup> **10:10** 10: 10 Malkat 1 Korenti 9: 4; 1 Tímotée 5: 17-18.

13 Binaa buwaa dëk ga kaanfaama tookussúunaa, jamaa dú kíimda yoosukat gaba, wayee ba tookkiirúunaa jamaa dú kíimda boykat garúu. <sup>14</sup> Ee kaan wala teeraa dú aasoh, binaa dú tookussii da ee wo'eenndúu sükúrukussiinnaa, meyohat kaanfaama wala teeraama, dú përtuk pëndëlaa ga kotcaagarúuda.

<sup>15</sup> Mi wo"úuka ee kayoh; besaa yah ki'atti'ohuda le'aa, bu-dëkaa Sodom na Gomoo' bëri tani'an bu-dëkaawaama atti'.

### *Coonucaa sek téelibéecaa Yéesuda (Marka 13: 7-13; Lúkkaa 21: 12-17)*

<sup>16</sup> - Sükúrukat, mi yii wossúu fodii bibaal ga leeloo bigumu. Kon taabat na kiteey fodii goj ee dú lewet fodii ho'. <sup>17</sup> Watukat haffúu ga bo'-súusúus, ndaga ba hayyúu kibay paancaa ee ba hayyúu kitíp laawoo ga dhuuy jaangucaagaba. <sup>18</sup> Dú hay kibayu ga fíkii gúwernée'caa na ga fíkii buu'caa ndaga teekiigoo. En danaa, dú en seedi ga fíkii ba na fíkii bëeb heetcii ga éldúnada. <sup>19</sup> Binaa dú bayu paancaanaa, helciigarúu dalat ga daa dú wo'anda na iñaa dú yah kiwo'da. Iñcaa dú yah kiwo'da, dú e'sanca ga wahtaama siiy. <sup>20</sup> En ki'enaa, enndii dú bëri yah kiwo' wayee Helii meyoh ga Paammbúuda yëri yah kiwo' kooroh túuwtiigarúu.

<sup>21</sup> Yaakmun hay ki'eroh këmëenjkici ya tíku kikaan. Paamun hay ki'eroh kowuci ka tíku kikaan. Oomaacaa hay kibebku keenu ga dook paamba na eewba, aplukba. <sup>22</sup> Mi hay kitah bi bo' biyewin hayyúu kisagu. Wayee baa fu guu'guuluk bi ga daa tóoh leehanaa, fu yaama fu hay kimúc. <sup>23</sup> Teeraa dú ka', dú hatalu ga kipessúu daamanaa, núpat, dú ka' teeru wiliis. Mi wo"úuka ee kayoh; dú lëehfoo kiwiil teerucii ga Isarayeelda ee Kowukii bii hayyii.

<sup>24</sup> Téelibée mínoo kipaaf baa jëgítida ee súrga mínoo kipaaf ha'-kaanci. <sup>25</sup> Téelibée heelat kiman na baa jëgítida rek ee súrga heelat kiman na ha'-kaanci rek. En lak ha'-kaadii yëri ba bay Belsebulaa<sup>‡</sup>, wëñaa ga bu-kaanci, ba baysan na?

### *Baa cal kiniikda*

<sup>26</sup> - Kon kaa niikat ken. Ndaga laakkii iñaa míni kidaakuk bi hotukoo ee laakkii iñaa bo' míni kidaak bi meydohsoo faj. <sup>27</sup> Iñaa mi wo"úu ga wek, bëestíratti ga noh tanj ee iñaa dú mëedíru, yéegalohatti ga leeloo paancaa. <sup>28</sup> Kaa niikat buwaa mínu ki'ap faan ee mínsoo ki'ap fítfa. Namat kiniik baa míni kisañku' faan na fít ga safarada. <sup>29</sup> Tudiindii' tanak toonohsirii dëréme? Moona déy, jíinoo gata keenoo kakay ee nebjii Paamudiigarúu. <sup>30</sup> Wayee dú, bi ga fenfi hafciigarúu sah, tóohfa kíduunun. <sup>31</sup> Kon kaa niikat dara, ndaga dú, dú bëri wëñ solu tóoh diindii'cii.

### *Kitook wala kitaasuk Yéesu*

<sup>32</sup> - Baa fu tookkoo ga fíkii buwiinaa, mi ban mi hayyaa kitook ga fíkii Paammboo yii ga dlookda. <sup>33</sup> Wayee baa taasukkoo ga fíkii buwiinaa, mi ban, mi hayyaa kitaasuk ga fíkii Paammboo yii ga dlookda.

### *Yéesu haydohhii jam wayee haydoh kihégískoh*

<sup>34</sup> - Kaa foogat an mi haydoh jam ga éldúna. Mi haydohhii jam wayee mi haydoh kihégískoh. <sup>35</sup> Mi haydoh kihégískoh ga díkaanti kowu kiyaal na paamci, díkaanti kowu kibeti na eeci, díkaanti beti na payamci yibeti. <sup>36</sup> Bo', buwaa waaranndii gari kihotfa, yah bu-kaanci. Yéesu wo"a téelibéecaagari an:

<sup>37</sup> - Baa wëñ kiwaa' paamci wala eeci loo mi, baama joobinndi ya en téelibéeroo. Baa wëñ kiwaa' kowuci kiyaal wala kibeti loo mi, baama joobinndi ya en téelibéeroo.

<sup>38</sup> Baa koorukkii kuraanaagari<sup>§</sup> taabukiroonaa, baama joobinndi ya en téelibéeroo.

<sup>‡</sup> **10:25** 10: 25 Belsebul iñaa teek wiliis waa eru Seytaanii kuliuk ga rabciifa. <sup>§</sup> **10:38** 10: 38 Kuraanaa wëri en kitook kison na kitook ki'eroh kumuunci fodaa Yéesu.

<sup>39</sup> Baa fu waa kisom kumuunfunaa, fu hayka kiñak bi taa'. Wayee baa mi tahhaa kiñak kumuunfunaa, fu hayka kilaakis.

### *Yéesu dígohin enaama cinéwi'*

<sup>40</sup> - Baa te"úu ga kaancinaa lakanaa te"oo, ee baa te"oo ga kaancinaa, te' baa wossoodsfa. <sup>41</sup> Baa te' sëldíiga-Kooh ga kaanci, ndaga ki'en sëldíiga-Koohkaa yaamanaa, ya hay kilaas neehalaas sëldíiga-Kooh jom kilaasdsfa. Ee baa te' bo' yijúwí' ga kaanci ndaga kijúbkaa yaamanaa, ya hay kilaas neehalaas baa yijúwí'ya a jom kilaasdsfa. <sup>42</sup> Luu enee kaas-músú wisóosi' wíinoo doj, baa fu onwa bo' yíinoo ga télibéeciiigoo, yaa ínohoo dara, ndaga dii ya en télibéeroofdانا, mi wo"úuka ee kayoh, fu hay kilaas neehalaagaraa.

## 11

### *Saŋ-Bëtís wosohha ga Yéesu*

(Lúkkaa 7: 18-35)

<sup>1</sup> Ga waa Yéesu lëehí'ta kiwo' télibéecaagari bidaanqkaah na banakbaa iñcaa ya nakba kitumdsfa, ya kolukohha daama, yaa yah ga teerucaa ga gohaada kijégíroh na kiyéegaloh Hewhewaa winéwí'waa.

<sup>2</sup> Ga waa Saŋ kelohha ga d'uuy kasaa iñaa Kiristaa tumdsfa, ya wossa ga télibéecaagari, <sup>3</sup> kimeekis Yéesu an:

- Fu yérí en baa jom kihayfanoo, dí sekan bo' yiliis?

<sup>4</sup> Yéesu dalla buwaa kitaas an:

- Karat, dú béstí'nee Saŋ iñcii dú kelohdsfa na iñcii dú hotdsfa: <sup>5</sup> búumí'cii bii hot, lafañcii bii tún dijófí', gaanacii bii sétíru, dékci bii keloh, faraafcii cii mílís, ee nduulcii bii yéegaloh Hewhewii winéwí'wii. <sup>6</sup> Baa mi tahiiraa kisoof fenoo ga ngémaagaraanaa, fu yewinin múu'!

<sup>7</sup> Télibéecaa banakbaa, daa ba soofee, Yéesu aawwa buwaa kiwo' ga loo Saŋ, an:

- Dú karee kimalaknee ya ga égi'-dúndagaa? Pëegíi-pérúuduufaa en na ki'eguk ga urisaane? <sup>8</sup> Enndiikanaa, dú karee ya kimalaknee? Bo' yaa ekuk kúltí cimóríre? Ee sah buwii ekuk kúltí cimórí'dsa bii ga kaancii buu'cii. <sup>9</sup> Kon dú karee kimalaknee ya daama? Sëldíiga-Koohe? Ee! Mi wo"úuka, baama paafin sah sëldíiga-Kooh.

<sup>10</sup> San yérí en baa wo'u ga Kéyítfaada an: «Mi yii wos bo"oo, yaa dëwrukandaa, kiwaayuki'taa waasum.» <sup>11</sup> Mi wo"úuka ee kayoh; ga buwii límukoh ga betida béeþba, mossii ga kilaak yíinoo yaa wëñ Saŋ-Bëtís kiyak; ee moona déy, baa wëñ kijutuut ga Nguuraa yii ga dookda, yérí wëñ Saŋ-Bëtís kiyak. <sup>12</sup> Iñaa aboh ga jamaanaa San-Bëtís hayohdsfa bi diima, Nguurii yii ga dookda wii soogu na dooli\* ee buwii meerii ki'ek dooli ga iñaa en béeþdsfa bérí heelwa kite', ba laakwa. <sup>13</sup> En ki'enaa, béeþ sëldíiga-Koohcaa na Waasii Móyíis yéegalohseera Nguuriima bi ga daa Saŋ hayoh. <sup>14</sup> En lak dú míンka kitookaa mi wo"úu man Saŋ yaama yérí en Ili, sëldíiga-Koohaa jomee kihayisdsfa. <sup>15</sup> Baa fu laakin nof kikelohaa súkúruga.

<sup>16</sup> Buwii jamaanii wati, mi mëdirohanba naþa? Ba man na oomaacaa yugu ga paanaa dëkkaa ee ba wo' mooroomba an: <sup>17</sup> «Dí mbiibdinndúu ee dú hammbii! Dí helemin ee dú dayukkii.»

<sup>18</sup> En ki'enaa, Saŋ-Bëtís hayin, ya ñamoo ee anoo fodii buwii, ee dú wo' an: «Ya laak rab». <sup>19</sup> Kowukii bii hayin, kii ñam, kii an, ee ba wo' an: «Malkat bii yii halaat kiñam doj na ki'an biiñ ee ya fiiliimunoh na juuticii na tumoh-baakaa'cii.» Wayee iñii kiñaañkii Kooh límidfa, wérí teewohi an ka júwin.

\* <sup>11:12</sup> 11: 12 Malkat Lúkkaa 16: 16 na iñaa wo'u gada.

*Dëkcaa sagu kigëmda*  
(Lúkkaa 10: 13-15)

<sup>20</sup> Waa ennda d'a, Yéesu keennda ga dook teerucaa ya wëñee kitumoh kíntaan ee buwaa súpitséeríi kipeskaagabada, ya yaa ña'ba an:

<sup>21</sup> - Massa d'u bu-Korasee! Massa d'u bu-Betsaydaa! Ndaga kíntaancii tumsee ga duuyucúuda, tumsee ga duuy dëkkaa Tíi' na waa Sídonjaa, eneenaa kumëeñi' ba koorin ga saaku na wet kiteewoh an ba récukin baakaa'ciigaba. <sup>22</sup> Kérí tah mi wo"úu an besaa atti'ohsanda le'aa, bu-Tíi' na bu-Sídonj bëri tani'anndúu atti'. <sup>23</sup> Ee d'u, bu-teerii Kafarnawom, d'u yaakaa' an d'u hay kibëwíru bi ga dook-Koohe? Ó'óo, d'u yah kiyóoskíru bi ga bu-baam. En ki'enaa, kíntaancii tumu ga duuyucúuda, tumsee ga teeraa Sodomaan eneenaa wa wii lís bi wat. <sup>24</sup> Kérí tah mi wo"úuka, besaa atti'ohsanda le'aa, teeraa Sodom wëri tani'anndúu atti'.

*Yéesu wo''a na buwaa yóoskírin haffbada*  
(Lúkkaa 10: 21-22)

<sup>25</sup> Ga wahtaama, Yéesu wo''a an:

- Buba, mi yii gérëmmbaa, fu, Ha'mudii dook na kakay, ndaga iñaa fu d'aak ha'-hamhamcii na buwii jagind'a, fu teewinwa oomaacii. <sup>26</sup> Kayoh buba, iñaama laakohda, ndaga iñaama yëri fu waa' ya laak. <sup>27</sup> Paammboo tíkin tóoh ga yahhoo. Ken ínohoo Kowukii enndii Paamudiinaa, ee ken ínohoo Paamudii enndii Kowukii na buwaa Kowukii waa'bari kiteebda naa. <sup>28</sup> Hayat garoo béeþpúu d'u bii d'u sodin ee d'u bítukohinda, mi onndúu íika'. <sup>29</sup> Koorukat iñii mi gallúuda, d'u yoon garoo, ndaga mi yewinin jam ee mi yóoskírin haffoo, en d'anaa fítciirúu laak íika'. <sup>30</sup> En ki'enaa, iñii mi gallúuda yoowin ee dofigoo mi koo'túuda erefin.

## 12

*Yéesu yëri laak bes Sabat*  
(Marka 2: 23-28; Lúkkaa 6: 1-5)

<sup>1</sup> Ga bescaama, hídukoh ga bes Sabat, Yéesu kooree ga duuy yooncaa lúudin\*. Lakanaa télibéecaagari yaawuunun, ba aawwa kiweel ga boñcaa®, ba baa ñam towutaa. <sup>2</sup> Laakka Férísiyeencaa hot iñaama, ba wo''a Yéesu an:

- Malkaa télibéeciigaraa! Ba bii tum iñaa Waasii kokohin kitum ga bes Sabat.

<sup>3</sup> Yéesu dallaba kilof an:

- Hanaa d'u jañngii iñaa buu' Dëwít tumee bërii lak ya yaawin ya na buwaa taabee narida? <sup>4</sup> Ya aassa taalaa Kooh, ya ñammba naba ga mbúurúcaa meydohfusee Koohda. Moona déy, ya na buwaa taamsee narida, waas onéeríi yíinoo gaba kiñam ga mbúurúcaama, sarahohcaa doñ onuca kiñam®. <sup>5</sup> Wala book, hanaa d'u jañngii ga Kéyítfaa Waasaa Móyiis an, en ga bes Sabataa sarahohcaa hëyrohu kilégéy ga Kaanfaa Koohda tumu iñaa hoonohu kitum ga besaamada ee iñaama enoo tooñ gaba. <sup>6</sup> Moona mi wo''úu man laakin dii baa wëñ Kaanfaa Kooh. <sup>7</sup> Bíduunun ga Kéyítfaa an: «Yérmaandi wëñnjoo kinebloh kisarahoh júu'»®. Binaa d'u ínohee iñii wo'eenuma waa' kiwo'd'anaa, eneenaa d'u daloo ga dook buwaa tummbii dara yibóni'. <sup>8</sup> En ki'enaa, Kowukii bii kérí laak bes Sabat.

*Yéesu wëkí'ta baa yahaa dooykin*  
(Marka 3: 1-6; Lúkkaa 6: 6-11)

<sup>9</sup> Yéesu meyohha daama, aassa jaangu-yaawúuraagaba. <sup>10</sup> Wiima lak laakin daama bo' yaa yahaa dooykin. Férísiyeencaa enee daamada meekisohha Yéesu an:

\* **12:1** 12: 1 Lëegísoh ciyewin tumu daama «yoon-beli»: boñcaa beli waa' kiman na boñ píim, kuuncaagari céri hëwrohsíi mbúurú. ® **12:1** 12: 1 Malkat Déteronom 23: 26. ☀ **12:4** 12: 4 Malkat Léwítik 24: 9. ☀ **12:7** 12: 7 Malkat 9: 13; Osee 6: 6.

- Waasiigaruu onohin kiwëki' bo' ga bes Sabate?  
Fodaama ba waaree iñaa ba yabohanndi.

<sup>11</sup> Yéesu taassaba an:

- Yiida garúu, binaa ya laak baal yíinoo doj, ee baalaa keen ga noj wihóotí' ga bes Sabataa, ya karoori ki'am meydohhi? <sup>12</sup> Ee bo' wëñ baal kilaak solu fúuf. Kon Waasii onohin kitumi' bo' iñaa jofin ga bes Sabat.

<sup>13</sup> Waa ennda dfa, Yéesu wo''a baa yahaa dsooykinda an:

- Léríssaa yahiigaraa!

Baa léríssa yahaagari, wa wakka, mannda na wíinoowaa. <sup>14</sup> Férísiyeencaa dalla kimeyu, ba hídochha kimalak ga daa ba tuman bi fa apluk Yéesu.

### *Yéesu yéri en súrgaa Kooh tanukfa*

<sup>15</sup> Ga waa Yéesu ínohha an Férísiyeencaa baa heelli ki'ap, ya kolukohha daama. Mbooloo wiyaak taabukkari ee ya wëki'ta béeñ buwaa díúkool gada. <sup>16</sup> Wayee ya díñngaba na wo'een, kihoonohba kiwo' baa ya enda.

<sup>17</sup> Iñaa laakohhada, doonaa iñaa Ísayíi, sëldíiga-Koohaa wo'eeda mat, ya wo'ee an: «Kooh wo' an:

<sup>18</sup> - Súrgiigoo mi tanukfa yeema.

Yii mi keeñuk ee yéri soos keeñnjooda.

Mi hay kiyóoski' Heliigoo ga dookci,  
ee ya hay kiteeb heetcii béeñca iñaa en kijúbda.

<sup>19</sup> Ya heelanndii ñaroh na ken,  
ee ken kelohanndii koonaaci ga mbedicii.

<sup>20</sup> Ya weelanndii pëegíi-përiudúufaa leemukin,  
ee ya yímanndii kiwiikaa en na kidúuk.

Ya tuman fodaama bi ga daa kijúb laakohan ndam ga dook éldúna,

<sup>21</sup> ee béeñ heetcii tíksan yaakaa' gari.»

### *Yéesu yabussa kitaam na Seytaani*

(Marka 3: 22-30; Lúkkaa 11: 14-20)

<sup>22</sup> Waa ennda dfa, Yéesu haydohdfussa baa rab am, búumí'tari, luublukohhari, Yéesu wëki'tari bi baa míniisa kiwo' na kihot. <sup>23</sup> Mbooloomaa waaru''a ee béeñ buwaa baa wo' an:

- Bii yii enndii kucaasamunkii Dëwít wo'udsane?

<sup>24</sup> Daa Férísiyeencaa kelohsee iñaa wo'u yaama, ba wo''a an:

- Doolii Belsebul, buurii rabcii, e' bii yiida, wëri onndi kimín kikaali rab ga buwii.

<sup>25</sup> Yéesu ínohha iñaa en ga helbada, ya dallaba kiwo' an:

- Kúlkaa hégískoh ga duuyka béeñ aaw ga kidúm. Teeru wala kaan hégískoh ga duuyccinaa mínoo kituuk.

<sup>26</sup> Kon binaa Seytaani kaal Seytaaninaa, ya hégískohin ga duuyci. Haa baanaa nguuraagari mínan na kituuk? <sup>27</sup> Ee en an mi, Belsebul yéri onndoo dooli kikaal rawaa, haa bii on buwiigarúu dooli kikaal rab ba? Kon buwumgarúu, ga kihafba, bëri atti'anndúu. <sup>28</sup> En ki'ena, en an mi kaali rabcii na Helii meyoh ga Koohsanaa, kon Nguurii Kooh le'in bi garúu.

<sup>29</sup> Wala ban, bo' mínan na ki'aas kaan baa yaa na doolaagari gík, ya bëb iñaa yaama laakda ee ya dëwohhii ga kibañgi paay, doonaa ya han kimín kipook kaanfaa?

<sup>30</sup> Baa fa'tii naroonaa, heñoh naroo, ee baa négírohhii naroonaa, yii tasarsoh. <sup>31</sup> Kérí tah mi wo''úuka, baakaaraa bo' míñ kitum tóoh na baseenaa bo' míñ kibas Kooh tóoh, ya míñinca kibayalu, wayee baa fu bas Helaa yisela'í'yaa béeñ, fu bayalsooka.

<sup>32</sup> Baa fu wo' iñaa moroo ga Kowukii biinaa, fu míñinka kibayalu, wayee baa fu bas Helii yisela'í'yaa béeñ, fu bayalsooka bi taa': enndii dii ga éldúnanii wii, enndii ga waa en na kihayfa.

*Kedik na towutaa ka límda*  
(Lúkkaa 6: 43-45)

33 - Abat an kedik jofaa, líman towu tijófí', kedik d'úukoolaa líman ban towutaa moroo. Kedik ínohohsan ga kowukaa ka límda. <sup>34</sup> Túuk goj-saamaancii! Dii d'ú bonda moos, d'ú mínan na kiwo' yijófí? En ki' enaa, iñaa meyi ga kúuw yérí líif ga keeñ ha'ci. <sup>35</sup> Bo' yijófí' meydoihi enaama cijófí' rek ga keeñaagari líif na yijófí' da; ee bo' yibóní' meydoihi enaama cibóní' rek ga keeñaagari líif na yibóní' da. <sup>36</sup> Mi wo"úu an: besaa atti' ohsanda le'aa, béeb buwii hay kituuk kilayoh na Kooh ga béeb wo' enaa ba mosin kiwo' ee laakoo hafda. <sup>37</sup> En ki' enaa, baa en béeb, ga wo' eencaagaraa, fu e'san kayoh ga wala fu tíku saboh.

*Buwaa waa' kihotu kíntaan*  
(Marka 8: 11-12; Lúkkaa 11: 29-32)

38 Waa ennda da, Laakka bijégíroh-waas na biFérísiyeen baa meekis Yéesu an:  
- Jégírohii, dí waa' kihot fu teeþpíi kíntaanaa teewoh an fu meyoh ga Kooh!

39 Yéesu taassaba an:

- Buwii jamaanii wati bibóní' bii ee ooruunun Koohda, ba waa' kihot kíntaan. Wayee kíntaan wíinoo tookdusanndiiba enndii waa Sonaas, sëldíiga-Koohaanaa.  
40 En ki' enaa, fodaa daa Sonaas enee noh-noh kaahay na wek-wek kaahay ga lookaa jénaa yiyaakyaadsa, fodaama Kowukii bii hay ki'en ga bos kakay noh-noh kaahay na wek-wek kaahay. <sup>41</sup> Besaa atti' ohsanda le' béríinää, bu-teeraa Níníf hay kituuku ga fíkíi buwii jamaanii wati, ba búlba, ndaga bu-Níníf súpítseera kipeskaagaba ga waa ba keloh jangataa Sonaasda; ee malkat, laakin dii baa wëñ Sonaas. <sup>42</sup> Besaa atti' ohsanda le' béríinää, buuraa yibetiyaa<sup>†</sup> kúlkoh iñaa hanoh meyaa'-noh ñaamda hay kituuk ga fíkíi buwii jamaanii wati, ya búlba. Ndaga ya meyohee gohcaa éldúna wëñ ki'usaayda kisúkúruknee wo'eencaa buu' Salomon líif na hamhamda. Ee malkat, laakin dii baa wëñ Salomon.

*Rab míñ kiboyukis ga daa ya kaalohseedä*  
(Lúkkaa 11: 24-26)

43 - Binaa rab meyoh ga bo'aa, ya túuti ga ëgíraa ya heeli daa ya fiikukan, wayee waa ya hottii daa ya aasan, <sup>44</sup> ya wo' ga helci an: «Mi naman kiboyuk kaanfaagoo mi meyoheedä.» Binaa ya le' danaa nak, ya laak kaanfaa lak ken gaa ga, paruunun bi setin, hëwíruunun bi jekin. <sup>45</sup> Fodaama, ya yee kikoo'nee rab biyitnabanak biliis baa wëñnji kisoot, ba aas ga kaanfaa, ba dëk ga. Faf baa yaama, ga daa ya madee kudewaada, wëñisda kiyiis. Ee yah kiman fodaama deñ ga buwii bibóní' bii jamaanii wati.

*Eew Yéesu na bikëmëenjkí Yéesu*  
(Marka 3: 31-35; Lúkkaa 8: 19-21)

46 Lak Yéesu yaa lís kiwo' na mbooloomaa, eeci na bikëmëenjkíci le'ussa, ba eemmba fooh ee ba soolukeeri. [ <sup>47</sup> Laakka baa yéegal Yéesu an:

- Taasa, eefu na bikëmëenjkífu baa day ga fooh, soolukussaa.]

48 Yéesu taassa baa an:

- Bii yiida en eewwoo? Buwii biida en bikëmëenjkíroo?

49 Ya noonnda, kiteewoh tæelíbeecaagari, wo" a an:

- Malkat, eewwoo na bikëmëenjkíroo beema. <sup>50</sup> Baa tumi iñaa Paammboo yii ga dook waa'da, baa yaama yérí en këmëenjkíroo yiyaal wala yibeti wala eewwoo.

<sup>†</sup> 12:42 12: 42 Malkat 1 Buu' 10.

## 13

*Liiwukaa wo' ga loo sokohaada  
(Marka 4: 1-9; Lükkaa 8: 4-8)*

<sup>1</sup> Ga besaa béríi, Yéesu meyohha kaanfaa ya enoheeda, ka'ta yunjneera\* ga seereenaa giyaa Gélilée. <sup>2</sup> Mbooloo wiyaak wíillari bifaf ya nammba ki'aas ga gaallooci ga d'uuuy giyaa, ya yunjnga ga. Béeb mbooloomaa tuukka ga tewisaa. <sup>3</sup> Ya wo'a naba enaama ciyewin ga liiwuk fodii liiwukii wii, an:

- Enee línöh, ya kolukka yaa yah kisoknee. <sup>4</sup> Ga daa ya en na kisokda, laakka tesohthaan keen ga yahaanaa waasaa: selcaa hayussa, ñamussata say. <sup>5</sup> Laakka tesohthaan keen ga d'ekataa yewinin atoh, daa yewinndii kakay. Tesohthaan gaawwa kipaal ndaga lak kakayfaa yewinndii daama. <sup>6</sup> Wayee daa nohää tamee, iñcaa paleeda neewwa, ca súbpa ndaga níilcaagaca abéeríi. <sup>7</sup> Laakka tesoh tiliis taa keen ga yówée-lúp, ta paalla da. Lúpcaa yakka, onndata. <sup>8</sup> Ee laakka tesohthaan keen ga d'ekataa laakin dooli. Ta bíriSSa bonj. Cii erohha iñaa le'in waas citéemée' ga tesohthaan sokseeda, cii cidaaŋkaah-yitniinoo, cii cidaaŋkaah-kaahay.

<sup>9</sup> Léehí'ta Yéesu tikkäga an:

- Baa fu laakin nof kikelohaa, súkúruka!

*Iñaa tah Yéesu liiwuki buwaa henda  
(Marka 4: 10-12; Lükkaa 13: 18-19)*

<sup>10</sup> Teeleibéecaa deeyussa ga Yéesu, ba meekissari an:

- Iñii tah ya fu wo'a na buwaa ga liiwuk?

<sup>11</sup> Yéesu taassaba an:

- Dú bérí e'see ki'ínoh kúmpacaa Nguuraa yii ga dookda. Wayee ba, ba erussiika.

<sup>12</sup> En ki'enaa, baa laakin, hay kibaatdu bi ya dóoyí' sék. Wayee baa laakoo, ki'iñkaa ya bayda sah, hay kite'u. <sup>13</sup> Iñii yii yérí tah mi wo'i naba ga liiwuk: ba malakin ee ba hotoo, ba súkúrukin ee ba kelohoo, ba ínohoo. <sup>14</sup> Fodaama iñaa Ísayíi, sëldiiga-Koohaar wo'eeda matta gaba. Ya wo'ee an:

«Dú hay kikeloh dijóffí' wayee dú ínohannndii dara.

Dú hay kimalak dijóffí' wayee dú hotanndii dara.

<sup>15</sup> En ki'enaa, heetii wii súwin ga keeñ,

ba lagin nofciiigaba paraas,

ba d'úugin nap,

en d'anaa hasba hotoo,

noffba kelohoo,

ee helba aboo dara,

bi ba súpít kipeskiigabanaa, mi wéki'ba.»

<sup>16</sup> Wayee dú, dú bérí yewin múu': hasciigarúu hotin ee nofciiigarúu kelohin!

<sup>17</sup> Mi wo'aúka ee kayoh; yewinin bisëldiiga-Koohaar na bifo' bijúwi', baa waa'seera lool kihot iñcii dú hotda ee hotussiica. Ba waareera kikeloh iñcii dú kelohda ee kelohussiica.

*Iñii liiwukii sokohii waa' kiwo'da  
(Marka 4: 13-20; Lükkaa 8: 11-15)*

<sup>18</sup> Yéesu wo'a an:- Kon dú, súkúrukatt iñii liiwukii sokohii waa' kiwo'da: <sup>19</sup> Buwii kelohin loo Nguurii Koohaar ee ínohsooda madu na seereenaa waasaa tesohthaan sokohuda: sépí'í-ga-nofaa hayaa nís Wo'eenaa soku ga keeñbadfa. <sup>20</sup> Bíinoo madu na d'ekataa yewinin atoh pesöhpaa sokohuda: ba keloh Wo'eenii Koohaar, ba dallawa kite' na keeñ wisóosi'. <sup>21</sup> Wayee ba úsaayoo ga ndaga Wo'eenaa Koohaar yíppii níil ga keeñcaagaba. Fodaama, binaa ba en ga coonu wala ba sodalu ga kipesba ndaga

\* <sup>13:1</sup> 13: 1 Waama jégírohcaa, ba daanee kiyuñ hen ba en na kijégírohhaa.

Wo'eenii Koohaa, ba gaaw kigúroh nawa. <sup>22</sup> Búinoo ban madu na yówée-lúpaa pesohpaa sokohuda: ba kelohin Wo'eenii Kooh, wayee halaat éldúna na kiwaa' kihépí'kaa aaw ga alal on Wo'eenii Kooh bi wa mínoo kilím yen. <sup>23</sup> Buwii búinoo tesda madu na dekataa kakayfaa laakin dooli pesohpaa sokohuda: ba keloh Wo'eenii Koohaa, ba ínoh iñaa wa waa' kiwo'ca. Ba lími' Kooh jeriñ, ba tum bi pesohpaa meydoch: pii towu titéemée', pii towu tidaaŋkaah-yitniinoo, pii towu tidaaŋkaah-kaahay.

### *Liiwukaa wo' ga loo pëegíi jëmfada*

<sup>24</sup> Yéesu wo'issaba liiwuk wiliis an:

- Nguurii ga dookda man anee: Enee bo', ya sokka pesoh pijófí' ga yoonci. <sup>25</sup> Laakka baa waa'tii gari kihot hayya ga wek, lak béeb buwaa neehuunun, ya sokka pëegíi-jëm ga yoon-tohoonaa, yaa paaf kotci. <sup>26</sup> Daa tohootaa kolukee bi ta bírissa, jëmfaa ban hannda kihotuk. <sup>27</sup> Daa súrgacaa hotee pëegíi-jëmfaa, ba ka'ta ga ha'-yoona, ba wo'"ari an: «Kiyaakii, hanaa fu sokéeríi pesoh pijófí' ga yoonfu? Kon tum na pëegíi-jëmfii en ga dñuuygii?»

<sup>28</sup> Ha'-yoona taassaba an: «Baa waa'tii garoo kihot yéri tum iñaama.» Súrgacaa meekisussari an: «Eneenaa dí karoo dí døffane?» <sup>29</sup> Ha'-yoona taassaba an: «Ó'óo, mi niik dú en na kidof jëmfanaa, dú kibaydoh tohootaa ga. <sup>30</sup> Ísatca bi kipíik le'. Kipíik le'aa, mi hay kiwo' píukohcaa an: døwat kidof jëmfum, dú pokfa dof, dú téki'fa. Léehíraa dú dapi'too tohootum ga dapaagoo.»

### *Liiwukaa wo' ga loo kowu-fídankaada*

(Marka 4: 30-32; Lúkkaa 13: 18-19)

<sup>31</sup> Yéesu wo'issaba liiwuk wiliis an:

- Nguurii ga dookda man na kowu fúdan, kaa bo' bëb sokkaka ga yoonci. <sup>32</sup> Kéri wëñ kijutuut ga tesohpii, wayee ka paalaa, kéri wëñ kiyaak ga tediktii línsi ga dë'ca. Ka en kedik bi selcaa hayaa taal ga toytaa ka laakda.

### *Liiwukaa wo' ga loo moloŋ-kuunda*

(Lúkkaa 13: 20-21)

<sup>33</sup> Yéesu wo'issaba liiwuk wiliis an:

- Nguurii ga dookda man na moloŋ-kuunaa kaañohin, beti bëb, tumwa ga dñuuy kanu kuun, iiswa ga bi ga daa kuuncaa bëb kaañohan.

### *Iñaa tah Yéesu liiwuki buwaa henda*

(Marka 4: 33-34)

<sup>34</sup> Iñcaama bëebca Yéesu wo'"aca mbooloomaa ga kiliiwuk. Ya wo'éeríi na buwaa ga iñaa enndii liiwuk. <sup>35</sup> En danaa, iñaa sëldíiga-Koohaa wo'eeda mat. Ya wo'ee an: «Mi wo'an naba ga liiwuk na liiwuk.

Mi hayba kiyéegal iñcaa dñaku, ga iñaa éldúna saksee bi wati.»

### *Iñii liiwukii pëegíi-jëmfii waa' kiwo'ca*

<sup>36</sup> Waa ennda dñ, Yéesu tagohha na mbooloomaa, ya boyukka kaan. Daama, télíbécäagari hayussa gari, wo'ussari an:

- Lëegísohdaaríi liiwukaa wo' ga loo pëegíi-jëmfaa ga yoonaada. <sup>37</sup> Yéesu taassaba an:

- Baa sok pesohpaa pijófí'paadá yéri en Kowukii bii. <sup>38</sup> Yoonaa wëri en éldúna. Pesohpaa pijófí'paa bëri en buwii boku ga Nguuraa Koohda. Pëegíi-jëmfaa fëri en buwii taam na sépí'i'-ga-nofiidá. <sup>39</sup> Baa waa'tii kihot ga ha'-yoona, ee sok pëegíi-jëmfada, yéri en Seytaani. Píukaa wëri en túki'aa éldúna, ee píukohcaa bëri en malaakacaa Kooh. <sup>40</sup> Fodaa daa jëmfaa dofú, jafussa ga kiwiikaada, éldúna túki'aa yah kiman fodaama. <sup>41</sup> Ee bëriinaa, Kowukii bii hay kiwos malaakacaagari ba meydoch ga Nguuriigari bëeb buwii eki bimooroomba ga kitum baakaa'dñ na

buwii meeruunun kitum iñaa joffiida. <sup>42</sup> Lëehíraa ba jaffa ga kiwiikaa safara, daa kikodukoh na ki'úñoh sis yah kilaakda. <sup>43</sup> Wayee buwii júwinda, hay kimelicu fodii nohii ga duuy Nguuraa Paamba. Baa fu laakin noh kikelohaa, súkúruka.

### *Liïwukaa wo' ga loo alalaa d'aakseeda*

<sup>44</sup> - Nguurii ga d'ookda man anee: fodii bo' yaa hot alalaa d'aaku ga duuy yoon; ya bëbpawa, d'aakissawa. Keeñci soossa ga bi, ya ka'ta, toonneera iñaa ya laak ga alalda tóoh, ya lommba yoonaama.

### *Liïwukaa wo' ga loo pemicaada*

Yéesu tikkga ga an:

<sup>45</sup> - Ee ban, Nguurii ga d'ookda man anee: fodii toonohaa raas pemi cimórí'. <sup>46</sup> Daa ya hotee yarak pemi wiséeri', ya ka'ta toonneera iñaa ya laak ga alalda tóoh, ya lommba yarak pemaama.

### *Liïwukaa wo' ga loo mbaal-jënaada*

<sup>47</sup> - Ee ban, Nguurii ga d'ookda man anee: fodii mbaal-jënaa weesu ga giiy, waa am heet jënaa en béeb. <sup>48</sup> Binaa mbaalaa líifaa, mbaalohcaa nookwa tewisaa, ba yunj, tanu jëncaa: ba négíroh jëncaa cijóff'caa ga pañi ee ba jaf caa laakoo jeriñda. <sup>49</sup> Bërifinaa èldúna túki'anda le'aa, yah kiman fodaama deñ: malaakacaa Kooh hay kihayu, ba hëgísoh buwii joffiida ga buwii júwinda. <sup>50</sup> Buwii joffiida, ba jafu ga kiwiikaa safara, daa kikodukoh na ki'úñoh sis yah kilaakda.

<sup>51</sup> Iñcuma tóohca leerin ga hafcumgarúune?

Tëelibéecaa taassa an:

- Ee, leerin!

<sup>52</sup> Yéesu tikk'taba ga an:

- Kérí tah béeb jégíroh-waas, yaa en télíbée ga Nguurii yii ga d'ookda, man na ha'-kaadaa meydoihi ga d'aakaa' alalaagari enaama ci'as na enaama ciméeñí', ya onoh.

### *Bu-Nasareet tookussii kigëm ga Yéesu*

(Marka 6: 1-6; Lükkaa 4: 16-30)

<sup>53</sup> Ga waa Yéesu lëehí'ta kiwo' liiwukcaa caama, ya meyohha daama, <sup>54</sup> ya ka'ta teeraa ya dëkohda<sup>†</sup>, ya yaa jégí' buwaa ga jaangu-yaawúuraa daamada. Béeb buwaa súkúrukeerida jaahli'ussa ga lool bi baa wo' an:

- Ya bewohnee hamhamii wii na kíntaancii ya tumida gada? <sup>55</sup> Hanaa enndii kowukii daayoh-hanjngii? Ati enndii Mariyaama en eeci ee Saak, Yoseef, Simon na Yúdaa enu bikëmëenjkíci? <sup>56</sup> Ee bikëmëenjkíci bibeti enussii béebba ga duuycuune? Iñcii ya míñ cii tóohca ya bewohca gada?

<sup>57</sup> Fodaama ba eewwari bi ba gëmmbii gari. Yéesu nak wo'aba an:

- Sëldíiga-Kooh waaruunun ga daa en béeb bi tessa dëkaa ya meyohda, na mbokcaagari.

<sup>58</sup> Yéesu tummbii kíntaan ciyewin daama ndaga daa ba gëmmbii garida.

## 14

### *Kaanaa San-Bëtís*

(Marka 6: 14-29; Lükkaa 9: 7-9)

<sup>1</sup> Waama, Eroot, buuraa gohaa Gëlilée kelohha iñaa wo'u ga Yéesuda. <sup>2</sup> Ya wo'a súrgacaagari an:

- Baa yaama, San-Bëtís yëri. Ya mílis hen ga buwaa kaaninda, iñaama yëri onndi dooli kimín kitum kíntaan.

<sup>†</sup> 13:54 13: 54 Teeraa ya dëkohda waa' kiwo' Nasareet. Mëdirohat na Marka 6: 1.

<sup>3</sup> En ki' enaa, Eroot yérí amlukee Sañ-Bëtís, banjukkari, lajngari ga kasu. Ee Erojaas, beti këmëenjici Filiip, yérí tahee Eroot kitum iñaama. <sup>4</sup> Sañ nak wo'eeri an:

- Waas onndiiraa kibeb Erojaas ya en ßetifu!

<sup>5</sup> Eroot waa'ta ki'apluk Sañ-Bëtís, wayee ya niikka mbooloomaa, ndaga ba tíkee Sañ sëldiiga-Kooh.

<sup>6</sup> Bërii lak Eroot en na kihúmbal besaa ya límohufa. Kowukaa Erojaas kibetikaa hammba ga fíkíi sagaccaa. Hammaa neðpa Eroot lool <sup>7</sup> bi tahha ya waatta an iñaa oomaanaa kímmibi béeb, ya hayyiri ki'on. <sup>8</sup> Oomaanaa nak, eeci dígallari, ya meekissa buu' Eroot an:

- Haydohdaaroo hafaa Sanj-Bëtís dii ga dook palaat\*!

<sup>9</sup> Keeñaa buuraa leehha tak ga iñaama. Wayee waa ya laasinka kiwo' ga fíkíi buwaa ya nakee hewaada, ee ya waatinkada, ya nakohha an wa e'sat oomaanaa.

<sup>10</sup> Ya wossa bo' kasaa kigú'nee hafaa Sanj. <sup>11</sup> Hafaa Sanj haydohussa ga palaat, wa erussa oomaanaa, yaama bayneerawa ga eeci. <sup>12</sup> Waa ennda da, télibéecaa Sanj-Bëtís hayussa kibeb faraaffaagari, acsuneerafa, lëehí'ta ba ka'ta, ba wo'neera Yéesu iñaa laakda.

*Yéesu tummba kíntaan ga mbúurú ciyétúus na jén kanak  
(Marka 6: 30-40; Lúkkaa 9: 10-17; Sanj 6: 1-14)*

<sup>13</sup> Daa Yéesu yéeggee kaanaa Sañ-Bëtís, ya kolkohha daama, ya aassa ga gaal-looci, yaa yah daa wéetin. Buwaa yéenjngaka. Ba baa meyoh ga dëkcaa ga yahaanaada, ba taabohha na seereenaa giyaa, baa taabukki na kot. <sup>14</sup> Daa Yéesu yoosukee ga gaal-looccaa, ya hotta mbooloo wiyaak, ya laakkma yérmaandi gaba, ya aawwa kiwéki' díukooli'caagaba.

<sup>15</sup> Ga waa nohää soossa, télibéecaa deeyussa gari, wo'ussari an:

- Dekatii laakoo dara ee Kooh hoowin. Íisaa buwii ba aas dëk-kawcii ba lomnee iñaa ba ñaman.

<sup>16</sup> Wayee Yéesu wo'aba an:

- Calooba kika', eratba na kihaffúu iñaa ba ñaman!

<sup>17</sup> Ba wo'ari an:

- Dí laak mbúurú ciyétúus na jén kanak donj dii.

Yéesu wo'aba an:

<sup>18</sup> - Haydohattooca gi.

<sup>19</sup> Waa ennda da, Yéesu wo'a buwaa ba yuñ kakay ga pëegíifaa. Ya ßebpa mbúurúcaa ciyétúuscaa na jéncaa kanakcaa, ya taaginukka dook, ya gérëmmba Kooh gaca. Lëehí'ta ya gú'sohhaca, ya e'ta télibéecaa ba waroh buwaa. <sup>20</sup> Buwaa béeßba ñammiba bi ba kappa pút, ee iñaa teseeda ba líiff'ta ga pañi cidaankaah na kanak. <sup>21</sup> Buwaa ñameeda le'in yaal bijúnni-yétúus ee beticaa na oomaacaa kídussii ga.

*Yéesu túnnda ga dook giyaa  
(Marka 6: 45-52; Sanj 6: 15-21)*

<sup>22</sup> Ga waa iñaama paaffa, Yéesu dalla kituukuk télibéecaa ba aas ga gaal-looccaa, ba dëwírukki ßakaa giyaa hanoh gaada; hídinnaa, ya ga kihafci ya tagoh na mbooloomaa. <sup>23</sup> Waa ya tagohha na mbooloomaa, ya lappa dook janjagaa, ya wéetta da, yaa kíim Kooh. Wekaa laakki ya tes hanjci daama. <sup>24</sup> Wahtaama, lak gaal-looccaa télibéecaa úsaayin ga duuy giyaa. Wa mínsiséeríi ki'aaw fíkíi ndaga díuscaa giyaa tapukee gawadá, ee wa jaanohee na urisaa. <sup>25</sup> Lak leeloo wek paafin ee Kooh wíissii duum, Yéesu yaa tíin ga dook mísúmaa giyaa, yaa hay gaba. <sup>26</sup> Daa télibéecaa hoteeri yaa tíin ga giyaa, ba tíitta lool. Ba baa wo' an:

\* <sup>14:8</sup> 14: 8 Erojaas waaree kihot an Sañ-Bëtís kaanin, wayee enndii kiñam hafaa Sanj.

- Iñii jíni!
- Ba niikka, ba baa fiipoh. <sup>27</sup> Yéesu nak gaawwa naña kiwo' an:
- Yëgísdat fítciigarúu. Bii mi, kaa niikat!
- <sup>28</sup> Waa ennda da, Pee' wo"ari an:
- Ha'mudii, en lak fu yëri kayoh-kayohaa, nakaaroo mi tíin ga dook mûsûmii, mi hay garaa.
- <sup>29</sup> Yéesu wo"ari an:
- Hay!
- Pee' dalla kiyoosuk ga gaal-loocaa, ya yaa tíin ga dook mûsûmaa, yaa yah ga Yéesu.
- <sup>30</sup> Wayee daa Pee' hotee doolaa uurisa, ya niikka. Faf ya yaa muu', ya fiippa an:
- Ha'mudii, fool!
- <sup>31</sup> Yéesu gaawwa kilérís yah, ammbari, wo"ari an:
- Ngëmiigaraa daal dooyyii! Iñii tahhaa kilaak hel kanak ya?
- <sup>32</sup> Léehí'ta, ba aassa ba banak ga gaal-loocaa, uurisa dalla kituuk. <sup>33</sup> Téelibéecaa enee ga gaal-loocaada yí'ussa ga fíkii Yéesu, wo'ussari an:
- Fu yëri en Kowukii Kooh kayoh-kayohda.

*Yéesu wëki'ta bidúukooli' ga Genesareet  
(Marka 6: 53-56)*

<sup>34</sup> Waa ennda da, Yéesu na téelibéecaagari lëehfussa kihúus giyyaa na gaal-looci, ba tee'ta ga kúlkaa Genesareet<sup>†</sup>. <sup>35</sup> Buwaa dëk daamada ínohsohussa Yéesu, ba yéegalohha hayaagari ga iñaa wíil gohaama tóohdfa, ee ya haydohfussa béeb buwaa díukool gabada. <sup>36</sup> Ba baa kíimmbi ban ya onba ba míin kile' rek ga pawaa kúltifaagari. Fodaama, béeb buwaa le'seera garida tóoh, wakussa.

## 15

*Yéesu wo"a na Férísiyeeñcaa ga loo baahcaagaba  
(Marka 7: 1-13)*

<sup>1</sup> Waa ennda da biFérísiyeeñ na bijégíroh-waas meyoħussa Yéerúsaleem, hayussa ga Yéesu, meekisoħussari an:

<sup>2</sup> - Iñii tah ya téelibéeciigaraa taabuksoo baahcii caasamuncii? Ndaga ba yah kiñamaa ba tisoo yahciigaba\* fodii dii baahcii nakohkada.

<sup>3</sup> Wayee Yéesu loffaba an:

- Haa dú, iñii tah ya dú taabukoo iñii Kooh nakohdfa? Dú am ga baahciigarúu?

<sup>4</sup> En ki'enaa, Kooh wo' an: «Kelohfaa paapu na eefu.» Na ëan an: «Baa fu ëas paapu wala eefunaa, fu jom ki'apu hen<sup>‡</sup>.» <sup>5</sup> Wayee dú, dú jégíroh an bo' mínin kiwo' paamci wala eeci an: «Iñaa mi jomeerúu kitoputu'ohdfa, mi faandinwa Kooh sarah.»

<sup>6</sup> Baa tum iñamanaa wacin ga iñaa wa'ti ga paamci wala eecida. Ee fodaama dú nís iñaa wo'eenaa Kooh nakohdfa, dú taabukka kesi baahciigarúu! <sup>7</sup> Dú, dú jofjófduk ga hascii buwii. Ísayíi, sëldiiga-Koohaa, hoteerúu moos ee ya wo'ee kayoh ga waa ya wo' ga teek Kooh an:

<sup>8</sup> «Buwii bii, kañii ba kañirooda eem túuwta don,  
ba ekkiiroo ga keeñba dara dara.

<sup>9</sup> Ba bay teekkoo sooy,  
ndaga iñcii ba jégíroh ga teekiigooda meyoħ ga iñaa bo' nakoh»<sup>†</sup>.

<sup>†</sup> **14:34** 14: 34 Kúlkaa Genesareet Dekataama newin kilíoh ee laakin dooli. Wa hanoh Kafarnawom kakay aawwa ëak aasaa'-noh. \* **15:2** 15: 2 «Kitís yah» ga baahcaa yaawíu'caa enee fodii kisétísiruk ga fíkii Kooh balaa ba ñam, wala balaa ba kíim Koohaa. <sup>‡</sup> **15:4** 15: 4 Malkat Eksoot 20: 12; Déteronom 5: 16; Eksoot 21: 17; Léwítik 20: 9. <sup>†</sup> **15:9** 15: 9 Ísayíi 29: 13 béstíru fodaan bínsee ga kiGerek mûusdfa.

*Iñcaa líibdi bo' ga fíkii Koohda*  
*(Marka 7: 14-23)*

<sup>10</sup> Waa ennda dä, Yéesu bayya buwaa, wo''aba an:

- Súkú'kattoo ee dú ínoh iñii yii bi jof. <sup>11</sup> Enndii iñaa aasi ga kúuw bo' yérí tahiri kilíib ga fíkii Kooh, wayee iñaa meyohi ga kúuwcida yérí tahiri kilíib.

<sup>12</sup> Téelibéecaa nak deeyussa gari wo'ussari an:

- Iñaa Férísiyeencaa keloh fu wo' yaama, fu ínohin an neþpiiba ga keeñe?

<sup>13</sup> Yéesu taassaba an:

- Béeb kedik, kaa Paammboo yii ga dookda yíppii, ka hay kidofu. <sup>14</sup> Ísatba, ba bibúumí', baa en na kinook bibúumí' mooroomba. Binaa búumí' nook búumí' mooroomcinaa, ba banak béeëba ba hay kikeen ga noj.

<sup>15</sup> Pee' wo''a Yéesu an:

- Lëegísohfaaríi wo'eena fu nataal karamda.

<sup>16</sup> Yéesu wo''a an:

- Dú ban, bi wati dú laakoo hele? <sup>17</sup> Dú ínohoo an iñaa aas ga kúuw béeëb paafi ga look, lëehíraa wa ka' fenoo kaan? <sup>18</sup> Wayee iñaa mey ga kúuw bo' béeëb meyoh ga keeñaa ee iñamaa yérí tahi bo' kilíib ga fíkii Kooh. <sup>19</sup> En ki'enaa, halaat cibóní', kilañ kumuun bo', kidúk yaalfu wala betifu fu faanuk na bo' yiliis, kifaanuk na baa en béeëb, kilok, kipok kiwo', kiyah teek bo', ca meyohi ga keeñ. <sup>20</sup> Iñcumma cérí líibdi bo' ga fíkii Kooh, wayee kiñam ee fu tíssii yah fodaa daa baahcaa nakohkada tahoo bo' kilíib ga fíkii Kooh.

*Ngëmaa betifaa enndii yaawúu'da*  
*(Marka 7: 24-30)*

<sup>21</sup> Waa ennda dä Yéesu meyohha daama, ka'ta bak dëkaa Tíi' na waa Sídon.

<sup>22</sup> Laakka betifaa hay gari. Betifaama bok ga bu-Kanaa ee fa dëk gohaama. Fa faa fiip an:

- Éey Kiyaakii, kucaasamunkii Dëwít, yérëmaaro! Kowukaagoo kibetikaa, laak rawaa amka ee sodalinka lool!

<sup>23</sup> Wayee Yéesu namibiiri sah kitaas hen. Téelibéecaagari deeyussa gari, kímußari an:

- Fu bëgíssinnaa en na, ya yee? Ya yii taabukkuu, ya fiipi rek!

<sup>24</sup> Yéesu taassa an:

- Mi wosu ki'eem ga baalcii Kooh ga bu-Isarayeel múuyda.

<sup>25</sup> Wayee betifaa hayya, yí''a ga fíkii Yéesu, wo''ari an:

- Kiyaakii, hay dímalaaroo!

<sup>26</sup> Yéesu loffari an:

- Kibeñ ñamah oomaa, fu jafi' tubaaytaa, iñamaa moroo.

<sup>27</sup> Betifaa wo''ari an:

- Fu wo' kayoh, Ha'mudii. Wayee tubaaytaa míniñ kiñam wúunéecaa keeni ga kanukaa ha'muncaagaba ñamohida.

<sup>28</sup> Ga dekataama, Yéesu wo''a betifaa an:

- Ngëmiigaraa yakin, fu betifi fii! Iñum fu waa'da, Kooh tumdattaari. Ee kowukaagari dalla kiwak ga wahtaama.

*Yéesu wëki'ta bo' biyewin*

<sup>29</sup> Waa ennda dä, Yéesu kolkokha dekataama ka'ta seereenaa giyaa Gélilée. Ya lappa ga dook janjagaa daama, ya yuŋga da. <sup>30</sup> Bibo' biyewin hayussa gari, haydohdfussari biþeedúki', bibúumi', bilafañ, biluuñ na bo' biyewin biliis baa díukool hen. Ba faanndaba kakay ga kotcaa Yéesu, ya wëki'taba. <sup>31</sup> Béeb buwaa waaru'ussa ga waa ba hot luubcaa baa wo', lafañcaa baa tuuk na kotcaagaña,

béedúkí'caa baa tím dijóff', búumí'caa baa hot, ee béeb aawwa kindam Koohyii bu-Isarayeeel.

*Yéesu ñëmi'ta bo' bijúnni-nikiis  
(Marka 8: 1-10)*

<sup>32</sup> Waa ennda dä, Yéesu bayya télibéecaagari, wo"aba an:

- Mi laakin yérmaandi wiyaak ga mbooloomii, ndaga malkat, bes kaahay cee, caa wée'taa ga an cii, ba bii naroo, ee diima deñ ba laakoo iñaa ba ñaman. Mi waa'tiiba kiwo' ba boyuk kaanba na kiyaab, mi sañ ba télí ga waas.

<sup>33</sup> Télibéeca wo'ussari an:

- Ñamahaa yah kiképí' buwii bii, dí bewohanwa gada, ga dëkatii wii laakoo daradsa?

<sup>34</sup> Yéesu meekissaba an:

- Dú laak mbúurú cera dii? Ba taassa an:

- Ciyitnakanak na tujéntaa yewinndii.

<sup>35</sup> Waa ennda dä, ya nakka buwaa ba yuñ kakay. <sup>36</sup> Ya bëbpa mbúurúcaa ciyitnakanakcaa na jéncaa, ya gérëmmba Kooh, ya weellaca, ya e'ta télibéecaagari, baama warohhaca buwaa. <sup>37</sup> Baa en béeb ñammba bi kappa pút, bi tessa. Iñaa teseeda ba wookkari: ennda däba ciyitnakanak caa líifin muut ga mbúurú na jén.

<sup>38</sup> Buwaa ñameeda enee bo' bijúnni-nikiis (4.000) ee beticaa na oomaacaa kíduusii ga.

<sup>39</sup> Léehí'ta Yéesu tagohha na buwaa, ya aassa gaal-looci, yaa yah bak gohaa Magadaan‡.

## 16

*Férísiyeencaa na Saduseyeencaa waa' kihotu kíntaan  
(Marka 8: 11-13; Lúkkaa 12: 54-56)*

<sup>1</sup> Laakka biFérísiyeen na biSaduseyeen baa hay ga Yéesu, kifí'ti. Ba meekissari ya tumi'ba kíntaanaa teewoh an ya meyoh ga Kooh.

<sup>2</sup> Yéesu loffaba an:

- Noh yah ki'aas, dú hot asamaanaa setaa, dú wo'i an: «Kuwis, Kooh hay kitam noh.» [ <sup>3</sup> En na kím, dú hot asamaanii kúnukaa, dú wo'i an: «wati, Kooh hay kitob.» Fodaama dú míñin kimalaksukoh dii asamaanii madida wayee dú míñoo kimalaksukoh iñcii Kooh en na kitum ga wat. ] <sup>4</sup> Buwii jamaanii watibóní'bii ee ooruunun Koohda, ba waa' kihot kíntaan. Wayee kíntaan wiinoo tookdusannidiiba, enndii waa Sonaasaa§. Léehí'ta Yéesu foñnjaba daama, ya yaa yah.

*Léwiiraa Férísiyeencaa na waa Saduseyeencaa  
(Marka 8: 14-21; Lúkkaa 12: 1)*

<sup>5</sup> Télibéeca Yéesu paafussa giyyaa baka hanoh gaadfa, ba alukka kibaydoh mbúurú. <sup>6</sup> Yéesu wo"aba an:

- Watukat, ee abukat ga léwiiraa Férísiyeencaa na waa Saduseyeencaa!

<sup>7</sup> Télibéeca enussa kiwo' ga díkaantiba an:

- Dii du baydohhii mbúurúda, kéri tah ya wo' iñaama.

<sup>8</sup> Yéesu ínohha iñaam baa en kiwo' ga díkaantibada, wo"aba an:

- Iñii tah ya dú wo' ga díkaantirúu an dii dú baydohhii mbúurúda tah. Ngëmiigarúu daal dooyyii! <sup>9</sup> Helciirúu hayyii bi watine? Hanaa dú níindísukkii mbúurúcaa ciyétúuscaa warohsee buwaa bijúnni-yëtúusbaadfa (5.000)? Pañi cera cérí dú wookee ga iñaam teseeda? <sup>10</sup> Haa mbúurúcaa ciyitnakanakcaa warohsee buwaa bijúnni-nikiisbaadfa (4.000), däba cera cérí dú wookee ga iñaam teseeda? <sup>11</sup> Tum

‡ 15:39 15: 39 Magadaan Ken ínohhii bi watibóní'bii daa gohaama enohda. § 16:4 16: 4 Kíntaan Malkat 12: 41.

na dú ínohoo an mi wo"iirúu mbúurú kiñam ga wii mi wo"úu an «Abukat ga lëwíraa Férísiyeencaa na waa Saduseyeencaa»?

<sup>12</sup> Fodaama, tæelibéecaa baa han ki'ínoh an Yéesu wo"iiba ki'abuk ga lëwíraa tumsi ga mbúurúdfa, wayee ya wo'ba ki'abuk ga iñcaa Férísiyeencaa na Saduseyeencaa jégírohidá.

*Pee' wo'a an Yéesu yërí en Kiristaanii  
(Marka 8: 27-30; Lükkaa 9: 18-21)*

<sup>13</sup> Yéesu ka'ta bi ga bak teeraa Sesaree-Filiip\*. Daama, ya meekissa tæelibéecaagari an:

- Buwii wo'u an mi, Kowukii bii, mi yërí en ba?

<sup>14</sup> Ba taassari an:

- Laakin buwaa wo' an fu yërí en Sanj-Bëtís. Bíinoo an fu yërí en sëldíiga-Kooh Ili. Bíinoobaa an fu yërí en sëldíiga-Kooh Yérémíi wala yíinoo ga sëldíiga-Koohcii.

<sup>15</sup> Yéesu meekissaba an:

- Haa dú, dú wo' an mi yërí en ba?

<sup>16</sup> Simon-Pee' taassa an:

- Fu yërí en Kiristaanii, Kowukii Koohyii en na kipesdfa.

<sup>17</sup> Waa ennda da Yéesu wo"ari an:

- Fu yewinin múu' Simon, kowu Sanj, ndaga enndii bo'-súusúus onndaa ki'ínoh iñuma, wayee Paammboo yii ga dookda yërí. <sup>18</sup> Ee mi, mi wo"aa man: fu yërí en Pee' -- waa' kiwo' atoh -- ee ga dook atohuma mi tawahan Jaangiigoo ga. Ee kikaan mínanndiiwa kitéhdoh. <sup>19</sup> Mi hayyaa ki'e' tucëwítaa Nguuraa yii ga dookda: iñaa fu kokoh ga ēldúna béeb, hay kikokohu ga dook; ee iñaa fu took ga ēldúna béeb, hay kitooku ga dook<sup>†</sup>.

<sup>20</sup> Lëehí'ta Yéesu díjngaba na wo'een ciyégísí', an ba hanat kiwo' ken an yërí en Kiristaanii.

*Yéesu yéegalohha kikaankaagari na kimílskaagari  
(Marka 8: 31-9: 1; Lükkaa 9: 22-27)*

<sup>21</sup> Kolkohha daama, Yéesu aawwa kiwo' tæelibéecaagari fan an:

- Mi jomin kika' Yéerúsaleem. Daama, ha'-kaancaa na sarahohcaa biyaakbaa na jégíroh-waascaas tíkussoo mesiklaat ciyewin. Mi hay ki'apu ee besaa wukaahaywaa tíkan gada, mi hay kimíls.

<sup>22</sup> Waa ennda da, Pee' nookka Yéesu ga yahaanaa, yaa ña'ti:

- Múk Ha'mudii, iñaama Kooh tumoori!

<sup>23</sup> Wayee Yéesu méeñsukka, gëtta Pee' an:

- Úsaayaaroo, Seytaani! Halaatciigaraa enndii halaatcaa meyoh ga Kooh wayee ca meyoh ga bo'. Fu, fu waa'too kikéfít!

*Kitaabuk Yéesu*

<sup>24</sup> Lëehí'ta Yéesu wo'a tæelibéecaagari an:

- Binaa bo' waa' kitaam ga fenooroonaa, ya alat hafci, ya kooruk kuraanaagari<sup>‡</sup>, ya taabukkoo. <sup>25</sup> En ki'enaa, baa fu waa' kisom kumuunfunaa, fu hayka kiñak bi taa'. Wayee baa mi tahhaa kiñak kumuunfunaa, fu hayka kilaakis. <sup>26</sup> Ee bo' enoh kilaak iñcii ga ēldúna tóohdfa ya, binaa ya na' kiñak kipesci bi taaraa? Ati laakin iñaa bo' míñawa kilaasoh kipeskaagari? <sup>27</sup> Kowukii bii nak hay kihay ga ndamaa Paamci, ya taam na malaakacaagari. Bériinaa, baa en béeb, ya hayyi kifay iñaa ya tumda.

\* **16:13** 16: 13 Sesaree-Filiip Teeraa Filiip Eroot sakee ee wa enee ga gohaa húlúbcaa èníri húlúwaa Yürdeñfa. Wati teeraama teeku Banijas. † **16:19** 16: 19 Médirohat na 18: 18; Sanj 20: 23. ‡ **16:24** 16: 24 Kikooruk kuraa kérí en kitaam ga kotcaa Yéesu, ee kipari' kikaan fodaa gari ndaga Hewhewii winéwí'wii.

<sup>28</sup> Mi wo'"úuka ee kayoh, bibo' ga buwii bii kaansoo ee ba hottii Kowukii bii hay ga Nguuraagari.

## 17

### *Ndamaa Kooh yoosukka ga Yéesu*

<sup>1</sup> Tíkka ga bes ciyitniinoo, Yéesu taammba na Pee' na Saak na Sanj këmëenjki Saak, ya bayyaña, ba rek daa wéetin, ga dlook janjan wiyaak. <sup>2</sup> Daama, jëmmaagari súpitukka ga fíkiiba. Fíkiifaagari faa melic en fan noh, kulticaagari yaanaawwa ñer fodii lee'laat. <sup>3</sup> Ga dekatcaama, télibéecaa baahaybaa hotussa Móyiis na Ili meyussa ga fíkiiba, ba baa saawal na Yéesu. <sup>4</sup> Pee' dalla kiwo' Yéesu an:

- Ha'mudii, dii newin garuu! Fu waa'kanaa, mi yíp taal kaahay dii: wíinoo wuufu, wíinoo wuu Móyiis ee wíinoo wuu Ili.

<sup>5</sup> Lak Pee' yaa lís kiwo' fodaama, laakka yaayeel wimélíci' waa hay, úullaba. Ee ga duuy yaayeelaa, laakka koonakaa wo' an:

- Bii yii yérí en Kowukiigoo mi keeñukda, keeñnjoo soosin gari, súkúrukatti!\*

<sup>6</sup> Daa télibéecaa kelohsee koonakaa kaama, ba ennda nérém ga kakay, ba tíitta lool. <sup>7</sup> Wayee Yéesu deeyca, le'a gaña, wo'aba an:

- Kolkat, kaa tíitat!

<sup>8</sup> Waa ennda ña, ba bëwí'ta haf, ba hotissii ken enndii Yéesu hançinaa. <sup>9</sup> Daa ba enee na kiyosuk janjagaada, Yéesu: wo'a télibéecaa kidíñba an:

- Kaa béstírat ken iñii dú hot feeñuk garúuda, bi ga daa Kowukii bii mélisan ga buwaa kaaninda.

<sup>10</sup> Léehí'ta télibéecaa meekissa Yéesu an:

- Iñii tah ya jégíroh-waascii wo'u an Ili yérí ñewan kihay paay?\*

<sup>11</sup> Yéesu taassaba an:

- Ee kayoh! Ili ñewan kihay, ya hëwíraat iñaa en tóoh bi jek. <sup>12</sup> Wayee mi wo'"úu an Ili hayin kuméenj' ee buwii ínohsohussiiri, wayee ba tumbari iñaa nebbá. Fodaama Kowukii bii ñan, ba yahka ña kitum.

<sup>13</sup> Waa ennda ña, télibéecaa baa han ki'ínoh an Sanj-Bétís yérí ya wo'eeba.

### *Yéesu wëki'ta oomaanaa bay cikeen-keen*

(Marka 9: 14-29; Lúkkaa 9: 37-43)

<sup>14</sup> Ga waa Yéesu na télibéecaagari yoosuku janjagaa ba hayya bi ga daa mbooloomaa enda, laakka baa hay, yí'a ga fíki Yéesu, <sup>15</sup> wo'ari an:

- Kiyaakii, yérëmaa kowukiigoo, ya bay cikeen-keen ee mesikin gari lool. Leekleek ya keen ga kiwii wala ya keen ga múusú. <sup>16</sup> Mi haydohinndi ga télibéeciigaraa wayee ba mínnidíiri kiwékí'.

<sup>17</sup> Yéesu wo'ari an:

- Céey, dú buwii wati, dú laakoo ngëm ee dú tumi iñaa jofffi. Mi enan narúu bi kera? Mi múuñsanndúu bi kera? Haydohsattoo oomaanaa gii.

<sup>18</sup> Yéesu gëtta rawaa ya meyoh ga oomaanaa. Rawaa meyca, oomaanaa dalla kiwak. <sup>19</sup> Léehí'ta, ga waa ba tessa hanjbadá, télibéecaa deeyussa ga Yéesu, meekisussari an:

- Iñii tah ya dí, dí mínnidíi kikaal rawaama ga oomaanaa? <sup>20</sup> Yéesu wo'aba an:

- Ga dii dú yewinnidíi ngëmda, kérí tah. En ki'ñaa, mi wo'"úuka ee kayoh; binaa dú laakee ngëmaa hín na kowu fúdan kijutuutaa, enneena dú wo' janjagii wii an Kolkohaa dii fu léeruk dúuneenaa, wa tumka. Ee enneena dara wooñoorúu. [

<sup>21</sup> Wayee kikiim Kooh na ki'oo' kérí doj míñ kiméyí' rabcaa man ña ga bo'.]

\* <sup>17:5</sup> 17: 5 Malkat 3: 17 na iñaa béstíru gada.    <sup>†</sup> 17:10 17: 10 Malkat Malasíi 3: 23.

*Yéesu yéegalohissa kikaankaa na kimilískaagari  
(Marka 9: 30-32; Lúkkaa 9: 43b-45)*

<sup>22</sup> Wiima lak télibéecaa Yéesu béebba baa ga gohaa Gélilée, Yéesu wo"aba an:  
- Kowukii bii hay kitíku ga yah buwii. <sup>23</sup> Ba hayyi ki'ap wayee ga besaa wukaahaywaa tilkan gadsa, ya hay kimilis.

Télibéecaa nak, keeñcaagaba leehha tak ga iñaa ba keloh yaama.

*Yéesu fayya lempaa meekisohsi ga Kaanfaa Koohda*

<sup>24</sup> Yéesu na télibéecaagari hayussa Kafarnawom. Daa ba le'ee, buwaa fayuki lempaa<sup>†</sup>Kaanfaa Koohda, hayussa ga Pee', meekisohussari an:

- Jégírohiigarúu fayoo lempaa Kaanfii Koohe?

Pee' taassa an:

<sup>25</sup> - Ahan kay, hayaa fayin!

Léehí'ta Pee' aassa kaanfaa, daa ya le'ee Yéesu dëwírukkari meekissari an:

- Ya Simon, fu ínoh ya ga iñii yii? Buwii biida jom kifay buu'cii ga éldúnada lempu wala juuti? Buwii dëku ga kúlkiidano bii en sagacdsä?

<sup>26</sup> Pee' taassa an:

- Hanaa sagaccii.

Yéesu nak wo"a Pee' an:

- Kon buwii dëku ga kúlkiidasa jomoo dara kifay. <sup>27</sup> Wayee waa dū waa'tii kiyëngël keeñcaagaba, karaa giyaa fu wees yoos. Jénaa fu dewan ki'amda, ñëegísa kúuwkaa: fu hay ga kihot hanja'-hëelís wíinoo. Bewaawa, fu fayba lempigoo ga na wiigaraa.

## 18

*Baa Yéesu wo' an yëri wëñ kiyak ga fikii Koohda  
(Marka 9: 33-37; Lúkkaa 9: 46-48)*

<sup>1</sup> Ga wahtaama, télibéecaa deeyussa ga Yéesu, ba meekissari an:

- Bii yiida wëñ kiyak ga Nguuraa yii ga dookdsä?

<sup>2</sup> Yéesu bayya ku'oomaan, tuuki'taja ga leelooba, <sup>3</sup> ya wo"aba an:

- Mi wo"úuka ee kayoh; dū súpítii kipeskaagarúu bi dū man na tu'oomaan, dū aasoo ga Nguurii yii ga dookdsä taa'. <sup>4</sup> Baa wëñ kiyak ga Nguurii yii ga dookdsä yëri en baa yóoskírin hafci bi madin na ku'oomaakii jii. <sup>5</sup> Baa fu te' ga keeñfu oomaanaa fodii yii ndaga teekiigoonaa, lakanan fu te"oo mi ga kihaffoo.

*Iñcii tumlukohi bo' baakaa'da  
(Marka 9: 42-48; Lúkkaa 17: 1-2)*

<sup>6</sup> Yéesu tilka ga an:

- Béeb baa fu baakaa'lukoh yíinoo ga tu'oomaatii tii ee gëmu garoodan, iñaa gën garaadaa wëri en fu pokdu atoh wiyaak\* ga koonaakaagaraa, fu jafu ga dñuy giyyaa.

<sup>7</sup> Massa fu éldúna, ndaga yewinin garaa iñcaa eki bo' ga kitum baakaa'. En ki'enaa, mosannndii ga kiñak, wayee massa baa iñcaama koorohan garida!

<sup>8</sup> Baa en lak yahaagaraa, wala kotaagaraa wëri tahhaa kitum baakaaraa, gúraawa fu jaf di'usaayi'. Iñaa gën garaadaa wëri en fu aas ga kipeskaa leehoo taa'da na yah wíinoo wala kot wíinoo, loo kilaak yah kanak wala kot kanak ee fu jafu ga kiwiikaa yímoo taa'da. <sup>9</sup> Baa kuhaskaagaraa tahhaa kitum baakaaraa, nísaaja. Iñaa gën garaadaa wëri en fu aas ga kipeskaa leehoo taa'da na kuhas kíinoo loo kilaak tuhas tanak ee fu jafu ga kiwiikaa safara.

<sup>†</sup> **17:24** 17: 24 Lempaa Kaanfaa Kooh baa enin yaawúu' béeb ee laakin tilkiis tidaanjkaah-kanak aawwa dook jomin ki'eroh ga kiiskaa, kopa' cadam fay noh-noh wíinoo ga légëy. \* **18:6** 18: 6 Atohaa wiyaakwaama wëri seesohsi towu reseñ

<sup>10</sup> Kaa eewat yíinoo ga tu'oomaatii tii. En ki' enaa, mi wo''úuka, malaakacaagaba ga dookdfa, besaa en béeb ba hídoh na Paammboo yii ga dookdfa. [ <sup>11</sup> En ki' enaa, Kowukii bii hayin éldúna kimúsal buwii múuydfa.]

### *Liwukaa wo' ga loo baalaa múuyee hotukkada*

(Lúkkaa 15: 3-7)

Yéesu tíkka ga an:

<sup>12</sup> - Dú ínoh ya ga iñii yii? Binaa bo' laak baal bítéemée' ee ya múuyluk ga yíinoonaa, ya foñanndii bidaanjkaah-yitnanikiis na biyitnanikiisbaa ga dook janjagaa ba níirohudfa, ya yee kiraasnee yaa múuydane? <sup>13</sup> Mi wo''úuka ee kayoh; binaa ya hottinaa, neblukaa ya neblukan ga yíinoo yaamada, hay kiwëñ kiyak waa ya laakan ga bidaanjkaah-yitnanikiis na biyitnanikiisbaa múuyussiifa. <sup>14</sup> Ee Fodaama, Paammbúu yii ga dookda waa'tii yíinoo múuy ga tu'oomaatii tii.

### *Binaa mbokfu kerceen tooñaa*

Yéesu tíkka ga an:

<sup>15</sup> - Binaa mbokfu kerceen tooñjaanaa, kara, fu wéet nari dú banak doj, fu ña'ti. Binaa ya tookkaa kisukúrukkaa, lak fu laasinndi. <sup>16</sup> Wayee binaa ya tookkiiraa kisukúrukkaa, taabaa na bo' yíinoo wala bo' banak, fu karis gari. Ndaga fodaa daa Kéyítfaa wo'dfa, ga iñaa en béeb jomin kilaak bo' banak wala baahay baa en seedi ga. <sup>17</sup> Wayee binaa ya tookkii kikeloh iñaa ba wo'danaa, wo'aaka bu-jaangaa<sup>†</sup>. Binaa ya sañ ban kikeloh iñaa bu-jaangaa wo'danaa, abohaari fodii yiifa' wala fodii juuti<sup>‡</sup>.

### *Iñaa kokohu na iñaa tooku*

<sup>18</sup> Yéesu tíkka ga an:

- Mi wo''úuka ee kayoh; béeb iñaa dú kokoh ga éldúna, hay kikokohu ga dook; ee béeb iñaa dú took ga éldúna, hay kitooku ga dook ban<sup>§</sup>.

<sup>19</sup> Tíkissa ga, mi wo''úu an binaa bo' banak garúu, dii ga éldúna, júwohu ga kikiim Kooh ga iñaa míñ ki'en béeb, Paammboo yii ga dookdfa haybari ki'on. <sup>20</sup> En ki' enaa, daa bo' banak wala baahay hídírukoh ga teekiigoo béeb, mi yaa ga leeloooba.

### *Kibayaloh ga díkaanti bo' na mooroomci*

<sup>21</sup> Waa ennda dfa, Pee' deeyca ga Yéesu, meekissari an:

- Ha'mudii, mbokkoo yaa dëkkoo kitooñ, mi jommbi kibayal waas cera? Karat bi en waas ciyitnakanake?

<sup>22</sup> Yéesu taassa Pee' an:

- Mi wo''íraa waas ciyitnakanak doj sah, wayee bayalaari waas cidaanjkaah-yitnakanak bi en waas ciyitnakanak<sup>§</sup>.

### *Liwukaa wo' ga loo súrgaa tookkii kibayalohda*

Yéesu tíkissa ga, liiwukkaba an:

<sup>23</sup> - Kéri tah Nguurii ga dookdfa mëdírohu anee: Enee buu', ya waaree súrgacaagari kíndussi alalaagari ya laakdfa. <sup>24</sup> Daa ya dalee kikín, ya haydohdfussa yíinoo yaa bayi'ti cadam fay bo' bijúnni-daanikaah ga noh-noh wíinoo. <sup>25</sup> Baa yaama míñndii kifay iñaa ya laaki' buuraada. Buuraa dalla kinakoh ya toonu ñaam ya na betici na towutaagari na tóoh iñaa ya laakdfa. En danaa kobotkaa élídu. <sup>26</sup> Súrgaa dalla kiyí' kúrük ga fíkii buuraa, kímmbari an: «Múuñdaaroo bi ga fíkii, mi hayyaa kifay tóoh.»

<sup>27</sup> Buuraa laakka yérmaandi gari, múuñi'tari kobotkaa, íissari, ya yaa yah.

<sup>†</sup> **18:17** 18: 17 Bu-jaangaa waa' kiwo', dii, mbooloomaa buwaa gëmin ga Kiristaaniifa. <sup>‡</sup> **18:17** 18: 17 Yiifa' na juuti enuunun buwaa setussii ndaga ba ínohoo Kooh ee ba tumi iñaa joffii ga bimooroombä. <sup>§</sup> **18:18** 18: 18 Mëdírohat na Mëccëe 16: 19. **§ 18:22** 18: 22 Kídií kídu diifa waa' kiteewoh an kibayaloh leehoo. Ken jomoo kikín daa kibayalohkaagari hín kiyewinda.

<sup>28</sup> Súrgaa meyca yaa yah. Ya hídochha na húnisci súrga, yaa laakdeeri cadam fay bo' yíinoo ga noh-noh. Ya njooyya yaama ga koonaa, yaa booy, wo"ari an: «Fayaaroo iñii fu bayi'tooda.»

<sup>29</sup> Húnismunaa yí'a kúruk ga kotcaagari, kíimbari an: «Múuñsaaroo bi ga fíkíi, mi hayyaa kifay»; <sup>30</sup> wayee ya sajnga. Ya nammbari kibay hen, lanlukkari ga kasu bi ga daa yaama fayanndi iñaa ya laaki'tida. <sup>31</sup> Daa súrga mooroomuncaagari hotsee iñaa laakee yaama, keeñba leehha ga tak. Ba ka'ta, ba béstí'ta buuraa tóoh iñaa hewee yaama. <sup>32</sup> Waa ennda dfa, buuraa baylukka súrgaama, wo"ari an: «Fu súrga yisótí! Fu yí'ii hen ga fíkiroo, mi múuñi'taraa kobotkaagaraa béebkane? <sup>33</sup> Fu ban, fu míneeríi kilaak yérmaandi ga mooroomfu yaama fodaa daa mi laakee yérmaandi garaadane?».

<sup>34</sup> Keeñaa buuraa tammba lool. Ya lanjngaa súrgaa ga kasu, ya fítísohu bi ga daa ya fayan kobotkaagari béebkana.

<sup>35</sup> Yéesu tikka ga an:

- Paammboo yii ga dookdha yah narúu kitum fodaama, binaa yaa en béebkana garúu bayallii mooroomci na keeñaagari béebwanaa.

## 19

### *Yéesu wo'"a ga loo kifasi'*

(Marka 10: 1-12)

<sup>1</sup> Ga waa Yéesu lëehí'ta kijégíroh iñcaama, ya kolkohha gohaa Gélilée, ya yaa yah dëkcaa bok ga gohaa Yúudée ee hanoh húlwaa Yúrdenj gaada. <sup>2</sup> Mbooloo wiyaak taabukkari daama ee ya yaa wéki' buwaa dúukool gabada.

<sup>3</sup> Laakka Férísiyeencaa hayu bi gari kifí'ti, ba meekissari an:

- Waasiiruu onin yaal kifasi' betici ga iñaa ba míni kilaakoh tóohhe?

<sup>4</sup> Yéesu meekissaba an:

- Hanaa dú jañngii iñaa bídu ga Kéyítfaa Koohda: «Ga dalaaraa yii sak tóohda tummbaba yaal na beti», <sup>5</sup> ee Kooh wo'"a an: «Kéri tah bi yaal hay kifoñ paamci na eeci, ya aboh na betici ee fa banak, ba en bo' yíinoo.» <sup>6</sup> Fodaama ba enissii fanak, wayee ba en yíinoo. Kon bo' hanat kihégísoh iñaa Kooh akitohin.

<sup>7</sup> Férísiyeencaa meekisohussari an:

- Kon iñii tah ya Móyiis nakoh an binaa bo' yah kifoñ beticinaa, ya onuunun kibín kényít ya e'tija kiteewoh an sýyaa tasin?

<sup>8</sup> Yéesu taassaba an:

- Móyiis onndarúu kifasi' beticiigarúu ndaga dii dú súb ga keeñda, wayee enéeríida kudewaa. <sup>9</sup> Mi wo'"úu an: «Binaa bo' kaal betici, pañ beti yiliis ee lakanaa enndii an betifaagari dükki hen faanukka na yaal yiliisaa, iñaama kidük betici, ya faanuk na beti filiis.»

<sup>10</sup> Téelibéecaa wo'ussari an:

- Binaa en an iñaama yérí laak ga díkaanti yaal na betinaa, caloo kipañ.

<sup>11</sup> Yéesu taassaba an:

- Enndii an buwii béeßba bérí míni ki'ínoh iñii wo'u yii. Buwaa Kooh onbakada doñ bérí mínska. <sup>12</sup> En ki'enaa, laakin enaama ciyewin caa míni bo' kihoonoh kipañ, laakin buwaa mínsooka ga ki'oomaaba, bíinoo bo' tíkbaka, bíinoo ban waarusii ndaga ba tanuk Nguuraa Kooh. Jégíruma baa fu mínwaa kitookaa, tooka.

### *Yéesu barkeella tu'oomaataa*

(Marka 10: 13-16; Lúkkaa 18: 15-17)

<sup>13</sup> Waa ennda dfa, bibo' haydohdussa Yéesu tu'ooma, ya tik yahcaagari ga dookba, ya kíimi'ba Kooh. Wayee téelibéecaa baa ña' buwaa. <sup>14</sup> Yéesu wo'"aba an:

- Ísat tu'oomaatii ta hay garoo, kaa hoonohatba ndaga Nguurii yii ga dlookda wuu buwii man nabada.

<sup>15</sup> Waa ennda da ya tikkaba yahcaagari, lëehí'ta ya kolkohha daama ya yaa yah.

### *Oomaa-filaa yilëeki'-alalyaa*

(Marka 10: 17-31; Lúkkaa 18: 18-30)

<sup>16</sup> Laakka bo' yaa deey ga Yéesu meekissari an:

- Jëgírohii, mi míñ ya kitum yijóffí' bi mi laas ga kipeskaa leehoo taa'da?

<sup>17</sup> Yéesu taassari an:

- Iñii tah yah fu meekissoo ga loo yijóffí' yaa fu míñ kitumda? Bo' yíinoo doj yërí jof. Fu waa' ki'aas ga kipeskaa leehoo taa'fanaa, tumaa iñcii Waasii Móyíis nakoh kitumda.

<sup>18</sup> Baa meekissa Yéesu an:

- Iñcii ciida nakohu kitum?

Yéesu taassa an:

- Kaa lañ kumuun bo'; kaa dúk ßetifu wala yaalfu, fu faanuk na bo' yiliis; kaa lok; kaa seedi' saboh. <sup>19</sup> Kelohdæa paamfu na eefu; fu waa' mooroomfu fodaa daa fu waa' haffuda.

<sup>20</sup> Oomaa-filaa wo'"a Yéesu an:

- Mi tumin iñcuma tóohca, iñii yiida tessoo kitum?

<sup>21</sup> Yéesu wo'"ari an:

- Fu waa' kimëtíraa, kara, fu toon iñaa fu laakda tóoh, fu waroh koparaama nduulcii, fodaama fu hay kilaak alalaa leehoo taa' ga dlook, lëehíraa fu hay, fu taabukkoo.

<sup>22</sup> Daa oomaa-filaa kelohee wo'eenama, keeñci leehha tak, ya yaa yah, ndaga ya enee baa yewinin alal.

<sup>23</sup> Yéesu dalla kiwo' télibéecaa an:

- Mi wo'"úuka ee kayoh; ki'aaskaa ha'-alal ga Nguurii yii ga dlookda daal yoobpii.

<sup>24</sup> Mi wo'issúu ban an, geeleem paaf ga non kúuc kérí wéñ kiyoob daa ha'-alal aasan ga Nguurii Kooh.

<sup>25</sup> Daa télibéecaa kelohee wo'eenama, ba waaru'"a lool, ba wo'"a an:

- Kon baanaa, bii míñ kimúc ba?

<sup>26</sup> Yéesu malakkaba, wo'"aba an:

- Iñamaa wooñ bo' wayee wooñjii Kooh.

<sup>27</sup> Waa ennda da, Pee' dallari kiwo' an:

- Malkaa, dí, dí foñin tóoh, dí taabukinndaa, kon dí yah ya kilaak?

<sup>28</sup> Yéesu taassa an:

- Mi wo'"úuka ee kayoh; bëriinaa Kooh tuukiran éldúna wiliis wi'as bi Kowukii bii yun kinguuruk ga ndamaagarinaa, dú bii dú bidaanqkaah na kanakbii taabukkooda, dú hay kiyun ban ga banj-buu', dú atti' níilcaa Isarayeel cidaanqkaah na kanakcaa.

<sup>29</sup> Ee bëeb buwaa foñ kaanba, na biyaakba biyaal na bibeti, paamba, eewba, towutaagaba wala yooncaagaba ndaga teekiigoonaa, ba hay kilaasis iñaa wëñda waas citéemée' ee ba hay kilaak kipeskaa leehoo taa'da. <sup>30</sup> Biyewin ga buwii dëb watida bëri mëeñjohan ee biyewin ga buwii mëeñjohda bëri dewan.

## 20

### *Liiwukaa wo' ga loo lëgëyohcaa bokussii wahtu kibewuda*

Yéesu liiwukissa an:

<sup>1</sup> - Nguurii ga dlookda nak mëdirohu anee: Enee ha'-kaan, ya koluka ga kímaa teel, ya bebneera bibo', baa lëgëydandii ga yoon-biiñaagari. <sup>2</sup> Ya júwohha naba ga ki'e'ba iñaa faysi ga noh-noh wíinooda. Lëehí'ta ya ebillaba yoonaagari. <sup>3</sup> Ya meyissa ga bak wahtu yoo'-yoo', ya hotta bibo' biliis, baa yugu ga paanaa dëkaa, tumussii dara. <sup>4</sup> Ya wo'"aba an: «dú ban, karat, dú lëgëynee ga yoon-biiñaagoo. Mi hayyúu kifay iñaa

wa'.'» <sup>5</sup> Baama karussa. Ha'-yoona meysissa ga bak wahtu cuunoh na ban ga wahtu kigoonaluk, ya tumissa fodaama. <sup>6</sup> Ya meysissa lak nohaa waa soos, ya hotta bifo' biliis daama, ga paanaa, ya meekissaba an: «Dú yugoh ya dii noh-noh, dú tummbii dara?» <sup>7</sup> Ba taassari an: «Ken beþpiiri kilégéy hen.» Ya wo"aba an: «Kon dú ban, karat, dú lëgëynee ga yoonaagoo.»

<sup>8</sup> Ga wahtu kiyút, ha'-yoona wo"a baa tuukuk lëgëyaadfa an: «Bayaa lëgëyohcum, fu fayba. Dalohaa ga buwum mi méeñjoh kibewuda, fu lëehíroh ga buwum mi deb kibewuda.»

<sup>9</sup> Waa ennda ða, lëgëyohcaa beþsee lak nohaa soosinda, hayussa. Ba fayussa yaa en béeþ noh-nohaagari wiinoowaa. <sup>10</sup> Lëgëyohcaa debsee kibewuda nak, daa ba hayee kifayuk, ba fooŋga an ba hay kilaas iñaa wéñ. Wayee ba ban, ba fayussa yaa en béeþ noh-nohaagari. <sup>11</sup> Daa ba laasee ga, ba aawwa kiña' iñama ga fíki ha'-yoona, <sup>12</sup> ba wo"ari an: «Buwii bii méeñjoh kibewuda lëgëyu wahtu wiinoo doj ee fu hídi'ba narii, dí bii dí kooruk coonufi lëgëyi na taangaayii noh-nohda!» <sup>13</sup> Wayee ha'-yoona taassa yíinoo gaba an: «Yaal, mi tooñnjiiraa kat. Man du júwohee ga cadam noh-noh wiinoo? <sup>14</sup> Kon bewaa iñii fu laakða, fu yee. Mi waa' ki'e' bii yii méeñjoh kibewuda ya hídi' naraa.

<sup>15</sup> Mi laak alaliigoo, mi mínoo ga kitum iñaa neþpoone? Wala ati keeñfu mesik ga dii mi jofða hen?»

<sup>16</sup> Waa ennda ða, Yéesu tíkka ga an:

- Fodaama, buwii méeñjohða bëri dewan, buwii debða bëri méeñjohan.

*Waas wukaahaywaa Yéesu yéegaloh kikaankaagari na kimilískaagari  
(Marka 10: 32-34; Lúkkaa 18: 31-34)*

<sup>17</sup> Waa ennda ða, Yéesu enee ga waas Yéerúsaleem, ya na télíbécäagari bidaanjkaah na banakbaa, ya bayyaba hañ, wo"aba an:

<sup>18</sup> - Súkúrukat, du bii yah Yéerúsaleem ee Kowukii bii hay kitíku ga yah sarahohcaa biyaakbaa, na jégíroh-waasca, ee ba hayyi ki'atti' kikaan, <sup>19</sup> ba tíkki ga yah yiifa'caa\*, baama ñaawalsohhi, ba típpi laawoo, lëehíraa ba daayci ga kuraa. Ee ga besaa wukaahaywaa tikan gada, ya hay kimilís.

*Iñaa eew towutaa Sebedee kíim Yéesuda  
(Marka 10: 35-45; Lúkkaa 22: 24-30)*

<sup>20</sup> Waa ennda ða, towutaa Sebedee tanaktaa, eewba hayya ga Yéesu, ya taam na oomaacaagari, ya yí'a ga fíkiici kikiimmbi yen.

<sup>21</sup> Yéesu meekissari an:

- Fu waa' ya?

Ya taassa an:

- Dígaaroo an binaa fu yuñ ga Nguuraagaraanaa, oomaciigoo bii, yii yugan ga yahfu ñaam, yíinoo ga yahfu señ.

<sup>22</sup> Yéesu taassaba an:

- Dú ínohoo iñii dú kíimða. Dú míniñ ki'an kaas-coonii mi yah ki'andane?

Ba taassari an:

- Dí míniñ.

<sup>23</sup> Ya wo"aba an:

- En ki'enaa, dú hay ki'an ga kaasii mi yah ki'anda, wayee en iñaa aaw ga kiyun ga yahhoo ñaam wala ga yahhoo segaa, enndii mi jomka kiwo'. Buwaa Paammboo waayuki' ðakcaamada bëri yahca ki'eru.

<sup>24</sup> Daa télíbécäaa bidaanjkaahbaa tesða kelohee iñama, ba aylukka télíbécäaa banakbaa bokohða. <sup>25</sup> Waa ennda ða, Yéesu bayyaba, wo"aba an:

\* **20:19** 20: 19 Yiifa'cii wo'u diiða, bu-Room bëri.

- Dú ínohin an buwii en ha'-kúl ga öldúnada, ba teewi buwii an ba hanoh béeþ dook ee ha'-doolicii tumlukohi buwii ga iñaa nebba. <sup>26</sup> Iñaa manda yahhiida kilaak ga dzuuyucúu. Wayee laak baa waa' ki'en bo' yiyaak ga dzuuyucúunaa, ya joman ki'en súrgarúu, <sup>27</sup> ee baa waa' garúu kikuliyukaa, ya joman ki'en ñaammbúu. <sup>28</sup> Fodaama, kiheel súrga tähhii Kowukii bii kihay, wayee ka hay ki'en súrga buwii na ki'eroh kumuunci doo ya laas tumuun bo' biyewin.

### *Yéesu wëki'ta búumí' banak ga teeraa Yéríkóo*

(Marka 10: 46-52; Lúkkaa 18: 35-43)

<sup>29</sup> Daa Yéesu na télibéecaa meysee teeraa Yéríkóo, mbooloo wiyaak taabukkari. <sup>30</sup> Lak laakin búumí' banak baa yun ga yahaa waasaa, baa sarahtuk. Daa ba kelohee an Yéesu yéri en na kipaaf, ba aawwa kifiip an:

- Ha'mudii, kucaasamunkii Dëwít yérëmaarii!

<sup>31</sup> Buwaa baa ña'ba doo ba dëkoh, wayee ba baa wëñ kifiip an:

- Ha'mudii, kucaasamunkii Dëwít yérëmaarii!

<sup>32</sup> Yéesu tuukka, bayyaba, wo"aba an:

- Dú waa' ya mi tumi'túu?

<sup>33</sup> Ba taassari an:

- Ha'mudii, tumdaaríi bi dí míñ kihotsis.

<sup>34</sup> Yéesu laakka yérmaandi wiyaak gaba, le'a ga tuhastaagaba. Ga saasi ba malakka, ba baa taabukki.

## 21

### *Yéesu aassa teeraa Yéerúsaleem na ndam wiyaak*

<sup>1</sup> Yéesu na télibéecaagari hayussa bi ba deeyca teeraa Yéerúsaleem, ga yahaa dëkaa Betfasee en ga bak tégëlaa Ólíwíyéecaada. Daama Yéesu wossa ga télibéecaagari banak, <sup>2</sup> ya wo"aba an:

- Karat dëk-kawum en ga fíkíirúufa. Binaa dú le' danaa, dú hay kihot baam yileþ yaa pokuunun, taam na cúmbú', pëkísatba, dú haydohi'tooba. <sup>3</sup> Ee binaa bo' wo' yen ganaa, taasatti an: «\*Ha'mudii laak sooli ga». Ee ga saasi ya hayyúu ki'iis dú haydohfa.

<sup>4</sup> Iñaama laakka doonaa iñaa sëldíiga-Koohaa wo'eeda mat. Ya wo'ee an:

<sup>5</sup> «Wo'at bu-teeraa Síyoñ an:

- Malkat, buuriigarúu yeema hayi garúu.

Ya, ya tíitarukkii ee ya lap ga baam yileþ,

na ga dook cúmbú', kowu baam.»

<sup>6</sup> Télibéecaa banakbaa karussa, ba tummba fodaa daa Yéesu nakeebakada. <sup>7</sup> Ba haydohha baamaa yilebyaa na cúmbúraa. Ba la'ta paltucaagaba ga dook baamcaa, Yéesu lappa ga dookgaa. <sup>8</sup> Bo' biyewin ga mbooloomaa larussa paltucaagaba ga waasaa. Buwaa bïinoo baa gú' toytaa tediktaa, baa bool tuu'taa, baa la'ta ga waasaa.

<sup>9</sup> Buwaa hanohee Yéesu fíkíi na buwaa taamsee ga fenoocida, béeþba baa wo' didóolí' an:

- Óosaanaa!

Ndam aawat ga kucaasamunkii Dëwít!

Kooh barkeelat yii hay ga teekii Ha'mudiida!

Óosaanaa aaw ga dookaa-dook.

<sup>10</sup> Daa Yéesu aasee Yéerúsaleem, tóoh dëkaa yëngëlukka, buwaa baa meekisoh an:

- Bii yii, ya ba?

<sup>11</sup> Mbooloomaa taassa an:

- Sëldíiga-Kooh Yéesu yéri, yii meyoh Nasareet ga gohaa Gëliléeda.

*Yéesu kaalla toonohcaa ga d'uuuy Kaanfaa Kooh  
(Marka 11: 15-19; Lúkkaa 19: 45-48; Lúkkaa 20: 1-8)*

<sup>12</sup> Yéesu aassa Kaanfaa Kooh, ya kaalla béeb̄ buwaa enee na kitoon na buwaa enee na kilom daamada. Ya yaa búuk taabulcaa weci'oh-kopa'caa na yugaahcaa toonoh-ho'caa\*. <sup>13</sup> Lëehí'ta, ya wo'"aba an:

- Bíduunun ga Kéyítfaa an: «Kaanndoo yah ki'en kaanfaa kíimohohsan Kooh», wayee dú, dú tumfa daakkaa' lok<sup>†</sup>.

<sup>14</sup> Laakka búumí', na beedúkí'caa hay ga Yéesu ga Kaanfaa Kooh, ya wéki'taba. <sup>15</sup> Sarahohcaa biyaakbaa na jégíroh-waascaas aylukussa ga waa ba hot enaamacaa cidóoyí'-waa'caa ya tumfa, ee ba hotta ban oomaacaa baa fiip ga Kaanfaa Kooh an: «Ndam aawat ga kucaasamunkii Dëwít!»

<sup>16</sup> Ba dalla Yéesu kiwo' an:

- Fu kelohin iñii oomaacii wo'dane?

Yéesu taassaba an:

- Ee mi keloh ga. Hanaa dú mosoo kijaŋ iñii bídu yii an: «Ga túuwttii oomaacii na tii lii'cii, fu meydohdfin haffu ga yeek-kañ»?

<sup>17</sup> Lëehí'ta Yéesu foñjaba daama, ya meyca teeraa, yaa yah Bétaníi, ya neehneera daama bi Kooh wiissa.

*Yéesu coñnja kedikkaa*

*(Marka 11: 12-14,20-24)*

<sup>18</sup> Ga kooh-wíisfaa, Yéesu enee na kiboyuk teeraa ee lak ya yaawin. <sup>19</sup> Ya hotta bos een ga yahaa waasaa, ya ka'ta bi ga bosaa, ee ya hottii dara ga, enndii tuu'taanaa. Waa ennda da, ya wo'"a kedikkaa an:

- Fu límsisoo kowu bi taa'!

Ga saasi, eenaa súbpa kaw.

<sup>20</sup> Daa tæelíbæecaa hotee iñaama, ba jaahli'"a lool, ba meekissa Yéesu an:

- Tum na kedikkii súb ga saasi?

<sup>21</sup> Yéesu taassaba an:

- Mi wo'"úuka ee kayoh; binaa dú laak ngëm ee dú laakkii hel kanak ganaa, dú eemoo ga kitum iñii dal kedikkii kiifa doŋ, wayee dú wo' sah janjagii wii an: «Kolkaa dii fu jafsunee ga giyyaal!» Iñaama laak. <sup>22</sup> Binaa dú kím Kooh ee taam na ngëmaa, béeb̄ iñaa dú meekisohaa, dú laakki.

*Yéesu meekisohussa baa onndi doolaa ya bayda*

*(Marka 11: 27-33; Lúkkaa 20: 1-8)*

<sup>23</sup> Yéesu aassa Kaanfaa Kooh, ya yaa jégíroh. Sarahohcaa biyaakbaa na yaakcaa dëkaa hayussa, ba meekissari an:

- Iñcii fu tumfa, fu ayka gada? Bii onndaaca kitumba?

<sup>24</sup> Yéesu taassaba an:

- Mi ban, mi yahhúu kimeekis enaama yíinoo doŋ, binaa dú taassoo ganaa, mi wo'"úu ban iñcii mi tumfa ati mi ayka gada? <sup>25</sup> Sanj-Bëtís, bii yiida woseeri kibëtisi' buwaa? Kooh wala bo'-súusúus?

Ba baa wo' ga díkaantiba an: «Binaa du wo' an Kooh yëri woseerinaa, ya hayyuu kilof an: iñii tah ya dú gëmmbii ga Sanj? <sup>26</sup> Ee du wo' an buwii bëri woseerinaa, du jomin kiniik mbooloomii ga iñaama ndaga ba tookin an Sanj sëldiiga-Kooh.»

<sup>27</sup> Ba dalla kitaas Yéesu an:

- Dí ínohoo!

Yéesu loffaba an:

- Kon baanaa mi ban, mi wo'anndiirúu iñcii mi tumida ati mi ayka gada.

\* <sup>21:12</sup> 21: 12 Weci'oh-kopa'caa waama, yaawúu'caa meyoh ín haysee Yéerúsaleemfa weci'see kopa'caagaba ga buwaama, doonaa ba míñ kilom júu' kitum sarah ga Kaanfaa Kooh na kifay lempaa Kaanfaa Kooh. <sup>†</sup> 21:13 21: 13 Malkat Ísayíi 56: 7; Yérémíi 7: 11.

### *Liiwukaa wo' ga loo towutaa tanaktaada*

Yéesu tikkga ga an:

<sup>28</sup> - Dú ínoh ya ga iñii yii? Enee bo', ya laakee towu tanak. Ya hayya ga yíinooyaa wo"ari an: «Kowuroo, wati, leenaa kara, fu lëgëynee ga yoon-biiñaagaruu.»

<sup>29</sup> Kowukaa taassari an: «Mi yahhii». Wayee ennda kiis, ya récukka, ya ka'ta yoon. <sup>30</sup> Paamudaa hayya ga yukanakyaa ban, wo"ari iñaa ya nakee yudsewaayaada. Kowukaa kukanakkaa wo"a paamudaa an: «Ee, mi yii yah buba!» Wayee ya ka'tii.

<sup>31</sup> Yéesu meekissaba an:

- Yiida ga towutaa tanaktaa tum iñaa paamci waa'da?

Ba taassa an:

- Yaa ya dewohdfa yérí.

Yéesu dallaba kiwo' an:

- Mi wo"úuka ee kayoh; juuticii na faankoh-pakaycii bëri dewanndúu ki'aas ga Nguuraa Kooh. <sup>32</sup> En ki'enaa, Sañ hayin garúu. Ya teeþparúu waasii wijúwí' wii ee dû gëmmbii iñaa ya wo'da. Wayee juuticii na faankoh-pakaycii gëmussari. Ee ga iñaa dû hot yaama tööh, tahhii bi dû récukka, dû gëmmba iñaa ya wo'da.

### *Liiwukaa wo' ga loo línoh biiñcaa bisóotí'baa*

(Marka 12: 1-12; Lükkaa 20: 9-18)

Yéesu wo'a buwaa an:

<sup>33</sup> - Súkúrukat, mi wo"úu liiwuk wiliis: Enee ha'-yoona, ya yíppa tedik-reseñ ga yoonci. Ya díñnga yoona, ya acca noj ga yoona daa towu-resentaa seesohsan. Ya tawahha daa bo' mínan kituukoh, tíim yoona malaki ga. Lëehí'ta ya sassa bilëgëyoh ga yoona, ya yaa yah kibaab. <sup>34</sup> Ga waa wahtu kibeen yoona le'da, ya wossa súrgacaagari ga lëgëyohcaa ga yoonaada, ba e'ti iñaa ya laak ga iñaa yoona meydohdfa. <sup>35</sup> Wayee lëgëyohcaa abussa súrgacaa, ba feekka yii, ba appa yíinooyaa. Yaa tesda, ba tapisohhari na atoh bi kaannda. <sup>36</sup> Ha'-yoona wosissa súrga biliis, baa wëñ kiyewin baa ya dewee kiwosda. Wayee lëgëyohcaa tumussa buwaama fodaa bu-dewaaabaa. <sup>37</sup> Ha'-yoona méeñjohha kiwos kowukaagari ga lëgëyohcaa. Ya abee ga helci an: «Hanaa ba hay ki'on kowukiigoo cé'e'.» <sup>38</sup> Wayee lëgëyohcaa, daa ba hotee kowukaa ha'-kaadaa, ba wo'a ga díkaantiba an: «Yii yah kilamda yeema, d'u apatti, du beb iñii ya jomee kilamda.» <sup>39</sup> Ba dallari ki'am, ba fassari bi meyca yoona, ba appar daama.

<sup>40</sup> Yéesu meekissa buwaa an:

- Binaa ha'-yoona haya, ya yah lëgëyohcaama na kitum?

<sup>41</sup> Ba taassari an:

- Ha'-yoona haya, hay ki'ap lëgëyohcaa bisóotí'baa baama, ap wibóní'. Lëehíraa ya beb yoona, ya e'wa bilëgëyoh biliis, baa, binaa kibeen le'aa, ba e'ti iñaa yoona meydohanda.

<sup>42</sup> Yéesu wo"aba an:

- Hanaa d'u mosoo kijan iñaa bídu ga Këyítfaa an:

«Atohaa tawahohcaa jafeeda,

atohaama enin atoh-koñ.

Iñamaa yérí Ha'mudii tum,

ee enin kíntaan ga hasciiruu.»

<sup>43</sup> Yéesu tikkga ga an:

- Kéri tah mi wo"úu man: Nguurii Kooh hay kite'u ga yahhúu, wa tíku ga yah heet wiliis, waa yahwa kilëgëy, meydoh jeriñ ga. <sup>44</sup> [Baa keen ga dook atohaamanaa hay kiweelsukoh ee baa wa keen ga dookcinaa, wa hayyi kinapañsoh].

<sup>45</sup> Daa Sarahohcaa biyaakbaa na Férísiyeencaa kelohsee liiwukcaa Yéesu caama, ba ínohha an Yéesu wo' naba. <sup>46</sup> Ba baa heel ki'amluk Yéesu, wayee ba niikka mbooloomaa ndaga béeþ buwaa tookin an Yéesu séldíiga-Kooh.

## 22

*Liiwukaa wo' ga loo buwaa baysee kiñamda  
(Lúkkaa 14: 15-24)*

<sup>1</sup> Waa ennda da, Yéesu liiwukissa buwaa an:

<sup>2</sup> - Nguurii ga dookda mëdirohu anee: Enee buu', ya tíklukka cuunoh ga sëycaa kowukaagari. <sup>3</sup> Ya wossa súrgacaagari kibaynee buwaa ya nakee sëgílookfaadfa. Wayee baama waarussii kihay. <sup>4</sup> Buuraa wosissa súrga filis ga buwaa ya nakee sëgílookfaadfa an: «Wo'at buwaa an: ñamahii tikuunun, mi apin naalciigoo na júu' bidúufí'. Tóoh sekba, ba hayat, ba ñam!» <sup>5</sup> Wayee buwaa naksee baama abussii faali ga bëytohhaa. Yaa en bëeb yaa yah soolici: yii ga yoonci, yii ga toonaagari. <sup>6</sup> Baa tesda abussa súrgacaa buuraa, tóröhírussaba, apussaba. <sup>7</sup> Buuraa kelohhaka, dalla ki'ayluk. Ya ebilla soldaa'caagari ba apnee lagoh-kumuuncaa baama, ba tèki' teeraa ba dëkohda. <sup>8</sup> Lëehí'ta ya wo''a súrgacaagari an: «ñamahii sëgílookfí pari'in, wayee fa joobeera buwaa nakseefada. <sup>9</sup> Kon nak karat ga mbedicii ga dëkiifa, ee baa dú hot bëeb, nakatti ya hay ga sëgílookfí.» <sup>10</sup> Súrgacaa karussa ga mbedicaa. Baa ba hotin bëeb, ennda yijóffí' ennda yibóní', ba wo''ari. Ba négirohhaba, bi túuyaa ñamahaa tofohuda líiffa muut na bifo'.

<sup>11</sup> Buuraa aassa túuyaa kihëebdúk buwaa en na kiñamda. Ya hotta daama bo', yaa bayyii kultí feet. <sup>12</sup> Ya meekissari an: «Yaal, tum na fu aassa dii ee fu bayyi kultí hew?» Wayee baa laakkii iñaa ya wo'an. <sup>13</sup> Waa ennda da, buuraa wo''a súrgacaagari an: «Baa yay, bagat yahcaagari na kotcaa, dú jaffi ga ñúusaa ga foohda: daama kikodukoh na ki'úñoh sis yah da kilaak<sup>✳</sup>.»

<sup>14</sup> Yéesu tikkka ga an:

- En ki'enaa, buwii bayuda yewinin, wayee buwii tanudfa caakkii.

*Kifay lempu*

*(Marka 12: 13-17; Lúkkaa 20: 20-26)*

<sup>15</sup> Waa ennda da, Férísiyeenjcaa karussa kihotoh ga d'uuyba, kimalak daa ba tuman bi ba fí' Yéesu ga d'uuy wo'een. <sup>16</sup> Lëehí'ta, ba wossa bifo' ga télíbécaga, ba taammabaa na bifo' ban ga buwaa fa' na buu' Erootfa, kimeekis Yéesu an:

- Jégírohii, dí ínohin an fu wo'i kayoh: fu jégíroh iñaa Kooh nakoh kayoh-kayohda. Fu niikkii ken, ee fu malkirii bo' ga daa ya man ga hascii buwiida. <sup>17</sup> Kérí tah, wo'aaríi halaatfu ga iñii yii: Waasii onohin kifay lempaa Sesaa', buuraa yiyaakyaa ga Roomfanoo, onohhii ka?

<sup>18</sup> Wayee Yéesu ínohha nof-moroonaa ba na'da, ya wo''aba an:

- Dú bii dú jofjófduki ga fíkii buwiida! Iñii tah ya dú heeloo kífi'? <sup>19</sup> Teewattoo hanja' wíinoo ga koparum fayohsi lempuda.

Ba haydohi'tari hanja' wíinoo.

<sup>20</sup> Yéesu nak meekissaba an:

- Nataalii wii wuu ba na teekii en gada?

<sup>21</sup> Ba taassa an:

- Cuu Sesaa', buuraa yiyaakyaa.

Daama Yéesu wo''aba an:

- Kon erat Sesaa' iñaa en yuu Sesaa' ee erat Kooh iñaa en yuu Kooh.

<sup>22</sup> Daa ba kelohee iñaa Yéesu loffba yaama, ba waaru''a lool, ba foñnjari da, ba baa yah.

*Yéesu meekisohussa ga loo kimílskaa buwaa kaaninda  
(Marka 12: 18-27; Lúkkaa 20: 27-40)*

<sup>✳</sup> **22:13** 22: 13 Malkat Mëccëe 8: 12; 25: 30; Lúkkaa 13: 28.

<sup>23</sup> Ga besaa bërii, laakka Saduseyeeñcaa hayu ga Yéesu. Ba nak, ba gëm an kimilis laakoo. <sup>24</sup> Ba meekissa Yéesu an:

- Jëgírohii, Móyiis wo' an: «Binaa bo' kaan ee laakkii kowu na beticinaa, këmëenjíci jomin kilam betifaama, ya laaki' yaakci kowu ga»<sup>25</sup>. <sup>25</sup> Waama, laakee dii garii yaal biyitnabanak baa bok paamun na eemun. Yaakkaa pañja beti, ya kaannda ee laakkii kowu. Ee fodaama këmëenjímuna lammba betifaa. <sup>26</sup> Ennda ña ga yukanakyaa, na yukaahayyaa bi ga yuyitnakanakyaa. <sup>27</sup> Ga waa ba kaannda béeëba, betifaa ñan tikka ga. <sup>28</sup> Diimada wo'aaríi bëriinaa buwii miliisan ga kikaanda, betifaama yah ki'en yuuba ga biyitnabanakbaa? Ndaga yaa en béeëb ga biyitnabanakbaa beweerari beti!

<sup>29</sup> Yéesu taassaba an:

- Dú wo'in kimúuyucúu, ndaga dú ínohoo iñaa bídu ga Këyítfaada ee dú ínohoo daa doolaa Kooh hín kiyakda. <sup>30</sup> Binaa buwaa kaanda miliunaa, yaal pajoo ee beti pajukoo, wayee ba pesan madu na malaakacii Kooh enu ga dlookda. <sup>31</sup> En iñaa aaw ga kimiliscaa buwaa kaandanaa, hanaa dú mosoo kijan ga Këyítfaa iñaa Kooh wo'eerúu an: <sup>32</sup> «Mi yérí en Koohyii Abaraham, Koohyii Ísaak, Koohyii Yakoop»<sup>29</sup>.

Yéesu tikka ga an:

- Kooh yuu buwaa en na kipesda, enndii yuu buwaa kaanda.

<sup>33</sup> Béeëb buwaa kelohsee iñcaa ya wo' caama, waaru'ussa ga jëgírohaagari.

### *Iñii wëñ kiyak ga iñcii Kooh nakohda*

(Marka 12: 24-34; Lükkaa 10: 25-28)

<sup>34</sup> Daa Férísiyeenjaa yéeggee an Yéesu búlin Saduseyeeñcaa, ba dalla kihidoh ga defkataama. <sup>35</sup> Laakka jëgíroh-waasaa bok gaba, ya waaree kimalaksukoh Yéesu, ya meekissari an:

<sup>36</sup> - Jëgírohii, iñii yiida kuliuk ga iñcii Waasii Móyiis nakohda?

<sup>37</sup> Yéesu taassari an:

- «Fu waaran Ha'mudii, Koohyiigaraa na keeñaagaraa tóoh, na kipeskaagaraa tóoh, na helaaagaraa tóohwa.» <sup>38</sup> Wuma wérí wëñ kiyak ee wérí kuliuk ga iñcii Kooh nakohda. <sup>39</sup> Ee wii wérí en wukanakwii man nawada: «Fu waaran mooroofu fodaa daa fu waa' haffuda.» <sup>40</sup> Béeëb Waasaa Móyiis na béeëb iñcaa sëldiiga-Koohcaa jëgírohda kú'uk ga iñcii kanakcii cii nakohuda.

### *Iñaa Kiristaanii jom ga buu' Dëwítda*

(Marka 12: 35-37; Lükkaa 20: 41-44)

<sup>41</sup> Wiima lak Férísiyeenjaa hídirukohuunun daama, Yéesu meekissaba an:

- Dú ínoh ya ga Kiristaanii? Ya kucaasamun ba?

<sup>42</sup> Ba taassa an:

- Ya kucaasamun buu' Dëwít!

<sup>43</sup> Yéesu wo'aba an:

- Kon tum na Dëwít, ga waa ya líif na Helaa yisela'í'yaada, bayyari "Ha'mudii"? En ki'ena, Dëwít ga kihafci wo'in an: <sup>44</sup> «Kooh, Ha'mudii wo'a Ha'mudiigoo an: "Yugohaaroo yah-ñaam bi ga daa mi tuman buwii sañngaada ditogaa' kotfu"»<sup>30</sup>.

<sup>45</sup> Waa Dëwít bay Kiristaanii "Ha'mudii", kon tum na bi Kiristaanii míñ ki'en kucaasamun Dëwít?

<sup>46</sup> Laakkii gaba yíinoo yaa mínni kitaas wo'een wíinoo sah. Ee aboh ga besaa bërii, ken kaañissiiri kimeekisohis yen.

<sup>25</sup> 22:24 22: 24 Malkat Dëteronom 25: 5-6.    <sup>26</sup> 22:32 22: 32 Malkat Eksoot 3: 6,15.    <sup>27</sup> 22:44 22: 44 Kañcaa 110: 1.

## 23

*Yéesu nakoh kiwatuk jégíroh-waascaan na Férísiyeenjcaa  
(Marka 12: 38-39; Lúkkaa 11: 43,46; 20: 45-46)*

<sup>1</sup> Waa ennda da, Yéesu wo"<sup>a</sup> mbooloomaa na télleebéecaagari an:

<sup>2</sup> - Jégíroh-waascii na Férísiyeenjcií bérí tuuk ga kotcaa Móyíis, kijégíroh na kiteewoh iñii nakohu kitumda. <sup>3</sup> Kon nak, béeb iñaa ba wo"<sup>ú</sup>unaa, tumatti, dú taabukki. Wayee kaa éldúkohatba ga iñcií ba tumida. En ki'enaa, ba wo'i hen ee ba tumoo. <sup>4</sup> Ba poki dof cibítí' [caa ken hatinoo]<sup>\*</sup>, ba sëfca ga yúukcii buwii ee ba ga kihaffba, ba tookoo jokonba yëngéluk ga ki'amdochbaca. <sup>5</sup> Iñaa ba tum tóoh ba heeli buwii hotba. Fodaama, daakaa'-këytcaa<sup>†</sup> pokkusi, kiteewoh an ba abin Koohda, ba tumica ca en ciyaak. Ee símba'caa ga kúltícaagabada, ba tumica ca en cihoo'ta. <sup>6</sup> En ga hewaa, ba waari kihanoh fíkíi, ee ga duuy jaanguciiruu, ba heeli kiyuñ ga fíkíi. <sup>7</sup> Ba en ga paancaanaa, ba waari kikéñdu yah kanak ee ba waari buwii bayiba «Jégírohii». <sup>8</sup> Wayee dú, kaa heelat kibayu «Jégírohii.» Dú laak jégíroh yíinoo doñ ee béebrúu, dú bimbok. <sup>9</sup> Dii ga éldúna, kaa bayat ken «Paamudii». Paamudiigarúu ya yíinoo doñ ee yéri en yii ga dookda. <sup>10</sup> Ee ban kaa heelat kibayu «Ha'-kaadii». Dú laak ha'-kaan yíinoo doñ ee yéri en Kiristaanii. <sup>11</sup> Yaa wëñ garúu kiyakda, enat súrgarúu. <sup>12</sup> Béeb baa bëwi' hafcinaa, hay kiyóoskídu, ee baa yóoskí' hafcinaa, hay kibëwíru.

*Yéesu hassa jégíroh-waascaan na Férísiyeenjcaa  
(Marka 12: 40; Lúkkaa 11: 39-42,44,52; 20: 47)*

<sup>13</sup> Yéesu wo"<sup>a</sup> an:

- Massa, dú jégíroh-waascii na dú Férísiyeenjcií jofjódfukida! Dú bii lañ halii Nguurii yii ga dookda, dú hoonoh buwii ki'as. Dú ga kihaffúu, dú aasanndii ee dú iisanndii buwii waa' ki'aasda ba aas. [ <sup>14</sup> Massa, dú jégíroh-waascii na dú Férísiyeenjcií jofjódfukida! Dú te'in iñaa laak ga kaan beticaa yaalcaagaba lísussiida ee dú taabi ga na kikiim-Koohkaa ínohoo kileeh, an doonaa dú tíku bibo' bijófi'. Kéri tah atti'aa Kooh yahhúu ki'atti'da wëri wënan kimesik].

<sup>15</sup> Massa, dú jégíroh-waascii na dú Férísiyeenjcií jofjódfukida. Dú bii wíl daa en tóoh ga dook kakay na duuy giiy, kiheel kilaak luu enee télleebé yíinoo, yaa gëm fodii garúu. Ee dú laassi kilaakaa, dú tummbi bo' safara yaa wëñnjúu kibon waas kanak.

<sup>16</sup> Massa dú bii dú waa' kikuliyuk ee dú búuminda! Dú wo' an «Binaa bo' waat ga Kaanfaa Koohaa, waatukaama taabukoori, wayee binaa ya waat ga wúrúusaa en ga Kaanfaa Koohdanaa, wa taabukki.» <sup>17</sup> Dú dofin, dú búumin. Iñii wëñ kilaak solu ya? Wúrúusaa en ga Kaanfaa Koohdanoo Kaanfaa Kooh tah wúrúusaa kisela'da? <sup>18</sup> Ee ban, dú wo' an: «Binaa bo' waat ga loteelaa ga duuy Kaanfaa Koohdanaa, waatukaama taabukoori, wayee binaa ya waat ga sarahcaa ga loteelaa ga Kaanfaa Koohdanaa, wa taabukki.» <sup>19</sup> Búumi'cii! Iñii wëñ kilaak solu ya: Sarahcaanoo loteelaa tah sarahaa kisela'da? <sup>20</sup> Baa waat ga teekaa loteelaanaa, ya waatin ga loteelaa ee ya waatin ban ga tóoh sarahcaa en ga dookgaada. <sup>21</sup> Baa waat ga teekaa Kaanfaa Koohaa, ya waatin ga Kaanfaa Kooh ee ya waatin ban ga Kooh yaa dëk dadfa. <sup>22</sup> Baa waat ga teekii asamaaniinaa, ya waatin ga bañ-buuraa Kooh ee ya waatin ban ga Kooh yaa yuñ gadfa.

<sup>23</sup> Massa dú, Jégíroh-waascii na dú, Férísiyeenjcií jofjódfukida. Dú meydohdi Kooh sarah bi ga sah bákaa wudaanjkaahwaa ga iñcií línsi fodii naanaa, basaab na

---

\* <sup>23:4</sup> 23: 4 Bíncii ga hélí-júbciiida hotukkii ga Këytcaa cíinoo dëb kibídusa. † <sup>23:5</sup> 23: 5 Daakaa'-këytcaaama eni tijutuut. Ba bínda wo'encaa meyoh ga Këytfaa Waasaa Móyíisa, ba ekca ga yen, ba pokukca ga pük na ga yah-señ.

saabsaab<sup>24</sup>, wayee dú saganojin iñcii jégírohu ee cérí wëñ kilaak solu ga Waasii Móyíisda: ennda kijúb, kiyewin yérmaandi na kitaabuk Kooh. Iñcaama cérí dú jomee kitum ee iñcaa cíinoo hanat kisaganohu. <sup>24</sup> Dú bii dú waa' kikuliyuk ee dú búuminda, dú síri capalay ee dú oni geeleem.

<sup>25</sup> Massa dú, Jégíroh-waascii na dú, Férísiyeençii jófjófdukida! Dú tísi bi ga bïnjii kaascii na cii tanutii wayee ga dzuuygii dú líifí'ca na halaat kilok na halaatciigarúu cibóní'cii. <sup>26</sup> Dú Férísiyeençii bibúumí'bii! Dewat kitís dzuuygii kaascii ee fodaama bïnjcaa hay kiset ßan.

<sup>27</sup> Massa dú, Jégíroh-waascii na dú, Férísiyeençii jófjófdukida. Dú man na loycaa yaanaawdu hen. Ca morin ga fooh ee lakanaa dzuuygaanaa líif na yoh bo' bïkéení' na nopilaat. <sup>28</sup> Fodaama buwii hoti garúu bibo' bijúwí' ee lakanaa ga dzuuy keeñciigarúu, dú líif na kijófjófduk na kibon.

<sup>29</sup> Massa dú, Jégíroh-waascii na dú, Férísiyeençii jófjófdukida. Dú hayyanaa, dú tawahi loycii sëldíiga-Koohcii, dú móri' loycii buwii bijúwí'bii, <sup>30</sup> ee dú wo'i an: «Dí maasohee jamaanaa bicaasammbíinaa, dí taaboo naba ga daa ba ap sëldíiga-Koohcaada.» <sup>31</sup> Dú wo' iñaamanaa, kon dú tookin an dú bérí en tucaasamuntii buwaa apsee sëldíiga-Koohcaada. <sup>32</sup> Kon nak iñcaa bicaasammbúu daleeda, díidohatca bi mat. <sup>33</sup> Goncii! Heet gonj-saamaancii! Tum na dú halaat kiréc ga safara? <sup>34</sup> Kérí tah, sükúrukut, mi hay garúu kiwosoh bisëldíiga-Kooh, biha'-hamham na buwaa ínohuunun Kéyítfii. Dú hay ki'ap bii, dú daay bïinoo ga kuraa, dú tip bïinoobaa laawoo ga jaangu-yaawúu'caagarúu, dú sodaliba teeru bi ga teeru. <sup>35</sup> Fodaama ñífaa buwaa bijúwí'baa apseedfa hay kikípuk ga dookkúu, aboh ga ñífaa Abeel yijúwí'yaa bi ga ñífaa Sakarí kowukaa Barakí, kaa dú apee ga díkaanti dekataa wisela'íwaa na daa sarahcaa tékí'sida<sup>25</sup>. <sup>36</sup> Mi wo'"úuka ee kayoh; iñaa laakee yaama hay kikípuk ga hafcií buwii jamaanii wati.

### *Yéesu hassa Yéerúsaleem (Marka 13: 34-35)*

<sup>37</sup> - Éey, dú bu-Yéerúsaleem, dú bii dú lagi tumuuntii sëldíiga-Koohcii, ee dú tapisohi na atoh bi dú ap buwii Kooh wos garúuda! Waas cera cérí mi heellúu kinégíroh fodaa daa pabu négírohi towutaagari ga fíldoo pabcaagarida, ee dú tookkiika? <sup>38</sup> Kon nak, kaanfiigarúu hay da kifoñu dún. <sup>39</sup> En ki'enaa, mi wo'"úu man aboh ga diima dú hotsisanndiiroo bi ga daa dú wo'an an: «Kooh barkeelat yii hay ga teekii Ha'mudiida!»

## 24

### *Yéesu yéegalohha an Kaanfaa Kooh hay kibúru (Marka 13: 1-12; Lúkkaa 21: 5-6)*

<sup>1</sup> Yéesu meyca Kaanfaa Kooh, ee ga daa ya enee na kiyahda, têelíbéecaagari deeyussa gari kiteebpi tawahcaa Kaanfaa Kooh ga daa ca hín kimo'da. <sup>2</sup> Yéesu wo'"aba an:

- Man dú hotin ga iñciima tóohca! Mi wo'"úuka ee kayoh; tesanndii dii sah atoh wíinoo waa tilkiskohan na mooroomwa, tóoh hay kibú'.

### *Iñciiyah kilaak balaa éldúna túki'aa (Marka 13: 3-13; Lúkkaa 21: 7-19)*

<sup>3</sup> Wiima lak Yéesu yugin ga dook tégëlaa Ólívíyéecaa, têelíbéecaagari hayussa gari ba hañba, meekisohussari an:

<sup>24</sup> 23:23 23: 23 Malkat Léwítik 27: 30; Déteronom 14: 22. <sup>25</sup> 23:35 23: 35 Malkat Sënees 4: 8; 2 Koronik 24: 20-22.

- Wo'aaríi, iñcuma yah kilaak kera, ee mandargii wiida yah kiteewoh kihayiskaагараа na kitúki'kaa ēldúna?

<sup>4</sup> Yéesu taassaba an:

- Watukat, ken hanattúu kidfúk. <sup>5</sup> En ki'enaa, bo' biyewin hay kihayohu teekiigoo, ba wo'i an: «Mi yérí en Kiristaanii», ee ba hay kidfúk bo' biyewin. <sup>6</sup> Dú hay kikeloh yéngél heñ, wala an heñ laakin ga díekat. Leenaa kaa tíitat ndaga iñcaama jomin kilaak, wayee enndii an ēldúna le'in kitúki'. <sup>7</sup> En ki'enaa, kúl hay kibewuk, keen ga dook kúl mooroomci, ee nguu' hay kibewuk, keen ga dook nguu' mooroomci; a' hay kilaak ee kakayfii hay kiyéngéluk ga díekat ciyewin. <sup>8</sup> Iñcaama tóoh yah kiman na dalaaraa mesiklaatcaa ga kimatuk betida.

<sup>9</sup> Fodaama bibo' hayyúu kitík ga yah buu', doonaa dú sodalu ga kipessúu, ee dú hay ki'apu. Heetcii ga ēldúnada tóohca hayyúu kisagu ndaga teekiigoo. <sup>10</sup> Ga jamaanaama, bo' biyewin hay kifoñu ngëmaagába, ba toonohi ga díkaantiba ee ba sagohi. <sup>11</sup> Hay kilaak bo' biyewin baa tíkan haffba biséldíiga-Kooh ee lak saboh. Ba hay, ba dúk bo' biyewin. <sup>12</sup> Yibóní' hay kiwéñ kisíw tah bi kiwaaroh nëewísuk ga keeñ bo' biyewin. <sup>13</sup> Wayee baa fu guu'guuluk bi ga daa tóoh leehanaa, fu yaama fu hay kimúc. <sup>14</sup> Hewhewii winéwí'wii wii wo' ga Nguurii Koohda hay kiyéegalohu ga ēldúna tóoh doonaa heetcii béeþ laasu ga. Léehíraa ēldúna han kitúki'.

### *Coonucaa ciyaakcaa yah kilaakdá* (Marka 13: 14-23; Lúkkaa 21: 20-24)

Yéesu tíkka ga an:

<sup>15</sup> - Binaa dú hot baa Dañeel, sëldíiga-Koohaa yéegalohee ee wo'u «yi'araamí'yaa pooki kúlda»\*, ya tuuk ga díekataa wisela'í'waa ga Kaanfaa Koohda -- ee baa fu jan iñii yiinaa, ínohaaka ga! -- <sup>16</sup> buwaa iñamaa laakan gohaa Yúudéeda, ba núpat, ba yee dook janjancaa. <sup>17</sup> Baa iñamaa laakanndi yugin ki'iíkaruk ga dook taahaagarida, hanat kisek kiyoosuk kibeb yen ga duuy túuyci. <sup>18</sup> Ee baa iñamaa laakanndi yooncaada, hanat kiboyuk kaan kibebnee kúltifaagari. <sup>19</sup> Massa beticaa, bescaama laakanba na look, na baa ensan na kibépí'da. <sup>20</sup> Kíimat Kooh, ati iñcaama hídohoo ga wahtu ñiin wiméeski† wala ga bes Sabat; <sup>21</sup> ndaga meskilaatcaa dalan buwaada hay kiyak yakaa wée'taa ga wii, mossii kilaak iñaa manda aboh ga waa Kooh sak ēldúnada bi wati. Ee iñaa madan da laaksisanndii bi taa'. <sup>22</sup> Ee binaa newéeríi Kooh ya nëewís bescaa caamanaa, enaa ken múcoo. Wayee buwii ya tanukdá tah bi ya hayca kinéewís.

<sup>23</sup> Kon binaa bo' wo"úu an: «Malkat, Kiristaanii yii dii!» wala «Malkat ya yaa daa!» Kaa gëmat. <sup>24</sup> En ki'enaa, bibo' hay kikoluk, ba tík haffba Kiristaa na biséldíiga-Kooh ee lak saboh. Ba tumi kíntaan na enaama cidóoyí'-waa' kidfúk sah, enee an mínuvínaa, buwaa Kooh tanukdá. <sup>25</sup> Mi yéegallúu diimada balaa dara hewanaa.

<sup>26</sup> Kon binaa bo' wo"úu an: «Malaknat, Kiristaanaa yaa ga égí'-dúndagaa!» Kaa karat da. Wala «Malkat yeema daakukka!» Kaa gëmat. <sup>27</sup> En ki'enaa, fodaa melic eni mareet aboh meyaa'-noh bi ga aasaa'-nohda, fodaama kihaykii Kowukii bii yahda kiman. <sup>28</sup> Daa mídi enoh, suulcaa hídohsan da.

### *Kowukii bii hay kihayis* (Marka 13: 24-27; Lúkkaa 21: 25-28)

<sup>29</sup> - Coonucaa ga bescaamada paafaa, nohii dal kiñúusí', ñiidii íis kilee', ee olcii hay kidfëegískoh dook-Kooh ca keen ee iñcaa en ga asamaanda tóoh hícukoh. <sup>30</sup> Fodaama, mandargaa Kowukii bii hay kihotuk ga asamaan, ee béeþ heetcii ga

\* **24:15** 24: 15 Malkat Dañeel 9: 27; 11: 31; 12: 11. Kaanfaa Kooh te'see hen (Kíis 70), lëehí'ta bu-Room na heetciaa aamuksi ga tuu'caagabada tumussa ga díekataama iñaa nebbá. † **24:20** 24: 20 Ñiin wiméeski' ñiidaama newoo kipesoh ee Yéesu wo'wa "ñiin soosoos".

ëldúnada kodukohi; ba hay kihot Kowukii bii ga duuy yaayeelcii, ka yoosuki, taam na dooli na ndam wiyaak. <sup>31</sup> Mbiwaa wiyaakwaa hay kitípu, Kowukii bii wos malaakacaagari ba hídíroh buwaagari ya tanuk ee enu ga topaa'cii ëldúna cinikiisciida.

### *Jagaa tediktaa teewohda*

(Marka 13: 28-31; Lúkkaa 21: 29-33)

<sup>32</sup> - Malkat iñii een jégi'túu ga iñaamada. Binaa toytaa kedikkaa ne' kine' bi, ee tuu'taa dal kitapisaa, dú ínoh an lah deeyin. <sup>33</sup> Fodaama ban, binaa dú hot iñcaama tóohaa, ínohat an Kowukii bii deeyin, ya le'in halii. <sup>34</sup> Mi wo'"úuka ee kayoh; bi buwii wati kaanu béeefbanaa, iñcaama tóoh hay kilaak. <sup>35</sup> Asamaanii na kakayfii hay kifaay wayee wo'eenndoo faayoo múk.

### *Paamudii doj ínoh besaa ëldúna leehanda*

<sup>36</sup> - En loo iñaa aaw ga besaa wala wahtaa iñaama laakohanda, ken ínohoowa. Enndii malaakacaa ga asamaanda, ee enndii sah Kowukii. Paamudii doj ínohwa.

<sup>37</sup> Iñaa laakee ga jamaanaa Noweeda hay kilaakis fodaama ga hayii Kowukii bii.

<sup>38</sup> Ndaga balaa mísúmaa miyewinmaa Kooh towee, ma úlla buwaa ga jamaanaa Noweeda, buwaa enee ga kiñam na ki'an, ba pajohi, ba onohi towutaagaba kipañ bi ga besaa Nowee aas gaalaa wiyaakwaada. <sup>39</sup> Buwaa, helba mossii ga kika' bi ga daa Kooh towoh mísúmaa miyewinmaa úulee buwaada, ma bayyaba béeefba. Fodaama ban hayii Kowukii bii yahda kiman. <sup>40</sup> Le' béríinaa, yaal banak baa enu ga yooncaa, yíino hay kibewu, yíinooyaa foñu.

<sup>41</sup> Beti banak baa en na ki'o' ga oraaraa, yíino hay kibewu, yíinooyaa foñu.

<sup>42</sup> Kon kaa neehat, ndaga dú ínohoo besaa Ha'mudiigarúu yah kihayda. <sup>43</sup> Ínohat iñii yii bi jof: binaa Ha'-kaan ínohee wahtaa lok yah kihay kaanci ga weksdanaa, eneena ya neehoo, ya iis kaanci fa pooku. <sup>44</sup> Kérí tah, dú ban, waayukat, ndaga Kowukii bii hayan ga wahtaa dú foogandii.

### *Liïwukaa wo' ga loo súrgacaa banakbaada*

(Lúkkaa 12: 41-48)

Yéesu tikka ga an:

<sup>45</sup> - Kon bii yiida en súrgaa tookdfin ha'-kaanci ee ya ñaañin? Yérí en yaa ha'-kaanci tíkan ga fíkii súrgacaagari, doo ya e'ba yaa en béeëb iñaa ya jom kiñamda binaa wahtaa le'aa. <sup>46</sup> Ya yewinin móu', súrgaama, binaa ha'-kaadaagari boyuk, laakki ga lëgëyaamanaa. <sup>47</sup> Mi wo'"úuka ee kayoh; ha'-kaanci hayyi kitík ga dook iñcaa ya laakfa tóoh. <sup>48</sup> Wayee binaa súrgaa yibóni'yaama wo' ga helaagari an: «Ha'-kaanndoo kolukkii kihay», <sup>49</sup> bi tah, ya en ga kifeek bimooroomci súrga, ya en ga kiñam na kilaal rek na anoh-anohcaanaa, <sup>50</sup> ha'-kaadaa súrgaama hay kihay ga besaa ya foogandii na wahtaa ya ínohanndii. <sup>51</sup> Ha'-kaadaa hayyi kifeek doo' ciméeski', ya wa'ti iñaa sek buwaa jójódfukifa, daa kikodukoh na ki'úñoh sis yah kilaakfa.

## 25

### *Liïwukaa wo' ga loo oomaa-jowucaa bidaanjkaahbaada*

Yéesu liiwukissa buwaa an:

<sup>1</sup> - Kon Nguurii Kooh ga dookfa yah kimédírohu anee: enee oomaa-jowu bidaanjkaah, ba beëpa lampucaagaba, ba ka'ta kitëebíluknee ha'-kilookkaa. <sup>2</sup> Ga oomaa-jowucaa, biyëtúusbaa enussa bibo' bilöhöyí'-hel, biyëtúusbaa tesda enussa bilëeki'-hel. <sup>3</sup> Baa lohoyin helda bewussa lampucaagaba ee ba halaattii

kibaydoh dúuleen\*. <sup>4</sup> Wayee baa laakin helda sorussa dúuleen ga bíteel, ba baydohha na lampuagaaga. <sup>5</sup> Ha'-kílookkaa hëewí'ta kihay,faf béeßba ba pëni'ukka, ba aawwa kineeh.

<sup>6</sup> Ga leeloo wek, laakka koonaakaa kelohuk didóolí' an: «Ha'-kílookkii hayin, meyat dú téebilukki!» <sup>7</sup> Béeb oomaa-jowucaama dalla kiyúuduku, ba baa waayuk lampuagaaga. <sup>8</sup> Oomaa-jowucaa bilohóyí'-helbaa wo'ussa bilëekí'-helbaa an: «Lampuciigarí cii yím, onattíi ga dúuleeniigarúu.» <sup>9</sup> Bilëekí'-helbaa taasussaba an: «Ó'oo, mínuukoo; iñii dí bayda dooyoorií narúu. Namat kika' ga toonohaa, dú lomi'nee haffúu.» <sup>10</sup> Baama nak karussa kilomnee dúuleen, ha'-kílookkaa hayohhaba fenoo. Oomaa-jowucaa pari'eeda taabussa na ha'-kílookkaa, ba aassa túuyaa cuuníin sëgílookfaa tofohuda, halaa lagussa. <sup>11</sup> Ennda kiis, oomaa-jowucaa bïinoobaa le'ussa, ba baa bëytoh an: «Kiyaakii, kiyaakii, lëgíscsaaríi!» <sup>12</sup> Wayee ha'-kílookkaa taassaba an: «Mi wo"úuka ee kayoh; mi ínohoorúu!»

<sup>13</sup> Yéesu tikka ga an:

- Kon kaa neehat, ndaga dú ínohoo besaa ee dú ínohoo wahtaa Kowukii bii hayanda.

### *Liiwukaa wo' ga loo súrgacaa baahaybaa foñdusee kopa'da*

Yéesu liiwukissa an:

<sup>14</sup> - Ee ban Nguurii Kooh yah kimëdírohu na bo', yaa enee na kiyah kibaab. Ya bayya súrgacaagari, ya díñkaanndaña alalaagari, <sup>15</sup> yaa en béeß iñaa ya hatinda: yíinoo ya e'tari hanja'-wúruus ciyétúus; yaa tik gada, kanak; yukaahayyaa, wíinoo. Ya yaa yah kibaab.

<sup>16</sup> Yaa e'see hanja'-wúruuscaa ciyétúuscaada dalla kika', lëgëyya ga koparaa bi ya laakka hanja'-wúruus ciyétúus ciliis. <sup>17</sup> Yaa e'see kanakcaada, ka'ta, tummba fodaama ya laakka kanak ciliis. <sup>18</sup> Wayee yaa e'see hanja' wíinoo donjda, ka'ta acca noñ ga kakay daakka koparaa ha'-kaanci ga. <sup>19</sup> Tíkka ga iñaa maañ, ha'-kaadaa súrgacaa meyohha kibaab. Ya baylukkaba ki'ínoh yaa en béeß iñaa ya tum ga koparaada. <sup>20</sup> Súrgaa e'see hanja'-wúruuscaa ciyétúuscaada hayya, deeyca, meydohha hanja'-wúruus ciyétúus ciliis, wo'a an: «Kiyaakii, fu ereeroo hanja'-wúruus ciyétúus. Mi lëgëyya ga. Uuna, ciyétúus ciliis cee.» <sup>21</sup> Ha'-kaadaagari wo'ari an: «Waw guureway, fu súrga yijófi' ee fu go'. Fu enin go' ga iñaa yewinndii, mi hayyaa ki'e' fu kuliyuk ga yiyewin. Hay fu bok kinebluk na ha'-kaanfu.» <sup>22</sup> Súrgaa e'see hanja'-wúruus kanakda hayya, deeyca meydohha kanak ciliis, wo'a an: «Kiyaakii, fu ereeroo hanja'-wúruus kanak. Mi lëgëyya ga. Uuna, kanak ciliis cee.» <sup>23</sup> Ha'-kaadaagari wo'ari an: «Waw guureway fu súrga yijófi' ee fu go'. Fu enin go' ga iñaa yewinndii, mi hayyaa ki'e' fu kuliyuk ga yiyewin. Hay fu bok kinebluk na ha'-kaanfu.» <sup>24</sup> Lëehí'ta súrgaa e'see hanja'-wúruus wíinoo donjda hayya, deeyca wo'a an: «Kiyaakii, mi ínoheera an fu bo' yisúwi' ga keeñ: fu píiki daa fu sokkii ee fu nëgírohi daa fu faa'tii. <sup>25</sup> Mi niikee hen, këri tah mi acca ga kakay mi daakka kopariigaraa ga. Uuna, fu laasin yenfu.» <sup>26</sup> Ha'-kaanci taassari an: «Fu súrga yibóni' ee fu sagoh-coonu. Fu ínoheera an mi píiki daa mi sokkii ee mi nëgírohi daa mi faa'tii. <sup>27</sup> Fu jomee kiwútíroh hëelísiigoo hen. Eneenaa mi hayaa, mi laaswa na iñaa wa límda.» <sup>28</sup> Ha'-kaadaa wo'a súrgacaagari an: «Diima, te'at hanja'-wúruusumgari dú e'wa yum bay cidaanjkaahda. <sup>29</sup> En ki'enaa, baa laakin hay kibaatdu bi ya dóoyí'sék, wayee baa laakoo, ki'iñkaa ya bayda sah hay kite'u. <sup>30</sup> Súrguma laakoo jeriñda jafatti ga fooh, ga ñúusaa, daa kikodukoh na ki'úñoh sis yah kilaakda.»

### *Atti'aa mëeñjohda*

\* **25:3** 25: 3 Waama, buwaa soree dúuleen ga lampuagaaga, kitaaluk.

Yéesu tikka ga an:

<sup>31</sup> - Bëriinaa Kowukii bii taaban na malaakacaagari béeħba, ya hay ga duuy ndamaagarinnaa, ya hay kiyun ga banj-buuraagari. <sup>32</sup> Béeb heetcii hay kihidírukohu ga fikici. Léehíraa, ya hégisoh buwii kom kanak fodaa daa níiroh hégisohi baal na pe'fa. <sup>33</sup> Buwii júwinda, ya hanohi'ba yah-ñaabaagari ee bii júwussiida ya hanohi'ba yah-segaagari. <sup>34</sup> Fodaama, Buuraa hay kiwo' buwaa hanohhi yah-ñaamfa an: «Dú bii Paammboo barkeelinda, hayat dú bēb iñii dú jom kilam ga nguuri waayukduseerúu ga iñaa ēldúna saksee bi watifa. <sup>35</sup> Mi yaaweera, dú onndaroo mi ñammba. Mi píleera, dú onndaroo mi annda. Mi eneera sagac, dú dapparoo. <sup>36</sup> Mi teseeda dúnj, dú ekkaroo kúlti. Mi dúukoooleera, dú hayyaroo kihaltuk. Mi lanseera ga kasu, dú hayyaroo kiwaak.» <sup>37</sup> Fodaama buwaa bijuwí'baa hayyi kitaas an: «\*Ha'mudii, dí hoteeraa kera lak fu yaawin, dí onndaraa fu ñam? Dí hoteeraa kera lak fu pilin, dí onndaraa fu an? <sup>38</sup> Dí hoteeraa kera lak fu sagac, dí dapparaa? Dí hoteeraa kera lak fu tesin dúnj, dí ekkarao kúlti? <sup>39</sup> Dí hoteeraa kera lak fu dúukoolin wala fu laguunun ga kasu, dí hayyaraa kiwaak?» <sup>40</sup> Buuraa hayba kitaas an: «Mi wo"úuka ee kayoh; kotaan en béeħ, waa dú moseera kidimal yíinoo ga buwiigoo bii wéñ kijutuutfa, mi yérí dú tumdeeka.»

<sup>41</sup> Léehíraa Buuraa hay kiwo' buwaa hanohhi yah-senfa an: «Úsaayattoo, dú bii Kooh cojinda. Aawat kiwiikaa yímoo taa' fetdusee Seytaani ya na malaakacaagarida! <sup>42</sup> Mi yaaweera ee dú onndiirroo mi ñam. Mi píleera ee dú onndiirroo mi an. <sup>43</sup> Mi eneera sagac ee dú dappiirroo. Mi teseeda dúnj ee dú ekkiiroo kúlti. Mi dúukoooleera, mi lanseera ga kasu ee dú haltukkiirroo.» <sup>44</sup> Baama ban, hayyi kitaas an: «Ha'mudii, dí hoteera kera lak fu yaawin wala lak fu pilin, wala lak fu sagac, wala lak fu tesfa dúnj, wala lak fu dúukoolin, wala lak fu laguunun ga kasu ee dí dímalliiraa?» <sup>45</sup> Buuraa hayba kitaas an: «Mi wo"úuka ee kayoh; kotaan en béeħ, waa dú sageera kidimal yíinoo ga buwii bii wéñ kijutuutfa, mi yérí dú sanđeeka kitumi' ban.» <sup>46</sup> Fodaama, buwaa baama hay kibayu ga ngee'caa leehoo taa'da, ee buwaa júwinda bayu ga kipeskaa leehoo taa'da.

## 26

*Sarahohcaa na jégíroh-waascaaa pokohussa Yéesu nof  
(Marka 14: 1-2; Lükkaa 22: 1-2; Sañ 11: 45-53)*

<sup>1</sup> Ga waa Yéesu léehí'ta kiwo' iñcaa ya waaree buwaa kelohfa, ya wo'a teelibéecaagari an:

<sup>2</sup> - Dú ínohin an tes ga bes kanak feetii Paakii le', ee Kowukii bii hay kitiku ga yah buwii sagoh narifa, ka daayu ga kuraa.

<sup>3</sup> Wiima lak Sarahohcaa biyaakbaa na yaakcaa yaawúu'caa hídírukohuunun ga kaan Kayíf, ha'-kaadaa sarahohcaa biyaakbaa, <sup>4</sup> ba júwohha ga ki'am Yéesu ndan, ee ken yéegoo, ba aplukki. <sup>5</sup> Ba wo'a nak an:

- Du hanatka kitum ga besaa feetaa, enndiikanaa iñaama hay kihaydoh coow wiyaak ga duuy buwii.

*Laakka betifaa íif la'koleñ ga hafaa Yéesu  
(Marka 14: 3-9; Sañ 12: 1-8)*

<sup>6</sup> Daa Yéesu enee ga dëkaa Bétaníi ga kaan Simon yaa gaana'eeda, <sup>7</sup> laakka betifaa hay gari, bay kujlúñjkaa hëwrohu atohaa wo'u Albataa'\* ee ja líifin na la'koleñ wiséerí'. Betifaa íiffa la'koleñaa ga hafaa Yéesu, lak yaama yaa ñam. <sup>8</sup> Daa teelibéecaa hotee iñaama, ba aylukka, ba baa wo' an:

\* <sup>26:7</sup> 26: 7 Albataa' atoh wiséerí' waa buwaa bewee kihëwíroh kaas, tataa na ciliis. Wa newin kilégéyoh.

- Kiyasohkuma jeriñ ya? <sup>9</sup> Bo' míneerawa moos kitoon kopa' wiywéwin, wa dímalohu nduulcii!

<sup>10</sup> Yéesu ínohha iñaa ba wo'da, ya wo''aba an:

- Dú sodaloh betifi ya? Iñii ya tumi'tooda jekin. <sup>11</sup> Nduulcii, dú bii naþa besaa en béeþ<sup>†</sup>, wayee mi, mi yahhii narúu ki'en dii besaa en béeþ. <sup>12</sup> Betifi leef la'koleñ ga faanfigoona, ya tumka kiwaayuk loyaagoo<sup>‡</sup>. <sup>13</sup> Mi wo''úuka ee kayoh; ga daa Hewhewii winéwí'wii wii míñ kiyéegalohu ga éldúna tóoh, iñii betifi fii tumda hay kibéestíru, ee buwaa hayyika kiníindísukoh.

### *Yúdaa tookka kitoon Yéesu*

<sup>14</sup> Waa ennda ña, yíinoo ga bidaanjkaah na banakbaa, ee ya teeku Yúdaa Iskariyot, ka'ta ga sarahohcaa biyaakbaa, <sup>15</sup> ya wo''aba an:

- Mi tík Yéesu ga yahhúunaa dú fayanndoo hín na? Sarahohcaa biyaakbaa kídussa hanja'-hëelís cidaanjkaah-kaahay<sup>‡</sup>, ba e'tari. <sup>16</sup> Iñaa aboh ga wahtaama, Yúdaa yaa heel besaa ya jekelukan bi ya míñ kitík Yéesu ga yahba.

### *Yéesu ñammba cuuniñfaa Paakaa na télíbécäagari*

(Marka 14: 12-21; Lúkkaa 22: 7-14,21-23; Saj 13: 21-30)

<sup>17</sup> Ga besaa deb ga feetaa ñamsi mbúurúcaa laakoo lëwíi'da, télíbécäaa Yéesu hayussa, ba meekissari an:

- Fu waa' gada dí waayukdineeraa ñamahii Paakii?

<sup>18</sup> Yéesu taassaba an:

- Karat teeraa ga díw, dú wo''i an: «Jégírohii wo' an: "Wahtiigoo le'in ee mi yah kipaakoh<sup>§</sup> kaanfu, mi na télíbécäigoo".» <sup>19</sup> Télíbécäaa tumussa iñaa Yéesu nakeebada, ba waayukka Paakaa. <sup>20</sup> Ga noh-soosaa, Yéesu yunjga kiñam na télíbécäagari bidaanjkaah na banakbaa. <sup>21</sup> Lak ba baa ñam, ya wo''aba an:

- Mi wo''úuka ee kayoh; yíinoo garúu hayyoo kitoon<sup>†</sup>.

<sup>22</sup> Télíbécäaa, keeñba leehha ga tak, ba baa meekissi yíinoo yíinoo an:

- Ha'mudii, mi yéríne?

<sup>23</sup> Yéesu taassa an:

- Yii bok naroo ki'ek yah ga kankiidsa, yérí yahhoo kitoon. <sup>24</sup> Kowukii bii kii ga waas kikaan fodaa daa Këyítfaa wo'ka garida, wayee massa baa yaama yah kitoon Kowukii biida. Baama límséeríinaa, iñaama gënëe gari.

<sup>25</sup> Yúdaa, yii toon Yéesuda meekissari an:

- Jégírohii, mi yéríne?

Yéesu taassari an:

- Fu wo'inka!

### *Cuuniñfaa fisela'ífaa Yéesu ñam na apotaa'caagarida*

(Marka 14: 22-26; Lúkkaa 22: 15-20; 1 Korenti 11: 23-25)

<sup>26</sup> Yéesu bëbpa mbúurú lak ba baa ñam, ya gérëmmba Kooh, lëehí'ta ya weellawa, e'tawa télíbécäaa, wo''aba an:

- Bewat dú ñam, iñii yii faanfigoof férí!

<sup>27</sup> Lëehí'ta ya bëbpa kaas-biiñ, ya gérëmmba Kooh, lëehí'ta ya e'tawa télíbécäaa, wo''aba an:

- Anat ga dú béeþpúu, <sup>28</sup> ndaga iñii yii ñífigoo wérí, ñífi pok kifiliimunkiigarúu na Koohda<sup>†</sup>, ee wa aamdu bo' biywéwin doonaa ba bayalu baakaa'caagaba.

<sup>†</sup> 26:11 26: 11 Malkat Déteronom 15: 11.    <sup>†</sup> 26:12 26: 12 Waama yaawúu'caa baahkohseera kileef faraafcaa buwaa kaaninda na enaama ci'eeñlaat doo ca míñ kimaañ ga daa ca acuda ee ca yasukohoo.    <sup>‡</sup> 26:15 26: 15 Hanja'-hëelís cidaanjkaah-kaahay férí en cadamfaa Yúdaa toonee Yéesuda ee enin koparaa yewinnndii dara. Ñaamcaa waama faysee iñaa hínda ga ñiin.    § 26:18 26: 18 Paakaama wérí en feetaa yaawúu'caa tumee ga waama mandarga meyaagaba ga kúlkaa Esíptifa.    <sup>†</sup> 26:21 26: 21 Malkat Kañcaa 41: 10.    <sup>†</sup> 26:28 26: 28 Malkat Eksoot 24: 8; Yérémíi 31: 31-34.

<sup>29</sup> Mi wo"úuka, aboh ga wati, mi ansisoo anahii wii meyoh ga kedik-biiñda bi ga besaa mi anan narúu biiñaa wi'aswaa ga Nguuraa Paammbooda.

<sup>30</sup> Waa ennda ða, ba yeeekka yeeek-Kañcaa\*, lëehí'ta ba ka'ta tégëlaa Ólívíyéecaa.

*Yéesu yéegalohha an Pee' hayyi kitaasuk*

(Marka 14: 27-31; Lúkkaa 22: 31-34; Saj 13: 36-38)

<sup>31</sup> Waa ennda ða, Yéesu wo"a télibéecaagari an:

- Ga wekii wati, béebpúu dú hay kinúp dú foñnjoo. En ki'enaa, bíduunun ga Kéyítfaa an: «Mi hay ki'ap nírohaha, ee baalcaa yopaa hay kitasaarukohu.»

<sup>32</sup> Yéesu tikkaa ga an:

- Wayee binaa mi mílsaa, mi hayyúu kidéwíruk Gélilée.

<sup>33</sup> Pee' dallari kiwo' an:

- Luu enee an buwii tesða tóoh hay kinúpu foñussa, mi, mi núpoo mi foñnjaa.

<sup>34</sup> Yéesu taassari an:

- Mi wo"aaka ee kayoh, ga wekii wati doñ sah, bi siik-pabu kodaa, fu hayyoo kitaasuk waas kaahay.

<sup>35</sup> Wayee Pee' wo"ari an:

- Mi taasukooraan muk, luu enee an mi joman kikaan naraa.

Télibéecaa béeßba dalla kiwo' fodaama.

*Yéesu kíimmba Paamci ga Getsemanee*

(Marka 14: 32-42; Lúkkaa 22: 39-46)

<sup>36</sup> Wa ennda ða, Yéesu na télibéecaagari karussa dekataa wo'u Getsemanee†, ya wo"a télibéecaagari an:

- Yugat dii, mi paaf fíkii kikfíim Kooh.

<sup>37</sup> Ya bayya Pee' na towutaa Sebedee tanaktaa, ba taam nari. Keeñci dalla kileeh, ya yéecírukka fíw. <sup>38</sup> Ya dallaba kiwo' an:

- Keeñjoo leehin bi mi yii kaanan. Tesat dii naroo ee kaa neehat.

<sup>39</sup> Ya ka'ta bi ga fíkii, ya yí'a, yíppa púk kakay, yaa kíim Kooh an: «Buba, en lak mínuñkinaa, úsaaydáa kaas-coonii wii garoo. Wayee hanat ki'en fodaa daa mi waa'da wayee enat fodaa daa fu waa'da.»

<sup>40</sup> Ya sooffa ga télibéecaa baahaybaa, ya laakkaba baa neeh, ya wo"a Pee' an:

- Kon dú míndii kiwíisoh luu enee sah wahtu wíinoo, waa dú yugan naroone?

<sup>41</sup> Kaa neehat ee kíimat Kooh doonaa dú keenoo ga fíraa Seytaani. Bo' daal, keeñaa waarin wayee faanfaa tookkii.

<sup>42</sup> Ya úsaaysissaba kotaa kukanakkaa, ya yaa kíim Kooh anee: «Buba, en lak kaas-coonii wii mínoo kipaaf, ee an mi jomwa ki'an hennaa, kon iñaa fu waa'fa laakat.»

<sup>43</sup> Ya soofissa gabaa, ya laakkaba baa neeh ndaga lak hascaagaba abin péní. <sup>44</sup> Ya foñissasa daama, ya úsaayissa daa karam, ee kotaa kukaahaykaama, ya yaa kíim na wo'eencaa caca. <sup>45</sup> Waa ennda ða, ya soofissa ga télibéecaa, ya wo"aba an:

- Dú bii lís kineeh na ki'íkaruke? Wahpii le'in kimma, Kowukii bii kii yah kitíku ga yah tumoh-baakaa'cii. <sup>46</sup> Kolkat, du yee! Malkat yii yahhoo kitoonda yii deey.

*Yéesu abussa*

(Marka 14: 43-50; Lúkkaa 22: 47-53; Saj 18: 3-12)

<sup>47</sup> Lak Yéesu yaa lís kiwo', Yúdaa Iskariyot yaa bok ga télibéecaa bidaajkaah na þanakbaada dalla kile'. Laakka bo' biyewin baa taam nari, bayuunun kalaþ, na doo'. Sarahohcaa biyaakbaa na yaakcaa yaawúu'caa bëri woseeba.

<sup>48</sup> Yii on Yéesu bíñða eree buwaa lëdí' an: «Baa mi yah kifuunda yëri ya, abatti.»

<sup>49</sup> Daa Yúdaa le'ee, ya dalla kideey ga Yéesu wo"ari an:

\* <sup>26:30</sup> 26: 30 Kañcaa 115-118 céri daanee kiyekku binaa cuuníñfaa tumsi ga Paakða leeh kiñamunaa. † <sup>26:36</sup> 26: 36 Getsemanee waa' kiwo' ga ki'Arameyee «dipooyaa' dúuleen».

- Hóowíra Ha'mudii! Ya dalla kifuun Yéesu.

<sup>50</sup> Yéesu loffari an:

- Fiili! Iñii haydohhaada tumaari.

Waa ennda dña, buwaa taam na Yúdaadña deeyussa, tíkussa yah ga Yéesu, abussari.

<sup>51</sup> Ga dekataama, ga buwaa taabee na Yéesuda, yiinoo dalla kidol kalabfaagari, típpafa súrgaa ha'-kaadaa sarahohcaa biyaakbaa, baydohha nofaa. <sup>52</sup> Wayee Yéesu wo'"ari an:

- Íkaa kalabfiigaraa ga huuwii, ndaga baa fu dëk ga kibewi' bo' kalañ béeñ kalañ apanndaa. <sup>53</sup> Hanaa fu ínohoo an mi míñin kikiim Paammboo dímal ee ga saasi ya wosohhoo malaakacaa wëñ bijúnni-daanjkaah-kanak (20.000)‡, ba heñohi'toone? <sup>54</sup> Wayee baanaa iñaa bídu ga Kéyítfaada tuman na bi wa mat? En ki'enaa, fa wo'in an tóoh jomda kilaakoh.

<sup>55</sup> Waa ennda dña, Yéesu wo'"a mbooloomaa an:

- Mateera ga dñu hayyoo ki'am, dñu taam na kalabcii na doo'cii, man na buwaa dawuk tumoh-kofeele? Mi enee ga Kaanfaa Kooh besaa en béeñ, mi jégírohi ee dñu mossiiroo ki'am. <sup>56</sup> Wayee iñii yii béeñ laakin doonaa iñaa sëldíiga-Koohcaa wo'ee, bídussa ga Kéyítfaada, mat.

Waa ennda dña, téelibéecaa béeñba foñussari baa nüp.

*Yéesu bayussa ga fíkii atti'ohaa*

(Marka 14: 53-65; Lúkkaa 22: 66-71; Sañ 12: 13-14,19-24)

<sup>57</sup> Buwaa abee Yéesufa bayussari kaan Kayíf, ha'-kaadaa sarahohcaa biyaakbaa, ga daa jégíroh-waascaan yaakcaa hídírukohseedaa. <sup>58</sup> Pee' yaa taabukki di'usaayí' bi ga hëtaa kaanfaa sarahohaa yiyaakyaa kuliyükda. Ya aassa bi ga dñuuy, ya yunjga na súrgacaa ki'ínoh daa iñamaa mëeñjohanda.

<sup>59</sup> Sarahohcaa biyaakbaa na béeñ buwaa bok ga paanaa yaawúu'caa wiyaakwaadña, baa heel wo'eenaa ba pokdán Yéesu bi ba míndi ki'apluk. <sup>60</sup> Wayee ba hottii, hídaa daa bo' biyewin hayseera daama kipoki'ti kiwo'da. 'Bo' banak mëeñjohha kihay,

<sup>61</sup> wo'ussa an:

- Bii yii wo' an: «Mi míñin kipook Kaanfaa Kooh, mi tuukirisfa ga bes kaahay.»

<sup>62</sup> Ha'-kaadaa sarahohcaa kolukka wo'"a Yéesu an:

- Fu taasoo dara ga iñii buwii bii yammaadsane?

<sup>63</sup> Wayee Yéesu taassii. Ha'-kaadaa sarahohcaa meekissari an:

- Ga Kooh yii laak kipesda, wo'"aaríi ati fu yeri en Kiristaanii, Kowukii Kooh.

<sup>64</sup> Yéesu taassari an:

- Fu wo'inka. Ee sah mi wo'"úu an, iñaa aboh diima, dñu hay kihot Kowukii bii yun, hanoh yah-ñaabaa Kooh yii wëñ béeñ doolidfa, ee dñu hayyi kihot ga dñuuy yaayeelcií asamaan, ya yoosuki.†

<sup>65</sup> Daama, Ha'-kaadaa sarahohcaa dña'ta kúlticaagari ndaga ki'ayluk, ya wo'"a an:

- Basin Kooh! Du enohis seedi ya? Béebpúu dñu keloh ga, basin Kooh. <sup>66</sup> Dú ínoh ya ga?

Ba taassa an:

- Yii kay, jom ki'apu hen!

<sup>67</sup> Waa ennda dña, ba aawwari kitoos ga fíkii, ba baa dúukisohhi, bíinoo baa mútti pa'caa, <sup>68</sup> ba baa wo'"i an:

- Fu Kiristaanii, líruka, wo'aaríi bii feekkaada?

*Pee' taasukka Yéesu*

(Marka 14: 66-72; Lúkkaa 22: 56-62; Sañ 18: 15-18,25-27)

‡ 26:53 26: 53 Malaakacaa enee mbooloo malaaka cidaankaah na kanak (12): mbooloomaa en béeñ le'in bo' bijúnni-wiinoo bi ga júnni-yitniinoo. † 26:64 26: 64 Malkat Kañcaa 110: 1; Dañeel 7: 13.

<sup>69</sup> Pee' nak, lak ya yunjnga ga fooh, ga hëtaa kaanfaa ha'-kaadaa sarahohcaa, laakka súrga yibeti yaa deey gari, wo"ari an:

- Fu ban fu enee na Yéesu, baama dëk Gëliléeda!

<sup>70</sup> Wayee Pee' taasukka ga fikíi béeb, wo"a an:

- Mi ínohoo iñii fu waa' kiwo'dsa!

<sup>71</sup> Lëehí'ta, ya kolukka yaa yah bak hal-kaadaa. Laakka súrga yiliis yibeti yaa hotti, wo"a buwaa enee daamada an:

- Bii yii enee na Yéesu Nasareet!

<sup>72</sup> Pee' waatukka, taasukissa an:

- Mi ínohoo baa yaama!

<sup>73</sup> Ennda kiis, buwaa enee daamada deeyussa gari, wo'ussari an:

- Fu ban, fu joman kibok gaba, ndaga dii fu wo'ida teewohin ga dii fu meyohda.

<sup>74</sup> Daama, Pee' ennda ga kicojuk na kiwaatuk, ya taasuuka an:

- Mi ínohoo baa yaama!

Ga saasi siik-pabaa konnda. <sup>75</sup> Pee' níindísukka iñaa Yéesu wo'eeri an: «Bi siik-pabu kodaa, fu hayyoo kitaasuk waas kaahay.» Pee' dalla kimey yaa koduk mooncaa leehoo.

## 27

### *Yéesu bayussa ga fíkíi Pílaat*

(Marka 15: 1; Lúkkaa 23: 1-2; Saj 18: 28-32)

<sup>1</sup> Ga kímaa cuut, sarahohcaa biyaakbaa na yaakcaa yaawúu'caa, béebba hídohussa kimalak daa ba tuman bi ba apluk Yéesu. <sup>2</sup> Ba bañlukkari, ba bayyari, ba tíkkari ga yah Pílaat gúwernéeraa.

### *Kikaankaa Yúdaa*

(Tumeen 1: 18-19)

<sup>3</sup> Ga waa Yúdaa, yaa toonee Yéesuda, ínohha an Yéesu tíkuunun kikaan, ya récukka iñaa ya tumeeda, ya ka'ta ga sarahohcaa biyaakbaa na yaakcaa dëkaa ki'íkba hanja' héelíscaaS cidaaŋkaah-kaahaycaa ba fayeerida. <sup>4</sup> Ya wo"aba an:

- Mi tumin baakaa' ndaga mi erohin baa tummbii dara, ya apunee.

Ba taassari an:

- Waassíi wiinoo gaa ga! Fu yérí ínoh!

<sup>5</sup> Yúdaa jaffa koparaa ga d'uuy Kaanfaa Kooh, ya meyca, ya ka'ta kipokuk ní' ga koonaakaa ya harukka. <sup>6</sup> Sarahohcaa biyaakbaa balawussa koparaa, ba wo"a an:

- Koparii wii jomoo ki'atukohu na wii Kaanfi Kooh ndaga wa lomohsee ñíf bo'.

<sup>7</sup> Ba hídohha, ba júwohha ga kibeb koparaa, ba lomohwa yoonaa «hëwíroh-kataanaa.» Ga yoonama, ba enohwa kimín ki'ac buwaa en sagac ga dëkaadfa, binaa bo' kaan gabanaa. <sup>8</sup> Kérí tah bi ga wati yoonama baysi "yoonaa ñífaa".

<sup>9</sup> Fodaama iñaa Yérémíi, sëldíiga-Koohaa wo'eefaa matta. Ya wo'ee an: «Ba bëbpa hanja'-héelíscaaS cidaaŋkaah-kaahaycaa, ee wëri en cadamfaa bu-Isarayeel tookee kifay garifa, <sup>10</sup> ba ekkaca ga kilom yoonaa "hëwíroh-kataanaa" fodaa daa Ha'mudii nakeeroookada.»

### *Yéesu bayussa ga Pílaat, gúwernéeraa*

(Marka 15: 2-5; Lúkkaa 23: 3-5; Saj 18: 33-38)

<sup>11</sup> Waa ennda da, Yéesu bayussa ga fíkíi gúwernéeraa, yaama meeckissari an:

- Fu yérí en buurii yaawúu'ciine?

Yéesu taassari an:

- Fu yii wo'ka.

<sup>12</sup> Wayee ya taassii dara ga iñcaa sarahohcaa biyaakbaa na yaakcaa yaawúu'caa yabeerida. <sup>13</sup> Pílaat wo"ari an:

- Iñcii fu yabu béebcada, fu kelohincane?

**14** Wayee Yéesu taassiiri ga wíinoo gaca. Iñaama jaahalla gúwernéeraa lool.

### *Yéesu tíkussa kikaan*

(Marka 15: 6-15; Lúkkaa 23: 13-25; Saj 18: 39-19: 16)

**15** Ga feet Paakaa en béeb gúwernéeraa méyí'ba bo' yínoo ga buwaa abu ga kasuda, yaa mbooloomaa waa'da. **16** Waama lak laakin baa abu ga kasu, ya teeku Barabaas ee béeb ínohinndi. **17** Pilaat meekissa mbooloomaa hídírukohee daamada an:

- Dú waa' mi méyí'túu Barabaasoo Yéesu yii teeku Kiristaaniida?

**18** En ki'enaa, Pilaat ínoheera an ki'iñaan tah ba haydohha Yéesu gari.

**19** Betici wosohha gari, wiima lak ya yii yunjnga ga daa atti'ohsida, kiwo''i an: «Watukaa ki'ek haffu ga loo buyum yijófi'yuma, ndaga wekama mi heeyin gari ee mi sodeera lool ga heeyaa.»

**20** Sarahohcaa biyaakbaa na yaakcaa yaawúu'caa sorussa buwaa nof, ba meekis Pilaat ya meydohi'ba Barabaas ee ya apluk Yéesu. **21** Wayee Pilaat meekissa mbooloomaa an:

- Yiida ga buwii banakbii bii yérí dú waa' mi méyí'túu?

Ba taassa an:

- Barabaas!

**22** Pilaat meekissaba an:

- Kon Yéesu yii teeku Kiristaaniida mi tumanndi na?

Béebba taassa an:

- Daayaari ga kuraa!

**23** Wayee Pilaat meekissaba an:

- Ya tum ya yibóní'?

Wayee ba baa wëñ kifip didóolí' an:

- Daayaari ga kuraa!

**24** Ga waa Pilaat ínoh an ya mínoo dara ga, ndaga coowaa waa wëñ kibaatuk, ya heella múusú, buuñukka ga fíkií mbooloomaa, ya wo''a an:

- Duuroo wíinoo gaa ga níffi bii yii; dú bérí ínoh.

**25** Béeb mbooloomaa taassa an:

- Ee laa wa kípukat ga haffii na dook towutiigaríi.

**26** Waa ennda d'a, Pilaat méyí'taba Barabaas, lëehí'ta ya ríplukka Yéesu, ya erohhari kidaayunee ga kuraa.

### *Soldaa'caa baa ñaawal Yéesu*

(Marka 15: 16-20; Saj 19: 2-3)

**27** Waa ennda d'a soldaa'caa gúwernéeraa paafdohha Yéesu d'uuuy kaanfaa gúwernéeraa, ba négírohha soldaa'caa fodaa gabada béebbä, ba wíillari. **28** Ba dolla kúlticaagari, ba ekkari kúltí filis fiyo'oh cor\*. **29** Ba te'ta iñaa man na baanu-buu' ee teru na lúp, ba ekkariwa ga hafaa. Ba e'tari doo'-barah ya ammba ga yahaa ñaabaa, lëehí'ta ba yí''a ga fíkiici, baa ñaawalsohhi:

- Pesa buurii yaawúu'cii!

**30** Ba baa toossi, ba te''a doo'-baraha, ba baa feekkiwa ga haf. **31** Ga waa ba lëehí'tari kiñaawalsoh, ba dolla kúltifa fiyo'ohfaa, ba ekissari kúlticaagari, lëehí'ta ba bayyari kidaaynee ga kuraa.

### *Yéesu daayussa ga kuraanaa*

(Marka 15: 21-32; Lúkkaa 22: 26-43; Saj 19: 17-27)

\* **27:28** 27: 28 Kúltí fiyo'oh cor Iñaa man d'a kiyo'oh teewoh mandarga buu' na ndamaagari.

<sup>32</sup> Ga waa ba en na kiyahdfa, ba hídukohha na bo' yiyaal yaa dëk teeraa Síreen ee teeku Simonj. Ba gítínnndari kiníkuk kuraanaa Yéesu yah kidaayohudfa. <sup>33</sup> Ba ka'ta bi ga cekataa wo'u Golgotaa, wérí en «loon-haf». <sup>34</sup> Ba e'ta Yéesu biiñaa atukohu na enaama yi'ëeyí' en fan gít. Daa ya yoohee biiñaa, ya sanngawa ki'an. <sup>35</sup> Ba daaycari ga kuraa, ba yípohha tidoo' kiwaroh kúlticaagari. <sup>36</sup> Lëehí'ta ba yuñnga daama, ba baa watukki. <sup>37</sup> Ba daayca kuhaanga tíimmba hafaa Yéesu kiteewoh iñaa tah ya apuda. Ba bínnnda ga an: «Bii yii yérí en Yéesu buurii yaawúu'cii.» <sup>38</sup> Ba daayca ban ga yahaaci tumoh-kofeel banak: yii hanohhari yah-ñaam, yíinoo ga yah-señ.

<sup>39</sup> Buwaa kooree daama baa paafdfa, baa kékít haf, <sup>40</sup> ba baa bassi an:

- Aca! Fu yii fu wo' an fu yah kipook Kaanfaa Kooh ee fu tawahisfa ga bes kaahaydfa, somaa haffu. En lak fu en Kowukii Koohaa, yoosukaa ga kuraanii!

<sup>41</sup> Sarahohcaa biyaakbaa na jégíroh-waascaan na yaakcaa yaawúu'caa ban, baa ñaawalsoohhi, baa wo' an:

<sup>42</sup> - Ya somin buwaa bíinoo ee ya mínoo hafci kisom. An yérí en buurii bu-Isarayeele? Kon ya yoosukat diima-diima ga kuraanii dí hot, dí gém gari. <sup>43</sup> Ya tíkee yaakaa'ci ga Kooh. En lak Kooh keeñukinndinaa, ya mûsalatti diima ndaga yérí wo' an ya Kowu Kooh.

<sup>44</sup> Bi ga tumoh-kofeelcaa banakbaa daaysee ga kuraanaa fodaa garidfa baa bassi fodaama ban.

### Kaanaa Yéesu

(Marka 15: 33-41; Lúkkaa 23: 44-49; Saj 19: 28-30)

<sup>45</sup> Ga wahtaa nohaa tuuk ga dookdfa, bi ga wahtu kigoonaluk, Kooh ñúussa kérúus ga kúlkaa tóoh. <sup>46</sup> Ee ga wahtu kigoonaluk, Yéesu lessa koonaa kiyaak an:

- Élí, Élí, lema sabaktani? (Wérí en an: «Koohyigoo, Koohyigoo, iñii tah ya fu foñnjoo?»)

<sup>47</sup> Ga buwaa enee daamada, laakka buwaa daa ba keloheeri, ba dalla kiwo' an:

- Ya yii bay Ili!

<sup>48</sup> Yíinoo gaba dalla kifool, beþpa epoos, pokkawa ga siñdaa doo', ñoonndawa ga biniiga', e'ta Yéesu ya duuywa. <sup>49</sup> Buwaa bíinoo nak baa wo' an:

- Íisat rek du malak ati Ili hayyi kihay kisom ati na!

<sup>50</sup> Wayee Yéesu lesissa koonaa kiyaak, ya lëehdfukka.

<sup>51</sup> Ga wahtaama, rídóonaa wiyaakwaa poksee ga Kaanfaa Kooh, kún cekataa wëñ kisela'dfa dalla kida' kom kanak, aboh dook bi ga kakay. Kakayfaa faa yëngéluk, atohcaa caa bëlgískoh. <sup>52</sup> Loy ciyewin lëgísukka, faraaf bo'-Kooh ciyewin mîlîssa ga buwaa kaaninda. <sup>53</sup> Ba tessa da bi ga daa Yéesu mîlîsohdfa, ba baa han ki'aas Yéerúsaleem, teeraa wisela'í'waa, ba feeñukka ga bo' biyewin. <sup>54</sup> Soldaaraa kuliyük ga bo' bitéemée' ga heñdfa, na buwaa taabee nari kiwatuk Yéesuda hotussa daa kakayfaa yëngéluda na iñcaa laak caama, ba tíitta lool, ba baa wo' an: «Kayoh-kayohdfa, bii yii enee Kowu Kooh!» <sup>55-56</sup> Beti biyewin enee daama, ceelussa palah baa malak. Mérí-Malleen, Mérí eew Saak na Yoseef na eew towutaa Sebedee. Beticaama bërí meyohee na Yéesu gohaa Gëllée ee ba topudu'iri.

### Yéesu bayussa loycaa

(Marka 15: 42-47; Lúkkaa 23: 50-56; Saj 19: 38-42)

<sup>57</sup> Ga noh-soosaa bo' yiléekí'-alal, yaa dëk Arímatee ee teeku Yoseef, hayya. Ya bokee ga téelibéecaa Yéesu ban. <sup>58</sup> Ya ka'ta ga Pílaat, ya meekissari faraaffaa Yéesu. Pílaat nakohha ya eruфа. <sup>59</sup> Yoseef beþpa faraaffaa, müullafa ga píis perkaal wi'as mac. <sup>60</sup> Ya faanneerafa ga loy wi'as waa ya yotdee hafci ga atoh, ya pírgínnda atoh wiyaak ga kúuwkaa loyaa, ya yaa yah. <sup>61</sup> Mérí-Malleen na Mérí yaa yíinooyaa lak ba yugin, jaanohuunun na loyaa.

### *Baa watukee loyaa Yéesuda*

<sup>62</sup> Ga kooh-wíisfaa tík ga besaa waayukaa Sabatfa, sarahohcaa biyaakbaa na Férísiyeencaa hayussa ga Pílaat. <sup>63</sup> Ba wo"ari an:

- Kiyaakii, dí níndísukin an baa yaama wo'oo kayohfa, wo'eera lak ya yaa lís kipes an: «Tík ga bes kaahayaa mi hay kimílis», <sup>64</sup> kon ebilaa bibo' ba watuk loyaa dii bi ga bes kaahay. Enndiikanaa télíbécagari mínin kikaru ba lok faraaffaa, ba wo' buwii an: «Ya mílisin ga buwaa kaaninda.» Ee baanaa sabohfii tíkan gada wëñan fidsewaafaa kiyak.

<sup>65</sup> Pílaat taassaba an:

- Soldaa'cum booma, bayatba, dú watuki' haffúu loyaa daa dú waa'.

<sup>66</sup> Ba ka'ta kimalak ga daa loyaa manda, ba tummba lëdí' ga atohaa lajwada doonaa baa le' ga tóoh bo' ínoh. Ba foñja soldaa'caa daama, baa watukwa.

## 28

### *Yéesu mélissa ga kikaankaa*

(Marka 16: 1-10; Lúkkaa 24: 1-12; Saj 20: 1-10)

<sup>1</sup> Teel ga kímaa dímaasaa, lak besaa Sabat paafin, Méri yaa dék Makdalaadfa na Méri yaa yíinooyaa, karussa kimalaknee loyaa Yéesu. <sup>2</sup> Kakayfaa dalla kiyéngéluk didóoli', laakka malaakaa Kooh yoosukoh asamaan, ya pírgínda atohaa wiyaakwaa lagohsee loyaadfa, ya yunjga ga dook gaa. <sup>3</sup> Ya mannda na melic kilee', kúltífaagari yaanaawwa der fan perkaal. <sup>4</sup> Buwaa watukee loyaadfa, titussa bi baa kaanan.

<sup>5</sup> Wayee malaakaa wo'a beticaa an:

- Kaa tíitat, mi ínohin an dú raas Yéesu yaa daaysee ga kuraanaadfa. <sup>6</sup> Ya enissii dii. Ya mílisin fodaa ya wo'eekadfa. Hayat gii, dú malak dii ya faanseedfa. <sup>7</sup> Gaawat kika', dú wo'nee télíbécagari an: Yéesu mílisin ga buwaa kaaninda. Ya dëwírukinnídúu Gélilée, dú hotohnannid daama. Kon iñuma yérí mi yaheerúu kiwo'.

<sup>8</sup> Beticaa gaawussa kimey loyaa. Ba títeera wayee keeñba sooseera lool ban. Ba baa fool kiyéegal télíbécagari Yéesu iñaa hewdfa. <sup>9</sup> Balaa ba le'anaa, Yéesu hídochha naba, wo'aba an:

- Mi yii këñí'túu.

Beticaa deeyussa gari, ñuluucukussa ga kotcaa, baa jaamukki. <sup>10</sup> Waa ennda da Yéesu wo'aba an:

- Kaa tíitat! Karat, dú wo'nee télíbécagoo an ba karat Gélilée: ba hotohnannidoo daama.

### *Béestíraa soldaa'caa*

<sup>11</sup> Ga wii beticaa en na kiyahufa, ga soldaa'caa naksee kiwatuk loyaa Yéesu acohseedfa, laakka gaba baa boyuk teeraa, ba béstí'ta sarahohcaa biyaakbaa tóoh iñcaa laakeedfa. <sup>12</sup> Sarahohcaa biyaakbaa dalla kihídírukohu na yaakcaa yaawúu'caa, ba júwohha ga ki'e' soldaa'caama héelís wiyewin, <sup>13</sup> ba wo'aba an:

- Dú karaa, wo'at an télíbécagari baa yaama bérí hay ga wek, ba lokka faraaffaagari lak dí baa neeh. <sup>14</sup> En danaa gúwernéerii yéenkanaa dí hay nari kimín kiwo' bi dara hokooruú ga.

<sup>15</sup> Soldaa'caa bewussa koparaa, ba tummba fodaa daa ba wo'seedfa. Fodaama, béstíraama síwwa ga dhuuy yaawúu'caa ee bi wati ka kii lís kiwo'u.

### *Yéesu wossa télíbécagari ga heetcii ga éldúnada tóoh*

(Marka 16: 14-18; Lúkkaa 24: 36-49; Saj 20: 19-23; Tumeen 1: 6-8)

<sup>16</sup> Waa ennda da, télíbécagari Yéesu bidaankaahbaa na yíinooyaa karussa Gélilée, ga janjagaa Yéesu ebileebadfa. <sup>17</sup> Daa ba hotee Yéesu, ba yí'a, ba baa jaamukki.

Wayee laakka gaba fuwaa laak hel kanak ga iñaa ba hotda. <sup>18</sup> Yéesu deeyca gaba, wo<sup>"</sup>aba an:

- Ga dook na dii ga kakay, Paammboo erinndoo dooli ga tóoh. <sup>19</sup> Kon karat ga béeb heetcii ga ēldúnaða, dú tumba bitéelibéeroo. Bëtisi'atba ga teekii Paamudii, wii Kowukii na wii Helii yisela'í'yii. <sup>20</sup> Yeedíratba kitaabuk béeb iñcii mi nakkúu kitumda. Ee mi, mi yii narúu besaa en béeb, bi ga daa ēldúna túki'an.

## Hewhewii winéwí'wii wo' ga loo Yéesu Kiristaa ee Marka bínda Wo'eencii lëgís Këyítfiida

Wii wérí en Hewhewii Marka bínda. Marka nak bokéeríi ga apotaa'caa Yéesu, wayee ya taabeera na Pool ee ya bokin ban kilégéy na Pee'. En ki'enaa, iñcii ya bín ga këyítfiida ya kelohca ga Pee' ga wii yaama en na kijangat buwaa loo kipeskaa Yéesu ga éldúnada.

Hewhewii wiima, Marka bídi'wa buwaa enussii yaawúu'da kiteebba an kayoh-kayohda Yéesu yérí en Kowukii Kooh. Kooh wo'in ga Këyítfaa fisela'i'faa an hay kilaak baa ya wos kimúsal fu-Isarayeel, heetaagari. Ga wii Yéesu hay éldúnada lak fu-Room te'in kúlkaa Isarayeel baa nguuruk ga dookba. Bu-Isarayeel nak foogee an Kiristaanii Kooh dígeebada haya, ya hay kikaal fu-Room. Wayee enéeríi kikaal fu-Room tahee Yéesu kihay. Kimúsal buwaa took ki'on Seytaani bíij, ba took kirécuk baakaa'caagaba, ba taabukkida bérí tahhi kihay.

Marka bín ga këyítfii fii iñcaa Yéesu tum ga éldúnada na caa ya jégi' buwaa, na ban iñaa aaw ga kikaankaa na kimilískaa Yéesu. Yéesu jangatee buwaa ee yéréméeríi wo'eenci; ya yaa wéki' buwaa ga díukoolcaagaba, ya yaa kaal rabcaa ga buwaa, ya yaa tum enaama cidóoyí'-waa'. Wayee ya mosoo kibéwí' hafci hidaa ga daa ya enee Kowu Koohda. Ndaga «Kowukii bii» hayéeríi éldúna ki'am buwii súrga wayee ya hayee kitum hafci súrga buwii, ya erohha kumuunkaagari en d'anaa biyewin múc (Marka 10: 45).

Buwaa kuliyuk ga yaawúu'caada sagussari, ba appari. Béeb baa taabuk Yéesu jomin kon kitook kiday coonucaa en tóoh, ee ya bok kinguuruk nari bes.

Fu yiima fu jaŋ këyítfii fiida, fu hay took an Yéesu ya Kowu Kooh kayoh-kayohdsane, fodaa soldaaraa yiyaakyaa wo'eka an: «Kayoh-kayohda, bii yii enee Kowu Kooh!» (15: 39).

### Këyítfii Marka bín ga loo Yéesuda tíidoh anee:

- 1 - Jangataa Saŋ-Bétis (1: 1-8)
- 2 - Seytaani fí'ta Yéesu (1: 9-13)
- 3 - Yéesu tessa ga gohaa Gélilée (1: 14-9: 50)
- 4 - Yéesu meyohha gohaa Gélilée ka'ta Yéerúsaleem (10: 1-52)
- 5 - Bescaa méeñjoh ga kipeskaa Yéesuda (11: 1-15: 47)
- 6 - Yéesu mílissa ga kikaan (16: 1-8)
- 7 - Yéesu teewukohha ga tēelibéecaagari (16: 9-20)

### *Jangataa Saŋ-Bétis*

(Mëccée 3: 1-12; Lúkkaa 3: 1-18; Saŋ 1: 6-9,15-30)

<sup>1</sup> \*Hewhewii winéwí'wii wo' ga loo Yéesu Kiristaa, Kowukii Koohda, daloh anee:

<sup>2</sup> Fodaa daa Ísayíi, séldíiga-Koohaa bín ga Këyítfaada; Kooh wo' da an:  
«Mi yii wos bo"oo, yaa dëwrukandaa, kiwaayuk waasumgaraa.

<sup>3</sup> Laakin koonaa-bo', kaa en na kiwo' didóoli' ga díuyü egi'-dúndagaa an:  
Waayukdat Ha'mudii waasii, júwi'datti tuwaas-waastii!»\*

<sup>4</sup> Baama ennda Saŋ. Ya hayya, yaa bétisi' buwaa ga egi'-dúndagaa. Ya yaa jangat an buwaa súpitat kipeskaagaba, ba bétisi'u, en d'anaa baakaa'caagaba bayalu.

---

\* <sup>1:3</sup> 1: 3 Malasii 3: 1; Ísayíi 40: 3 béstíru fodaa daa bínsee ga kiGerek múusda.

<sup>5</sup> Kúlkaa Yúudée tóoh na buwaa dëk Yéerúsaleemda baa mey baa aaw gari. Ba baa récuk baakaa'caagaba ga fíkíi béeb ee Sañ yaa bëtísí'ba ga húlúwaa Yúrdeñ.

<sup>6</sup> Sañ ekukee kúltífaa terohu na fénuf geeleem, ya pokukka liib-on ga kenohkaa<sup>◊</sup>. Ya daanee kiñam pay na kúum. <sup>7</sup> Ya jangatee an:

- Laakin baa en na kihay ga fenooroo ee yérí wëñnjoo kiyak fúuf. Mi jutuutin sah ga kidaal kipékis liibcaa ñafa'caagari. <sup>8</sup> Mi, mi bëtísí'inndúu ga múnusú; ya nak, ya bëtísí'anndúu ga Helaa yisela'í'yaa.

### *Sañ bëtísí'"a Yéesu ga múnusúmaa*

<sup>9</sup> Waa ennda ða, Yéesu meyohha dëkkaa Nasareet ga gohaa Gélilée, ya hayya, Sañ bëtísí"ari ga húlúwaa Yúrdeñ. <sup>10</sup> Ga daa Yéesu en na kimey ga múnusúmaada, ya hotta asamaan lëgísukka. Helaa Kooh, fodii ho', yaa yoosuk ga dookci. <sup>11</sup> Laakka koonaakaa meyoh dook Kooh, wo'"a an:

- Fu yérí en Kowukiigoo mi keeñukða. Keeñnjoo soosin garaa<sup>◊</sup>.

### *Fíraa Seytaani na Yéesu*

(Méccée 4: 1-11; Lúkkaa 4: 1-13)

<sup>12</sup> Ga saasi, Helaa yisela'í'yaa woocca Yéesu, bayyari ðekat, égi'-dúndañ. Ya ennda da bes cidaanjkaah-nikiis. <sup>13</sup> Waa ya en daama, Seytaani íiséeriíri kifí'. Yéesu enee daama na rapcaa ee malaakacaa baa topatu*"i*.

### *Yéesu dalla kijangat ga gohaa Gélilée*

(Méccée 4: 12-17; Lúkkaa 4: 14-15)

<sup>14</sup> Yéesu ka'ta gohaa Gélilée, wiima lak Sañ abuunun ga kasu<sup>†</sup>. Ya yaa jangat ga gohaama Hewhewaa winéwí'waa meyoh ga Koohða. <sup>15</sup> Ya wo'ee an:

- Wahtii le'in ee Nguuraa Kooh deeyin. Súpítat kipeskiigarúu, dú gëm Hewhewii winéwí'wii!

### *Yéesu bayya mbaaloh binikiis*

(Méccée 4: 18-22; Lúkkaa 5: 1-11; Sañ 1: 35-43)

<sup>16</sup> Daa Yéesu kooree ga seereenaa giyyaa Géliléeda, ya hotta mbaaloh ðanak: Simon na Andari këmëenjíci, ba baa wees mbaal ga giyyaa. <sup>17</sup> Yéesu wo'"aba an:

- Taabukattoo, mi hayyúu kitum bimbaaloh bo'.

<sup>18</sup> Ga saasi, ba foñnja mbaalcaagaba, ba baa taabukki. <sup>19</sup> Ya ka'ta bi ga fíkíi, ya hotta towutaa Sebedee: Saak na Sañ, këmëenjíci. Ba enee ga gaal-loocaagaba, baa hëwíraat mbaalcaa. <sup>20</sup> Yéesu dallaba kibay; ba foñnja Sebedee, paamba na lëgëyohcaa ga gaal-loocaa, baa taabukki.

### *Yéesu wëkí'ta baa laak rab*

(Lúkkaa 4: 31-37)

<sup>21</sup> Yéesu na tèelibéecaagari le'ussa dëkkaa Kafarnawom. Ga besaa Sabat, Yéesu aassa jaangu-yaawúuraa, ya aawwa kijégíroh. <sup>22</sup> Buwaa waaru'seera lool ga jégírohaagari, ndaga ya en na kijégírohaa, ya yérëmoo wo'eenci fodaa jégíroh-waasca.

<sup>23</sup> Bërii, laakka baa aas jaangu-yaawúuraagaba, ee enee baa laak rab. Ya yaa fiip an:

<sup>24</sup> - Yéesu Nasareet, fu naríi ya? Fu hayyíi kidúbíre? Mi ínohin bii fu enda. Fu yérí en bii yisela'í'yii meyoh ga Koohða!

<sup>25</sup> Yéesu gëtta rawaa, wo'"ari an:

- Dekoha, fu meyoh ga bii!

<sup>◊</sup> 1:6 1: 6 Malkat 2 Buu' 1: 8.    <sup>◊</sup> 1:11 1: 11 Mëdïrohat na Kañcaa 2: 7; Ísayíi 42: 1.    <sup>†</sup> 1:14 1: 14 Sañ yaa bëtísí'ee buwaa ga húlúwaa Yúrdeñða, yérí wo'u dii.

<sup>26</sup> Fodaama, rawaa saylukohha baa saylukoh ciméeski', lessa koonaa kiyaak, meyohha gari. <sup>27</sup> Buwaa enee daamada béeëbba jaahli'ussa ga iñaama, bi ba baa wo' ga díkaantiba an:

- Iñii yii man na? Ati jégíroh wi'as! Bii yii wo'i wo'een wiinoo<sup>‡</sup>, ee bi ga rabci sah tumsi iñaa ya nakohda!

<sup>28</sup> Meyohha da, teekaa Yéesu dalla kisíw daa en béeëb ga gohaa Gélilée.

*Yéesu wéki'ta payam Pee' na bibo' biyewin biliis*  
(Méccée 8: 14-17; Lúkkaa 4: 38-41; Méccée 4: 23-25)

<sup>29</sup> Waa ba meyoh jaangu-yaawúuraa, ba ka'ta kaan biSimon na Andari, taabussa na Saak na Sañ. <sup>30</sup> Lak payam Simon yibeti faanukin, tamoh hen. Yéesu dallaka kiyéegal. <sup>31</sup> Daa ya le' bi gari, ya ammba yahaa, bëwi'tari. Ga dekataama faanfaa yímmaba. Lëehí'ta ya yaa topetu'ba. <sup>32</sup> Ga noh-soosaa lak nohaa aasin\$, Yéesu haydohdussa dúukoolí'caa tóoh na ha'-rabcaa. <sup>33</sup> Ee bu-dëkaa tóoh négírukohusee ga hal-kaanfaama. <sup>34</sup> Ya wéki'ta bo' biyewin baa laakin dúukoolcaa bokkii. Ya kaalla ban rab biyewin ga buwaa, ee ya onéeríi rabcaama kiwo' yen ndaga ba ínoheera baa ya enda\*.

*Yéesu wílla Gélilée*  
(Lúkkaa 4: 42-44)

<sup>35</sup> Ga kímaa cuut, lak Kooh lís kiñúus, Yéesu kolukka, ya meyca yaa yah daa wéetin. Daama, yaa kíim Kooh. <sup>36</sup> Simon na buwaa ensee narida baa raasussi. <sup>37</sup> Daa ba hoteeri, ba wo"ari an:

- Béeb buwii bii raassaa.

<sup>38</sup> Ya taassaba an:

- Du yahat dekat wiliis, ga dëkcii ga yahaaniida, doonaa mi míñ kijangatnee buwaa daamada ban. Iñamaa yérí tahhoo dii kimey.

<sup>39</sup> Fodaama, ya wílla Gélilée tóoh, yaa jangat buwaa ga jaangu-yaawúu'caa, ee yaa kaal rabcaa ga buwaa.

*Yéesu wéki'ta baa bay dúukool gaana*  
(Méccée 8: 1-4; Lúkkaa 5: 12-16; Lúkkaa 17: 12-19)

<sup>40</sup> Laakka bo' yaa bay dúukool-gaana hayya ga Yéesu, yí'a ga fíkíici, yaa kíimmbi an:

- Fu waa'kanaa, fu mínnindoo kiwéki'<sup>†</sup>.

<sup>41</sup> Yéesu laakka yérmaandi wiyaak gari. Ya lérissa yahaagari, le'a ga baa, wo"ari an:

- Mi waalinka, waka!

<sup>42</sup> Ga saasi, dúukool-gaanaa meyohha ga baa, baa wakka. <sup>43</sup> Lëehí'ta Yéesu dallari ki'ebil, díñngari na wo'een ciyégisi' <sup>44</sup> an:

- Abukaa ga kiwo' bo' iñii mi tumi'taada, wayee kara, fu teewohnee haffu ga sarahohaa ee fu tum sarahaa Móyiis nakoh ga kisetkiigaraada. En danaa iñamaa hay kiteeb béeëb an fu setin<sup>‡</sup>.

<sup>45</sup> Baa nak meyohha daama, ya ennda ga kibéestí' na kilíbaacoh iñaa laakee yaama. Iñamaa tahha bi Yéesu mínséeríi ki'aas dék wiinoo ga fíkíi béeëb; ya nammab kites ga fooh, ga dekatcaa laakoo ken, wayee buwaa baa meyoh daa en béeëb baa hay gari daama.

<sup>‡</sup> **1:27** 1: 27 Ga daa bíncaa hëgísohuda na topda, laakin buwaa bíñ fodii dii: ati waas wi'as waa mey na dooli! Bi ga rabci sah ba tumi iñaa ya nakbadha. § **1:32** 1: 32 Besaa Sabat leehi ga lak nohaa aasin bi tu'oltaa dëewi kimeyda hotukin. \* **1:34** 1: 34 Yéesu waalinka jangat teekaagari ga buwaa. † **1:40** 1: 40 Malkat Méccée 8: 2 na iñaa béeëstíru gada. <sup>§</sup> **1:44** 1: 44 Malkat Léwítik 14: 2-32.

## 2

*Yéesu wëki'ta baa lafañin**(Mëccëe 9: 1-8; Lúkkaa 5: 17-26; Sañ 10: 31-38)*

<sup>1</sup> Bes cera tikka ga, Yéesu sooffa Kafarnawom. Buwaa yéejnga an ya yaa ga kaanfaa\*. <sup>2</sup> Bo' biyewin négírukohussa ga dzuuy kaanfaa, bi laakissii daa bo' tuukan, enndii sah ga fikii hal-kaadaa. Ya yaa yéegalba wo'eenaa Kooh. <sup>3</sup> Bibo' hayussa gari, haydohdussi baa lafañin. Yaal binikiis bérí teembeelussi. <sup>4</sup> Ga daa ba mínnndii gari kideey ndaga mbooloomaa, ba nammabaa kiheel gúl ga cakaraat túuya, tíimmba Yéesu ga daa ya eneeda. Ba yóoski'ta gatanaa lafañaa faankohda ga gúlaama. <sup>5</sup> Daa Yéesu hotee ngëmaagaba waama, wo'"a lafañaa an:

- Yaal, baakaa'cumgaraa bayaluununndaa.

<sup>6</sup> Wiima lak laakin jégíroh-waascaan yuj daama. Baa halaat an: <sup>7</sup> «Iñii tah bii yii kiwo' iñaama ya? Basin Kooh! Bii míni kibayal baakaa' ba, enndii Kooh dogaa?»<sup>☆</sup>

<sup>8</sup> Yéesu ínohha haat ga helaagari iñaa buwaama halaatda. Ya wo'"aba an:

- Iñii tah ya dú halaat iñuma ga helciigarúu? <sup>9</sup> Kon iñii yiida wëñ kiyoob kiwo' lafañii: kiwo'"i an «Baakaa'cumgaraa bayaluununndaanoo», kiwo'"i an «Koluka fu túin»? <sup>10</sup> Wayee bi dú ínoh an ga éldúna, Kowukii bii onuunun kibayal baakaaraa, malkat!

Ya wo'"a lafañaa an:

<sup>11</sup> - Mi wo'"aaka, kolka, bewaa gataniigaraa, fu yee kaanfu!

<sup>12</sup> Daama lafañaa dalla kikoluk, beëpa gatanaagari, yaa mey ga fikii béeë. Fodaama buwaa tóoh jaahli'ussa ga iñaama, ba baa ndam Kooh anee:

- Iñaa man na iñii yii, dí mosoori kihot!

*Yéesu bayya Léwi**(Mëccëe 9: 9-13; Lúkkaa 5: 27-32; Kañcaa 25: 8-9)*

<sup>13</sup> Yéesu meyissa ga bak giyyaa Gélilée, bo' biyewin baa hay gari, ya yaa jégí'ba.

<sup>14</sup> Ya enee na kipaaf, ya hotta Léwi, kowu Alfee, yugin ga cékataa fayukohsi juutida. Yéesu wo'"ari an:

- Taabukaaroo!

Léwi kolukka, yaa taabukki.

<sup>15</sup> Lëehí'ta, Yéesu enee na kiñam ga kaan Léwi, ee juuti biyewin, na buwaa júwussii boksee nari kiñam ban, ya na télíbécäagari. Ga buwaa taabukussida, yewneera buwaa man ña. <sup>16</sup> Ga daa jégíroh-waascaan fa' na Férísiyeencaa hotussi yaa bok kiñam na juuticaa na buwaa júwussiida ban, ba meekissa télíbécäagari an:

- Iñii tah ya, ya bok kiñam na juuticii na buwii júwussiida?<sup>☆</sup>

<sup>17</sup> Daa Yéesu kelohee iñaama, ya wo'"aba an:

- Buwaa dara gaa naba laakussii sooli ga payoh, wayee dúukoolí'cii bérí laak sooli ga. Mi hayyi éldúna kibay buwii júwinda, wayee mi hay kibay ha'-baakaa'cii.

*Yéesu wo'"a ga loo ki'oo'**(Mëccëe 9: 14-17; Lúkkaa 5: 33-39)*

<sup>18</sup> Laakka bes, télíbécäaa Sañ‡ na baa Férísiyeencaa baa oo'. Bibo' hayya ga Yéesu kimeekissi an:

- Iñii tah ya télíbécäii Sañ na bii Férísiyeençii bii oo', ee télíbécäigaraa oo'soo?

<sup>19</sup> Yéesu taassaba an:

- Bedohcaa ha'-kílookkaa míniñ ki'oru ee lak ha'-kílookkaa yaa nabane? En lakanaa ha'-kílookkaa kaa lís naba ki'en, ba mínoo ki'oo'. <sup>20</sup> Wayee bes waa hay,

\* <sup>2:1</sup> 2: 1 Mín ki'en kaan biSimoj na Andari, malkat 1: 29. † <sup>2:4</sup> 2: 4 Cakaraa túuycaa ñu-Paleestín hëwrohsee na kakay-ban, ee bo' míni kiyun ga cookgaa. <sup>☆ 2:7</sup> 2: 7 Kibas KoohMëdirohat na Léwitík 24: 16. <sup>☆ 2:16</sup> 2: 16 Mëdirohat na 2: 15-16; Lúkkaa 15: 1-2. ‡ <sup>2:18</sup> 2: 18 Sañ-Bétís yaa bëtisi'ee buwaadfa. Malkat Mëccëe 6: 16

waa ha'-kílookkaa hay kibewohu ga leeloofa, béríinaama nak, ba hay ki'oo'. <sup>21</sup> Ken bewoo píis wi'as daafwa ga líil-kúltí. Enndiikanaa píisaa wi'aswaa hay kibaydoh yen ga líil-kúltaa, wa tum daraa wëñ kiyak. <sup>22</sup> Fodaama, ken tumoo biiñ wi'as ga mbúus-oncaa maañin. Enndiikanaa biiñaa lúudaa, pook mbúuscaa: biiñaa aamuk mbúuscaa yasukoh. Kon biiñ wi'as jom ki'eku ga mbúus-on ci'as!

*Yéesu yérí laak bes Sabat  
(Mëccée 12: 1-8; Lúkkaa 6: 1-5)*

<sup>23</sup> Enee ga bes Sabat, béríi Yéesu kooree ga djuuy yooncaa lúudin§. Ga daa ba kooroheeda télíbécäagari dalussa kiweel ga boñcaa◊. <sup>24</sup> Laakka Férísiyeencaa wo'u Yéesu an:

- Malka! Iñii tahba kitum ya iñaa Waasii kokohin kitum ga bes Sabatfa?◊

<sup>25</sup> Yéesu wo"aba an:

- Hanaa dú jañgii iñaa buu' Dëwít tumee béríi lak ya yaawin ee ya laakoo iñaa ya ñaman, ya na buwaa taabee narida? <sup>26</sup> Ya aassa taalaa Kooh, waama lak Abiyataa' yérí enee ha'-kaadaa sarahohcaa, ya ñammba mbúurúcaa meydohfusee Koohda, ya e'ta buwaa taamsee narida ga ban. Ee mbúurúcaama, sarahohcaa doj onuca kiñam\*.

<sup>27</sup> Yéesu tíki'taba ga an:

- Bo' yérí tah bes Sabat kitumu, enndii bes Sabat tah bo' kisaku. <sup>28</sup> Iñaama tah kon, bi Kowukii bii kérí laak bes Sabat ban.

### 3

*Yéesu wëkí'ta baa yahaa dooykin  
(Mëccée 12: 9-14; Lúkkaa 6: 6-11)*

<sup>1</sup> Laakka bes, Yéesu karissa jaangu-yaawúuraa. Lak laakin baa en daama, bay yahaa dooykin. <sup>2</sup> Buwaa ensee dada baa malak ga Yéesu, ati ya hay kiwékí' bo' ga bes Sabat, doonaa ba mínni kiyam. <sup>3</sup> Yéesu wo'a baa laak yahaa dooykinda an:

- Kolka! Hayaa dii ga fíkí béeþ!

<sup>4</sup> Léehí'ta ya wo'a buwaa ensee dada an:

- Iñii onohu kitum ga bes Sabat ya? Iñaa jofin wala iñaa moroo? Kisom kumuun bo' wala kilaj kumuun?

Ba ennda tii'. <sup>5</sup> Yéesu malakkaba béeþba na keeñ-tam, iñaama mesikkari ga daa ba súb ga keeñda. Ya wo'a ha'-yahaa an:

- Lérísaa yahii!

Baa léríssa, yahaa wakka, mannda ga daa wa eneeda. <sup>6</sup> Férísiyeencaa meyussa, ba dalla kihídoh na buwaa fa' na buu' Erootfa\*, kimalak ga daa ba tuman bi ba apluk Yéesu.

*Bo' biyewin taabukussa Yéesu  
(Mëccée 12: 15-21; Ísayíi 42: 1-4)*

<sup>7</sup> Yéesu aawwa bak giyyaa Gélilée na télíbécäagari. Mbooloomaa waa meyoh gohaa Gélilée na waa Yúudée, wa waa taabukki. <sup>8</sup> Bo' biyewin biliis, daa ba kelohsee iñaa ya tumda, ba baa hay gari ban; ba meyohsee gohaa Yúudée na dëkaa Yéerúsaleem, na gohaa Ídúmée†, na gohcaa hanoh húlúwaa Yúrden gaadfa, na iñaa

§ 2:23 2: 23 Yoonaa enee yoon-beli: boncaagaca waa' kiman na boj píim, kuuncaagari cérí hëwrohsí mbúurú.

◊ 2:23 2: 23 Malkat Déteronom 23: 26.   ◊ 2:24 2: 24 Malkat Eksoot 34: 21.   \* 2:26 2: 26 Ñammba mbúurúcaa malkat 1 Samiyeel 21: 2-7, Abiyataa': malkat 2 Samiyeel 15: 35, Sarahohcaa doj onuca kiñam: malkat Léwítik 24: 9.

\* 3:6 3: 6 Buwaama fa' na Eroot Antípas (límu ga kíis 4 balaa Yéesu, ee kaannda tíkiis 30 ga fenoo Yéesu) waaree kihot baa meyoh ga buu' Eroot yiyaak, ya faluk ga dookba ga kúlkaa, loo gúwernéeraa meyoh Room.   † 3:8 3: 8 Ídúmée gohaama hanoh gohaa Yúudée kakay, ee dëkaa Eboron bokee gari.

wíil dëkcaa Tíi' na Sídonj. <sup>9</sup> Ya wo''a tæelibéecaagari ba heeli'ti gaal-looci en danaa ya míni ga ki'aas, doonaa buwaa ñaakoo ga dookci. <sup>10</sup> En ki'ennaa, daa ya enee na kiwéki' bo' biyewinda tahha béeb baa dúukoolin yaa bociroh ki'am gari. <sup>11</sup> Ee daa rabcaa hotohussi béeb, ba yí'diri, ba fiipi an: «Fu yëri en Kowukii Kooh.» <sup>12</sup> Wayee Yéesu dígiba na wo'een ciyégisi', kihoonohba kiwo' baa ya enda.

*Yéesu tanukka bo' bidaan̄kaah na banak  
(Mëccëe 10: 1-4; Lúkkaa 6: 12-16; Tumeen 1: 13)*

<sup>13</sup> Lëehí'ta, Yéesu lappa ga dook janjagaa, ya bayya buwaa ya waa'da; ba hayya gari. <sup>14</sup> Ya tanukka bidaan̄kaah na banak, baa ya teek apotaa': ba tes nari ee ya wosiba kijangatnee; <sup>15</sup> ya e'dohhaba dooli kikaal rab ga buwaa. <sup>16</sup> Buwii bii bëri en bidaan̄kaah na banakbii ya faldsa: Simon (yëri ya teek Pee')<sup>‡</sup>; <sup>17</sup> Saak na këmëenjkíci Sañ, towu Sebedee, (baa ya e' teek Boanergesda, wëri en «towu íníj»)<sup>§</sup>; <sup>18</sup> Andari; Filiip; Bartulëmíi; Mëccëe; Toomaa; Saak, kowu Alfee; Tadée; Simon selootaa, <sup>19</sup> na Yúdaa Iskariyot ennda yaa toonan Yéesudsa.

*Buwaa poki' Helaa yisela'i'yaay yenda  
(Mëccëe 12: 22-32; Lúkkaa 11: 14-23)*

<sup>20</sup> Yéesu boyukka kaan. Bo' biyewin négírukohissa daama, bi tahha Yéesu na tæelibéecaagari mínséríi sah kiñam. <sup>21</sup> Mbokcaa Yéesu kelohuka hen, ba baa hayyi ki'amnee, ndaga ba wo'ee an hafaagari múuyin.

<sup>22</sup> Laakka jëgíroh-waascaan meyoohsee Yéerúsaleem, baa wo' an:

- Belsebul<sup>§</sup>, buurii rabci yëri nari! Doolii buurii rabci e'tisa, wëri tahhi kimín kikaal rabci ga buwii!

<sup>23</sup> Yéesu bayyaba, liiwukkaba anee:

- Seytaani mína kikaal Seytaani? <sup>24</sup> Binaa nguu' hëgískoh ga cfuuywanaa, nguuraama mínoo kituuk. <sup>25</sup> Ee binaa kaan hëgískoh ga cfuufanaa, kaanfaama mínoo kituuk. <sup>26</sup> Kon binaa Seytaani heñoh na hafci, ee ya hëgískohaa, ya mínoo kilís, ya dal kidum. <sup>27</sup> Binaa bo' hay ki'aas ga kaan baa yaa na doolaagari gík, ya bëb iñaa yaama laakdانا, ya jommbi kibañ hen paay, doonaa ya han kimín kipook kaanfaa. <sup>28</sup> Mi wo''uuka ee kayoh; bo' míni kibayalu iñaa en tóoh: baakaa'caagari na wo'een-baseecaa ya míni ki'ek Kooh tóoh. <sup>29</sup> Wayee baa fu wo' iñaa moroo ga Helaa yisela'i'yaay béeb, fu bayalsoo bi taa', fu koorukan baakaaraama bi taa'.

<sup>30</sup> Yéesu wo'eeba fodaama, ndaga ba wo'ee gari an rab nari.

*Eew Yéesu na bikëmëenjkí Yéesu  
(Mëccëe 12: 46-50; Lúkkaa 8: 19-21)*

<sup>31</sup> Eew Yéesu na bikëmëenjkíci le'ussa. Ba eemmba fooh, ba wosohha kibaynee Yéesu. <sup>32</sup> Lak bo' biyewin yuguunun daama, wíluununndi. Ba wo''ari an:

- Taasa, eefu na bikëmëenjkifu baa day ga fooh, soolukussaa.

<sup>33</sup> Ya taassa an:

- Bii en eewwoo ba? Buwii en bikëmëenjkírooda ba?

<sup>34</sup> Ya weessa has ga buwaa wíillida, ya ennda an:

- Malkat, eewwoo na bikëmëenjkíroo beema. <sup>35</sup> Baa tumi iñaa Kooh waa'da, baama yëri en këmëenjkíroo yiyaal wala yibeti, wala eewwoo.

## 4

*Liiwukaa wo' ga sokohaada  
(Mëccëe 13: 1-9; Lúkkaa 8: 4-8)*

<sup>‡</sup> 3:16 3: 16 Teek Pee' mëdïrohat na Mëccëe 16: 16-18; Sañ 1: 42. <sup>§</sup> 3:17 3: 17 Mëdïrohat na Lúkkaa 9: 54.

§ 3:22 3: 22 Belsebul wa teek wiliis waa eru Seytaanii kuliyuk ga rabciida... Malkat Mëccëe 10: 25.

<sup>1</sup> Laakka bes Yéesu enissa ga kijangat ga seereenaa giyaa Gélilée. Mbooloo wiyaak willari bifaf ya nammba ki'aas ga looci ga duuy giyaa, ya yunjga ga. Mbooloomaa tessa ga tewisaa. <sup>2</sup> Ya jégítaba enaama ciyewin caa taam na liiwuk. Ya wo'eeba ga jégírohaagari an:

<sup>3</sup> - Súkúruk! Enee línoh, ya kolukka yaa yah kisoknee. <sup>4</sup> Ga daa ya en na kisokfa, laakka tesohaa keen ga yahaanaa waasaa, selcaa hayussa, ñamussata. <sup>5</sup> Laakka tesohaa keen ga dekataa yewinin atoh, daa yewinndii kakay. Tesohaa gaawwa kipaal ndaga lak kakayfaa yewinndii. <sup>6</sup> Ee daa nohaa koluk ga dook hen, tékít'a iñcaa paaleeda, ca súbpa ndaga níilcaagaca abéerii. <sup>7</sup> Laakka tesohaa keen ga yówée-lúp, ta paalla da. Lúpcaa yakka, dallata ki'on bi ta mínnndii kimeydoh boj. <sup>8</sup> Laakka tesohaa keen ga kakayfaa laakin dooli, ta paalla, ta yakka bi ta bíríssa, tummba towu: tii haydohha iñaa le'in waas cidaanjkaah-kaahay ga tesohaa sokseedaa, tii cidaanjkaah-yitniinoo, tii citéemée'.

<sup>9</sup> Léehí'ta ya tikka ga an:

- Baa fu laakin nof kikelohaa, súkúruka!

### *Iñaa tah Yéesu liiwuki buwaa henda*

<sup>10</sup> Daa ya úsaayee mbooloomaa, bidaanjkaah na banakbaa na buwaa daansee nari kitaamda meekissari ga loo liiwukcaama. <sup>11</sup> Yéesu taassaba an:

- Dú bérí Kooh eree ki'ínoh kúmpafaa Nguuraagari, ee buwii tes ga foohda, ba kelohan ga liiwuk na liiwuk. <sup>12</sup> Doonaa,  
«Ba míñ kimalak bi jof ee ba hotoo dara,  
ba míñ kikeloh bi jof ee ba ínohoo dara,

en danaa ba récukoo baakaa'ciigaba bi Kooh bayalba!»\*

<sup>13</sup> Yéesu wo'sissaba an:

- Binaa dú ínohhii iñii liiwukii wii waa' kiwo'danaa, dú mínan na ki'ínoh iñii liiwukcii tesda waa' kiwo'da?

<sup>14</sup> Sokohaa sok wo'eenaa Kooh. <sup>15</sup> Bíinoo mëdírohu na dekataa ga yahaanaa waasaada, ee sokohaa sok wo'eenaa ga duuyba. Bi ba laasan kikeloh wo'eñaanaa, Seytaani hay, nís wo'eenaa ba sokfusee ga keeñcaagabada. <sup>16</sup> Bíinoo mëdírohu na dekataa sokuunun ee yewinin atoh. Ba keloh wo'eenaa Koohaa, haat ba safá' gawa kite'. <sup>17</sup> Wayee ba úsaayoo ga, ndaga wo'eenaa Kooh huuttii ga keeñcaagaða. Fodaama, binaa wo'eenaa Kooh tahba ki'en ga iñaa newoo, wala ba tumu iñaa meskinaa, ba gaaw nawa kigúroh. <sup>18</sup> Bíinoo baa mëdírohu na yówée-lúpaa sokuunun. Ba hay kikeloh wo'eenaa Kooh, <sup>19</sup> wayee halaat éldúna na kiwaa' kihépí'kaa aaw ga alal na waareen ciliis abuba; iñcaama on wo'eenaa Kooh bi tah wa mínoo kilím yen. <sup>20</sup> Bíinoo mëdírohu na kakayfaa laakin dooli, soku. Ba keloh wo'eenaa Koohaa, ba te'wa, ee ba laaki' Kooh jeriñ. Bii haydoh iñaa le'in waas cidaanjkaah-kaahay ga iñaa sokseedaa, bii cidaanjkaah-yitniinoo, bii citéemée'.

### *Liiwukaa wo' ga loo lampuda*

(Lúkkaa 8: 16-18; Mëccëe 5: 15-16)

<sup>21</sup> Yéesu wo'sissaba an:

- Bo' haydohin lampu lí' kanu gane? Wala ekwa ga fildoo fayaage? Man lampu líksi hen\*. <sup>22</sup> Laakkii iñaa míñ kidaakuk bi hotukoo. Ee laakkii iñaa bo' míñ kidaak bi meydohtsoo fan. <sup>23</sup> Baa fu laakin nof kikelohaa, súkúruka!

<sup>24</sup> Ya wo'sissaba an:

- Malaksukohat iñcii dú kelohida. Nataa dú natoh buwiida wéri dú natohohsan ee dú baatdu ga. <sup>25</sup> En ki'ena, baa laakin, hay kibaatdu; wayee baa laakoo, ki'iñkaa ya bayda sah hay kite'u.

\* <sup>4:12</sup> 4: 12 Ísayíi 6: 9-10 béstíru fodaa bíñsee ga kiGerek míusfa.      \* <sup>4:21</sup> 4: 21 Mëdírohat na Mëccëe 5: 15; Lúkkaa 11: 33.

*Liiwukaa wo' ga loo tesohthaada*

(1 Korenti 3: 6-7)

<sup>26</sup> Yéesu tikkissa ga an:

- Nguuraa Kooh man na fodii baa sok yoon. <sup>27</sup> Ya enat ga kineehi, ya yúuduki, wekoo nohoo, wayee tesohthaada taa paal, taa yak. Ee ya yéegoo dara ga. <sup>28</sup> Kakay féri yékdí iñaa paal gari tóoh. Aboh ga daa wa paalan, lëehíraa wa bíris boñ, tum towu. <sup>29</sup> Yoonaa súwinaa ya aasi ga na kupíkaa'kaagari; ndaga lak kipíik le'in<sup>☆</sup>.

*Liiwukaa wo' ga loo kowu-fúdankaada*

(Méccée 13: 31-32,34; Lúkkaa 13: 18-19)

<sup>30</sup> Yéesu wo'issa an:

- Iñii du míni kimédíroh Nguurii Kooh nawada ya? Wala liiwukii wiida mínda kiteewoh? <sup>31</sup> Wa man na kowu-kedik fodii kowu-fúdan, binaa sokunaa, kérí wéñ kijutuut ga tesohthii tóoh en ga éldúnada. <sup>32</sup> Wayee ka laas kisokunaa, kedik-fúdankaa koluk bi wéñ kiyak iñcii línsida, ee ka laak toy tiyaak taa wée'taa ga an tii selcii Kooh mínu kitaal ga dhuuy tuu'taagaca.

<sup>33</sup> Ya daanee kiyéegaloh wo'eenaa Kooh na liiwuk ciyewin caa manda; hínnda na fodaa daa buwaa míni ki'am ga helcaagabada. <sup>34</sup> Ya wo'éeríi iñaa enndii liiwuk na buwaa; ee ya wéetta na télíbécäagarinnaa, ya bëgísiba ga liiwukcaa tóoh.

*Yéesu tuuki'ta uuris wiyaak*

(Méccée 8: 23-27; Lúkkaa 8: 22-25)

<sup>35</sup> Besaa béríi, lak Kooh yaa hoob, Yéesu wo'a télíbécäagarinnaa an:

- Du paafat giyyii bakaa hanoh gaada.

<sup>36</sup> Waa ba tagohha na mbooloomaa, ba bayya Yéesu ga loocaa ya enoheeda. Laakeera ban looci ciliis caa taamsee nari. <sup>37</sup> Uuris wiyaak dalla kiyíp, dúusaa bewukka, waa weesuk ga dhuuy loocaa bi haat waa líif na múusú. <sup>38</sup> Lak Yéesu yaa neeh ga bakaa hanoh bosaa loocaada, tígíngkin. Télíbécäagarinnaa yúudussari, baa wo'i an:

- Jégírohii! Tumuuntii buwii bíttiiraane?

<sup>39</sup> Ya yúudukka, ya gëtta uurisaa, ya wo'a giyyaa an:

- Dekoha, fu yeewuk!

Uurisaa tuukka, dekataa ennda cel. <sup>40</sup> Lëehí'ta ya wo'a buwaa an:

- Iñii tähhúu kiniik ya? Dú gëmmbii garoo bi watine?

<sup>41</sup> Ba tiitta lool ga iñamaa ee ba baa meekisoh ga leelooba an:

- Kon bii yii yérí en ba, bi uurisii sah na giyyii tumsi ga iñaa ya nakohda<sup>☆</sup>

## 5

*Yéesu wéki'ta ha'-rab ga Gerasaa*

(Méccée 8: 28-34; Lúkkaa 8: 26-39)

<sup>1</sup> Ba le'a tewisaa giyyaa Gélilée wíinoowaa, ga kúlkaa Gerasaa\*. <sup>2</sup> Yéesu yaa yoosuk ga loocaa, laakka baa rab am, meyohha ga dhuuy loycaa†, yaa gú'cfukohhi. <sup>3</sup> Ya dëkee ga loycaa ee ken mínsiséeríri kipok, luu enee na ceen. <sup>4</sup> Leekleek ya jéengíseera kotcaa, yahcaa poku na ceen, wayee ya gú' ceencaa, ya weel jéencaa. Ken laakéeríi dooli ki'ammbi. <sup>5</sup> Wekoo nohoo, ya enee ga dhuuy loycaa na ga janjancaa; ya weleluki, ya gaañi hafci na atoh.

<sup>6</sup> Daa ya séenee Yéesu, ya yaa fool, ya yí'a ga fíkíici, <sup>7-8</sup> Yéesu wo'ari an:

- Hel wibóni', meyohaa ga bii!

\* 4:29 4: 29 Mëdírohat na Soweel 4: 13.      † 4:41 4: 41 Mëdírohat na Kañcaa 65: 8; 89: 10; 107: 23-32.

\* 5:1 5: 1 Mëdírohat na Méccée 8: 28. Marka man na waa' kiwo' dii iñaa hanoh giyyaa Gélilée meyaa'-nohfa.

† 5:2 5: 2 Loycaa waama ga iñaa wéñ kiyewinda, tumsee ga atohaa bayin noj wala acu ga dhuuy atoh ciyaak.

Baa ennda ga kifip didóolí' an:

- Yéesu, fu naroo ya, fu Kowukii Kooh yii ga dlookaa-dookdfa? Mi yii kíimmbaa ga teekii Kooh, kaa tummboo iñaa meskin!

<sup>9</sup> Yéesu meekissari an:

- Fu teeku na?

Baa taassa an:

- Mi teeku coogel, ndaga dí yewinin.

<sup>10</sup> Helaa wibóni'waa kíimee Yéesu doonaa ya meydohoori ga kúlkaa.

<sup>11</sup> Lakanaa laakin yop-mbaam-parki‡ wiyaak waa na kiníiru ga bak janjagaa.

<sup>12</sup> Rabcaa kíimmba Yéesu an:

- Ëewdohaaríi ga mbaamcii, fu ekkíi gaba!

<sup>13</sup> Ya onndaba iñaama. Rabcaa meyussa ga baa, aasussa ga mbaamcaa; yopaa írkísukka tégél-tégélaa, keennda ga giyyaa: mbaamcaa le'in bijúnni-kanak, muurussa ga giyyaa.

<sup>14</sup> Níirohcaagaba nípuissa, ba wo'neera iñaah hewda ga teeraa na dékcaa cíinoo. Buwaa baa hay kimalak iñaah hewda. <sup>15</sup> Ba hayya bi ga Yéesu, ba hotta ha'-rawaa bayee coogeelaada yugin, ekkin kúltí, taammba na sagaagari. Ba dalla kiniik. <sup>16</sup> Buwaa maasohsee iñaah dalee ha'-rawaa na mbaamcaadfa, béstírussaba iñaah laakeedfa. <sup>17</sup> Waa ennda dfa, buwaa dalla kikiim Yéesu ya meyoh gohaagaba.

<sup>18</sup> Daa Yéesu en na ki'aas loocaa, baa rabcaa abeeda kíimmbari ya onndi kites nari.

<sup>19</sup> Yéesu onndiirika, wayee wo"ari an:

- Boykaa kaanfu, ga bu-kaanfu, fu béstí'ba tóoh iñii Ha'mudii tumi'taa ga yérmaandii ya laak garaada!

<sup>20</sup> Baa ka'ta, dalla kiyéegaloh ga gohaa «Teerucaa cidaanjkaahcaa§» iñaah Yéesu tumdeeri tóohdfa; ee buwaa béebla jaahli'ussa ga.

### *Yéesu wëki'ta beti, milísi'ta kowukaa Yayros*

(Méccée 9: 18-26; Lúkkaa 8: 40-56)

<sup>21</sup> Daa Yéesu soofisee na looci ga tewisaa wíinoowaa, mbooloo wiyaak négírukohha ga yahaaci, ga daa ya enee ga tewisaada. <sup>22</sup> Laakka bo', bok ga buwaa kuliyuk ga jaangu-yaawúuraa, ee teeku Yayros; daa ya hot Yéesu hen, ya yí'a ga kotcaagari.

<sup>23</sup> Ya yaa kíimmbi an:

- Kowukaagoo kibetikaa kiyínkaa kaa yah kiléehsfuk; hay tíkaari yahciigaraa doonaa ya wak ee ya pes!

<sup>24</sup> Yéesu yaa yah nari. Ee bo' biyewin baa taabukki, baa ñaak ga dlookci.

<sup>25</sup> Daama nak, laakeera betifaa daanee kimeydoh ñíf rek, iñaa le'in tíkíis tidaanjkaah na tanak. <sup>26</sup> Ya sodeera lool ga yah payoh biyewin ee iñaa ya laakeeda tóoh eemmba ga, wayee onndiiri kitani; hanaa kay ya baatee kikeen. <sup>27</sup> Daa ya kelohee loo Yéesu, ya aassa ga mbooloomaa, ga fenooci, ya le''a ga kúltífaagari,

<sup>28</sup> Ndaga ya wo'ee ga dñuyuci an: «Binaa mi mínee kile' rek ga kúltíciigarinaa, mi hay kiwak.» <sup>29</sup> Ga díekataama ñífaa íissa kimey gari, ee ya yéenjngaa ga faanci an ya wakin. <sup>30</sup> Yéesu dalla kiyéen ga hafci an laakin doolaa meyoh gari. Ya móoñsúkka ga leeloo mbooloomaa, meekisohha an:

- Bii le' ga kúltíciigoo ba?

<sup>31</sup> Téelíbéecaagari wo'ussari an:

- Fu hot ga dii mbooloomii ñaak ga dlookfuda, an fu wo' an: Bii le' garoo ba?

‡ 5:11 5: 11 Ga iñaa Léwítik 11: 7 wo'da na Dëteronom 14: 8, yaawúu'caa tíksee mbaam-parki iñaa araamin, kon kokohseera kiñam. Iñaama teewohin ban an díekataama enndii ga kúl yaawúu'. § 5:20 5: 20 Teeru cidaanjkaah enee ga baka hanoh giyyaa Gélilée kakay, aawwa bak meyaa'-nohdfa.

<sup>32</sup> Wayee Yéesu yaa malak iñaa wíillida, kihot baa tumee iñaamada. <sup>33</sup> Betifaa tíitta bi yaa saak, ndaga ya ínohin iñaa daleerida. Ya hayya, keennda ga kotcaa Yéesu, wo"ari kayohfaa tóoh. <sup>34</sup> Yéesu wo"ari an:

- Jowu, ngémumgaraa wékdinndaa. Karaa na jam ee wakaa ga iñum mesikkaada.

<sup>35</sup> Lak Yéesu yaa lís kiwo' fodaama, bifo' meyohussa kaan baa kuliyuk ga jaangu-yaawúuraada, kiwo"i an:

- Kowukaagaraa kaanin. Iñii fu yah Jégírohii kisonlukohis gadfa ya?

<sup>36</sup> Daa Yéesu kelohee wo'eñaagaba, wo"a baa kuliyuk ga jaangu-yaawúuraada an:

- Kaa niik dara, gëmaa hen rek!

<sup>37</sup> Ya tookkii ken taam nari, enndii Pee', na Saak na Sanj, këmëenjkicinnaa. <sup>38</sup> Ba le' kaan Yayros hen, Yéesu hotta an coowaa yakin, ee buwaa baa looyoh, baa fiipoh didólí'. <sup>39</sup> Ya aassa, wo"aba an:

- Coowiigarúu wa yak na dfa? Dú looyoh ya? Oomaanii kaanndii, en na kineeh.

<sup>40</sup> Ba baa ciibsukki. Waa ennda da, ya méyítaba tóoh ga fooh, ee ya bayya paam oomaanaa na eeci na buwaa benseerida. Ya aassa ga daa oomaanaa enoheeda. <sup>41</sup> Ya ammba oomaanaa ga yahaa, ya wo"a an:

- Talita kúm! (Wérí en: «Ku'oomaa-jowu, mi wo"aa, kolka!»)

<sup>42</sup> Ku'oomaa-jowukaa dalla kikoluk, ja laakee tíkiis tidaanikaah na tanak. Ja jaa tíin. Buwaa jaahli'ussa lool ga iñaama. <sup>43</sup> Yéesu díñngaba na wo'een ciyégisí' an ken jomooka kiyéeq. Lëehí'ta ya wo"a an ku'oomaakaa onsat ñamah.

## 6

### *Bu-Nasareet tookussii kigëm ga Yéesu*

(Mëccëe 13: 53-58; Lúkkaa 4: 16-30)

<sup>1</sup> Yéesu meyohha daama ka'ta teeraa ya dëkohda\*. Tëelibéecaagari taabukussari.

<sup>2</sup> Bes Sabat hayya, ya yaa jégíroh ga jaangu-yaawúuraa. Bo' biyewin daa ba súkúrukeeri, jaahli'ussa, ba baa wo'an:

- Ya bewohnee iñcii cii gada? Hamhamii ya bay wii, wa man na? Ee tum na kíntaancaa man na cii míñ kimeyoh gari? <sup>3</sup> Hanaa enndii daayoh haangii, kowukii Mariyaama, yaak biSaak, Yosee, Yúdaa na Simon? Ee bikëmëenjkici bïbeti enu dii ga cfuuycuune?

Fodaama keeñcaagaba caa tak gari. <sup>4</sup> Wayee Yéesu wo"aba an:

- Sëldíiga-Kooh waaruunun ga daa en bëeb, bi tessa dëkaa ya meyohda, na mbokcaagari, na bu-kaanci<sup>†</sup>.

<sup>5</sup> Ya mínnidii kitum daama kíntaan wiinoo enndii rek bïdúukooli' baa ya tík yah, ee ba wakkadanaa. <sup>6</sup> Ya jaahli'a ga daa ba tookkii kigëmda.

Lëehí'ta Yéesu yaa wiil ga dëkcaa deey daamada, ya yaa jégíroh.

### *Yéesu wossa apotaa'caagari bidaanikaah na banakbaa.*

(Mëccëe 10: 5-15; Lúkkaa 9: 1-6; Lúkkaa 10: 1-20)

<sup>7</sup> Waa ennda da, ya bayya apotaa'caa bidaanikaah na banakbaa, ya yaa wosba, ba taam banak banak. Ya e'taba dooli kikaal rab ga buwaa. <sup>8</sup> Ya kokohhaba an ba hanat kibaydoh dara ga baawaa, enndii doo' rekaa. Ya wo'eeba an:

- Kaa bayat dara: enndii mbúurú, enndii hëmbu, ee kaa loyukat kopa' ga kenohhúu.

<sup>9</sup> Wayee ekkat ñafa' ee kaa bayat kúltí kanak.

<sup>10</sup> Lëehí'ta ya wo'issaba an:

- Daa dú le' bëeb, tesat ga kaanfaa dú eksanda bi ga daa dú kolkohan dëkataama.

<sup>11</sup> Ee ga dëkataa dú le' bëeb, binaa buwaa tookkiirúu ga kaanba ee ba sanjngúu

\* <sup>6:1</sup> 6: 1 Teeraa ya meyohda waa' kiwo' Nasareet. Mëdirohat na Mëccëe 13: 54 na iñaa bëestíru ga kakayfa.

† <sup>6:4</sup> 6: 4 Mëdirohat na Lúkkaa 4: 24; Sanj 4: 44.

kisúkúrukkaa, leenaa përtukat pëndëlaa en ga kotcaagarúuda<sup>†</sup> dú meyoh daama: iñaama hay kiteewoh kimúuykaagaba.

<sup>12</sup> Waa ennda da, apotaa'caa karussa, ba baa jangat an buwaa súpítat kipeskaagaba. <sup>13</sup> Ba baa kaal rab biyewin ga buwaa ee ba baa leef dúuleen<sup>◊</sup> ga hafcaa dúukoolí' biyewin ee ba baa wéki'ba.

### *Kaanaa Sañ-Bétís*

(Méccée 14: 1-12; Lúkkaa 9: 7-9; 3: 19-20)

<sup>14</sup> Eroot<sup>‡</sup> buuraa kelohha iñaam wo'u ga Yéesuda, ndaga lak teekaagari síwin daa en béeþ. Buwaa wo'ee an:

- Sañ yaa bétisi'ee buwaa ga mísúda yérí mílis ga buwaa kaaninda. Iñaama yérí onndi dooli kimín kitum kíntaan.

<sup>15</sup> Bínoo wo'see an:

- Baa Ili.

Ee bínooobaa an:

- Baa, iñaam séldíiga-Kooh fodii séldíigacaa músú.

<sup>16</sup> Wayee Eroot, daa ya keloheeka, wo'a an:

- Sañ-Bétís yaa mi gú'lukee hafaadfa yérí mílis! <sup>17</sup> Eroot yaama, ga kihafci, yérí nakohée ki'amluk Sañ-Bétís, ya bañlukkari, lañngari ga kasu. Erojaas, beti kéméejkíci Filiip§, yaa ya te' ya pañnjariida, yérí tahee Eroot kitum iñaama. <sup>18</sup> Lak Sañ-Bétís wo'ee Eroot an: «Waas onndiiraa kifaan beti kéméejkífu ya en betifu!»<sup>◊</sup> <sup>19</sup> Kéri tah Erojaas ammba Sañ-Bétís ayluk, waa'tari ki'apluk. Wayee ya míneeríka, <sup>20</sup> ndaga Eroot niikeera Sañ-Bétís, lak ya ínohin an Sañ-Bétís enin baa júwin ee sela'in. Kéri tah ya somiri ee besaa ya keloh wo'eenaaagari béeþ, helaagari yéngéluk ee kokohhii ban bi hayaa ya safaa' ga kisúkúrukki.

<sup>21</sup> Erojaas laakka besci, béríi lak Eroot en na kihúmbal besaa ya límohuda. Eroot nakka buwaa biyaakbaa en nari ga jalaadfa, buwaa kuliyük ga soldaa'caagarida na lamancaa ga Géliléeda. <sup>22</sup> Kowukaa kibetikaa Erojaas aassa kaa ham; hamaa nebpa Eroot lool, na buwaa ya nakee hewaada. Buuraa wo'a oomaa-jowaa an:

- Meekisohhaaroo iñaam nebpaa, mi hayyaari ki'e'.

<sup>23</sup> Ya waatta ga fíkiici an:

- Iñaam fu meekisohoo béeþ mi e'taari, luu enee kida' kúlkigoo ga le'nii mi e'taa bakii wiinoowii.

<sup>24</sup> Oomaanaa meyca, meekisneera eeci an:

- Mi kíimanndi ya?

Yaama taassari an:

- Hafaa Sañ-Bétís.

<sup>25</sup> Ya gaawwa kisoof ga buuraa kiwo'i an:

- Eraaroo diima-diima hafaa Sañ-Bétís ga dook palaat\*.

<sup>26</sup> Keeñaa buuraa leehha tak ga iñaama. Ya mínnidii oomaanaaka kisagi', ndaga daa ya wo'eka ga fíki buwaa ya nakee hewaada, ee na daa ya laasinka kiwaatda.

<sup>27</sup> Ya dalla kiwas soldaa' yíinoo, nakkari kihaydoh hafaa Sañ-Bétís. Soldaaraa ka'ta, gú'neera hafaa Sañ-Bétís ga kasa, <sup>28</sup> ya haydohi'tariwa ga palaat. Ya e'tawa oomaa-jowaa ee oomaa-jowaa e'neerawa eeci. <sup>29</sup> Daa télíbécää Sañ-Bétís kelohsee iñaama, ba hayya kibéþ faraaffaagari, acsuneerafaa ga loycaa.

<sup>†</sup> 6:11 6: 11 Mëdïrohat na Tumeen 13: 51; 18: 6. Kiyéekí' pëndël ga kot: waa' kiwo' kigúroh na yen wala na bo'. Baama laakkissii sooli na buwaa ya ka' gabada, enndii sah pëndëlaa míni kínaak ga kotcaagari ee bok ga dëkaagabada. <sup>◊</sup> 6:13 6: 13 Mëdïrohat na Saak 5: 14. <sup>‡</sup> 6:14 6: 14 Erootyii yíi yérí en Eroot Antípas yaa nguurukee ga Géliléeda. <sup>§</sup> 6:17 6: 17 Filiip waa' kiwo' Eroot Filiip, ee dëkee Room, ee ñan bokkii na Filiip yiliis fodii yaa nguurukee ga Sesaree-Filiip (ga 8: 27). <sup>◊</sup> 6:18 6: 18 Malkat Léwítik 18: 16; 20: 21. \* 6:25 6: 25 Erojaas waaree kihot an Sañ-Bétís kaanin, wayee enndii kínam hafaa Sañ.

*Yéesu tummba kíntaan ga mbúurú ciyétúus na jén kanak  
(Mëccée 14: 13-21; Lúkkaa 9: 10-17; Saj 6: 1-14)*

<sup>30</sup> Apotaa'caa Yéesu négírukohussa ga yahaaci, baa béstí'ti iñaa ba tumeeda na iñcaa ba jégiroheeda tóoh. <sup>31</sup> Yéesu wo"aba an:

- Hayat gii du yee daa wéetin, dú úikaruk jtuut.

Yéesu wo'eeda ndaga lak buwaa yewneera kika' na kihay gaba bi sah ba laakéeríi jot kiñam. <sup>32</sup> Ba aassa kon ga gaal-loocaa ba hañba, kika' daa wéetin. <sup>33</sup> Bo' biyewin hotuba daa ba na kiyahda, ínohsohussaba. Ee buwaa baa meyoh ga dëkcaa tóoh, baa fool na kot kidëwírukba ga daa ba aawda.

<sup>34</sup> Daa Yéesu yoosukee ga gaal-loocaa, ya hotta mbooloo wiyaak, ya laakka yérmaandi gaba ndaga ba madee na baalcaa laakoo níiroh<sup>†</sup>. Ya ennda ga kijégí'ba enaama ciyewin. <sup>35</sup> Téelibéecaa hayussa ga Yéesu lak nohaa waa soos, kiwo'i an:

- Dekatii laakoo dara ee nohii wii soos, <sup>36</sup> Íisaa buwii ba aas yopci na dëk-kawcii ga yahaaniida, ba lomnee iñaa ba ñaman.

<sup>37</sup> Yéesu taassaba an:

- Eratba na kihaffúu iñaa ba ñaman.

Wayee ba wo"ari an:

- Dí karat kilomnee mbúurú iñaa le' denariyon<sup>‡</sup> citéemée'-kanak, ee dí e'ba ba ñame?

<sup>38</sup> Yéesu meekissaba an:

- Dú bay mbúurú cera? Malaknat!

Ba laakka iñaa lee'ba ga, ba hayya, ba wo"ari an:

- Mbúurú ciyétúus na jén kanak cérí dí laak.

<sup>39</sup> Fodaama, ya nakkaba kiyugi' mbooloomaa kakay ga pëegíifaa fihiiliifaa; ba négírukoh kom kom. <sup>40</sup> Ba yunjga, ba warukohha waa', cii bo' bitéemée', cii bo' bidaanjkaah-yétúus. <sup>41</sup> Ya bëbpa mbúurúcaa ciyétúuscaa na jencaa kanakcaa, ya taaginukka dook, ya gérëmmba Kooh gaca. Léehí'ta ya gú'sohhaca, ya e'ta téelibéecaa ba waroh buwaa. Fodaama ban ya warohha jencaa kanakcaa ga buwaa tóoh. <sup>42</sup> Buwaa bëebba ñammba bi ba kappa pút, <sup>43</sup> ee pañi cidaanjkaah na kanak líifdussa ga na iñaa tesee ga mbúurú na jénda<sup>§</sup>. <sup>44</sup> Ga buwaa bokee kiñam mbúurúcaada laakeera yaal bijúnni-yétúus.

*Yéesu tíinnda ga dook giyyaa  
(Mëccée 14: 22-33; Saj 6: 16-21)*

<sup>45</sup> Ga waa iñaama paaffa, Yéesu dalla kituukuk téelibéecaagari ba aas ga gaal-loocaa, ba dëwírukki bakaa giyyaa hanoh gaa, ga bak dëkaa Betsaydaa; hídinaa, ya ga kihafci ya tagoh na mbooloomaa. <sup>46</sup> Waa ya tagohha naba bi léehí'ta, ya lappa dook tégëlaa, yaa kíim Kooh. <sup>47</sup> Ga waa wekaa le'"a, lak loocaa téelibéecaa waa ga leeloo giyyaa, Yéesu tesee hançi don ga tewisaa. <sup>48</sup> Yéesu hotta an téelibéecaa laakseera coonu kitíidi' loocaa ndaga ba jaanohee na uurisaa. Waa Kooh wíisanan, ya kolukka yaa yah gaba, tíin hen ga dook giyyaa. Ya ka'ta bi ya yaa waa'ba kipaaf.

<sup>49</sup> Daa ba hotti yaa tíin ga dook giyyaa, ba foojnga an iñaa enndii bo'. Ba baa fiipoh.

<sup>50</sup> Bëebba hotsee gari ee ba tíitta lool. Ga dëkataama, Yéesu dalla naba kiwo' an:

- Yëgísdat fítciigarúu, bii mi, kaa niikat.

<sup>51</sup> Léehí'ta ya yaa yah gaba, aassa gaba ga loocaa. Uurisaa tuukka. Ba, ga kihaffba waaru'ussa lool ga iñaama, <sup>52</sup> ndaga en ki'enaa ba míneeríi ki'ínoh iñaa kíntaanaa ga mbúurúcaa waa' kiwo'da, ndaga daa ba yëgísí' keeñcaagabada.

<sup>†</sup> 6:34 6: 34 Mëdïrohat na Kídaa 27: 17. <sup>‡</sup> 6:37 6: 37 Denariyon Iñaa heet kopa' bu-Room ee wa hín na fay lëgëy noh-noh bo' yinoo. <sup>§</sup> 6:43 6: 43 Mëdïrohat na 2 Buu' 4: 42-44.

*Yéesu wëkít'a bidúukooli' ga Genesareet*  
*(Mëccée 14: 34-36)*

<sup>53</sup> Waa ennda dfa, Yéesu na télíbécagari lëehfussa kihús giiyaa na gaal-looci, ba tee'ta ga kúlkaa Genesareet<sup>‡</sup>; daama ba yóoski'ta loocaa. <sup>54</sup> Ba baa mey ga loocaa rek buwaa baa ínohsoh Yéesu; <sup>55</sup> buwaa wiilla gohaama tóoh ee ga csekataa ba keloh an ya yaa da béeb, ba ennda ga kibeb dúukoolí'caa ga gatancaa, kibay daama. <sup>56</sup> Ga daa ya aasoh béeb, ennda ga dékcaa ga kawaa, ga teeraa wala ga tukaantaa en ga égíraada, buwaa faansi dúukoolí'caa ga paancaagaba. Ee baa kiimmbi ya onba ba míin kile' rek ga pawaa kúltífaagari. Fodaama buwaa le'ee garida tóoh, wakussa.

## 7

*Yéesu wo' na Férísiyeencaa ga loo baahcaagaba*  
*(Mëccée 15: 1-9; Lúkkaa 11: 37-41)*

<sup>1</sup> Férísiyeencaa na bijégíroh-waas, baa meyoh Yéerúsaleem, ba hídírukohha ga yahaa Yéesu. <sup>2</sup> Ba hotta ga télíbécagari baa en na kiñam na yahcaa settii, waa' kiwo' an ba tísukkii fodaamaa baahcaagaba nakohkada.

<sup>3</sup> Waama Férísiyeencaa na iñaa enin yaawúu' béeb, ba ñamoo ee ba tíssii yahcaa bi jof<sup>§</sup>, fodaama ba taabukee baahcaa caasamuncaa. <sup>4</sup> Ee binaa ba meyoh toonaaraanaa, ba ñamoo ee ba tísukkii paay. Ba laakin ban baah ciliis caa ba taabuk fodii tísaa kaascaan, na tataataa, na kewdíi'caa.

<sup>5</sup> Fodaama, Férísiyeencaa na jégíroh-waascaan meekisohussari an:

- Iñii tah ya télíbécigaraa taabukussii baahcii caasamuncii, ba ñami na yahcaa settii?

<sup>6</sup> Yéesu taassaba an:

- Dú, dú jójfódfuk ga hascii buwii! Ísayíi, sëldíiga-Koohaa hoteerúu moos ee ya wo'ee kayoh ga waa ya bín ga teek Kooh an:

«Buwii bii, kañii ba kañirooda, eem túwtii don,  
 ba ekkiiroo ga keeñba.

<sup>7</sup> Ba bay teekkoo sooy

ndaga iñcii ba jégíroh ga teekiigooda meyoh ga iñaa bo' nakoh.»\*

<sup>8</sup> Lëehí'ta, ya tikka ga an:

- Dú iisin kitum iñaa Kooh nakoh, dú taabuk baah bo'!

<sup>9</sup> Ya enissa an:

- Dú laakin hel ga kikoom day iñaa Kooh nakoh ee dú taabuki baahciigarúu.

<sup>10</sup> Ndaga Móyiis wo'ee an: «Keloħħaa paapu na eefu.» Ya tikka ga an: «Baa fu bas paapu wala eefunaa, fu jom ki'apu hen<sup>§</sup>.» <sup>11</sup> Wayee dú, dú jégíroh an binaa bo' wo' paamci wala eeci an «Iñaa mi jomeerúu kitoputu'ohħa enin Korban<sup>†</sup>» (wéri en an wa sarahuunun Kooh), <sup>12</sup> dú nak baama kitumħoo paamci dara, wala eeci. <sup>13</sup> Fodaama, baahciigarúu dú lamħa cérí nislukohħúu wo'eenaa Kooh. Ee yewinin iñcaa dú tumi man fodaama.

*Iñii líibdi bo' ga fíkii Koohħa*  
*(Mëccée 15: 10-20)*

<sup>14</sup> Waa ennda da, Yéesu baysissa buwaa, ya wo''aba an:

- Súkú'kattoo béeħpúu, ee dú ínoh iñii yii bi jof: <sup>15</sup> laakkii iñaa kúlkoh fooh, aas ga bo', bi tah ya líib ga fíkii Kooh, wayee iñaa meyoh ga keeñci yeri líibdi bo'. [ <sup>16</sup> Baa fu laakin nof kikelohaa, súkúruka! ]

\* 6:53 6: 53 Kúlkaa Genesareet Dekataama newin kilníoh ee laakin dooli. Wa hanoh Kafarnawom kakay aawwa bok aasaa'-noh.    § 7:3 7: 3 Mëdírohat na Mëccée 15: 2; Lúkkaa 11: 38.    \* 7:7 7: 7 Ísayíi 29: 13 béstíru fodaamaa bínsee ga kiGerek müusfa.    § 7:10 7: 10 Malkat Eksoot 20: 12; Déteronom 5: 16; Eksoot 21: 17; Léwítik 20: 9.    † 7:11 7: 11 Korban iñaa wo'een ki'Arameyee.

<sup>17</sup> Ya foñja buwaa, ya aassa kaan. Tëelibéecaagari meekisohussari ya lëegísohba wo'eenaa ya nataal waama. <sup>18</sup> Ya wo'aba an:

- Dú ban, dú laakoo hel hene? Dú ínohoo an laakkii iñaa kúlkoh fooh, aas ga bo', bi tah ya líib ga fíkí Kooh? <sup>19</sup> Ndaga fu ñam yenaa iñaama aasirii ga keeñaagaraa, wayee aawi dhuuy lookaagaraa, lëehíraa, wa ka' fenoo kaan.

(Fodaama, Yéesu teewohee an ñamahaa en béeþ onohuunun kiñam.)<sup>†</sup>

<sup>20</sup> Ya wo'issa an:

- Iñaa meyoh ga keeñ yérí tah bo' kilíib ga fíkí Kooh. <sup>21</sup> Halaatcii cibóní'cii meyoh dhuuy, ga keeñ bo': cérí haydoh kifaanuk na baa en béeþ, kilok, ki'ap bo', <sup>22</sup> kidúk yaalfu wala betifu fu faanuk na bo' yiliis, kiwaa' kihépí', kibay nof-moroo, kiñaañukoh mooroomfu, kinjalaañuk, ki'iñaan, kidooþ bo', kimaruk na kidófdódfuk. <sup>23</sup> Iñci ciimoroocii ciima tóoh kúlkoh dhuuy bo', ee cérí tah bo' kilíib ga fíkí Kooh.

### *Ngëmaa betifaa enndii yaawúu'da (Méccée 15: 21-28)*

<sup>24</sup> Yéesu meyohha daama, ka'ta þak dëkaa Tíi'. Ya ennda ga kaan fíinoo daama, ee ya waareríi bo' yéenka. Wayee ya míneeríi kidaakuk iñaa maañ. <sup>25</sup> Laakka bo' yibeti, kowukaagari kibetikaa laakee rab. Daa ya kelohha buwaa þaa wo' ga loo Yéesu, ya yaa hay, ya le'a, keennda ga kotcaagari. <sup>26</sup> Betifaa faama enee Gerek, baahkohee Fenísíi ga Sírii. Ya kíimmba Yéesu ya meydoh rawaa ga kowukaagari.

<sup>27</sup> Yéesu wo'ari:

- Íisa paay bi oomaacaa kapu. Kibeb ñamah oomaa, fu jafi' tubaaytaa, iñaama moroo.

<sup>28</sup> Betifaa taassari an:

- Iñaama kayoh, Ha'mudii. Wayee tubaaytaa ga yahaa kankaada, ba ñam wúunéembúurúcaa oomaacaa búukda.

<sup>29</sup> Waa ennda ða, Yéesu wo'ari an:

- Wo'enum fu wo' wuma tahn bi, kara, rawaa meyohin ga kowukaagaraa.

<sup>30</sup> Ee ga waa ya le'a kaanci, ya laakka oomaanaa leemukin ga dook fayaanjfaa, rawaa meyohin gari.

### *Yéesu wëki'ta þaa ðekin, luuwin (Méccée 15: 29-31)*

<sup>31</sup> Yéesu kolohha þak dëkaa Tíi', meyca dëkaa Sídon. Ya koorohha ga dhuuy gohaa teerucaa cidaanjkaahcaa, ya sooffa þak giyyaa Gélilée. <sup>32</sup> Ya haydohfussa þaa ðekin ee luuwin. Buwaa kíimmbari ya tikki yahcaagari. <sup>33</sup> Ya wéetneera nari, úsaayya buwaa, ya ekka tujokontaagari ga dhuuy nofcaa þaa, ya toossa, tumi'tari mitoosmaa ga perimpaa. <sup>34</sup> Lëehí'ta ya taaginukka dook, ya údí'ta yen ga kakay, ya wo'a an:

- Effata!<sup>‡</sup> (wérí en: «Légiska!»)

<sup>35</sup> Haat nofcaa þaa lëgískohha, perimpaa lögískohha, ya yaa wo' dijófí'. <sup>36</sup> Yéesu díjnga buwaa an ba hanatka kibéestiroh. Wayee ya wëni buwaa kidigaa, buwaa wëni ða kiyéegaloh. <sup>37</sup> Buwaa waaru'seera bi héppa ee þaa wo' an:

- Iñaa ya tum béeþ jekin, ee ya onin sah ðekcii kikeloh na luubcii, ba wo'!

## 8

### *Yéesu ñëmi'ta bo' bijúnni-nikiis (Méccée 15: 32-39)*

<sup>1</sup> Waama bo' biyewin négírukohisee daama ee ba laakéeríi iñaa ba ñaman. Yéesu bayya télibéecaagari, wo'aba an:

<sup>†</sup> 7:19 7: 19 Mëdïrohat na Tumeen 10: 9-16.    <sup>‡</sup> 7:34 7: 34 Effata: wo'een ki'Arameyee.

**2** - Mi laakin yérmaandi wiyaak ga mbooloomii, ndaga malkat, bes kaahay cee, caa wée'taa ga an cii, ba bii naroo, ee diima deñ ba laakoo iñaa ba ñaman. **3** Binaa mi wo'ba ba boyuk kaanba na kiyaawaa, ba mínin kitéehli' ga waas, ndaga bínood, díi ba meyohda úsaayin.

**4** Téelibéecaagari taasussari an:

- Mbúurúcaa yah kiképí' buwii bii meyohan gada, ga díekatii wii laakoo darada?

**5** Yéesu meekissaba an:

- Dú laak mbúurú cera?

Ba taassa an:

- Ciytakanak.

**6** Waa ennda da, ya nakka buwaa kiyuñ kakay. Ya bëbpa mbúurúcaa ciytakanakcaa. Ya gérëmmba Kooh, ya weellaca, ya e'ta téelibéecaagari ba warohca buwaa. Ba warohhaca buwaa tóoh. **7** Ba laakeera ban tujén. Ya gérëmmba Kooh gaca, lëehí'ta ya nakohhaca kiwaroh ban. **8** Baa en béeñ ñammba bi kappa pút, bi tessa. Iñaa teseeda ba wookkari: ennda daba ciytakanak ga mbúurú na jén.

**9** Buwaa le'seera bijúnni-nikiis (4.000). Ga waa iñaama leehha, Yéesu tagohha naba.

**10** Ya dalla ki'aas ga loocaa na téelibéecaagari, ba baa yah bak gohaa Dalmanutaa\*.

### *Férísiyeencaa waa' kihotu kíntaan*

(Mëccée 16: 1-4)

**11** Férísiyeencaa le'ussa, ba baa coowoh na Yéesu. Ba eneeri na kif'. Ba meekissari ya tumi'ba kíntaanaa teewoh an ya meyoh ga Kooh. **12** Yéesu íikka hëes, wo''a an:

- Iñii tah ya buwii wati waaru kihot kíntaan? Mi wo''úuka ee kayoh; buwii wati, ken teewooba kíntaan.

**13** Lëehí'ta Yéesu tagohha naba, yaa yah. Ya aasissa loocaa kipaaf bakaaj giyyaa wiinoowaa.

### *Léwiiraa Férísiyeencaa na waa Eroot*

(Mëccée 16: 5-12)

**14** Téelibéecaa Yéesu alussa kibaydohu mbúurú. Ba laakee mbúurú wíinoo donj naba, ga loocaa. **15** Yéesu díjngaba an:

- Watukat, ee abukat ga léwiiraa Férísiyeencaa na caa buwaa fa' na Erootfa!

**16** Téelibéecaa enussa ga kiwo' ga díkaantiba an:

- Dii dú laakoo mbúurúda kérí tah ya wo' iñaama.

**17** Yéesu ínohha iñaa ba en kiwo' ga díkaantibada, wo''aba an:

- Iñii tah ya dú wo' an: dii dú laakoo mbúurúda kérí tah? Bi wati helciirúu hayyiine? Helciirúu aboo darane? Dú yégísí' keeñciirúu ya? **18** Man dú laakin has, ati dú hotoo? Dú laakin nof, ati dú kelohoo? Ee hanaa dú níindísukoo: **19** ga waa mi weeli' buwaa bijúnni-yëtúusbaa mbúurúcaa ciyëtúuscaada, dú wookee pañi cera, caa dú líifdee na mbúurúcaa teseeda?

Ba taassa an:

- Cidaanjkaah na kanak<sup>⊗</sup>.

**20** Yéesu meekisissaba an:

- Haa ga waa mi weeli' buwaa bijúnni-nikiisbaa (4.000) mbúurúcaa ciytakanakcaada, dú wookee daba cera, caa dú líifdee na mbúurúcaa teseeda?

Ba taassa an:

- Ciytakanak<sup>⊗</sup>.

**21** Ya wo''aba an:

- Ee helciirúu hayyi bi watine?

\* **8:10** 8: 10 Dalmanutaa Ken ínohoo daa díekataama enohda.      ⊗ **8:18** 8: 18 Mëdirohat na Yérémíi 5: 21; Esekíyeel 12: 2.    ⊗ **8:19** 8: 19 Malkat 6: 35-44.    ⊗ **8:20** 8: 20 Malkat 8: 1-9.

*Yéesu wëkí'ta búumí' ga Betsaydaa  
(Marka 10: 46-52; Sanj 9: 1-11)*

<sup>22</sup> Yéesu na tēelibéecaagari karussa Betsaydaa. Buwaa haydohha búumí' ga Yéesu, ba kíimmbari kile' ga baa. <sup>23</sup> Yéesu ammba búumíraa ga yahaa, ya meyca dëkaa nari. Lëehí'ta ya tumi'tari mitoos ga hascaa, ya tikkari yahcaagari, ya meekissari an:

- Fu yii hot yene?

<sup>24</sup> Baa malakka hascaa, wo''a an:

- Mi hot bïbô'; iñcii man na tedik, ee cii tíin.

<sup>25</sup> Yéesu le'issa yahaagari ga hascaa baa. Búumíraa malakka yiic, ya wakka, ya yaa hot weceñ. <sup>26</sup> Waa ennda ña, Yéesu ebilla baa kaanci, ya wo''ari an:

- Kaa aas sah dëkii.

*Pee' wo''a an Yéesu en Kiristaanii  
(Mëccëe 16: 13-20; Lúkkaa 9: 18-21; Sanj 6: 67-71)*

<sup>27</sup> Yéesu ka'ta na tēelibéecaagari ga dëkcaa wíil teeraa Sesaree-Filiipda<sup>†</sup>. Ga waasaa, ya meekissa tēelibéecaa an:

- Buwii wo'u an mi yëri en ba?

<sup>28</sup> Ba taassari an:

- Laakin buwaa wo' an fu yëri en Sanj-Bëtís. Bíinoo an fu yëri en sëldíiga Ili. Bíinoobaa an fu bok ga sëldíiga-Koohcii .

<sup>29</sup> Ya meekissaba an:

- Haa dû, dû wo' an mi yëri en ba?

Pee' taassari an:

- Fu yëri en Kiristaanii .

<sup>30</sup> Yéesu díijngaba na wo'een ciyégísí' an ba hanat kiwo' na ken ga loo iñaa aaw gari.

*Yéesu yéegalohha kikaankaagari na kimilískaagari  
(Mëccëe 16: 21-28; Lúkkaa 9: 22-27)*

<sup>31</sup> Lëehí'ta Yéesu yaa ínohlukohba an:

- Kowukii bii jom kikooroh ga mesiklaat ciyewin. Ha'-kaancaa, sarahohcaa bïyaakbaa, na jëgïroh-waascaan waa'sanndii kihotu gari. Ya hay ki'apu ee bes kaahay tîk ganaa, ya hay kimilís.

<sup>32</sup> Iñamaa Yéesu wo'eeri fanj, ñaakéerii dara ga. Pee' nak nookka Yéesu ga yahaanaa, ya yaa ña'ti. <sup>33</sup> Wayee Yéesu mëeñsukka, malakka tēelibéecaagari, gëtta Pee' an:

- Úsaayaaroo, Seytaani! Halaatciigaraa enndii halaatcaa meyoh ga Kooh wayee ca meyoh ga bo'.

*Kitaabuk Yéesu  
(Lúkkaa 14: 25-33; Mëccëe 16: 24-28; Lúkkaa 12: 8-9)*

<sup>34</sup> Lëehí'ta, Yéesu bayya mbooloomaa na tēelibéecaagari, wo''aba an:

- Baa waa' kitaam ga fenooroona, ya alat hafci, ya tîkat hafci kuraanaagari, ya taabukkoo. <sup>35</sup> Ndaga baa fu waa' kisom kumuunfunaa, fu hayka kiñak, wayee baa mi tahhaa kiñak kumuunfu ga ëldúna, mi na Hewhewii winéwí'wiinaa, fu hay kipes bi taa'. <sup>36</sup> Bo' enoh kilaak iñcii ga ëldúna tóohfa ya, binaa ya na' kiñak kipesci bi taaraa?

<sup>37</sup> Ati laakin iñaa bo' míin nawa kilaasoh kipeskaagari? <sup>38</sup> Buwii wati dëku ga ki'oo' Kooh na kitum baakaa'. Ga ñuuýba, baa mi enndaa kaci ga, mi na wo'eenndoona, fu hay ki'en kaci ban ga Kowukii bii, besaa ya hayan bërii ga ndamaa Paamci, ya na malaakacaa bisela'i'baa.

<sup>†</sup> 8:27 8: 27 Sesaree-Filiip Teeraama Filiip Eroot sakeewa, ee wa enee ga gohaa húlúbcaa ëníri húlúwaa Yürdeñfa. Wati teeraama teeku Banijas.

## 9

<sup>1</sup> Yéesu wo'issaba an:

- Mi wo"úuka ee kayoh; bibo' ga buwii bii kaansoo ee ba hottii Nguuraa Kooh yoosuk, taam na doolaagari.

*Ndamaa Kooh yoosukka ga Yéesu*

(Mëccée 17: 1-13; Lúkkaa 9: 28-36; 2 Pee' 1: 16-18)

<sup>2</sup> Tíkka ga bes ciyitniinoo, Yéesu taammba na Pee', Saak na Sañ, ya bayyaba, ba rek daa wéetin, ga d'ook janjan wiyaak. Daama jëmmaagari súpitukka ga fíkiiba.

<sup>3</sup> Kúlticaagari yaanaawwa c'er bi caa melic, yaanaawlaataa wée'taa ga an wii laakkii naawohaa en ga ēldúna míñ da kisétí' kúltí<sup>☆</sup>. <sup>4</sup> Téelibéecaa hotussa Ili na Móyíis meyussa ga fíkiiba, ba baa saawal na Yéesu. <sup>5</sup> Pee' dalla kiwo' Yéesu an:

- Jégírohii, dii newin garuu. Eneenaa dí hëwí' mbaa' kaahay dii: wíinoo wuufu, wíinoo wuu Móyíis, ee wíinoo wuu Ili.

<sup>6</sup> Pee' ínohéeríi sah iñaa ya wo'anda ndaga kitíit kihëpí', ya na téelibéecaa tesfa.

<sup>7</sup> Laakka yaayeelaa hay, úllabaa. Ee ga d'uuy yaayeelaama, laakka koonaakaa koluk an:

- Bii yii yérí en Kowukiigoo mi keeñukdfa, súkúrukatti!\*

<sup>8</sup> Ga saasi, ga daa téelibéecaa malaku iñaa wíilbadfa, ba hotsissii ken naba, enndii Yéesu dogaa.

<sup>9</sup> Daa ba enee na kiyoosuk ga janjagaadfa, Yéesu díñnga téelibéecaa an:

- Kaa béstírat ken iñii dú hotdfa, bi ga daa Kowukii bii mílísan ga buwaa kaaninda.

<sup>10</sup> Téelibéecaa abussa wo'eenama, ee ba baa wo' ga díkaantiba an:

- Iñii ya waa' kiwo' ga «kimílis ga buwaa kaaninda» ya?

<sup>11</sup> Léehí'ta ba meekissa Yéesu an:

- Iñii tah ya jégíroh-waascii wo'u an Ili yérí dewan kihay paay?<sup>☆</sup>

<sup>12</sup> Ya taassaba an:

- Ee, Ili dewan kihay, ya hëwíraat iñaa en tóoh bi jek. Wayee iñii tah ya, Kéyítfaa Kooh wo' ban an Kowukii bii hay kikooroh ga mesiklaat ciyewin, ee ya hay kisagu?<sup>☆</sup>

<sup>13</sup> Mi nak, mi wo"úu man Ili hayin kuméeñí'. Buwii tumuununndi iñaa nebbadfa, fodaa daa Kéyítfaa Kooh bín ga iñaa aaw garida.

*Yéesu wéki'ta oomaanaa laak rab*

(Mëccée 17: 14-21; Lúkkaa 9: 37-43)

<sup>14</sup> Waa biYéesu soofussa ga téelibéecaa bíinoo, ba hotta bibo' biyewin wíiluununba ee jégíroh-waascaha baa coowoh naba. <sup>15</sup> Daa mbooloomaa hotee Yéesu, iñaama bettaba. Ba baa fool gari kikëñíti. <sup>16</sup> Ya meekissaba an:

- Dú en na kiwo' ya naba?

<sup>17</sup> Laakka bo' yiyaal meyca ga buwaa, wo'"a Yéesu an:

- Jégírohii, mi haydohfeeraa kowuroo yiyaal, rab nari. Rawii luublukohi hen. <sup>18</sup> Ga daa oomaanaa míñ ki'enoh tóoh, ya mínni da kibúuk. Ya fetalli kakay dal, kúuwkaa oomaanaa kúuwi, ya úñohi siscaa, ya súwoh kas. Mi kíimin téelibéeciigaraa ba kaal rawii ga oomaanii ee ba mínniika.

<sup>19</sup> Yéesu wo"aba an:

- Céey, dú buwii wati ee dú laakoo ngëmda, mi enan narúu bi kera? Mi müuñsanndúu bi kera? Haydohsattoo oomaanaa.

Ya haydohfussari.

<sup>20</sup> Oomaanaa yaa hot Yéesu rek, rawaa ga d'uuycida yaa saylukohhi didóolí', oomaanaa dalla kikeen, yaa pírgínuuk ga kakayfaa, kúuwkaa kaa kúuw. <sup>21</sup> Yéesu meekissa paamunaa an:

\* 9:3 9: 3 Médírohat na 2 Pee' 1: 16-18. \* 9:7 9: 7 Malkat 1: 11 na iñaa béstíru ga kakayfaa.

11 Médírohat na Malasíi 3: 23. ☆ 9:12 9: 12 Malkat Ísayíi 53: 3; Kañcaa 22: 1-18.

☆ 9:11 9:

- Iñii yii ammbi kera?

Paamunaa taassa an:

- Ammbi ga waa ya en oomaada bi wati. <sup>22</sup> Ee leekleek rawum búukki ga dhuuy kiwii na ga dhuuy mísú, ya waarii ki'ap. Wayee en lak fu mínin yen ganaa, yérëmaaríi, fu amdohhií!

<sup>23</sup> Yéesu taassari an:

- An fu wo' an «En lak fu míninaa?» Iñaa en béeb mínukin ga baa fu gëm ga Kooh.

<sup>24</sup> Ga saasi paam oomaanaa dalla kiwo' didóolí' an:

- Mi gëmin! Amdohaaroo ga dii ngëmiigoo dooyyiida.

<sup>25</sup> Yéesu hotta ga daa buwaa baa fool kihay kilaayda, ya gëtta rawaa an:

- Fu rawii, fu yii fu haydoh kidek na kiluufda, mi nakkaa, meyohaa ga oomaanii ee kaa le's gari bi taa'!

<sup>26</sup> Rawaa meyca ga oomaanaa na tiweeleeluk, ya yaa saylukohhi didóolí'. Oomaanaa mannda na baa kaan hen, bi bo' biyewin daama baa wo' an: «Kaanin».

<sup>27</sup> Wayee Yéesu ammbari ga yahaa, koluki'tari, oomaanaa tuukka.

<sup>28</sup> Lëehí'ta Yéesu aassa kaan. Lak télibéecaagari doj enu nari, ba meekissari an:

- Iñii tah ya dí, dí míneeríi kikaal rawaama ga oomaanaa?

<sup>29</sup> Yéesu taassaba an:

- Kikiim Kooh kéri doj mí kiméyí' rabcaa manda ga bo'.

### *Yéesu yéegalohsissa an ya hay kikaan ee ya hay kimilís*

(Mëccëe 17: 22-23; Lúkkaa 9: 43b-45; Marka 8: 31-33)

<sup>30</sup> Yéesu na télibéecaagari meyohussa daama, ba koorohha dhuuy gohaa Gélilée. Yéesu waareeríi bo' yéenj daa ya enohda, <sup>31</sup> ndaga ya enee na kijégí' télibéecaagari. Ya wo'eba an:

- Kowukii bii hay kitíku ga yah buwii. Ba hayyi ki'ap wayee ya kaan bi tík ga bes kaahayaa, ya hay kimilís.

<sup>32</sup> Wayee télibéecaa ínohséeríi iñaa wo'eñaama waa' kiwo'da, ee ba kaañéeríirika kimeekisoh.

### *Baa Yéesu wo' an yérí wëñ kiyak ga fíkúi Koohda*

(Mëccëe 18: 1-5; Lúkkaa 9: 46-48; Marka 10: 35-45; Filiip 2: 5-11)

<sup>33</sup> Yéesu na télibéecaagari le'ussa Kafarnawom. Ga dhuuy kaanfaa, Yéesu meekissa télibéecaa an:

- Dú nookohee ya ga waasii?

<sup>34</sup> Ba díekka, ndaga ga waasaa, ba enee na kinookoh an yaa wëñ kiyak gabada, ba?

<sup>35</sup> Waa ennda da, Yéesu yuñnga, ya bayya bidaänkaah na banakbaa, ya wo'aba an:

- Binaa bo', fu waa' kikuliyuk ga yenaa, fu jom ki'en ga fenoo béeb, fu en súrga buwaa téoh.

<sup>36</sup> Lëehí'ta ya bëbpa ku'oomeaa, tuuki'taja ga leelooba. Ya bëbpaja, yugi'taja ga kotcaagari, ya wo'a an:

<sup>37</sup> - Baa fu te' ga keeñfu oomaanii fodii yii ndaga teekiigoonaa, lakanaa fu te'oo, mi ga kihaffoo. Ee baa fu te'oonaa, fu te'iiroo mi yii rek, wayee fu te' ban baa wossooda.

### *Baa kaalee rab ga teekaa Yéesuda*

(Lúkkaa 9: 49-50)

<sup>38</sup> Sañ wo'a Yéesu an:

- Jégírohii, dí hotin baa en na kikaal rab ga buwaa ee ga teekfu. Dí waa'tarika kihoonoh ndaga ya bokkii garuu.

<sup>39</sup> Yéesu loffari an:

- Kaa hoonohattika, ndaga laakkii baa mí kitum kíntaan ga teekkoo, ee ga saasi ya aaw kiwo' iñaa moroo garoo. <sup>40</sup> Baa lebirohhii naruu, fa' naruu. <sup>41</sup> Mi wo'úuka

ee kayoh; béeb baa onndúu kaas-músú ki'an ga teekiigoo ndaga dii dú en buuroo mi Kiristaaniisanaa, baama ñakoo fayaagari.

*Kitagoh na iñcii tumlukohi bo' baaka'a'da*

(Mëccée 18: 6-9; Lúkkaa 17: 1-2; 1 Korenti 8: 9-13; 9: 24-27)

Yéesu wo'issa an:

<sup>42</sup> - Wayee baa baakaa'lukoh tu'oomaatii tii gëmu garoodananaa, iñaa gën ga baamada wérí en ya pokdu atoh wiyaak ga koonaakaa, ya jafu ga dñuuy giiyaa. <sup>43</sup> Baa en lak yahaagaraa wérí tahhaa kitum baakaaraa, gúraawa. Iñaa gën garaada wérí en fu aas ga kipeskaa leehoo taa'da na yah wiinoo, loo kilaak yah kanak ee fu ka'safara, ga kiwiikaa yímooda.

[ 44 ]†

<sup>45</sup> Baa en lak kotaagaraa wérí tahhaa kitum baakaaraa, gúraawa. Iñaa gën garaada wérí en fu aas ga kipeskaa leehoo taa'da na kot wiinoo loo kilaak kot kanak ee fu jafu ga safara. [ 46 ]‡ <sup>47</sup> Ee binaa baa en lak kuhaskaagaraa kérí tahhaa kitum baakaaraa, nísaja. Iñaa gën garaada wérí en fu aas ga Nguuraa Kooh na kuhas kíinoo loo kilaak tuhas tanak ee fu jafu ga safara. <sup>48</sup> Daama «cégíncaa ñamsi faanda kaansoo ee kiwiikaa yímoo taa'.»§ <sup>49</sup> En ki'enaa, baa en béeb hay kidaanu na kiwi§.

<sup>50</sup> Maraa jofin, wayee binaa maraa safissiinaa, ma ñaanohsan na ya? Madat na maraa ga bimooroommbúu\*. Laakat jam ga díkaantirúu.

## 10

*Yéesu wo''a ga loo kifasi'*

(Mëccée 19: 1-12; Lúkkaa 16: 18; Room 7: 1-3; 1 Korenti 7: 10-16)

<sup>1</sup> Yéesu meyohha daama, aawwa dékcaa bok ga gohaa Yúudée ee hanoh húlúwaa Yúrdenja gaada. Buwaa biyewin haysissa, négírukohussa ga yahaaci. Ee ya enissaba kijégí' fodaa ya meereeka kitumda.

<sup>2</sup> Laakka Férísiyeencaa hayu bi gari kifí'ti, ba meekissari an:

- Waasisiruu onin yaal kifasi' beticin?

<sup>3</sup> Yéesu meekissaba ban an:

- Móyiis nakeerúu ya kitum?

<sup>4</sup> Ba taassa an:

- Móyiis oneera yaal kibín këyít kiteewoh an sëyaa tasin ee ya foñ betici.§

<sup>5</sup> Yéesu nak wo''aba an:

- Móyiis bïndinndúu iñaa ya nakkúu yaama ndaga dii dú súb ga keeñda. <sup>6</sup> Wayee ga kidewaa, ga waa Kooh sak èldúnada «Ya tummba bo', yaal na beti. <sup>7</sup> Kérí tah bi yaal hay kifoñ paamci na eeci, ya aboh na betici, <sup>8</sup> ee ba banak, ba en bo' yíinoo». <sup>9</sup> Fodaama ba enissii banak, wayee ba en yíinoo. <sup>9</sup> Kon bo' hanat kihégísoh iñaa Kooh akitohin.

<sup>10</sup> Waa ba le''a kaan, têelibéecaa meekisussa Yéesu iñaa aaw ga iñaama. <sup>11</sup> Ya taassaba an:

- Binaa bo' kaal betici, pañ beti yiliisaa, ya dúkin betifaagari fidewaafaa, ya faanukka na beti filiis. <sup>12</sup> Fodaama ban, binaa beti foñ yaalcí, pajuk ga yaal yiliisaa, ya dúkin yaalaagari yidewaayaa, ya faanukka na yaal yiliisaa.

† 9:44 9: 44 Wo'eencii ciima hotukkii ga këyít ciyewin ga këyítcaa ñeb kibídufa. ‡ 9:46 9: 46 Wo'eencii ciima hotukkii ga këyít ciyewin ga këyítcaa ñeb kibídufa. § 9:48 9: 48 Mëdírohat na Ísayii 66: 24. ¶ 9:49 9: 49 Mëdírohat na Léwitik 2: 13. Baa en béeb hay ki'ku ga kiwiikaa setfanndi ga fíkki Kooh fodaa daa sarahcaa waama eksee ga maraa balaa ca tékírunaa. \* 9:50 9: 50 Iñaama waa' kiwo' jeriñaa maraa ga kitík wala kitékí' yen (Mëdírohat na baahaa manda ga dékaa Palestín); maraamaa safissiinaa ma lofiru mi'as. Jeriñama wérí mëdírohu na ga daa bo' jom kiman ga mooroomcida. § 10:4 10: 4 Malkat Dëteronom 24: 1. § 10:6 10: 6 Malkat Sënees 1: 27; 5: 2. § 10:8 10: 8 Malkat Sënees 2: 24.

*Yéesu barkeella tu'oomaataa  
(Mëccëe 19: 13-15; Lúkkaa 18: 15-17)*

<sup>13</sup> Bibo' haydohdfussa Yéesu tu'ooma, ya tík yahcaagari ga dookba. Wayee télibéecaa baa ña' buwaama. <sup>14</sup> Daa Yéesu hotee iñaama, keeñci tammba ga, ya wo'"a télibéecaa an:

- Íisat tu'oomaatii, ta hay garoo! Kaa hoonohatba ndaga Nguurii Kooh wuu buwii man nabada. <sup>15</sup> Mi wo'"úuka ee kayoh; baa fu tookkii Nguurii Kooh fodii ku'oomaanaa, fu aasoo ga.

<sup>16</sup> Léehí'ta ya beþpa oomaacaa, ya tíkka yaa en béeþ yah, barkeellaba.

*Ha'-alal waa' ki'aas ga Nguuraa Kooh  
(Mëccëe 19: 16-30; Lúkkaa 18: 18-30)*

<sup>17</sup> Daa Yéesu enee na kimey kiyahdfa, laakka bo' yiyaal yaa hay gari na jaa', ya yí'"a ga fíkiici, meekissari an:

- Jégírohii yijófí'yii, mi tuman na bi mi laak bakkoo ga kipeskaa leehoo taa'da?

<sup>18</sup> Yéesu wo'"ari an:

- Iñii tah ya fu wo' kijof garoo? Ken joffii, enndii Kooh recaa. <sup>19</sup> Fu ínohin iñii Waasii Móyiis nakoh kitumda: «Kaa lañ kumuun bo'; kaa dúk ßetifu wala yaalfu, fu faanuk na bo' yiliis; kaa lok; kaa seedi' saboh; kaa tooñ mooroomfu; kelohdfa paamfu na eefu.»\*

<sup>20</sup> Baa taassari an:

- Jégírohii, mi taabukin iñciima tóoh ga ki'oomaaroo bi wati.

<sup>21</sup> Yéesu malakka baa, waa'tari. Ya wo'"ari an:

- Laakin iñaa tesohhaa kitum: kara, toonaa iñaa fu laakda tóoh, fu onwa nduulcii. Fodaama fu hay kilaak alal ga dook. Léehíraa haya, fu taabukkoo.

<sup>22</sup> Baa nak enee bo' yiyéwíni' alal, ee daa ya kelohee wo'eñaama, ya súuñdükka lool, keeñci leehha ga tak, ya yaa yah.

<sup>23</sup> Yéesu malakka buwaa wíillida, wo'"a télibéecaagari an:

- Ki'aaskaa ha'-alal ga Nguurii Kooh daal, yoowanndii!

<sup>24</sup> Télibéecaa Yéesu waaru'ussa lool ga wo'eencaagari. Ee ya tíkissa ga an:

- Biyaay, ki'aas ga Nguurii Kooh daal yoobpii! <sup>25</sup> Geeleem paaf ga noñ kúuc, kérí wëñ kiyoob daa ha'-alal aasan ga Nguurii Kooh.

<sup>26</sup> Télibéecaa wëñussa kiwaaru'u. Ba baa meekisoh ga díkaantiba an:

- Kon baanaa, bii míñ kimúc ða?

<sup>27</sup> Yéesu malakkaba, wo'"a an:

- Iñama wooñ bo', wayee wooñjii Kooh, ndaga iñaa en béeþ míñkin ga Kooh.

<sup>28</sup> Pee' nak dalla kiwo' an:

- Malka, dí, dí foñin tóoh, dí taabukinndaa.

<sup>29</sup> Yéesu taassari an:

- Mi wo'"úuka ee kayoh; baa mi tahhaa kifoñ, mi na Hewhewii winéwí'wii, kaan wala bikémëenjímun biyaal na bibeti, wala biyaakmun biyaal na bibeti, eemun wala paamun wala towu, wala yoon, <sup>30</sup> fu hay kilaak dii, iñaa wëñ iñcaama bes citéemée': kaan ciyewin, na bikémëenjímun biyaal na bibeti na biyaakmun biyaal na bibeti, bi'eemun, towu na yoon ciyewin. Iñcaama taaban na kihatalu ga ngëm; ee fayuraa fu laak kipeskaa leehoo taa'da. <sup>31</sup> Biyewin ga buwii ðeb watida bëri mëeñjohan ee biyewin ga buwii mëeñjohdfa bëri ðewan.

*Waas wukaahaywaa Yéesu yéegaloh kikaankaagari na kimílskaagari  
(Mëccëe 20: 17-19; Lúkkaa 18: 31-34)*

\* <sup>10:19</sup> 10: 19 Malkat Eksoot 20: 12-16; Dëteronom 5: 16-20. Kaa tooñ bo': wo'eencauma bokkii ga iñcaa cidaanjkaahcaa Móyiis nakohee kitumda. Ee ban ca hotukkii ga wo'eencaa taaboh naca Mëccëe bín na Lúkkaadfa.

<sup>32</sup> Waa ennda da, ba ammba waasaa aaw Yéerúsaleemda. Yéesu hanohee fíkii. Téelíbécäagari, helcaagaba daléeríi dara ee buwaa bíinoo taamsee ga fenoocida nikussa. Yéesu baysissa bidaankaah na banakbaa haŋ, ya yaa wo'ba iñaa yahanndi kidalda. <sup>33</sup> Ya wo'eeba an:

- Súkúrukat, dū bii yah Yéerúsaleem, ee Kowukii bii hay kitíku ga yah sarahohcaa biyaakbaa na jégíroh-waasca. Ba hayyi ki'atti' kikaan, ba tíkki ga yah yiifa'caa. <sup>34</sup> Baama hayyi kiñaawalsoh, ba toosohhi, ba típpi laawoo, ba appi. Léehíraa, bes kaahay tík ganaa ya mílís.

### *Yéesu taassa Saak na Sanj*

(Méccée 20: 20-28)

<sup>35</sup> Saak na Sanj, towutaa Sebedee, deeyussa ga Yéesu, wo'ussari an:

- Jégírohii, dí waa' fu tumi'tíi iñii dí yahhaa kíimda.

<sup>36</sup> Yéesu meekissaba an:

- Dú waa' ya mi tumi'túu?

<sup>37</sup> Ba taassa an:

- Binaa fu en ga ndamaagaraanaa, onaaríi dí míin kiyuŋ ga yahaafu, yii hanoh yahfu ñaam, yiñoo hanoh yahfu senj.

<sup>38</sup> Yéesu wo"aba an:

- Dú ínohoo iñii dú meekisohda. Dú mínin ki'an ga kaas-coonii mi yah ki'andane, wala kibétisi'uk ga mesiklaat fodii dii mi yah kibétisi'ukdane?

<sup>39</sup> Ba taassa an:

- Ee dí míinka.

Yéesu wo"aba an:

- En ki'enaa, dū hay ki'an ga kaasii mi yah ki'anda ee dū hay kibétisi'uk ga mesiklaat fodii dii mi yah ga kibétisi'ukda. <sup>40</sup> Wayee en iñaa aaw ga kiyuŋ ga yahhoo ñaam wala ga yahhoo segaa, enndii mi jomka kiwo'. Buwaa Kooh waayuki' bakcaamada bëri yahca ki'eru.

<sup>41</sup> Daa téelíbécäa tesda kelohsee iñaama, ba dalla ki'ayluk Saak na Sanj. <sup>42</sup> Yéesu dallaba kibay, wo"aba an:

- Dú ínohin an, buwii tíku ha'-kúl ga ēldúnaða, bëri teewi buwii an ba hanoh béeþ dook, ee ha'-doolicii tumlukohi buwii ga iñaa nebbä. <sup>43</sup> Iñaa manda hanat da kilaak ga dñuuyucúu. Wayee laak baa waa' ki'en bo' yiyaak ga dñuuyucúunaa, ya joman ki'en súrgarúu, <sup>44</sup> ee baa waa' garúu kikuliyukaa, ya joman ki'en ñaam buwaa tóohba. <sup>45</sup> En ki'enaa, kiheel súrga tähhii Kowukii bii kihay, wayee ka hay ki'en súrga buwii, na ki'eroh kumuunci doo ya laas tumuun bo' biyewin. <sup>\*</sup>

### *Yéesu wëki'ta búumíraa teeku Bartímée*

(Méccée 20: 29-34; Lükkaa 18: 35-43)

<sup>46</sup> Yéesu na téelíbécäagari le'ussa Yéríkoo. Waa ba meyoh ga teeraama na bíbo' bicaaki', laakka búumíraa teeku Bartímée, kowu Tímée, yugin ga yahaanaa waasaa, yaa sarahtuk. <sup>47</sup> Daa ya kelohee an Yéesu Nasareet yaa hay, ya yaa fiip an:

- Yéesu, kucaasamunkii Dëwít, yérëmaaroo!

<sup>48</sup> Buwaa baa ña'ti, an doo ya dëkoh. Wayee ya yaa wëñ kifiip an:

- Kucaasamunkii Dëwítóo, yérëmaaroo!

<sup>49</sup> Yéesu tuukka, wo'a an:

- Bayatti.

Buwaa bayya búumíraa, ba baa wo'i an:

- Dëldaa heliigaraa, kolka, ya yii bayyaa.

<sup>50</sup> Búumíraa dalla kijaf paltaagari, ya kolukka bërit, yaa hay ga Yéesu.

<sup>51</sup> Yéesu meekissari an:

\* <sup>10:39</sup> 10: 39 Mëdïrohat na Tumeen 12: 2.

\* <sup>10:45</sup> 10: 45 Mëdïrohat na 14: 24; 1 Tímotée 2: 6.

- Fu waa' ya mi tumi'taa?  
 Búumíraa taassari an:  
 - Jëgírohii, tumdaaroo bi mi míñ kihot.  
<sup>52</sup> Yéesu wo"ari an:  
 - Tíida, ngëmiigaraa wëkdfinndaa.  
 Ga saasi búumíraa míñnda kihot, lëehí'ta ya yaa taabuk Yéesu ga waasaa ya am  
 kiyahfa.

## 11

### *Yéesu aassa teeraa Yéerúsaleem na ndam wiyaak (Méccée 21: 1-11; Lúkkaa 19: 28-40; Sañ 12: 12-19)*

<sup>1</sup> Waa Yéesu na télibéecaagari deeyussa Yéerúsaleem, ba enee ga yahaa dëkaa  
 Betfasee na waa Bétaníi, en ga bak tégëlaa Ólívíyéecaada, Yéesu wossa bo' banak  
 ga télibéecaagari, <sup>2</sup> wo"aba an:

- Karat dëkum en ga fikiirúuda. Dú aasi danaa, dú hoti cumbú'-baamaa bo' lappi  
 duum, pokuunun daama. Pékisatti, dú haydohhi dii. <sup>3</sup> Ee binaa bo' meekissúu an:  
 «Iñum dú tum yuma ya?», Taasatti an: «\*Ha'mudii yérí laak sooli ga. Ee ya hayyi  
 kiwosoh dii diima-diima.»

<sup>4</sup> Télibéecaa karussa, ba laakka cumbú'-baam ga mbedaa, pokuunun ga fooh ga  
 yahaa hal-kaan daama. Ba pékissari. <sup>5</sup> Bibo' ga buwaa ensee daamada wo'ussa  
 télibéecaa an:

- Dú tum ya yuma? Iñii tah ya dú pékis cumbúrii?

<sup>6</sup> Ba taassa buwaa fodaa daa Yéesu nakeebada. Buwaa íisussaba, ba baa hay.

<sup>7</sup> Ba haydohi'ta Yéesu cumbúraa, ba tikka paltucaagaba ga dookgaa, Yéesu lappa<sup>☆</sup>.

<sup>8</sup> Bibo' biyewin bewussa paltucaagaba, larussaca ga dook waasaa. Bíinoo, baa gú'  
 toy ga tediktaa ga yooncaada, ba baa bool tuu'taa, baa la'ta ga waasaa\*. <sup>9</sup> Buwaa  
 hanohsee Yéesu fikii na buwaa taamsee ga fenoocida, béeëba baa wo' didooli' an:

- Óosaanaa! Kooh barkeelat yii hay ga teekii Ha'mudiida! <sup>10</sup> Kooh barkeelat  
 Nguurii en na kihayda, Nguurii caasammbíi Dëwít! Óosaanaa <sup>☆</sup> aaw ga dookaafook<sup>☆</sup>!

<sup>11</sup> Yéesu le'"a Yéerúsaleem, ya aassa Kaanfaa Kooh. Ga waa ya malakka bi jof, tóoh  
 iñaa laak daamada, ya yaa yah Bétaníi na télibéecaagari bidaanjkaah na banakbaa,  
 lak Kooh yaa hoob.

### *Yéesu coñnja kedikcaa (Méccée 21: 18-19)*

<sup>12</sup> Ga kooh-wiisfaa, Yéesu na télibéecaa meyoħussa Bétaníi, laak Yéesu yaawin.

<sup>13</sup> Ya sénnda di'usaayí' eenaa kífin. Ya ka'ta kimalak ati ya hay kihot towu ga. Wayee  
 waa ya deeyca kedikcaa, ya hottii dara ga, enndii tuu'taanaa. Waama lak ñiidaa een  
 laaki towuda le'"ii.

<sup>14</sup> Waa ennda dà, Yéesu wo"a kedikcaa an:

- Ken ñamsisoo kowukaa meyoħ garaa, bi taa'!

Télibéecaa kelohussa ga iñaama.

### *Yéesu kaalla toonohcaa ga dñuy Kaanfaa Kooh (Méccée 21: 12-17; Lúkkaa 19: 45-48; Sañ 2: 13-22)*

<sup>15</sup> Yéesu na télibéecaagari le'ussa Yéerúsaleem. Daa Yéesu aasee Kaanfaa Kooh,  
 ya yaa kaal buwaa ensee na kitoon na buwaa ensee na kilom daamada. Ya yaa bñuk

\* **11:7** 11: 7 Mëdïrohat na Sakarí 9: 9. \* **11:8** 11: 8 Man na fodii ga 2 Buu' 9: 13. Iñaama en kilari' bo' úuf,  
 doo ya le'oo kakay. <sup>☆</sup> **11:10** 11: 9,10 Óosaanaa Malkat Méccée 21: 9. <sup>☆</sup> **11:10** 11: 10 Mëdïrohat na Kañcaa  
 118: 25-26.

taabolcaa weci'oh-kopa'caa, na yugaahcaa toonoh-ho'caa<sup>†</sup>. <sup>16</sup> Ee ya íiséeríi ken kibay yen na kikooroh nawa ga d'uuu Kaanfaa Kooh. <sup>17</sup> Lëehí'ta ya yaa jëgí'ba fodii dii:

- Bíduunun ga Këyítfaa Kooh an: «Kaanndoo teeksan kaanfaa heetcii tóoh kíimohohsan Kooh»? Wayee d'u, d'u tumwa daakkaa' lok!<sup>‡</sup>

<sup>18</sup> Daa sarahohcaa biyaakbaa na jégíroh-waascaas yéensee iñaa laakee yaama, ba niikkari ndaga lak buwaa tóoh waaru'uunun ga jégírohaagari. Fodaama, ba baa heel daa ba tuman bi ba apluk Yéesu.

<sup>19</sup> Ga waa nohaa soossa, Yéesu na télibéecaagari meyhussa teeraa.

### *Kedikkaa coñseeda súbpa*

(Mëccée 21: 20-22; Saak 2: 16-18; 1 San 5: 14-15)

<sup>20</sup> Ga daa Yéesu na télibéecaagari koorohsee ga kímaa cuutfa, ba hotta eenaa Yéesu cojeeda súwin kaw bi ga níilcaa. <sup>21</sup> Pee' níindísukka iñaa laakeeda, ya wo'a Yéesu an:

- Jégírohii, malka, eenii fu cojeeda súwin.

<sup>22</sup> Yéesu wo'aba an:

- Gëmat ga Kooh. <sup>23</sup> Mi wo'úuka ee kayoh; Binaa bo' wo' janjagii wii an: «Kolkohaa dii, fu jafuk ga d'uuu giiy», ya hay kitookcfu iñaama, binaa ya laakkii hel kanak ga, ee ya gëm an iñaa ya wo'da hay kilaakaa. <sup>24</sup> Kéri tah mi wo'úu man: Dú en ga kikiim Kooh ya onndúu yenaa, gëmat an d'u laasin ga, en d'anaa d'u hay kitookcfu iñaa d'u kiimda. <sup>25</sup> Ee bériinnaa d'u tuuk kikiim Kooh béeb, en lak d'u abin mooroombúu aylukaa, bayalatti, doonaa Paammbúu yii ga dookfa bayallúu ban tooñciigarúu. [ <sup>26</sup> ]<sup>‡</sup>

### *Yéesu meekisohussa ba onndi doolaa ya bayda*

(Mëccée 21: 23-27; Lükkaa 20: 1-8)

<sup>27</sup> Yéesu na télibéecaa soofussa Yéerúsaleem. Ee ga daa Yéesu enee na kitíidisuk ga Kaanfaa Koohfa, sarahohcaa biyaakbaa, jégíroh-waascaas yaakcaa hayussa gari. <sup>28</sup> Ba meekissari an:

- Iñcii fu tumda, fu ayca ga ba? Bii onndaa dooli kimínca kitum ba?

<sup>29</sup> Yéesu taassaba an:

- Mi hayyúu kimeekisoh enaama yíinoo ban. Dú taassoo ganaa, mi wo'úu iñcii mi tumda ati mi ayca ga ba? <sup>30</sup> Bii yiida wosee Sanj kibétisi' buwaa<sup>§</sup>? Kooh wala bo'-súusúus? Taasattoo?

<sup>31</sup> Wayee ba ennda ga kiwo' ga díkaantiba an:

- Binaa du taas an Kooh yéri woseerinaa, ya hay kiwo' an «Iñii tah ya d'u gëmmbii ga Sanj?» <sup>32</sup> Ee binaa du wo' an buwii béri woseerinaa...

Ba niikeera mbooloomaa ndaga béebba tiksee Sanj sëldiigaa Kooh.

<sup>33</sup> Waa ennda da, ba taassa Yéesu an:

- Dí inohoo.

Yéesu wo'aba an:

- Haa, mi ban, mi wo'oorúu iñcii mi tumida ati mi ayca ga ba?

## 12

### *Liiwukaa wo' ga loo línoh biïñcaa bisóotí'baada*

(Mëccée 21: 33-46; Lükkaa 20: 9-19; Ísayíi 5: 1-7)

<sup>1</sup> Lëehí'ta Yéesu yaa liiwukba an:

<sup>†</sup> **11:15** 11: 15 Weci'oh-kopa'caa waama, yaawúu'caa meyh ín haysee Yéerúsaleemfa weci'see kopa'caagaba ga buwaama doonaa ba míni kilom júu' kitum sarah ga Kaanfaa Kooh na kifay lempaa Kaanfaa Kooh. Malkat Mëccée 21: 12. <sup>‡</sup> **11:17** 11: 17 Médírohat na Ísayíi 56: 7; Yérémíi 7: 11. <sup>‡</sup> **11:26** 11: 26 Wo'eencii ciima hotukkii ga këyít ciyewin ga këyítcaa d'eb kibídufa. Malkat Mëccée 6: 15. <sup>§</sup> **11:30** 11: 30 Malkat 1: 4-5.

- Enee bo', ya yíppa tedik-resen ga yoonci. Ya díjingga yoonaa, ya acca nogaa towu-reseentaa seesohsan. Ya tawahha daa bo' mínan kituukoh, tíim yoonaa, malaki ga<sup>☆</sup>. Léehí'ta ya bëbpa bilínoh, sassaba kilégëy ga yoonaa, ya yaa yah kibaab. <sup>2</sup> Ga waa kibeen le''a, ya wossa súrga ga línohcaa ga yoonaada, ba kommbi bakci ga iñaa ba beenda. <sup>3</sup> Wayee ba ammba súrgaa, ba feekkari, ba kaallari yah buucuuc. <sup>4</sup> Ha'-yoonaan wosissa súrga yiliis gaba. Ba feekkari ga haf, ba baa bassohhi. <sup>5</sup> Ha'-yoonaan wossissa yukaahay, ba appari, ee ba tummba fodaama súrga biyewin biliis: ba feekka bii, ba appa bii. <sup>6</sup> Ha'-yoonaan tesoheeri kowuci kíinoo, kaa ya waarin lool. Ya méeñdohhari kiwos gaba, ee ya halaatta an: «Hanaa ba hay ki'on kowuroo cée'». <sup>7</sup> Wayee línohcaama baa wo' ga leeloooba an: «Yii yah kilamda yeema, hayat du appi ee du lam yoonii». <sup>8</sup> Ba ammba kowukaa, ba appaka, ba jaffa faraaffaa ga fenoo yoon-biiñaa.

<sup>9</sup> Yéesu meekissa buwaa an:

- Haa ha'-yoonaan tuman na? Ya hay kihay, ya ap línohcaa, ya ek bifo' biliis ga yoonaa. <sup>10</sup> Man dú jagin wo'eenaa Kooh bídu ga Kéyítfaa an:  
«Atohaa tawahohcaa jafeeda,  
atohaama enin atoh-köñ.

<sup>11</sup> Iñaama yérí Ha'mudii tum ee enin kíntaan ga hasciiruu!»<sup>☆</sup>

<sup>12</sup> Buwaa kuliyuk ga yaawúu'caada baa heel ki'am Yéesu ndaga ba ínohha an Yéesu liiwukeeba ga wo'eenama. Wayee ba kaañéeríi mbooloomaa; ba íissari, baa yah.

### *Lempu jomin kifayune?*

(Mëccëe 22: 15-22; Lúkkaa 20: 20-26)

<sup>13</sup> Laakka Férísiyeencaa ebilu na buwaa fa' na Erootdfa\* ga Yéesu, kifí'ti ga duuy wo'een. <sup>14</sup> Ba hayyari kiwo' an:

- Jégírohii, dí ínohin an fu wo' kayoh, ee fu niikkii ken, ndaga fu malkirii bo' ga jémmaagari, wayee fu jégíroh Waas-Kooh kayoh-kayohdfa. Wo'aaríi, waasii onohin kifay buu' Sesaa'<sup>†</sup> lempune? Dí jomin kifay wala dí jomoo kifay?

<sup>15</sup> Wayee Yéesu ínohha helaagaba ba ðaakdfa, ya wo''aba an:

- Iñii tah ya dú waa'too kifi'? Haydohdattoo hëelís denariyon wíinoo, mi malak.

<sup>16</sup> Ba haydohha ga wíinoo. Yéesu meekissaaba an:

- Nataalii wii wuu ba, na teekii en gada?

Ba taassa an:

- Cuu Sesaa'.

<sup>17</sup> Daama, Yéesu wo''aba an:

- Kon erat Sesaa' iñaa Sesaa' laak, dú e' Kooh iñaa Kooh laak.

Ba waaru'a lool ga iñaa Yéesu taasba yaama.

### *Yéesu meekisohussa ga loo kimilískaa buwaa kaanda*

(Mëccëe 22: 23-33; Lúkkaa 20: 27-40)

<sup>18</sup> Laakka Saduseyeeñcaa hayu ga Yéesu. Ba nak, ba wo' an kimilís laakoo ga buwaa kaanda<sup>☆</sup>. Ba meekissa Yéesu anee:

<sup>19</sup> - Jégírohii, Móyiis nakeeruu kitum iñii yii: «Binaa bo', yaakci kaan ee lak foñnjii betici na kowaa, ya jomin kilam betifaama ee ya laaki' yaakci kowu ga.»<sup>☆</sup> <sup>20</sup> Waama, laakee yaal biyitnabanak baa bok paamun na eemun. Yaakkaa pañnja, kaannda ee ya laakkii kowu. <sup>21</sup> Yukanakyaa pañnja betifaa ee laakkii nari kowu, ya kaannda. Yukaahayyaa ennda da. <sup>22</sup> Ee biyitnabanakbaa bëebba faanussari beti ee laakkii ken gaba yaa foñ kowu nari. Ga waa ba kaannda bëebba, betifaa ban tikka ga. <sup>23</sup> Diimada

\* **12:1** 12: 1 Mëdïrohat na Ísayíi 5: 1-2.    <sup>☆</sup> **12:11** 12: 11 Malkat Kañcaa 118: 22-23.    \* **12:13** 12: 13 Buwaa fa' na Erootfa malkat 3: 6 na iñaa bëestíru ga kakayfa.    <sup>†</sup> **12:14** 12: 14 Teekaa buu'caa biyaakbaa ga kúlkaa Roomdfa.    <sup>☆</sup> **12:18** 12: 18 Mëdïrohat na Tumeen 23: 8.    <sup>☆</sup> **12:19** 12: 19 Malkat Dëteronom 25: 5-6.

wo'aaríi, béríinaa buwii mílísan ga kikaanda, betifaama yah ki'en yuuba? Ndaga yaa en ga béeb ga biyitnabanakbaa tumeerari beti.

**24** Yéesu taassaba an:

- Dú wo'in kimúuycúu ee iñaa tahkada, dii dú ínohoo iñaa bídu ga Kéyítfaada ee dú ínohoo daa doolaa Kooh hín kiyakfa. **25** Binaa buwaa kaanda mílísunaa, yaal pajoo ee beti pajukoo, wayee ba pesan madu na malaakacii Kooh enu ga dookfa. **26** En iñaa aaw ga kimílskaa buwaa kaandanaa, hanaa dú mosoo kijaŋ këyítfaa Móyiis bín ga daa ya wo' ga loo bos-dútúkaa abee kiwiida? Kooh wo' Móyiis an: «Mi yérí en Koohyii Abaraham, Koohyii Ísaak na Koohyii Yakoop»<sup>35</sup>. Yéesu tikka ga an: **27** Kooh enndii yuu buwaa yah kikaanda wayee yuu buwaa yah kipesda. Dú bii ga kimúuy kiyak.

*Iñii wëñ kiyak ga iñcii Kooh nakohda*

(Mëccée 22: 34-40; Lúkkaa 10: 25-28; Room 13: 8-10)

**28** Laakka jégíroh-waasaa keloh ga daa ba en na kiwo'da, ya hotta an taasaa Yéesu taas Saduseyeencaada júwin, ya deeyca gari, meekissari an:

- Iñii yiida kuliyuk ga iñcii nakohu kitumfa?

**29** Yéesu taassari an:

- Wii wérí dëb: «\*Bu-Isarayeelóo súkúruk! Ha'mudii, Koohyiigaruu, yérí rek en Ha'mudii. **30** Fu waaran Ha'mudii, Koohyiigaraa na keeñaagaraa tóoh, na kipeskaagaraa tóoh na helaagaraa tóoh, ee na doolaagaraa tóoh.»<sup>36</sup> **31** Ee wii wérí en wukanakwii. «Fu waaran mooroomfu fodaa daa fu waa' haffuda.»<sup>37</sup> Laakoo iñaa nakohu, ee wëñ kanakcuma kiyak.

**32** Jégíroh-waasaa wo'"a Yéesu an:

- Jofin, Jégírohii! Iñii fu wo'da, kayoh: Ha'mudii yérí rek en Kooh, ee laakoo Kooh yiliis enndiirinaa<sup>38</sup>. **33** Kiwa'a' Kooh na keeñaagaraa tóoh na helaagaraa tóoh na doolaagaraa tóoh, ee ban kiwa'a' mooroomfu fodaa daa fu waa' haffuda, wérí wëñ kiyak júuraa hoosu, téki'du Kooh, na kitumi' Kooh sarahaa míñ ki'en béeb.<sup>39</sup>

**34** Yéesu hotta an baa taasohin na hel, ya wo'"ari an:

- Fu úsaayyii ga Nguurii Kooh.

Waa ennda da, ken kaañissiiri kimeekisis yen.

*Iñii Kiristaanii jom ga buu' Dëwítfa*

(Mëccée 22: 41-46; Lúkkaa 20: 41-44)

**35** Ga daa Yéesu jégírohee ga dñuuy Kaanfaa Koohfa, ya meekisohee an:

- Jégíroh-waascii míñ na kiwo'u an Kiristaanii kucaasamun Dëwít? **36** Ndaga Dëwít ga kihafci, ga waa ya líif na Helaa yisela'í'yaadfa, ya wo'in an:

«Kooh, Ha'mudii wo'"a Ha'mudiigoo an:

Yugohaaroo yah-ñaam,

bi ga daa mi tuman buwii sañngaadaa ditogaa' kotfu»<sup>40</sup>.

**37** Dëwít, ga kihafci, bay baama «Ha'mudii»: Kon tum na bi Kiristaanii míñ ki'en kucaasamun rek ga Dëwít?

*Kaa tumat fodii jégíroh-waascii*

(Mëccée 23: 17-36; Lúkkaa 20: 45-47)

Mbooloo wiyaak waa súkúruk Yéesu ee iñaama neþpaþa ga keeñ. **38** Yéesu jégíreeba an:

- Abukat ga kitum fodii jégíroh-waascii. Ba waari kitíidisuk na kúltí ciyaak. Ba en ga paancaanaa, ba waari kikëñdu yah kanak. **39** Ga dñuuy jaangu-yaawú'caa, ba

<sup>35</sup> **12:26** 12: 26 Malkat Eksoot 3: 2,6.    <sup>36</sup> **12:30** 12: 30 Malkat Dëteronom 6: 4-5.    <sup>37</sup> **12:31** 12: 31 Malkat Léwítik 19: 18.    <sup>38</sup> **12:32** 12: 32 Mëdïrohat na Dëteronom 4: 35.    <sup>39</sup> **12:33** 12: 33 Mëdïrohat na Osee 6: 6.

<sup>40</sup> **12:36** 12: 36 Malkat Kañcaa 110: 1.

heeli kiyun ga fíkii; ee en ga hewaa, ba waari kihanoh fíkii. <sup>40</sup> Ba te'i iñaa laak ga kaan beticaa yaalcaagaba lísussiida; ee ba maañi ga kíkím Kooh, an doo buwaa fooñ an ba júwin. Atti'aa Kooh atti'anbadfa wëñan kimesik.

### *Saraha betifaa laakoo darada*

(Lúkkaa 21: 1-4)

<sup>41</sup> Léehí'ta Yéesu yunjnga, ëewrukohha na iñaa sarahcaa te'ohsi ga Kaanfaa Koohda. Ya malakee ga daa buwaa enee na kibúuk kopa'caa ga duuygaada. Ha'-alal biyewin baa búuk da kopa' ciyewin. <sup>42</sup> Laakka baa betifaa hay, laakoo dara ee yaalcí kaanin. Ya ekka daama tuhanja'-hëelís tanak, taa le'oo dërëm‡. <sup>43</sup> Yéesu bayya télíbéeecaagari, wo'aba an:

- Mi wo"úuka ee kayoh; betifi laakoo dara fii erohin iñaa ken búukkiiri ga te'aa'-sarahii. <sup>44</sup> Ndaga béeþba onoh ga iñaa ba wëñí'da, wayee ya, ga kinduulci, ya erohin tóoh iñaa ya laakeeda, tóoh iñaa ya jomee kipesohda.

## 13

### *Yéesu yéegalohha an Kaanfaa Kooh hay kibú'*

(Méccée 24: 1-2; Lúkkaa 21: 5-6)

<sup>1</sup> Yéesu enee na kimey Kaanfaa Koohda, laakka ga télíbéeecaagari yaa wo''i an:

- Jégírohii, malkaa dii atohcii mo'da, na dii tawahcii yakda!

<sup>2</sup> Yéesu taassari an:

- Fu hotin ga tawahcii ciyaakkii ciine? Tesohanndii dii sah atoh wíinoo waa tíkiskohan na mooroomwa, tóoh hay kibú'.

### *Iñii yah kihew balaa éldúna túki'aa*

(Méccée 24: 3-14; Lúkkaa 21: 7-19)

<sup>3</sup> Yéesu yunjnga ga dook tégëlaa Ólívíyéecaa, óowrúkohha na Kaanfaa Kooh. Ga daa ba wéetee nari daamada, Pee', Saak, Sañ na Andari meekisohussari an:

<sup>4</sup> - Wo'aaríi, iñaama laakan kera, ee mandargii wiida teewohan an iñcii cii béeþca jomin kilaak?

<sup>5</sup> Yéesu kon yaa wo'ba an:

- Tumat ndaŋ doo ken dúkoorúu. <sup>6</sup> Bibo' biyewin hay kikoorohu teekkoo, ba wo'i an: «Mi yérí en Kiristaanii!» Ee ba hay kidúk bo' biyewin. <sup>7</sup> Binaa dú keloh yéngël heñ wala an heñ laakin ga dekataa, kaa túitat, ndaga iñcaama jomin kilaak, wayee lak éldúna le"ii kitúkí' duum. <sup>8</sup> En ki'enaa, kúl hay kibewuk, keen ga dook kúl mooroomci, ee nguu' hay kibewuk, keen ga dook nguu' mooroomci; kakayfii hay kiyéngéluk ga defkat ciyewin ee a' hay kilaak. Iñaama yah kiman na dalaaraa mesiklaatcaa ga kimatuk betifa.

<sup>9</sup> Wayee dú, tumat ndaŋ ga haffúu. Dú hay kibayu paancaa yaawúu'caa, dú hay kirípu na ngee' ga duuy jaangu-yaawúu'caa. Mi hay kitah bi dú hay kituukdu ga fíkii ha'-nguu'cii na ga fíkii buu'cii, doonaa dú tuukuk Hewhewii winéwí'wii ga fíkiiiba. <sup>10</sup> Hewhewii winéwí'wii jomin kiyéegalohu paay ga heetcii tóoh. <sup>11</sup> Binaa dú abu kibayunaa, helciirúu dalat ga iñaa dú joman kiwo'da, ee wo'at rek iñaa Kooh onannduu kiwo' ga wahtaama sii'da, ndaga enndii dú yah kiwo', wayee Helaa yisela'i'ya. <sup>12</sup> Yaakmun hay ki'eroh këmëenjíci ya tíku kikaan. Paamun hay ki'eroh kowuci ka tíku kikaan. Oomaacaa hay kibebku, keenu ga dook paamba na eewba, aplukþa\*. <sup>13</sup> Mi hay kitah bi bo' biyewin hayyúu kisagu. Wayee baa fu guu'guuluk bi ga daa tóoh leehanaa, fu yaama fu hay kimúc.

‡ 12:42 12: 42 Kéyítfaa debðfa wo' dii «Lepta kanak», ennda hëelísaa wëñ kijutuut ga hëelíscaa waama.

\* 13:12 13: 12 Mëdïrohat na Mísee 7: 6.

*Bo' hay kison bi hëp**(Mëccée 24: 15-28; Lúkkaa 21: 20-24)*

<sup>14</sup> - Bëriinaa dú hotan baa wo'u "yi'araamí'yaa pooki kúldfa" aas ga daa ya jomoo ki'aasdanaa<sup>⊗</sup> -- ee baa fu jan iñii yiinaa, tumaa ndaq! -- Buwaa iñaama laakan Yúudéeda, ba núpat ba aaw janjancaa. <sup>15</sup> Baa iñaama laakanndi yugin ki'íikaruk ga dlook taahaagarida, hanat kisek kiyosuk kibeb yen ga dzuuy túuyuci, <sup>16</sup> ee baa iñaama laakan yooncaada, hanat kiboyuk kaan kibebnee kúltifaagari. <sup>17</sup> Massa beticaa bescaama laakanba na look, na baa ensan na kibépí'da! <sup>18</sup> Kíimat Kooh ati iñcaama hídohoo ga wahtu ñiin wiméeski<sup>\*</sup>. <sup>19</sup> Ndaga ga bescaama, mesiklaatcaa dalan buwaada hay kiyak yakaa wée'taa ga an wii, mossii kilaak iñaa man d'a, aboh ga waa Kooh deb kisak éldúnada bi wati, ee iñaa madan da laakisannadi bi taa<sup>⊗</sup>. <sup>20</sup> Ee binaa newéerii Ha'mudii ya næewís bescaamanaa, eneena ken múcoo, wayee buwaa ya tanda tahha bi ya næewíssaca. <sup>21</sup> Kon binaa bo' wo"úu an: «Malkat, Kiristaanii yii dii!» wala «Malkat, ya yaa daa!» Kaa gëmat. <sup>22</sup> En ki'enaa, bibo' hay kikoluk, ba tík haffba Kiristaa na bisëldíiga-Kooh ee lak saboh. Ba tumi kíntaan na enaama cidóoyi'-waa' kidfuk sah, enee an mínuukinaa, buwaa Kooh tanukd'a. <sup>23</sup> Watukat haffúu, mi yéegalinndúu tóoh balaa dara hewanaa.

*Kowukii bii hay kihayis**(Mëccée 24: 29-31; Lúkkaa 21: 25-28)*

<sup>24</sup> - Wayee ga bescaama, lak coonucaa buwaa dayanda paafin, nohii dal kiñúusí', ñiidii íis kilee', <sup>25</sup> tu'olataa hay dëegískoh asamaan ta keen, ee tóoh iñcii en ga asamaaniida hírukoh<sup>⊗</sup>. <sup>26</sup> Fodaama Kowukii bii hay kihotu ga dzuuy yaayeelcii, ka yoosuki ee ka taam na dooli wiyaak na ndam<sup>⊗</sup>. <sup>27</sup> Ya hay kiwos malaakacaa ba négíroh buwaa ya tan, enu ga bakcii cinikiiscii ga éldúnada, aboh ga dii kakayfii dalohda bi ga daa fa eemoh<sup>⊗</sup>.

*Jagaa tediktaa teewohda**(Mëccée 24: 32-35; Lúkkaa 21: 29-33)*

<sup>28</sup> - Malkat iñii een jégítúu ga iñaamada. Binaa toytaa kedikkaa ne' kine' bi, ee tuu'taa dal kitapisaa, dú ínoh an lah deeyin. <sup>29</sup> Fodaama ban, binaa dú hot iñcaama ca laakaa, ínohat an Kowukii bii deeyin, ya le'in halii. <sup>30</sup> Mi wo"úuka ee kayoh; bi buwii wati kaanu béeßbanaa, iñcaama tóoh hay kilaak. <sup>31</sup> Asamaanii na kakayfii hay kifaay wayee wo'eenndoo faayoo muk.

*Paamudii doj ínoh besaa éldúna leehanda**(Mëccée 24: 36-44)*

<sup>32</sup> - En loo iñaa aaw ga besaa wala wahtaa iñaama laakohanda, ken ínohoowa. Enndii malaakacaa ga asamaanda, ee enndii sah Kowukii. Paamudii doj ínohwa. <sup>33</sup> Watukat, kaa neehat ndaga dú ínohoo wahtaa Kowukii bii yah kihayda. <sup>34</sup> Iñaama madan na fodii bo' yaa en na kiyah kibaab: Ya mey kaanci, ya tíkfa ga yah súrgacaagari. Ya e' yaa en béeß iñaa ya jom kilégéyda. Ya nak baa yah kituuk ga hal-kaadaada kineeh kiwatuk. <sup>35</sup> Kon kaa neehat ndaga dú ínohoo ati ha'-kaanfi hayan kera. Ati yah lak Kooh hoowin, ati ga leeloo wek, ati lak siikaa kodin, ati ga kím. <sup>36</sup> Binaa ya en jalañ ga fíkíirúunaa, ya hanattúu kibet lak dú bii neeh. <sup>37</sup> Iñii mi wo"úu yii, mi wo'ka baa en béeß, kaa neehat!

\* **13:14** 13: 14 Malkat Dañeel 9: 27; 11: 31; 12: 11. \* **13:18** 13: 18 Ñiin wiméeski' ñiidaama newoo kipesoh ee Yéesu wo'wa "ñiin soosoos". Malkat Mëccée 24: 21. <sup>⊗</sup> **13:19** 13: 19 Médírohat na Dañeel 12: 1. <sup>⊗</sup> **13:25** 13: 25 Médírohat na 13: 24-25; Ísayíi 13: 10; 34: 4; Esekíyeel 32: 7; Soweel 2: 10; 3: 4. <sup>⊗</sup> **13:26** 13: 26 Dañeel 7: 13. <sup>⊗</sup> **13:27** 13: 27 Médírohat na Dëteronom 30: 4; Sakarí 2: 10; Nehemíi 1: 9.

## 14

*Sarahohcaa biyaakbaa na jégíroh-waascaan baa pokoh Yéesu nof  
(Mëccëe 26: 1-5; Lúkkaa 22: 1-2; Saj 11: 45-53)*

<sup>1</sup> Bes kanak tesee ga, balaa feetaa Paak\* le' na feetaa buwaa ñami mbúurúcaa laakoo lëwíi'da†. Sarahohcaa biyaakbaa na jégíroh-waascaan baa heel daa ba tuman bi ba am Yéesu ndaq ee ken yéegoo, ba aplukki; <sup>2</sup> ndaga ba wo'ee an:

- Du hanatka kitum ga besaa feetaa, enndiikanaa hay kihaydoh coow wiyaak ga duuy buwii.

*Laakka betifaa íif la'koleñ ga hafaa Yéesu  
(Mëccëe 26: 6-13; Saj 12: 1-8; Lúkkaa 7: 36-50)*

<sup>3</sup> Daa Yéesu enee ga Bétaníi, ga kaan Simoñ yaa gaana'eeda, laakka betifaa aas gaba, lak baa ñam. Betifaa bayee kujúlúñkaa hëwrohu na atohaa wo'u albataa'. Kujúlúñkaa tum la'koleñ wiséerí', waa koocussii ee hëwrohu na kedikkaa wo'u naa'. Daa ya pookee kúuwkaa kujúlúñkaa, ya aammiba la'koleñaa ga hafaa Yéesu. <sup>4</sup> Ga buwaa en daamada, laakka buwaa ayluk ga iñama, ba baa wo' ga díkaantiba an:

- Laak ya jeriñ kiyasoh la'koleñii wii foduma? <sup>5</sup> Bo' míneerawa kitoon iñaa wëñ denariyon‡ citéemée'-kaahay, ee kopa'caama eru nduulcii!

Ba baa coow ga dook betifaa. <sup>6</sup> Wayee Yéesu wo'a an:

- Ísatti yas. Dú sodalohhi ya? Iñii ya tumi'tooda jekin. <sup>7</sup> Ndaga nduulcii, dú bii naba besaa en béeb\*, ee dú mínda kitumi' iñaa jekin wahtaa dú waa'ka béeb, wayee mi yahhii narúu ki'en dii besaa en béeb. <sup>8</sup> Betifi tumin iñaa ya mínda: Ya dëwírukkin kileef la'koleñ ga faanfiigoo, en waayukaa loyaagoo§. <sup>9</sup> Mi wo"úuka ee kayoh; ga daa Hewhewii winéwí'wii wii míñ kiyéegalohu béeb, ga èldúna, iñii betifi yii tumda hay kibéestíru ee buwaa hayyika kiníindísukoh.

*Yúdaa tookka kitoon Yéesu  
(Mëccëe 26: 14-16; Lúkkaa 22: 3-6)*

<sup>10</sup> Waa ennda da, yíino ga bidaankaah na banakbaa, Yúdaa Iskariyot, ka'ta ga sarahohcaa biyaakbaa kiwo'ba kitoon Yéesu. <sup>11</sup> Daa ba kelohee iñaa ya wo'da, keeñcaagaba soossa ga, bi ba díñngari hëelís. Yúdaa yaa heel besaa ya jekelukan bi ya míñ kitík Yéesu ga yahba.

*Yéesu ñammba feetaa Paak na télíbécéec  
(Mëccëe 26: 17-25; Lúkkaa 22: 7-14,21-23; Saj 13: 1-30)*

<sup>12</sup> Ga besaa dëb ga feetaa ñamsi mbúurúcaa laakoo lëwíi'da ee bërii tubaaltaa hoossi fodii sarah Paakfa, télíbécéec Yéesu meekisohussari an:

- Fu waa' gada dí ka'taa kiwaayuki' ñamahii Paak?

<sup>13</sup> Yéesu bayya bo' banak ga télíbécéecaagari, wossaba an:

- Karat teeraa, dú hay kihidoh na baa koorukin kujataa mûsú, laa taabukatti, <sup>14</sup> ee daa ya yah ki'aasohda, wo'at ha'-kaanfaa an: «\*Ha'mudii meekisoh an: Túuyii mi yah kiñamoh Paakfa wada, mi na télíbécéeciigoo?» <sup>15</sup> Ee ya hayyúu kiteeb túuy

\* **14:1** 14: 1 Wérí en besaa yaawúu'caa laaku haffbadha. Mandarga besaa malaakaa Kooh ðaawee Kúlkaa Esípti ki'ap saawaa límuunun ga dëkaamada tóoh. Ya këldükka kaancaa yaawúu'caa, lak Kooh nakinba ki'ap kubaal, ba leef ñífaa ga dook hëltúuyaan en béeb. Daa laakin ñif béeb, buwaama mûcussa ga kikaankaa. Malkat Eksoot 12.

† **14:1** 14: 1 Malkat Eksoot 12: 1-27. Feetaama tumi bes ciyitnakanaa ee enee wuu línohcaa. Binaa le' kipíikaa, ba tum feetaa wée'taa ga an wii ba ñaman mbúuraa tumsoo lëwíi'. Ka'ta bi feetaama na Paak atukohussa ga bes wíinoo. ‡ **14:5** 14: 5 Denariyon malkat 6: 37 na iñaa bëestíru ga kakayfa. § **14:7** 14: 7 Mëdïrohat na Dëteronom 15: 11. § **14:8** 14: 8 Waama yaawúu'caa baahkohseera kileef faraafcaa na enaama ci'eeñlaat doo ca míñ kimaañ ga daa ca acuda ee ca yasukohoo.

wiyaak waa hanoh dook, waa hëwruunun bi tóoh jekin. Dú waayukan ñamahcaa du ñamanda ga dekataama.

<sup>16</sup> Tëelibéecaa karussa, le'ussa teeraa, ba laakka tóoh fodaa daa Yéesu wo'eebakada. Ba hëwí'ta ñamahaa Paak.

<sup>17</sup> Ga noh-soosaa, Yéesu le''a na bidaanjkaah na banakbaa. <sup>18</sup> Daa ba yugee daama baa ñamfa, Yéesu wo''a an:

- Mi wo''úuka ee kayoh; yiinoo garúu ee yii ñam naroo, hayyoo kitoon<sup>◊</sup>.

<sup>19</sup> Tëelibéecaa, keeñba leehha ga iñaama ee ba baa meekissi yiinoo yiinoo an:

- Mi yéríne?

<sup>20</sup> Yéesu taassaba an:

- Yiinoo garúu dú bidaanjkaah na banakbii, ee bok naroo ki'ek yah ga kankiifa, yérí ya. <sup>21</sup> En ki'enaa, Kowukii bii, kii ga waas kikaan fodaa daa Këyítfaa wo'ka garifa<sup>◊</sup>, wayee massa baa yaama yah kitoon Kowukii biifa! Baama límséeriinaa, iñaama gënee gari!

### *Cuuníinfaa fisela'ífaa Yéesu ñam na apotaa'caagarida*

(Mëccée 26: 26-30; Lúkkaa 22: 15-20; 1 Korenti 11: 23-25; 1 Korenti 10: 16-17)

<sup>22</sup> Lakanaa baa ñam, Yéesu bëbpa mbúurú, ya gérëmmba Kooh, lëehí'ta ya weellawa, ya e'tawa tëelibéecaa, wo''aba an:

- Uunat, faanfiigoo féri fa.

<sup>23</sup> Lëehí'ta ya bëbpa kaas-biiñ, ya gérëmmba Kooh, lëehí'ta ya e'tabawa, bëebba annda ga. <sup>24</sup> Ya wo''aba an:

- Ñífigoo wëri wa, ñífi pok kifiliimuukiigarúu na Kooh<sup>◊</sup>, ee wa aamsu bo' biywinda. <sup>25</sup> Mi wo''úuka ee kayoh; mi yahissii mûk ki'anis anahaa meyoh ga kedik-reseñ bi ga besaa mi anan biiñaa wi'aswaa ga Nguuraa Kooh. <sup>26</sup> Waa ennda da, ba yekka yek-Kañcaa\*, lëehí'ta ba ka'ta tégälalaa Ólívíyéecaa.

### *Yéesu yéegalohha an Pee' hayyi kitaasuk*

(Mëccée 26: 31-35; Lúkkaa 22: 31-34; San 13: 36-38)

<sup>27</sup> Yéesu wo''a tëelibéecaagari an:

- Béebpúu, dû hay kinúp dû foñnjoo, ndaga bíduunun ga Këyítfaa an: «Mi hay ki'ap níirohaa, ee baalcaa tasarsukohu.»<sup>◊</sup>

<sup>28</sup> Yéesu tikka ga an:

- Wayee binaa mi mílsaa, mi hayyúu kidëwíruk Gélilée.

<sup>29</sup> Pee' wo''ari an:

- Luu enee an buwii tesda tóoh hay kinúpu, foñussaa, mi, mi nûpoo mi foñnjaa.

<sup>30</sup> Yéesu taassari an:

- Fu, mi wo''aaka ee kayoh, ga wekii wati doñ sah, bi siik pabu kon bes kanakaa, fu hayyoo kitaasuk waas kaahay.

<sup>31</sup> Wayee Pee' bewissa didoolí' an:

- Mi taasukooraan mûk, luu enee an mi joman kikaan naraa.

Ee tëelibéecaa bëebba baa wo' fodaama.

### *Yéesu kíimmba Paamci ga Getsemanee*

(Mëccée 26: 36-46; Lúkkaa 22: 40-46)

<sup>32</sup> Lëehí'ta Yéesu na tëelibéecaa karussa dekataa wo'u Getsemanet<sup>†</sup>, ee ya wo''a tëelibéecaagari an:

- Yugat dii, mi ka' kikíim Kooh.

<sup>◊</sup> **14:18** 14: 18 Mëdïrohat na Kañcaa 41: 10. <sup>◊</sup> **14:21** 14: 21 Malkat Kañcaa 22: 2-19; Ísayíi 53. <sup>◊</sup> **14:24** 14: 24 Mëdïrohat na Eksoot 24: 8; Yérémíi 31: 31-34. \* **14:26** 14: 26 Kañcaa 115-118 céri yeksee binaa cuuniíinfaa tumsi ga Paakfa leeh kiñamunaa. <sup>◊</sup> **14:27** 14: 27 Sakarí 13: 7. <sup>†</sup> **14:32** 14: 32 Malkat Mëccée 26: 36 na iñaam bëestíru ga kakayfa.

**33** Ya bayya Pee', Saak na Saj, ba taam nari. Faanfaagari faa dal kinúp, ya yëecírukka, **34** ya wo"aba an:

- Keeñnjoo leehin bi mi yii kaanan. Tesat dii ee kaa neehat.

**35** Ya ka'ta bi ga þak fíkíi, ya le'"a kakay, yaa kíim an wahtaama úsaayyi, enee an mínkinaa. **36** Ya wo'ee an:

- Abaa<sup>‡</sup> Buba, iñaa en béeþ míkin garaa, úsaaydaa kaas-coonii wii garoo! Wayee hanat ki'en iñaa mi waa' wayee iñaa fu waa'da laakat.

**37** Ya sooffa ga téeleibéecaa, ya laakkaba baa neeh, ya wo"a Pee' an:

- Simon, fu yii neehe? Fu mínnndii kiwíisoh luu enee sah wahtu wíinoone? **38** Kaa neehat ee kiimat Kooh doonaa dú keenoo ga fíraa Seytaani. Bo' daal keeñaa waarin wayee faanfaa tookkii.

**39** Ya úsaaysissaba daa karam, yaa kíim na wo'eencaa caca. **40** Ya soofissa gaba, ya laakkaba baa neeh ndaga lak hascaagaba abin péní. Ee ba ínohéeríi iñaa ba wo'anndi.

**41** Ga waa ya soofis ga waasaa wukaahaywaada, ya wo"aba an:

- Dú bii lís kineeh na ki'íikaruke? Dooyin! Wahtii le'in. Malkat, Kowukii bii kii yah kitíku ga yah buwii waa'tii Koohda. **42** Kolkat, dú yee! Malkat, yii yahhoo kitoonda, yii deey.

### *Yéesu abussa*

(Méccée 26: 47-56; Lúkkaa 22: 47-53; Saj 18: 3-12)

**43** Ga saasi, lak Yéesu yaa lís kiwo', Yúdaa Iskariyot, yaa bok ga bidaankaah na þanakbaada le'"a. Laakka buwaa taabu nari, bayunun kalab na doo'. Sarahohcaa biyaakbaa, jégíroh-waasca na yaakcaa yaawúu'caa bérí woseeba. **44** Yii on Yéesu bínjfa eree buwaa lëdí' mandarga an: «Baa mi yah kifuunda, yérí ya. Abatti, dú bayyi ee dú watukki bi jof.» **45** Daa Yúdaa le' hen, ya deeyca ga Yéesu, wo"a an:

- Jégírohii!

Lëehí'ta ya fuunnda Yéesu. **46** Fodaama, buwaa bíinoo tíkussa yah ga Yéesu, abussari. **47** Bo' ga buwaa enee daamada dolla kalabfaagari, típpafa súrgaa ha'-kaadaa sarahohcaa, gú'ta nofaa.<sup>☆</sup> **48** Yéesu wo"aba an:

- Mateera ga dú hayyoo ki'am, dú taam na kalabci na doo'cii, man na buwaa dawuk tumoh-kofeele? **49** Mi enee ga díuuycúu besaa en béeþ, mi jégírohee ga díuuuy Kaanfaa Kooh, ee dú mossiiroo ki'am. Wayee iñii yii laak, doonaa iñaa Kéyítfaa wo'eeda mat.

**50** Waa ennda ða, téeleibéecaa béeþba foñussari baa núp<sup>☆</sup>.

**51** Laakka oomaa-fiilaa taabukki, bayee úuf rek ga faanci. Buwaa baa heelli ki'am, **52** ya foñja úufaa naba, ya yaa saan faan buucuuc.

### *Yéesu bayussa paanaa wiyaakwaa*

(Méccée 26: 57-68; Lúkkaa 22: 54-55,63-71; Saj 18: 13-14,19-24)

**53** Buwaa bayya Yéesu ga ha'-kaadaa sarahohcaa, ga daa sarahohcaa biyaakbaa, ha'-kaancaa na jégíroh-waasca hídhiseeda. **54** Pee' yaa taabukki di'úsaayi' bi ga díuuuy hëtaa kaanfaa ha'-kaadaa sarahohcaa. Daama, ya yuñnga na súrgacaa, yaa yoonuk.

**55** Sarahohcaa biyaakbaa na buwaa bok ga paanaa yaawúu'caa wiyaakwaada tóoh baa heel wo'eenaa ba pokðuseerari wo'een, wayee iñcaa ba wo'eeda taabéeríi<sup>☆</sup>. **57** Laakka buwaa koluk kipoki'ti iñii wii:

<sup>‡</sup> **14:36** 14: 36 Abaa Buba Wo'een ki'Arameyeekaa «Abaa» hotuk ga bíncaa múus, ee wérí en teekaa kowu bayohi paamcida. <sup>☆</sup> **14:47** 14: 47 Mëdírohat na Saj 18: 26. <sup>☆</sup> **14:50** 14: 50 Mëdírohat na 14: 27. <sup>☆</sup> **14:56** 14: 56 Mëdírohat na Kañcaa 27: 12; 35: 11.

58 - Dí kelohin yaa wo' an: «Mi hay kipook Kaanfii Kooh, fii hëwrohu na yah bo'da, ee mi tawah filiis ga bes kaahay, faa hëwrohsanndii na yah bo'.»<sup>⊗</sup>

59 Wayee ga iñaama sah wo'eencaagaba taabéeríi.

60 Waa ennda dsa, ha'-kaadaa sarahohcaa kolukka ga fíkíi béeb, meekissa Yéesu an:

- Fu taasoo dara ga iñii buwii bii yammaadane?

61 Wayee Yéesu taassii, dekohha cel. Ha'-kaadaa sarahohcaa meekisissari an:

- Fu yérí en Kiristaaniine, Kowukii Kooh yii laak ndamdan?

62 Yéesu taassa an:

- Ee, mi yérí ya, ee dú hay kihot Kowukii bii yun, hanoh yah-ñaabaa Kooh yii wëñ béeb doolidfa, ee dú hayyi kihot ya taam na yaayeelcii asamaan ya yoosuki\$.

63 Daama, ha'-kaadaa sarahohcaa da'ta kúltifaagari ndaga ki'ayluk, ya wo''a an:

- Du laakis ya sooli ga wo'een seedi? <sup>64</sup> Béebpúu dú keloh ga, basin Kooh. Dú ínoh ya ga?

Buwaa béeb tikuussa Yéesu saboh ee ba wo''a an ya jomin ki'apu.<sup>⊗</sup>

65 Laakka buwaa dalu kitoos ga dook Yéesu, ba kúnnda fíkiifaanaa, ba dúukiri ee ba wo'iri an:

- Líiruka, wo'aa bii feekkaada?

Ee súrgacaa abussari, baa mútisohhi na pa'caa.<sup>⊗</sup>

### *Pee' taasukka Yéesu*

(Mëccée 26: 69-75; Lúkkaa 22: 56-62; Saj 18: 15-18,25-27)

66 Daa Pee' enee ga hëtaa ga kakayfa, laakka mbíndaanaa hay, bok ga buwaa lëgëyi' ha'-kaadaa sarahohcaada. <sup>67</sup> Ya hotta Pee' yaa yoonuk, ya malakkari, wo''a an:

- Fu ban, fu enee na Yéesu Nasareet .

68 Wayee Pee' taasukka an:

- Fu wo' ya? Mi ínohoo iñii fu waa' kiwo'da.

Lëehí'ta ya kolukka, meyohha hëtaa, yaa aaw bak halaa. Siik-pabu konnda.\*

69 Wayee mbíndaanaa hottari, dalissa kiwo' buwaa enee daamada an:

- Bii yii bok gaba!

70 Pee' taasukissa. Ga fíkíi jutuut, buwaa enee daamada wo'sissa Pee' an:

- Fu jom kibok gaba, ndaga fu ban, fu kúlkoh Gélilée.

71 Daama Pee' yaa en ga kicojuk na kiwaat an:

- Mi ínohoo baa dú wo''oo yaama.

72 Ga dekataama, siik-pabu konnda kodaa wukanakwaa.

Pee' níindísukka iñaa Yéesu wo'eerida, an: «Balaa siik pabu kon bes kanakaa, fu hayyoo kitaasuk waas kaahay.» Pee' ennda ga kikoduk†.

## 15

### *Yéesu bayussa ga fíkíi Pílaat*

(Mëccée 27: 1-2,11-14; Lúkkaa 23: 1-5; Saj 18: 28-38)

1 Ga kímaa cuut, sarahohcaa biyaakbaa, yaakcaa yaawúu'caa, jégíroh-waascaan na buwaa tes boku ga paanaa yaawúu'caa wiyaakwaada, hídochussa kituuki' yen ga iñaa aaw ga Yéesu. Ba poklukkari, ba bayyari, tikuussari ga yah Pílaat. <sup>2</sup> Pílaat meekissa Yéesu an:

- Fu Yérí en buurii yaawúu'ciine?

Yéesu taassari an:

⊗ 14:58 14: 58 Malkat Saj 2: 19. § 14:62 14: 62 Malkat iñaa béstíru ga Mëccée 26: 64. ⊗ 14:64 14:

64 Malkat Léwítik 24: 16. ⊗ 14:65 14: 65 Mëdírohat na Ísayíi 50: 6. \* 14:68 14: 68 Laakin ga këyítcaa

cidewaacaa caa laakoo «Siik-pabaa konnda». † 14:72 14: 72 Malkat 14: 30. Laakin buwaa bínn an «Ya foolaa, meyca, yaa koduk» wala «ya halaat ga iñaama hen, yaa koduk» wala ban «ya kúnnda hafaa, ya yaa koduk.»

- Fu yii wo'ka.

<sup>3</sup> Sarahohcaa biyaakbaa yabussa Yéesu ga enaama ciyewin. <sup>4</sup> Pílaat meekisissa Yéesu an:

- Fu taasoone? Man fu keloh ga iñcii ba yammaada!

<sup>5</sup> Wayee Yéesu taasissii, iñaama jaahalla Pílaat.

### *Yéesu tíkussa kikaan*

(Méccée 27: 15-26; Lúkkaa 23: 13-25; Saj 18: 39-19: 16)

<sup>6</sup> Ga feet Paakaa en béeb, Pílaat méyí'ba bo' yíinoo ga buwaa abu ga kasuda, yaa mbooloomaa waa'da. <sup>7</sup> Waama, lak laakin baa en ga kasu, teeku Barabaas, ya na buwaa taabee narida. Ba apee bo' ga heñaagaba na nguuraa Roomda. <sup>8</sup> Mbooloomaa lappa bi ga kaan Pílaat, ba meekissari ya tumi'ba iñaa ya meereeba kitumi'da.

<sup>9</sup> Pílaat meekissaba an:

- Dú waa' mi méyí'tuu buurum yaawúu'ciine?

<sup>10</sup> Ya wo'ee iñaama ndaga ya ínoheera an kisootukoh Yéesu tahee bi sarahohcaa biyaakbaa tíkussari ga yahci. <sup>11</sup> Wayee sarahohcaa biyaakbaa baa obis buwaa ba wo' Pílaat ya nami'ba kiméyí' Barabaas. <sup>12</sup> Pílaat befsissa daa karam an:

- Kon mi tuman na, na bii dú teek buurii yaawúu'ciida?

<sup>13</sup> Ba baa fiipis an:

- Daayaari ga kuraa!

<sup>14</sup> Pílaat meekissaba an:

- Iñii yibóni'yii ya tumda ya?

Wayee ba baa wëñ kifiip didóolí' an:

- Daayaari ga kuraa!

<sup>15</sup> Pílaat waaree kisósí' keeñcaa buwaa, ya méyí'taba Barabaas; lëehí'ta ya feeklukka Yéesu na karawaas, ya erohhari kidaaysunee ga kuraa.

### *Soldaa'caa baa ñaawalsoh Yéesu*

(Méccée 27: 27-31; Saj 19: 2-3)

<sup>16</sup> Soldaa'caa bayussa Yéesu ga duuy kaanfaa ha'-kúlkaa (wëri en ga Peretuwaaraa\*), ba négírohha soldaa'caa foda gabada béebba. <sup>17</sup> Ba ekka Yéesu kúltí fiyo'oh† cor, ee ba tíki'tari ga hafaa iñaa fodii baanu-buu', terohu na lúp, wíllawa.

<sup>18</sup> Lëehí'ta ba baa këñí'ti an:

- Pesa, buurii yaawúu'cii!

<sup>19</sup> Ee ba feekiri ga haf na doo', ba toosi ga dookci, ee ba yí'i ga fíkiici fodii baa ba e' cée'. <sup>20</sup> Waa ba lëehí'tari kiñaawalsoh fodaama, ba nísí'tari kúltífaa fiyo'ohfaa, ba ekissari kúltícaagari. Lëehí'ta ba bayyari fooh, kidaayneeri ga kuraa.

### *Yéesu daayussa ga kuraanaa*

(Méccée 27: 32-44; Lúkkaa 23: 26-43; Saj 19: 17-27; Galaat 3: 13)

<sup>21</sup> Soldaa'caa gítinussa baa wo'u Simon ee dék Síreen, paam bi'Elíksaan na Rufus\*, kiníkuk kuraanaa Yéesu. Lak ya en na kipaaf, ya meyoh yooncaa. <sup>22</sup> Ba bayya Yéesu bi ga dekataa wo'u Golgota, wëri en «Loon-haf». <sup>23</sup> Ba e'tari biiñaa atukohu na mëkin kedikkaa wo'u míi'da‡, wayee ya sanjnga. <sup>24</sup> Ba daaycari ga kuraanaa, ba warohha kúltícaagari, ba yípee tukiisii ki'ínoh iñaa baa en béeb laakanda.† <sup>25</sup> Enee ga wahtu yoo'-yoo' ga waa ba daayci ga kuraanaadsa. <sup>26</sup> Iñaa bínsee ga dook kuraanaa

\* <sup>15:16</sup> 15: 16 Peretuwa' wëri en ga daa gúwernée' wala buwaa kuliuk soldaa'caa dëkfa. En ga Roomaa, peretuwa' jomin ki'en kaanfaa buuraa fiyaakfaa. Malkat Méccée 27: 27; Saj 18: 28; Tumeen 23: 35. † <sup>15:17</sup> 15: 17 Kúltífaa fiyo'ohfaama hëwrohu na píis wiléekí'-dooli, ee buu'caa na buwaa fiyaakbaa fëri laakfa ki'ekuk.

‡ <sup>15:21</sup> 15: 21 Médírohat na Room 16: 13. ‡ <sup>15:23</sup> 15: 23 Anahaagari lëeldin bo'. Ba ereewa Yéesu, an en danaa ya yéegoo mesiklaatcaa. \* <sup>15:24</sup> 15: 24 Malkat Kañcaa 22: 19.

ee béstí' iñaa tahhi ki'apuda enee: «Buurii yaawúu'cii». <sup>27</sup> Ba daayca ga kuraa fodaagari tumoh-kofeel banak, yii ga yahci ñaam, yíinoo ga yahci sej. [ <sup>28</sup> ]§

<sup>29</sup> Buwaa kooree daama baa paafda, baa kékít haf, baa bassi an:

- Aca! Fu yii fu wo' an fu yah kipook Kaanfaa Kooh ee fu tawahisfa ga bes kaahayda<sup>\*</sup>, <sup>30</sup> somaa haffu, fu yoosuk ga kuraanii!

<sup>31</sup> Sarahohcaa fiyaakbaa ban na jégíroh-waasca, ga d'uuuyba, baa ñaawalsoh Yéesu an:

- Ya músalin buwii bínnoo ee ya mínoo hafci kimúsal! <sup>32</sup> Ya Kiristaanii, buurii bu-Isarayeel, ya yoosukat kimma ga kuraanii ati dí míñ kihot ee dí gém!

Buwaa daaysee ga kuraa fodaa Yéesuda, baa bassi ban.

### *Kaanaa Yéesu*

(Mëccée 27: 45-56; Lúkkaa 23: 44-49; Saj 19: 28-37)

<sup>33</sup> Ga wahtaa nohaa tuuk ga dookda, bi ga wahtu kigoonaluk, Kooh ñúussa kérúus ga kúlkaa tóoh. <sup>34</sup> Ee ga wahtu kigoonaluk, Yéesu lessa koonaa didóolí' an:

- Élójí, Élójí, lema sabaktani? (Wérí en: «Koohyiigoo, Koohyiigoo, iñii tah ya fu foñnjoo?»\*)

<sup>35</sup> Ga buwaa enee daamada, laakka buwaa, daa ba keloheeri ba dalla kiwo' an:

- Súkúruk, yii bay Ili!

<sup>36</sup> Yíinoo gaba foolla, beþpa epoos, ñoonndawa ga biniiga', ya pokkawa ga siñdaa doo', lëehí'ta ya noonndawa Yéesu ya d'uuuya<sup>†</sup>, ee yaa wo' an:

- Íisat rek du malak ati Ili hayyi kihay kiyósí' ati na!

<sup>37</sup> Wayee Yéesu lessa koonaa kiyaak, lëehdfukka.

<sup>38</sup> Rídónaa wiyaakwaa<sup>‡</sup> poksee ga duuy Kaanfaa Kooh, kún dekataa wëñ kisela'da dalla kida' kom kanak, aboh ga dook bi ga kakay.

<sup>39</sup> Soldaaraa yiyaakyaa kuliyuki bo' bitéemée' ga heñda ee tuukee ga fíkíi Yéesuda, daa ya hotee ga kaanaa Yéesu waama, wo'"a an:

- Kayoh-kayohda, bii yii enee Kowu Kooh!

<sup>40</sup> Laakeera ban beticaa ensee di'usaayí', baa malak ga. Mérí-Malleen bokee gaþa, na Salomee na Mérí eew biSaak yijutuut na Yosee. <sup>41</sup> Beticaama bérí taamsee na Yéesu ee baa topetu'ussi ga waa ya en ga Gélíleedä. Laakeera daama ban beti biyewin biliis baa taamsee nari Yéerúsaleem.

### *Yéesu bayussa loycaa*

(Mëccée 27: 57-61; Lúkkaa 23: 50-56; Saj 19: 38-42)

<sup>42</sup> Ga besaa waayukaa feetaa, ennda goonataa besaa Sabat, lak Kooh yaa hooþ,

<sup>43</sup> Yoseef ee dëk teeraa Arímateet<sup>†</sup>, hayya. Iñaa bo' yiyaak ga buwaa bok ga paanaa yaawúu'caa wiyaakwaada. Ee ya ban ya sekee Nguuraa Kooh. Ya laakka fít kika' ga Pílaat kimeekisohhi faraaffaa Yéesu. <sup>44</sup> Kiteel kikaankaa Yéesu betta Pílaat. Ya baylukka kon soldaaraa yiyaakyaa kuliyuki bo' bitéemée' ga heñda, kimeekissi ati Yéesu maañin kikaan. <sup>45</sup> Daa soldaaraa taaseeri ga iñama, ya onnda Yoseef kibeb faraaffaa. <sup>46</sup> Yoseef lommba píis fodii mélíkaan, yóoski'ta Yéesu ga kuraanaa, müullari ga píisaa, lëehí'ta faanneerari ga noñ-loyaa yotu ga atoh. Lëehí'ta ya pírgínnda atoh wiyaak, lañnga halaa loyaa. <sup>47</sup> Mérí-Malleen na Mérí eew biYoosee baa malak ga daa Yéesu ekohuda.

§ 15:28 15: 28 (Fodaama iñaa Kéyítfaa wo'eeda matta, an: «Ya kíduunun ga tumoh-kofeelcaa.») Wo'eencuma hotukkii ga kéyít ciyewin ga kéyítcaa ðeb kibíduda. Malkat Lúkkaa 22: 37; na Ísayíi 53: 12. \* 15:29 15: 29 Malkat Kañcaa 22: 8; Marka 14: 58; Saj 2: 19. \* 15:34 15: 34 Kañcaa 22: 2 ee wo'u ga ki'Arameyee. \* 15:36 15: 36 Mëdírohat na Kañcaa 69: 22. \* 15:38 15: 38 Malkat Eksoot 26: 31-33. † 15:43 15: 43 Arímatee dekataa hanoh Yéerúsaleem ga iñaa aaw aasaa'-noh ee díkaantiba tumin kiloomeet 35. Malkat ñan Mëccée 27: 57.

## 16

### *Yéesu mília*

(Mëccëe 28: 1-8; Lúkkaa 24: 1-12; Sañ 20: 1-10; Kañcaa 16: 8-11; Tumeen 2: 23-32; 1 Korenti 15: 1-28)

<sup>1</sup> Ga waa besaa Sabat paaffa, Méri-Malleen, Salomee na Méri eew Saak lomussa la'koleñ ki'éeñí'nee faraaffaa Yéesu. <sup>2</sup> Cuut ga kímaa besaa dëb ga siminaada, lak nohaa waa mey, ba baa yah loycaa. <sup>3</sup> Ba baa wo' ga díkaantiba an:

- Ati bii yahhuu kipírgini' atohaa ga halaa loyaa, bi úsaayda ba?

<sup>4</sup> Wayee daa ba malak hen, ba hotta an atohaa enee wiyaakaa-yaak waama, pírgínuunun bi hanohin yahaa. <sup>5</sup> Ba aassa loyaa Yéesu. Ba hotta oomaa-filaa ekuk kúltí fihoo'ta ee fiyaanaaw der, yugin ga bakaa hanoh yah-ñaamda. Ba tíitta. <sup>6</sup> Wayee oomaa-filaa wo'"aba an:

- Kaa tíitat. Dú heel Yéesu Nasareet, baa daaysee ga kuraanaadfa. Mílísin! Ya gaa dii. Malkat, dekatii ya faanohseedä weema. <sup>7</sup> Wayee karat, dú wo'nee Pee' na télíbécää tesdä an ya dëwírukinnndúu Gélilée, dú hotnanndi daama, fodaa daa ya wo'eerúkada<sup>☆</sup>.

<sup>8</sup> Beticaa meyca loyaa, baa núp. Baa saak ndaga kitíit. Ee ba wo'"ii ken dara ndaga kiniik.

### *Yéesu teewukohha ga Méri-Malleen*

(Mëccëe 28: 9-10; Sañ 20: 11-18; Lúkkaa 24: 9-45)

[ <sup>9</sup> Waa Yéesu mília ga kímaa besaa dëb ga siminaada, ya dëbpa kiteewukoh ga Méri-Malleen yaa ya nísee gari rabcaa biytabanakbaada. <sup>10</sup> Méri-Malleen yaama ka'taka kibéesti' buwaa enee narida, ya laakkaba baa feekoh haf, ba baa looyoh. <sup>11</sup> Waa buwaama kelohu an Yéesu yaa pes ee Méri-Malleen hotinndida, ba gémmbiiri.

### *Yéesu teewukohha ga télíbécää banak*

(Lúkkaa 24: 13-35)

<sup>12</sup> Tíkissa ga, Yéesu teewukohha ga bo' banak ga télíbécää, na jëmma wiliis, lak ba meyin dëkaa baa yah. <sup>13</sup> Ba boyukka kiyéegalka télíbécää tesdä, wayee ba gémmbiiba ban.

### *Yéesu teewukohha ga télíbécää bidaanjkaahbaa na yíinooyaa*

(Mëccëe 28: 16-20; Lúkkaa 24: 36-49; Sañ 20: 19-23; Tumeen 1: 6-8)

<sup>14</sup> Yéesu méeñdohha kiteewukoh ga télíbécää bidaanjkaahbaa na yíinooyaa, lak ba en na kiñam. Yéesu ña'taba ga daa ba gémmbiida, na daa ba yégís ga keeñ bi ba tookkii kigém wo'eencaa buwaa hotti, lak ya mílísinda. <sup>15</sup> Léehí'ta ya wo'"aba an:

- Wíilat éldúna tóoh, dú jangatnee Hewhewii winéwí'wii ga buwii béeßba. <sup>16</sup> Baa gém garoo ee ya bétisi'unaa, hay kimúc, wayee baa gémmbiinaa hay ki'atti'u kikaan.

<sup>17</sup> Ee kíntaancii cii cérí taabukan buwii gémanda: ga teekkoo, ba hay kikaal rabcaa ga buwaa, ba hay kiwo' lak ci'as. <sup>18</sup> Luu ba abee gon ga yahcaagaba, ba an ndom, dara daloooba. Ba hay kitík yahcaagaba ga díukoolí'caa, ee baama hay kiwak.

### *Yéesu boyukka ga Kooh*

(Lúkkaa 24: 50-53; Tumeen 1: 9-11)

<sup>19</sup> Waa Yéesu, Ha'mudii, léehí'ta kiwo' naba fodaama, ya bëwírussa, aawwa asamaan, ee ya yugohneera Kooh ga yah-ñaabaagari<sup>☆</sup>. <sup>20</sup> Télíbécää karussa daa en béeß kijangatnee Hewhewaa winéwí'waa. Ha'mudii yaa lëgëy naba ee teewohha na kíntaancaa taam gada, an wo'eenaa Kooh kayoh. Aameen.]

---

<sup>☆</sup> **16:7** 16: 7 Malkat 14: 28.    <sup>☆</sup> **16:15** 16: 15 Mëdirohat na Tumeen 1: 8.    <sup>☆</sup> **16:19** 16: 19 Mëdirohat na Tumeen 1: 9-11.

## Hewhewii winéwí'wii wo' ga loo Yéesu Kiristaa ee Lúkkaa bínda Wo'eencii lègís Kéyítfiida

Wii wérí en Hewhewii winéwí'wii Lúkkaa bínda. Lúkkaa bokéerí ga apotaa'caa Yéesu, wayee ya enee na buwaa taabee na Yéesuda, kimeekisba bi lee' daa kipeskaa Yéesu madeeda. Waa ennda d'a, ya bínnda kéyítfii fii, ya wosohhafa filiici Tewoofíil. Lúkkaa enee doktoo' ee ya taabin waas ciyewin na Pool yaa Yéesu tanukee ga waas Damaas tummbari apotaa'da. Ga béeß buwii bín ga loo Hewhewii winéwí'wiidfa, ya doñ yérí enndii yaawúu' ga. Ya yewinnda kibéestí' ga daa baahcaa yaawúu'caa manda, doonaa buwaa fodaa gari míni kí'ínoh dijóff' baa en Yéesuda.

Lúkkaa wo'ee an yaawúu'caa enee na kiseku buuraa yahba kimúsalda. Buuraama yérí en Músalkaataa seldíiga-Koohcaa yéegalohee ga Kéyítfaa fisela'í'faa an Kooh hayyi kiwos éldúnada. Kooh ínoheera an Músalkaataama laakkiinaa, béeß buwii hay kisanjku'. Iñaama tah ya wosohha Kowukaagari ya laakka ka doñda, kimúsal buwaa gémán gakada, heetoo heet. Yéesu Kiristaa yérí en Kowukaama.

Lúkkaa bídin ga kéyítfii daa kilímukkaa Yéesu eneeda, na iñaa Yéesu tum ga éldúnada, iñaa ya jégi' buwaadfa, iñaa aaw ga kikaankaa na kimílskaagari. Yéesu jégíree buwaa ee ya yéréméerí wo'eenci; ya yaa wéki' dúukoolí'caa, yaa kaal rabcaa ga buwaa, ya yaa tum enaama cidóoyí'-waa'.

Lúkkaa bídin ñan kéyít filiis, faa teeku "Tumeencaa apotaa'caa". Ya béestí' ga kéyítfaama iñaa dalee apotaa'caa aboh ga waa Yéesu bëwíru asamaanda, na daa kikerceen kooroh bi le''a daa en béeß ga éldúna.

### Kéyítfii Lúkkaa bínda mínin kimédirohu lool na iñaa Mëccée bínda, na Marka ñan, ee wa tíidoh anee:

- 1 - Iñii tah Lúkkaa kibín kéyítfiida (1: 1-4)
- 2 - Kilímukkaa Sanj-Bétis na kilímukkaa Yéesu (1: 5-2: 52)
- 3 - Jangataa Sanj-Bétis (3: 1-20)
- 4 - Sanj bétisi''a Yéesu, Seytaani fí'ta Yéesu (3: 21-4: 1-13)
- 5 - Yéesu tessa ga gohaa Gélilée (4: 14-9: 50)
- 6 - Yéesu meyohha Gélilée yaa yah Yéerúsaleem (9: 51-19: 27)
- 7 - Bescaa méeñjoh ga kipeskaa Yéesuda (19: 28-23: 56)
- 8 - Yéesu mílissa ga kikaankaa (24: 1-12)
- 9 - Yéesu feeñukka télíbéecaagari; Yéesu boyukka ga dook (24: 13-53)

#### *Iñii tah Lúkkaa kibínda*

<sup>1</sup> Fiili Tewoofíil,

Bo' ñiyewin daluunun kibín tóoh iñaa laakee dii ga dñuuycíida. <sup>2</sup> Ba béestí'ka fodaa daa buwaa maasohsee iñaama wo'seeka na kúuwíbada, ga waa iñaama dal, ee ña enee yéegaloohcaa wo'eenaa Kooh. <sup>3</sup> Kéri tah, Kiyaakii, mi ñan waa mi heella bi jof wée'wéeraa ga iñaa laakeeda tóoh, aboh ga dalaaraa, helloo ka'ta ga kibéestí'taaca ga bín wíinoo wíinoo. <sup>4</sup> Fodaama fu ínoh bi jof an iñii fu jégrudfa, kayoh fiyaak.

#### *Malaakaa yéegalohha kilímukkaa Sanj*

<sup>5</sup> Waama lak Eroot en buu' ga kúlkaa Yúudée. Laakka sarahohaa teeku Sakarí, bokee ga lagaa sarahohcaa ensee na Abíyaada. Betici teeksee Ilisabeet ee bokee ga giiraa Aaron. <sup>6</sup> Sakarí na betici Ilisabeet júbseera béeßba ga fikíi Kooh, ba taabuki

ga daa gënda Waas-Kooh na iñaa ya nakohda. <sup>7</sup> Wayee ba laakéeríi kowu ndaga Ilisabeet míneeríi kilaak, ee ba banak, ba ensee yaak.

<sup>8</sup> Laakka bes, Sakarí enee na kitum lëgëy-sarahohaagari ga fíkíi Kooh, lak buwaa ya bok nabada, bëri hëyrohee kitum bërii. <sup>9</sup> Ga baahaa sarahohcaa, ba daani kiyíp tudoo' ki'ínoh baa iñaama hídan garida. Iñaa hínnda ga Sakarí, ya jommba ki'aas dñuuy Kaanfaa Kooh ga dekataa wëñ kisela'da, kitékí' cúuraayaa. <sup>10</sup> Bibo' biyewin enussa ga fooh, baa kíim Kooh daama ga wahtaa cúuraayaa taaluda. <sup>11</sup> Waa ennda da, laakka malaakaa Kooh mey ga fíkíi Sakarí, tuukohha iñaa hanoh yah ñaabaa dekataa tékirohsí cúuraayda. <sup>12</sup> Daa Sakarí hoteeri hen, fítaagari tuukka tek, ya tíitta tir. <sup>13</sup> Wayee malaakaa wo'ari an:

- Kaa niik dara Sakarí, iñaa fu kíimda Kooh tookdfinndaari: Betifu Ilisabeet hayyaa kilaaki' kowu kiyaal, ee fu teekanka San. <sup>14</sup> Keeñfu hay kisoos gari lool, ee bo' biyewin hay kinebluku ga kilímukkaagari. <sup>15</sup> Ndaga ya hay ki'en bo' yiyaak ga fíkíi Ha'mudii. Ya yahhii anoh, enndii biiñ enndii anahaa laallukohi bo', ee aboh ga daa ya enan sah ga lookaa eecida, ya hay kiliif na doolaa Helaa yisela'i'yaa. <sup>16</sup> Ya hay kitah bi fu-Isarayeel biyewin gëmaatu ga Ha'mudii en Koohyiigabada. <sup>17</sup> Ya hay kitíin ga fíkíi Kooh, líif na hel na doolaa sëldíiga Ili bayeeda. Ya júwohí' paamuncaa na towutaa, ya haydoh keeñ sagoh-taycii ga halaat cijuwí'; fodaama ya waayuki' Ha'mudii buwaa sekanndida<sup>☆</sup>.

<sup>18</sup> Sakarí loffa malaakaa an:

- Mi ínohan iñaama na? Ndaga mi gu'gi, ee betiroo ban yakakin.

<sup>19</sup> Malaakaa taassari an:

- Mi yérí en Gëbíríyeel. Mi en ga fíkíi Kooh, kitum iñaa ya nakohda. Ya woseeroo kiwo"aa na kiyéegallaa Hewhewii winéwí'wii wii. <sup>20</sup> Diima fu hay kiliub, fu mínanndii kiwo' bi ga daa iñii mi wo'da laakan, ndaga fu gëmmbii wo'eeniigoo yah kilaakoh ga wahtaagawada.

<sup>21</sup> Waama, lak buwaa ensee na kikiim Kooh ga foohda baa sek Sakarí daama. Ba jaahli'a ga daa ya tes iñaa maañin ga dekataa wisela'i'waa ga dñuuy Kaanfaa Koohda. <sup>22</sup> Ga waa ya meyca, ya míndii naba kiwo' ee ba ínohha an ya hot yen ga dekataa wisela'i'waa. Ya tessa luub, ee ya wo'i naba na yahcaa.

<sup>23</sup> Waa bescaa Sakarí jomee kihëyroh ga Kaanfaa Koohda leehha, ya boyukka kaanci. <sup>24</sup> Bes cera tikkäga, betici Ilisabeet ennda na look. Ya ðaakukka ñiin ciyétúus ga kaanci. Ya wo'ee ga dñuuyci an: <sup>25</sup> «Iñii yii, Kooh tumi'toori: Ya malkinndoo bi ya nísinndoo ga iñaa enee kaciroo ga dñuuy buwiida.»

### Malaakaa yéegalohha kilímukkaa Yéesu

<sup>26</sup> Waa lookaa Ilisabeet laak ñiin ciyitniinooda, Kooh wossa malaaka Gëbíríyeel ga teeraa Nasareet, ga gohaa Gélilée. <sup>27</sup> Ya wossari ga oomaa-jowaa onohu kipañ ga oomaa-fiilaa teeku Yoseef, kucaasamun Dëwít. Oomaa-jowaa teeku Mariyaama. <sup>28</sup> Malaakaa aassa kaan Mariyaama, wo'ari an:

- Jam namohat naraa, fu yii Ha'mudii teeb kijofkiigarida! Ya yii naraa.

<sup>29</sup> Daa Mariyaama kelohee iñaa malaakaa wo' yaama, fítaagari tuukka tek. Ya yaa wo' ga helaagari an: «Këñdohuma waa' yee kiwo'e?» <sup>30</sup> Malaakaa wo'ari an:

- Mariyaama, kaa niik, fu newin Kooh. <sup>31</sup> Diima, fu hay ki'en na look, fu laak kowu kiyaal, fu teekka Yéesu. <sup>32</sup> Ya hay kiyak ga fíkíi buwii ee ya teeksan Kowukii yii ga dñookaa-dñookda. Ha'mudii en Koohda hayyi kitum buu' fodaamca Dëwít. <sup>33</sup> Ya yah buurii bu-kaan Yakoop bi taa' ee nguuraagari leehoo taa'.

<sup>34</sup> Mariyaama loffa malaakaa an:

- Iñaama mínan na ki'en? Mi ínohoo yaal.

<sup>35</sup> Malaakaa taassari an:

<sup>☆</sup> 1:17 1: 17 Malkat Malasíi 3: 23-24.

- Helii yisela'íyii hay kiyoosuk ga dlookfu ee doolaa meyoh ga Kooh yii ga dlookaa-dookfa úllaa fodii sëegúu. Kéri tah oomaanii yah kilímuda yah kibayu yisela'íyii, Kowukii Kooh. <sup>36</sup> Malka, mbokfu Ilisabeet, ya ban, yaa na look, kowu kiyaal, ga kiya'buci. Baa wo'see an mínoo kilaak kowudfa, yaa ga ñiin ciyitniinoo wati. <sup>37</sup> Ndaga dara wooñnjii Kooh.

<sup>38</sup> Mariyaama wo''a an:

- Mi en ñaamii Ha'mudii. Iñii fu wo' garoodfa, laakohat da.  
Malaaka tagohha nari, yaa yah.

### *Mariyaama ka'ta kibaab Ilisabeet*

<sup>39</sup> Ga wahtaama, Mariyaama bewukka, yaa gaaw kiyah ga bak gohaa Yúudée wiýéwní' janjanjwaa, ga teeru wíinoo daama. <sup>40</sup> Ya aassa kaan Sakarí, ya këñi'ta Ilisabeet. <sup>41</sup> Kowukaa ga lookaa Ilisabeetfa yëngélukka ga d'uuyci ga wahtaa Ilisabeet keloh këñdohaa Mariyaama. Ilisabeet líiffa na Helaa yisela'íyaa. <sup>42</sup> Ee ya yaa wo' didóoli' an:

- Kooh wëñjaa kibarkeel ga beticii béeßba ee ya barkeelin kowukii fu yah kilaakfa! <sup>43</sup> Mi yérí en ba, bi eew Ha'mudiigoo, hay kaanndoo? <sup>44</sup> Ndaga malka, daa mi kelohee këñdohigaraa hen rek, kowukii dalla kiyëngéluk ga lookiigoo ndaga kisafa'. <sup>45</sup> Fu yewinin múu', fu yii fu gëmin an iñaa yéegalohu ga teekaa Ha'mudiida, hay da kilaakoh.

### *Mariyaama yekka Kooh*

<sup>46</sup> Mariyaama dalla kiwo' an:

- Fítigoo béeßwa wii kañ kiyakkii Ha'mudii,  
<sup>47</sup> ee keeñnjoo soosin ga Kooh, Músalkaatiigoo.

<sup>48</sup> Ndaga ya malkinndoo, mi ñaamiigari ee mi enndii darada.  
Aboh ga diima, buwii wati na baa hayanda, bi taa' wo'san garoo baa yewinin múu'.

<sup>49</sup> Ndaga Kooh yii laak doolidfa tumdinndoo enaama yiyaak. Teekiigari sela'in.

<sup>50</sup> Ee ya hay kiyérém buwaa niukussi fodii Koohda, bi taa'.

<sup>51</sup> Ya tumin enaama ciyaak na dooli yahci: ya aañin buwaa tíku haffa ga dlookfa.

<sup>52</sup> Ya kaalin buu'caa ga nguuraa ba enohda, ee ya bëwí'ta buwaa enussii darada.

<sup>53</sup> Ya erin buwaa yaabcfä enaama cinéwí' bi dooyin, ee ya boykidohin ha'-alalcaa yah buucuuc.

<sup>54-55</sup> Ya hayin ki'amdoch bu-Isarayeel, súrgaciigari:  
ya allii mûk kiteewoh yérmaandaagari ga Abaraham na buwaa meyoh garifa bi taa'a fodaa daa ya dígeeka caasamuncaagaruuda.

<sup>56</sup> Mariyaama tessa na Ilisabeet iñaa le'in ñiin kaahay, lëehí'ta ya boyukka kaanci.

### *Kilímukkaa Sañ-Bëtís*

<sup>57</sup> Wahtaa Ilisabeet jomee kilaakoh kowudfa le''a, ya laakka kowu kiyaal. <sup>58</sup> Buwaa dëk narida na mbokcaagari yéegussa an Ha'mudii, teewinndi yérmaandi wiyaak, ee béeßba baa nebluk ga iñaama nari. <sup>59</sup> Waa ku'oomaakaa límukka bi laakka bes ciyitnakaahay, buwaa hayyaja kigú'\* . Ba waareeja ki'e' teekaa paamci, Sakarí.

<sup>60</sup> Wayee eemunaa loffa an:

- Ó'óo, ja teeksan Sañ.

<sup>61</sup> Ba wo''ari an:

- Man laakoo mbokfu yaa bay teekuma!

<sup>62</sup> Buwaa meekisohha paamunaa na yahcaagaba, ya wo'ba daa ya waa' kiteek kowukaagarifa. <sup>63</sup> Sakarí nakka buwaa, ba haydohi'ti haanga wibídaah, ya bínnida

\* <sup>1:59</sup> 1: 59 Ga baahaa yaawúu'caa, oomaa yiyaalyaa límu béeß, jom kigúruk ga besaa wu-yitnakanakwaa ya límohufa. Malkat Léwítik 12: 3

an: «Teeku Sanj.» Buwaa béeħba jaahli'ussa ga iñama. <sup>64</sup> Ga d'fekataama, perimpaa Sakarí lógísukka, ya mínda kiwo' fodaa mūus, ya yaa kañ Kooh. <sup>65</sup> Buwaa dék nari ga dëkaada títussa ga iñama, ee buwaa baa béestíroh iñaa laakee yaama ga d'uuy janjancaa ga gohaa Yúudée tóohda. <sup>66</sup> Baa iñama aasin nofci béeħ, ammbaka ga helci ee ya yaa wo' an:

- Ku'oomaakii jii yah bée?  
En ki'ena, doolaa Ha'mudii, enee nari.

### *Sakarí yekka Kooh*

<sup>67</sup> Sakarí, paam ku'oomaakaa líiffa na Helaa yisela'í'ya. Ya yaa jangat fodii sëldíiga-Kooh an:

<sup>68</sup> - Ha'mudii, Koohyii bu-Isarayeel, kañsat, ndaga ya hayin kibaab na kilaassuu, d'u buwiigari.

<sup>69</sup> Ya wosinnduu Músalkaat yiyaak, yaa bok ga nílaa buu' Dëwít, súrgaagari.

<sup>70</sup> Ya yéegaloheera iñama kiméeñí', koorohhawa ga túuwtaa sëldíigacaagari bisela'í'baa ensee waamada:

<sup>71</sup> Ya dígohee an ya hayyuu kimúsal ga buwii sagoh naruuda na ga yah buwii waarussii garuu kihotda.

<sup>72</sup> Fodaama ya teeb caasamuncaaruu yérmaandaagari,  
ee ya allii kifiliimunkaagari kisela'í'kaa na buuncida.

<sup>73</sup> Kooh dígee caasammbuu Abaraham, <sup>74</sup> an ya hayyuu kimeydoh ga yah buwii enu naruu kilebirohda, doonaa d'u míndi kijaamuk fodaama, na fit wiyégísí'.

<sup>75</sup> Doonaa d'u selaa' ee d'u júb ga fíkíci besaa Kooh onnduu kipes béeħ.

<sup>76</sup> Fu nak, kowuroo, fu yah sëldíigii Koohyii ga dookaa-dookda, ndaga fu yah kidewíruk Ha'mudii, fu waayuki'ti waasiigari ya yah kihayohda,

<sup>77</sup> na ki'ínohlukoh buwiigari an waasaa yahba kimúsalda kooroh ga kibayalkaa ba bayalsan baakaa'caagabada.

<sup>78</sup> Koohyiiruu yewinin yérmaandi, kéri tah bi ya hay kiyóoski' ga dookkuu lee'laataa meyoh dook man na lee'laataa nohaa en na kimey.

<sup>79</sup> En danaa ya léerí' buwaa tesu ga ñúusii ee ba dék ga kinúp kikaanda, ya níi' kotcaagaba, éewdohca ga waas jam.

<sup>80</sup> Oomaanaa yaa yak ga faan na hel. Ya tessa ga dekat, ga égíraa, bi ga daa ya mey, ya teewukohha ga fíkíi bu-Isarayeel.

## 2

### *Kilímukkaa Yéesu ga Betlee'em (Méccée 1: 18-25)*

<sup>1</sup> Ga waama, buuraa yiyaakyaa wo'u Ógis nakohha an buwaa en ga kúlkaagari tóohda, ba bídukat bi ya ính ga daa ba hínda. <sup>2</sup> Bídukaama wérí d'eb kilaak ee wa enee ga waa Kíriñús nguuruukee ga gohaa Síriida. <sup>3</sup> Baa en béeħ yaa yah kibíduknee ga teeraa ya meyohda.

<sup>4</sup> Yoseef ban bebkohha ga teeraa Nasareet ga gohaa Gélilée, ya yaa yah Betlee'em, teeraa buu' Dëwít límohuda, ga gohaa Yúudée. Iñaa tähkada, ya Yoseef, ya bok ga nílaa buu' Dëwít. <sup>5</sup> Ya ka'ta daama kibíduknee, ya taammba na jowujaagari, Mariyaama, lak na look. <sup>6</sup> Wahtaa Mariyaama jomee kilaak kowuda le'a lak ba baa ga Betlee'em. <sup>7</sup> Ya laakka kowu kiyaal, ennda saawaagari. Ya müulla kulii'kaa, faanndaja ga d'uuy mbalka ndaga lak ga daa buwaa yunjfusee ga kaancaada líifin, ee ba laakéeríi daa ba enan.

### *Malaakaa yéegalla níirohcaa*

<sup>8</sup> Ga ëgíraama, laakeera níirohcaa neehsee ga yopcaa. <sup>9</sup> Laakka malaakaa Kooh mey gaba. Ndamaa Kooh yoosukka ga dookba, ennda fodii melic, wíllaba. Ba tíitta títir. <sup>10</sup> Wayee malaakaa wo"aba an:

- Kaa niikat, ndaga mi haydohi'túu Hewhew wijófi' waa yah ki'en neblaat ga buwii béeëba: <sup>11</sup> wati\*, ga teeraa buu' Dëwít límohudá, laakin Músalkaataa límuki'túu, yérí en Kiristaanii, Ha'mudii. <sup>12</sup> Ee dú ínohsohanndi ga mandargii wii: dú hay kilaak daama kulii'kaa múluunun, faanu ga duuy mbalka.

<sup>13</sup> Ga dékataama, laakka malaaka biyewin baa meyoh dook hayussa ga yaama, ba taammba béeëba, baa kañ Kooh anee:

<sup>14</sup> «Ndam aawat ga Kooh ga dookaa-dook, ee ga kakay jamaagari enat na buwaa ya tanda!»

#### *Níirohcaa karussa Betlee'em*

<sup>15</sup> Waa ennda da, malaakacaa tagohussa na níirohcaa, baa boyuk dook-Kooh. Níirohcaa baa wo' ga díkaantiba an:

- Du yahat kon bi ga Betlee'em, du hot iñaa laak daama ee Ha'mudii, hayeeluuka kiyéegalda.

<sup>16</sup> Ba gaawwa da kika', laakussa Mariyaama na Yoseef daama ee kulii'kaa faanuu-nun ga mbalkaa. <sup>17</sup> Waa ba hottaja, ba hannda kibéestí' iñaa malaakaa wo'eeba aaw ga ku'oomaakaada. <sup>18</sup> Béeb buwaa kelohsee iñaa níirohcaa béstí'seeda, jaahli'ussa ga. <sup>19</sup> Mariyaama nak ammba iñcaama téoh ga helaagari ee ya yaa halaat ga. <sup>20</sup> Léehí'ta níirohcaa boykussa yopcaa, baa ndam Kooh, baa kañji ndaga iñaa ba kelohda, na iñaa ba hotda. Iñcaama téoh laakee fodaa daa malaakaa wo'eebakada.

#### *Yéesu bayussa ga teekaagari*

<sup>21</sup> Waa ku'oomaakaa límussa bi laakka bes ciytnakaahay, ja gúrussa, ba e'tari teekaa Yéesu. Teekaa waama wéri malaakaa erohee lak Mariyaama enndii na look duum.

#### *Yéesu teewohsuneera ga Kaanfaa Kooh*

<sup>22</sup> Besaa kisétí'sirukkaa† Mariyaama le"a fodaa daa Waasaa Móyiis nakohkadá, Yoseef nari bayussa ku'oomaakaa teeraa Yéerúsaleem ga Kaanfaa Kooh, kiteewohhi ga Ha'mudii; <sup>23</sup> ndaga bídu ga Waasaa Ha'mudii, an: «Kowu kisaaw kiyaal kaa límu béeëb faandusat Kooh.» <sup>24</sup> Ba tummba sarah ban fodaa iñaa Waasaama nakohda: «Ho'-mbarfat banak wala ho'-húul banak biyín.»

<sup>25</sup> Laakeera waama ga Yéerúsaleem, baa teeku Simewonj. Baa yaama júweera ee kelohdeera Kooh ee ya sekee baa yah kihay kinaas coonucaa bu-Isarayeeldá. Helaa yisela'i'ya taabee nari <sup>26</sup> ee ya ínohlukoheerari ga heey an ya kaanoo ee ya hottii Kiristaanii Ha'mudii, wosohda. <sup>27</sup> Helaa yisela'i'ya bayyari bi ga Kaanfaa Kooh, hídochha lak paam Yéesu na eeci haydohuununndi daama kitum iñaa Waasaama nakoh garida. <sup>28</sup> Simewonj beëpari ga yahcaagari, ya yaa kañ Kooh an:

<sup>29</sup> - Cic Kooh, diima iñaa fu dígoheeda laakin. Fu míñin ki'iis súrgiigaraa ya kaan na jam.

<sup>30</sup> Ndaga mi hotin na tuhastiigoo kimückii meyoh garaadá,

<sup>31</sup> ee kimückiima, fu waayukka ga fíkii buwii béeëba:

<sup>32</sup> Kérí en lee'laataa tahanndaa ki'ínohuk ga buwii ga éldúnada téoh, ee kérí onan ndam bu-kaanfu, Isarayeel.

<sup>33</sup> Paam Yéesu na eew Yéesu jaahli'ussa ga iñaa Simewonj wo'ee ga oomaanaadá.

<sup>34</sup> Simewonj barkeellaba, wo"a Mariyaama eew Yéesu an:

\* <sup>2:11</sup> 2: 11 Ga baahaa yaawíu'caa, bes dalí ga noh-soos bi ga daa noh-soos haysisan † <sup>2:22</sup> 2: 22 Malkat Léwítik 12: 3-6. Beti han kilaak kowaa ee ka bétisi'unaa, ya hay kites bes ciyewin (bes cidaankaah kaahay, en kowu kiyaalaa, bes cidaankaah-yitniinoo na ciyitniinoo, en betinaa) balaa ya setaa

- Malka, bii yii hay kitah bibo' biyewin ga Isarayeel sooyu ga fíkíí Kooh ee bo' biyewin hay kimúcu. Ya hay ki'en mandargaa Kooh teewoh ee ya hay kisagu ga dzuuy buwii. <sup>35</sup> Ee fodaama, ya hay kiméyi' halaatcaa daakuk ga keeñcaa bibo' biyewin. Fu nak, Mariyaama, fu hay kilaak mesiklaat ciyaak ga keeñfu bi man na jípíl maañngaa.

<sup>36</sup> Laakeera ban sëldíiga-Kooh yibeti, yaa teeku Aana. Paamci teeksee Fanuwel ee bok ga níilaa bu-kaan Asee'. Ya ya'bu'eera lool. Ya enin tíkiis tiytnatanak na yaalaa ya pajukee gari ga ki'oomaa-jowucida. <sup>37</sup> Lëehí'ta, waa yaalaa kaannda, ya pajukissii. Ya tessa da bi ga tíkiistaa tidaankaah-yitnataahay na tinikiistaa ya laakdfa. Aana tagohéeríi Kaanfaa Kooh. Wekoo nohoo, ya enee ga kijaamuk Kooh: ya oori, ya kíimi Kooh. <sup>38</sup> Daa ya hídukohee ga iñaama, ya yaa gérém Kooh ga ku'oomaakaa. Ee ya yaa béstírukoh ku'oomaakaa ga béeþ buwaa sekú daa Kooh laasohan bu-Yéerúsaleemda.

### *Paam Yéesu na eeci boykussa Nasareet*

<sup>39</sup> Paam Yéesu na eew Yéesu mëtirussa kitum iñcaa Waasaa Ha'mudii, nakohdfa, lëehí'ta ba sooffa Nasareet, teeraa ba dëkohdfa ga gohaa Gélilée. <sup>40</sup> Ku'oomaakaa nak, jaa yak, jaa wëñ kilaak hel, ja jaa yewin hamham ee jaa neblø Kooh.

### *Yéesu han ki'aas Kaanfaa Kooh*

<sup>41</sup> Kískaa en béeþ, paam Yéesu na eew Yéesu daansee kikaru Yéerúsaleem ga feetaa Paak. <sup>42</sup> Ga waa Yéesu laakka tíkiis tidaankaah na tanak, ba ka'ta nari feetaa fodaa daa baahaa nakohkada. <sup>43</sup> Ga waa feetaa leehha, ba baa boyuk, wayee Yéesu, ku'oomaa-yaalkaa, tessa ga Yéerúsaleem ee paamci na eeci ínohussii dara ga. <sup>44</sup> Ba túnnda iñaa hín na noh-noh wiinoo ee ba foojnga rek an Yéesu yii ga dzuuy buwii ba taam nabada. Lëehí'ta ba baa en ga kiraassi ga dzuuy buwaa bokoh nabada na buwaa ba ínohdfa. <sup>45</sup> Wayee ba hottiiri. Ba boyukka kon kiraassi bi ga Yéerúsaleem. <sup>46</sup> Ga besaa wukaahaywaa, ba hottari ga dzuuy Kaanfaa Kooh: ya yugin ga leeloo jégíroh yaawúu'caa, ya yaa súkúrukba ee ya yaa meekisba. <sup>47</sup> Béeþ buwaa súkúrukseerida lëyseera ga kiñaañkaagari na iñcaa ya taaseebada. <sup>48</sup> Paamci na eeci hotussi hen, ba waaru'a; eeci meekissari an:

- Kowuroo, iñii tah ya fu tummbíi iñii yii? Mi na paapu dí jaahli'eera lool ga dii dí eneeraa na kiraasdfa.

<sup>49</sup> Ya loffaba an:

- Dú raaseeroo doo ya? Dú ínohéeríi an mi jom ki'en ga kaanfi Paammboo hene?

<sup>50</sup> Wayee ba ínohhii iñaa ya waareeba kiwo'dfa. <sup>51</sup> Lëehí'ta Yéesu sooffa naþa Nasareet ee ya yaa kelohi'ba. Eeci ammba iñcaama tóoh ga helaagari ee ya yaa halaat ga. <sup>52</sup> Yéesu nak yaa en yaak, hamhamaagari waa baatuk, ee ya yaa wëñ kinebloh Kooh na buwaa.

## 3

### *Jangataa Sanj-Bétís*

(Mëccée 3: 1-12; Marka 1: 1-8; Sanj 1: 19-28)

<sup>1</sup> Iñii yii laakee ga kískaa kudaanjkaah na kuyëtúuskaa ga nguuraa buuraa yiyaakyaa teeku Tíbee'dfa. Lak Poos-Pílaat yaa nguuruk ga kúlkaa Yúudée, ee Eroot nguurukee ga gohaa Gélilée, ee këmëenjkíci Filiip nguurukee ga gohaa Ítúrée na waa Tarakonit, Lisañas nguurukee ga Abíleen. <sup>2</sup> Ee ban lak Aan na Kayíf bëri kuliyukee ga sarahohcaa bïyaakßaa. Waama Kooh wo'a na Sanj, kowukaa Sakarí, ga dzuuy égíraa. <sup>3</sup> Waa ennda ða, Sanj ka'ta ga dëkcaa wiil húlúwaa Yúrdenða tóohca. Ya yaa jangat an buwaa súpítat kipeskaagaba, ba bëtisi'u, en danaa baakaa'caagaba bayalu.

<sup>4</sup> Fodaama, iñaa bínsee ga këyítfaa Ísayíi, sëldíiga-Koohdfa laakka, ndaga ya wo'ee an:

«Laakin koonaa-bo' kaa en na kiwo' didóolí' ga duuy ëgí'-dúndagaa an:  
Waayukdat Ha'mudii waasii, júwí'datti tuwaas-waastii!

<sup>5</sup> Cúl-cúl hay ki'úubu,  
janjanj na tégél hay kihídírohu;  
waascii dfeegiskohfa hay kiyólóhdsu,  
waascii na yëltí-yëltíciida hay kileeñu.

<sup>6</sup> En danaa, baa en béeb hay kihot kimúckaa meyoh ga Koohdfa.»

<sup>7</sup> Buwaa baa hay ga Sanj doo ya bëtisi'ba. Ya yaa wo'ba an:

- Heet gonj-saamaancii, bii lëdi'túu ba iñaa tahanndúu kirëc ga aylukaa Kooh yah  
kihayda? <sup>8</sup> Kon tumat iñcaa teewohin an dú récukin baakaa'ciigarúu, ee kaa  
dalat kiwo' an:

«\*Abaraham en caasammbíi.» Ndaga mi wo"úu man Kooh míniñ kibéb atohcii cii  
ya meydoh ga tucaasamun Abaraham! <sup>9</sup> Diima deñ ban kékúsaá tíimin boscaa  
tediktaa, kigú' níilcaa. Kon kedikkaa límmibii towu tijóff' tóoh, gúru, jafu ga  
kiwi.

<sup>10</sup> Mbooloomaa meekissari an:

- Kon dí jom ya kitum?

<sup>11</sup> Ya loffaña an:

- Baa fu laak kúltí kanakaa, laa warohaa na baa laakoo, ee baa fu laak iñaa fu  
ñamanaa, tumaa fodaama.

<sup>12</sup> Juuticaa hayussa ban kibétisi'u, ba meekissa Sanj an:

- Jëgírohii, dí jom ya kitum?

<sup>13</sup> Ya loffaña an:

- Kaa meekisohat buwii iñaa wëñ iñaa nguuraa nakohfa.

<sup>14</sup> Laakka ban soldaa'caa meekissi an:

- Dí ban, dí jom ya kitum?

Ya wo"aba an:

- Kaa te'at hëelís ken na dooli wala ga poki' bo' iñcaa laakkii, wayee eemat ga  
fayaagarúu.

<sup>15</sup> Buwaa baa sek ga Sanj, ndaga baa en béeb foogee an heyna Sanj yëri en  
Kiristaanii. <sup>16</sup> Wayee Sanj wo"a buwaa béebba an:

- Mi, mi bëtisi"úu ga mûsú, wayee baa wëñnjoo kiyak fúuf yaa hay: mi jutuutin  
sah ga kipékis liibcaa ñafa'caagari. Ya bëtisi'anndúu ga Helaa yisela'í'yaña na ga  
kiwii. <sup>17</sup> Kankaa kaa ga yahci, kifaa' yoonaagari, ya ek tohootaa ga dapaagari; wayee  
feki'faa, ya hayfa kitéki' ga kiwiikaa yímoo taa'da.

<sup>18</sup> Fodaama, na jëgíroh ciyewin ciliis caa manda, Sanj yaa yéegal buwaa Hewhewaa  
winéwí'waa. <sup>19</sup> Wayee Eroot buuraa Gélilée, ga waa ya te' Erojaas beti këmëenjíci,  
ya pokkarida, Sanj ña'tari ga na enaama cibóni' ciyewin ciliis caa buuraa tumee.  
<sup>20</sup> Wayee Eroot baatissa kitum iñaa wëñ kisepi': ya amlukka Sanj ga kasu.

### *Sanj bëtisi" a Yéesu*

(Mëccée 3: 13-17; Marka 1: 9-11)

<sup>21</sup> Ga waa buwaa béebba ñoodussa ga mûsúmaa, Yéesu ñoodussa ga ban. Waa  
ya ñoodussa bi ya meyca, ya yaa kíim Kooh. Ga wahtaama, dook-Kooh lëgísukka.

<sup>22</sup> Helaa yisela'í'yaña yoosukka ga dlookci fodii iñaa man na ho'. Laakka koonaakaa  
kelohuk, meyoh dlook-Kooh an: «Fu yëri en kowuroo ee mi waarinndaa. Keeñnjoo  
soosin garaa.»

### *Nílaa biYéesu*

(Mëccée 1: 1-17)

<sup>23</sup> Ga waa Yéesu dal kimey ga fíkíi buwaa, ya laakeera tikkistaa le' tidañkaah-  
kaahay. Buwaa abee an yëri en kowu Yoseef yaa enee kowu Helída. <sup>24</sup> Helí ennda  
kowu Mataat, Mataat kowu Léwí, Léwí kowu Melki, Melki kowu Yanay, Yanay kowu

Yoseef, <sup>25</sup> Yoseef kowu Matacas, Matacas kowu Amoos, Amoos kowu Nahum, Nahum kowu Esli, Esli kowu Nagay, <sup>26</sup> Nagay kowu Maat, Maat kowu Matacas, Matacas kowu Simi', Simi' kowu Yooseek, Yooseek kowu Yoodaa, <sup>27</sup> Yoodaa kowu Yohanana, Yohanana kowu Resa, Resa kowu Sorobabeel, Sorobabeel kowu Salceel, Salceel kowu Nérí, <sup>28</sup> Nérí kowu Melki, Melki kowu Adi, Adi kowu Kosam, Kosam kowu Elmadam, Elmadam kowu Ee', <sup>29</sup> Ee' kowu Yéesu, Yéesu kowu Eliyesee', Eliyesee' kowu Yoorm, Yoorm kowu Mataat, Mataat kowu Léwí, <sup>30</sup> Léwí kowu Simewoñ, Simewoñ kowu Yúdaa, Yúdaa kowu Yoseef, Yoseef kowu Yonam, Yonam kowu Elíyakím, <sup>31</sup> Elíyakím kowu Meleyaa, Meleyaa kowu Menna, Menna kowu Matata, Matata kowu Natan, Natan kowu Dëwít, <sup>32</sup> Dëwít kowu Yesee, Yesee kowu Yobet, Yobet kowu Boas, Boas kowu Sala, Sala kowu Naason, <sup>33</sup> Naason kowu Amínadap, Amínadap kowu Atmin, Atmin kowu Arni, Arni kowu Esarom, Esarom kowu Peres, Peres kowu Yúdaa, <sup>34</sup> Yúdaa kowu Yakoop, Yakoop kowu Ísaak, Ísaak kowu Abaraham, Abaraham kowu Tera, Tera kowu Nakoo', <sup>35</sup> Nakoo' kowu Sérük, Sérük kowu Rewu, Rewu kowu Pelek, Pelek kowu Ebee', Ebee' kowu Sala, <sup>36</sup> Sala kowu Kaynam, Kaynam kowu Arapaksat, Arapaksat kowu Seem, Seem kowu Nowee, Nowee kowu Lamek, <sup>37</sup> Lamek kowu Metusela, Metusela kowu Henok, Henok kowu Yaret, Yaret kowu Mahalaleel, Mahalaleel kowu Kaynam, <sup>38</sup> Kaynam kowu Enos, Enos kowu Set, Set kowu Aadama, Aadama kowu Kooh.

## 4

### *Seytaani fí'ta Yéesu*

(Méccée 4: 1-11; Marka 1: 12-13)

<sup>1</sup> Ga waa Yéesu líiffa na Helaa yisela'í'yaa, ya meyohha húlúwaa Yúrdeñ. Helaa yisela'í'yaa wooccarí, bayyari ga díekat, égí'-dúndan. <sup>2</sup> Daama ya ennda da bes cidaaŋkaah-nikiis, caa wée'taa ga an cii, Seytaani yaa fí'ti. Ya ñammbii dara ga díuuuy bescaama. Ga waa bescaama paaffa, kiyaab ammbari. <sup>3</sup> Waa ennda d'a, Seytaani wo"ari an:

- En lak fu en Kowukii Koohaa, nakaa atohii wii wa súpítuk mbúurú, fu ñam.

<sup>4</sup> Yéesu loffari an:

- Kéyítfaa wo' an: «Bo' pesohannđii na mbúurú doñ.»

<sup>5</sup> Seytaani bayyari ga díekat wikéri' dook, ya teebpari ga saasi dëkcii ga éldúnada tóoh. <sup>6</sup> Léehí'ta ya wo"ari an:

- Mi hayyaa ki'on kinguuruk ga dook dëkciima tóoh na kilaak ndamaa nguuraagaca: mi eruunun iñaamaa tóoh ee mi míniwa ki'e' baa nebpoo. <sup>7</sup> Kon fu, binaa fu yí' ga fíkiiroonaa, iñaamaa tóoh fu hayyi kilaak.

<sup>8</sup> Yéesu loffari an:

- Kéyítfaa wo' an: «Fu yí'dan Ha'mudii, Koohyiigaraa, ee fu jaamukanndi ya doñ.»

<sup>9</sup> Léehí'ta Seytaani bayyari Yéerúsaleem, yíppari ga dook Kaanfaa Kooh, ya wo"ari an:

- En lak fu en Kowukii Koohaa yípukaa kakay; <sup>10</sup> ndaga Kéyítfaa wo' an:

«Kooh hayyaa kinaki' malaakacaagari, ba sommbaa.» <sup>11</sup> Ee ñan: «Malaakacaaa teeñngaa ga yahcaagaba, doonaa kotfu këftukoo ga atoh.»

<sup>12</sup> Yéesu loffari an:

- Kéyítfaa wo' an: «Kaa jéematuk Ha'mudii, Koohyiigaraa.»

<sup>13</sup> Ga waa Seytaani léehí'ta kifí' Yéesu ga bákaa en béeb, ya úsaayya Yéesu, ya yaa sek bes wiliis.

### *Yéesu boyukka Gélilée*

(Méccée 4: 12-17; Marka 1: 14-15)

<sup>14</sup> Yéesu líffa na Helaa yisela'í'yaa, boyukka Gélilée. Teekaagari síwwa ga gohaama tóohwa. <sup>15</sup> Ya yaa jégíroh ga dzuuy jaangu-yaawúú'caa daamada ee buwaa béeþ baa kañji.

*Yéesu kaalussa ga jaangu-yaawúú' ga Nasareet*

(Méccée 13: 53-58; Marka 6: 1-6)

<sup>16</sup> Yéesu ka'ta Nasareet, teeraa ya yakohdfa. Ga besaa Sabat, ya aassa jaangu-yaawúúraa fodaa daa ya meereeka kitumdfa. Ya kolukka kijan Kéyítfaa Kooh. <sup>17</sup> Ya erussa Kéyítfaa sëldíiga Ísayíi. Ya léríssafa, ya le'"a bi ga dékataa bídu an:

<sup>18</sup> «Helii meyoh ga Ha'mudiidsa, wii ga dookkoo  
ndaga ya tanukinndo kihaydoh Hewhewii winéwí'wii ga buwii laakooda.

Ya wosinndo kiyéegal buwii abuda an ba hay kiréc

na kiwo' buwii hascii búumdfa an ba hay kihotis,

buwii en na kitogisohuda an ba hay kilaak haffba; <sup>19</sup> Ya nakinndo kiyéegaloh kíiskii  
Ha'mudii

yah kiteewoh an buwaa neblohinndi.»

<sup>20</sup> Léehí'ta Yéesu ponnda Kéyítfaa, ya íkkafa baa dákifada, ya yunnga. Buwaa enee ga jaangaadsa béeþba yípuusari hascaa. <sup>21</sup> Daama, ya yaa wo'ba an:

- Wati, wo'eenii ga Kéyítfii dú han kikelohda laakohin ga dii wa wo'da.

<sup>22</sup> Baa en béeþ yaa wo' iñaa morin ga Yéesu, ee ba jaahli'"a ga wo'eencaa cinéwí'caa ya meydoch ga kúuwkaagarida. Ba baa wo' an:

- Bii enndii kowu Yoseefe?

<sup>23</sup> Yéesu wo'"aba an:

- Woorinndo an dú hayyoo kicah an: «Payohii, wékíraa haffu!» Dú hayyoo kiwo' ban an: «Dí yéegin iñcaa fu tum ga Kafarnawomda tóohca; tumaa caa manda dii ga dékii fu meyohdfa.»

<sup>24</sup> Léehí'ta, ya baatta ga an:

- Mi wo'"úuka ee kayoh; laakkii sëldíiga-Kooh yaa te'u ga dëkaa ya meyohda. <sup>25</sup> Ee mi yii wo'issúu ban kayoh-kayohdfa: níindískat iñaa laakee waama ga jamaanaa sëldíiga Ili, lak Kooh enin karañ iñaa le'in tíkiis taahay na caban ee a' wiyaak laakka ga kúlkaa tóoh, mi wo'"úuka laakka waama ga kúlkaa Isarayeel beti biyewin baa yaalcaagaba kaanin; <sup>26</sup> wayee Kooh ebillii Ili ga yíinoo gaba, ya dímalba. Ya nammbari ki'ebil ga yíinoo yaa enndii yaawúú' ee dék teeraa Sareptaa ga gohaa Sídonjda.

<sup>27</sup> Ga Isarayeel ban, ga jamaanaa sëldíiga Ilisee, laakeera gaana biyewin, wayee yíinoo gaba wékdfuséeríi, enndii Naamaan yaama dék Síriidanaa. Ya enndii yaawúú'.

<sup>28</sup> Buwaa enee ga dzuuy jaangaadsa béeþba, daa ba kelohee wo'eencamaa, keeñcaagaba tammba lool. <sup>29</sup> Ba kolukka, ba meydochhari teeraa, ba jíitallari bi ga dook janjagaa, ga daa teeraa Nasareet yípohseedfa, doo ba ye'i ga írkísa, ya keen kakay. <sup>30</sup> Wayee Yéesu koo'ta ga leelooba, ya yaa paaf.

*Yéesu wéki'ta baa laak rab*

(Marka 1: 21-28)

<sup>31</sup> Yéesu ka'ta teeraa Kafarnawom ga gohaa Gélilée. Ga bes Sabat ya yaa jégi' buwaa. <sup>32</sup> Buwaa waaru'seera lool ga jégírohaagari ndaga ya yéréméeríi wo'eenci.

<sup>33</sup> Ga dzuuy jaangu-yaawúúraa, laakeera baa rab yisóotí' am enee daama, ya yaa les koonaa kiyaak an:

<sup>34</sup> - Éey! Yéesu-Nasareet, fu naríi ya? Kidúmí'tíi kérí haydohhane? Mi ínohin bii fu endfa: fu yérí en bii yisela'í'yii meyoh ga Koohdfa.

<sup>35</sup> Yéesu gëtta rawaa, wo'"ari an:

- Dekoha, fu meyoh ga bii.

Daama, rawaa búukka baa kakay, ga leeloo buwaa béeëba, ya meyca gari ee tummbiiri dara iñaa meskin. <sup>36</sup> Buwaa béeëba jaahli'ussa, ba baa wo' ga díkaantiba an: «Cii wo'een ca yee? Bii laakin dooli kinak rabciit ba meyoh ga buwaa ee na wo'een wíinoo rek ba mey.»

<sup>37</sup> Fodaama teekaa Yéesu waa síw ga gohaama tóohwa.

*Yéesu wéki'ta payam Simoñ na bibo' biliis*

(Méccëe 8: 14-17; Marka 1: 29-34)

<sup>38</sup> Yéesu kolkokha jaangu-yaawúuraa, ya ka'ta kaan Simoñ. Lak payam Simoñ yibeti díukkolin bi faanfaa tamin jír. Ba kíimmba Yéesu ya dímalba ga. <sup>39</sup> Ya híilla ga dookci, ya gëtta tamohlaataa faanfaa; tamohlaataa meyca, ga saasi ya kolukka, ya aawwaba kitoputu'.

<sup>40</sup> Ga waa nohaa aassa, baa laakin díukkooli' béeëb ee ga daa ya míin kiman tóoh, haydohhari ga Yéesu. Ya tikkä yahcaagari ga dlook yaa en béeëb gaba, ee ya wéki'taba.

<sup>41</sup> Rabcaa ban baa meyoh ga díukkooli' biyewin na tifiip an:

- Fu yéri en Kowukii Kooh.

Wayee yaa gëtba, ya hoonohhaba kiwo' iñaa aaw gari, ndaga lak ba ínoheera an yéri en Kiristaanii.

*Yéesu yaa jangat ga kúlkaa Yúudée*

(Marka 1: 35-39)

<sup>42</sup> Kooh yaa wiis, Yéesu yaa mey teeraa Kafarnawom yaa yah ga daa wéetin. Mbooloomaa waa raassi. Waa ba le'a bi gari, ba waa'tari kitéhdoh doo ya tagohoo naba. <sup>43</sup> Wayee Yéesu wo'aba an:

- Mi jomin kiyéegaloh ban ga teerucii cíinoo Hewhewii winéwi'wii Nguurii Kooh, ndaga iñaama yéri tah Kooh wossaloo ga éldúna. <sup>44</sup> Fodaama, Yéesu ennda ga kiyéegaloh Hewhewaa winéwi'waa ga díuy jaangu-yaawúu'caa en ga kúlkaa Yúudéeda.

## 5

*Yéesu bayya téeëbécää ya dëb kitankda.*

(Méccëe 4: 18-22; Marka 1: 16-20)

<sup>1</sup> Laakka bes lak Yéesu yaa ga seereenaa giyyaa Senesareet, mbooloomaa wíillari bi wa waa ñaak ga dlookci ndaga kisükúruk wo'eenaa Kooh. <sup>2</sup> Ya hotta ga seereenaa giyyaa gaal-looci kanak; laakka mbaalohcaa yoosukoh gaca, ba baa tís mbaalcaagaba.

<sup>3</sup> Ya aassa ga gaal-loocaa wiinoowaa en wuu Simoñda; Yéesu wo'ari kibay gaal-loocaa wa úsaay seereenaa giyyaa jutuut. Yéesu yuñnga ga loocaa ya yaa jégí' mbooloomaa.

<sup>4</sup> Ga waa ya lëehí'ta kijégíroh, ya wo'a Simoñ an:

- Bayaa loocii bi ga díekataa mûsúmaa huutin, díu wees mbaalii, díu aaw kimbaal.

<sup>5</sup> Simoñ taassari an:

- Kiyaakii, dí lëgëyin wekii béeëbwa ee dí ammbii dara, wayee ga wo'eenfu mi haywa kiwees.

<sup>6</sup> Ba weessa mbaalaa, ba ammba jén ciyewin bi mbaalaa waa da'. <sup>7</sup> Waa ennda da, ba baa kalay buwaa taam naba ee ba enee ga loocaa wiinoowaada, ba hayba kidimal. Baama hayussa, ba líifí'ta loociccaa kanakcaa na jén bi ca caa waa' kinuu'.

<sup>8</sup> Daa Simoñ-Pee<sup>\*</sup> hotee iñaama, ya yí'a ga fíkií Yéesu, ya wo'a an:

- Ha'mudii, meyaa garoo ndaga mi iñii ha'-baakaa'.

<sup>9</sup> Simoñ wo'ee fodaama ndaga ya na buwaa taabee narida jaahli'seera lool ga jéncaa ciyewincaa ba amda. <sup>10</sup> Bi ga Saak na Sanj, towutaa Sebedee boku na Simoñ lëgëyaada jaahli'seera ga ban. Wayee Yéesu wo'a Simoñ an:

\* 5:8 5: 8 Simoñ, yaa Yéesu teekan Pee'da. Teekaa Pee' hayan ga Lúkkaa 6: 14

- Kaa niik dara. Kimma, bibo' bëri fu mbaalan.

<sup>11</sup> Waa ennda da, ba soofdohha gaal-loocicaagaba tewisaa, ba foñnja tóoh, ba baa taabuk Yéesu.

### *Yéesu wëk'ita baa gaana'in*

(Mëccée 8: 1-4; Marka 1: 40-45)

<sup>12</sup> Laakka bes lak Yéesu yaa ga teeru wiinoo ga gohaa Gëlilée, baa gaana'in bi faanfaa gomin hayya. Daa ya hotee Yéesu, ya lí'ukka ga fikiici, ya kíimmbari an:

- Kiyaakii, fu waa'kanaa fu mínnindoo kiwëki'.

<sup>13</sup> Yéesu lérissa yahaagari, le'a ga baa, wo'ari an:

- Mi waalinka, waka.

Ga saasi dúukool-gaanaa nísukka ga baa. <sup>14</sup> Lëehí'ta Yéesu hoonohhari kiwo' bo'iñaa aaw gari. Ee ya wo'ari an:

- Kara, fu teewukohnee ga sarahohaa, fu tum sarah ga kisetkiigaraa fodaa daa Móyíis nakohkadä, en d'anaa, iñaama hay kiteeb bëeb an fu setin.

<sup>15</sup> Wayee iñaama kokohhii bi teekaa Yéesu waa wëñ kisíw. Bibo' biyewin baa négírukoh ga yahaaci, kisükúruk wo'eencaagari ee ya wëk'ba ga dúukoolcaagaña.

<sup>16</sup> Ee Yéesu ka'ta daa wéetinaa, ya kíimi Kooh da.

### *Yéesu wëk'ita baa lafañin*

(Mëccée 9: 1-8; Marka 2: 1-12)

<sup>17</sup> Laakka bes, Yéesu enee na kijégíroh. BiFérísiyeen na bijégíroh-waas ee meyohu dëk-kawcaa ga gohaa Gëlilée, na ga gohaa Yúudée na teeraa Yéerúsaleem ensee daama, yuguunun ga yahaaci. Doolaa Kooh, Ha'mudii, taabee na Yéesuda, waa onndi kiwëki' dúukoolí'caa. <sup>18</sup> Bibo' le'a, hayduhu ga dook gatan baa lafañin, ee ba baa heelli ki'ek ga d'uuuy kaanfaa bi Yéesu hotti. <sup>19</sup> Wayee ba hottii ga daa ba paafdochanndi ndaga mbooloomaa wiyewinwaa. Ba lappa nari ga dook túuyaa, ba heella gúl ga cakaraa<sup>†</sup>, ba yóoskí'tari na gatanaagari ga leeloo buwaa ga fíkii Yéesu. <sup>20</sup> Daa Yéesu hotee ngëmaagaba waama, ya wo'a lafañaa an:

- Yaal, baakaa'cumgaraa bayaluununndaa.

<sup>21</sup> Jégíroh-waascaan na Férísiyeencaa baa halaat ga d'uuuyba, baa wo' an: «Bii yii ya ba, ya basi Kooh? Bii míñ kibaal baakaa' ba, enndii Koohaa?» <sup>22</sup> Wayee Yéesu ínohha halaatcaagaba, wo'aba an:

- Iñii tah ya d'ú laak halaatcuma ga helciigarúu? <sup>23</sup> Kon iñii yiida wëñ kiyoob kiwo' lafañii: kiwo'i «Baakaa'cumgaraa bayaluununndaanoo», kiwo' an: «Koluka, fu tíin?» <sup>24</sup> Wayee bi d'ú ínoh an ga éldúna, Kowukii bii onuunun kibayal baakaaraa -- ya wo'a lafañaa an: -- Mi wo'aaka, kolka, bewaa gataniigaraa fu yee kaanfu!

<sup>25</sup> Ga saasi lafañaa kolukka ga fíkii buwaa bëebba, bëbpa gatanaa ya faankoheedä, yaa ndam Kooh, ya yaa yah kaanci. <sup>26</sup> Bëeb buwaa waaru'ussa, baa ndam Kooh, ba jaahli'a bi baa wo' an: «Dí hotin watí iñaa mosoo kilaak ga fen.»

### *Yéesu bayya Léwí*

(Mëccée 9: 9-13; Marka 2: 13-17)

<sup>27</sup> Lëehí'ta, Yéesu meyca, ya hotta juuti, yaa teeku Léwí, yugin ga dekataa fayohsi juutida. Ya wo'ari an:

- Taabukaaroo!

<sup>28</sup> Léwí iissa tóoh, kolukka yaa taabukki.

<sup>29</sup> Léwí tíkdee Yéesu ñamah cijófí' ga kaanci. Juuti biyewin na bibo' biliis bokussa naba kanu. <sup>30</sup> Férísiyeencaa na jégíroh-waascaan fa'nabada baa ña'sukoh, ba wo'a télíbéecaa Yéesu an:

- Iñii tah ya d'ú bok kiñam na ki'an na juuticii na buwii júwussiida?

<sup>†</sup> 5:19 5: 19 Cakaraa túuycaa bu-Paleestín hëwrohsee na kakay-ban, ee bo' míñ kiyuñ ga dookgaa.

<sup>31</sup> Yéesu kelohhaba, loffaba an:

- Buwaa dara gaa naba laakussii sooli ga payoh, wayee buwaa dúukoolin bëri laak sooli ga. <sup>32</sup> Mi hayyii ga ēldúna kibay buwii júwinda wayee mi hay kibay ha'-baakaa'cii doo ba súpít kipeskiigaba.

### *Yéesu wo''a ga ooreenaa*

(Mëccée 9: 14-17; Marka 2: 18-22)

<sup>33</sup> Bibo' wo'ussa Yéesu an:

- Tëelibéecii Sañ na bii Férísiyeençii oo'si leekleek ee ba kíimi Kooh, wayee fiigaraa ñami hen, ba ani.

<sup>34</sup> Yéesu loffaba an:

- Dú míniñ ki'oo'lukoh bedohcii ha'-kílookkii lakanaa ha'-kílookkii yii nabane?

<sup>35</sup> Wayee bes hay kihay, ha'-kílookkaa hay kibewohu ga díkaantiba, bescaama nak ba hay ki'oo'.

<sup>36</sup> Yéesu liiwukkaba ñan:

- Ken ñaroo piis ga kúlti fi'as, daafwa ga líil-kúlti. Fu tumkanaa, fu hay kidfa' kúltífaa fi'asfaa ee písa wi'aswaa nísohu gafada taabohanndii na líil-kúltífaa.

<sup>37</sup> Fodaama, ken tumoo biiñ wi'as, waa dal kilúun, ga mbúus-oncaa maañin. Fu tumkanaa, biiñaa pook mbúus-oncaa: biiñaa aamuk, ee mbúuscaa yasukoh. <sup>38</sup> Kon biiñ wi'as jom kitumu ga mbúus-on ci'as! <sup>39</sup> Ee ken waaroo ki'an biiñ wi'as binaa ya meyoh ki'an ga wiméeñí'waanaa; ndaga ya wo'i an wiméeñí'waa wëri wëñ kineb.

## 6

### *Yéesu yëri laak bes Sabat*

(Mëccée 12: 1-8; Marka 2: 23-28)

<sup>1</sup> Laakka bes Sabat, Yéesu koorohee ga duuy yoonaa lúudin. Tëelibéecaagari baa weel ga boñcaa<sup>◊</sup>, baa boliñ towutaa ga yahcaagaba, baa ñam. <sup>2</sup> Laakka Férísiyeençaa wo'uba an:

- Iñii tah ya dú tum iñii Waasii kokohin kitum ga bes Sabat?

<sup>3</sup> Yéesu loffaba an:

- Hanaa dú jañngii iñaa Dëwít tumee ga waa ya yaab, ya na buwaa taabee narida? <sup>4</sup> Ya aassa ga taalaa Kooh, ya ñebpa ga mbúurúcaa meydochfusee Koohfa, ya ñammba ga, ya e'ta buwaa taamsee narida ga. Ee mbúurúcaama sarahohcaa doñ onuca kiñam<sup>◊</sup>.

<sup>5</sup> Lëehí'ta Yéesu wo'issaña an:

- Kowukii bii kéri laak bes Sabat.

### *Yéesu wëki'ta baa yahaa dooykin*

(Mëccée 12: 9-14; Marka 3: 1-6)

<sup>6</sup> Laakkissa bes Sabat, Yéesu ka'ta jaangu-yaawúuraa, ya yaa jégíroh. Laakka daama bo', yaa yahaa ñaabaa dooykin. <sup>7</sup> Jégíroh-waasca na Férísiyeençaa baa malak ga Yéesu, ati ba hayyi kihot ya wëki' bo' ga bes Sabat, doonaa ba laak iñaa ba yabohanndi. <sup>8</sup> Wayee Yéesu ínohha halaatcaagaba, ya wo''a baa yahaa dooykinda an:

- Kolka, fu tuuk dii ga fíkii bëeb!

Baa kolukka, tuukka.

<sup>9</sup> Lëehí'ta, Yéesu wo''a buwaa an:

- Mi meekissúu ati ga bes Sabat Waas onoh kitum iñaa jofin wala iñaa moroo, kisom kumuun bo' wala kilaj kumuun?

<sup>10</sup> Ya malakka bëeb buwaa wiillida, ya wo''a ha'-yahaa an:

- Lérísaah yahiigaraa!

<sup>◊</sup> 6:1 6: 1 Malkat Déteronom 23: 25. <sup>◊</sup> 6:4 6: 4 Malkat Léwítik 24: 9.

Baa léríssa, yahaa dalla kiwak, mannda ga daa wa eneeda.

<sup>11</sup> Wayee buwaa bíinoo ensee dada líifussa muut na tam-keeñ, ba baa malak ga díkaantiba iñaa ba tuman Yéesu.

*Yéesu tanukka bo' bidaanjkaah na banak ga tēelibéecaagari*

(Mëccée 10: 1-4; Marka 3: 13-19)

<sup>12</sup> Ga bescaama, Yéesu ka'ta janjancaa kikíim Kooh, ya tessa wekaa béeßwa kikíim Kooh. <sup>13</sup> Ga waa Kooh wiissa, ya bayya tēelibéecaagari, ya tanukka ga bo' bidaanjkaah na banak, ya teekkaba bi'apotaa': <sup>14</sup> Simon (yaa ya teek Pee'da) na kéméeñkíci Andari, Saak na Sañ, Filipp na Bartulémií, <sup>15</sup> Mëccée na Toomaa, Saak kowu Alfee na Simon selootaa\*, <sup>16</sup> Yúdaa kowu Saak na Yúdaa Iskariyot, yaa onan Yéesu bíijda.

*Yéesu yaa jëgí' mbooloomaa ee yaa wëki' dúukoolí'caa*

(Mëccée 4: 23-25)

<sup>17</sup> Yéesu yoosukka janjagaa na apotaa'caagari bi ga ndëneeraa, ga daa bo' biyewin ga tēelibéecaagari enoheeda. Laakeera daama ban mbooloo wiyaak waa meyohee kúlkaa Yúudée na teeraa Yéerúsaleem, na gohcaa bopukoh na giiyaada: Tíi' na Sidoñ. <sup>18</sup> Ba hayeeri kisukúruk, ee ya wëki'ba ga dúukoolcaagaba. Buwaa rab amda wëkdussa. <sup>19</sup> Baa en béeß yaa heel kile' gari, ndaga dooli meyohi gari, wa wëkdiña béeßba.

*Yéesu wo''a ga buwaa en ga mesiklaat na buwaa en ga neblaatda*

(Mëccée 5: 1-12)

<sup>20</sup> Léehí'ta Yéesu malakka tēelibéecaagari, ya wo''a an:

- Dú yewinin múu', dú nduuclii ndaga Nguuraa Kooh wuuruú.

<sup>21</sup> Dú yewinin múu', dú bii dú yaab watida ndaga dú hay kikap.

Dú yewinin múu', dú bii dú koduk watida ndaga dú hay kiyen.

<sup>22</sup> Dú yewinin múu' moos, binaa Kowukii bii tah bi buwii sagussúu, ba kaallúu ga duuyba ba bassúu, ba taasuk teekcaagarúu.

<sup>23</sup> Iñaama laakaa, laa neblukat, dú koltuki, dú hamí ndaga neehal wiyaak waa sekkúu ga dook-Kooh. Bicaasamba sodalsee sëldíiga-Koohcaa fodaama.

<sup>24</sup> Wayee nak, massa dú, ha'-alalcii ndaga dú laasin bakkúu.

<sup>25</sup> Massa dú bii dú kapin watida ndaga dú hay kiyaab.

Massa dú bii dú yen watida, ndaga dú hay ki'en ga coonu ee dú hay kikoduk.

<sup>26</sup> Massa way, binaa buwii wo' garúu iñaa jofinaa, ndaga bicaasamba tumsee fodaama na buwaa tíkee hafba bisëldíiga-Koohda ee lak sabohda.

*Yéesu nakoh kiwaa' baa sañngaa*

(Mëccée 5: 38-48; 7: 12a)

<sup>27</sup> Yéesu tikka ga an:

- Wayee dú bii dú súkúrukkooda, mi wo''úu an: waarat buwii heñohsirúuđa, tumdat buwii sañngúuda iñaa jofin. <sup>28</sup> Kímat Kooh ya barkeel buwii cojirúuda ee kíimdat buwii sodalirúuđa. <sup>29</sup> Binaa bo' feekcaa ga ñaamaa, eraari wiinoowaa ban. Binaa bo' te' sabadooraagaraanaa, kaa sagi'ti túrkaa ban. <sup>30</sup> Baa kíimmbaa yen béeß, laa onaari; ee baa te' iñaa en yuufunaa, kaa te'siswa. <sup>31</sup> Fodaa daa dú waa' bimooroommbúu tumi'túuđa, laa tumdatba iñaa manda.

<sup>32</sup> Binaa en lak dú waa' buwii waa'túuđa rekaa, ndamii wiida wëri dú laakan ga iñaama? Bi ga buwii júwussiida sah waa'sin buwaa waa'bada. <sup>33</sup> Ee binaa en lak buwii tumdirúu yijóff'da bëri rek dú íki' iñaa jofinaa, ndamii wiida wëri dú laakan ga iñaama? Bi ga buwii júwussiida sah tumsinka. <sup>34</sup> Ee binaa en lak buwaa dú

\* **6:15** 6: 15 Simon yaama bokee ga buwaa waa'see kilaak haffada.

yaakaa' an fa hayyúu kifayda bërí rek dú wútíranaa, ndamii wiida wëri dú laakan ga iñaama? Bi ga buwii júwussiida sah wútí'sin buwaa man nabada, lëehíraa ba laas iñaa hín na iñaa ba wútirohda. <sup>35</sup> Kon waarat buwii sajngúufa, tumdatba yijófi', erohat ee kaa séentukat dara ga, en danaa neehalaagarúu hay kiyak ee dú yah towutii Kooh yii ga dookaa-dookfa, ndaga Kooh jofin ga buwii tookkiiri kigéräm ga iñcaa ya tumi'bada. <sup>36</sup> Líifat na yérmaandi fodii dii Paammbúu Kooh líif na yérmaandifa.

*Yéesu wo'"a an ken hanat ki'atti' mooroomci*  
(Méccée 7: 1-5)

<sup>37</sup> Yéesu tikkka ga an:

- Kaa atti'at ken, en danaa Kooh atti'oorúu. Kaa tamat ken, en danaa Kooh tamoorúu. Bayalat bimooroombúu en danaa Kooh hayyúu kibayal. <sup>38</sup> Onohat en danaa Kooh hayyúu ki'on: dú hay kinatdu yen, dú go'dú yewin, yëngëlu bi deguk, líif bi aamuki, ndaga nataa dú natoh buwiida wëri dú natohohsan.

<sup>39</sup> Lëehí'ta, Yéesu liiwukkaba anee ban:

- Búumi' míñ kinook búumi' mooroomcine? Baanaa béeëbba ba banak, ba keenanndii ga noge? <sup>40</sup> Téelibée mínoo kipaaf baa jëgítida, wayee téelibéenaa mat ga jagaagarinaa hay kile' ga jégírohaagari.

<sup>41</sup> Iñii tah ya fu malaki bolaa en ga kuhaskaa mooroomfu, ee fu mínoo sah kimalaksukoh dúuñii en ga kuhaskiigaraada? <sup>42</sup> Fu yii fu hottii dúuñii en ga kuhaskiigaraada, fu mínan na kiwo' mooroomfu an: «Fiilii, íisa mi nísí'taa bolii en ga kuhaskiigaraa»? Fu yii fu jójfófsuki ga fíkii buwiida, dëwaa kinís dúuñii en ga kuhaskiigaraada, en danaa fu hay kihot dijófi' bi fu míñ kinís bolaa en ga kuhaskaa mooroomfuda.

*Yéesu jégírohha ga kedik na towutaa ka límda*  
(Méccée 7: 16-20; 12: 33-35)

<sup>43</sup> Yéesu tikkka ga an:

- Kedik kijófi' límoo kowukaa moroo ee kedikkaa dúukoolin límoo kowukaa morin.

<sup>44</sup> Kedikkaa en béeëb ínohohsan ga towutaa ya laakfa: ken beenoo towu een ga ka'ka' ee ken beenoo towu reseñ ga pëegíi-ñaawaab. <sup>45</sup> Bo' yijófi' tumi iñaa jofin, ndaga iñaama rek yéri ya daak ga keeñaagari. Bo' yibóni' tumi iñaa bonin ndaga iñaama rek yéri ya daak ga keeñaagari. Ee bo', iñaa ya meydohi ga kúuwcida, wëri líif ga keeñci.

*Liiwukaa Yéesu wo' ga loo kaancaa kanakcaada*  
(Méccée 7: 24-27)

<sup>46</sup> Yéesu tikkka ga an:

- Dú bayohhoo ya «\*Ha'mudii, Ha'mudii» ee iñii mi nakirúufa dú tumoori? <sup>47</sup> Baa hay garoo béeëb ee ya súkúruki wo'eenciigoo ee ya taabukica ga tumeenaagari, mi hayyúu kiwo' baa ya mëdïrohu narifa: <sup>48</sup> Baa yaama mëdïrohu na baa enee na kitawah kaan; ya acca bi huutta, ya dabpa atoh, ya yíppa kaanfaa ga dookgaa. Tob wiyewin keennda bi baalaa líiffa, wambalaa tapukka ga kaanfaa ee mínnidiifa kibúuk ndaga tawahaa kaanfaa yégiseera.

<sup>49</sup> Wayee baa keloh ee taabukkii wo'eenciigoo ga tumeenaagari, baa yaama mëdïrohu na baa tawah kaan, yíppafa ga dook kakay ee accii dara. Waa wambalaa tapukka ga kaanfaa faama, ga saasi, fa bú'ta ee kaanfaa béeëb yasukohha.

*Yéesu wëki'ta súrgaa soldaaraa yiyaakyaa*  
(Méccée 8: 5-13)

<sup>1</sup> Ga waa Yéesu lëehí'ta kiwo' iñcaa ya waaree buwaa kelohda, ya ka'ta teeraa Kafarnawom. <sup>2</sup> Daama laakeera soldaaraa yiyaakyaa kuliuki ga heñsa. Baa yaama laakeera súrga, yaa ya keeñukin, lakanaa súrgaa dúukoolin bi yaa yah kiléehdük. <sup>3</sup> Ga daa soldaaraama kelohee iñaa wo'u ga loo Yéesuda, ya wossa ga yaakcaa yaawúu'caa kikíimmbi ya hay kiwéki' súrgaaagari. <sup>4</sup> Buwaa wosseedä hayussa ga Yéesu, ba tuukki'tari tek, ba wo"ari an:

- Bii wossíi garaada, calin kidímal, <sup>5</sup> ndaga ya waarin bu-dékiigaríi, ee yérí tawah jaangu-yaawúuraagaríi.

<sup>6</sup> Waa ennda da Yéesu yaa yah naba. Ga waa ba deeyca kaanfaa, soldaaraa yiyaakyaa wosissa ga fiiliimuncaagari, ba wo' Yéesu an:

- Kiyaakii, kaa sodal haffu, ndaga joobinndoo fu aas kaanndoo, <sup>7</sup> iñaama yérí tah bi mi wo' an joobinndoo mi hay na kihaffoo kihídohnee naraa. Wayee wo'aa wo'een wiinoo rek, súrgiigoo wak. <sup>8</sup> Ndaga mi ga kihaffoo, mi laakin buwaa hanohhoo dook ee mi laakin soldaa'caa hanohussoo kakay. Binaa mi wo' yii an karanaa, ya ka'; mi wo' yíinoo an hayanaa, ya hay; ee binaa mi wo' súrgaaagoo an tumaa iñii yiinaa, ya tummbi.

<sup>9</sup> Daa Yéesu kelohee wo'eencaama, ya waaru"a ga soldaaraa yiyaakyaa. Ya méeñsukka ga mbooloomaa taabukeerida, ya wo"a buwaa an:

- Mi wo"úu man, bi ga díuy Isarayeel sah mi mossii kihot baa laak ngëmaa hín na wii garoo. <sup>10</sup> Lëehí'ta buwaa soldaaraa woseeda boyukussa kaanfaa. Ba laakka súrgaa dúukooleeda wakin pelej.

### *Yéesu mísí'i'ta kowukaa baa yaalaa kaanin*

<sup>11</sup> Lëehí'ta Yéesu ka'ta teeraa wo'si Nayinda. Téelibéecaagari na bo' biyewin taamsee nari. <sup>12</sup> Ga waa ba deeyca aasaaraa dëkkaa, ya hotta buwaa baa yah ki'acnee faraaf. Baa kaanda, enee kowu kiinoo ga eeci; ee eemunaa, yaalaa kaanin. Laakeera bo' biyewin ga dëkkaa, baa taam na betifaa ga waas acaa'caa. <sup>13</sup> Daa Yéesu Ha'mudii hotee eemunaa, ya laakka yérmaandi wiyaak gari, ya wo"ari an:

- Kaa koduk!

<sup>14</sup> Lëehí'ta, Yéesu deeyca, le"a ga ñoyaa buwaa abohda, ba tuukka. Yéesu wo"a an:

- Oomaa-fiili, mi nakkaa, kolka!

<sup>15</sup> Baa kaaneeda kolukka, yunjga yaa aaw kiwo'. Yéesu íkkari eemunaa. <sup>16</sup> Buwaa béebba tíitussa ga iñaama ee ba baa kañ Kooh, ba baa wo' an:

- Sëldíiga-Kooh yiyaak hotukin ga díuyccuu, ee Kooh hayin kibaab bu-kaanci.

<sup>17</sup> Iñaa aaw ga Yéesu yaa béstírukohu ga kúlkaa Yúudée béeb na iñaa wiilwada.

### *Saŋ-Bétís wosohha ga Yéesu*

(Méccée 11: 2-19)

<sup>18</sup> Téelibéecaa Saŋ béstírussari iñcaa Yéesu tumeeda tóohca. Ya bayya banak gaþa, <sup>19</sup> ya wossaþa ga Yéesu, Ha'mudii, kimeekissi an: «Fu yérí en baa jom kihaydanoo dí sekan bo' yiliis?»

<sup>20</sup> Ga waa ba ka'ta bi ga Yéesu, ba wo"ari an:

- Saŋ-Bétís yérí wossíi garaa kimeekissaa ati fu yérí en baa jom kihayda wala dí sekan bo' yiliis.

<sup>21</sup> Ga wahtaama sii', Yéesu wéki'ta bo' biyewin ga dúukoolcaagaba, na ga iñaa mesikbada, ya kaalla rabcaa ga buwaa ee búumí' biyewin, ya onndaba kihot. <sup>22</sup> Ya dalla buwaa kitaas an:

- Karat dú béstí'nee Saŋ iñcii dú hotda, na iñcii dú kelohda: búumí'cii bii hot, lafañcii bii tíin dijófi', gaanacii bii sétíru, dékci bii keloh, faraafcii cii mílis, nduulcii bii yéegalu Hewhewii winéwi'wii. <sup>23</sup> Baa mi tahhiiraa kisoof fenoo ga ngëmaagaraanaa, fu yewinin múu'!

### *Iñaa Yéesu wo' ga Sanđa*

<sup>24</sup> Ga waa buwaa Sañ woseeda karussa, Yéesu aawwa kiwo' mbooloomaa iñaa aaw ga Sañ, an:

- Dú karee kimalaknee ya ga ëgí'-dúndagaa? Pëegíi-përúudúufaa en na ki'eguk ga uurisaane? <sup>25</sup> Enndiikanaa dú karee ya kimalaknee? Bo' yaa ekuk kúltí cimóríre?

En ki'enaa, buwii ekuk kúltí cimórí' ee dëku ga iñaa newinda, bii ga kaancii buu'cii.

<sup>26</sup> Kon dú karee kimalaknee ya daama? Sëldíiga-Koohe? Ee! Mi wo"úuka, baama paafin sah sëldíiga-Koohe. <sup>27</sup> Sañ yérí en baa wo'u ga Këyítfaada an: «Mi yii wos bo"oo, yaa dëwrukandaa, kiwaayuki'taa waasum.»

<sup>28</sup> Yéesu tikkka ga an:

- Mi wo"úuka, ga buwii límukoh ga betida béeßba, laakkii ga yaa wëñ Sañ kiyak, wayee baa wëñ kijutuut ga Nguuraa Koohda yérí wëñ Sañ kiyak.

<sup>29</sup> Béeß buwaa súkúrukeerida, bi ga juuticaa tookussa an Kooh júwin, ee Sañ bétisi"aba. <sup>30</sup> Wayee Férísiyeegaa na jégíroh-waasca sagussa Sañ bétisi'ba, fodaama ba teewohee an ba faali"ii iñaa Kooh waari'bada. <sup>31</sup> Yéesu tikkka ga an:

- Kon buwii jamaanii wati, mi mëdirohanba na ba? Ba man na ba? <sup>32</sup> Ba man na oomaacaa yugu ga paanaa dëkaa, biiñoo baa wo' bimooroomba an: «Dí mbiibfinndúu ee dú hammibii! Dí helemin ee dú kodukkii!» <sup>33</sup> Ndaga Sañ-Bëtis hayin, ya ñamoo ee anoo fodii buwii, ee dú wo' an: «Ya laak rab». <sup>34</sup> Kowukii bii hayin, kii ñam, kii an, ee dú wo' an: «Malkat bii yii halaat kiñam don na ki'an biiñ ee ya fiiliimunoh na juuticii na tumoh-baakaa'cii.» <sup>35</sup> Wayee béeß buwii took kiñaañkii Koohda ínohuunun an ka júwin.

### *Yéesu bayalla betifaa júbpii ga kaan Simon Férísiyeegaa*

<sup>36</sup> Laakka Férísiyeegaa bay Yéesu kiñamnee nari. Yéesu ka'ta kaanfaa Férísiyeegaa, ya yuñnga kiñam. <sup>37</sup> Lak laakin ga teeraa beti, yaa júbpii. Daa ya yéeggee an Yéesu yaa ñam ga kaanfaa Férísiyeegaa, ya haydohha kujúlúñkaa líifin na la'koleñ, jaa hëwrohu na atohaa wo'u albataa<sup>\*</sup>. <sup>38</sup> Ya tuukohha Yéesu fenoo, ga kotcaagari. Ya yaa koduk bi yaa tóoyí' kotcaa Yéesu na mooncaagari. Lëehí'ta, ya yaa moos kotcaa na fenfaagari, ya yaa fuunca, ee ya yaa leefca la'koleñ. <sup>39</sup> Daa Férísiyeegaa bayee Yéesu kiñamda hotee iñaama, ya yaa wo' ga helci an: «Bii yii enee sëldíiga-Koohaa, eneenaa ya hay ki'ínoh bii en betifii le' garifa ati ya ba: eneenaa ya hay ki'ínoh an bii yii betifaa júbpii.» <sup>40</sup> Yéesu taassa wo'a Férísiyeegaa an:

- Simon, laakin iñaa mi waa'taa kiwo'.

Simon taassa an:

- Jégírohii, wo'a!

<sup>41</sup> Yéesu wo'a an:

- Enee bo' banak, baa laaki' bo' kobot: yíinoo baydeeri denariyon<sup>†</sup> citéemée'-yëtúus, yíinooyaa cidaankaah-yëtúus. <sup>42</sup> Ya müuñí'taba béeßba banakbaa ndaga lak ba míneériiri kifay. Kon yiida wëñanndi kiwaa' ga buwaa banakbaama?

<sup>43</sup> Simon taassa an:

- Mi foonj man yaa müuñdu kobotfaa wëñ kiyakda, yérí.

Yéesu wo'ari an:

- Fu wo'in kayoh.

<sup>44</sup> Lëehí'ta Yéesu mëeñsukka ga betifaa, wo'a Simon an:

- Fu hotin betifii fiine? Ya tísdfinndo kotciigoo na moonciigari, ya moosfinndooca na fenfiigari. Wayee fu, mi aasin kaanfu ee fu e'tiiroo mûsú kitís kotciigoo. <sup>45</sup> Fu

\* 7:37 7: 37 Malkat Mëccée 26: 7. Albataa': iñaa heet atohaa pessi hen, hëwíru bi wa míñ kitum la'koleñ.

† 7:41 7: 41 Denariyon Iñaa heet kopa' bu-Room ee wa hín na fay lëgëy noh-noh bo' yíinoo.

gatanukkiiroo fu fuunndoo, wayee iñaa mi aasee dii, ya íissii kifuun kotciigoo. <sup>46</sup> Fu leeffii sah dúuleen wi'éeñí' ga hafiigoo, wayee ya, ya leefin la'koleñ ga kotciigoo. <sup>47</sup> Kérí tah mi wo"aa man kiwaa'kii kiyaakkii en garida kérí teewoh an baakaa'ciigari ciyewincii bayaluunun. Wayee bo', kiwaa'kaagari jutuutaa, lakanaa bayalu jutuut.

<sup>48</sup> Waa ennda ña, Yéesu wo'a betifaa an:

- Baakaa'cumgaraa bayaluunun.

<sup>49</sup> Buwaa boksee nari kanuda baa wo' ga helcaagaña an: «Bii yii ya ña, bi ya bayalli sah baakaa'?'»

<sup>50</sup> Wayee Yéesu wo'issa betifaa an:

- Ngëmumgaraa müsalinndaa, karaa na jam.

## 8

### *Beticaa taamsee na Yéesuda*

<sup>1</sup> Léehí'ta, Yéesu yaa ka' ga dëk-teerucaa na dëk-kawcaa, yaa jangat ee yaa yéegaloh Hewhewaa winéwí'waa Nguuraa Kooh. Téelibéecaagari bidaankaah na banakbaa taamsee nari, <sup>2</sup> na bibeti, baa wëkdfusee ga rab na dúukool ciliis: enee Mérí ee baysi Mérí Makdalaa\*, yaa rab biyitnabanak meydohsee garida; <sup>3</sup> Saan, beti Húusas tuukkoh-alalaa buu' Eroot; Súsaan na beti biyewin biliis baa dímalsee Yéesu na téelibéecaagari ga iñaa ña laakda.

### *Liiwukaa wo' ga loo sokohaada*

(Mëccée 13: 1-9; Marka 4: 1-9)

<sup>4</sup> Mbooloo wiyaak hídírukohha ee ga dëk-teeraa en béeñ buwaa baa meyoh ga kihay ga Yéesu, ya wo'a liiwukii wii:

<sup>5</sup> - Enee línoh, ya ka'ta kisoknee tesohthaagari. Ga daa ya en na kisokda laakka tesohtha keen ga dook waasaa, kotcaa togisohhata, selcaa ñammbata. <sup>6</sup> Laakka tesohtha keen ga dëkataa yewinin atoh, ta taa paal, ta súbpa ndaga ta laakéerií toolyaat. <sup>7</sup> Laakka tesoh tiliis taa keen ga dook yówée-lúp, ta paaldoohha na lúpcaa, lúpcaa onndata. <sup>8</sup> Ee laakka tesohtha keen ga kakayfaa laakin dooli, ta paalla, ta yakka, ta meydohha bon. Bogaa en béeñ towu titéemée'.

Waa ya léehí'ta kiliwuk fodaama, ya wo'a ga dook an:

- Baa fu laakin nof kikelohaa, súkúruka!

### *Iñii tah Yéesu liiwuki buwaa henda*

(Mëccée 13: 10-17; Marka 4: 10-12)

<sup>9</sup> Téelibéecaa Yéesu meekissari iñaa liiwukaama waa' kiwo'da. <sup>10</sup> Ya taassaba an:

- Dú bérí e'see ki'ínoh kúmpacaa Nguuraa Kooh. Wayee buwii tesda ña kelohan ga liiwuk na liiwuk, doonaa «ña míñ kimalak ee ña hotoo dara, ña míñ kikeloh ee ña ínohoo dara.»

### *Yéesu béstí'ta iñaa liiwukaa waa' kiwo'da.*

(Mëccée 13: 18-23; Marka 4: 13-20)

<sup>11</sup> Yéesu wo'aba an:

- Iñii yii yérí liiwukii waa' kiwo': pesohpaa pérí en wo'eenaa Kooh. <sup>12</sup> Buwii bíinoo madu na dookgaanaa waasaa tesohtha keenohda. Ba kelohin wo'eenii Kooh, wayee Seytaani hayinaa, nísiwa ga keeñcaagaba doo ba gëmoo bi ña míñ kimúc. <sup>13</sup> Bíinoo madu na dëkataa yewinin atohda, bérí en buwaa, binaa ba keloh wo'eenaa Koohaa, ña safá' gawa kite', wayee ña íisoo wo'eenaa yíp níil ga keeñcaagaba; ngëmaagaba maañoo, ee Seytaani jéematukibanaa, ba tagohi nawa. <sup>14</sup> Tesohtha keen ga yówée-lúpcada, teewoh buwaa kelohsin wo'eenaa Kooh, wayee halaat na alal na neblaat éldúna abuba ga kipesba; iñcaama on wo'eenaa Kooh bi ña míñoo kimat fodii

\* **8:2** 8: 2 Mérí yaa dëk teeraa Makdalaa. Yérí wo'u Mérí-Malleen.

pohoopaa bay bogaa lúudin. <sup>15</sup> Tesohtaa keen ga kakayfaa laakin doolidaa, teewoh buwaa keloh wo'eenaa Kooh ee ba amwa na keeñ wijófi', wijúwi' ee ba yégís ga bi ba tumi fodaa pohoopaa bay boñ wijófi'.

*Liiwukaa Yéesu wo' ga loo lampuda*

(Marka 4: 21-25)

<sup>16</sup> Yéesu wo''a an:

- Ken taaloo lampu, lí' kanu ga, wala tofwa ga fíldoo fayaan, wayee fu líkanwa hen doonaa buwaa aas túuyaadá, hot lee'laataa. <sup>17</sup> Iñaa dsaakuk béeb hay kihotuk ee iñaa apoh kúmpa béeb hay ki'ínohu ee hay kimeydochu fañ. <sup>18</sup> Malaksukohat book ga dum dú súkúrukida, ndaga baa laakin hay kibaatdu; wayee baa laakoo, iñaa ya fooñ an ya laakinda sah hay kite'u gari.

*Eew Yéesu na bikémëejkí Yéesu*

(Méccée 12: 46-50; Marka 3: 31-35)

<sup>19</sup> Eew Yéesu na bikémëejkí Yéesu hayussari kimalaknee. Wayee ba míndii kile' bi gari ndaga mbooloomaa. <sup>20</sup> Laakka baa yéegal Yéesu an:

- Eefu na bikémëejkífu baa day, ga fooh, ba waa'taa kihot.

<sup>21</sup> Wayee Yéesu taassaba béebba an:

- Eewwoo na bikémëejkíroo bérí en buwaa súkúruki wo'eenii Kooh ee ba taabukiwa ga tumeencaagaba.

*Yéesu tuuki'ta uris wiyaak*

(Méccée 8: 23-27; Marka 4: 35-41)

<sup>22</sup> Laakka bes Yéesu aassa na téelibéecaagari ga gaal-looci, ya wo''aba an:

- Du paafat giyyii bakaa hanoh gaada.

Ba baa yah. <sup>23</sup> Yéesu neehha lak ba baa yah ga dzuuy giyyaa. Uris wiyaak dalla kiyíp ga giyyaa, músúmaa maa soruk ga loocaa bi waa waa' kilíif ee tumuuntaagaba taa waa' ga ki'eem. <sup>24</sup> Ba deeyca ga Yéesu, ba yúunndari an:

- Jégírohii, Jégírohii, kikaankii kii hayyuu!

Yéesu yúudukka, gëtta urisaa na dúscaa, ca seemmba, dekataa ennda cel.

<sup>25</sup> Léehí'ta Yéesu wo''a téelibéecaagari an:

- Ngëmumgarúu narooda wada?

Wayee ba tiitta, ba waaru''a lool, ba baa wo' ga díkaantiba an:

- Moo, bii yii ya ba? Ya ebili sah urisii na mísúmii ee ca kelohdiri!

*Yéesu wéki'ta ha'-rab ga Gerasaa*

(Méccée 8: 28-34; Marka 5: 1-20)

<sup>26</sup> Yéesu na téelibéecaagari teerussa ga gohaa Gerasaa ëewrukoh na gohaa Géliléeda. <sup>27</sup> Yéesu yaa yoosuk ga gaal-loocaa, laak bo' yaa dék-teeraa, yaa gú'dukohhi. Baama enee ha'-rab. Iñaa ya gëy ki'ekuk kúltí maañin lool ee ya dékéeríi ga kaan, ya dëkee ga loycaa. <sup>28</sup> Daa ya hotee Yéesu hen, ya fiippa, ya jafukka ga kotcaa Yéesu, ya wo''a didóolí' an:

- Fu naroo ya, Yéesu, fu Kowukii Kooh yii ga dookaa-dookda? Mi kíimmbaa hen, kaa tummboo iñaa meskin.

<sup>29</sup> Iñaama, baa wo'eeri ndaga Yéesu ebilee rawaa kimeyoh gari. Rawaama yewneerari kibúuki, en danaa buwaa têhdohiri, yahcaa poku na ceen, ba jéengí kotcaa. Wayee ya gú' ceencaa, ya weel jéencaa ee rawaa ëewdohiri égíraa. <sup>30</sup> Yéesu meekissari an:

- Fu teeku na?

Ya taassa an:

- Mi teeku coogeel.

Ya wo'ee iñama ndaga rab biyewin bérí abeeri. <sup>31</sup> Rabcaa baa kíim Yéesu an ya hanatba kiye' ga bu-baam<sup>†</sup>.

<sup>32</sup> Lakanaa laakin yop-mbaam-parki wiyaak waa en na kiniiru daama ga janjagaa. Rabcaa kíimussa Yéesu ya onba ki'aas ga mbaamcaama. Ya onndaba iñama.

<sup>33</sup> Rabcaa meyussa ga baa, aasussa ga mbaamcaa. Yop-mbaamcaa írkísukohha janjagaa, keennda ga giyaa, wa muu'ta.

<sup>34</sup> Daa níirohcaa hotee iñaa laak yaama, ba núppa, baa béstí' iñaa hewdfa ga teeraa na dëk-kawcaa. <sup>35</sup> Buwaa karussa kimalaknee iñaa hewdfa. Ba ka'ta bi ga Yéesu, ba laak baa rabcaa meyoh garida yugin kakay ga kotcaa Yéesu, ekukin kúlti, taabin na sagaagari. Ba dalla kiniik. <sup>36</sup> Buwaa hotee iñaa laakdfa baa béstí'ba ga daa ha'-rawaa wékdfuseeda. <sup>37</sup> Waa ennda da béeb buwaa en ga gohaa Gerasaada kíimussa Yéesu ya úsaayba ndaga lak ba tíitin lool. Yéesu aasissa ga gaal-loocaa kiyah. <sup>38</sup> Baa rabcaa meyohee garida kíimmba Yéesu ki'iissi ya taam nari. Wayee Yéesu onndiirika, ya wo"ari an:

- Boykaa kaanfu ee fu béstí' tóoh iñaa Kooh tumi'taada. <sup>39</sup> Baa ka'ta ga d'uuy teeraa tóoh kiyégalohnee iñaa Yéesu tumi'tida.

### *Yéesu wéki'ta beti, mílsí'ta kowukaa Yayros*

(Méccée 9: 18-26; Marka 5: 21-43)

<sup>40</sup> Yéesu boyukka tewisaa wíinoo, mbooloomaa téeblíukkari, ndaga béeb sekeeri.

<sup>41</sup> Daama, laakka baa hay gari. Ya teeku Yayros ee kuliukee ga jaangu-yaawúu'caa. Ya yí'a ga kotcaa Yéesu, ya kíimmba Yéesu ya hay kaanci, <sup>42</sup> ndaga kowukaagari kibetikaa ka kíinoo doñ ya laakdfa kaa yah kiléehduk. Ka jom kilaak tíkiis tidaaŋkaah na tanak.

Ga daa Yéesu enee na kiyahdfa, buwaa baa ñuupuk gari bi ya yaa yah kipa'.

<sup>43</sup> Laakeera daama betifaa meydohee ñíf iñaa le'in tíkiis tidaaŋkaah na tanak. Iñaa ya laakeeda tóoh leehha ga payohcaa ee yíinoo gaba mínnndiiri kiwéki'. <sup>44</sup> Ya koorohha fenoo, le'a ga pawaa kúltífaa Yéesu: Ga saasi ñífaa aamki garida gú'ta.

<sup>45</sup> Daama Yéesu meekisohha an:

- Bii le' garoo ba?

Waa baa en béeb yaa taasuk, Pee' wo"ari an:

- Jégírohii, man buwii wíluununndaa ee bii ñuupuk garaa!

<sup>46</sup> Wayee Yéesu tíkka ga an:

- Bo' le'in garoo kay, ndaga mi yéegin an laakin doolaa meyohee garoo.

<sup>47</sup> Ga waa betifaa inohha an ya mínsiséeríi kidaakuk, ya yaa saak, yaa hay. Ya jafukneera ga kotcaa Yéesu. Ya béstí'ta ga fíkii buwaa béebsba iñaa tahee bi ya le'a ga kúltífaa Yéesuda na daa ya wak ga saasida. <sup>48</sup> Yéesu wo"ari an:

- Jowu, ngémumgaraa músalinnadaa. Karaa na jam.

<sup>49</sup> Lak Yéesu yaa lís kiwo' fodaama, laakka baa meyoh kaanfaa Yayros, wo'a yaama an:

- Kowukaagaraa kibetikaa kaanin, calissiiraa kisonlukohis Jégírohii ga.

<sup>50</sup> Wayee Yéesu, daa ya kelohee iñama, wo'a Yayros an:

- Kaa niik dara, gëmaa hen rek ee ka hay kipes.

<sup>51</sup> Ga waa Yéesu le'a kaanfaa, enndii Pee', Sanj, Saak, eew ku'oomaakaa na paamunaanaa, ya tookkii bo' yiliis aas nari. <sup>52</sup> Buwaa béebsba baa looyoh, baa fiipoh didóolí' ndaga ku'oomaakaa. Yéesu nak wo'aba an:

- Ísat kodukeenii, oomaanii kaanndii wayee ya en na kineeh. <sup>53</sup> Daama buwaa baa ciibsukki ndaga ba ínoheera an oomaanaa kaanin. <sup>54</sup> Wayee Yéesu ammbari ga yahaa, lëehí'ta ya wo'a didóolí' an:

<sup>†</sup> **8:31** 8: 31 Bu-baam Dekataa jafohsí rabcaa ga bí' kakayda. Ga baahaa yaawúu'caa, dékataama, ga bí' kakayda, rabcaa dákki da, ba seki besaa ba atti'san kikaan bi taa'da.

- Oomaanii, koluka!

<sup>55</sup> Fodaama fítaa ku'oomaakaa íkukka ga, ya kolukka ga saasi. Lëehí'ta, Yéesu nakohha oomaanaa eru ñamah. <sup>56</sup> Paam ku'oomaakaa na eeci waaru'ussa lool, wayee Yéesu díñngaba an ken hanat bo' kiwo' iñaa laakee yaama.

## 9

*Yéesu wossa apotaa'caa bidaanjkaah na banakbaa*

(Mëccëe 10: 5-15; Marka 6: 7-13)

<sup>1</sup> Yéesu négírohha télibéecaa bidaanjkaah na banakbaa, ya e'taba dooli na kimín kikaal rabcaa béeþba ga buwaa, na kiwéki' dúukoolí'caa. <sup>2</sup> Lëehí'ta ya wossaba kiyéegaloh Nguuraa Kooh na kiwéki' dúukoolí'caa. <sup>3</sup> Ya wo"aba an:

- Dú en na kiyahaa, kaa baydohat dara; hanat ki'en doo' wala hëmbu, wala ñamah, wala kopa'. Ee kaa bayat yaa en béeþ kúltí kanak. <sup>4</sup> Túuyaa dú aasoh béeþ, tesat da bi ga daa dú kolkohan daama. <sup>5</sup> Ee binaa buwaa sagussúu kitook ga kaancaagabanaa, meyat dëkaa waama, yéekírukut pëndëlaa ga kotcaagarúuda. Iñaama hay kiteewoh kimúuykaagaþa.

<sup>6</sup> Télibéecaa karussa, ba koo'ta ga dëk na dëk, ba baa yéegaloh Hewhewaa winéwi'waa ee baa wéki' dúukoolí'caa ga daa en béeþ.

*Eroot jaahli''a ga iñaa wo'u ga Yéesuda*

(Mëccëe 14: 1-12; Marka 6: 14-29)

<sup>7</sup> Eroot, buuraa gohaa Gélilée, yéenjga iñaa heweeda tóoh. Ya jaahli''a ga ndaga laakeera buwaa wo'ee an:

- Sañ yérí mélís ga buwaa kaanda.

<sup>8</sup> Bíino an:

- Ili yérí hay.

Bíinoobaa an:

- Yíinoo ga sëldíiga-Koohcaa waama yérí mélís.

<sup>9</sup> Wayee Eroot wo"a an:

- Sañ, mi gú'lukka hafaa. Kon bii mi keloh ya wo'du iñcuma béeþcadá ya ba? Ga iñaama ya aawwa kiheel kihot Yéesu.

*Yéesu tummba kíntaan ga mbúurú ciyétúus na jén kanak*

(Mëccëe 14: 13-21; Marka 6: 30-44; Sañ 6: 1-14)

<sup>10</sup> Apotaa'caa boykussa, ba béstí'ta Yéesu tóoh iñcaa ba tumeeda. Ya wo"aba ba taam nari, ya ka'ta naba daa wéetin, ga bak teeraa wo'u Betsaydaa. <sup>11</sup> Daa buwaa yéeggeka, ba taabukkari. Yéesu íissaba ba hay, lëehí'ta ya yaa wo'ba ga iñaa aaw ga Nguuraa Kooh, ee ya yaa wéki' buwaa sooluk kipayuda.

<sup>12</sup> Télibéecaa bidaanjkaah na banakbaa deeyussa ga Yéesu lak Kooh yaa hooþ, wo'ussari an:

- Íisaa buwii ba aas dëk-kawcii na yopcii ga yahaaniidá, ba heelnee daa ba neehan na iñaa ba ñaman ndaga dekatii du enohdá laakoo dara.

<sup>13</sup> Wayee Yéesu loffaba an:

- Eratba na kihaffúu iñaa ba ñaman.

Wayee ba taassa an:

- Dí laakkii iñaa wéñ mbúurú ciyétúus na jén kanak. Hanaa dí ka' kilomnee ñamahcaa kap buwii bii béeþba.

<sup>14</sup> En ki'ena, laakeera daama iñaa le' yaal bijúnni-yétúus. Yéesu wo"a télibéecaagari an:

- Yujdatba, ba négírukoh kom kom, buwaa le' bidaanjkaah-yétúus.

<sup>15</sup> Ba tummba fodaama. Ba yugi'taba béeþba. <sup>16</sup> Yéesu bëbpa mbúurúcaa ciyétúuscaa na jéncaa kanakcaa, ya taaginukka dook, ya gérëmmba Kooh gaca.

Lëehí'ta ya gú'sohhaca, ya e'ta tēelibéecaa ba waroh buwaa. <sup>17</sup> Buwaa béeħħa ñammba bi ba kappa pút, ee pañi cidaaqkaah na kanak wookussa ga iñaa teseeda.

*Pee' wo''a an Yéesu yérí en Kiristaanii  
(Mëccée 16: 13-19; Marka 8: 27-29)*

<sup>18</sup> Laakka bes, lak Yéesu enee na kikíim Kooh hañci ee tēelibéecaagari ensee nari daama. Ya meekissaba an:

- Buwii wo'u an mi yérí en ba?

<sup>19</sup> Ba taassa an:

- Laakin buwaa wo' an fu yérí en Sañ-Bëtís, bíinoo an fu yérí en Ili, bíinoobaa ban an fu sëldíigaa mélís hen ee bok ga sëldíiga-Koohcaa waama.

<sup>20</sup> Ya meekissaba an:

- Haa dú, dú wo' an mi yérí en ba?

Pee' taassa an:

- Fu yérí en Kiristaanii Kooh wosda.

*Yéesu yéegalohha an ya hay kikaan ee ya mélís*

*(Mëccée 16: 20-28; Marka 8: 30-9: 1)*

<sup>21</sup> Yéesu díñgaba na wo'een ciyégisi' an ken hanat kiwo' iñaa aaw ga. <sup>22</sup> Doo ya hanndaba kiwo' an:

- Kowukii bii jomin kikooroh ga mesiklaat ciyewin. Ha'-kaancaa, sarahohcaa biyaakbaa, na jégíroh-waascaaa waa'sanndii gari kihot, ya hay ki'apu ee besaa wukaahaywaa tíkan ga kikaankaagarifa, ya hay kimélís.

*Kitaabuk Yéesu*

<sup>23</sup> Lëehí'ta Yéesu wo''a buwaa béeħħa an:

- Binaa bo' waa' kitaam ga fenooroonaa, ya alat hafci, ya kooruk kuraanaagari besaa en béeħ, ya taabukkoo. <sup>24</sup> Ndaga baa fu waa' kisom kumuunfunaa fu hayka kiñak bi taa'; wayee baa mi tahhaa kiñak kumuunfunaa, fu hay kipes bi taa'. <sup>25</sup> Ee kilaak iñcii ga ēldúnada tóoh jeriñan bo' ya, en lak ya ñak hafcinaa wala ya sañku'aa? <sup>26</sup> Ndaga baa mi enndaa kaci mi na wo'eenigoonaa, fu hay ki'en kaci ga Kowukii bii béríinnaa ya hayan ga ndamaagari na waa paamci na waa malaakacaa bisela'í'baa. <sup>27</sup> Mi wo'úuka ee kayoh; bibo' ga buwii bii kaansoo ee ba hottii Nguurii Kooh.

*Ndamaa Kooh yoosukka ga Yéesu*

*(Mëccée 17: 1-8; Marka 9: 2-8)*

<sup>28</sup> Ga waa Yéesu wo''a wo'eencaama bi tikkä ga iñaa le' bes ciyitnakaahay, ya wo''a Pee', Sañ na Saak ba taam nari, ya lappa naħba ga dlook janjagaa kikíim Kooh.

<sup>29</sup> Ga daa Yéesu enee na kikíim Koohda, fíkiifaagari ennda filiis ee kúlticaagari yaanaawwa der bi caa melic. <sup>30</sup> Ga dékataama, laakka bo' banak baa mey ga duuy ndamaa Kooh ee ba baa saawal nari: enee Móyiis na Ili. <sup>31</sup> Ba baa saawal nari ga iñaa aaw ga kikaankaagari yah kilaak ga Yéerúsaleemfa. <sup>32</sup> Lak Pee' na buwaa ya taam nabada baa ga péní fiyaak. Wayee ga waa ba yúudukda, ba hotta ndamaa Yéesu na buwaa banakbaa tuuksee narifa. <sup>33</sup> Ga wahtaa buwaama enu na kitagohu na Yéesuda, Pee' wo''a Yéesu an:

- Jégírohii, dii newin garuu. Du yípat dii taal kaahay: wíinoo wuufu, wíinoo wuu Móyiis ee wíinoo wuu Ili.

Pee' ínoħéeríi iñcaa ya wo'da.

<sup>34</sup> Lak Pee' yaa lís kiwo' fodaama, laakka yaayeelaa hay, úullaba. Tēelibéecaa titussa ga waa ba en na ki'aas ga duuy yaayeelaada. <sup>35</sup> Ee ga duuy yaayeelaa laakka koonaakaa wo' an:

- Bii yii yérí en Kowukiigoo mi tanukfa. Súkúrukatti.

<sup>36</sup> Ga waa koonaakaa lëehí' kiwo'da, tēelibéecaa hotsee Yéesu rek daama. Ba dëkohussa na iñaama, ee ga wahtamaa ba béstí'tii ken iñaa ba hoteeda.

*Yéesu wëkí'ta oomaanaa laak rab*  
*(Mëccée 17: 14-18; Marka 9: 14-27)*

<sup>37</sup> Ga besaa tík gada, Yéesu na télibéecaa yoosukussa ga janjagaa, mbooloo wiyaak hayyari kitéebíluknee. <sup>38</sup> Ga díuy mbooloomaa laakka baa en na kifiip an:

- Kiyaakii, mi kiimmbaa, malakdaaroo kowukiigoo ndaga mi laakka doñ!

<sup>39</sup> Leekleek rab búukki, ya aawi kifiip. Rawii saylukohiri, kúuwkaa kúuwi; ya sodalli lool ee ya gaawoori ki'fis. <sup>40</sup> Mi kiimin télibéeciigaraa ba kaal rawii wayee ba mínnidii.

<sup>41</sup> Yéesu taassa an:

- Dú, buwii wati, dú bii dú laakoo ngém ee dú tumi iñaa joffiida, mi enan narúu bi kera? Mi múuñdanndúu bi kera? Haydohaa kowukiigaraa dii.

<sup>42</sup> Daa oomaanaa deeyee, rawaa fetallari kakay, yaa saylukohhi didóolí'. Wayee Yéesu gëtta rawaa, wëkí'ta oomaanaa. Lëehí'ta ya íkkari paamci. <sup>43</sup> Béeb buwaa waaru'ussa ga yaklaataa doolaa Kooh.

*Baa Yéesu wo' an yëri wëñ kiyak ga fikúi Koohda*

*(Mëccée 18: 1-5; Marka 9: 33-37)*

Buwaa bëeb waaru'ussa ga tóoh iñcaa Yéesu tumeeda, ya wo''a télibéecaagari an:

<sup>44</sup> - Súkúrukat dijóffí iñii mi yahhúu kiwo' yii: Kowukii bii hay kitíku ga yah buwii.

<sup>45</sup> Wayee ba ínohhii iñaa wo'eenama waa' kiwo'da, ndaga wo'eenaa man na cah gaba, bi ba mínnidii ki'inoh iñaa wa waa' kiwo'da ee ba kaañnjiiri kimeekisoh iñaa aaw ga wo'eenama.

*Baa Yéesu wo' an yëri wëñ kiyak ga fikúi Koohda*

*(Mëccée 18: 1-5; Marka 9: 33-37)*

<sup>46</sup> Télibéecaa Yéesu enussa ga kinookoh ga díuyba ki'inoth baa wëñ kiyak gabada. <sup>47</sup> Yéesu ínohha iñaa ba halaatda, ya bëbpa ku'oomaa, tuuki'taja ga yahaaci.

<sup>48</sup> Lëehí'ta ya wo''aba an:

- Baa fu te' oomaanii yii ga teekiigoonaa, lakanaa fu te''oo, mi ga kihaffoo; ee baa fu te''oonaa, fu te' baa wossooda ban; ndaga baa wëñ garúu kijutuut bëebpúuda yëri en yaa wëñ kiyakda.

<sup>49</sup> Sañ bëbpa wo'eenaa, wo''a an:

- Kiyaakii, dí hotin baa enee na kikaal rab ga buwii ga teekiigaraa ee dí waa'tarika kihoonoh ndaga ya bokkii garuu.

<sup>50</sup> Yéesu loffari an:

- Kaa hoohonhattika, ndaga baa lebirohhii naruunaa, fa' naruu.

*Bu-Samarí sagussa Yéesu aas dëkaagaba*

<sup>51</sup> Ga waa wahtaa Yéesu jomee kikolkoh éldúna, ya lap dook-Kooh le''a, ya tuukka tek ga kika' Yéerúsaleem. <sup>52</sup> Ya wossa bibo' ba dëwírukki. Ga waa buwaa karussa, ba aassa dëk-kaw ga gohaa Samarii, kiheeli' Yéesu ga daa ya dalan. <sup>53</sup> Wayee bu-dëkaa sagussa Yéesu aas da, ndaga ya aawee Yéerúsaleem. <sup>54</sup> Daa télibéecaa Yéesu, Saak na Sañ hotee iñaama ba wo''a an:

- Ha'mudii, fu waarin dí nak kiwii, ka yoosuk asamaan, ka díubí'bane?

<sup>55</sup> Wayee Yéesu méeñsukka gaba, yaa ña'ba\*. <sup>56</sup> Lëehí'ta ba baa yah dëk-kaw wiliis.

*Baa waa' kitaabuk Yéesunaa*

*(Mëccée 8: 19-22)*

<sup>57</sup> Yéesu na télibéecaagari ensee ga waas, laakka baa wo''i an:

\* <sup>9:55</sup> 9: 55 Laakin ga këyítcaa dëbda, caa baat ga an: «ya wo''aba an: dí inohoo helii dí en nawada. Kowukii bii hayyii dii kisanjku' tumuuntii buwii wayee ya hayta kimúsal.»

- Daa fu yah tóoh, mi hayyaa kitaabuk.

<sup>58</sup> Yéesu wo"ari an:

- Tílcii laakuunun dúl ee selcii ga asamaanda laakuunun taal, wayee Kowukii bii laakoo daa ka leeman hafiigari.

<sup>59</sup> Yéesu wo'a bo' yiliis an:

- Taabukaaroo.

Yaama taassari an:

- Ha'mudii, onaaroo paay mi acnee paammboo.

<sup>60</sup> Wayee Yéesu wo"ari an:

- Íisaa buwaa kaaninda ba ac buwaagaba kaanda, ee fu, tíida fu yéegalohnee Nguuraa Kooh.

<sup>61</sup> Bo' yiliis wo'issari an:

- Ha'mudii, mi hayyaa kitaabuk, wayee onaaroo paay mi tanjohnee na bukaanndoo.

<sup>62</sup> Yéesu loffari an:

- Baa en na kilín, am mësíin, heeluki fenoocinaa, baa yaama mínoo kilégéy ga Nguuraa Kooh.

## 10

### *Yéesu wossa tēelíbée bidaankaah-yitnabanak na banak*

<sup>1</sup> Ga waa iñaama paaffa, Yéesu tannda bo' bidaankaah-yitnabanak na banak biliis ee ya wossaba banak banak, ba kuliukki ga teerucaa béebsca na dekatcaa ya jomee kika' na kihafcidá tóohca.

<sup>2</sup> Ya wo"aba an:

- Píikii yewinin ee píikohcii caakussii. Kon, kíimat ha'-píikii ya baat kiwosoh bilégéyoh ga píikiigari. <sup>3</sup> Tíidat! Mi yii wossúu fodii tupe' ga dñuuy bigumu. <sup>4</sup> Kaa baydohat kopa', hëmbu wala ñafa' ee kikéñdoh hanattúu kifaan ga waas. <sup>5</sup> Kaanfaa dú míni'as béebs, këñdohat paay an: «Jam namohat narúu!». <sup>6</sup> Binaa bo' jam en daamanaa, jamaa dú kíimi'tida hay kiyosuk gari; ee bo' jam enndii danaa, jamaa aaw garúu. <sup>7</sup> Yugat ga kaanfaa faama, dú ñami dú ani iñcaa dú e'sanda ndaga lëgëyohaa en béebs jomin kifayu. Kaa taabat kaan na kaan. <sup>8</sup> Teeraa dú aasoh béebs ee buwaa tookussúu danaa, ñamat iñcaa dú teebsanda. <sup>9</sup> Wëkírat dúukoolí'caa enu ga teeraamada, dú wo' bu-dëkaa an: «\*Nguurii Kooh deeyinndúu». <sup>10</sup> Wayee teeraa dú aasoh ee dú tookussii danaa, meyat ga mbediccaa dú wo' an: <sup>11</sup> «Dí bii përtuk sah ki'ikkúu pëndëlii dëkiigarúu ñaak ga kotciigaríida, wayee ínohat gaka an Nguurii Kooh deeyinndúu.» <sup>12</sup> Lëehí'ta Yéesu tíkka ga an: Mi wo"úuka, besaa yah ki'atti'ohuda le'aa, bu-Sodom bëri tani'an bu-dëkaa waama.

### *Dëkcaa sagu kigëmda*

(Mëccée 11: 20-24)

<sup>13</sup> - Massa dú, bu-Korasee! Massa dú, bu-Betsaydaa! Ndaga kíntaancii tumsee ga dñuuycúuda tumsee ga dñuuy dëkaa Tíi' na waa Sídonjaa eneenaa kumëeñi' ba ekukin saaku, ba yun ga wet kiteewoh an ba récukin baakaa'ciigaba. <sup>14</sup> Këri tah besaa atti'ohsanda le'aa, bu-Tíi' na bu-Sídon bëri tani'anndúu atti'. <sup>15</sup> Dú, bu-Kafarnawom, dú yaakaa' an dú hay kibëwíru bi ga dook-Koohe? Ó'óo, dú yah kiyóoskídu bi ga bu-baam.

<sup>16</sup> Ya wo'issa tēelíbéeecaagari an:

- Baa sükúrukkuuna lak sükúrakkoo ee baa sañngúu kite'aa lakanaa sañngoo kite'. Ee baa sañngoo kite'aa lakanaa sañ kite' baa wossooda.

### *Tēelíbéecaa Yéesu woseeda boykussa*

<sup>17</sup> Téelibéecaa bidaanjkaah-yitnabanak na banakbaa boykussa laken keeñba soosin seb, ba wo'a an:

- Ha'mudii, ga teekiigaraa, bi ga rabcaa tookdsuununndí!

<sup>18</sup> Yéesu wo'aba an:

- Mi hotee ga Seytaani ga waa ya d'eeegískoh dook en fan melicda. <sup>19</sup> Malkat! Mi oninndúu dooli kikoo' ga dook goncii na dagalcii, na kinapañsoh dooli Seytaani ee dara mínoo yen garúu. <sup>20</sup> Ga iñaama kaa neblukat ga dii rabcii tookdsuununndúuda wayee neblukat ga dii teekciigarúu bíduunun ga dook-Koohda.

### *Yéesu ndammba Kooh paamci*

(Mëccée 11: 25-27; 13: 16-17)

<sup>21</sup> Ga saasi, ga tumeenaa Helaa yisela'íyaa, Yéesu líiffa na keeñ wisóosí', ya ndammba Kooh Paamci an:

- Buba, Ha'mudii d'ook na kakay, mi yii gérëmmbaa ga dii fu teewin buwii ínohsuu darada iñaa fu daak ha'-hamhamcii na buwii jaginda. Ee, Buba, iñaama laakohda ndaga neþpaa hen fu waa'taka.

<sup>22</sup> Paammboo erinndoo iñaa en béeþ. Ken ínohoo Kowukii enndii Paamudiinaa; ee ken ínohoo Paamudii enndii Kowukii na buwaa Kowukii waa'bari kiteewaa.

<sup>23</sup> Léehí'ta ya méeñsukka ga téelibéecaagari ya wo'aba hanþba doj an:

- Ba yewinin múu' buwii hasciigaba hot iñcii d'ú hotda, <sup>24</sup> ndaga mi wo'"úu man sëldíiga-Kooh na buu' biyewin waaruunun kihot iñcii d'ú hotda na kikeloh iñcii d'ú kelohda wayee ba hottiica ee ba kelohhiica.

### *Liiwukaa Yéesu wo' ga loo baa dëkee Samariída*

<sup>25</sup> Laakka jégíroh-waas yaa waaree kimalaksukoh Yéesu, ya kolukka, meekissari an:

- Jégírohii, iñii yiida mi jom kitum bi mi laas bakkoo ga kipeskaa leehoo taa'da?

<sup>26</sup> Yéesu loffari an:

- Iñii yiida bídu ga Waasiiruu? Fu am ya ga iñaa fu janj gada?

<sup>27</sup> Baa taassa an:

- Fu waaran Ha'mudii Koohyiigaraa, na keeñagarraa tóoh na kipeskaagarraa tóoh na doolaagarraa tóoh na helaagarraa tóoh ee ban fu waaran mooroomfu fodaa daa fu waa' haffuda.

<sup>28</sup> Yéesu wo'ari nak an:

- Ee, iñum fu taasdá júwin. Tumaa iñaama, fu pes bi taa'.

<sup>29</sup> Wayee jégíroh-waasaa waaree kilaak kayoh, ya dalla kimeekis Yéesu an:

- Bii yiida en mooroommboo?

<sup>30</sup> Daama Yéesu loffari an:

- Laakee yaalaa meyohee teeraa Yéerúsaleem, yaa yah teeraa Yéríkóo. Ya hídukohha ga bigúroh-waas. Ba te'a iñaa ya bayeeda tóoh, ba feekkari bi yaa yah kikaan, ba foñnjari da, baa yah. <sup>31</sup> Laakka sarahohaa kooroh waasaama. Daa ya hotee baa, ya deennga di'usaayí', yaa yah kotci. <sup>32</sup> Laakka ban bo', ee iñaa Léwít, le'a daama. Daa ya hotee baa, ya deennga di'usaayí', yaa yah kotci. <sup>33</sup> Wayee laakka baa dék kúlkaa Samarií, yaa enee ga waas kibaab, ya hayya bi ga yahaa baa, ya laakka yérmaandi wiyaak gari, ga waa ya hottifa. <sup>34</sup> Ya baatta kideey ga baa, tummba dúuleen na biiñ ga gaañcaa, ya müullaca. Ya tíkkari ga baamaagari ya lapeeda, bayyari ga d'ekataa sagac dalida ee ya toputu'ari dijófi'. <sup>35</sup> Ga kooh-wiisfaa, ya meydohha héelis denariyon kanak, e'ta ha'-dékataa, wo'ari an:

- Mi yii yah ee toputu'ari dijófi'. Binaa fu tum gari iñaa wëñðanaa, mi yëri yahhaawa ki'ík mi boykoh diinaa.

<sup>36</sup> Yéesu meekissa jégíroh-waasaa an:

- Ga buwaa baahaybaa baama, yiida gaba teewoh ki'en mooroom baa gúroh-waascaan feekeeda?

<sup>37</sup> Jégíroh-waasaa taassa an:

- Yaa teewoh kilaak yérmaandi garida, yéri.

Yéesu nak wo"ari an:

- Tíida, ee fu ban, tumaa fodaama.

### *Yéesu aassa kaan biMarta na Méri*

<sup>38</sup> Lak Yéesu yaa ga waas na télibéecaagari, ya aassa dék-kaw. Daama, laakka betifaa teeku Marta, bayya Yéesu kaanci. <sup>39</sup> Marta laakeera kéméenkímun, yaa teeku Méri. Yaama yugee ga kotcaa Ha'mudii, yaa súkúruk jégírohaagari. <sup>40</sup> Marta nak, lak lègëycaa d'uuuy waañaa hëpin gari, ya hayya ga Yéesu, wo"ari an:

- Ha'mudii, dii Méri foñnjoo na lègëyii tóohda, enndiiraa darane? Wo'aari kay ya amdohhoo!

<sup>41</sup> Ha'mudii taassari an:

- Wari fu ban Marta, fu bítukin lool ga enaama ciyewin. <sup>42</sup> Wayee yen yíinoo don yérí laak solu. Méri tanukin bakaa gënda ee ken te'oowa gari.

## 11

### *Yéesu yéedírohha kikíim Kooh*

(Méccée 6: 9-13; 7: 7-11)

<sup>1</sup> Laakka bes, Yéesu enee na kikíim Kooh ga dekat. Ga waa ya lëehí'ta, yíinoo ga télibéecaagari wo"ari an:

- Ha'mudii, yéedíraaríi kikíim Kooh fodaa Sanj yéedíreeka télibéecaagarida.

<sup>2</sup> Yéesu wo"aba an:

- Binaa d'ú en na kikíimaa, wo'at anee:

«Buba, béeb ínohat kisela'kii teekiigaraa;

Nguuriigaraa le'at dii.

<sup>3</sup> Onaaríi besaa en béeb iñaa dí jom kiñamda.

<sup>4</sup> Bayalaaríi baakaa'ciigaríi,

ndaga dí, ga kihaffíi, dí bayalin buwaa tooñjíida.

Ee kaa fiissíi dí keen ga fí' Seytaani.»

<sup>5</sup> Yéesu wo'issaba an:

- Enee an yíinoo garúu laak filiimun, ya ka' gari ga leeloo wek kiwo"i an: «Fiilii, lúudaaroo mbúurú kaahay. <sup>6</sup> Laak filiiroo yíinoo yaa hay kibaab ga kaanndoo ee mi laakoo dara iñaa mi eranndi.» <sup>7</sup> Ee yaama taassi ga d'uuuy túuyaagari an: «Kaa tangalloo! Diima deñ dí tækkin ee mi na bu-kaanndoo dí faanukin. Mi míniñíi kikoluk ki'e'taa mbúurú.» <sup>8</sup> Mi wo"úu man, luu enee an ya kolukkii e'ti mbúurú ndaga daa ba en biffiliimunda, ennaa ya hay kikoluk e'ti iñaa ya soolukda tóoh ndaga daa yaama d'uuucuk ga kikíimkaada. <sup>9</sup> Mi nak, mi wo"úu an: kíimat, Kooh hayyúu ki'on. Heelat, d'ú hay kihot. Fëekírat, d'ú hay kilégísdú. <sup>10</sup> En ki'enaa, baa kíim béeb, onu; baa heel béeb, hot; ee baa fëekí' béeb, hay kilégísdú. <sup>11</sup> Paamudii yiida garúu eran kowuci gonj binaa ka kíimmbi jénaa? <sup>12</sup> Wala ya e'ka dagal binaa ka kíimmbi wakaa? <sup>13</sup> Kon ga dii d'ú hín kibonda, en lak d'ú bëri míñ ki'on towutaagarúu enaama cijofíraa, wëñaa ga Paamudii ga dookda. Buwaa kíimmbi Helaa yisela'í'yaada, ya onoobayane?

### *Yéesu yabussa kitaam na Seytaani*

(Méccée 12: 22-30; Marka 3: 22-27)

<sup>14</sup> Laakka bes, Yéesu enee na kimeydoh ga bo' rawaa luuþlukohhi. Daa rawaa meyee, luuwaa aawwa kiwo' ee buwaa waaru'ussa. <sup>15</sup> Wayee laakka gaba buwaa wo' an:

- Belsebul, buurii rabcii, yérí onndi dooli kikaal rabcii ga buwii. <sup>16</sup> Laakka bo' biliis baa waareeri kimalaksukoh. Ba meekissari ya tumi'ba kíntaanaa teewoh an ya meyoh ga Kooh. <sup>17</sup> Wayee Yéesu ínohha halaatcaagaba ya wo'aba an:

- Kúlkaa hégískoh ga dzuuyka béeb, aaw ga kifaay. Túuycaa bú'sukoh waa en béeb ga dook mooroomci. <sup>18</sup> Kon binaa Seytaani hégískoh ga dzuuyccinaa, nguuraagari tuman na bi wa lísi kituuk? Ndaga dú wo' an Belsebul yérí onndoo dooli kikaal rab ga buwii. <sup>19</sup> En lak an mi, Belsebul yérí onndoo dooli kikaal rawaa, haa bii on buwiigarúu dooli kikaal rab ba? Kon buwumgarúu, ga kihafba, bérí atti'anndúu. <sup>20</sup> En ki'enaa, en an mi kaali rabcii na doolii Koohaa, kon Nguurii Kooh le'in bi garúu.

<sup>21</sup> Binaa baa laakin dooli ee bayin ganaay watuk kaancinaa, lak alalaagari béeb lewin. <sup>22</sup> Wayee baa wëñnji kilaak dooli hayaa, soonjngi, mínnndi, te' ganaaycaa ya yaakaa'lukeeda tóoh, waroh iñcaa ya bewoh garida.

<sup>23</sup> Baa fa'tii naroonaa, heñoh naroo; ee baa négírohhii naroonaa, yii tasarsoh.

### *Rab míni kiboyukis ga daa ya kaalohseedä* (Méccée 12: 43-45)

<sup>24</sup> - Binaa rab meyoh ga bo'aa, ya túuti ga ëgíraa, ya heeli daa ya íikarukan, wayee waa ya hottii daa ya aasan, ya wo' ga helci an: «Mi naman kiboyuk kaanfaagoo mi meyoheeda.» <sup>25</sup> Binaa ya le' danaa nak ya laak kaanfaa paruunun bi setin, hëwíruunun bi jekin. <sup>26</sup> Fodaama ya yee kikoo'nee rab biyitnábanak biliis baa wëñnji kisoot; ba aas ga kaanfaa, ba dék ga. Faf baa yaama, ga daa ya madee kudewaada, wëñisda kiyiis.

### *Iñaa wëñ kineb ga kipesda*

<sup>27</sup> Laak Yéesu yaa wo' fodaama, laakka ga dzuuy mbooloomaa betifaa wo' ga dook an:

- Betifaa bayeeraa ga lookaagari, bëpí'taraa ga bíibcaagarida yewinin múu'!

<sup>28</sup> Wayee Yéesu taassari an:

- Wo'aa kay an buwaa súkúruki wo'eenaa Kooh ee ba taabukiwada, bérí yewin múu'!

### *Buwaa waa' kihotu kíntaan* (Méccée 12: 38-42)

<sup>29</sup> Lak bo' biyewin négírukohuunun ga yahaa Yéesu, ya aawwa kiwo' an:

- Buwii jamaanii wati, bíbo' bíbóni'. Ba waa' kihot kíntaan, wayee kíntaan wiinoo tookdusannidiiba, enndii waa Sonaasaa. <sup>30</sup> Ndaga fodaa daa Sonaas enee mandarga ga bu-Nínífsa, fodaama ban Kowukii bii yah mandarga ga buwii wati.

<sup>31</sup> Besaa atti'ohsanda le' béríinnaa, buuraa yibetiyyaa<sup>†</sup> kúlkoh iñaa hanoh meyaa'-noh ñaamda hay kituuk ga fíkíi buwii jamaanii wati, ya búlba. Ndaga ya meyohee gohcaa éldúna wëñ ki'usaayda kisükúruknee wo'eencaa buu' Salomon líif na hamhamda. Ee malkat, laakin dii baa wëñ Salomon! <sup>32</sup> Besaa atti'ohsanda le' béríinnaa, bu-teeraa Níníf hay kituuku ga fíkíi buwii jamaanii wati, ba búlba ndaga bu-Níníf súpitseera kipeskaagaba ga waa ba keloh jangataa Sonaasda; ee malkat laakin dii baa wëñ Sonaas.

### *Liiwukkaa Yéesu wo' ga loo lampu na kuhasda* (Méccée 5: 15; 6: 22-23)

<sup>33</sup> Yéesu liiwukka anee:

- Ken taaloo lampu, faanwa ga daa daakukin, [wala lí' kanu ga dookgaa]<sup>\*</sup>, wayee fu líkanwa ga dook doonaa buwaa aasd'a hotu lee'laataa. <sup>34</sup> Kuhaskiigaraa kéri en lampii faanfiigaraa. Binaa dara enndii na kuhasfunaa, faanfaagaraa tóohfa eni ga

<sup>†</sup> 11:31 11: 31 Malkat 1 Buu' 10: 1-13. \* 11:33 11: 33 Ga këyítcaa debfa, laakin caa bayyii wo'eencii fodii: wala lí' kanu ga dookgaa. Malkat ga Marka 4: 21.

lee'laat. Wayee binaa kuhasfu wakkiinnaa, faanfaagaraa eni ga ñúus ban. <sup>35</sup> Kon watukaa lee'laatum en ga d'uuyfuda, wa ñúusí'. <sup>36</sup> Kon binaa faanfu tóohfa en ga lee'laat ee laakkii bak wiinoo waa en ga ñúusaa, béebfa yah ki'en ga lee'laat, man na fodaa daa lampu lée'díraa lañda.

*Yéesu hassa Férísiyeencaa na jégíroh-waasca  
(Mëccée 23: 1-36; Marka 12: 38-40)*

<sup>37</sup> Ga waa Yéesu wo'a bi lëehí'ta, laakka Férísiyeegaa bayyi kicuunohuk ga kaanci. Yéesu aassa, yuñnga kiñam. <sup>38</sup> Férísiyeegaa waaru'a ga waa ya hot Yéesu yuñnga kiñam ee tísukkii paayda. <sup>39</sup> Wayee Yéesu Ha'mudii wo'ari an:

- Dú, Férísiyeençii, dú man anee, dú tísi bi ga bínjcaa kaascii na tanutii, wayee d'uuycúu líif na halaat kilok na halaat cibóni'. <sup>40</sup> Dú bëri lohoy hel! Kooh yaa hëwí' iñaa hanoh foohda, enndii ya hëwí' iñaa hanoh d'uuyda bane? <sup>41</sup> Sarahohat iñaa en ga keeñjúuda, en danaa iñaa en béeb hay garúu kiset.

<sup>42</sup> Massa dú, Férísiyeençii! Dú tumi sah sarah fodii bakaa wudaanjkaahwaa ga naana na nduu', ee ban ga iñcií tóoh línsi ga dë'da, wayee du saganohin kijúb na kiwaa' Kooh: iñiima yëri dú jomee kitum ee iñcaa cínoo hanat kisaganohu<sup>☆</sup>.

<sup>43</sup> Massa dú, Férísiyeençii! Ndaga dú waari kiyuñ ga fíkií ga d'uuy jaangu-yaawúu'caa ee dú waari kikéñdu yah kanak ga paancaa. <sup>44</sup> Massa dú! Ndaga dú man na loyaa ken tummbii mandarga ga, buwaa tínsi ga dook gaa, ee ínohssoo gaka bi tahba kilíb ga fíkií Kooh!

<sup>45</sup> Laakka jégíroh-waas yíinoo yaa wo'i an:

- Jégírohii, binaa fu wo' danaa, fu bassíi ban!

<sup>46</sup> Yéesu loffari an:

- Massa dú, jégíroh-waascii! Dú ban, dú koori buwii dofcaa ba hatinoo, ee dú tookoo jokonndúu jíinoo le' ga. <sup>47</sup> Massa dú! Dú hayaa dú mó'díi loycii sëldíiga-Koohcii, ee bipaammbúu apeeba. <sup>48</sup> Fodaama dú teewohin an dú taabin ga iñcaa bicaasammbúu tumeeda, ndaga ba apin sëldíiga-Koohcaa, ee dú bii móri' loyciigaba!

<sup>49</sup> Kéri tah Kooh ga hamhamaagari, wo'a an: «Mi hay gaba kiwosoh bisëldíiga-Kooh na biyéegaloh; ba hay ki'ap bíinoo, ba hatal bíinoobaa ga kipesba.» <sup>50</sup> Iñaama yëri tahan bi ñífaa sëldíiga-Koohcaa béeb aamsee ga waa éldúna saku bi watida hay kikípuk ga hafcií buwii wati, <sup>51</sup> aboh ga ñífaa Abeel<sup>†</sup> bi ga ñífaa Sakarí yaa apsee ga díkaanti daa sarahcaa tékí'sida na dekataa wisela'í'waa<sup>‡</sup>. Ee mi yëri wo'úuka, iñaa laakee yaama hay kikípuk ga hafcií buwii wati!

<sup>52</sup> Massa dú, jégíroh-waascii, dú nísin kucéwiíkaa lëgísi halaa tahi bo' ki'ínohda: dú, ga kihaffúu, dú aasoo ee baa waa' ki'aas béeb dú kokohhi.

<sup>53</sup> Ga waa Yéesu meyoh daamada, jégíroh-waasca na Férísiyeencaa baa tamoh ga dookci ee ba baa meekissi iñaa en tóoh: <sup>54</sup> ba baa heelli kiff' doonaa ya éldoh bi ba balab yen ga wo'eñaagari.

## 12

*Yéesu hoonohha têelíbéecaagari kijóffjófduk fodii Férísiyeencaa  
(Mëccée 10: 26-27)*

<sup>1</sup> Lak waama, buwaa négírukohsee iñaa le'in bo' bíjúnni ciyewin bi bíinoo baa ton ga bimooroomba. Yéesu wo'a paay na têelíbéecaagari an:

- Abukat ga jíkii Férísiyeençii en kijóffjófduk en fan kuuncaa kaañohinda. <sup>2</sup> Laakkii iñaa míni kidaakuk bi hotukoo ee laakkii iñaa bo' míni kidaak bi meydohsoo fan.

<sup>☆</sup> 11:42 11: 42 Malkat Dëteronom 14: 22-23. <sup>†</sup> 11:51 11: 51 Malkat ga Sënees 4: 11: waama Kayeen apée kéméejkíci Abeel ndaga ki'iñaan. <sup>‡</sup> 11:51 11: 51 Malkat Koroník 24: 20-22, mbooloomaa appa Sëldíiga Sakarí ga d'uuy Kaanfaa Kooh.

<sup>3</sup> Kérí tah iñaa dú míñ kiwo' na wek béeb, hay kikelohuk ga noh tanj, ee iñaa dú míñ kimëedíroh ga dñuy túuyaa ñaakukin béeb, hay kiyéegalohu ga leeloo paancaa.

*Baa cal kiniikda*  
(Mëccëe 10: 28-31)

<sup>4</sup> Yéesu wo'issa an:

- Mi wo' narúu, dú bii dú en fiiliimunciigooda: kaa niikat buwii api faanfii ee paaf iñaamanaa, ba mínsoo kitumis dara yiliis. <sup>5</sup> Mi hayyúu kiwo' baa dú jom kiniikda: niikat baa wée'taa ga an yii, ap bi lëehíraa, míñ kijaf ga safara. Ee, mi wo"úuka baa yaama yérí dú jom kiniik!

<sup>6</sup> «Tudiindii' tiyétúus toonohsirii dërem kanake? Moona déy, Kooh alukkii jíinoo gata. <sup>7</sup> Bi ga fenfii ga hafciigarúuda sah, tóohfa kíduunun. Kon kaa niikat dara, ndaga dú wëñ solu tóoh diindii'cii.

*Iñaa Yéesu wo' ga loo buwaa tookki na buwaa taasukkida*

(Mëccëe 10: 32-33; 12: 32; 10: 19-20)

<sup>8</sup> Yéesu tikka ga an:

- Mi wo"úuka: béeb baa fu tookkoo ga fíkii buwiinaa, mi Kowukii bii, mi hayyaa kitook ga fíkii malaakacaa Kooh. <sup>9</sup> Wayee baa fu taasukkoona, fu hay kitaasku ga fíkii malaakacaa Kooh.

<sup>10</sup> Béeb baa fu wo' iñaa moroo ga Kowukii biinaa, fu hay kibayalu, wayee baa fu bas Helaa yisela'íyaa béeb, fu bayalsooka.

<sup>11</sup> Binaa dú bayu ki'atti'u ga jaangu-yaawúu'caa wala ga fíkii atti'ohcaa na ga fíkii buwaa kuliyuki ga nguuraadanaa, helciigarúu dalat ga daa dú taasan ga iñaa dú yabuda na iñaa dú wo'anda. <sup>12</sup> Ndaga Helaa yisela'íyaa, ga wahtaama, hay ki'ek garúu iñaa dú joman kiwo'fa.

*Liiwukaa wo' ga loo ha'-alalaa taabuk kilaak dojda*

<sup>13</sup> Laakka ga mbooloomaa baa wo' Yéesu an:

- Jëgírohii, wo'aa yaakkoo ya waroh naroo iñaa dí lamda.

<sup>14</sup> Yéesu taassari an:

- Moo yaalii yii, bii yiida falloo ki'atti"úu wala kiwarohhúu alalaagarúu?

<sup>15</sup> Lëehí'ta ya wo"á buwaa an:

- Watukat ee abukat ga kiwaa' kilaak, ndaga kilaak alal bayyii kipes bo' luu alalaa yewin yewin.

<sup>16</sup> Ya wo"aba kon liiwukii wii:

- Enee bo' yaa laakin alal, ya laakka yoon ee yooncaa laabpa lool. <sup>17</sup> Ya yaa halaat ga helaagari an: «Mi tuman na ee mi laakoo daa mi dapan iñcii mi píükda?» <sup>18</sup> Lëehí'ta ya wo"á an: «Iñii yii yérí mi tuman: mi búran dapciigoo hñaa, mi tawah ciliis, caa wëñ kiyak, en danaa mi négíroh tohootiigoo ga tóoh na iñcii mi laakda tóohca.

<sup>19</sup> Lëehíraa, mi wo' haffoo an: Mbë', fu laakin alal wiyewin waa míñinndaa kibay tikiis tiyewin. Íikaraa faanfiigaraa, fu ñami, fu ani, fu mbúumbaayuki.» <sup>20</sup> Wayee Kooh wo"ari an: «Fu yérí lohoy hel! Ga wekii wati sah sah kipesfu hay kileeh. Kon iñcii fu waayukdee haffuda tóohca, bii yahca kilaak ba?»

<sup>21</sup> Yéesu tikka ga an:

- Iñaama yérí dalan baa fu négírohi' haffu alal ee Kooh hottii kilaak-alalfu.

*Tëelíbéecaa Yéesu jomu kiyaakaaru ga Kooh*

(Mëccëe 6: 25-34)

<sup>22</sup> Lëehí'ta Yéesu wo"á télíbécäagari an:

- Iñaama tah mi wo"úu an: Kaa halaatat ga ñamahaa dú laakan sooli ga kipesohfa wala yéerícaa dú laak sooli ki'ekuk ga faanndúuda. <sup>23</sup> Ndaga kipes kérí wëñ kilaak solu ñamah ee faan férí wëñ kilaak solu yéerí. <sup>24</sup> Malkat ga hëekérúucii, ba sokoo,

ba píkoo, ba laakoo dap-kaan, ba laakoo dap fenoo kaan wayee Kooh yaa ñémí'ba. Ee dú wëñ selii solu fúuf! <sup>25</sup> Bii yiida garúu míñ kibaat iñaa hín na siñdaa jokon ga kipesci bi ya bítuki ga coonucaagari? <sup>26</sup> En lakanaa iñaama doj dú mínoo kitum dara ganaa, dú yah ya kihalaat ga iñcaa cíinoo? <sup>27</sup> Malkat ga pëegíi-nduhumfii fímórí'fii ga ëgíriicfa: fa lëgëyoo ee fa foliloo. Wayee mi wo"úuka, bi ga buu' Salomon na alalaagari tóoh ekukkii kúltícaa hín kimo' na wíinoo ga pëegíi nduhumcii. <sup>28</sup> En lakanaa Kooh yérí móri' fodaama pëegíi-nduhumfii fímórí'fii ga ëgírii watí, ee kuvisaa fa yah kijafu ga kiwii donðanaa, wëñaa ga, dú ga kihaffúu, ya ekoorúu bi jofe? Ngëmiigarúu daal dooyyii! <sup>29</sup> Kaa halaatat rek ga kiheel iñaa dú ñaman na iñaa dú anan. <sup>30</sup> Iñciima tóohca buwii ga éldúna ee ínohsoo Koohdá bérí tumi lëgëy kiheelca, wayee dú, Paammbúu yii ga dookdá ínohin an dú laakin sooli ga. <sup>31</sup> Namat kiheel Nguuraa Kooh, iñaa tes dú laak sooli gada, Kooh hayyúuri ki'e'.

### *Heelat kilaak alalaa ga dookdá*

(Méccée 6: 19-21)

<sup>32</sup> Yéesu wo'issa an:

- Dú, yopiigoo wiýínwii, kaa niikat ndaga newin Paammbúu ya bokdohhúu ga Nguuraagari . <sup>33</sup> Toonat iñum dú laakdá, dú erohwa sarah. Heeldat haffúu nafa'caa magatoo, alalaa leehoo taa' ga dook-Kooh: daama lok mínoo gaca kilaas ee maasoh mínooca kiyasoh. <sup>34</sup> Ndaga daa alallúu enoh béeþ, keeñnjúu waa da þan.

### *Súrgacaa Yéesu jom kineehu kimalak*

<sup>35</sup> Yéesu tíkissa ga an:

- Pékírukat bi yégís díñ, dú taal lampucumgarúu, dú seki. <sup>36</sup> Ee madat na súrgacaa en na kiseku ha'-kaanba, yaa yah kimeyoh cikilook, bi ba mínni kilégísi', ya le'i ee fëekíri halaanaa. <sup>37</sup> Ba yewinin múu' súrgacaama, binaa ha'-kaanfaagaba hayaa, laakanba lak baa lís kineeh kimalak! Mi wo"úuka ee kayoh; ya hay kipékíruk, ya yugi'ba kiñam ee ya taam gaba ya nori'ba ba ñam. <sup>38</sup> Luu ya hayee ga leeloo wek wala iñaa paafda sah, binaa ya laakba lak neehussii béeþ, ba yewinin múu'. <sup>39</sup> Ínohat iñii yii bi jof: binaa ha'-kaan ínohee wahtaa lokaa hayandanaa, eneenaa ya hay kiwatuk ee íisoo kaanfaagari fa pooku. <sup>40</sup> Dú þan, waayukat, ndaga Kowukii bii hayan ga wahtaa dú foogandii.

### *Liiwukaa wo' ga loo súrgacaa banakbaa*

(Méccée 24: 45-51)

<sup>41</sup> Pee' dalla kimeekis Yéesu an:

- Ha'mudii, fu wo' narii ga liiwukumanoo, fu wo' na buwii béeþba þan?

<sup>42</sup> Ha'mudii taassari an:

- Kon bii yiida yérí en súrgaa tookdin ha'-kaanci ee teeyin? Yérí en yaa ha'-kaanci tíkan ga fíkií súrgacaagari, doo ya e'ba yaa en béeþ iñaa ya jom kiñamda, binaa wahtaa le'aa. <sup>43</sup> Ya yewinin múu', súrgaama, binaa ha'-kaadaagari boyuk, laakki ga lëgëyaamanaa. <sup>44</sup> Mi wo"úuka ee kayoh; ha'-kaanci hayyi kitík ga dook iñcaa ya laakdá tóoh. <sup>45</sup> Wayee binaa súrgaama wo' ga helaagari an: «Ha'-kaanndoo kolukkii kihay», bi tah ya en ga kifeek súrgacaa biyaalbaa na bibetibaa, ya en ga kiñam na ki'an na kilaal rek, <sup>46</sup> ha'-kaadaa súrgaama hay kihay ga besaa ya foogandii na wahtaa ya ínohanndii: ya hayyi kifeek doo' ciméeski', ya wa'ti iñaa sek buwaa san kigëmu Koohdá.

<sup>47</sup> Súrgaa ínohin iñaa ha'-kaanci waa'da ee ya saj kipari', ya tum iñaa ya nakudanaa, ya hay kirípu ngee' ciyewin. <sup>48</sup> Wayee súrgaa ínohoo iñaa ha'-kaanci waa'da ee tumi iñaa tahanndi kifeeku, yaama súrga feeksan ngee' cijutuut. Baa onu yewin béeþ hay kimeekisohu yewin, ee baa eru kidaak iñaa yewinin béeþ hay kimeekisohu iñaa yewinin.

*Yéesu tahin buwaa kihégískoh*

(Mëccëe 10: 34-36)

<sup>49</sup> Yéesu tikkā ga an:

- Kiwii kérí mi hayee kihaydoh ga ēldúna, ee dii mi waaree ka am kiméeñí'da!

<sup>50</sup> Wayee mi jomin kiñooduk ga mesiklaat, ee ka bítinndoo moos bi ga daa iñaama laakohanda! <sup>51</sup> Ati dú fooj an mi haydoh jam ga ēldúna? Ó'óo, mi wo"úuka, mi haydoh kihégískoh. <sup>52</sup> Diima deñ bo' biyétúus baa bok hal hay kihégískohu, baahaybaa keenu ga dook banakbaa tesda ee banakbaama keenu ga dook baahaybaa. <sup>53</sup> Buwaa hay kihégískohu: paamun keen ga dook kowuci kiyal ee kowukaagari kiyaalkaa keen ga dookci, eemun keen ga dook kowuci kibeti ee kowukaagari kibetikaa keen ga dookci, payamun yibeti keen ga dook beti kowuci ee betifaa kowukaagari keen ga dookci<sup>54</sup>.

*Kimalaksukoh iñcii en na kilaak watida*

(Mëccëe 16: 2-3)

<sup>54</sup> Yéesu wo'ee mbooloomaa ban an:

- Binaa dú hot húy kolukoh aasaa'-nohaa, dú aawi kiwo' an: «Kooh hay kitob», ee iñaama laak. <sup>55</sup> Ee binaa dú yéenj uuris wépoh fakii hanoh meyaa'-noh yahsenjdanaa, dú aawi kiwo' an: «wati Kooh hay kitam noh», ee kérí laaki. <sup>56</sup> Dú, bii dú jofjódfuki ga fíkii buwiida! Dú mínin kimalaksukoh iñcii meyi ga asamaan na ga kakayd'anaa; haa tum na dú mínoo kimalaksukoh iñii hew watida?

*Heelaa kijúwoh na baa fu coowoh nari*

(Mëccëe 5: 25-26)

<sup>57</sup> Yéesu wo'issa an:

- Iñii tah ya ban dú malaksukohoo na kihaffúu iñaa júwin? <sup>58</sup> Binaa fu laakoh na bo' bi dú taam kiyee ga buuraa, leenaa gaawaa nari kibégískoh ga waasaa, fodaama ya le'noo naraa ga atti'ohaa, yaama tikkāga yaah élkëetaa ee élkëetaa töccaa ga kasu. <sup>59</sup> Mi yéegallaa man, fu meyohoo daama ee fu fayyii iñaa fu laaki'tida tóoh, bi ga fiftínaa méeñdohda.

## 13

*Súpítat kipeskiigarúu wala dú sañku'*

<sup>1</sup> Ga wahtaama, laakka buwaa hay ga Yéesu kibéestí'ti buwaa Pílaat aplukee ee boksee ga bu-Gélilée, lak ba en na kitumi' Kooh sarahda. <sup>2</sup> Yéesu taassaba an:

- Dú fooj an binaa buwaa bok ga Gélilée baama apu fodaamanaa, iñaama waa' kiteewoh an ba enee ha'-baakaa'caa wéñ kiyak ga bu-Géliléeda tóhe? <sup>3</sup> Mi wo"úu man ó'óo. Wayee binaa dú súpítii kipeskiigarúunaa, dú hay kisañku' béeþpúu fodaama. <sup>4</sup> Haa buwaa bidaankaah na biytnabaahaybaa tawahaa wihoo'tawaa ga Sílowee\* keenee ga dookba, appabada; dú fooj an bérí wéñee kitum baakaa' ga bu-Yéerúsaleem béeþbane? <sup>5</sup> Mi wo"úu man ó'óo. Wayee, binaa dú súpítii kipeskiigarúunaa, béeþpúu dú hay kisañku' fodaama.

*Liiwukaa Yéesu wo' ga loo eenaa laakoo towuda*

<sup>6</sup> Léehí'ta Yéesu wo"aba liiwukii wii:

- Enee bo', yaa laakee bos een ga d'uuy yoonci. Ya ka'ta kibeennee ga towutaa, wayee ya hottii dara ga. <sup>7</sup> Ya wo"a súrgaagari an: «Tíkiis taahay tee, taa mi hayi kiheel towu ga eenii wii, ee mi hotoo dara ga. Gúraawa! Iñii tahan ya wa ñami kakayfii sooy?» <sup>8</sup> Wayee súrgaa wo"ari an: «Kiyaakii, íissisaawa kíiskii wiis bi mi

\* 12:53 12: 53 Malkat Mísee 7: 6. \* 13:4 13: 4 Sílowee enndii dék ga kihafwa, wayee wa en díekat ga teeraa Yéerúsaleem

ac bosii bi wíil, lëehíraa mi tum kotol ga. <sup>9</sup> Heyna fayuuraa wa hay kitum towu. Límmbiinaa, fu gú'lukwa.»

### *Yéesu wékí'ta betifaa túurukin ga bes Sabat*

<sup>10</sup> Ga bes Sabat, Yéesu enee na kijégíroh ga dzuuy jaangu-yaawúu'. <sup>11</sup> Laakeera daama betifaa rab am, ekkari dúukool iñaa le' tíkíis tidaanjkaah na tiyitnataahay; ya ñogukka ee míniissii kiyoloh. <sup>12</sup> Daa Yéesu hotee betifaa, ya bayyari, wo"ari an:

- Betifi, fu múcín ga dúukooliigaraa.

<sup>13</sup> Lëehí'ta, Yéesu tíkka betifaa yahcaagari; ga saasi betifaa yolooha, ee ya ennda ga kikañ Kooh. <sup>14</sup> Wayee, baa kuliyuk ga jaangu-yaawúuraada, keeñci tammba lool ga daa Yéesu wékíree bo' ga bes Sabatda, ya dalla buwaa kiwo' an:

- Bes ciyitniinoo cii ga, caa bo' jom ga kilégéy. Hayat kon kiwékdú ga bescaama wayee hanat ki'en ga bes Sabat!

<sup>15</sup> Ha'mudii loffari an:

- Dú jójfódfuki hen ga fíkii buwii! Bii yiida garúu, en ga bes Sabataa, pëkísoo enohfaagari wala baamaagari ga daa ya sawoheerida, ya bayyi ki'ëní'nee? <sup>16</sup> Haa betifi ffi bok ga níllaa Abaraham ee Seytaani bageeri iñaa le'in tíkíis tidaanjkaah na tiyitnataahayda, ya joméeríi kibégísu ga bes Sabat hene?

<sup>17</sup> Daa Yéesu wo'ee fodaama, buwaa eneeri na kiheñohda líifussa na kaci. Wayee mbooloomaa béeßwa neblukka lool ga tumeencaa Yéesu laakoo ga fenda.

### *Liiwukaa Yéesu wo' ga loo kowu-fúdankaada*

(Mëccée 13: 31-32; Marka 4: 30-32)

<sup>18</sup> Yéesu wo"a an:

- Iñii Nguurii Kooh man nawada ya? Iñii mi míñ nawa kimëdírohda ya? <sup>19</sup> Wa man na kowu-fúdankaa bo' bëb, sokka ga dëraagari; ka paalla, ka ennda kedik kiyaak bi selcaa taalussa ga toytaa ka laakda.

### *Liiwukaa Yéesu wo' ga loo kuuncaa kaañohinda*

(Mëccée 13: 33)

<sup>20</sup> Yéesu wo'issaba an:

- Iñii mi mëdírohan Nguurii Kooh nawada ya? <sup>21</sup> Wa man na molonj-kuunaa beti bëb, tumwa ga dzuuy kanu kuun, íiswa ga bi ga daa kuuncaa béeß kaañohan.

### *Kuhalkaa jiyínjaajjerí aaw ga Nguuraa Kooh*

(Mëccée 7: 13-14,21-23)

<sup>22</sup> Yéesu kooree ga dëk-teerucaa na ga dëk-kawcaa, ya jëgírohi, lak ya aawee bak Yéerúsaleem. <sup>23</sup> Laakka baa meekissi an:

- Kiyaakii, bo' bijutuut rek bërí yah kimúc ga buwiine?

Yéesu taassari an:

<sup>24</sup> - Guu'guulukat, dú aasoh halaa wiýinwaa, ndaga mi wo"úuka, bìbo' biyewin hay kiheelu ki'aas ee mínsanndiika. <sup>25</sup> Bériinää ha'-kaanfii kolukan, ya laj halaagari ee dú en ga fooh, dú aaw kiféekí' halaa na kiwo' an: «Kiyaakii, lëgísdhaaríi.» Ya hayyúu kitaas an: «Mi ínohoo dii dú meyohda!» <sup>26</sup> Daama, dú hayyi kiwo' an: «Dí bokin naraa kiñam na ki'an ee fu jëgírohin ga mbedicaa teerucaagaríi.» <sup>27</sup> Wayee ya hayyúu kiwo'is an: «Mi ínohoo dii dú meyohda. Úsaayattoo béeßpúu, dú bii, dú meerin kitum iñaa joffiida!» <sup>28</sup> Daama kikodukoh na ki'úñoh síš yah kilaak. Dú hot Abaraham na Ísaak na Yakoop na sëldíiga-Koohcaa béeßba ga dzuuy Nguuraa Kooh, ee lak dú faanuunun ga fooh. <sup>29</sup> Bìbo' hay kimeyohu ga bakcii ga éldúnada tóoh, ba bok kanu ga Nguuraa Kooh. <sup>30</sup> Ee fodaama, bìinoo ga buwii méeñdohu watida, yahu ga fíkii ee buwii bìinoo kuliyuku waticda, yahu ga fenoo.

*Yéesu yéegalohha kipookkaa Yéerúsaleem  
(Mëccée 23: 37-39)*

<sup>31</sup> Ga wahtaama, laakka Férísiyeencaa hayu ga Yéesu wo'ussari an:

- Kolkohaa dii fu yee dekat wiliis ndaga buu' Eroot waa'taa ki'apluk.

<sup>32</sup> Ya taassaba an:

- Tídat, dú wo' baama ñaañ bi fan bodaada an: «Mi yii ga kikaal rab ga buwii na kiwéki' dúukoolí' wati na kuwis ee besaa wukaahaywaanaa, mi hay kiléehí'»

<sup>33</sup> Wayee mi jomin kitíin waasiigoo wati, kuwis na paaf-kuwis, ndaga seldíiga-Kooh jomoo ki'apu ga daa enndii Yéerúsaleem.

<sup>34</sup> - Éey, dú bu-Yéerúsaleem, dú bii dú lagi tumuuntii seldíiga-Koohcii, ee dú tapisohi na atoh bi dú ap buwii Kooh wos garúuda! Waas cera céri mi heellúu kinégíroh fodaa daa pabu négírohi towutaagari ga fíldoo pabcaagarida, ee dú tookkiika? <sup>35</sup> Kon nak, Kooh hay kifoñluk dékumgarúu. Ee mi wo"úu man dú hotsisanndiiroo bi ga besaa béríi dú wo'an: «Fu yii fu hay ga teekii Ha'mudiida, fu barkeelin.»

## 14

*Yéesu wéki'ta dúukoolí' ga bes Sabat*

<sup>1</sup> Ga bes Sabat, béríi Yéesu karee kiñam ga kaan bo' yíinoo ga buwaa kuliyuk ga Férísiyeencaaada. Buwaa ensee daamada enussa yéj gari. <sup>2</sup> Laakka baa tuuk ga fíkiici bay dúukool soonuk. <sup>3</sup> Yéesu dalla kimeekis jégíroh-waascaan na Férísiyeencaa an:

- Waasiiruu onohin kiwéki' bo' ga bes Sabat wala onohhiika?

<sup>4</sup> Buwaa dekohussa cel. Yéesu dalla kile' ga baa, wéki'tari. Léehí'ta Yéesu iissari yaa yah. <sup>5</sup> Waa ennda ða, Yéesu wo"aba an:

- Yiida garúu, binaa kowuci wala enohci keen ga duuy ne'aa, ya gaawoori kimeydoh, luu enee ga bes Sabat?

<sup>6</sup> Ba laakkii iñaa ba lofanndi ga wo'eenamaa.

*Kihanoh fíkii ga hew na kinakoh hew*

<sup>7</sup> Yéesu malaksukohha ga daa sagaccaa heelsee rek kihanoh fíkida, ya liiwukkaba an:

<sup>8</sup> - Binaa fu bayu kiñam ga hewaa, kaa ka' fu yugohnee fíkii. Ndaga míñ ki'en baa wéñjaa teek bayunun da. <sup>9</sup> Ee baa bayyúu kiñam, dú banakda, míñ kihay wo"aa an: «Íisðaari dekatum.» Fodaama, fu hay kika' na kaci, fu yugohnee fenoo.

<sup>10</sup> Wayee binaa fu bayu kiñam ga hewaa, kara, fu yugohnee fenoo doonaa baa nakkaa hewaada haya, wo"aa an: «Fiilii, yugohaa fíkii.» En danaa iñaama hay ki'en ndam ga fíkii béeþ buwaa fu bok naba kiñamda. <sup>11</sup> Ndaga béeþ baa fu bëwí' haffunaa, fu hay kiyóoskífu, ee baa fu yóoskí' haffunaa, fu hay kibëwíru.

<sup>12</sup> Léehí'ta Yéesu wo'a baa bayeeri kiñamda ðan an:

- Binaa fu bëytoh cuunoh wala cuuniinaa, kaa bay filiimuncaagaraa wala bïkémëejífu wala buunfu, wala buwaa dék naraa ee laakuunun alalda; enndiikanaa, ba ga kihaffba, ba míñndaa kibay kiñam ðan, ee fodaama fu élídu iñaa fu tumee gabada. <sup>13</sup> Wayee binaa fu bëytoh kiñam jamaa, namaa kibay nduulcaa na buwaa Kooh næébsinda na lafañcaa na búumi'caa. <sup>14</sup> Fu tumkanankeeñfu hay ga kisoos, ndaga iñaama, ba mínooraari ki'élín. Kooh hayyaari ki'élín béríinää kimílskaa buwii júwinda.

*Liiwukaa wo' ga loo buwaa baysee kiñamda  
(Mëccée 22: 1-10)*

<sup>15</sup> Laakka yíinoo ga sagaccaa ensee daamada, ga waa ya kelohha wo'eencaa caama, ya wo'"a Yéesu an:

- Baa yaama yah kibok kiñam ga Nguuraa Koohda, yewinin múu"!

<sup>16</sup> Yéesu liiwukkari an:

- Enee bo', ya tíklukka cuunoh fiyaak, baylukka bifo' biyewin ba hay kiñam. <sup>17</sup> Ga waa cuunohfaa pari'dfa, ya wossa súrgaagari kibaynee buwaa nakseeda an: «Hayat gii, cuunohfaa pari'in diima.» <sup>18</sup> Wayee yaa en béeb yaa tok sooli fodaa mooroomci. Yaa súrgaa dewohda wo'"a an: «Mi lom yoon ee mi jominwa kimalaknee. Mi kíimmbaa hen fu bayaloo ga.» <sup>19</sup> Yaa tík gadfa wo'issari an: «Mi lom naal bidaanjkaah ee mi jominba kitagatnee. Mi kíimmbaa hen fu bayaloo ga.» <sup>20</sup> Yiliis ban wo'issari an: «Mi han kipañ beti, kéri tah mi mínanndii kihay.» <sup>21</sup> Súrgaa boyukka, wo'"a ha'-kaanci iñaa ya taasuda. Ha'-kaanfaa aylukka, wo'"a súrgaa an: «Karaa diima-diima ga paancii na mbedicii ga teeriifa fu haydoh nduulcii na buwaa Kooh nèewísinda, búumí'cii na lafañcii.» <sup>22</sup> Ennda kiis, súrgaa hayya, wo'"ari an: «Kiyaakii, iñaa fu nakoheeda tumuunun wayee daa bo' míni kiyuñ lís kilaak.» <sup>23</sup> Ha'-kaanfaa wo'sissa súrgaa an: «Meyaa dékii, fu ka' ga waascii, na ga díñ-díñcii, fu gagal buwaa ba hay doo kaanndoo líif.» <sup>24</sup> Mi wo'"uka, yíinoo ga buwaa mi deweet kibay kiñamda yoohoo ga cuunohfiigoo!

### *Iñaa bo' jom kitum binaa ya waa' ki'en téelibée Yéesunaa (Mëccée 10: 37-38)*

<sup>25</sup> Mbooloo wiyaak taabee na Yéesu. Yéesu méeñsukka ga buwaa, wo'"aba an:

<sup>26</sup> - Binaa bo' hay garoo ee mi gënëlliiri paamci wala eeci, betici wala towutaagari, biyaakci na bikéméenkíci biyaal wala bífeti, wala hafci sahaa, baa yaama mínoo ki'en téelibéero. <sup>27</sup> Baa fu koorukkii kuraanaagaraa, fu taabukkoona, fu mínoo ki'en téelibéero. <sup>28</sup> En ki'ena, yiida garúu, binaa ya waa' kihéwi' tawah wihoo'tanaa, dëwoo kiyuñ paay, ya malak iñaa jom kika' ga tawahaada tóoh, doo ya ínoh ati iñaa ya laakfa hay kidooy kiméti' lëgëyaa? <sup>29</sup> Enndiikanaa, binaa ya dal kiyíp tawah ee ya mínnadiwa kiléestíraa, béeb buwaa hotanwadfa hay ki'enu ga kiñaawalli <sup>30</sup> an: «Malkat bii yii dalin kitawah ee mínnadiwa kiléestí'.» <sup>31</sup> Ee ban buurii yiida, binaa ya yah kiheñohnee na buu' yiliisaa, dëwoo kiyuñ paay, ya malak ati ya hay kimín, na bo' bijúnni-daanjkaah, kileñkoh na buuraa taam na bifo' bijúnni-daanjkaah-kanak? <sup>32</sup> Ya mínnadiinaa, ya wos bo' ga buuraama, en lak ya lís nari ki'usaayohaa, kimeekissi iñaa ya tuman bi ba míni kijúwohda. <sup>33</sup> Fodaama den, baa en béeb garúu, fu mínnadi kifoñ tóoh iñaa fu laakfa fu taabukkoona, fu yaama, fu mínoo ki'en téelibéero.

### *Maraamaa laakoo saflaat (Mëccée 5: 13; Marka 9: 50)*

<sup>34</sup> Yéesu tíkka ga an:

- Maraa jofin. Wayee binaa maraa safissiinaa, ma dfaanohsan na ya? <sup>35</sup> Ma laaksisoo jeriñ ga kakayfii, ma mínoo ki'en kotol. Ma jafsan ga lëedúu. Baa fu laakin nof kikelohaa, súkúruka!

## 15

### *Baalaa míuyee ee hotukkada (Mëccée 18: 12-14)*

<sup>1</sup> Juuticaa na buwaa bíinoo júwussiida deeyussa béebba ga Yéesu kisúkúrukki.

<sup>2</sup> Férísiyeencaa na jégíroh-waascaan jambat ga díkaantiba an:

- Bii yii tookin kiyuñ na buwii júwussiida ee ya ñami naba!

<sup>3</sup> Ga dëkataama, Yéesu liiwukkaba an:

<sup>4</sup> - Yiida garúu binaa ya laak baal bitéemée', ee ya múuyluk yíinoo ganaa, ya foñoo bidaankaah-yitnanikiis na biyitnanikiisbaa, ba tes ga égíraa? Lëehíraa ya ka' kitéebí'nee yaa múuydya, bi ga daa ya hotanndine. <sup>5</sup> Ee binaa ya hottinaa, ya túŋkulukki na keeñ wisóosí'. <sup>6</sup> Ee ya le' kaancinaa, ya bay filiimuncaagari na buwaa dëk narida, ya wo'ba an: «Neflukat naroo, ndaga mi hotin baalaagoo, yaa múuyeeda.» <sup>7</sup> Fodaama, mi wo"úuka, binaa ha'-baakaa' yíinoo récuk baakaa'caagarinaa, ga iñaama, dook-Kooh hay kiwëñ ki'en ga húmbal loo bïbo' bidaankaah-yitnanikiis na biyitnanikiis baa júwin ee laakussii sooli ga kirécuk baakaa'caagaba. Mi wo"úuka, malaakacaa Kooh hay kiwëñ kinebluku binaa ha'-baakaa' yíinoo rek récuk baakaa'caagarinaa loo bo' bidaankaah-yitnanikiis na biyitnanikiis baa júwin ee laaksoo sooli ga kirécuk baakaa'.

### *Koparaa múuyee ee hotukkada*

<sup>8</sup> Yéesu tíkka ga an:

- Wala betifii fiida ban, binaa ya laak hëelís\* cidaankaah ee múuyluk wíinoo ganaa, taaloo lampu, ya paruki, raasi dijófí' bi ga daa ya hotwanaa? <sup>9</sup> Binaa ya hotwanaa, ya bay húnismuncaagari na beticaa dëku narida, ya wo'ba an: «Neflukat naroo ndaga mi hotin hëelisaagoo múuyeerooda.» <sup>10</sup> En fodaamanaa mi wo"úuka man, malaakacaa Kooh hay kinebluku ga daa ha'-baakaa' yíinoo rek récukin baakaa'caagarida.

### *Kowukaa múuyee ee hotukkada*

<sup>11</sup> Yéesu wo'issa an:

- Enee bo' yaa laak towu tanak tiyaal. <sup>12</sup> Yaa wëñ ki'en oomaada wo"a paamci an: «Buba, eraaroo iñii mi joman kilaak ga alaliigaraada.» Waa ennda ñfa, paamudaa warohha towutaa tanaktaa alalaagari. <sup>13</sup> Tíkka ga bes cera, kowukaa kiyínkaa toonnda iñcaa ya e'seeda tóohca, yaa yah kúl ki'úsaayí'. Daama ya enukohha ga iñaa nebpi bi ya yasohha hëelisaagoo tóohwa. <sup>14</sup> Ga waa ya yasohha iñaa ya laakeeda tóohwa, a' wiyaak laakka ga kúlkaa kaama, ee kibún kiméeski' dabpari. <sup>15</sup> Ya ka'ta kisúrga'uk ga bo' ga gohaama. Yaama nakkari kiníi' mbaam-parki ga yooncaa. <sup>16</sup> Helci eneera ga kiñam ga yiikcaa mbaamcaa e'sida wayee ken oneériiri ga. <sup>17</sup> Daama, ya malakka helci, ya wo"a an: «Bilégéyoh bera bëri enu ga kaan paammboo, ba ñami bi ba tésdí', ee mi en dii, mi kaani na a!» <sup>18</sup> Mi hay kikoluk, mi boyuk ga buba, mi wo'i an: Buba, mi baakaarin ga fíkii Kooh ee mi tooñinndaa. <sup>19</sup> Mi jomissii kibayu kowufu. Kon abohaaroo fodii yaa en bëeb ga lëgëyohciigaraa.» <sup>20</sup> Ya kolukka, yaa boyuk kaan paamci.

Ga daa ya enee na kihay di'úsaayí'da, paamudaa séenndari, laakka yérmaandi wiyaak gari, ya yaa fool kihídohnee nari, gatawukkari, fuunndari. <sup>21</sup> Kowukaa dallari kiwo' an: «Buba, mi baakaarin ga fíkii Kooh ee mi tooñinndaa, mi jomissii kibayu kowufu.» <sup>22</sup> Wayee paamudaa wo"a súrgacaagari an: «Gaawat kihaydoh sibidooraa wëñ kimo'da, dú ekkiwa, ekatti kipii ga jokon na ñafa' ga kotcii. <sup>23</sup> Haydohat dfoonaa dú yafaleeda, dú appi, dñu aaw kiñam na kimbúumbaayuk, <sup>24</sup> ndaga kowukiigoo dú hot kii kaaneera ee soofsin ga kipes, ka múuyeera ee ka hotukin.» Fodaama, ba dalla kimbúumbaayuk.

<sup>25</sup> Waama lak kowukaa baa kisaawkaa kaa ga yooncaa. Daa ka hayee bi ka deeyca kaanfaa, ka kelohha típcaa na tiyeektaa. <sup>26</sup> Ka bayya yíinoo ga súrgacaagari, meekissari iñaa hewdfa. <sup>27</sup> Yaama wo"ari an: «kéméenkífu yëri hay, ee paapu apdinndi dfoonaa yafalseeda, ndaga daa ya hotsinndi na jamda.» <sup>28</sup> Kowukaa kisaawkaa dalla ki'ayluk, sañnga ki'aas kaanfaa. Paamci meyca, kímmbari ya aas. <sup>29</sup> Wayee kowukaa wo"a

\* <sup>15:8</sup> 15: 8 Hëelisaama teeku Darahma ga kiGerek ee hín na Denariyon wíinoo dooli

paamci an: «Malka, tíkiis tiyewin tee, taa mi lëgëyi'taa, mi mosoo kikëldúk wo'eenfu ee fu mosooroo sah ki'on kupe', mi mbúumbaayuk na filiimunciigoo. <sup>30</sup> Wayee kowukiigaraa kii, ga wii ka hayda, ya yii ya yasohin alalaagaraa na cagacaada, fu apdinndi doonaa yafalseeda.» <sup>31</sup> Paamudaa dalla kitaas an: «Kowuroo, fu yii naroo besaa en bëeb, ee iñaa mi laak tóoh yuufu. <sup>32</sup> Wayee dí jomee kimbúumbaayuk hen na kinebluk ndaga këmëenjífu yii yii kaaneera ee soofsin ga kipes, ya múuyeera ee ya hotukin.»

## 16

### *Enee tuukukoh-alal*

<sup>1</sup> Yéesu wo'issa télibéecaagari an:

- Enee ha'-alalaa laakee baa tuukdfiri ga iñaa ya laakfa. Tuukukohaama ëpírohussa ga ha'-alalaa an ya yaa yasoh alalaagari. <sup>2</sup> Ha'-alalaa baylukka tuukkohaagari, wo"ari an: «Iñii mi keloh wo'u garaadfa ya ya? Teewaaroo iñum fu tum ga lëgëyiigaraadfa, ndaga diimada, fu yahissii kituukuk alaliigoo.» <sup>3</sup> Tuukukohaa wo"a ga helci an: «Mi tuman na ga dii kiyaakii yahhoo kinís ga kituukuk alaliigarifa? Hanaa kilín kakayfii, wayee mi laakoo doolaa gawa, ee kisarahtuk, mi rúusinka. <sup>4</sup> Mi ínohin iñaa mi yah kitum bi laak buwaa bewussoo ga kaanfa, binaa mi kaalu ga lëgëyiigoona!» <sup>5</sup> Waa ennda da, ya baylukka yíinoo yíinoo, bëeb buwaa baydee ha'-kaanci kobotda. Ya wo"a yaa debda an: «Fu laaki' ha'-kaanndoo hín na?» <sup>6</sup> Yaama taassa an: «Héndíraan dúuleen citéemée'.» Ya wo"ari an: «Bewaa këyít-kobotfiigaraa, fu gaaw kiyunj, fu bín cidaanjkaah-yétúus.» <sup>7</sup> Léehí'ta ya wo"a yaa tík gada an: «Haa fu, fu laaki' ha'-kaanndoo hín na?» Yaama taassa an: «Saaku citéemée' ga beli.» Tuukukohaa wo"ari an: «Këyít-kobotfiigaraa fee, bidaa cidaanjkaah-yitnakaahay.» <sup>8</sup> Ha'-alalaa kañja tuukukohaagari júbpiida ndaga kiñaañkaa ya tumda. Ndaga buwii waa' éldúna dojda wëñ kiyúuduku ga iñcaa ba tumi ga díkaantibaða loo buwii boku ga lee'laataa meyoh ga Kooh.

<sup>9</sup> Yéesu tíkka ga an:

- Ee mi, mi wo"úu an: pokat kifiiliimun na alal éldúna, en dñanaa, bëriinaa dú laakkissii daranaa, dú dñapu ga kaancaa dëkohsan bi taa'da. <sup>10</sup> Baa fu en go' ga enaama cijutuut, fu hay ki'en go' ban ga enaama ciyewin; ee baa fu júbpii ga enaama cijutuut, fu júwoo ban ga enaama ciyewin. <sup>11</sup> Kon binaa dú júbpii ga kituukuk alal éldúnanaa, bii díñkaananndúu alalaa wiwoorí'waa ba? <sup>12</sup> Ee binaa dú enndii go' ga iñaa enndii yuurúunaa, bii yahhúu ki'e' iñaa en yuurúu ba?

<sup>13</sup> Ken mínoo ki'en súrga ha'-kaan banak. Faw fu saj yíinoo, fu waa' yaa tesfa; fu taabuk yíinoo, fu foñluk yaa tesfa. Dú mínoo ki'atukoh kitop Kooh na kitop hëelís.

### *Yéesu taassa Férísiyeencaa ga loo Waasaa Móyíis*

(Mëccée 23: 23-28; 5: 17-20)

<sup>14</sup> Férísiyeencaa, na waareen hëelisaagaba, sükúrukussa tóoh iñcaa Yéesu wo'da, ee ba baa yensirukohhi. <sup>15</sup> Yéesu wo"aba an:

- Dú bëri en buwii tíksi haffa bibo' bijuwí' ga hascii buwiifa, wayee Kooh ínohin iñii en ga keeñciigarúuda. Ndaga iñcii buwii tík fodii iñaa yakinda, sepi'in ga fíkí Kooh.

<sup>16</sup> Móyíis na këyítcaa sëldíiga-Koohcaa bínseedä cérí teewohee Waasaa Kooh bi ga jamaanaa Sañ hayohda. Iñaa aboh ga hayaa Sañ waama, Hewhewii winéwí'wii wo' ga loo Nguurii Koohda yéegalohuunun, ee baa en bëeb yaa tum doolici ga kiheel ki'aas ga Nguuraa Kooh. <sup>17</sup> Ee kibewoh dii asamaanii na kakayfii wëñ kiyoob kinís kuffis jíinoo rek ga Bíncii Waasii.

<sup>18</sup> Béeb baa fu kaal betifu, fu pañ beti filiisaa, fu deegin waas fu yaa faanuk na beti filiis, ee baa fu pañ betifaa yaalaa kaalli hennaa, fu deegin waas fu yaa faanuk na beti mooroomfu.

### *Ha'-alalaa na nduulaa teeku Lasaa'da*

<sup>19</sup> Enee bo' yiléekí'-alal, yaa daanee ki'ekuk kúltí cimórí' caa seerin, ee besaa en béeb ya tumi ga kaanci mbúumbaay ciyaak. <sup>20</sup> Laakeera bo', enee nduul ee teeksee Lasaa', ya daanee kifaanuk ga hal-kaadaa ha'-alalaa, faanfaagari tóoh líifee na puus. <sup>21</sup> Helci teseera lool ga kiñam iñcaa wúunee ga kankaa ha'-alalaa ñamoheedfa; ee wëñaa ga baaycaa hayunaa deewsi puuscaagari. <sup>22</sup> Ga waa nduulaa kaannda, malaakacaa Kooh bayussari ga yahaa Abaraham. Ha'-alalaa ban kaannda, acussa. <sup>23</sup> Ha'-alalaa enee ga coonu ciyaak ga dekataa buwaa kaanin dsaakuda. Ya bëwi'ta hascaagari, ya hotta Abaraham di'usaayí' na Lasaa' ga yahaaci. <sup>24</sup> Ya yaa bayyi didóolí' an: «Cica Abaraham, yérëmaaroo, fu wos Lasaa' ya ñoon siñdaa jokonjiigari ga músú ee ya tóoyíri'too perimpiigoo ndaga mi yii kaanan ga kiwiikii.» <sup>25</sup> Wayee Abaraham taassari an: «Kowuroo, níindískaa an fu laasin neblaatfu ga kipeskaagaraa ga ēldúnada ee Lasaa' enee ga iñaa meskin ban. Diimada nak, ya yii dii kilaas jamiigari, wayee fu, fu yii ga coonu. <sup>26</sup> Ee baatta ga, ga díkaantiríi narúu laakin noñ wiyaak, doonaa fodaama, buwaa waaran kikolkoh dii karu garúu mínsanndiika ee ban ken mínoo kikolkoh garúu hay dii.» <sup>27</sup> Ha'-alalaa wo"ari an: «Kon, mi kíimmbaa, cica Abaraham, fu wos Lasaa' kaan paammboo, <sup>28</sup> ndaga mi laakin këmëenjímun biyétúus. Eneenaa ya karaa, ya wo'ba an ba hanat kiman ga daa mi madeeda, en danaa ba ban, ba hayoo ga dekatii wii líif na coonuda.» <sup>29</sup> Abaraham taassari an: «wo'encaa Móyíis na caa sëldíiga-Koohcaa caa na këmëenjímuncaagaraa, ba súkúrukcatca!» <sup>30</sup> Ha'-alalaa wo"ari an: «Iñaama dooyoo, cica Abaraham. Wayee binaa enee an baa mílís ga kikaan yérí ka' gabanaa, eneенaa ba hay kisúpít kipeskaagaba.» <sup>31</sup> Wayee Abaraham loffari an: «Binaa ba súkúrukkii Móyíis na sëldíiga-Koohcaanaa, luu enee an baa mílís ga kikaan yérí ka' gaba, tahoo bi ba took iñaa yaama wo'anbadfa.»

## 17

### *Yéesu nakoh kibayaloh baakaa' na kigém*

(Mëccëe 18: 21-22; Marka 9: 42)

<sup>1</sup> Yéesu wo"a télíbécäagari an:

- Iñaa ekan bo' ga kitum baakaa' ñakanndii, wayee massa baa iñaama koorohan garida! <sup>2</sup> Kipoku atoh wiyaak ga koonaa ya jafu ga giyyaa, kérí gën gari loo ya tah bi jíinoo ga tu'oomaatii tii keen ga baakaa'. <sup>3</sup> Kon watukat haffúu!

Binaa mbokfu tooñaa, ñaraari ee binaa ya récukkanaa, bayalaari. <sup>4</sup> Binaa ya tooñjaa waas ciyitnakanak ga bes wíino ee kotaan béeb ya hayyaa kiwo' an: «Mi récukinka», leenaa bayalaari.

<sup>5</sup> Apotaa'caa Yéesu wo'ussa Ha'mudii an:

- Baataaríi ngém.

<sup>6</sup> Ha'mudii wo"a an:

- Binaa dú laakee ngëmaa hín na kowu fúdan dogaa, eneенaa dú hay kimín kiwo' kedikkii kii an: «Dofuka, fu yípuknee ga giyyaa!» ee eneенaa ka tum iñaa dú wo'da.

### *Iñaa súrga jom kitumda*

<sup>7</sup> Yéesu wo'sissa an:

- Bii yiida garúu, binaa ya laak súrgaa líndfiri wala yaa níi'dfiri, ee súrgaa meyoh yooncaanaa ya wo"i an: «Deeya, fu yuñ kiñam?» <sup>8</sup> Man ya namiri kiwo' an: «Tíkçhaaroo cuuniin, fu pëkíruk, fu tumi'too mi ñam, mi an, bi mi lëehíraa fu ga

kihaffu, fu han kiñam, fu an.» <sup>9</sup> Ha'-kaadaa laakdin súrgaagari gérém ndaga daa ya tum iñaa en lëgëycidane? <sup>10</sup> Dú ban, binaa dú tum iñaa en lëgëyyúudanaa, leenaa wo'at an: «Dí bisúrga doŋ, dí tum iñaa dí jomee kitumda.»

### *Yéesu wéki'ta bo' bidaanjkaah baa gaana'in*

<sup>11</sup> Lakanaa Yéesu enee na kiyah Yéerúsaleem, ya koorohha díkaanti gohaa Samaríi na waa Gélilée. <sup>12</sup> Daa ya enee na ki'aas ga dék-kaw wíinoo daamada, laakka bo' bidaanjkaah baa gaana'in, hayussa ga fíkíici. Ba ceella palah<sup>†</sup>. <sup>13</sup> Ba baa wo'i didóolí' an:

- Yéesu, kiyaakii, yérëmaarí!

<sup>14</sup> Daa Yéesu hoteeba, wo'aba an:

- Karat, dú teewohnee haffúu ga sarahohcaa<sup>‡</sup>.

Ga wii ba en na kiyahdfa, ba wakka ga waas. <sup>15</sup> Yínoo gafá, daa ya hotee an ya wakin, ya yaa boyuk ga kotcaagari, yaa ndam Kooh didóolí'. <sup>16</sup> Ya keennda ga kotcaa Yéesu, yíppa púkaa kakay, yaa gérém Yéesu. Baa yaama dëkee kúlkaa Samarii. <sup>17</sup> Yéesu wo'ari an:

- Enndii bidaanjkaahbaa béeħba bérí wak hanaa? Haa biyitnanikiisbaa bíinoo báda? <sup>18</sup> Dal bii yii ee enndii yaawúu'danaa, laakkii yínoo gafá yaa boyuk kigérém Kooh!

<sup>19</sup> Léehí'ta Yéesu wo'a baa an:

- Kolka fu yee, ngëmumgaraa músalinndaa.

### *Iñii laakan binaa Kowukii bii haysisaa*

(Mëccée 24: 23-28,36-41)

<sup>20</sup> Férísiyeencaa meekissa Yéesu besaa Nguurii Kooh yah kihaydfa. Yéesu taassaba an:

- Nguurii Kooh yahhii kihay fodii iñaa baa en béeħ hotan wa hayi, bi le'. <sup>21</sup> Ken wo'anndii an: «Malkat, weema!» wala «Wa wúunee!» ndaga ínohat an Nguurii Kooh wii ga leeloorúu.

<sup>22</sup> Léehí'ta Yéesu wo'a tēelibéecaagari an:

- Bes hay kihay, dú hay kiwaa' kimaasoh luu enan bes wíinoo ga bescaa hayaa Kowukii bii, wayee dú maasohanndiiwa. <sup>23</sup> Ee dú hay kiwo'u an: «Ya yaa dúunee wala ya yii dii!». Kaa karat ee kaa foolat da. <sup>24</sup> Ndaga fodii dii melic eni tareet, léerí' asamaan, aboh bakii wii, top ga bakaa wíinoowaada, Kowukii bii madan da béríinaa ya haysanaa. <sup>25</sup> Wayee Kowukii bii jom kideb kison hen paay, ee ya sagu ga buwii wati. <sup>26</sup> Iñaa laakee ga jamaanaa Noweeda hay kilaaksis fodaama ga jamaanii hayii Kowukii bii. <sup>27</sup> Buwaa ensee ga kiñam na ki'an, kipañ na kipajuk bi ga besaa béríi Nowee aasoh ga gaal-giyyaa wiyaakwaada: Kooh hannda kitob mísú miyewin, ma taakka ga kakayfii tóoh bi onnda béeħ. <sup>28</sup> Fodaama ban, yah kiman na iñaa hewee ga jamaanaa Lotda: buwaa ensee ga kiñam na ki'an, kilom na kitoon, kilín na kitawah. <sup>29</sup> Wayee besaa béríi Lot mey dëkaa Sodomda, Kooh tobpa kiwii na atohcaa tamin ga dook dëkaa, tékítaba béeħba. <sup>30</sup> Iñaa manda yérí laakan béríinaa Kowukii bii teewukohsisan ga buwiisa.

<sup>31</sup> Besaa béríi, baa fu en ga dook cakaraa\* túuyaagaraa ee fu laak yen ga duuy túuyaanaa, kaa yoosuk kibebneeca. Fodaama ban baa fu en na kilégéy ga yooncaanaa, kaa boyuk kaan. <sup>32</sup> Níindísukat iñaa dalee beti Lotda<sup>†</sup>! <sup>33</sup> Baa fu heel kisom kipesfunaa, fu hayka kiñak, wayee baa fu ñakkanaa, fu hayka kilaas. <sup>34</sup> Mi wo'úuka, wekaa béríi, bo' banak baa bok fayaan: yínoo hay kibewu, yínooyaa foñu. <sup>35</sup> En beti banak baa bok ki'o': yínoo hay kibewu, yínooyaa foñu. [ <sup>36</sup> ]<sup>‡</sup>

\* 17:12 17: 12 Malkat Léwítik 13: 45-46. † 17:14 17: 14 Malkat Léwítik 14: 2-3. \* 17:31 17: 31 Malkat iñaa wo'u ga Lúkkaa 5: 19 † 17:32 17: 32 Malkat Sënees 19: 26. [ 17:36 17: 36 «Yaal banak hay kiboku ki'en ga yoon wíinoo: yínoo hay kibewu, yínooyaa foñu»: Wo'eencuma hotukkii ga ciyewin ga këýtcaa dëbda.]

<sup>37</sup> Tëelibéecaa meekissari an:

- Ha'mudii, iñaama yah gada kilaakoh?

Yéesu taassaba an:

- Daa mídi enoh, daama ban suulcaa hídochsan da.

## 18

### *Liiwukaa wo' ga loo atti'ohaa na betifaada*

<sup>1</sup> Yéesu wo'issaba liiwukii wii, kiteebba an ba jom kidék ga kikiim Kooh ee ba hanat kisoof fenoo ga:

<sup>2</sup> - Enee atti'oh ga dëk-teeru, yaa niikéeríi Kooh ee ya yéegéeríi ken. <sup>3</sup> Laakeera ban ga dëk-teeraama betifaa yaalci kaanin. Fa hayee leekleek ga atti'ohaa kiwo"<sup>i</sup> an: «Eraaroo kayoh ga dook bii tooñjooda.» <sup>4</sup> Atti'ohaa sanjga iñaa maañ. Lëehí'ta ya wo"<sup>a</sup> ga helci an: «Luu enee an mi niikkii Kooh ee mi yéeñngii bo', <sup>5</sup> ga dii betifi fii onndiiroo jamda, mi namanndi ki'e' kayoh. Enndiikanaa, ya hay kilísi kihay bi faf mi kap ga.»

<sup>6</sup> Ha'mudii tikkka ga an:

- Dú kelohin iñaa atti'ohaa yibóní'yaa wo' yaamada! <sup>7</sup> Haa Kooh eranndii buwaa ya tanukda kayoh, ba baa ba fiipi dímal gari wekoo nohoodane? Ya hayba kiseklukohe?\*

<sup>8</sup> Mi wo"<sup>ú</sup>uka, ya hayba kigaaw ki'e' kayoh. Wayee binaa Kowukii bii hayisaa, ya hay kilaak ga éldúna buwaa gém garine?

### *Liiwukaa wo' ga loo Férísiyeegaa na juutaada*

<sup>9</sup> Yéesu wo'issa liiwukii wii, éewdohhawa ga buwaa tikksee haffba bibo' bijúwí' ga fíki Kooh ee ba tikkii ken bo':

<sup>10</sup> - Enee bo' banak, ba ka'ta Kaanfaa Kooh kikiimnee Kooh; yíinoo enee Férísiyeen, yíinooyaa enee juuti. <sup>11</sup> Férísiyeegaa tuukka, yaa kíim Kooh ga díuyci anee: «Fu Kooh, mi géréminndaa ga dii fu tummbiiroo mi man na buwii bíinoo laksi, tumsi iñaa júbpii, faanuksi na beti jaambuu', wala ban fodii juutii yii. <sup>12</sup> Siminaa en béeþ, mi oori ga bes kanak, ee iñaa mi laak béeþ, bakaa wudaanqkaahwaa mi tumwa sarah.» <sup>13</sup> Juutaa nak ceella palah ee kaañéeríi sah kihílsuk kimalak dook-Kooh, wayee ya yaa típ keeñaa ndaga kirécuk, ee yaa wo' an: «Cëy Kooh, yërëmaaroo, mi ha'-baakaa'.» Yéesu tikkka ga an:

<sup>14</sup> - Mi wo"<sup>ú</sup>uka, ga waa baa yaama soof kaancida, Kooh tookeera an ya júwin, wayee Kooh tookkii Férísiyeegaa. Ndaga béeþ baa fu bëwi' haffunaa, fu hay kiyóoskíru; ee baa fu yóoski' haffunaa, fu hay kibëwíru.

### *Yéesu barkeella tu'oomaataa*

(Méccée 19: 13-15; Marka 10: 13-16)

<sup>15</sup> Bibo' haydohfussa Yéesu tu'ooma, ya tikksee yahcaagari ga dookta. Daa télibéecaa hotsee iñaama, ba baa ña' buwaa. <sup>16</sup> Wayee Yéesu haydohlukka tu'oomaataa, wo"<sup>a</sup> an:

- Ísat oomaacii ba hay garoo! Kaa hoonohatba ndaga Nguurii Kooh wuu buwii man nabada. <sup>17</sup> Mi wo"<sup>ú</sup>uka ee kayoh; baa fu tookkii Nguuraa Kooh fodii ku'oomaanaa, fu aasoo ga.

### *Ha'-alal waa' ki'aas ga Nguuraa Kooh*

(Méccée 19: 16-30; Marka 10: 17-31)

<sup>18</sup> Laakka bo' yaa kuliyuk ga yaawúu'caa, meekissa Yéesu an: Jëgírohii yijófi'yii, mi tuman na bi mi laak bakkoo ga kipeskaa leehoo taa'da?

<sup>19</sup> Yéesu wo"<sup>ari</sup> an:

\* <sup>18:7</sup> 18: 7 Lëegísoh wiliis laakin fodii: Luu enee an ya gaawwiiba kitaase? 8 Mi wo"<sup>ú</sup>uka, ga wahtaagari, ya hayba ki'e' kayoh ga iñaa wëñ kigaaw.

- Iñii tah ya fu wo' kijof garoo? Ken joffii, enndii Kooh recaa. <sup>20</sup> Fu ínohin iñii Waasii Móyiis nakoh kitumda: «Kaa díuk betifu wala yaalfu, fu faanuk na bo' yiliis, kaa laj kumuun bo', kaa lok, kaa seedi' saboh, kelohdaa paamfu na eefu.»

<sup>21</sup> Baa taassari an:

- Mi taabukin iñcuma tóoh, ga ki'oomaaroo bi wati.

<sup>22</sup> Ga waa Yéesu kelohha iñaama, ya wo"ari an:

- Laakin iñaa tesohhaa. Toonaa iñcaa fu laakda tóoh, fu waroh nduulci koparaama, fodaama fu hay kilaak alalaa leehoo taa' ga dook-Kooh, lëehíraa fu hay, fu taabukkoo.

<sup>23</sup> Daa baa kelohee wo'eencaama, keeñci leehha lool ndaga ya enee ha'-alal yiyaak.

<sup>24</sup> Yéesu hottari ya safarissii dara, wo"a an:

- Ki'aas ha'-alal ga Nguuraa Kooh daal yoobpii. <sup>25</sup> Geeleem paaf ga noj kúuc kéri wëñ kiyoob ki'aaskaa ha'-alal ga Nguurii Kooh.

<sup>26</sup> Buwaa sükúrukeerida wo'ussa an:

- Kon baanaa bii mín kimúc ba?

<sup>27</sup> Yéesu wo"aba an:

- Iñaa wooñ bo' wooñjii Kooh.

<sup>28</sup> Pee' dalla kiwo' an:

- Malka, dí, dí foñin tóoh, iñaa dí laakeeda, dí taabukinndaa.

<sup>29</sup> Yéesu loffabaa an:

- Mi wo"úuka ee kayoh; baa Nguurii Kooh tähhaa kifoñ kaanfu, betifu, bikëmëenkífu wala biyaakfu, eefu wala paapu wala towutaagaraanaa, <sup>30</sup> fu hay kilaak yewin ga ēldúnaanii wati ee kuvisaa fu laak kipeskaa leehoo taa'da.

### *Waaasa wukaahaywaa Yéesu yéegaloh kikaankaagari na kimilískaagarida.*

(Mëccée 20: 17-19; Marka 10: 32-34)

<sup>31</sup> Yéesu bayya télibéecaa bidaankaah na banakbaa hañ, wo"aba an:

- Malkat, du bii yah Yéerúsaleem, ga daa wée'taa ga dii tóoh iñaa sëldíiga-Koohcii bínsee ga loo Kowukii biida laakohan. <sup>32</sup> Ndaga ya hay kitíku ga yah yiifa'caa gémussii ga Koohda, ba ñaawalsohiri, ba basiri, ba toossohiri. <sup>33</sup> Ba hayyi kitíp laawoo, ba lëehíraa, ba appi. Ee bes kaahay tík ganaa, ya mílis.

<sup>34</sup> Wayee télibéecaa ínohussii dara ga iñaama, ndaga iñaa wo'eencaagari waaree kiwo'da csaakkee gaba hen, ee ba ínohéeríi iñaama Yéesu enee na kiwo'da.

### *Yéesu wéki'ta búumi' ga Yéríkóo*

(Mëccée 20: 29-34; Marka 10: 46-52)

<sup>35</sup> Daa Yéesu hayee bi deeyca Yéríkóo, laakka búumíraa yuñ ga yahaanaa waasaa, yaa sarahtuk. <sup>36</sup> Ya kelohha coowaa mbooloomaa enee na kipaafda, ya meekisohha iñaa hewdfa. <sup>37</sup> Ya yéegalussa an Yéesu Nasareet yérí en na kipaaf. <sup>38</sup> Daama, ya yaa fiip an:

- Éey Yéesu, kucaasamunkii Dëwít, yérëmaaroo!

<sup>39</sup> Buwaa hanohsee fíkií mbooloomaadfa baa ña'ti, wayee ya yaa wëñ kifiip an:

- Kucaasamunkii Dëwítóó, yérëmaaroo!

<sup>40</sup> Yéesu tuukka, nakohha an ya haydohdfussi. Ga waa búumíraa hayya bi gari,

<sup>41</sup> Yéesu meekissari an:

- Fu waa' ya mi tumi'taa?

Búumíraa taassari an:

- Ha'mudii, tumdaaroo bi mi mín kihotsis.

<sup>42</sup> Waa ennda da Yéesu wo"ari an:

- Mínsisaa kihot! Ngëmiigaraa músalinndaa.

<sup>43</sup> Ga saasi, búumíraa míndaa kihot, ee ya yaa taabuk Yéesu, ya yaa ndam Kooh. Daa buwaa hotee iñaama, béeßba baa ndam Kooh ban.

## 19

### *Yéesu aassa kaan Sakee*

<sup>1</sup> Yéesu aassa Yéríkóo, ya koorohha dzuuy teeraa yaa yah. <sup>2</sup> Laakeera daama baa teeku Sakee, yérí kuliukkee ga juuticaa, ee ya laakeera alal wiywéwin. <sup>3</sup> Ya heella kihot baa en Yéesuda, ya mínn迪ka ga mbooloomaa ndaga ya enee bo' yilohoy. <sup>4</sup> Fodaama ya foolla, kuliukka ga fíkií, lappa ga kedik kiyaak, en dñanaa ya hot Yéesu ndaga ya jomee kikooroh daama. <sup>5</sup> Ga waa Yéesu hayya bi le''a daama, ya taaginukka, wo''ari an:

- Sakee, yoosuka gaaw, ndaga wati mi yah kidal ga kaanfu.

<sup>6</sup> Sakee gaawwa kiyoosuk, safat'a lool ga ki'ek Yéesu kaanci. <sup>7</sup> Wayee béeb buwaa hotee iñaamada baa jambat an:

- Malkat, Yéesu ka' kisagacuknee ga kaan baa júþpii!

<sup>8</sup> Sakee nak kolukka, wo''a Ha'mudii an:

- Ha'mudii, malka, mi hay kiwarohhduulcii bakii alaliigoo wíinoowii, ee en lakanaa mi dúkeera bo' mi ñammba héeliscinaa, mi hayyi ki'ík iñaah hín da waas cinikiis.

<sup>9</sup> Yéesu wo''a gari an:

- Bu-kaanfii fii müsaluuunun wati, ndaga bii yii ban kucaasamun Abaraham. <sup>10</sup> En ki'enaan, Kowukii bii hay dii kibay na kimúsal buwii müuyda.

### *Liwukaa wo' ga loo súrgacaa buuraa foñdee kopa'da*

(Mëccëe 25: 14-30)

<sup>11</sup> Yéesu wo'issa na buwaa súkúrukee wo'eencaamada. Lak ya deeyin Yéerúsaleem ee baa en béeb foogee an Nguuraa Kooh yah kiyoosuk ga wahtaamaa. <sup>12</sup> Yéesu liiwukkaa, dallaba kiwo' an:

- Enee bo' yiléekí'-teek, ya enee na kiyah kibaab ga kúl ki'úsaayí', kifalu buu' daama. Léehíraa, ya boyuk kúlba. <sup>13</sup> Balaa ya karaa, ya bayya ga súrgacaagari bidaanjkaah, ya warohhaba hanja'-wúrúus cidaanjkaah, yaa en béeb wíinoo, ya wo''aba an: «Légéyat ga koparum bi ga daa mi hayan.» <sup>14</sup> Wayee bu-kúlkaagari waa'séeríi gari kihot, ba wossa bibo' ga fenooci, kiwo' an: «Dí waa'tii buum yuma buu'.» <sup>15</sup> Wayee ya falussa buu', ya boyukka kúlba. Ya baylukka súrgacaa ya foñdee kopa'da, ki'ínoh yaa en béeb iñaah ya laakda. <sup>16</sup> Yaa dñeb kihayda wo''a an: «Kiyaakii, hanja'-wúrúusaa fu ereerooda, límin cidaanjkaah ciliis.» <sup>17</sup> Buuraa wo''ari an: «Waaw guureway, waa fu enin go' ga iñaah yewinndii, mi hayyaa ki'e' fu kuliuk ga teeru cidaanjkaah.» <sup>18</sup> Léehí'ta yukanakyaa hayya, wo''a an: «Kiyaakii, hanja'-wúrúusaa fu ereerooda límin ciyétúus.» Buuraa wo''a yaama an: <sup>19</sup> «Fu ban mi hayyaa ki'e' fu kuliuk ga teeru ciyétúus.» <sup>20</sup> Léehí'ta, súrga yiliis hayya, wo''a an: «Kiyaakii, hanja'-wúrúusiigaraa wee, mi loyeewa hen ga líil, mi csaakka. <sup>21</sup> Mi niikeeraa hen ndaga fu bo' yisúwi' ga keeñ, fu bewi iñaah fu faanndii ee fu píiki iñaah fu sokkii.» <sup>22</sup> Buuraa wo''ari an: «Súrgii yibóní'yii, mi hayyaa ki'atti' ga wo'eenciigaraa. Fu ínoheera an mi súwin ga keeñ, mi bewi iñaah mi faanndii, mi píiki iñaah mi sokkii. <sup>23</sup> Kon iñii tah ya fu wútirohi'tiiroo héelisiigoo? Eneenaa mi boyukkaa, mi mínnwa kilaas na iñaah wa límda.» <sup>24</sup> Léehí'ta ya wo''a buwaa enee daamada an: «Te'at hanja'-wúrúusumgari, dñú e'wa yum bay cidaanjkaahcumda.» <sup>25</sup> Buwaa wo''ari an: «Kiyaakii, man ya yii na hanja'-wúrúus cidaanjkaah.» <sup>26</sup> Ya taassa an: «Mi wo''úuka, baa laakin hay kibaatdsu, wayee baa laakoo, ki'iñkaa ya bayda sah hay kite'u. <sup>27</sup> Ee nak buwii sagohee naroo ee waa'séeríi mi en buu'badfa, haydohatfa dii, dñú apfa ga fíkiiroo.»

### *Yéesu aassa Yéerúsaleem na ndam wiyaak*

(Mëccëe 21: 1-11; Marka 11: 1-11; Sanj 12: 12-19)

<sup>28</sup> Ga waa Yéesu wo'a fodaama, ya kuliukka ga fíkií mbooloomaa kiyah Yéerúsaleem. <sup>29</sup> Ga waa ya deeyca dëkaa Betfasee na waa Bétaníi ga bak tégëlaa wo'u tégëlaa Ólívíyéecaada, ya wossa banak ga télibéecaagari, ya wo'aba an:

<sup>30</sup> - Karat dék-kawum ga fíkiirúuda.

Binaa dú le' danaa, dú hay da kilaak cúmbú'-baamaa pokuunun, ee ken mosoori kilap. Pékísatti, dú haydohhi dii.

<sup>31</sup> Ee binaa bo' meekissúu an: «Dú pékísohhi ya?» Taasatti an: «Ha'mudii yérí laak sooli ga.»

<sup>32</sup> Buwaa wosseedfa karussa, ba laakka da tóoh fodaa daa Yéesu wo'eebakadfa.

<sup>33</sup> Lakanaa ba baa pékísohhi ya?» Taasatti an: «Dú pékísoh cuimbúrii ya?

<sup>34</sup> Ba taassa an:

- Ha'mudii laak sooli ga.

<sup>35</sup> Waa ennda dña, ba haydohi'ta Yéesu cumbúraa, ba la'ta paltucaagaba ga dook cumbúraa, ba lëpí'ta Yéesu ga. <sup>36</sup> Ga daa ya enee na kiyahda, buwaa baa la' paltucaagaba ga dook waasaa. <sup>37</sup> Ga wii ba yoosuk írkísa tégëlaa Ólívíyéecaa bi ba baa deey Yéerúsaleemda, iñaa en télibée tóoh yaa kañ Kooh didóolí', na keen wiisóosí' ndaga tóoh kíntaancaa ba hot Yéesu tumda. <sup>38</sup> Ba baa wo' an: «Ha'mudii barkeelat buurii hay ga teekiigarida! Jam laakat ga dook-Kooh ee ndam aawat ga Yaa ga dookaa-dookcsa!»

<sup>39</sup> Laakka Férísiyeencaa ensee ga mbooloomaa, wo'ussa Yéesu an:

- Jégírohii, dekohsaa télibéeciigaraa.

<sup>40</sup> Yéesu taassaba an:

- Mi wo'úuka, binaa ba dekohaa, atohcii cérí yah kitum coow!

### *Yéesu yaa koduki' bu-Yéerúsaleem*

<sup>41</sup> Ga waa Yéesu hayya bi deeyca teeraa Yéerúsaleem, ee ya tikkä kuhasci gawa, ya yaa koduki' bu-dékkaa <sup>42</sup> an:

- Dú ban, enee an sah dú ínohee wati iñii míndúu ki'on jamsanaa! Wayee diima denj, iñamaa daakukin ga hasciigarúu, dú mínoori kihot. <sup>43</sup> Ndaga bessúu waa hay, waa buwii sagoh narúuda gúranndúu, ba gekkúu, ba soonjngúu ga bakaa en béeb.

<sup>44</sup> Ba hayyúu kidúbí', dú na dékumgarúu, ba foñdoorúu sah atoh wíinoo waa tíkuk ga mooroomwa, ndaga jamaanii Kooh hayyúu kibaabcsa, dú ínohhiwi!

### *Yéesu ga dñuy Kaanfaa Kooh*

(Mëccée 21: 12-17; Marka 11: 15-19; Saj 2: 13-22)

<sup>45</sup> Yéesu aassa Kaanfaa Kooh ee ya yaa kaal toonohcaa en daamada, <sup>46</sup> ya wo'aba an:

- Bídu ga Kéyítfaa Kooh an: «Kaanndoo yah ki'en kaanfaa kíimohohsan Kooh.» Wayee dú, dú tumfa daakkaa' lok.

<sup>47</sup> Yéesu enee ga kijégíroh besaa en béeb ga Kaanfaa Kooh. Buwaa kuliuk ga sarahohcaada, jégíroh-waasca, bi ga buwaa biyaakbaa ga dëkaada heelseeri ki'ap.

<sup>48</sup> Wayee ba hotéeríi daa ba tuman, ndaga daa buwaa béeb líksee helba ga Yéesu, ba baa sükúrukkida.

<sup>1</sup> Laakka bes, ga daa Yéesu enee na kijégí' buwaa ga d'uuuy Kaanfaa Kooh, na kiyéegaloh Hewhewaa winéwí'waada, sarahohcaa biyaakbaa na jégíroh-waasca, na yaakcaa hayussa, <sup>2</sup> ba meekissari an:

- Wo'aaríi iñcum fu tumdáa fu ayca ga ba? Bii onndaaca kitum ba?

<sup>3</sup> Yéesu taassaba an:

- Mi ban, mi hayyúu kimeekis yen yíinoo. Wo'atloo: <sup>4</sup> Bétísa Sañ tumeeda, meyohee ga Kooh wala ga bo'-súusúus?

<sup>5</sup> Wayee ba baa wo' ga díkaantiba an:

- Binaa du taas an: «Meyohee ga Koohaa», ya hayyuu kilof an: «Iñii tah ya d'ú gémmbii ga Sañ?» <sup>6</sup> Ee du wo' an: «Meyohee ga bo'-súusúusaa», buwii béeëbba hayyuu kitapisoh na atoh bi du kaan ndaga wóorinba an Sañ enee sëldíiga-Kooh.

<sup>7</sup> Ba taassari an:

- Dí inohoo baa wa meyohee garida.

<sup>8</sup> Yéesu loffaba an:

- Kon baanaa, mi ban, mi wo'anndiirúu iñcii mi tumdáa ati mi ayca gaba.

### *Liiwukaa wo' ga loo línoh biiñcaa bisóotí'baa*

(Méccée 21: 33-46; Marka 12: 1-12)

<sup>9</sup> Léehí'ta, Yéesu yaa liiwuk buwaa anee:

- Enee bo', yíppa tedik-reseñ ga yoonci. Ya bëbpa bilínoh, sassaba kilégéy yoonaa. Ya ka'ta kibaab iñaa maañin ga ín. <sup>10</sup> Ga waa yoonaa lúunda, ya wossa súrga ga línohcaa ba e'ti bakci ga iñaa yoonaa meydohda. Wayee línohcaa feekussa súrgaa, kaalussari yah buucuuc. <sup>11</sup> Ha'-yoonaa wosissa súrga yiliis. Yaama ban, línohcaa feekussari, basussari, kaalussari yah buucuuc. <sup>12</sup> Ya wossissa súrga yukaahay; yaama ban, ba gaañsohhari, jafussari ga fooh. <sup>13</sup> Ha'-yoonaa wo''a ga helci an: «Moo, mi tuman na? Hanaa mi wosan kowukiigoo mi keeñukda, heyna ba hayyi ki'on cée'.

<sup>14</sup> Wayee ga waa línohcaa hotussa kowukaa kaa hay, ba baa wo' ga díkaantiba an: «Yii jom kilamda yeema hayi; du apatti, en danaa du lam yoonaa.» <sup>15</sup> Ba meydohhari yoonaa, ba appari.

Yéesu meekissaba an:

- Haa ha'-yoonaa tuman buwaama na? <sup>16</sup> Ya hay kihay, ya ap línohcaa, ya ek bibo' biliis ga yoonaa.

Daa buwaa kelohee wo'eencaa Yéesu caama, ba wo''a an:

- Taris! Iñaama hanat kilaak múk!

<sup>17</sup> Wayee Yéesu yíppaşa has, wo''aba an:

- Kon wo'eenii wii bídu ga Kéyítfaa Koohda, wa waa' ya kiwo':

«Atohaa tawahohcaa jafeeda,  
atohaa waama, enin atoh-koñ!»

<sup>18</sup> Baa keen ga dook atohaamanaa hay kiweelsukoh ee baa wa keen ga dookcinaa, wa hayyi kinapañsoh.

### *Lempu jomin kifayune?*

(Méccée 22: 15-22; Marka 12: 13-17)

<sup>19</sup> Ga wahtaama, jégíroh-waasca na sarahohcaa biyaakbaa baa heel kitík yah ga Yéesu, ndaga ba ínoheera an ya wo'ee naba ga liiwukaagari, wayee ba niikka ndaga buwaa. <sup>20</sup> Waa ennda ña, ba bëbpa bibo', ebilussaba ga Yéesu ee ba baa malak gari. Buwaama tumussa haffa fodii buwaa júwin doonaa ba míñ kífi' Yéesu ga wo'een, fodaama ba on buwaa wosseebada iñaa ba bayohan Yéesu ga waas, buu' tik yah gari. <sup>21</sup> Buwaama wo'ussa Yéesu an:

- Jégírohii, dí inohin an iñcii fu wo'da na iñcii fu jégírohda júwin, ee fu fa'tii na ken wayee fu jégíroh kayoh ga iñaa Waas-Kooh nakohda. <sup>22</sup> Wo'aaríi, dí jomin kifay Sesaa', buuraa yiyaakyaa lempu wala dí jomoo?

<sup>23</sup> Wayee Yéesu ínohha iñaa baa heeldfa, wo"aba an:

<sup>24</sup> - Teewattoo hëelís denariyon wíinoo, Nataalii wii na teekii en gadfa cuuba?

Ba taassari an:

- Cuu buu' Sesaa'.

<sup>25</sup> Daama Yéesu taassaba an:

- Kon en danaa, erat Sesaa' iñaa Sesaa' laak, dú e' Kooh iñaa Kooh laak.

<sup>26</sup> Ba míndiiri kifí' ga wo'een ga fíkií buwaa. Hanaa kay lofaa Yéesu loffada nammbaba kibet, baa ennda tii'.

*Yéesu meekisohussa ga loo kimílskaa buwaa kaanda*

(Mëccée 22: 23-33; Marka 12: 18-27)

<sup>27</sup> Laakka Saduseyeeñcaa hayu ga Yéesu. Ba baa, baa sagin an laakin kimíls ga buwaa kaanda. Ba meekissari <sup>28</sup> an:

- Jégírohii, Móyíis nakeeruu kitum iñii yii: «Binaa bo', yaa pajin ee laakin këméeñkímun, kaan ee lak foñnjii betici na kowaa, këméeñkímunaa jomin kilam betifaama, ya laaki' yaakci kowu ga.» <sup>29</sup> Waama laakee yaal biyitnabanak, baa bokee paamun na eemun. Yaakkaa pañnya beti, kaannda ee laakkii kowu. <sup>30</sup> Yukanyakya pañnya betifaa, <sup>31</sup> lëehí'ta, yukaahayyaa tikka ga. Ennda da ga biyitnabanakbaa béeþba. Ba kaannda ee ken foñnjii kowu. <sup>32</sup> Ga waa béeþba leehha, betifaa kaannda ban. <sup>33</sup> Kon béríinaa buwii mílsan ga kikaanaa betifaama yah yuu baa? Ndaga yaa en béeþ ga biyitnabanakbaa tumeerari beti.

<sup>34</sup> Yéesu taassaba an:

- Buwii ga jamaanii watifa pañsin ee pajuksin. <sup>35</sup> Wayee buwaa joommbiiba kibok ga buwaa yah kimílsda, na kipes ga jamaanii hayanda pañsoo ee pajuksoo. <sup>36</sup> Ba mínsisanndii kikaan ee baa pesan madu na malaakacaa, ba bitowu Kooh ndaga baa límuk ga kikaan. <sup>37</sup> Móyíis ga kihafci teewohin an buwaa kaanda hay kimílsu. Ga jangataa wo' ga loo pëegíifaa abee kiwiida ya bay Ha'mudii «Koohyii Abaraham, Koohyii Ísaak na Koohyii Yakoop». Yéesu tikka ga an: <sup>38</sup> Kon nak Kooh enndii yuu buwaa kaanda wayee yuu buwaa pesda, ndaga ga Kooh kipeskaa kaa ga baa en béeþ.

<sup>39</sup> Waa ennda da, laakka jégíroh-waascaan wo' Yéesu an:

- En ki'enaa, Jégírohii, iñii fu wo'da kayoh.

<sup>40</sup> Ba wo'ee iñaama ndaga baa kaañsiséeriiri kimeekisohis dara.

*Iñaa Yéesu wo' ga loo díkaantici na Dëwítدا*

(Mëccée 22: 41-46; Marka 12: 35-37)

<sup>41</sup> Yéesu wo'issaña an:

- Buwii míñ na kiwo'u an Kiristaanii kucaasamun Dëwít? <sup>42</sup> Ndaga Dëwít ga kihafci wo'in ga Këyítfaa Kañcaa an:

«Kooh wo'a Ha'mudiigoo an:

Yugohaaroo yah-ñaam,

<sup>43</sup> bi ga daa mi tuman buwii sañngaada ditogaa' kotfu.»<sup>◊</sup>

<sup>44</sup> Fodaama Dëwít bayyi «Ha'mudii». Kon Kiristaanii míñ na ki'en ban kucaasamun Dëwít?

*Yéesu hoonohha tæelíbeecaagari kitum fodaa jégíroh-waascaan*

(Mëccée 23: 1-36; Marka 12: 38-40)

<sup>45</sup> Lak buwaa béeþ baa súkúruk Yéesu, ya wo'a tæelíbeecaagari an:

<sup>46</sup> - Abukat ga kiman na jégíroh-waascii safaru ga kitíidisuk na kúltí ciyaak, na kikëñdu yah kanak ga paancaa; ba heeli kiyugoh fíkií ga d'uuuy jaangu-yaawúu'caa, na kiyugoh fíkií en ga hewaa. <sup>47</sup> Ba d'úuri alalcaa beticcaa yaalcaagaba lísussiida, ee

<sup>◊</sup> **20:37** 20: 37 Malkat Eksoot 3: 2-6; Mëccée 22: 32. <sup>◊</sup> **20:43** 20: 43 Malkat Kañcaa 110: 1.

ba kíimi kíim-Koohaa ínohoo kileeh, doo buwaa foon an ba bifo' bijúwí'. Atti'aagaba wëñan kimesik!

## 21

### *Saraha betifaa laakoo darada*

(Marka 12: 41-44)

<sup>1</sup> Yéesu bëwí' hascaagari hen, ya hotta ha'-alalcaa baa ek sarahcaagaba ga iñaa sarahcaa te'ohsi ga Kaanfaa Koohcsa. <sup>2</sup> Ya hotta ban betifaa laakoo ee yaalci kaanin, yaa ek ga d'uygaa tudérém tanak. <sup>3</sup> Yéesu dalla kiwo' an:

- Mi wo'"uka ee kayoh; en ki'enaat betifii laakoo fii ee yaalci kaaninda ekin iñaa wëñ iñii buwiima bëebba ekda. <sup>4</sup> Ndaga buwiima bëebba tumu sarah ga iñaa ba wëñi'da, wayee betifii fii ga kinduulci, ya erohin tóoh iñaa ya jomee kipesohcsa.

### *Yéesu yéegalohha an Kaanfaa Kooh hay kibú'*

(Mëccëe 24: 1-2; Marka 13: 1-2)

<sup>5</sup> Laakka bifo' baa enee na kiwo' ga loo Kaanfaa Kooh. Ba wo'ee an fa morin lool, na atohcaagari cimórí'caa, na mo'laatcaa tumdu Kooh dada. Wayee Yéesu wo'"a an:

<sup>6</sup> - Bes waa hay, iñii d'ú niiruk yii tesanndii atoh wiinoo waa tíkiskoh na mooroomwa; tóoh hay kibú'.

### *Iñciiyah kihew balaa ēldúna túki'aa*

<sup>7</sup> Buwaa meekisussa Yéesu an:

- Jégírohii, iñcaama yah kilaak kera? Mandargii wiida teewohan an iñcii cii jomin kilaak?

<sup>8</sup> Yéesu loffaşa an:

- Watukat kidúku ndaga bo' biyewin hay kihayohu teekkoo, ba wo'i an: «Mi yëri en Kiristaanii na: «Wahtii deeyin» wayee kaa taabukatba. <sup>9</sup> Binaa d'ú keloh yëngël heñ wala an bifo' baa heñoh kilaak haffbanaa, kaa titat. Ndaga iñcaama jomin kilaak paay, wayee enndii an ēldúna yah kitükí' ga saasi-saasi.

<sup>10</sup> Lëehí'ta ya tikkga an:

- Kúl hay kikoluk, keen ga dook kúl mooroomci, ee nguu' hay kibewuk keen ga dook nguu' mooroomci. <sup>11</sup> Kakayfii hay kiyëngëluk, yëngël wiyaak ee ga cefkat ciyewin, a' na d'úukoolcaa karohin hay kilaak. Ee ban yen ciyewin caa tiitalohin hay kilaak, mandarga cidóoyí'-waa' hay kimeyoh ga dook asamaan. <sup>12</sup> Wayee balaa iñcaama tóoh laakaa, buwii hay kitíku yah garúu, d'ú hatalu ga kipessúu, d'ú bayu ki'atti'u ga jaangu-yaawúu'caa, ee d'ú hay kitëcu ga kasu. Dú hay kibayu ga fíkíi buu'caa na buwaa laak nguuraadsa ndaga teekiigoo. <sup>13</sup> Iñaama hayyúu kimín ki'on kituukukkoo. <sup>14</sup> Tumat ga helciirúu an d'ú jomoo kihalaat ga iñaa d'ú wo'an ga fíkíi buwaa yabussúudsa, <sup>15</sup> ndaga mi hayyúu ki'e' kiñaañ na wo'eencaa wëe'taa ga an cii yíinoo ga buwaa heñohussúudsa mínanndii yen ga, wala ba mín kisanj iñcaa d'ú wo'anda. <sup>16</sup> Bi ga buwaa límmbúudsa, na buwaa d'ú bok naba eemun na paamunda, mbokcaagarúu na filiimuncaagarúu hayyúu kitoonu ga buuraa, ee bíinoo garúu hay kitíku kikaan. <sup>17</sup> Béeb buwii waa'sanndii garúu kihot ndaga teekiigoo. <sup>18</sup> Wayee kufen jíinoo fooyukanndii ga hafciigarúu. <sup>19</sup> Kiguu'guuluk këri tahanndúu kipes.

### *Yéesu yéegalohha kitaskaa Yéerúsaleem*

(Mëccëe 24: 15-21; Marka 13: 14-19)

<sup>20</sup> - Binaa du hot bïsoldaa' wiil Yéerúsaleem kúrkündúlaa, du hay ki'ínoh an waa yah kipookisohu. <sup>21</sup> Le' bëriinaa, buwaa iñama laakan gohaa Yúudéedsa, ba núpat ba yee bak janjancaa; buwaa iñama laakan d'uy Yéerúsaleemsa, ba úsaayat daama, ee buwaa iñama laakan dëk-kawcaada ba hanat ki'aas teeraa. <sup>22</sup> Ndaga bescaa ciméeski'caa caama cérí Kooh yah kikoroh bu-Isarayeel doonaa tóoh iñcaa

bínsee ga Kéyítfaada laak. <sup>23</sup> Massa beticaa bescaama laakanba na look, na baa ensan na kibépí'da, ndaga bu-dëkaama hay ki'enu ga coonu fiyaak ee aylukaa Kooh hay kiyoosuk ga dook buwaama. <sup>24</sup> Ba hay ki'apu na kalab, ba abu ñaam ga leeloo heetcii ga éldúnada tóoh, ee yiifa'caa hay kimókí' Yéerúsaleem bi daa nguuraagaba daamada leehan.

*Kowukii bii hay kihayis*

(Mëccée 24: 29-31; Marka 13: 24-27)

<sup>25</sup> Yéesu tíkka ga an:

- Hay kilaak mandargacaa hotuk ga nohii, ga ñiidii, na ga olcii. Ga kakayfii, buwii hay kiléyu lool ndaga kitíit ga yéngélaa giyyii na dúusciigari. <sup>26</sup> Bibo' hay kikaanu na kitíit ndaga kihalaat ga iñaa Yah kidal éldúnada, ndaga iñcii laak ga dook asamaanda tóohca hay kihíciskoh. <sup>27</sup> Fodaama, Kowukii bii hay kihotu, ka yoosuki ga dñuy yaayeelcii ee ka taam na dooli na ndam wiyaak. <sup>28</sup> Binaa iñcumaa dal kilaakaa, leenaa yolo hat, dñu taaginuk dook, ndaga lak dñu hayin kimúsalu.

*Jagaa tediktaa teewohda*

(Mëccée 24: 32-35; Marka 13: 28-31)

<sup>29</sup> Yéesu liiwukissa buwaa anee:

Malkat ga een na tediktii tíinoo: <sup>30</sup> Binaa dñu hot ca dal kitapisaa, dñu ga kihaffúu, dñu ínoh an lahum deeyin. <sup>31</sup> Fodaama ban, binaa dñu hot iñcaama ca laakaa, ínohat an Nguurii Kooh deeyin. <sup>32</sup> Mi wo"úuka ee kayoh; bi buwii wati kaanu béeßbanaa, iñcaama tóoh hay kilaak. <sup>33</sup> Asamaanii na kakayfii hay kifaay wayee wo'eenndoo faayoo mûk.

*Yéesu nakoh kiwatuk*

<sup>34</sup> - Watukat haffúu; kaa líkat helciigarúu ga kiñam na ki'an kihépí' na halaat éldúna, enndiikanaa besaa bérii hayyuú kibet lool, <sup>35</sup> fodii mbép; wa hayan da ga dook buwii tóoh enu ga éldúnada. <sup>36</sup> Kon kaa neehat, dñu kíimi Kooh wahtaa en béeß, doonaa dñu laak dooli kisaan ga iñcaa Yah kihay caama, ee dñu míñ kituuk ga fikí Kowukii bii.

<sup>37</sup> En na nohaa, Yéesu jégírohi ga dñuy Kaanfaa Kooh, wayee wekaa le'aa ya yee kineehnee ga tégélaa wo'u tégélaa Ólíwíyéecaa. <sup>38</sup> Ee ga kím cuut buwaa béeß hayya garí ga Kaanfaa Kooh kisúkúrukki.

## 22

*Sarahohcaa na jégíroh-waasca pokohussa Yéesu nof*

(Mëccée 26: 1-15; Marka 14: 1-2; Saj 11: 45-53)

<sup>1</sup> Lak feetaa Paak ee ñamohsi mbúurúcaa tumoo lëwíi'da deeyin. <sup>2</sup> Sarahohcaa biyaakbaa na jégíroh-waasca baa heel daa ba tuman bi ba apluk Yéesu ee ken yéegoo ndaga ba kaañéeríi buwaa.

*Yúdaa tookka kitoon Yéesu*

(Mëccée 26: 14-16; Marka 14: 10-11)

<sup>3</sup> Fodaama Seytaani aassa Yúdaa, yaa baysi Iskariyotda ee bokee ga télíbéc当地语  
bidaanjkaah na banakbaa. <sup>4</sup> Yúdaa ka'ta, hotohneera na sarahohcaa biyaakbaa na buwaa kuliyük ga pokkoh-liibcaa ga Kaanfaa Koohda, ga daa ya tuman bi ya tík Yéesu ga yahba. <sup>5</sup> Keeñba soossa ga bi ba díñngari kopa'. <sup>6</sup> Yúdaa tookka, yaa heel besaa ya jekalukan, ya tík Yéesu ga yahba ee mbooloomaa yéegooka.

*Yéesu nakohha kiwaayukdu ñamahaa Paakaa*

(Mëccée 26: 17-25; Marka 14: 12-21; Saj 13: 21-30)

<sup>7</sup> Besaa hewaa mbúurúcaa tumoo lëwíi'da ee tubaaltaa apsi ga kitík cuuniíinfaa ñamsi ga Paakfa le'"a, <sup>8</sup> Yéesu wossa Pee' na Sañ, wo'"aba an:

- Karat, dú waayukdinee haffuu cuuniíinfi Paak.

<sup>9</sup> Ba meekissa Yéesu an:

- Fu waa' dí waayukneefa gada?

<sup>10</sup> Yéesu taassaba an:

- Súkúrukat, binaa dú aas teeraanaa, hay kilaak yaalaa hídukoh narúu, kooruk kujataa mísú. Taabukatti bi ga d'uuy kaanfaa ya aasanda, <sup>11</sup> ee dú wo' ha'-kaanfaama an: Jégírohii meekisoh an túuyaa ya ñamohan Paak, ya na télíbéeecaagarida wada?

<sup>12</sup> Fodaama, ya hayyúu kiteeb túuy wiyaak waa hanoh dook ee hëwíruunun bi jekin; dú waayukan ñamahcaa ga dékataama.

<sup>13</sup> Ba ka'ta, ba laakka tóoh fodaa daa Yéesu wo'eebakada, ba aawwa kon kiwaayuk ñamahaa Paak.

### *Cuuniíinfaa fisela'i'faa Yéesu ñam na apotaa'caagarida*

(Méccée 26: 26-30; Marka 14: 22-26; 1 Korenti 11: 23-25)

<sup>14</sup> Waa wahtaa le'"a, Yéesu yunjga kiñam na apotaa'caa. <sup>15</sup> Ya wo'"aba an:

- Helloo teseera lool ga kibok narúu kiñam cuuniíinfi Paakii wii balaa mi sodalunaa!

<sup>16</sup> Ndaga mi wo'"úuka; mi yahissiifa muk kiñamis bi ga daa iñaa fa waa' kiwo'da matan béríinna Kooh tuukiran Nguuraagarida.

<sup>17</sup> Waa ennda d'a, ya bëbpa kaas-biiñ, gérëmmba Kooh ga, lëehí'ta ya wo'"a an:

- Uunat, dú warohwa, <sup>18</sup> ndaga mi wo'"úuka, aboh ga wati mi ansisoo anahaa meyoh ga kowu reseñ bi ga daa Kooh tuukiran Nguuraagari.

<sup>19</sup> Lëehí'ta ya bëbpa mbúurú, ya gérëmmba Kooh ga, ya weelsohhawa, ya e'tabawa an:

- Iñii yii faanfigoo, mi eroh ndaga dú. Tumat iñii yii, dú níindísukohiroo.

<sup>20</sup> Waa ba lëehí'ta kiñamda ya bëbpa kaas-biiñ, tummba fodaama an:

- Iñii yii, kifiiliimunkii ki'askii Kooh narúu ee poku na ñífigoo aamfussúuđa.

<sup>21</sup> Wayee malkat bii yahhoo kitoonda yii ekoh naroo yah dii. <sup>22</sup> En ki'enaa, Kowukii bii hay kikaan fodaa daa Kooh na' gakada, wayee massa baa toonndi yaama!

<sup>23</sup> Waa ennda d'a, apotaa'caa baa heel ki'ínoh ga d'uuyba, baa yah kitum iñaamada.

### *Baa Yéesu wo' an yëri wëñ kiyakda*

<sup>24</sup> Laakka daama nookoh ga díkaanti apotaa'caa ki'ínoh yaa ba halaat an yëri wëñ kiyak gabada. <sup>25</sup> Yéesu wo'"a an:

- Buu'cii ga éldúnada nguuruksi ga dook buwaa ba laakfa, ee buwaa tíki yah ga dook buwaamada waa'si kibayu «buwaa tumsi yijóff' rek.» <sup>26</sup> Wayee iñaama enndii d'a garúu. Hanaa kay yaa wëñ ki'en yaak garúuda joman kiman na yëri wëñ ki'en oomaa; ee yaa en ga fíkíinnaa joman kiman na súrga. <sup>27</sup> En ki'enaa, yaa yunj ga kankaa kiñamda, na yaa enndi na kinori'da; banakbaama, yiida wëñ ga kiyak? Man yaa yunj ga kankaa kiñamda yëri ya, enndii d'ane? Mi nak, mi yii ga díkaantirúu fodii súrga. <sup>28</sup> Dú, dú bérí en buwaa dékee kitaam naroo ga coonucii mi dayeeda. <sup>29</sup> Ee fodaama daa paammboo onndoo kinguurukfa, mi oninndúu kinguuruk naroo fodaama. <sup>30</sup> Fodaama dú bokan naroo kiñam na ki'an ga daa mi yah kinguurukfa ee dú yugan ga paancaa ki'atti' níilcaa bu-Isarayeel cidaaŋkaah na kanakcaa.

### *Yéesu yéegalohha an Pee' hayyi kitaasuk*

(Méccée 26: 31-35; Marka 14: 27-31; Sañ 13: 36-38)

<sup>31</sup> Yéesu wo'"a an:

- Simon, Simon! Malka: Seytaani kíim an dú onussi ya lassúu fodii baa las tohoo.

<sup>32</sup> Wayee mi kíimdinndaa Kooh doonaa ngémum fu laak garooda leehoo. Ee binaa fu boykis garoonaa, leenaa baaataa dooli buwaa fu bok naña ngémfa.

**33** Pee' wo"ari an:

- Ha'mudii, mi pari'in ki'en naraa bi ga kitëcu ga kasu wala ki'apu.

**34** Yéesu taassari an:

- Pee', mi wo"aa an bi siik-pabu kon watinaa\* fu hay kitaasuk ki'ínohhoo bi en waas kaahay.

### *Iñcaa Yéesu wo' t̄eelibéecaagari an ba jomin kikoluk gacada*

**35** Lëehí'ta Yéesu wo"aba an:

- Ga waa mi wossúu ee dú baydohhii kopa', hëmbu wala ñafa'da, dú ñakeera yene?

Ba taassa an:

- Dí ñakéeríi dara.

**36** Ya wo'issa an:

- Diimada nak, béeb baa fu laakin hëelísa, bewaawa, ee baa fu laakin hëmbaa bewaawa ban; ee baa fu laakoo kalawaa, toonaa paltufaagaraa fu lom kalab. **37** Ndaga mi wo"úuka, iñaa wo'u ga Kéyítfaa an: «Ya kíduunun ga tumoh-kofeeliida» hay kilaak garoo. Ee iñaa wo'u aaw garoo yaama yii yah kilaak.

**38** T̄eelibéecaa wo'ussari an:

- Ha'mudii, kalaab kanak cee.

Ya loffaba an:

- Dooyin da.

### *Yéesu yaa kíim Kooh ga t̄égëlaa Ólíwiyéecaa*

(Mëccée 26: 36-46; Marka 14: 32-42)

**39** Yéesu meyca teeraa, ya ka'ta t̄égëlaa Ólíwiyéecaa, fodaa daa ya meereeka kitumda.

T̄eelibéecaagari taabussa nari. **40** Ga waa ya le"a d̄ekataa, ya wo"aba an:

- Kíimat Kooh doonaa dú keenoo ga fíraa Seytaani.

**41** Lëehí'ta ya úsaayya iñaa hín na wéesée-atoh, ya yí'a, yaa kíim Kooh **42** an:

- Buba, en lak fu waarinkanaa, úsaaydaa kaas-coonufi fii garoo. Wayee hanat ki'en iñaa mi waa'da wayee iñaa fu waa'da laakat.

[ **43** Waa ennda da, laakka malaakaa Kooh mey gari, baattari dooli. **44** Hídaa ga daa keeñci leehda tóoh, Yéesu yaa baat kiwëñ kikíim Kooh. Anagaagari mannda na ñífaa en na kisiit kakay.]†

**45** Waa ya kíimba Kooh bi ya lëehí'tadfa, ya kolukka, ya boyukka ga t̄eelibéecaagari. Ya laakba baa neeh ndaga lak keeñba nefpii. **46** Ya wo"aba an:

- Dú neeh ya? Kolkat, dú aaw kikiim Kooh doonaa dú keenoo ga fíraa Seytaani.

### *Yéesu abussa*

(Mëccée 26: 47-56; Marka 14: 43-50; Saj 18: 3-11)

**47** Lak Yéesu yaa lís kiwo', bo' biyewin meyca jalañ. Yúdaa yaa bok ga t̄eelibéecaa bidaankaah na banakbaadfa, hanohee fíkii. Ya hayya ga Yéesu kifuunndi. **48** Daama, Yéesu wo"ari an:

- Yúdaa, fu toon Kowukii bii na kifuunndine?

**49** Ga waa buwaa taabee na Yéesuda hotussa iñaa yah kilaakfa, fa meekissari an:

- Ha'mudii, dí yobsohatba na kalawe?

**50** Yiñoo gaba meydohha kalabfaagari, yobpa súrgaa baa kuliyukee ga sarahohcaa biyaakbaadfa, gú'ta nofaa ñaabaa. **51** Wayee Yéesu wo"aba an:

- Íisat, dooyin.

Ya le"a ga nofaa baa, wa íkukka ga daa wa eneeda. **52** Lëehí'ta Yéesu wo"a sarahohcaa biyaakbaa, na buwaa kuliyuk ga soldaa'caa ga Kaanfaa Koohfa na yaakcaa yaawúu'caa hayseeri ki'amda an:

\* **22:34** 22: 34 Ga baahaa yaawúu'caa, bes dali ga noh-soos bi ga daa noh-soos haysisan    † **22:44** 22: 44 Laakin ga Kéyítcaa d̄ebfa, caa laakoo bíncaa aboh ga 43 bi ga 44.

- Mateerarúu kihay na kalab na doo' fodii buwaa dawuk tumoh-kofeele? <sup>53</sup> Mi enéeríi narúu besaa en béeb ga duuy Kaanfaa Koohe? Ee dú tikkii yah garoo. Wayee wahtii wii wuuruú, dú na doolii laak wekða.

*Pee' taasukka Yéesu*

(Mëccëe 26: 57-58,69-75; Marka 14: 53-54,66-72; Saj 18: 12-18,25-27)

<sup>54</sup> Ba ammba Yéesu, ba bayyari kaanfaa sarahohaa kuliyuk ga sarahohcaa biyaakbaada. Pee' yaa taabukba di'usaayí'. <sup>55</sup> Kiwii taalseera ga leeloo hëtaa kaanfaa, Pee' hayya, yunjngaa ga duuy buwaa wílkadfa. <sup>56</sup> Laakka súrga yibeti yaa hot Pee' ga lee'laataa kiwiikaa. Ya yíppari hascaa, wo''a an:

- Bii yii ban enee nari!

<sup>57</sup> Wayee Pee' taasukka an:

- Mi ínohoori de, betifi fi!

<sup>58</sup> Ennda kiis, laakka bo' yiliis yaa hotti, wo''ari an:

- Fu ban fu bok gaba!

Wayee Pee' taassa baama an:

- Mi bokkii gaba de, yaalii yii!

<sup>59</sup> Tíkka ga iñaa le' waantu, bo' yiliis yégíssa ga wo'eenagari an:

- Wóorin an bii yii enee nari, ndaga ya kulkoh Gélilée.

<sup>60</sup> Wayee Pee' loffari an:

- Mi ínohoo iñum fu waa' kiwo'fa, yaalii yii.

Ga ñekataama, wii ya lëehðan kiwo'aa, siik-pabu konnda. <sup>61</sup> Ha'mudii heelukka, yíppa Pee' hascaa. Pee' níindísukka iñaa Ha'mudii wo'eerifa an: «Bi siik-pabu kon watinaa, fu hayyoo kitaasuk waas kaahay.»<sup>☆</sup>

<sup>62</sup> Ya meyca kaanfaa, yaa koduk mooncaa leehoo.

*Yéesu ñaawalussa, feekussa*

(Mëccëe 26: 67-68; Marka 14: 65)

<sup>63</sup> Waa ennda ña, buwaa ensee na kiwatuk Yéesuða, baa ñaawalli, baa feekki. <sup>64</sup> Ba pokka hascaagarinaa, ba meekisiri an:

- Líruka, bii feekkaadfa ba?

<sup>65</sup> Ba baa íifi wo'een ciliis cisépi'í'.

*Yéesu bayussa paanaa wiyaakwaa*

(Mëccëe 26: 59-66; Marka 14: 55-64; Saj 18: 19-24)

<sup>66</sup> Ga waa Kooh wiisða, yaakcaa yaawúu'caa na sarahohcaa biyaakðaa na jëgíroh-waascaan hidohussa. Ba baylukka Yéesu ga fíkii paanaa wiyaakwaama. <sup>67</sup> Ba meekissari an:

- Fu yéri en Músalkaatiine? Wo'aaríi!

Yéesu loffaba an:

- Binaa mi wo''úukanan, dú gëmanndiiroo, <sup>68</sup> ee binaa mi meekissúu yenaa, dú taasanndiiroo ga. <sup>69</sup> Wayee iñaa aboh diima, Kowukii bii yah kiyun ga yah-ñaabaa Kooh yaa wëñ béeð doolidaa.

<sup>70</sup> Buwaa béeð meekisohussari an:

- Kon fu yéri en Kowukii Koohe?

Ya taassaba an:

- Dú wo'inka an mi yéri.

<sup>71</sup> Ba dalla kiwo' an:

- Du laakis ya sooli ga wo'een seedi? Du kelohin ga kúuwci na kihaffuu!

<sup>☆</sup> 22:61 22: 61 Malkat 22: 34.

## 23

### *Yéesu bayussa ga fíkí Pílaat*

(Mëccée 27: 1-2,11-14; Marka 15: 1-5; Sañ 18: 28-38)

<sup>1</sup> Waa ennda ða, bu-paanaa béeħba kolukussa, bayussa Yéesu ga Pílaat. <sup>2</sup> Daama, ða ennda ga kipoki'ti wo'eencaa an:

- Dí laak bii yii, yii hícisoh kúlkii: ya hoonohi buwii kifay buu' Sesaa' lempu, ee ya wo' an ya en Kíristaa, buu'.

<sup>3</sup> Pílaat meekissa Yéesu an;

- Fu yéri en buurii yaawúu'ciine?

Yéesu taassari an:

- Fu wo'inka.

<sup>4</sup> Pílaat wo'"a sarahohcaa biyaakbaa na mbooloomaa an:

- Mi hottii iñaa bii yii tum bi cal buu' tík yah gari.

<sup>5</sup> Wayee ba wēñja kiyégís ga wo'eñaagaña an:

- Ya yii yéngël bu-dékii na iñcii ya en na kijégírohda ga duuy kúlkii Yúudée. Ya dalohnee gohaa Gélilée, ya hayin bi dii.

### *Yéesu bayussa ga fíkí Eroot*

<sup>6</sup> Daa Pílaat kelohee wo'eencaama, ya meekisohha an:

- Bii yii dék Géliléene?

<sup>7</sup> Ee waa ya ínohha an Yéesu meyoh gohaa Eroot en buu' gadfa, ya ebilohha kibay Yéesu ga Eroot, lak Eroot yaa ga Yéerúsaleem ga bescaama. <sup>8</sup> Daa Eroot hotee Yéesu, ya safá'ta lool; ndaga ya waareera kihot Yéesu kiméeñí' ndaga iñcaa ya kelohee buwaa wo'ee ga Yéesuda, ee ya waareera kihot Yéesu tum kíntaan. <sup>9</sup> Ya meekissari yen ciyewin, wayee Yéesu taassiiri. <sup>10</sup> Sarahohcaa biyaakbaa na jégíroh-waascaa ensee daama, baa poki' Yéesu kiwo' ga daa ba wēñ kimín. <sup>11</sup> Eroot na soldaa'caagari tíkussii Yéesu bo', ee baa ñaawalsohhi, lëehí'ta Eroot nakohha ki'ek Yéesu kúltí fimóri', ya ebilohha kiboyukidoh Yéesu ga Pílaat. <sup>12</sup> Eroot na Pílaat ga daa ba sagoheedfa tóoh, enussa bifiliimun béríi.

### *Yéesu atti'ussa kikaan*

(Mëccée 27: 15-30; Marka 15: 6-19; Sañ 18: 39-19: 16)

<sup>13</sup> Pílaat hídírohha sarahohcaa biyaakbaa, na buwaa kuliyuk ga yaawúu'caadfa, na iñaa en yaawúu' tóoh, <sup>14</sup> ya wo'"aña an:

- Dú bérí haydoh bii yii garoo, dú wo' an ya en na kihícisoh kúlkii. Mi meekisinndi ga fíkíirúu ee mi hottii gari yen yíinoo ga iñcii dú yammbida. <sup>15</sup> Ee Eroot ban hottii dara gari, ndaga ya íkinnduuri. Kon bii yii tummbii yen yíinoo yaa cal ya tíku kikaan.

<sup>16</sup> Mi hay kitémóhí' faanci, mi íissi ya yee. [ <sup>17</sup> ]\* <sup>18</sup> Wayee buwaa béeħba bokussa kifiip an:

- Apaa buum yuma, ee fu lègísi'tíi Barabaas!

<sup>19</sup> Barabaas tēcsee ga kasu ndaga ya bokee ga heñaa na nguuraa Room laakee ga teeraadfa ee ya apee bo'. <sup>20</sup> Pílaat baatta kiwo'is na buwaa ndaga ya waaree ki'ís Yéesu. <sup>21</sup> Wayee baa fiip didóolí' an:

- Daayaari ga kuraa! Daayaari ga kuraa!

<sup>22</sup> Pílaat wo'issa naba kotaa kukaahaykaa an:

- Bii yii tum ya yibóní? Mi hottii dara gari iñaa tahan kumuunci hín ga. Kon mi hay kitémóhí' faanci, mi íissi ya yee!

<sup>23</sup> Wayee ba súħpa ga rek, ba baa fiip ga daa ba wēñ kimín an Yéesu daaysat ga kuraa. Tifiptaa buwaa wēñja dooli: <sup>24</sup> Pílaat dalla kiwo' an ya hayba kitumi' iñaa

\* <sup>23:17</sup> 23: 17 «Ga feetaa Paak en béeħ, Pílaat jomeeba kiméyí' bo' yíinoo ga buwaa abu ga kasufa.» Wo'eencii ciima laakoo ga Kéyítcaa deb kideħħda.

ba meekisohda. <sup>25</sup> Ya méyí'taba baa ba meekisohee ee täcsee ga kasu ndaga kiheñoh nguuraa Room na ki'ap bo'da. Lëehí'ta, ya tikkka Yéesu ga yahba, ba tum gari iñaa ba waa'.

### *Yéesu daayussa ga kuraanaa*

(Mëccëe 27: 32-44; Marka 15: 21-32; Saj 19: 17-27)

<sup>26</sup> Ga daa ba enee na kibay Yéesuda, ba hídochha na bo' yiyaal yaa meyoh yooncaa, teeku Simoñ ee dëk Síreen. Ba ammbari, ba tikkari kuraanaa, ya taam ga fenoo Yéesu.

<sup>27</sup> Mbooloo wiyaak ga bu-dëkaa taabussa ga fenoo Yéesu, na ñan bibeti baa ensee ga kilooyoh, baa fiipoh ndaga Yéesu. <sup>28</sup> Yéesu mëeñsukka gaba wo"aba an:

- Dú, beticci bu-Yéerúsaleem, kaa kodukatttoo! Kodukat haffúu na towutiigarúu!

<sup>29</sup> Ndaga bes waa hay, waa buwii wo'an an: «Beticci mínsoo kilaak kowu na bii mosoo ki'en na look ee mosoo kibépí'da déy, yewinuunun múu'!». <sup>30</sup> Le' bérínaa, buwii hay kiwo' janjancaa an: «Búrat ga dookkíi!» ba wo' tégélcaa an: «Úubattíi!» <sup>31</sup> Kon, en lak kedik ki'iili kérí tumu aneenaa, haa kisuwí'kaa yah na kitumu?

<sup>32</sup> Ba baydoheera tumoh-kofeel ñanak baa jomee kidaayu ga kuraa fodaa Yéesu.

<sup>33</sup> Ga waa ba le'a bi ga dekataa teeku «Loon-hafda†», ba daayca Yéesu ga kuraa daama, ba daayca ñanakbaa, yaa en béeþ ga kuraa; yii hanohha Yéesu yah-ñaam, yínoo hanohhari yah-sej. <sup>34</sup> Yéesu wo'a an:

- Buba, bayalaaba ga ndaga ba ínohoo iñii ba tumda.

Ba yípohha tudoo' kiwaroh kúltícaa Yéesu. <sup>35</sup> Mbooloomaa tuukka waa malak. Buwaa kuliyuk ga yaawúu'caada baa ñaawalsoh Yéesu an:

- Ya müsalin bibo', kon ya müsalat hafci en lakanaa yérí en Músalkaatii, yii Kooh tandanaa!

<sup>36</sup> Soldaa'caa ñanak baa ñaawalsohhi; ba deeyca gari, ba e'tari biiñ wipiriiki', <sup>37</sup> ba wo'ari an:

- En lak fu yérí en buurii yaawúu'ciinaa, somaa haffu!

<sup>38</sup> Laakka ñanak iñaa bídu ga kuraanaa, tíimmba hafaa Yéesu an: «Bii yii yérí en buurii yaawúu'cii.»

<sup>39</sup> Yínoo ga tumoh-kofeelcaa daayu ga kuraanaada, yaa ñas Yéesu, yaa wo'i an:

- Hanaa enndii fu en Kiristaanii? Somaa haffu, fu sommbíi ñan!

<sup>40</sup> Wayee yíinooyaa, yaa ña'ti, yaa wo'i an:

- Hanaa fu niikkii Kooh, fu yii fu tiku kikaankii ya tikuuda? <sup>41</sup> Kikaankii du tikuuda koo' ga waas, ndaga du fayu iñcaa cibóni'caa du tumeeda, wayee ya, ya tummbii dara iñaa bonin. <sup>42</sup> Lëehí'ta ya wo'a Yéesu an:

- Yéesu, leenaa níindísukaaroo, bérínaa fu hayan ga nguuriigaraanaa.

<sup>43</sup> Yéesu taassari an:

- Mi wo'aaka ee kayoh: wati fu yah ki'en naroo ga aljana.

### *Kaanaa Yéesu*

(Mëccëe 27: 45-56; Marka 15: 33-41; Saj 19: 28-30)

<sup>44-45</sup> Ga bak mídi, nohaa ñaakukka, ñúus wiyaak laakka ga duuy kúlkaa béeþ, abohha ga wahtaama bi ga wahtu kigoonaluk. Rídóonaa ñaak dekataa wisela'i'waa ga Kaanfaa Koohda, ña'ta ga le'naa. <sup>46</sup> Yéesu fiippa didóoli' an:

- Buba, mi yii tiku fitiigoo ga yahfu.

Daa Yéesu wo'ee wo'eencaama, ya lëehdükka. <sup>47</sup> Soldaaraa yiyaakyaa kuliyuki ga heñda hotta iñcaa heweeda, yaa kañ Kooh an:

- Wóorin an bii yii enee bo' yijúwí'.

† 23:33 23: 33 Loon-hafda wérí lëegísoh ga kiGerek wo'eenaa «Golgotaa» ga ki'Arameyee.

**48** Béeb buwaa hayee ga mbooloo wiyaak kilaay ga iñaa heweeda, ga waa ba hotta iñaa laakda, keeñba leehha ga, ba baa tip keeñcaa, ba baa boyuk kaanba.  
**49** Fiiliimuncaa Yéesu, na beticaa meyohee nari gohaa Gélilée bi daamada, ceelussa palah, baa malak ga iñaa hewda.

### *Yéesu bayussa loycaa*

(Mëccée 27: 57-61; Marka 15: 42-47; Sanj 19: 38-42)

**50-51** Laakeera daama baa teeku Yoseef, ya dëkee Arímatee, teeru yaawúu'. Baa yaama enee bo' yijófí', bo' yijúwí' ee ya abeera yaakaa' lool ga kihaykaa Nguuraa Kooh. Ya bokee ga paanaa atti'ohcaa wiyaakwaa, wayee ya júwohéerií na atti'ohcaa ga iñcaa baabee kitum na iñcaa ba tumeeda. **52** Ya ka'ta ga Pílaat, ya meekissari faraaffaa Yéesu. **53** Fodaama, ya yóoskí'ta faraaffaa ga kuraanaa, ya müullafa ga píis fodii mélíkaan, lëehí'ta ya faanndafa ga noñ-loyaa yotu ga atoh wiyaak, daa ken mossii ga kifaanu. **54** Iñaama enee ga besaa waayukaa feetaa, lak Sabat waa yah kidal.

**55** Beticaa daansee kitaam na Yéesu, iñaa aboh ga gohaa Gélilée bi daamada, taabukussa Yoseef; ba malakka loyaa, na daa faraaffaa Yéesu faanu gadfa. **56** Lëehí'ta ba sooffa kihéwi'nee cúuraaycaa na la'koleñcaa tumsan ga faraaffaa Yéesuda.

Ga dñuy besaa Sabat, ba fíkarukka fodaa daa Móyiis nakohkadfa.

## 24

### *Yéesu mélissa*

(Mëccée 28: 1-10; Marka 16: 1-8; Sanj 20: 1-10)

**1** Teel ga kímaa besaa tík ga besaa Sabatda, beticaa karussa loycaa, ba baydohha cíuraaycaa na la'koleñcaa ba hëwíreedfa. **2** Ba laak atohaa lagohsee loyaadsa pírgínuunun di'úsaayí'. **3** Ba aassa dñuy loyaa wayee ba laakkii faraaffaa Yéesu, Ha'mudii, daama. **4** Ga dii ba enee daama na kijaahli'badfa, laakka yaal banak baa ekuk kúltí címélíci', meyussa gaba jalañ. **5** Beticaa tíitussa lool, hílussa kakay. Buwaa banak baa wo'ussaba an:

- Dú raas baa en na kipes ya ga leeloo buwaa kaaninda? **6** Ya gaa dii; mélisin. Níindísukat iñaa ya wo'eerúu lak ya lís ga Géliléeda. **7** Ya wo'eerarúu an: «\*Kowukii bii, jomin tíku ga yah ha'-baakaa'caa, ya daayu ga kuraa, ya kaan, ya mélís ga besaa wukaahaywaa<sup>◊</sup>.»

**8** Daama, ba níindísukka wo'eencaa Yéesu. **9** Ba kolkohha loycaa, ba béstí'neera tóoh iñamaa télibéecaa bidaajkaah na yíinooyaa, na béeb buwaa tesda. **10** Beticaa ensee Mérí yaa dëk Makdalaada, Saan na Mérí eew Saak. Beticaa bíinoo taamsee nabada béstírussa apotaa'caa fodaama ñan. **11** Wayee ba ammba wo'eencaama fodii wo'een heeyoh, ee ba sanjga kigém iñaa beticaa wo'dfa. **12** Pee' nak, kolukka yaa fool bi ga loyaa; ga waa ya le'a, ya hëebdükka, ya hotta daama lémícaa müulsee ga faraaffaada. Ya jaahli'a ga iñaa laakee yaama, ya yaa boyuk kaanci.

### *Yéesu feeñukka ga télibée banak ga waas Emayus*

(Marka 16: 12-13)

**13** Ga besaa béríi, laakka bo' banak ga télibéecaa Yéesu baa enee na kiyah dëkkawaa teeku Emayus. Wa úsaayohin na Yéerúsaleem iñaa hín na wahtu kanak ga kitfin. **14** Ba baa saawal ga loo béeb iñcaa laakee ga bescaamada. **15** Ee ga dii ba enee na kiwo', na kisaawalda, Yéesu sah-sah dabpaða, taammba naba. **16** Wayee ba ínohsohhiri ndaga lak man na hascaagaba kúnuk hen. **17** Yéesu meekissaba an:

- Dú en na kisaawalukoh ya ga waasi?

<sup>◊</sup> **24:7** 24: 7 Malkat 9: 22; 17: 25; 18: 32-33.

Daama ba tuukka, keeñba leehha tak. <sup>18</sup> Yíinoo gaba ee teeku Kelewopaas, loffari an:

- Hanaa fu doj fu dëk Yéerúsaleem ee fu yéenjngii iñcii hewee ga bescii ciida!

<sup>19</sup> Yéesu meekissaña an:

- Iñii hewee ya?

Ba taassari an:

- Hanaa iñaa aaw ga Yéesu Nasareet! Ya enee sëldíiga-Kooh yiyaak ga fíkií Kooh na ga fíkií buwii béebla: tumeencaagari yakeera ee wo'eencaagari laakeera dooli.

<sup>20</sup> Wayee sarahohciigaríi biyaakbii na buwii kuliuk garíida bayussari waas doo ya atti'u kikaan, ee ba daayinndi ga kuraa. <sup>21</sup> Dí yaakaareera an yérí en baa yah kilaas bu-Isarayeelsa. Wayee baatta ga iñaama, wati wëri en besii wukaahaywii, iñaa iñcaama laakee bi wati. <sup>22</sup> En ki'ena, laakin beticaa boku garíi, ee ba tahin hafciigaríi kikúnuk. Ga kím cuut, ba karin bi ga loyaa <sup>23</sup> ee ba hottii faraaffaa Yéesu daama. Ba boyukka, kiwo"íi an ba hotin sah malaakacaa feeñukba, wo'ussaba an Yéesu yaa pes<sup>24</sup>. <sup>24</sup> Laakka bibo' ga buwaa ensee nariida baa ka' bi ga loyaa, ba laakka tóoh fodaa daa beticaa wo'ekada, wayee Yéesu ga kihafci, ba hottiiri.

<sup>25</sup> Yéesu dallaba kiwo' an:

- Dú daal, dú bëri lohoy hel ee dú bëri yéeh ga kigém iñcaa sëldíiga-Koohcaa yéegalohoeda! <sup>26</sup> Hanaa Kiristaanii joméeríida kison, balaa ya aas ga ndamaagarine?

<sup>27</sup> Lëehí'ta, Yéesu lëegísohi'taba iñaa wo'see gari ga Këyítfaadá tóoh, daloh ga këyítcaa Móyiis bideeda bi ga caa sëldíiga-Koohcaa béebla.

<sup>28</sup> Ga waa ba hayya bi ba deeyca dëkaa ba yahoheeda, Yéesu tummba en fan baa yah kipaaf fíkií. <sup>29</sup> Wayee ba tëhdohhari, ba wo"ari an:

- Tesaa narii ndaga nohii soosin ee wekii wii hay.

Ya aassa kon, ya tessa naba. <sup>30</sup> Ya yuñnga naba kiñam, ya bëbla mbúuraa, ya gérëmmba Kooh ga; lëehí'ta, ya weellawa, e'tabawa. <sup>31</sup> Waa ennda ða, hascaagaba kúnísekka, ba hanndari ki'ínohsoh; wayee ga saasi, Yéesu ennda meles ga fíkiiba, ba hotissiiri. <sup>32</sup> Ba baa wo' kon ga díkaantiba an:

- Laakéerí fodii keeñ-soos wiyaak ga duuyccuu, ga wii ya en na kiwo' naruu ga waasaada, ee ya yaa lëegísohi'tuu iñcaa bídu ga Këyítfaadane?

<sup>33</sup> Ba dalla kikoluk, baa soof Yéerúsaleem. Ba laakka daama télibéecaa bidaanjkaahbaa na yíinooyaa, lakanaa hídirukohunun na buwaa bínno taamsee nabada, baa wo'ba an:

<sup>34</sup> - Ha'mudii mílísín kayoh-kayohfa! Simoñ hotinnadi!

<sup>35</sup> Ee télibéecaa banakbaa baa béstí' buwaa iñaa hewee ga waasaada na daa ba ínohsohee Yéesu ga waa ya weel mbúuraa kiñamda.

### *Yéesu feeñukka ga télibéecaagari*

(Mëccée 28: 16-20; Marka 16: 14-18; Saj 20: 19-23; Tumeen 1: 6-8)

<sup>36</sup> Lak ba baa lís kiwo', Yéesu ga kihafci meyca jalañ ga leelooba, këñí'taba an:

- Jam enat narúu.

<sup>37</sup> Ba yéecírukka, tíitussa lool ndaga ba foogee an ba hot rab. <sup>38</sup> Wayee Yéesu wo"aba an:

- Iñii tah hafciirúu kimúuy ya bi dú laaki hel kanak ga iñii dú hotda? <sup>39</sup> Malkat yahciigoo na kotciigoo: bii mi sah-sah! Le'at garoo dú malak, ndaga rab bayoo faan bayoo yoh fodii dii dú hot mi bayda.

<sup>40</sup> Ga waa ya wo'a iñaama, ya teeþpaña kotcaagari na yahcaa. <sup>41</sup> Wayee ga daa keeñba sooseeda ee ba jaahli'ada ammbaba bi ba mínnidii kigém bi wati. Yéesu meekissaña an:

- Dú laakin iñaa bo' ñaman diine?

<sup>24</sup> 24:23 24: 23 Malkat 24: 1-11.

<sup>42</sup> Ba e'tari jén wi'útu <sup>43</sup> Ya bëhpawa, ñammbawa ga fíkíiba. <sup>44</sup> Lëehí'ta ya wo''aba an:

- Ga wii mi en narúuda, mi wo'eerúu an béeb iñaa wo'uunun garoo ee bíduunun ga këyítfaa Waasaa Móyíis, na këyítfaa sëldíiga-Koohcaa, na këyítfaa Kañcaa jomeera kilaak.

<sup>45</sup> Waa ennda ða, Yéesu lëgísi'taba helcaagaba doonaa ba ínoh iñaa bídu ga Këyítfaada, <sup>46</sup> ya wo''a ba an:

- Iñii yii yérí bídu: Kiristaanii hay ki'en ga coonu, lëehíraa ya mílís ga buwaa kaanda, ga besaa wukaahaywaa, <sup>47</sup> ee daloh ga Yéerúsaleem, ðuwii ga èldúnada tóoh jomin kijangatu, bi ba súpit kipeskaagaba, ba bayalu baakaa'caagaba ga teekii Kiristaanii. <sup>48</sup> Dú bëri en seedi ga iñcuma béebca. <sup>49</sup> Ee mi, mi hay kiwosoh garúu iñaa Paammboo dígoheeda; wayee dú, tesat ga dëkii bi ga daa dú úulsan na doolaa meyoh dook-Koohda.

### *Yéesu boyukka ga Kooh*

(Marka 16: 19-20; Tumeen 1: 9-11)

<sup>50</sup> Lëehí'ta Yéesu meydohha télíbécäagari teeraa, ba ka'ta bi ga bak dëkaa Bétaníi. Daama, ya bëwí'ta yahcaagari, ya barkeellaba. <sup>51</sup> Ee ga dii ya enee naba kibarkeeldä, ya yaa tagoh naba, ya bëwírussa aawwa dook-Kooh. <sup>52</sup> Télíbécäa nak, yí'ussa ga fíkíici baa gérém Kooh, lëehí'ta ba boyukka Yéerúsaleem na keeñ wisóosí'. <sup>53</sup> Ee besaa en béeb, ba eni ga Kaanfaa Kooh, ba kañi Kooh.

## Hewhewii winéwí'wii wo' ga loo Yéesu Kiristaa ee Sanj bínda **Wo'eencii lëgis Këyítfiida**

Wii wérí en Hewhewii winéwí'wii Sanj bínda. Ya bín iñaa Yéesu tum ga éldúnada, iñcaa ya jégíree buwaada, na ga loo kikaankaa na kimílskaagari. Yéesu daanee buwaa kijégi' ee ya yéréméeríí wo'eenci; ya yaa wéki' dúukoolí'caa, ya yaa kaal rabcaa ga buwaa, ya tumeera ban enaama ciliis cidóoyí'-waa'.

Këyítfii Sanj bínda manndii siiy na faa Mëccée, faa Marka na faa Lúkkaa bín ga loo Yéesuda. Laakin iñcaa Sanj hançi yérí béstí'ca, ennda fodii sëgilookfaa enee ga Kanaada (2: 1-12), saawalaan Yéesu na betifaa dëkee Samariida (4: 1-12), lafañaa Yéesu wékíree dëk Betsaydaada (5: 1-18), yaalaa Yéesu wékíree límu na kibúumda (9: 1-41). Baa fu malak këyítfii Sanj na cíinoociinaa, fa béstí'tii yewin ga loo kipeskaa Yéesu ga éldúnada, fa wéñ kiwo' ga loo iñaa Yéesu jégirohda.

Ga dalaarii këyítfii, Sanj wo' buwaa baa en Yéesuda. Ya wo' an Yéesu yérí en Wo'eenaa Kooh wo'ee, wa ennda bo', wa hayya éldúnada. Yéesu tummba enaama cidóoyí'-waa', en danaa buwii gëm an ya yérí en buuraa Kooh tanukee kuméení' ya wo'ee an yérí yah buwii kimúsalda.

Ga jamaanaa Yéesu, buwaa hégískohee hen: bii gëmmba gari ndaga lak wóorinba an ya yérí en Kowukii Kooh, bïinoo sagussari ee ba wo'ee an ya bo'-Seytaani, ya basi Kooh hen ee ya jom ki'apu.

Sanj wo' an «Kíntaancii en ga Këyítfii fiida nak, ca bídu ga doonaa dú gëm an Yéesu yérí en Kiristaanii, Kowukii Kooh; ee dú gëm garinaa, dú hay kilaak kipes ga teekci.» Sanj 20: 31

### **Këyítfii Sanj bínda tíidoh anee:**

- 1 - Yéesu yérí en lee'laatii éldúna (1: 1-18)
- 2 - Jangataa Sanj-Bëtís (1: 19-34)
- 3 - Tëelíbéecaa Yéesu dëb kilaakda (1: 35-51)
- 4 - Iñcaa Yéesu tum paafin buwaada (2: 1-12: 50)
- 5 - Bescaa mëeñjoh ga kipeskaa Yéesuda (12: 1-19: 42)
- 6 - Yéesu mílissa ga kikaan (20: 1-10)
- 7 - Yéesu feeñukka télíbéecaagari (20: 11-21: 25)

### *Yéesu yérí en lee'laatii éldúna*

<sup>1</sup> Ga dalaaraa éldúna, Wo'eenaa eneera; ee baa en Wo'eenada enee na Kooh ee ya en Kooh. <sup>2</sup> Ya enee na Kooh ga dalaaraa. <sup>3</sup> Iñaa Kooh tum tóoh, kooroh gari. Laakkii iñaa en ee koorohhii gari. <sup>4</sup> Kipes meyoh gari ee kipeskaa kéri enee lee'laatii buwii.

<sup>5</sup> Lee'laataa melicin ga d'uuy ñúusii, ee ñúusii te"iiwa.

<sup>6</sup> Laakka baa Kooh wos, ya teeksee Sanj. <sup>7</sup> Ya hayya fodii seedi, kiwo' iñaa ya ínoh ga lee'laataada, en danaa ya tah béeb kigëm. <sup>8</sup> Baa yaama enndii yérí en lee'laatii wayee ya jomee kiseedi' lee'laatii.

<sup>9</sup> Lee'laataama wérí en lee'laatii wikayohwii, wa hay éldúna kiléerí' baa en béeb.

<sup>10</sup> Baa en Wo'eenida enee ga éldúna; ee Kooh héwi'ta éldúna koorohha gari; wayee bu-éldúna ínohsohhiri. <sup>11</sup> Ya hayin ga buunci, wayee ba tookkiiri.

<sup>12</sup> Wayee buwii tookkida, bii gëm ga teekiigarida, ya oninba ki'en bitowu Kooh.

<sup>13</sup> Ba enin bitowu Kooh, enndii fodii baa límuk ga bo', wayee Kooh yérí onba kipeskaa ki'askaama.

<sup>14</sup> Wo'eenaa ennda bo', ya hayya dëkka naruu, líiffa na ndam na kayoh. Du hotin ndamiigari, ee ndamaama wérí en ndamaa, ya, Kowu kíinoo ga Paamudii, ya bewoh ga paamcida.

<sup>15</sup> Sañ seedi"ari, yéegalohha iñii yii didóoli' an:

- Yérí mi wo'eerúu ga waa mi wo' an: «ga fenooroo laakin baa en na kihay ee yérí wëñnjoo kilaak solu, ndaga balaa minaa, lak ya enin.»

<sup>16</sup> Béebpúu dú laasin ga yérmaandiigari leehooda, dú bii barkeeluk ga rek. <sup>17</sup> Iñcii Kooh nakoh kitumda, koorohca ga Móylis, wayee yérmaandii na kayohfiigari, Yéesu Kiristaa haydohca. <sup>18</sup> Ken mosoo kihot Kooh, wayee Kowukii Kooh laak doj ee en Kooh, ee en ga yahaa Paamudiida, teewinnduuri.

### *Jangataa Sanj-Bétís*

<sup>19</sup> Yaawúu'caa ga Yéerúsaleemda wosussa bisarahoh na biLéwít kimeekis Sanj-Bétís an:

- Fu yérí en ba?

Iñii yii yérí Sanj seedi'.

<sup>20</sup> Ya wo"a fan ee daakkii dara ga, ya wo"a ga fíkíi béeb an:

- Mi enndii Kiristaanii .

<sup>21</sup> Ba meekissari an:

- Kon fu yérí en ba? Fu yérí en Ili, sëldíiga-Koohaane?

Sanj taassaba an:

- Ó'óo, mi enndiiri.

Ba meekissari an:

- Fu yérí en sëldíiga-Koohii jom kihaydane<sup>22</sup>?

Sanj taassaba an:

- Ó'óo.

<sup>22</sup> Waa ennda da, ba wo"ari an:

- Kon wo'aaríi bii fu enda, ndaga buwaa wossíida, dí jomin kilaak iñaa dí wo'anba.

Fu wo' ya ga haffu?

<sup>23</sup> Sanj taassaba an:

- Mi yérí en koonaakii bii en na kiwo' didóoli' ga díuuuy égi'-dúndagii an:

Yólóhdat waasii Ha'mudii yah kikoorohda!

Iñaama yérí Ísayíi, sëldíiga-Koohaa wo'ee.

<sup>24</sup> Laakeera biFérísiyeen ga buwaa wossee ga Sanjda\*. <sup>25</sup> Ba meekissari an:

- Waa fu enndii Kiristaanii, fu enndii Ili, fu enndii sëldíiga-Koohii jom kihayda, kon iñii tah ya fu bétisi'i buwii?

<sup>26</sup> Sanj taassaba an:

- Mi, mi bétisi"úu ga mûsú, wayee laakin baa en ga díuuycúu, yaa dú ínohoo. <sup>27</sup> Ya hay ga fenooroo ee joobinndoo sah kipékís liiwaan ñafaraagari.

<sup>28</sup> Iñii laak yii hewee ga dëk-kawaa Bétaníi hanoh húlúwaa Yúrden gaa, ga cékataa Sanj bétisi'ohee buwaadá.

### *Yéesu yérí en Kubaalkii Kooh*

<sup>29</sup> Ga kooh-wíisfaa, Sanj hotta Yéesu yaa hay gari, ya wo"a buwaa an:

- Kubaalkii Kooh jee, yii hay kinís baakaa'cii buwii ga éldúnada. <sup>30</sup> Yérí en baa mi wo'eeda. Mi wo'ee gari an: «Ga fenooroo, laakin baa en na kihay ee yérí wëñnjoo kilaak solu, ndaga balaa minaa, lak ya enin. <sup>31</sup> Mi ga kihaffoo, mi ínohéeríi baa enndidá, wayee mi hayin éldúna kibétisi' ga mûsú doonaa ya ínohuk ga bu-Isarayeel .»

<sup>32</sup> Ga iñaama, Sanj seedi"aa an:

\* <sup>1:21</sup> 1: 21 Malkat Dëteronom 18: 15,18. \* <sup>1:24</sup> 1: 24 Laakin lëegísohcaa wo' an: «Buwaa wossee ga Sanjda ensee biFérísiyeen.»

- Mi hotin Helaa yisela'íyaa yoosukohha asamaan en fan ho', yamma ga dookci.

<sup>33</sup> Mi ínohéerii baa enndida, wayee Kooh yaa wossoo kibétisi' ga mísúda, yéri wo'eeroo an: «Fu hay kihot Helaa yisela'íyaa yoosukoh asamaan yam ga dook bo'. Baa yaama yéri yah kibétisi' ga Helaa yisela'íyaa.»

<sup>34</sup> Sañ tikka ga an:

- Iñaama mi hotinndi, ee mi seedi' an bii yii yéri en Kowukii Kooh.

### *Téelibéecaa Yéesu deb kilaakosa*

<sup>35</sup> Ga kooh-wíisfaa, Sañ enissa daama, ya na téelibée banak ga baagari. <sup>36</sup> Daa ya hotee Yéesu yaa paaf, ya malakkari bi maañinja, ya wo'a an:

- Malkat, yii en Kubaalkii Koohsa, yeema!

<sup>37</sup> Téelibéecaa Sanj ñanakbaa kelohussa wo'eenama, ba taabukka Yéesu. <sup>38</sup> Yéesu heelukka, ya hotta an ba baa taabukki, ya meekissaba an:

- Dú heel ya?

Ba wo"ari an:

- Rabí, fu dék gada?

«Rabí» wéri en «Jégírohii».

<sup>39</sup> Yéesu taassaba an:

- Hayat, dú hot.

Waa ennda da, ba ka'ta, ba hotta daa ya dékcsa. Enee ga bak wahtu kilaagis na noh-soos. Ba ennda nari iñaa tes ga besaa bériida<sup>†</sup>.

<sup>40</sup> Yíinoo ga buwaa banakbaa kelohsee wo'eenaa Sanj, taabukussa Yéesuda, enee Andari, kéméenki Simoñ-Pee'. <sup>41</sup> Andari debpa kika' ga Simoñ, yaakci sah-sah, wo"ari an:

- Dí hotin Mesíinii<sup>‡</sup>.

«Mesíi» wéri en «Músalkaataa Kooh falda»: Kiristaanii.

<sup>42</sup> Waa ennda da, ya bayya Simoñ ga Yéesu. Yéesu malakka Simoñ bi maañinja, wo"ari an:

- Fu en Simoñ, kowu Sanj. Fu teeksan Kefaa<sup>§</sup>.

«Kefaa» ga ki'Arameyee wéri en «Pee'-atoh».

### *Yéesu bayya Filiip na Natanayeel*

<sup>43</sup> Ga kooh-wíisfaa, Yéesu bewukka kiyah gohaa Gélilée, ya hotta Filiip, ya wo"ari an:

- Taabukaaroo!

<sup>44</sup> (Filiip kúlkohee Betsaydaa, dékkaa Andari na Pee' dékohsa.) <sup>45</sup> Léehí'ta, Filiip ka'ta ga Natanayeel, wo"ari an:

- Dí hotin baa wo'see ga Kéyítfaa Waasaa Móyiidsa, yaa sëldíiga-Koochaa yéegaloheeda. Yéesu yéri, kowu Yoseef, ga teeraa Nasareet.

<sup>46</sup> Natanayeel wo"ari an:

- Nasareete? Enaama yijófí' míniñ daama kimeyohe?

Filiip wo"ari an:

- Haya, fu hot.

<sup>47</sup> Yéesu hotta Natanayeel yaa hay gari, ya dalla kiwo' gari an:

- Kowu Isarayeel kayoh-kayohsa yeema! Ya laakoo caahan.

<sup>48</sup> Natanayeel meekissari an:

- Fu ínohohhoo gada?

Yéesu taassari an:

- Balaa Filiip bayyaanaa, mi hotee garaa lak fu yaa ga bosaa eenaa.

<sup>†</sup> **1:39** 1: 39 Ga wo'eenaa yaawúu'caa, wahtaama wo'si wahtaa wudaanjkaahwaa. Bescaagaña dali na noh-soos, lak nohhaa waa aas bi ga daa wahtaama haysan, ennda wahtucaan hégísohu kom cidaanjkaah na kanak (12). <sup>‡</sup> **1:41** 1: 41 Mesíinii Wo'een ga ki'Eberée, wéri en Kiristaanii ga kiGerek. <sup>§</sup> **1:42** 1: 42 Kefaa Wo'een ga ki'Arameyee, wéri en Pee'.

**49** Natanayeel wo''a Yéesu an:

- Jégírohii, fu yéri en Kowukii Kooh, fu yéri en buurii bu-Isarayeel.

**50** Yéesu loffari an:

- Dii mi wo''aa an mi hotee garaa ga bosaa eenaadaa tahhaa kigëme? Fu hay kihot enaama ciliis caa wëñ kiyak!

**51** Lëehí'ta Yéesu tikkka ga an:

- Kayoh-kayohda mi wo''úuka. Dú hay kihot asamaanii lëgísuk, malaakacaa Kooh lapi dook asamaan ee ba yoosuki kakay ga Kowukii bii\*.

## 2

### *Sëgílookfaa enee ga Kanaada*

**1** Bes kanak tikkka ga hewhewcaama, sëgílook laakka ga teeraa Kanaa, ga gohaa Gëlilée. Eew Yéesu enee daama. **2** Yéesu ban nakseera sëgílookfaa, ya na télibéecaagari. **3** Ga duuy hewaa, biiñaa leehha, eeci wo''ari an:

- Ba laakissii biiñ!

**4** Yéesu taassari an:

- Ya'bu, mi naraa ga ya, ee wahtiigoo le''ii duum?

**5** Eew Yéesu wo''a súrgacaa ga kaanfaada an:

- Iñaa ya wo''úunaa, tumatti!

**6** Laakeera daama tataa-atoh tiytinnoo tiyaak, taa yaawúu'caa tumee mûsú ga, kiséti'sirukoh\* ga fíkii Kooh. Ee kaa en béeb míneera kitum iñaa le' líita' citéemée' ga mûsú. **7** Yéesu wo''a súrgacaa an:

- Ne'at mûsú ga tataattii bi ta líif!

Ba ne''ata bi ta líiffa muut. **8** Waa ennda dfa, Yéesu wo''aba an:

- Diimada, hafat dú bayi' baa tuukuk sëgílookfiida.

Ba bayi'tari ga. **9** Baa tuukuk sëgílookfaada yoohha mûsúmaa súpítu biiñda. Ya ínohéerii daa biiñaa meyohfa, wayee súrgacaa hafee mûsúmaada ínohseera iñaa laakfa. Baa tuukuk sëgílookfaada bayya ha'-sëgílookfaa, **10** wo''ari an:

- Buwii dfevi kihafoh biiñii wineblaatwii, binaa buwaa an bi faancaa tamohaa, ba méeñdoh kihafoh waa tesohin kinebfa. Fu nak, fu daakin biiñii wëñ kinebfa bi ga wahtii wii.

**11** Kíntaanaama wëri Yéesu dëb kitum, ee enee ga Kanaa ga gohaa Gëlilée. Fodaama ya teewohha ndamaagari ee télibéecaagari gémussa gari.

**12** Waa ennda dfa, Yéesu ka'ta teeraa Kafarnawom, ya na eeci na kéméenjímuncaagari biyalbaa na télibéecaagari. Ba tessa daama bi sammba kimaañ.

### *Yéesu ga duuy Kaanfaa Kooh*

(Mëccée 21: 12-13; Marka 11: 15-17; Lúkkaa 19: 45-46)

**13** Lakanaa Paakaa yaawúu'caa deeyin, Yéesu ka'ta Yéerúsaleem. **14** Ya laakka ga duuy Kaanfaa Kooh buwaa enu na kitoon enoh, kitoon baal na kitoon ho'. Ya laakka weci'oh-kopa'caa daama ban, laruunun. **15** Ya bëbpa ní', ya hëwí'ta leraw ga, ya kaallaba béebba ba mey Kaanfaa Kooh, ba na baalcaagaba na enohcaagaba. Ya tasarsohha koparaa weci'ohcaa, ya petisohha la'caagaba. **16** Ya wo''a toonoh ho'caa an:

- Meydohat iñcii cii dii! Kaa tumat kaanfii Paammboo ditoonaa'!

**17** Télibéecaagari dalla kiníindísuku iñaa bídu ga Këyítfaada an: «Éey Kooh, waarii mi waa' kaanfiigaraada. Ee kiwaa'kiima kii ébí'too fodii kiwii.»<sup>2</sup>

\* **1:51** 1: 51 Yakoop hotee iñaama ga heey. Sënees 28: 12-13. \* **2:6** 2: 6 «Kiséti'sirukoh ga fíkii Kooh» waa' kiwo': bu-Isarayeel tíssee kotcaa na yahcaagaba hen balaa ba ñam wala ba lëehí' kiñamaa. Malkaa Mëccée 15: 2   <sup>2</sup> **2:17** 2: 17 Kañcaa 69: 10.

<sup>18</sup> Waa ennda da, buwaa kuliyuk ga yaawúu'caada wo'ussari an:

- Tumaa Kíntaan, fu teebpií an fu ga kayoh ga iñii fu tum yii!

<sup>19</sup> Yéesu loffaba an:

- Búrat Kaanfii Kooh, tík ga bes kaahayaa mi bëwí'fa.

<sup>20</sup> Yaawúu'caa wo'ussari an:

- Kitawah Kaanfii Kooh fii tumin tíkíis tidaanqkaah-nikiis na tiyitniinoo ee fu, an fu yahfa kibëwíris ga bes kaahaye?

<sup>21</sup> Wayee nak Kaanfaa Kooh Yéesu wo'eedsa, faanfaagari férí. <sup>22</sup> Kérí tah ga waa Yéesu mílísса ga buwaa kaanda, téeleibéecaagari níindísukussa an ya wo'eera iñaa yaama. Ba gëmmba kon iñaa bídu ga Kéyítfaada na wo'encaa Yéesu wo'eebadá.

### *Yéesu ínohin béeb iñaa en ga keeñ bo'da*

<sup>23</sup> Ga feetaa Paakaa Yaawúu'caa, Yéesu enee ga Yéerúsaleem. Daa bifo' biyewin hotsee kíntaancaa ya tumeeda, ba gëmmba gari. <sup>24</sup> Wayee Yéesu, ya ga kihafci, óolukéeriíba ndaga béebhá ya ínoheeraþa dijófí'. <sup>25</sup> En ki'enaa, Yéesu soolukéerií bo' wo''i yen ga bo'-súusúus, ndaga ya ga kihafci, ya ínohin iñaa en ga keeñ baa en béeþ.

## 3

### *Yéesu saawalla na Níkodeem*

<sup>1</sup> Laakeera bo' yaa bokee ga Férísiyeencaa. Ya teeksee Níkodeem ee ya bokee ga buwaa kuliyuk ga yaawúu'caada. <sup>2</sup> Ya hayya ga Yéesu ga wek, ya wo''ari an:

- Jégírohii, dí ínohin an Kooh yérí wossaa kijégí'tíi. En ki'enaa, ken mínoo kitum kíntaancii fu tumida enndii an Kooh taam narinaa.

<sup>3</sup> Yéesu taassari an:

- Kayoh-kayohda mi wo''aaka: Ken mínoo kihot Nguurii Kooh enndii an ya límukis\* henaa. <sup>4</sup> Níkodeem meekissari an:

- Baa kasohin límukisan na? Ya mínan na kiboyukis lookaa eeci, ya límukis?

<sup>5</sup> Yéesu taassari an:

- Kayoh-kayohda mi wo''aaka: baa fu límukkii ga mússú na Helaa Koohaa, fu mínoo ki'aas ga Nguuraa Kooh. <sup>6</sup> Iñaa límuk ga bo', iñaa bo' ee iñaa límuk ga Helaa Kooh iñaa hel. <sup>7</sup> Kaa jaahli' ga dii mi wo''aa an «Dú jomin kilímukisda». <sup>8</sup> Uurisii, daa nebwanaa wa wëp ëewruk da. Fu kelohi gawa ee fu ínohoo daa wa meyoh, fu ínohoo daa wa aaw. Man fodaama ga béeb baa límuk ga Helaa Kooh.

<sup>9</sup> Waa ennda da, Níkodeem meekissari an:

- Iñaama míñ na ki'en?

<sup>10</sup> Yéesu taassari an:

- Fu, fu jégíroh yiyaak ga duuy heetii Isarayeel ee fu ínohoo iñcumane? <sup>11</sup> Kayoh-kayohda mi wo''aaka: dí wo' iñaa dí ínoh ee dí bëestí' iñaa dí hotin, wayee dú, dú gëmmbii iñii dí seedi'da. <sup>12</sup> Mi wo' narúu ga iñaa aaw ga éldúna, dú gëmmbieroonaa, binaa mi wo' narúu ga iñaa aaw ga Koohaa dú mínanndoo na kigëm?

<sup>13</sup> Ken mosoo kikolkoh éldúna ya lap asamaan, enndii Kowukii bii yoosukoh asamaandanaa. <sup>14</sup> Fodaa daa Móyíis bëwíree gon-pérëmaa† ga égí'-dúndagaa doonaa baa en béeb hotwada, fodaama ban mi, Kowukii bii, mi bëwí'san da. <sup>15</sup> En danaa baa gém garoo béeb laas ga kipeskaa leehoo taa'da. <sup>16</sup> Ndaga Kooh waa' bu-éldúna hen bi, ya erohha Kowukiigari ya laak dojcsa, doonaa béeb baa fu gém gakanaa, fu sañku'oo, wayee fu laas ga kipeskaa leehoo taa'da. <sup>17</sup> En ki'enaa, Kooh wossii Kowukiigari ga éldúna ki'atti' bu-éldúna, wayee ya woska ka músal bu-éldúna.

\* <sup>3:3</sup> 3: 3 Kilímukis wo'eeniima ga kiGerek waa' kiwo' ban «ga dlook asamaan». † <sup>3:14</sup> 3: 14 Móyíis bëwíree gon-pérëmaa ga égí'-dúndagaa. Malkat ga Kídaa 21: 8- 9: Béeb baa gon dweera, ya yíp hascaagari ga gon-pérëmaamanaa, ya dal kiwak. Fodaama Yéesu bëwírussa ga kuraanaa ee béeb baa fu yíp hasciigaraa gari taam na ngëmaa, fu hay kimúc.

<sup>18</sup> Baa gém ga Kowukii, atti'soo. Wayee baa gëmmbii gakanaa, yaama atti'uunun kuméeñí' ndaga ya gëmmbii ga teekii Kowukii Kooh, kii ya laak doŋda. <sup>19</sup> Ee ya yah ki'atti'u ga iñii yii: Lee'laatii hayin ēldúna, wayee buwii, ñúusii gënélba lee'laatii, ndaga ba tumi yibóní'. <sup>20</sup> Baa tumi yibóní', waa'tii kihot ga lee'laatii ee ya deeyoo ga, ndaga ya niik tumeencaagari cibóní'caa wíiñuk. <sup>21</sup> Wayee baa tumi iñaa en kayoh, deeyi ga lee'laatii. En danaa, lee' ga fíkii béeb an iñcaa ya tumda, ya taam ga na Kooh.

### *Saŋ wo''a an Yéesu yérí wéñji kiyak*

<sup>22</sup> Ga waa iñaama paaffa, Yéesu ka'ta na tēelibéecaagari gohaa Yúudée. Ya ennda naba daama bi sammiba kimañañ, ya yaa bétisi' buwaa. <sup>23</sup> Saŋ-Bétis ban bétisi'ee ga Aynoŋ, ga yahaa teeraa Salím. Dekataama yewineera mísú ee buwaa baa hay gari daama, ya yaa bétisi'ba. <sup>24</sup> Waama, lak Saŋ lagussii ga kasu duum.

<sup>25</sup> Iñaama haydohha nookoh-wo'een ga díkaanti tēelibéecaa Saŋ na yaawúu' yíinoo, ga loo baah kisétí'siruk ga fíkii Kooh. <sup>26</sup> Ba ka'ta ga Saŋ, ba wo''ari an:

- Jégírohii, baa yaama enee naraa ga bakaa hanoh húlúwaa Yúrdeŋ gaa, ee fu seedi'eera yen garida, diima nak ya yaa bétisi' ee béeb buwii bii yah gari.

<sup>27</sup> Saŋ taassaba an:

- Ken mínoo kilaak dara, enndii an Kooh yérí onndirinaa. <sup>28</sup> Dú ga kihaffúu, dú míniindoo kiseedi' an mi wo'eera an: «Mi enndii Kiristaanii wayee mi wosu kidéwírukki.» <sup>29</sup> Kílook kuu ha'-kílook. Fiiliimunii ha'-kílookkii, yii deeyi ga yahaaci súkúrukirida, keeñci soosin lool ga kikeloh koonaakiigari. Keeñnjoo hín da kisoos, ee diimadsa wa soosin bi matin sék. <sup>30</sup> Ya, ga kihafci, teekiigari jom kiwéñ kisíw ee wiigoo aaw kiyím.

### *Yii meyoh dookda yérí hanoh béeb dook*

<sup>31</sup> Yii meyoh dookda yérí hanoh béeb dook. Baa meyoh ēldúna, bok ga bu-ēldúna ee ya wo'i wo'een ēldúna. Baa meyoh dook ga Kooh yérí hanoh béeb dook. <sup>32</sup> Ya wo'iñaa ya hotda na iñaa ya kelohda ee ken gëmmbii iñii ya seedi'da. <sup>33</sup> Baa gém iñii ya seedi'danaa, lak teewohin an Kooh wo'i kayoh. <sup>34</sup> En ki'enaa, baa Kooh wosda, wo'i wo'eencaa meyoh ga Kooh, ndaga Kooh sorinndi bi líifin na Helaa yisela'í'ya. <sup>35</sup> Paamudii waarin Kowukii ee tíkin tóoh ga yahci. <sup>36</sup> Baa fu gém ga Kowukiinaa fu laasin ga kipeskaa leehoo taa'da. Ee baa fu saŋ kigém ga Kowukiinaa, fu laasanndii ga kipeskaa leehoo taa'da ee aylukaa Kooh dëkan ga dookfu.

## 4

### *Yéesu saawalla na betifaa dëk Samarií*

<sup>1</sup> Férísiyeencaa kelohussa béstíraa an Yéesu yérí wéñí' Saŋ tēelibée, ee yérí wéñ Saŋ kibétisi' bibo'. <sup>2</sup> (En ki'enaa, Yéesu na kihafci bétisi'eeríi ken, tēelibéecaagari rek bérí bétisi'ee buwaa). <sup>3</sup> Daa béstíraama le'ee ga Yéesu, ya kolkokha gohaa Yúudée, ya yaa boyuk gohaa Gélilée. <sup>4</sup> Ga waa ya en na kiyahda, ya húusohha gohaa Samarií.

<sup>5</sup> Yéesu le''a kon teeru wíinoo daama ga gohaa Samarií. Teeraama teeku Síkaa' ee en ga yahaa yoonaa Yakoop onee Yoseef, Kowukaagarida. <sup>6</sup> Ne'aa Yakoop enee daama. Daa Yéesu tíidee bi ya sonnda, ya dalla kiyun ga píndaa ne'aa. Enee ga bak mídi.

<sup>7</sup> Laakka betifaa dëk Samarií hay kine' ga ne'aa. Yéesu wo''a betifaa an:

- Onaaroo mísú, mi an!

<sup>8</sup> (Lakanan tēelibéecaa Yéesu karuunun teeraa kilomnee iñaa ba ñaman.)

<sup>9</sup> Betifaama ee dëk Samariíida, taassa Yéesu an:

- Fan na? Fu, fu Yaawúu', fu kíimboo mísú ki'an, mi yii mi bok ga bu-Samariíida? (Betifaam wo'ee iñaama ndaga yaawúu'caa na bu-Samarií habsséerií ga ku'on pe'.)

**10** Yéesu taassa betifaa an:

- Fu ínohee iñaa Kooh onohi ee fu ínohee bii kíimmbaa mísúdanaa, eneena fu ga kihaffu, fu kíimanndi, ya onndaa ga mísúmaa onohi kipesda.

**11** Betifaa wo"<sup>a</sup> Yéesu an:

- Kiyaakii, fu laakoo hoc ee ne'ii huutin. Fu bewohan mísúmaa onohi kipesda gada? **12** Ne'ii wii caasammbíi Yakoop aci'tíwa. Ya na kihafci, ya annda ga. Towutaagari na júuraagari anussa ga ban. Fu, fu halaat an fu wëñnji kilaak solune?

**13** Yéesu taassari an:

- Músúmii ne'ii wii, baa an ganaa hay kilís kipíl. **14** Wayee baa an ga mísúmaa mi eranndida, pílsisoo taa'. Hanaa kay, mísúmaa mi yahhi ki'onda yah kuhaalaa mísú ga duuyci, kaa onohan kipeskaa leehoo taa'da.

**15** Betifaa wo"<sup>a</sup> Yéesu an:

- Kiyaakii, onaaroo mísúmaama, en d'anaa mi pílsisoo ee calsisooroo kihay bi ga dii, kine' mísú.

**16** Yéesu wo"<sup>a</sup>ri an:

- Kara! Baynaa yaalfu, fu hayis dii.

**17** Betifaa taassa Yéesu an:

- Mi laakoo yaal!

Yéesu wo"<sup>a</sup>ri an:

- Fu wo' an fu laakoo yaalaa, fu wo' kayoh. **18** En ki'ena, fu laakeera yaal biyétúus. Ee yii fu en nari diimada enndii yaalfu. Kon iñii fu wo'da kayoh.

**19** Betifaa wo"<sup>a</sup> Yéesu an:

- Kiyaakii, mi hotin an fu sëldíiga-Kooh. **20** Wo'aaroo bii en ga kayoh ba? Caasamunciigaríi jaamuksee Kooh ga dook janjagii wii. Wayee dú, yaawúu'cii, dú wo' an dekataa jom kijaamukohu Koohda en ga Yéerúsaleem.

**21** Yéesu wo"<sup>a</sup>ri an:

- Betifii, gëmaa iñii mi yahhaa kiwo'da. Wahtu waa hay, waa dú karoo ga janjañ ee dú karoo Yéerúsaleem kijaamuk Paamudii. **22** Dú, bu-Samaríi, dú jaamuki Kooh ee dú ínohoori. Dí yaawúu'cii, dí ínohin bii dí jaamukida, ndaga kimúckii meyoh ga yaawúu'cii. **23** Wayee wahtii wii hay ee weema sah. Diimada buwii jaamuk Paamudii kayoh-kayohda, jaamuksanndi ga hel na ga daa ya man kayoh-kayohda. En ki'ena, buwaa jaamuki fodaamada bëri Paamudii heel. **24** Kooh, Hel. Ee buwii jaamukirid'a ba jommbi kijaamuk na hel na ga daa ya man kayoh-kayohda. **25** Betifaa wo"<sup>a</sup> Yéesu an:

- Mi ínohin an Músalkaataa Kooh falda ee baysi Kiristaada, hay kihay. Binaa ya hayaa, ya hayyi kiloogísoh téoh.

**26** Yéesu wo"<sup>a</sup>ri an:

- Mi yëri, mi yii mi wo' naraada.

**27** Ga wahtaama, télibéecaa Yéesu le'ussa. Ba jaahli"<sup>a</sup> lool ga daa ba laak Yéesu yaa saawal na betida. Wayee laakkii yiinoo gabá yaa kaaññji kimeekis an: «Fu meekisoh ya?» wala «Fu waa' ya gari?» **28** Waa ennda da, betifaa foñña kujataakaagari daama, foolla teeraa, wo"<sup>a</sup> buwaa an:

**29** - Hayat dú malak! Mi hídochin na bo', yaa wo'inndoo téoh iñaa mi mosin kitum. Enndii Kiristaanii moose?

**30** Fodaama, buwaa baa meyoh teeraa baa hay ga Yéesu.

**31** Tummba lak télibéecaa baa gítín Yéesu an: «Jégírohii, ñama kay!»

**32** Wayee Yéesu wo"<sup>a</sup>ba an:

- Laakin ñamah waa mi ñaman, ee dú ínohoowa.

**33** Télibéecaa baa wo' ga díkaantiba an:

- Hanaa laak baa haydohi'ti ñamah.

**34** Wayee Yéesu wo"<sup>a</sup>ba an:

- Ñamahhoo wérí en mi tum iñaa neb baa wossooda, ee mi lëstí' iñii ya nakkooda.  
 35 Dú wo'i ga kihaffúu an: «tes ga ñiin cinikiis kipíik le'e»? Wayee mi wo"úu an: «malkat dijófí', ndaga yooncii súwin haat ee sek píikoh. 36 Píikohii laasin fayaagari ee ya yii négíroh bojci en buwii yah kipes bi taa'da. En danaa baa sokeeda na bii yah kipíikda boku kinebluk.» 37 Cahii wo'in kayoh ga daa wa wo' an: «Yii sokaa, yii pík.» 38 Mi wosinndúu kipíik yoonaa dú línndii. Bibo' biliis bérí sodee ga ee dú, dú ñammba ga anagaagaba.

39 Bibo' biyewin ga teeraa waama ga Samariifa, gémussa ga Yéesu ndaga wo'eenaa betifaa wo'ba an: «Iñaa mi mosin kitum téoh ya wo'inndoori.» 40 Kéri tah bu-teeraa Samarii, daa ba hayee bi ga Yéesu, ba baa kíimmbi, ya tes naña. Yéesu tessa daama bes kanak. 41 Buwaa gém ga Yéesu ndaga wo'eencaagari ya ga kihafcida, wëñja kiyewin. 42 Ba baa wo' betifaa an:

- Enndii an iñii fu wo"íida tah bi dí gém gari, wayee dí ga kihaffi, dí súkúrukinnadi. Ee dí gëmin an Yéesu yérí en Músalkaatii éldúna sah-sah.

### *Kíntaanaa wukanakwaa Yéesu tum ga Kanaada*

43 Yéesu tummba bes kanak ga dekataama, lëehí'ta ya kolkokha daama yaa yah gohaa Gélilée. 44 En ki'enaa, ya ga kihafcida, ya wo'eera an: «Laakkii seldíiga-Kooh, yaa onu cée' ga dëkaa ya meyohda.» 45 Ga waa ya le' Géliléeda nak, buwaa teerukussari dijóff', ndaga ba ban, ba kareera Yéerúsaleem ga hewaa Paakaa yaawúu'caa ee ba hotin béeb iñcaa ya tumee daama ga feetaada.

46 Waa ennda da, ya ka'sissa teeraa Kanaa ga gohaa Gélilée. Daama dëri ya súpítee mísúmaa ma ennda biiñ. Wiima, lak laakin ga Kafarnawom, bo' yaa lëgéyi' buu'. Baama, kowukaagari kiyaalkaa kéri díukoollee. 47 Daa ya kelohee an Yéesu meyohin gohaa Yúudée, hayin gohaa Gélilée, ya ka'ta gari. Ya kíimbari ya hay Kafarnawom kiwéki' kowukaagari díukoolin bi kaa yah kikaanda. 48 Yéesu wo"ari an:

- Enndoo kat dú hottii kíntaan na mandarga cidóoyí'-waaraa, dú gëmoo taa'!

49 Wayee baa wo"ari an:

- Kiyaakii, hay du gaaw kiyee bi kowukaagoo kaanaa!

50 Yéesu wo"ari an:

- Kara, kowukaagaraa wakin, kaa pes!

Baa gëmmba iñaa Yéesu wo"ida, ya yaa yah. 51 Ga daa ya en na kiboyuk kaancida, súrgacaagari baa hay kihídoh nari, ba wo"ari an:

- Kowukaagaraa wakin, kaa pes.

52 Ya meekissaba wahtaa ba hotee kitani ga kowukaagarida. Ba taassari an:

- Enee wútúwaa, ga wahtu cuunoh; tamohlaataa faanfaa yím ga.

53 Paam oomaa-yaalaa dalla ki'ínoh an wahtaama siiy wérí Yéesu wo'eeri ga an: «Kowukaagaraa wakin, kaa pes.» Meyoh daama, ya gëmmba ga Yéesu, ya na bukaanci béebla.

54 Wiima wérí en kíntaanii wukanakwii Yéesu tum, ga waa ya meyoh gohaa Yúudée ya ka'ta Géliléeda.

## 5

### *Yéesu wéki'ta baa lafañin*

1 Ga bescaa tík gada, yaawúu'caa laakussa feet ee Yéesu ka'ta Yéerúsaleem. 2 Ga teeraama nak, laakeera mbalka mísú waa bookohsi ga yahaa halaa teeku «halaa baalcaada». Mbalkaama wo'si ga ki'Eberée «Betsataa». Mbaa' ciyétúus cérí yípu, wiillawa. 3 Ga fildoo mbaa'caama, díukoolí' biyewin faanuksee daama: bibúumi',

bibéedükí' na bilafañ. [...]\* <sup>5</sup> Laakeera daama bo' yiyaal, yaa iñaa ya dúukoolee tumin tíkíis tidaanjkaah-kaahay na tiyitnataahay. <sup>6</sup> Yéesu hottari lak ya faanukin ee ya ínohha an dúukoolaagari maañin lool, ya meekissari an:

- Fu waarin kiwake?

<sup>7</sup> Dúukoolíraa taassa Yéesu an:

- Kiyaakii, mi laakoo ken baa ekanndoo ga mbalkii binaa mísúmaa yéngélukaa. Wahtaa mi jéem ki'aas ga tóoh, bo' yiliis debpoo ki'aas.

<sup>8</sup> Yéesu wo"ari an:

- Kolka, bewaa gataniigaraa fu tíin.

<sup>9</sup> Ga saasi baa wakka. Ya beþpa gatanaagari, ya yaa tíin.

### *Yaawúu'caa tapukohussa na lafañaa*

Béríinnaa iñii laakohda nak enee bes Sabat. <sup>10</sup> Yaawúu'caa wo'ussa baa wékduseeda an:

- Wati bes Sabat ee Waas onndiiraa kikoruk gataniigaraa†!

<sup>11</sup> Baa taassaba an:

- Aa', baa wéki'tooda kat yérí wo"oo an: «Bewaa gataniigaraa, fu tíin.»

<sup>12</sup> Ba meekissari an:

- Haa, baa yaama wo"aa an «bewaa gataniigaraa fu tíinda» ya baa?

<sup>13</sup> Wayee baa wékduseeda ínohéeríi baa wéki'tida, ee lak Yéesu múuyin ga duuy buwaa enee daamada.

### *Doolaa Yéesu bewoh ga Koohda*

<sup>14</sup> Ga waa iñaama paaffa, Yéesu hídochha na baa ya wékdeeda ga Kaanfaa Kooh, ya wo"ari an:

- Man diima fu wakin. Kaa tumis baakaa', doonaa iñaa wéñ yii kiyiis daloora.

<sup>15</sup> Baa ka'ta, wo'neera yaawúu'caa an Yéesu yérí wéki'ti. <sup>16</sup> Iñaama tahha bi yaawúu'caa ekussa Yéesu pee' ga kumuun ndaga daa ya wékdin bo' ga bes Sabatda.

<sup>17</sup> Wayee Yéesu ñaassaba perem an:

- Paammboo yii lís kilégéy, mi ban, mi yii lègøy.

<sup>18</sup> Iñaama Yéesu wo' yaama wéñinja kitah bi yaawúu'caa tuukka ga kiheelli ki'ap. Ndaga ya eemmbii ga kikeldük iñaa Waasaa onoh kitum ga bes Sabatda, wayee ya wo' ban an Kooh Paamci, ee ya tum Kooh mooroomun.

<sup>19</sup> Yéesu baatta ga, wo"aba an:

- Kayoh-kayohda mi wo"úuka: Kowukii mínoo dara kitum ka ga kihafci rek. Iña ka hot Paamudii tumida don yérí ya tumi. Béeb iñaa Paamudii tumida, Kowukii tumiri ban. <sup>20</sup> En ki'enaa, Paamudii waarin Kowukii ee iñaa ya tum na kihafci tóoh, ya teebka. Ee sah, Paamudii hay kiteeb Kowukii enaama ciyaak ciliis caa ka yah kitum ee dú hay gaca kijaahli. <sup>21</sup> En ki'enaa, fodaa daa Paamudii kolukdii buwii kaanin ee ya pésí'bada, fodaama den Kowukii pésdi baa neþpi. <sup>22</sup> Paamudii nak atti'oo ken, wayee ya erin Kowukii ki'atti' ga tóoh. <sup>23</sup> En dñanaa béeb e' Kowukii cée' fodaa ba e' Paamudii cée'da. Béeb baa e'tii Kowukii bii céeraa, lak e'tii Paamudii wos Kowukiida cée'.

<sup>24</sup> Kayoh-kayohda mi wo"úuka: baa súkúruk wo'eenciigoo ee ya gém ga baa wossoodanaa, ya laasin ga kipeskaa leehoo taa'da. Baama atti'soo, ya kolkohin ga kikaan ya aasin haat ga kipes. <sup>25</sup> kayoh-kayohda mi wo"úuka: wahtu waa hay ee sah wa le'in haat. Wahtaama wérí buwii kaaninda yah kikelohu koonaakii Kowukii Kooh. Ee buwaa kelohankada hay kipesu bi taa'. <sup>26</sup> En ki'enaa, fodaa daa Paamudii laak kipeskii ya ga kihafci, ya erin Kowukii ka laak kipeskii ga kihafka fodaama.

\* <sup>5:3</sup> 5: 3 Laakin Kéytcaa baatu wo'eencii cii ga dii: [Ba sekee mísúmaa ga mbalkaadäa yéngéluk. 4 Ndaga, ga iñaa wo'ufa, laakee malaakaa Ha'mudii yoosuki leekleek ga duuy mbalkaa, ya yéngél mísúmaa. Ee dúukoolíraa deþ ki'aas ga mísúmaamanaa, dúukoolaagari wak, na daa wa míñ kiman tóoh.] † <sup>5:10</sup> 5: 10 Waasaa yaawúu'caa kokoherra kikoruk iñaa bítin ga bes Sabat.

<sup>27</sup> Ee ya onin Kowukii kimín ki'atti' ga tóoh ndaga ka kérí en Kowukii bii. <sup>28</sup> Dara hanattúu ga kijaahal ndaga wahtu waa hay, waa béeb buwii kaninda hay kikelohu koonaakaagari. <sup>29</sup> Ba meyoh ga daa ba enohda: buwaa tumee iñaa jofinda, mílís, ba laas ga kipeskaa leehoo taa'da. Buwaa tumee iñaa joffida nak, ba mílís, ba atti'u kikaan bi taa'.

<sup>30</sup> - Mi ga kihaffoo rek, mi mínoo dara kitum. Mi atti'i ga dii mi hot Paamudii teewirooda. Ee mi atti'aa, júwi hen, ndaga mi heellii kitum iñaa mi waa', wayee baa wossooda, iñaa ya waa'da yérí mi heel kitum.

### *Iñcii seedi' doolaa Yéesu bayda*

<sup>31</sup> Yéesu tikka ga an:

- Binaa enee an mi yérí en seedi haffoonaa, eneenaa iñii mi seedi'da tuukoo ga fen.

<sup>32</sup> Wayee laakin bo' yiliis yaa seedi'"oo ee mi ínohin an iñii ya seedi' garooda tuukin.

<sup>33</sup> Dú wosin bibo' ga Sanj-Bétís, ya seedi'"a kayohfii. <sup>34</sup> Mi wo' iñuma doonaa Kooh mûsallúu, ndaga mi ga kihaffoo, enndii sah an mi laakin sooli ga iñaa bo'-súusús seedi'an garoo. <sup>35</sup> Sanj enee fodii lampaa taaluunun, wa lee'di, ee dú tookka kinebluk jutuut ga lee'laataagarisa. <sup>36</sup> Mi nak, mi seedi'fuunun seedaa wëñ kiyak waa Sanj: seedaama wëri en tumeenciigoo, cii Paamudii onndoo kitumda. Cérí seedi'"oo ee ca teewoh an Paamudii yérí wossoo. <sup>37</sup> Ee ban Paamudii wossooda, ya ga kihafci, ya seedi'in yen garoo. Dú mosoo kikeloh koonaakaagari ee dú mosoo kihot fikíifaagari. <sup>38</sup> Dú ammbii wo'eeniigari ga keeñnjúu ee iñaama yérí teewoh an dú gëmmbii ga bii ya wosfa. <sup>39</sup> Dú bii heel ki'ínoh iñaa Bíncaa cisela'i'caa wo'da ndaga dú yaakaa' an cérí yahhúu ki'on kipeskaa leehoo taa'da, ee sah Bíncii cisela'i'cii ciima, ca wo' iñaa aaw garoo. <sup>40</sup> Moona déy, dú waa'tii kihay garoo, dú laas kipeskaa leehoo taa'da.

<sup>41</sup> Mi heellii kilaak ndamaa meyoh ga bo'-súusús. <sup>42</sup> Ee sah mi ínohinndúu: kiwaa' Kooh gaa ga keeñciigarúu. <sup>43</sup> Mi, mi hay ga teekii Paammboo ee dú tookkiiroo wayee bo' yiliis hay ga teekcinnaa, dú hayyi kitook. <sup>44</sup> Dú wëni kiwaa' kindamoh ga dzuuycúu ee dú heeloo ndamaa meyoh ga Kooh hançi donđa. Kon dú mínanndoo na kigëm? <sup>45</sup> Kaa foogat an mi yérí yahhúu kiyam yen ga fíkii Paammboo. Móyíis yii dú lík yaakaa'túu garida yérí yahhúu kiyam. <sup>46</sup> En ki'enaa, dú gëmee Móyíis kayoh-kayohdanna, eneenaa dú hayyoo kigëm ban, ndaga ya seedi'in garoo ga Kéyítfaa. <sup>47</sup> Wayee waa dú gëmmbii iñaa Móyíis bín yaama ga Kéyítfaada, dú tuman na bi dú gëm iñcii mi wo'da?

## 6

### *Yéesu tummba kíntaan ga mbúurú ciyëtúus na jén kanak*

<sup>1</sup> Waa ennda da, Yéesu paaffa bakaa giyyaa Gélilée hanoh gaada. Giyyama wo'si ñan giyyaa Tíbéríyaat. <sup>2</sup> Bo' biyewin taabukeeri ndaga kíntaancaa ba hot ya tumee ga dúukoolí'caa, ba wakkada. <sup>3</sup> Yéesu lappa ga dook janjan daama, ya yuñnga da na téelibéecaagari. <sup>4</sup> Wiima lak feetaa Paakaa yaawúu'caa deeyin. <sup>5</sup> Yéesu malak hen, ya séennda mbooloo wiyaak waa hay gari. Ya meekissa Filiip an:

- Mbúurúcaa mínan buwii bii béeb kiñëmí'da, dú lomohnanca gada?

<sup>6</sup> Yéesu wo'ee iñaama kimalaksukoh Filiip doŋ. En ki'enaa, ya ga kihafci, ya ínoheera iñaa ya na' kitumda.

<sup>7</sup> Filiip taassari an:

- Luu enee an baa en béeb yaak-mbúurú wiinoo, fay bo' bitéemée'-kanak ga noh-noh wiinoo mínoo kilom iñaa ñëmí' buwii béebba.

<sup>8</sup> Laakka bo' yiliis ga téelibéecaagari, yaa teeku Andari, ee këmëenjí Simon-Pee', wo'a Yéesu an:

<sup>9</sup> Laakin ku'oomaa-yaalkaa en dii, ja bayin mbúurú-lorsu ciyétúus na jén kanak. Wayee buwii, dii ba yewinda, iñcaama ca payba ya?

<sup>10</sup> Yéesu wo"<sup>a</sup> télíbécécaagari an:

- Wo'atba, ba yuñ béeßba.

Dekataa paaleera pëegíi fiyewin. Béeb buwaa dalla ga kiyun. Yaalcaa enee daamada, jomin kile' bijúnni-yétúus (5.000)\*. <sup>11</sup> Yéesu bëbpa mbúurúcaa, ya gérëmmba Kooh gaca, ya warohhaca buwaa yugee daamada. Ya tumissa fodaama na jéncaa, ya e'ta yaa en bëeb iñaa ya sooluk gadá. <sup>12</sup> Ga waa bëeb ñammiba bi kappa, Yéesu wo"<sup>a</sup> télíbécécaagari an:

- Négírohat iñcii tesda, en dñanaa dara aamsukohoo.

<sup>13</sup> Télíbécéca négírohussa iñcaa tesda. Ba líí'i'ta pañi cidañkaah na kanak ga iñaa tes ga mbúurú-lorsucaa ciyétúuscaa buwaa ñameeda. <sup>14</sup> Daa buwaa hotee kíntaanaa Yéesu tum waama, ba wo"<sup>a</sup> an: «Bii yii yérí en kayoh-kayohda sëldíiga-Koohii jomee kihay èldúnada.» <sup>15</sup> Yéesu ínohha an buwaa hay kihayu, abussi na dooli kifalli buu'. Ya foñnjaña daama, ya lokukka, boykissa hançi janjagaa.

### *Yéesu tíinnda ga dook giyyaa*

(Méccée 14: 22-33; Marka 6: 45-52)

<sup>16</sup> Ga waa nohaa soosda, télíbécéca Yéesu yoosukussa janjagaa bi ga seereenaa giyyaa. <sup>17</sup> Ba aassa gaal-looci, ba baa yah Kafarnawom ga bakaa giyyaa hanoh gaada. Lakanaa Kooh hoowin ee Yéesu dabpiiba duum. <sup>18</sup> Uuris wiyaak yíppa ga dook giyyaa bi dúscaa caa koluk.

<sup>19</sup> Ga waa ba folla ga dñuuuy giyyaa iñaa le' kíloomeet ciyétúus aawwa ciyitniinooda, ba hotta Yéesu yaa tíin ga dook mísúmaa, ya yaa hay gaba ga gaal-loocaa. Daa ba hotee iñamaa, ba dalla kitít. <sup>20</sup> Yéesu nak wo"<sup>a</sup>ba an:

- Kaa tíitat, bii mi!

<sup>21</sup> Ba waa'ta ya aas ga gaal-loocaa, wayee ga wahtaama gaal-loocaa tee'ta ga daa ba waaree kiyoosukohda.

### *Mbooloomaa ga kíntaanaa mbúurúcaada waa raas Yéesu*

<sup>22</sup> Ga kooh-wíisfaa, mbooloomaa tesee ga bakaa giyyaa hanoh gaada, hotta an gaal-looci wíinoo donj enee daama. Ba ínoheera an Yéesu aassii na télíbécéca ga gaal-loocama, télíbécéca ka'see hanja. <sup>23</sup> Laakka nak gaal-looci ciliis caa meyohee teeraa Tíbéríyaat. Gaalcaama tee'ta ga dekataa Yéesu, Ha'mudii, gérëmohee Kooh ga mbúuraa mbooloomaa ñameeda.

### *Yéesu yérí en ñamahii onohi kipesda*

<sup>24</sup> Buwaa hotussa an Yéesu enissii daama naba ee télíbécécaagari ban enussii da. Ba dalla ki'aas ga gaal-loocicaa meyohee teeraa Tíbéríyaatda, ba baa yahhi kimalaknee ga teeraa Kafarnawom.

<sup>25</sup> Ba laakneera Yéesu bakaa giyyaa hanoh gaada, ba meekissari an:

- Jégírohii, fu hay dii kera?

<sup>26</sup> Yéesu taassaba an:

- kayoh-kayohda mi wo"<sup>ú</sup>uka: dú raassoonaa, enndii an dú ínohin kíntaancii mi tumda, iñii ca waa' kiwo'da, wayee dú raassoo ndaga mbúurúcaa dú ñamee bi dú kappa pútfa. <sup>27</sup> Kiheel ñamahaa míñin kiyasukoh hanat ki'en lëgëyyúu, wayee tumat lëgëy kiheel ñamahaa yasukohoo ee onohi kipeskaa leehoo taa'da. Ñamahaama nak, Kowukii bii kérí yahhíuwa ki'on. En ki'enaa, yérí Kooh, Paamudii tanuk, e'tari doolaa meyoh gari, ga iñaa en bëeb.

<sup>28</sup> Waa ennda da, ba meekissari an:

\* **6:10** 6: 10 Mëdïroh na Méccée 14: 21: Beticaa na oomaacaa ensee daama ban.

- Kon díj jom ya kitum lögëy kimëti' iñcii Kooh sek garíida?

<sup>29</sup> Yéesu taassaba an:

- Iñii Kooh sek garúu ee dú jom kilögëyda yérí en an dú gém ga bii ya wosda.

<sup>30</sup> Ba wo"ari an:

- Tumaa Kíntaan, dí hotwanaa dí gém garaa! Iñii fu tumda ya? <sup>31</sup> Ga ëgí'-dúndagaa bicaasammbíi enseedfa, ba ñamee ñamahaa wo'see maan ee Kooh tobseebawa, fodaa daa Kéyítfaa wo'kada. Fa wo' an: «Ya onndaba ñamahaa meyoh dook asamaan, ba ñammiba.»<sup>†</sup>

<sup>32</sup> Wayee Yéesu taassaba an:

- kayoh-kayohda mi wo"úuka: enndii Móyfis yérí onndúu ñamahii meyohee dook asamaanda. Paammboo, ga kihafci yérí onndúu ñamahii wukayoh-kayohwi meyoh dook asamaanda. <sup>33</sup> En ki'enaa, ñamahii Kooh onohda wérí en wii yoosukoh dook asamaanda, ee on bu-ëldúna kipesda.

<sup>34</sup> Ba dallari kiwo' an:

- Kon Kiyaakii, dëkaaríi ki'on ga ñamahaama rek.

<sup>35</sup> Yéesu wo"aba an:

- Mi yérí en ñamahii onohi kipesda. Baa hay garoonaa, yaawanndii bi taa', ee baa gém garoonaa pílanndii bi taa'.

<sup>36</sup> Wayee mi wo'inndúuka: dú hotinndoo ee tähhi bi dú gém. <sup>37</sup> Béeb buwii Paamudii onndoooda, hay kihayu garoo. Ee baa hay garoonaa, mi kaaloori múk.

<sup>38</sup> Ndaga mi yoosukohhii dook asamaan kitum iñaa nebpoo, wayee bii wossooda, iñaa ya waa'da yérí mi hay kitum. <sup>39</sup> Ee bii wossooda iñii yii yérí ya waa' wa laak: ya waa' an buwii ya tik ga yahhooda, yiinoo múuyoo ga. Ee mi mílisi'ba ga besaa méeñjohda. <sup>40</sup> En ki'enaa, iñii yii yérí Paamudii waa': ya waa' an béeb baa hottoo, mi Kowukii ee gém garoonaa, laas ga kipeskaa leehoo taa'da, ee mi hayyi kimílisi' ga béríinaa ëldúna túki'anda.

<sup>41</sup> Yaawúu'caa nak baa ña'sukoh iñaa aaw ga Yéesu ndaga daa ya wo' an: «Mi yérí en mbúurii yoosukoh dook asamaanda.»

<sup>42</sup> Ba baa wo' an:

- Bii yii, hanaa enndii Yéesu, kowu Yoseef? Du ínohoo eeci na paamci hene? Ya míñ na kiwo' diima an: Mi yoosukoh dook asamaan?

<sup>43</sup> Yéesu taassaba an:

- Ísat kiñ'a'sukoh ga duuyucúu. <sup>44</sup> Ken míñoo kihay garoo ee Paamudii wossooda hí'iiri ga. Ee baama, mi ga kihaffoo, mi hayyi kimílisi' béríinaa ëldúna túki'anda.

<sup>45</sup> Sëldíiga-Koohcaa bíduunun wo'eenii wii: «Kooh hayba béeb kijégí'.» Fodaama nak, béeb baa súkúruk wo'eenii Paamudii ee te'wanaa, hay garoo kihay. <sup>46</sup> Enndii an laakin baa mos kihot Paamudii. Yii meyoh ga Koohda doñ yérí hot Paamudii.

<sup>47</sup> Kayoh-kayohda mi wo"úuka, baa gém garoonaa laakin kipeskaa leehoo taa'da.

<sup>48</sup> Mi, mi yérí en mbúurii onohi kipesda. <sup>49</sup> Ga ëgí'-dúndagaa, bicaasammbúu ñamsee ñamahaa wo'see maanda, ee hoonohhiiba kikaan. <sup>50</sup> Mbúurii yoosukoh dook asamaanda wérí en wii: baa ñamwanaa kaanannid bi taa'. <sup>51</sup> Mi, mi yérí en mbúurii yoosukoh dook asamaan ee onohi kipesda. Baa ñam ga mbúurii wiimanaa hay kipes bi taa'. Mbúurii mi yah ki'erohda, faanfiigoo férí, mi erohfa doonaa bu-ëldúna pes bi taa'.

<sup>52</sup> Ga iñaama, yaawúu'caa enussa ga nookoh witamóhí', baa wo' an:

- Bii yii mínannduu na ki'e' faanfiigari kiñam?

<sup>53</sup> Yéesu wo"aba an:

- kayoh-kayohda mi wo"úuka: binaa dú ñammbii faanfii Kowukii bii, dú anndii ñífiigarinaa, kipeskii enndii garúu. <sup>54</sup> Baa ñam faanfiigoo, an ñífiigoonaa laakin

<sup>†</sup> **6:31** 6: 31 Ñamahaama jom ki'en «maanaa» Kooh tobseebada. Malkat Eksoot 16 na Kañcaa: 78: 24.

kipeskaa leehoo taa'da, ee mi, mi hayyi kimílísí' ga besaa méeñjohda, <sup>55</sup> ndaga faanfiigoo en ñamahii wukayoh-kayohwii ee ñífiigoo wérí en anahii wukayoh-kayohwii. <sup>56</sup> Baa ñam faanfiigoo, an ñífigoonaa, ya yii dékka garoo ee mi yii dékka gari. <sup>57</sup> Paamudii wossooda yii pes ee mi bewoh kipes gari. Fodaama, baa ñam faanfiigoonaa hay kibewoh kipes garoo. <sup>58</sup> Kon mbúurii yoosukoh dookda wooma. Wa manndii na mbúuraa caasamuncaa ñameeda. Ba, ba kaanin, wayee baa ñam mbúurii wiinnaa, hay kipes bi taa'.

<sup>59</sup> Wo'eencii ciima cérí Yéesu wo'ee ga waa ya jégíroh ga jaangu-yaawúuraa ga Kafarnawomda.

### *Tëelíbée biyewin foñussa Yéesu*

<sup>60</sup> Bo' biyewin ga tëelíbéecaa Yéesu, daa ba kelohee iñaa ya wo' yaama, wo'ussa an:

- Wo'eenii wii, wa bít na ña? Bii míñ ba kiyuñ súkúrukiwa?

<sup>61</sup> Yéesu ínohha ga kihafci an tëelíbéecaa baa ña'sukoh iñaa ya wo' yaama, ya wo'aba an:

- Keeñnjúu neñpii ga iñii mi wo'úuda hene? <sup>62</sup> Haa binaa dú hot Kowukii bii boyuk ga daa ka d'eweé ki'endanaa? <sup>63</sup> Helii meyoh ga Koohda wérí onohi kipes. Bo' na kihafci mínoo dara. Wo'eencii mi wo'úuda kúlkoh ga Helaa meyoh ga Koohda ee cérí onohi kipes. <sup>64</sup> Ee bi wati, laakin bibo' garúu baa sañ kigém.

En ki'enaa, Yéesu, ga kihafci, ga waa ya daldá, ya ínoheera buwaa gëmmbiidá ee ya ínoheera yaa yahhi kitonda. <sup>65</sup> Léehí'ta Yéesu tikká ga an:

- Iñamaa tah mi wo'arúu an ken mínoo garoo kihay, enndii an Paamudii onndikanaa.

<sup>66</sup> Kolkoh daama, biyewin ga tëelíbéecaa Yéesu foñussari, ba íissa nari taam.

<sup>67</sup> Waa ennda da Yéesu meekissa tëelíbéecaa bidaanjaah na banakbaa an:

- Haa dú ban, dú waa'tii kiyahé?

<sup>68</sup> Simon-Pee' taassari an:

- Ha'mudii, dí yahan ga ba? Fu yérí bay Wo'eencii onohi kipeskaa leehoo taa'da.

<sup>69</sup> Dí, dí gëmin ee dí ínohin an fu, fu yérí en Bii yisela'í'yii meyoh ga Koohda.

<sup>70</sup> Yéesu taassaba an:

- Enndii mi tanukkúu, dú bidaanjaah na banakbiine? Moona déy yíinoo garúu iñii bo' Seytaani.

<sup>71</sup> Yúdaa, kowukaa Simon Iskariyot yérí laak wo'eenaa Yéesu wo' waama. Yúdaa yiima ee bok ga tëelíbéecaa bidaanjaah na banakbaada yérí yah kitoon Yéesu.

## 7

### *Kéméenjímúncaa Yéesu gëmussii gari*

<sup>1</sup> Waa ennda ña, Yéesu yaa wíil gohaa Gélilée. En ki'enaa, ya waareeríi kitonj kotci ga kúlkaa Yúudée ndaga buwaa kuliuyuk ga yaawúu'caada heelsseeri ki'ap. <sup>2</sup> Lakanaa hewaa yaawúu'caa wo'u feetaa mbaa'caadá deeyin. <sup>3</sup> Kéméenjímúncaagari wo'ussari an:

- Kolkaa dii hen, fu ka' kúlkaa Yúudée doonaa tëelíbéecaagaraa ban hotu kíntaancii fu tumida. <sup>4</sup> Bo', iñaa ya tumida, ya ñaakoori en lak ya waa' kisíwaa. Waa fu karin bi fu yii tum kíntaancaa hín na cii, teewukohaa hen, béeb hottaa.

<sup>5</sup> En ki'enaa, bikéméenjíci ga kihaffá, gëmséeríi gari. <sup>6</sup> Yéesu taassaba an:

- Wahtiigoo le''ii duum, wayee en dúnnaa, wahtaa en béeb jofin. <sup>7</sup> Dú, bu-ëldúna mínoorúu kisanj, wayee mi, ba saginndoo ndaga mi wo' an tumeencaagaba joffii.

<sup>8</sup> Dú, karat feetaa, mi, mi yahhii feetaama paay ndaga wahtiigoo le''ii duum.

<sup>9</sup> Yéesu wo'aba iñamaa, léehí'ta ya tessa ga Gélilée.

### *Yéesu ka'ta hewaa feetaa mbaa'caa*

<sup>10</sup> Ga waa këmëenjímuncaa Yéesu karussa, Yéesu ban lokukka, ka'ta feetaa ee ken yéenjíiri. <sup>11</sup> Buwaa kuliyuk ga yaawúu'caada baa raassi ga duuy hewaa, baa meekisoh an:

- Ya ya da?

<sup>12</sup> Ga duuy mbooloomaa, buwaa enussa ga dóowí' iñaa aaw gari rek. Bii baa wo' an: «Baa bo' yijófí» Bíinoo an: «Ó'óo, baa éewdoh buwii égíraa.» <sup>13</sup> Wayee ken kaañéerii kiwo' ga dook iñaa aaw gari ndaga béeb niiksee buwaa kuliyuk ga yaawúu'caada.

<sup>14</sup> Lakanaa feetaa karin bi le'in le'naa, Yéesu ka'ta Kaanfaa Kooh, ya yaa kijégíroh.

<sup>15</sup> Yaawúu'caa jaahli'ussa ga iñcaa ya jégírohda, ba baa wo' an:

- Waa ya jañngii, tum na bi ya ínoh iñii Kéyítfii wo'da fodii dii?

<sup>16</sup> Yéesu taassaba an:

- Iñii mi jégírohda, meyohhii garoo, wayee meyoh ga Kooh yii wossooda. <sup>17</sup> Baa waarin kitum iñaa Kooh nakohda hay ki'ínoh ati iñii mi jégírohda meyoh ga Kooh ati mi hay kiwo'i' haffoo ga teekkoo. <sup>18</sup> Baa wo'i hafci ga teekci béeb, heel kilaak teek. Wayee baa heel iñaa onan baa wossida kilaak teek, baama wo'i kayoh ee saboh gaa gari. <sup>19</sup> Enndii Móyíis yéri e'túu Kéyítfaa Waasaane? Ee yíinoo garúu taabukkii iñaa fa nakohda. Iñii tah ya dú heelloo ki'ap?

<sup>20</sup> Buwaa taassari an:

- Fu déy Seytaani aaskinndaal! Bii heellaa ki'ap ba?

<sup>21</sup> Yéesu taassaba an:

- Dú hot dii mi tum kíntaan wíinoo doñda, béeþpúu iñaama meskinndúu.

<sup>22</sup> Malkat, Móyíis haydohin kigúruk ga duuyucúu, enndii sah an ka kolkoh gari ndaga ka meyoh ga caasamuncaa bidewaabaa\*; ee dú gúrin bo' ga bes Sabat. <sup>23</sup> En lak dú mínin kigú' oomaa ga bes Sabat ndaga kisan kideeq Waasii Móyíisaa, iñii tah ya dú aylukkoo ndaga dii mi wékdin bo' ñém ga bes Sabat? <sup>24</sup> Kon íisat ki'atti' ee dú malkoo bi jof, wayee atti'at ga kayoh.

### *Buwaa baa nookoh ati Yéesu yéri en Kiristaanii*

<sup>25</sup> Laakka buwaa dëk Yéerúsaleem, ba baa wo' iñaa aaw ga Yéesu an:

- Enndii bii yii yéri ba heel ki'ap hanaa? <sup>26</sup> Malakat, yeema wo'i ga fíkií béeþ, ee ken wo'iiri dara. Buwii kuliyuk garuuda, ati kayoh-kayohda ba took hen an yéri en Kiristaanii? <sup>27</sup> En bii yiinaa déy, dí ínohin dii ya kúlkohda, wayee Kiristaanii yah kihayaa, ken ínohanndii daa ya kúlkohanda.

<sup>28</sup> Wiima lak Yéesu yaa jégíroh ga duuy Kaanfaa Kooh, ya dalla kiwo' didóolí' an:

- Dú wo' an dú ínohinndoo ee dú ínohin daa mi kúlkohdane? Moona déy mi hayi'tii haffoo, mi wosu hen, ee baa wossoda wo'i kayoh wayee dú ínohoori. <sup>29</sup> Mi nak, mi ínohinndi, ndaga mi meyoh gari ee yéri wossoo.

<sup>30</sup> Waa ennda ða, buwaa kuliyuk ga yaawúu'caada baa heel ki'am Yéesu, wayee yíinoo gaba, yahci le"ii gari ndaga lak wahtaa Yéesu le"ii duum. <sup>31</sup> Ee ga mbooloomaa nak, bo' biyewin gémussa gari. Ba baa wo' an:

- Binaa Kiristaanii hayaa, ya hay kitum kíntaancaa paaf cii bii yii tumdane?

### *Buwaa watuki Kaanfaa Koohda wosussa ki'am Yéesu*

<sup>32</sup> Laakka Férísiyeencaa keloh iñaa dóowí'see ga duuy mbooloomaa aaw ga Yéesuda. Waa ennda ða, sarahohcaa biyaakbaa hotohussa na Férísiyeencaa, wosussa bibo' ga buwaa watuki Kaanfaa Koohda ki'amneeri. <sup>33</sup> Yéesu dalla kiwo' an:

- Mi yii narúu dii ee ensoo bi maañ. Léehíraa mi yee ga baa wossoda. <sup>34</sup> Dú hayyoo kiraas, wayee dú hotanndiiroo, ee dú mínoo kika' ga daa mi yah ki'endá.

\* <sup>7:22</sup> Abaraham yéri Kooh dëwee kinak kigúruk.

<sup>35</sup> Ga iñama, buwaa kuliyuk ga yaawúu'caada baa wo' ga díkaantiba an:

- Ya yah gada kika' daa du mínoori da kilaak? Ya yah kilaaknee yaawúu'caa tasaarukoh ga duuy Gerekcaadane<sup>†</sup>? Ati ya yah kijégí'nee Gerekcaa? <sup>36</sup> Wo'eenii ya wo' wii an «Dú hayyoo kiraas wayee dú hotanndiiroo, ee dú mínoo kika' ga daa mi yah ki'enda», wa waa ya kiwo'?

### *Músúmaa onohi kipesda*

<sup>37</sup> Ga besaa méeñjoh ga hewaa feetaa mbaa'caa ee wérí wëñ kilaak solu ga feetaada, Yéesu tuukka ga fíkíi mbooloomaa, ya wo''a ga dook an:

- Baa fu pílaa, hayaa garoo, fu an. <sup>38</sup> «Baa gém garoo béeb húlúb-músúmaa onohi kipesda, hay kihaal ga duuyci» fodaa daa Kéyítfaa wo'kada.

<sup>39</sup> Ga wo'eñaama Yéesu wo'ee Helaa yisela'í'yaayaa buwaa gém gari yah kilaasda. En ki'ena, ga wahtaama, lakanaa Helaa yisela'í'yaayaa erohussii ndaga lak Kooh e'tii Yéesu ndam duum.

### *Mbooloomaa hégískohha ndaga Yéesu*

<sup>40</sup> Laakka bifo' ga mbooloomaa, daa ba kelohee wo'eencaa Yéesu, ba wo''a an:

- Bii yii kayoh-kayohda yérí en seldíiga-Koohii sekuda!

<sup>41</sup> Bínoo an:

- Kiristaanii yérí!

Wayee bínocabaa wo''a an:

- Kiristaanii míni kimeyoh Géliléene? <sup>42</sup> Kéyítfaa wo''ii an Kiristaanii jom kibok ga nílää buu' Dëwít, ee ya yah kilímu ga Betlee'em, teeraa Dëwít dëkeedfane?

<sup>43</sup> Ga iñama mbooloomaa dalla kihégískoh ndaga Yéesu. <sup>44</sup> Laakka ga buwaa, bifo' baa waa'ti ki'am. Wayee yíinoo gaba yahci le''ii gari.

### *Buwaa kuliyuk ga yaawúu'caada sagussa kigém ga Yéesu*

<sup>45</sup> Buwaa watuki Kaanfaa Kooh ee ba wossee ki'am Yéesuda, boyukussa ga sarahohcaa biyaakbaa na ga Férísiyeencaa. Daa ba le'ee, baama meekissaba an:

- Iñii tah ya dú haydohhiiri?

<sup>46</sup> Ba taassa an:

- Wo'eencaa baa yaama wo'da, ken mosoo kimeydoh wo'eencaa manda ga kúuwci.

<sup>47</sup> Férísiyeencaa abussa yah ga kúuw, wo'ussaba an:

- Haa bi ga dú ban, dú bok ga buwii éewdohu égíraadsane? <sup>48</sup> Dú hotin bo' yíinoo ga buwii kuliyuk ga Waasiigaruu wala ga Férísiyeencaa yaa gém garine? <sup>49</sup> Man buwii ínohsoo dara ga Waasii Móyíisda béri gém gari. Buwaama béebla, aylukaa Kooh waa ga dookba. <sup>50</sup> Waa ennda da, Níkodeem, yíinoo ga Férísiyeencaa ee ya moseera kika' ga Yéesu, wo''aba an:

<sup>51</sup> - Waasiigaruu oninnduu kitík bo' kikaan ee lak du súkúrukkiiri ee du ínohoo ati ya tum ya yibónire?

<sup>52</sup> Férísiyeencaa loffari an:

- Fu ban, fu nam kidék Géliléenoo ya? Malkaa Kéyítcaa dijofí', fu hay kihot an seldíiga-Kooh yíinoo meyohoo Gélilée.

<sup>53</sup> [Waa ennda da, baa en béebla yaa boyuk kaanci.

## 8

### *Betifaa dúkee yaalci, faanukka na yaal yiliisda*

<sup>1</sup> Yéesu aawwa tégëlaa Ólíwíyéecaa. <sup>2</sup> Ga kooh-wíisfaa, ga kímaa cuut, ya boyukka Kaanfaa Kooh. Béebla buwaa hayussa gari, ya yuñnga, ya yaa jégí'ba. <sup>3</sup> Daama,

<sup>†</sup> 7:35 7: 35 Gerekcaa waa' kiwo' buwaa enndii yaawúu' ga éldúnada.

jëgíroh-waascaan na Férísiyeeñcaa haydohussa gari betifaa betu lak enee na kifaanuk na baa enndii yaalci. Ba tuuki'tari ga leeloo buwaa, <sup>4</sup> ba wo'a Yéesu an:

- Jëgírohii, betifii fii betu lak yaa faanuk na baa enndii yaalci. <sup>5</sup> Ee ga Waasii, Móyíis nakoh an betifaa tum iñaamanaa jom kitapu na atoh bi ya kaan. Fu nak, fu wo' ya ga?

<sup>6</sup> Iñaamaa ba wo'eeri kifí' Yéesu doonaa ba laak iñaa ba yabohanndi. Wayee Yéesu dëeldukka, yaa fiis ga kakayfaa na jokonjaagari. <sup>7</sup> Ba baa baat kimeekisoh, Yéesu yolohha, wo'aba an:

- Yaa en garúu ee mossii kitum baakaa'da, dewat kiwees betifii atoh.

<sup>8</sup> Ya dëeldukissa, ya enissa ga kifíis kakayfaa. <sup>9</sup> Daa ba kelohee wo'eenamaa, ba baa dóokisuk yíinoo yíinoo, dewoh ga buwaa wëñ ki'en yaakda. Tessa Yéesu na betifaa, lak fa lís kituuk ga daa fa gíwohseedaa. <sup>10</sup> Yéesu yolohha, meekissa betifaa an:

- Betifii, bada buwii yabeeraada? Ken atti'iiraa kikaane?

<sup>11</sup> Betifaa taassa an:

- Ha'mudii, ken atti'iiroo kikaan.

Yéesu wo'ari an:

- Mi ban mi atti'iiraa kikaan. Tíida, ee iñaa aboh diima, kaa tumis baakaa'.]

### *Yéesu yëri en lee'laatii bu-ëldúna*

<sup>12</sup> Yéesu ëewrukissa ga mbooloomaa, wo'a an:

- Mi, mi yëri en lee'laatii ëldúna. Baa taabukkoonaa tíinsisoo múk ga ñúus, ee ya hay kilaas ga lee'laataa onohi kipesda.

<sup>13</sup> Férísiyeeñcaa dallari kiwo' an:

- Fu, fu en seedi haffu, kon iñii fu seedi'da tuukkii fen.

<sup>14</sup> Yéesu loffaba an:

- Hídaa ga dii mi seedi' haffooda tóoh, iñii mi seedi'da tuukin, ndaga mi ínohin dii mi kúlkohda ee mi ínohin dii mi yahda; dú nak, dú ínohoo dii mi kúlkohda ee dú ínohoo dii mi yahda. <sup>15</sup> Dú, dú atti'i atti'een bo'-súusúus, ee mi, mi atti'oo ken. <sup>16</sup> Mi nak, mi na' ki'atti'aa, atti'aagoo kooran ga waas ndaga mi enoo hañgoo ga, mi yah ga na Paamudii wossooda. <sup>17</sup> Bíduunun ga Këyítfaa Waasii an bo' banak boku wo'een ga kiseedi'aa, lak iñaa ba seedi'da tuukin. <sup>18</sup> Mi nak, mi seedi' haffoo ee Paamudii wossooda ban seediroo.

<sup>19</sup> Ba meekissari an:

- Ya da Paamfu?

Yéesu loffaba an:

- Dú ínohoo ken garíi, enndii mi enndii Paammboo. Enee an dú ínohinndoonaan, ennaa ban dú ínoh Paammboo.

<sup>20</sup> Wo'eenciima Yéesu wo'eeca lakanaa ya yaa kijégíroh ga ñuuuy Kaanfaa Kooh. Ya enee ga yahaa dëkataa ekohsi sarahcaada. Ken hayyiiri ki'am ndaga lak wahtaagari le"ii duum.

### *Yéesu yéegalohha kiyahkaagari ga Paamudiida*

<sup>21</sup> Yéesu wo'issaba an:

- Mi yii yah ee dú hayyoo kiraas, wayee dú kaanan ga kibaakaa'kii dú enukohda. Mi, dii mi yahda, dú mínoo da kika'.

<sup>22</sup> Waa ennda ñaa, buwaa kuliyük ga yaawúu'caa baa wo' an:

- Ga dii ya wo'an: «Mi, dii mi yahda, dú mínoo da kika'», mbaa enndii an ya yah kiharuk?

<sup>23</sup> Yéesu wo'aba an:

- Dú, dú bok ga fu-kakay, wayee mi, mi bok ga fu-dook. Dú bok ga ëldúnaanii wii, wayee mi bokkii ga ëldúnaanii wii. <sup>24</sup> Kërí tah, mi wo'úu man dú kaanan

ga baakaa'ciigarúu. En ki'enaa, dú gëmmbii an mi, mi yérí enaa\*, dú kaanan ga baakaa'ciigarúu.

<sup>25</sup> Ba meekissari an:

- Fu, fu yérí en ba?

Yéesu taassaba an:

- Mi dék ga kiwo"úuka ga dalaaraa bi ga wati. <sup>26</sup> Mi mínin garúu kiwo' enaama ciyewin ee mi mínin ki'atti' garúu enaama ciyewin. Ee baa wossooda bo'-kayoh, ee mi yéegal bu-élédúna iñaa mi bewoh garida.

<sup>27</sup> Ba ínohhii an Yéesu wo'eeba loo Paamudii. <sup>28</sup> Yéesu nak wo"aba an:

- Dú bëwi' Kowukii bii ga dook bëriinaa, dú hay ki'ínoh an mi, mi yérí en. Ee ban dú hay ki'ínoh an mi tumoo dara ga kihaffoo, wayee iñii mi wo'da Paamudii lëdi'toori.

<sup>29</sup> Bii wossooda, yii naroo. Ya foñnjiiroo mi tes hañngoo ndaga mi tumi iñaa nebpi rek. <sup>30</sup> Daa ya wo'ee fodaama, bo' biyewin gëmmba gari.

### *Kowukii Kooh yérí on buwii kilaak hafba*

<sup>31</sup> Waa ennda dā, Yéesu wo"a yaawúu'caa gëmee garida an:

- Binaa dú dék kitaabuk iñii mi jégírohdanaa, iñaama hay kiteewoh an dú bitéelibéeroo kayoh-kayohdā. <sup>32</sup> Fodaama dú hay ki'ínoh kayohfii ee kayohfii hayyúu ki'on kilaak haffúu.

<sup>33</sup> Ba taassari an:

- Dí, dí bok ga níilaa Abaraham ee dí mosoo ki'en ñaam ken. Kon fu míndíi na kiwo' an dí hay kilaak haffíi?

<sup>34</sup> Yéesu taassaba an:

- kayoh-kayohdā mi wo"úuka: baa fu tumin baakaa' béeb fu ñaam-baakaa'.

<sup>35</sup> Ñaam dékoo kibok ga kaanfaa ya enohdā, wayee kowu boki ga bi taa'.

<sup>36</sup> Kon binaa en an Kowukii kérí onndúu kilaak haffúunaa, dú hay kilaak haffúu kayoh-kayohdā. <sup>37</sup> Mi ínohin an dú bok ga níilii Abaraham wayee dú manndii nari. Iñii mi jégírohdā dú tookkiiri ga keeñnjúu, kérí tah dú heeloo ki'ap. <sup>38</sup> Mi, iñii mi hot ga Paammbooda yérí mi wo'. Dú nak, iñaa dú keloh ga paammbúuda yérí dú tumi.

<sup>39</sup> Ba taassari an:

- Abaraham yérí en Paammbíi.

Yéesu loffaba an:

- Dú enee bitowu Abaraham kayoh-kayohdanaa, eneenaan dú taaban kotcaagari.

<sup>40</sup> Mi, mi wo'irúu kayohfii mi bewoh ga Koohdā, ee diima dú heeloo ki'ap. Abaraham mosoo kitum iñaa manda. <sup>41</sup> Dú kay, dú taam kotcii paammbúu<sup>☆</sup>.

Ba loffari an:

- Dí enndii towutaa laaksoo paamun. Dí laakin Paamun yíinoo ee yérí en Kooh.

<sup>42</sup> Yéesu wo"aba an:

- Binaa enee an Kooh Paammbúunaa, eneenaan dú waa'too, ndaga mi meyoh ga Kooh ee yérí tahhoo kihay dii. Hayiigoo diida meyohhii garoo wayee yérí wossoo.

<sup>43</sup> Iñii tah ya dú ínohoo iñii mi wo"úuda? Dú nam kimínoo kisükúruk wo'eenciigoo hen, kérí tah. <sup>44</sup> Seytaani yérí en paammbúu, ee dú waa' kitum iñaa neb paammbúu yaama. Ga dalaaraa bi wati, ya mos ki'en baa lagi kumuun bo'. Ya mosoo kituuk ga kayoh ndaga kayoh paallii gari. Ya en na kikaak sabohaa, madi na ya bapka hen, ndaga ya kaakoh-saboh ee saboh límukoh gari. <sup>45</sup> Wayee mi, mi wo'i kayoh, ee iñaama tah dú gëmmbiiroo. <sup>46</sup> Yiida garúu míñ kiseedi' an mi tumin baakaa'? Ee en an mi wo' kayohaa, iñii tah ya dú gëmmbiiroo? <sup>47</sup> Baa Kooh laak, súkúruki wo'eencii Kooh. Wayee dú, dú súkúrukooca, ndaga Kooh laakkiirúu.

\* <sup>8:24</sup> 8: 24 Mi yérí en wo'eencaama man na teekaa Kooh eree hafci ga fíkii Móyísdfa (Eksoot 3: 14). Laakin ban ga Sañ 8: 28. ☆ <sup>8:41</sup> 8: 41 Malkat 8: 44.

### *Yéesu seb Abaraham*

<sup>48</sup> Yaawúu'caa wo'ussa Yéesu an:

- Binaa dí wo' an fu samariten<sup>☆</sup> ee fu taam na Seytaaninaa, dí wo"ii kayohe?.

<sup>49</sup> Yéesu taassaba an:

- Mi taammbii na Seytaani. Mi on Paammboo cée' ee dú, dú onndiiroo cée'. <sup>50</sup> Mi, mi heeli'tii haffoo ndam, bo' yiliis yérí heeli'too iñaama ee yérí yah ki'atti'. <sup>51</sup> kayoh-kayohdfa mi wo"úuka: baa fu am wo'eenndoona, fu ínohanndii kikaankaa bi taa'da.

<sup>52</sup> Yaawúu'caa dallari kiwo' an:

- Kimma kimma, dí ínohin an fu taam na Seytaani. Abaraham kaanin, sëldíiga-Koohcaa ban kaanuunun, ee fu, fu wo' an: «Baa fu am wo'eenndoona, fu kooroo ga kikaan bi taa'». <sup>53</sup> Paammbii Abaraham, fu wëñnji kilaak solu hene? Ya, ya kaanin ee sëldíiga-Koohcaa ban kaanuunun. Fu tík haffu ba?

<sup>54</sup> Yéesu taassaba an:

- Binaa mi heeli' haffoo ndamaa, ndamaama enndii tú. Paammboo yérí yahhoo ki'e' ndam, ya yii dú wo' an yérí en Koohyiigarú. <sup>55</sup> En ki'ena, dú ínohoori, wayee mi, mi ínohinndi. Binaa mi wo'ee an mi ínohoorinaa, eneena mi yah kaakoh-saboh fodii garú. Wayee mi, mi ínohinndi ee mi abin wo'eeniigari. <sup>56</sup> Paammbúu Abaraham, keeñci soossa seb ga daa an ya hay kihot kihaykiigoo éldúnada<sup>☆</sup>. En ki'ena, ya hotinka, ee ya neblukka ga.

<sup>57</sup> Yaawúu'caa dallari kiwo' an:

- An ya? Fu laakkii sah tíkis tidaanjkaah-yëtúus, an fu hotin Abaraham!

<sup>58</sup> Yéesu taassaba an:

- kayoh-kayohdfa mi wo"úuka: balaa Abaraham hay éldúnanaa lak mi yérí en<sup>☆</sup>.

<sup>59</sup> Daama, ba dalla kibalab atoh, kitapisohhi. Wayee Yéesu múuyca ga duuy buwaa, ya meyca Kaanfaa Kooh.

## 9

### *Yéesu wëki'ta yaala límu na kibúum*

<sup>1</sup> Daa Yéesu enee na kipaaf, ya hotta bo' yaa límu na kibúum. <sup>2</sup> Tëelibéecaagari meekisohussari an:

- Jégirohii, bii yii límu na kibúum. Baakaa'ciigari kommbikanoo, caa buwaa límmbida?

<sup>3</sup> Yéesu taassaba an:

- Enndii baakaa'ci wala baakaa' buwaa límmbida kommbika. Ya enin búumi' doonaa Kooh min kiteewoh tumeencaagari ga bii. <sup>4</sup> Waa dú bii ga noh, dú jomin kitum iñii bii wossoo nakkoo kitumdfa. Ndaga wekaa waa hay waa ken mínanndii kilégéy dara. <sup>5</sup> En lak mi yii lís ga éldúnanaa, mi yérí en lee'laatii éldúna.

<sup>6</sup> Ga waa Yéesu lëehí'ta kiwo' fodaama, ya toossa kakay, ya tóoyí'ta kakayfaa na mitoosmaa. Ya leeffa ga tuhastaa búumíraa, <sup>7</sup> ya wo"ari an:

- Kara, fu sémulknee ga mísúmaa mbalkaa Sílowee\*. Wo'eñaama waa' kiwo' «Wosuunun».

Búumíraa ka'ta, sémulkneera. Ya boyukka lak hascaagari hotin say.

<sup>8</sup> Buwaa deeyoh nari kaanda na buwaa ínoheeri ga kisarahtukdfa baa wo' an:

- Cab! Hanaa enndii bii yugee diine kisarahtukdfa kay?

<sup>9</sup> Bii baa wo' an:

- Yérí sah-sah.

Bíinoo baa wo' an:

- Ó'oo, enndiiri, ba man hen.

Wayee baa, ga kihafci wo" a an:

- Mi yérí kay!

\* <sup>8:48</sup> 8: 48 Malkat 4: 9.    <sup>8:56</sup> 8: 56 Malkat Sënees 12: 3.    <sup>8:58</sup> 8: 58 Malkat 8: 24,28; 1: 1-3.    \* <sup>9:7</sup> 9:

7 Mbalkaa Sílowee enee ga duuy teeraa Yéerúsaleem.

<sup>10</sup> Buwaa meekissari an:

- Tum na bi fu mínda kihot?

<sup>11</sup> Ya taassa an:

- Baa teeku Yéesu yérí tóoyí' kakay, ya leeffa ga tuhastiigoo, ya wo'"aroo an: «Karaa mbalkaa Sílowee, fu sémulknee ga mísúmaa.» Mi ka'ta, mi sémulkka, tuhastiigoo hotta.

<sup>12</sup> Ba meekissari an:

- Yada baa yaama?

Ya taassa an:

Mi ínohoo daa ya enda!

### *Férísiyeencaa meekisohussa baa búumeeda*

<sup>13</sup> Buwaa bayya búumíraa wékírudá ga Férísiyeencaa. <sup>14</sup> Wiima, lak Yéesu tóoydee kakayfaa ga bes Sabat, ya tummba bi hascaa búumíraa hotta. <sup>15</sup> Iñaama tah, Férísiyeencaa ban meekisohussa baa yaama iñaa tumsee bi ya mínda kihotda. Ya wo'"aba an:

- Ya tumdeeroo kakay fitóoyí' ga hasciigoo, mi sémulkka, mi dalla kihot.

<sup>16</sup> Laakka ga Férísiyeencaa, baa wo' an:

- Bii tum iñii yiida, meyohhii ga Kooh, ndaga ya faali'"ii bes Sabat.

Wayee bíinoo wo'"a an:

- Bo' mína kiteewoh mandargacaa man na cii en lak ya tumoh-baakaaraa?

Kihégískoh laakka ga díkaantiba. <sup>17</sup> Férísiyeencaa meekisohussa baa wékírudá an:

- Fu nak, fu ínoh ya ga bii tah hasciigaraa kihotda?

Ya taassa an:

- Iñaa seldíiga-Kooh!

<sup>18</sup> Buwaa kuliuk ga yaawúu'caada tookséeríi kigém an baa ba hot yaama enee búumí'. Ba bayneera buwaa límmibida, <sup>19</sup> ba meekissaba an:

- Bii yii yérí en kowukiigarúu dú wo' an límu na kibúumfane? Kon tum na bi ya yii míni kihot diima?

<sup>20</sup> Buwaa lím búumíraada taasussa an:

- Dí ínohin an kowurií ee ya límu na kibúum. <sup>21</sup> Wayee daa ka en bi ya míni kihotda, iñaama dí ínohoo dara ga. Baa wékí' hasciigarida, dí ínohoori. Meekisatti: ya enin yaak, ee ya míni hafci kiwo'i'.

<sup>22</sup> Buwaa lím búumíraa wékírudá wo'see iñaama kiniik buwaa kuliuk ga yaawúu'caada. Ndaga yaawúu'caa yéegohseera ga an, béeb baa fu seedi' an Yéesu yérí en Kiristaaniinaa, ba kaalla jaangaagaba. <sup>23</sup> Iñaama tah buwaa lím búumíraada wo'ussa an «ya enin yaak, meekisatti».

<sup>24</sup> Férísiyeencaa bayussa baa enee búumí'da kota kukanakkaa, wo'ussari an:

- Wo'daa Kooh rek! Dí ínohin an baa yaama tumoh-baakaa'.

<sup>25</sup> Baa wékírudá taassa an:

- Ya en tumoh-baakaaraa, mi ínohhii dara ga. Wayee iñaa mi ínohda yérí en an mi búumeera ee diima mi yii hot.

<sup>26</sup> Férísiyeencaa meekissari an:

- Ya tumeeraa ya? Ya tumee na bi hasciigaraa mínda kihot?

<sup>27</sup> Búumíraa wékírudá taassaba an:

- Mi dsewinndúuka kiwo' ee dú súkúrukkiiroo. Dú waa' ya ga kikeloh mi wo'is?

Hanaa dú ban dú waa' ki'en bitéelíbécí?

<sup>28</sup> Ba baa bassi, wo'ussari an:

- Fu yérí en téelíbécí kay? Wayee dí, dí téelíbée Moyís. <sup>29</sup> Dí ínohin an Kooh wo'in na Moyís, wayee bii yii, dí ínohoo sah dii ya meyohda.

<sup>30</sup> Baa taassaba an:

- Iñaaama, en ki' enaa dooyin waa'. Dú ínohoo dii ya meyohda ee moona déy, yérí tum bi hasciigoo hotin! <sup>31</sup> Du ínohin an Kooh tookdoo tumoh-baakaa'. Wayee ya tookdfi béeb baa onndi cée' ee tum iñaa ya waa'da. <sup>32</sup> Ken mosoo kikeloh daa bo' wékí' bo', yaa límu na kibúum. <sup>33</sup> Bii yii meyohéeríi ga Koohaa eneenaan mínoo dara kitum.

<sup>34</sup> Ba taassari an:

- Fu límu mólúñ mút ga baakaa', an fu waa'tíi kijégí'!
- Waa ennda da, ba kaallari fooh.

### *Búumi' ga hel*

<sup>35</sup> Yéesu yéenjga an Férísiyeencaa kaaluunun baa ya wékíreeda fooh. Daa Yéesu hidohee nari, Yéesu meekissari an:

- Fu gëmin ga Kowukii fiine?

<sup>36</sup> Baa taassa an:

- Ha'mudii, baama ya ba, mi gëm gari?

<sup>37</sup> Yéesu wo"ari an:

- Kon book fu hotinndi, ndaga bii wo' naraada yérí!

<sup>38</sup> Baa wo'a Yéesu an:

- Ha'mudii, mi gëmin garaa!

Fodaama ya yí'a ga fíkíi Yéesu.

<sup>39</sup> Léehí'ta Yéesu wo"ari an:

- Mi hay éldúna doonaa éldúna laak atti': en danaa búumí'cii hot lañ ee buwii en na kihotda búumu térrus.

<sup>40</sup> Laakka Férísiyeencaa ensee daama nari. Daa ba kelohee iñaa Yéesu wo'da, ba meekissari an:

- Kon dí ban, dí iñcii búumíre?

<sup>41</sup> Yéesu taassaba an:

- Dú enee bibúumíraa eneenaan dú enoo bitumoh-baakaa'! Wayee dú wo' an: «Dí hotin», kérí tah dú tes bitumoh-baakaa'.

## 10

### *Liiwukaa wo' ga loo nírohaa yijófí'yaada*

Yéesu liiwukka an:

<sup>1</sup> - kayoh-kayohda mi wo"úuka: Baa aas ngídii baalcii ee koorohhii halii wayee keldúkoh diliisaa, baama iñaa lok, iñaa gúroh-waas. <sup>2</sup> Wayee baa aasoh haliida, yérí en níirohii baalcii. <sup>3</sup> Baa neehi yopaa kiwatuk baalcaada hayyi kilégísi' halaa ee baalcaa kelohsin koonaaci. Ya bay baalcii en buucida, yaa en béeb ga teekaagari, ya meydohba fooh. <sup>4</sup> Binaa ya meydoh baalcaagari béebbanaa, ya kuliyuk ga fíkíi, ba taabukiri ndaga ba ínohin koonaakaagari. <sup>5</sup> Baalcaa taabukanndii mún baa ba ínohoo, ba namanndi kinúp hen kay ba úsaayyi ndaga ba ínohoo koonaakaagari.

<sup>6</sup> Yéesu liiwukkaa fodaama, wayee ba ínohéeríi iñaa ya waaree kiwo'da.

<sup>7</sup> Yéesu wo'issaba an:

- kayoh-kayohda mi wo"úuka: mi yérí en halii ngídii baalcii. <sup>8</sup> Buwaa debpoo kihayda, béebba bilok na bigúroh-waas, wayee baalcaa súkúrukussiiba. <sup>9</sup> Mi yérí en halii. Baa aas, kooroh garoonaa hay kimúc. Ya hay kimín ki'aasi, ya meyi ee ya hay kihot iñaa ya líifsohan lookci. <sup>10</sup> Lok nak, kilok, ki'ap, na kiyah doñ haydohiri. Mi nak, mi hay doonaa buwii laak kipes ee ba laakka bi dooy sék.

Yéesu tíkí'ta Férísiyeencaa ga an:

<sup>11</sup> - Mi yérí en níirohii yijófí'yii. Níiroh yijófí' erohi kumuunci hen ndaga baalcaagari. <sup>12</sup> Wayee baa enndii níiroh, laakkii baalcaa ee kopa' doñ tahhi kiníi'. Ya hoti gumuu hayinaa, ya dal kinúp, ya foñ baalcaa, gumuufaa am ga baalcaa, tasaaroh yopaa. <sup>13</sup> Níirohaama núpin ndaga kopa' tahhi kiníi' ee baalcaa bíttiiri. <sup>14-15</sup> Mi yérí

en níirohii yijóff'yii. Fodii dii Paamudii ínohhoo ee mi ínohinndida, fodaama ban, mi ínohin baalcigoo, ee baalcigoo ínohinndoo. Ee ban, mi hay ki'eroh kumuunkiigoo ndaga baalcigoo. <sup>16</sup> Mi laakin ban baal biliis baa enussii ga ngídii wii ee mi jominba kihaydoh. Ba hay kisukúruk iñaa mi wo'da. Fodaama ba en yop wiinoo, níirohii en yínoo.

<sup>17</sup> Paamudii waarinndoo ndaga mi hay ki'eroh kumuunkiigoo, mi laasiska. <sup>18</sup> En ki'enaa, ken mínoo kibeb kumuunkiigoo. Newanndoo hen mi erohka. Mi laakin dooli ki'eroh kumuunkiigoo na kilaasiska. Iñuma yérí Paammboo nakkoo kitum.

<sup>19</sup> Wo'eencaa Yéesu wo' caama haydohissa kihégískoh ga d'uuuy yaawúu'caa.

<sup>20</sup> Biyewin gaba, baa wo' an:

- Bii yii taam na Seytaani, ñalaañkin! Dú en ya dii d'ú súkúrukiri?

<sup>21</sup> Wayee buwaa bíinoo, baa wo' an:

- Baa taam na Seytaani wo'oo wo'eencii cii de! Ee sah, Seytaani mína ki'on búumi' kihot?

### *Yaawúu'caa sagussa kigém Yéesu*

<sup>22</sup> Hídukoh ga jamaanu fiyon, laakka feet ga Yéerúsaleem waa yaawúu'caa feeti kiníindísuk besaa ba díñkaanee Kooh Kaanfaagarida\*. <sup>23</sup> Yéesu enee ga Kaanfaa Kooh, ya yaa tíidísuk ga dekataa wo'u «Ruumaa Salomonda†.» <sup>24</sup> Yaawúu'caa dalla kihayu, wiilussari, ba wo"ari an:

- Fu iisandíi ga kúmpafii bi kera? En an fu yérí en Kiristaaniinaa, wo'aaríka bi lee' lañ.

<sup>25</sup> Yéesu taassaba an:

- Iñaa mi wo'eerúuka kera? Wayee d'ú gémmbiiroo. Iñcii mi tumi ga teekii Paammboofa cérí seedi"oo. <sup>26</sup> Wayee d'ú gémmbiiroo ndaga d'ú bokkii ga baalcigoo.

<sup>27</sup> Baalcigoo súkúruksin iñaa mi wo'da. Mi ínohinba ee ba bii taabukkoo.

<sup>28</sup> Mi onba kipeskaa leehoo taa'da, ba sañku'oo múk ee ken te'oofa ga yahhoo.

<sup>29</sup> Iñii Paammboo e'tooda yérí wëñ kiyak iñaa en béeþ ee ken mínoo kite' dara ga yah Paamudii‡. <sup>30</sup> Mi na Paamudii, dí wiinoo.

<sup>31</sup> Daama nak, yaawúu'caa balawissa atoh kitapisoh Yéesu bi ya kaan. <sup>32</sup> Yéesu dallaba kiwo' an:

- Mi tumin ga fíkírúu enaama ciyewin cijóff', caa Paamudii onndoo kitum. Wiida ga tumeencaama tah bi d'ú waa'too kitapisoh atoh bi mi kaan?

<sup>33</sup> Yaawúu'caa wo"ari an:

- Tumeen wijóff' tähhii bi dí waa'taa kitapisoh atoh, wayee dii fu bas Koohda tah. Ndaga fu bo' doj ee fu waa' haffu kitík Kooh.

<sup>34</sup> Yéesu taassaba an:

- Bíduunun ga Kéyítfaa waasiigarúu an Kooh wo'in an: «Dú bikooh». <sup>35</sup> Buwaa Kooh éewdoh wo'eñaama gabada ya teekba bikooh ee iñaa Kéyítfaa wo'da ken mínoori kinís. <sup>36</sup> Mi, Kooh yérí tanukkoo, wossaloo éldúna. Kon d'ú mína kiwo' an mi basin Kooh ga dii mi wo' an mi kowu Koohda? <sup>37</sup> En lak mi tummbii iñcii Paammboo nakkoodsanaa, kaa gëmattoo. <sup>38</sup> Wayee en lak mi tumcanaa, luu enee an d'ú waa'tiiroo kigém sah, gëmat tumeenciigoo, en d'anaa d'ú ínoh píñ an Paamudii yii garoo ee mi yii ga Paamudii.

<sup>39</sup> Daama, ba baa heelis ki'am Yéesu, wayee ya rëccaba.

<sup>40</sup> Waa ennda ña, Yéesu karissa bakaa hanoh húlúwaa Yúrden gaada, ga daa Sanj bëtisi'ohee buwaada, ya ennda daama. <sup>41</sup> Bo' biyewin hayussa gari ee ba baa wo' an:

\* <sup>10:22</sup> 10: 22 Kaanfaa Kooh ga Yéerúsaleemda. † <sup>10:23</sup> 10: 23 Malkat Tumeen 3: 11 na Tumeen 5: 12. Iñaa man na werandaa ee jíp ciyégísi' cérí amwa. ‡ <sup>10:29</sup> 10: 29 Iñii Paammboo... iñaa en béeþ laakin ga bíncaa cidewaacaa, caa wo' an: «Paammboo yii e'toobada yérí wëñ kilaak baa en béeþ.»

- San déy tummbii kíntaan wíinoo, wayee béeþ iñaa ya wo'ee ga bii yiida enee kayoh.

<sup>42</sup> Waa ennda da bo' biyewin daama gémussa ga Yéesu.

## 11

### *Lasaa', filii Yéesu kaannda*

<sup>1</sup> Laakka baa keen dúukool. Ya teeksee Lasaa' ee dëkee Bétaníi, dëk-kawaa Mérí na Marta dëkohda. <sup>2</sup> (Mérí yiima yéri en yaa leefee la'koleñaa ga kotcaa Ha'mudii, ya moossaca na fenfaagarifa. Kéméenkíba Lasaa' yéri dúukoollee.) <sup>3</sup> Yaakmuncaa Lasaa banakbaa bïbetibaa wosohussa ga Yéesu kiwo"i an:

- Ha'mudii, filii fu dúukoolin.

<sup>4</sup> Daa Yéesu kelohee iñaama, ya wo"a an:

- Dúukoolaa Lasaa' waama, bayoo kumuunci, wayee wa yah kiteewoh ndamii Kooh, ee doonaa Kowukii Kooh laak Ndam ga.

<sup>5</sup> Marta na kéméenkíci Mérí na Lasaa' ensee suwaa Yéesu waarin. <sup>6</sup> Yéesu baatta kiyun bes kanak ga dëkataa ya enoheeda ee lak ya yéegin an Lasaa' dúukoolin.

<sup>7</sup> Léehí'ta ya wo'a télibéecaagari an:

- Du boyukat Yúudée.

<sup>8</sup> Télibéecaagari taassari an:

- Jégírohii, maañnjii dara, yaawúu'caa heelseeraa kitapisoh na atoh bi fu kaan ee an fu waa' kiboyukis daama!

<sup>9</sup> Yéesu wo"aba an:

- Hanaa noh-noh wiinoo tumirii wahtu cidaankaah na wahtu kanak? Binaa bo' tíin na nohaa, ya këftukoo, ndaga ya hoti lee'laatii ga ēldúnaada. <sup>10</sup> Wayee binaa bo' tíin na wekaa, hay kikëftuk ndaga ya taammbii na lee'laat.

<sup>11</sup> Léehí'ta, ya tikkga ga an:

- Fiiliiruu Lasaa' neehin, mi hay kika', mi yúunneeri.

<sup>12</sup> Télibéecaa taassa an:

- Ha'mudii, en lak ya neeh hennaa, ya hay kitani.

<sup>13</sup> Yéesu wo'ee kikaankaa Lasaa', wayee télibéecaagari foojsee an ya wo' péní-fayaan.

<sup>14</sup> Yéesu dallaba kiwo' fanj an:

- Lasaa' kaanin, <sup>15</sup> laakkiiroo da, wayee dú tah ka newohharoo da, en d'anaa dú gém garoo. Du yahat kon bi gari.

<sup>16</sup> Waa ennda da, Toomaa yaa wo'u Síisaada, wo'a télibéecaa bíinoo an:

- Du ban, d'u karat na Jégírohii, d'u kaannee nari!

### *Yéesu yéri en kimílkii, ennda kipeskii*

<sup>17</sup> Ga waa Yéesu le'da, ya laak Lasaa' acuunun bi laakin bes cinikiis. <sup>18</sup> Bétaníi en ga yahaa Yéerúsaleem, ee ca úsaayohin iñaa le' kíloomeet kaahay. <sup>19</sup> Lak yaawúu' biyewin hayunun ga Marta na Mérí kicolukba ga kéméenkíba yaa kaanda.

<sup>20</sup> Daa Marta kelohee an Yéesu hayin, ya meyca kitéebílukki, wayee Mérí yuñnga ga kaanfaa.

<sup>21</sup> Marta dalla kiwo' Yéesu an:

- Ha'mudii, fu enee diinaa, eneenaa kéméenkíroo kaanoo. <sup>22</sup> Wayee bi diima sah, mi ínohin an tóoh iñaa fu kíim Koohaa, onndaari.

<sup>23</sup> Yéesu wo'a Marta an:

- Kéméenkífu hay kimílis.

<sup>24</sup> Marta taassa an:

- Mi ínohin an ya hay kimílis besaa suwaa mílísan béríi ga besaa méeñjohda.

<sup>25</sup> Yéesu wo'ari an:

- Mi en kimilís, mi en kipes. Baa gëm garoona, luu ya kaanee, ya hay kipes. <sup>26</sup> Ee baa pes gëm garoo tóoh, kaanoo mûk. Fu gëmin iñume?

<sup>27</sup> Marta taassa an:

- Ee Ha'mudii, mi gëmin dijofí' an fu yérí en Kiristaanii, Kowukii Kooh, yii jomee kihay éldúnada.

### *Yéesu kodukka*

<sup>28</sup> Daa Marta lëehdee kiwo' fodaama, ya yaa yah kibaynee Mérí këmëenjkíci. Ya le''a, móodí'tari an:

- Jégirohii yii dii, ee ya meekisohhaa.

<sup>29</sup> Daa Mérí kelohee iñaama, ya dalla kikoluk, yaa yah ga Yéesu. <sup>30</sup> Wiima lak Yéesu aassii dëkaa duum, wayee ya lísee kites ga dëkataa Marta hayeeri kitëebilukda.

<sup>31</sup> Yaawúu'caa wéetalsee Mérí ga kaanfaada, daa ba hotee Mérí kolukka, yaa íisuk fooh, ba baa taabukki. Ba foogee an ya yah loyaa kidayuknee daama.

<sup>32</sup> Daa Mérí le'ee dëkataa Yéesu enoheedä, ya hottari, ya yi''a ga kotcaagari, wo''a Yéesu an:

- Ha'mudii, fu enee diinaa eneenaa këmëenjkíroo kaanoo.

<sup>33</sup> Daa Yéesu hotee Mérí yaa koduk, ya na yaawúu'caa taabee narida, faanci púnnda keeñci leehha, <sup>34</sup> ya meekissaba an:

- Dú ac Lasaa' gacsa?

Ba taassari an:

- Ha'mudii, haya fu hot.

<sup>35</sup> Daama Yéesu kodukka. <sup>36</sup> Waa ennda ða, yaawúu'caa baa wo' an:

- Malkat dii ya hídeeri kiwaa'ða.

<sup>37</sup> Wayee laakka gaba baa wo' an:

- Ya yii ya onee búumíraa kihotða, ya míneeríi þan kitum bi Lasaa' kaanoone?

### *Lasaa' boykissa ga kipes*

<sup>38</sup> Waa ennda ða, baatissa ga, keeñaa Yéesu wëñnja kileeh, ya yaa yah loyaa. Loyaa enee nogaa yotu ga janjagaa ee atoh wiyaak lagussa ga kúuwkaa.

<sup>39</sup> Yéesu wo''a an:

- Nísat atohii!

Marta, yaak yii kaanda, wo''ari an:

- Ha'mudii, ya jomin kidal ki'ot ndaga tumin bes cinikiis caa ya en ga dñuuy loyii.

<sup>40</sup> Yéesu taassari an:

- Mi wo'éeríraa an binaa fu gëmaa, fu hay kihot ndamii Koohe?

<sup>41</sup> Ba níssa atohaa. Yéesu bëwí'ta hascaagari dñook asamaan, wo''a an:

- Paamudii, mi gérëminndaa ga dii fu súkúrukinndooda. <sup>42</sup> Mi ínohin an fu súkúrukinndoo besaa en béeþ. Wayee þuwii wílloo þii bëri tah mi wo' iñii yii, doonaa ba gëm an fu wossoo.

<sup>43</sup> Daa Yéesu lëehdee kiwo' iñaama, ya fiippa koonaa ga dñook an:

- Lasaa', meyaa fooh!

<sup>44</sup> Lasaa' meyca fooh, kotcaagari na yahcaa müuluunun na lëmíi, fíkíifaa kúnukin na úuf.

Yéesu wo''a þuwaa an:

- Múulíssatti, dú iñissi ya yee!

### *Yaawúu'caa baa pokoh noh ki'apluk Yéesu*

(Mëccëe 26: 1-5; Marka 14: 1-2; Lúkkaa 22: 1-2)

<sup>45</sup> Yaawúu' biyewin ga baa hayee kaan Mérí ee hotsee iñaa Yéesu tumee yaamada\*, gëmussa gari. <sup>46</sup> Wayee laakka gaba baa ka' ga Fërisiyeerjcaa, bëestí'taba iñaa Yéesu

\* 11:45 11: 45 Iñaa Yéesu tumee yaama: hídukoh ga kaanaa Lasaa' bi Yéesu mílís'i'tarida.

tumeeda. <sup>47</sup> Waa ennda da, sarahohcaa biyaakbaa na Férísiyeencaa dalla kiféytoh paanaa wiyaakwaa. Ba wo'a an:

- Bii yii kat, iñii ya tum ga kíntaanda hëpin. Du tuman na? <sup>48</sup> Binaa du íissi ga iñii ya enukohdanaa, béeb hay gari kigëm, ee baanaa bu-Room hay kikeenu ga dfookkuu, ba pook Kaanfaa Kooh, ba tas heetiigaruu!

<sup>49</sup> Kayíf, yiinoo gaba ee kíiscit<sup>†</sup> laakki lak yëri enee ha'-kaadaa sarahohcaa, dalla kiwo' an:

- Dú daal, dú ínohoo iñii laakda. <sup>50</sup> Dú hottii an iñaa gën garúuda yëri en bo' yiinoo kani' béeb kúlkiine? Fodaama heetii dúboo béebwaa.

<sup>51</sup> En ki'enaa, iñaa Kayíf wo' yaama meyohéeríi gari. Ya yëri enee ha'-kaadaa sarahohcaa kíisci, ee fodii sëldíiga-Kooh ya wo'a an Yéesu jomin kikaan ndaga heetaagari. <sup>52</sup> Enndii an Yéesu jomee kikaani' heetaagari don, wayee ban ya jomee kikaan, doonaa ya hídíroh béeb towutii Kooh tarasukoh ga èldúnada, ee ba en heet wiinoo.

<sup>53</sup> Aboh ga besaa béríi, buwaa kuliuyuk ga yaawúu'caadfa abussa an ba hay ki'apluk Yéesu. <sup>54</sup> Iñaama tahha Yéesu iissa kikari na kihayi ga dñuy yaawúu'caa, béeb hotiri. Ya namma kika' teeraa Efarayím ga gohah hanoh bak ègí'-dündagaada. Ya ennda daama na télíbécagari.

<sup>55</sup> Waama lak feetaa Paakaa Yaawúu'caa deeyin, bo' biyewin meyohussa gohcaa ba dëkohda, karussa Yéerúsaleem kisétí'siruk, balaa feetaanaa. <sup>56</sup> Ba baa raas Yéesu, ee ga dñuy Kaanfaa Kooh ba enoheeda, ba baa meekisoh ga díkaantiba an:

- Dú ínoh ya ga? Ya hayanndii feetiine?

<sup>57</sup> Sarahohcaa biyaakbaa na Férísiyeencaa nakohsee an laak baa ínoh daa Yéesu enohdanaa, ya le'dohatka gaba, en danaa, ya abu.

## 12

### *Mérí leeffa la'koleñ ga kotcaa Yéesu*

<sup>1</sup> Yéesu ka'ta Bétaníi, ga daa Lasaa', yaa ya mélísdee dëkohda, lak tes ga bes ciyitniinoo Paakaa yaawúu'caa le'. <sup>2</sup> Ya tíkdfussa cuuniín daama. Marta yëri norohee ee Lasaa' bokee ga buwaa bok na Yéesu kanufa. <sup>3</sup> Waa ennda da, Mérí bebpa iñaa hín na le'-líita' ga la'koleñ wiséeri' waa koocussii ee hëwrohu kedikkaa wo'u naa'. Ya iiffawa ga kotcaa Yéesu, lëehí'ta ya yaa moosca na fenfaagari. Kaanfaa béeb eeñja ban na ngetaa la'koleñaa. <sup>4</sup> Wayee Yúdaa Iskariyot, yiinoo ga télíbécagari Yéesu ee yëri naranndi ki'on bíijda, wo'a an:

<sup>5</sup> - La'koleñuma míneerí kitoonu kopa' wiyewin, wa sarahohu buwii laakoodane?

<sup>6</sup> Yúdaa wo' iñaamanaa enndii an helci karee ga buwaa laakoodfa, wayee ya enee lok. Yëri daakee nafa-hëelísaagaba ee iñaa aasi gada, ya daanee ga kiloki hen.

<sup>7</sup> Yéesu nak wo'a an:

- Íisaa ha'ci! La'koleñii wii wëri ya dëwí' ee wa aaw besaa mi yah ki'eku ga loyaada.

<sup>8</sup> Buwii laakoodfa, ba yah narúu dii besaa en béeb. Wayee mi, mi yahhii narúu ki'en dii bi taa'.

### *Yaawúu'caa pokohussa nof ki'apluk Lasaa'*

<sup>9</sup> Bo' biyewin ga yaawúu'caa yéegussa an Yéesu yaa ga Bétaníi, ba baa yah daama. Ee en ki'enaa kihot Yéesu rek bayéeríiba daama, wayee ba waaree kihot ban Lasaa' yaa Yéesu mélísdeeda. <sup>10</sup> Sarahohcaa biyaakbaa júwohussa kon ga ki'apluk Lasaa' ban, <sup>11</sup> ndaga ya yëri tah yaawúu' biyewin foñussaba, gëmussa ga Yéesu.

<sup>†</sup> **11:49** 11: 49 Kayíf Ga jamaanaa iñcaama heweenda, Kayíf yëri enee ha'-kaadaa sarahohcaa. Ba falsi bi ga kikaanba wala book bu-Room nísba ga kikuliyuk.

*Yéesu aassa teeraa Yéerúsaleem na ndam wiyaak*

(Mëccëe 21: 1-11; Marka 11: 1-11; Lúkkaa 19: 28-40)

<sup>12</sup> Ga kooh-wiisfaa, bo' biyewin ga baa hay feetaa Paakða yéegussa an Yéesu yaa hay teeraa Yéerúsaleem. <sup>13</sup> Ba dalla kiheel soo'soo', ba meyca teeraa kihídohnee nari, ba baa wo' didóolí' an:

- Óosaanaa! Kooh barkeelat bii hay ga teekii Ha'mudiifa, buurii Isarayeel!

<sup>14</sup> Fodaa daa bídu ga Kéyítfaada, Yéesu þebpa cúmbú'-baam, ya lappa ga dookgaa. En ki'enaa, Kéyítfaa wo' an:

<sup>15</sup> «Kaa tíitat dú, þu-Síyon<sup>†</sup>,  
Buuriigarúu yeema hayi,  
ya lap cúmbú'-baam.»<sup>‡</sup>

<sup>16</sup> Ga wahtaa iñcaaama laakða, téeleibéecaa Yéesu ínohséeríi iñaa ca waaree kiwo'da. Wayee ga waa Kooh e' Yéesu ndam ga tóohða, ba níindísukka iñcaa aaw gari, bínsee ga Kéyítfaa ee ba ínohha an iñcaaama tóoh laakin gari. <sup>17</sup> Béeb buwaa maasohee ga waa Yéesu wo' Lasaa' kimey loyaa, ya milísi'tarida, seedi'ussa iñaa ba hoteeda. <sup>18</sup> En ki'enaa, lak bo' biyewin kelohunun an Yéesu tumin kíntaanaa waama, kéri tah ba hayya kihídohnee nari. <sup>19</sup> Férísiyeencaa nak baa wo' ga díkaantiba an:

- Dú hotine, dú mínoo dara ga, malkat þéeb þuwii bii taabukki.

*Laakka Gerekcaa waa'see kihot Yéesu*

(Mëccëe 16: 21-28)

<sup>20</sup> Laakeera biGerek ga buwaa hayee Yéerúsaleem, ga feetaa yaawúu'caa, kijaamuk Koohða. <sup>21</sup> Ba ka'ta ga Filipp. Filipp yaama dëkee Betsaydaa, dëk-kaw ga gohaa Gélilée. Ba wo'"ari an:

- Kiyaakii, dí waaree kihot Yéesu!

<sup>22</sup> Filipp ka'ta wo'neeraka Andari. Ba taammba ba banak, ba wo'neera Yéesu.

<sup>23</sup> Yéesu wo'"aba an:

- Wahtii le'in, wii Kowukii bii yah kilaas ga ndamiigarida. <sup>24</sup> kayoh-kayohða mi wo'"úuka: binaa kuplesoh keen ga kakay, ja kaanndiinää, ja tesan kuplesoh. Wayee binaa ja kaanaa, ja hay kilím towu tiyewin. <sup>25</sup> Baa fu keeñuk kipesfunaa, fu hayka kiñak bi taa'. Wayee baa fu líkkii helfu ga kipeskiigaraa doj ga éldúnadanaa, fu hay naka kites, fu pes bi taa'. <sup>26</sup> Baa waa'too kisúrga'ukaa, ya taabukattoo, ee daa mi enohða, súrgaagoo þan yah da. Baa súrga'uk garoonaa Paammboo hayyi ki'on cée'.

*Yéesu wo'"a ga loo kikaankaagari*

(Mëccëe 16: 24-27)

Yéesu tikkga an:

<sup>27</sup> - Diima deñ heliigoo hícukohin. Haa mi wo'an ya? Mi wo'an an: «Paamudii, músalalaroo ga coonucii yahhoo kidal ga wahtiimane?» Múk! Man kikoo' ga coonucii ga wahtiimada tahhoo kihay. <sup>28</sup> Paamudii, eraa teekiigaraa ndam!

Waa ennda ðfa, laakka koonaakaa meyoh dlook-Kooh, wo'"a an:

- Mi erinwa ndam kuméeñí' ee mi haywa ki'e'sis ndam.

<sup>29</sup> Ga mbooloomaa enee daama ee kelohsee koonaakaada, laakka þuwaa wo' an:

- Iñaa íníj!

Bíinoo an:

- Malaaka wo' nari!

<sup>30</sup> Wayee Yéesu wo'"aba an:

- Enndii haffoo tah koonaakuma kikelohuk, wayee dú þerí tahka kikelohuk.

\* <sup>12:15</sup> 12: 15 Bu-Síyon Teeraa Síyon ee waa' kiwo' dëkaa Yéerúsaleem. † <sup>12:15</sup> 12: 15 Sakarí 9: 9.

<sup>31</sup> Diiama den wahtii ēldúna yah ki'atti'ohuda le'in. Diiamaa buurii yibóní'yii tík yah ga ēldúnada kaalu ga fooh. <sup>32</sup> Ee mi, binaa mi bëwíru, mi tíim kakayfiinaa, mi hay kinook buwii bëebba, ba hay garoo.

<sup>33</sup> Yéesu wo'ee iñaama, kiteewoh daa kikaankaagari yah kimanda<sup>†</sup>. <sup>34</sup> Mbooloomaa taassari an:

- Dí jaŋ ga Kéyítfaa Waasiigaríi an Kiristaanii pesan bi taa'. Kon fu mína na kiwo' an Kowukii bii jomin kibëwíru ka tíim kakayfii? Bii en Kowukii bii yaama, ya ba?

<sup>35</sup> Yéesu wo"aba an:

- Lee'laatii wii lís ki'en narúu, wayee yahissii kimaan. Tíidat, waa lee'laatii wii narúu, en danaa wek betoorúu, ñúus ammbúu. Baa tíin ga ñúus ínohoo daa ya aawoh. <sup>36</sup> Gëmat ga lee'laatii waa wa wii narúu, en danaa dú en bibo' lee'laat.

Daa Yéesu wo'eeba iñaama bi lëehí'ta, ya kolukka yaa yah, ya dsaakukkaba.

### *Yaawúu'caa sagussa kigëm ga Yéesu*

<sup>37</sup> Kíntaancaa Yéesu tum ga fikíi yaawúu'caada, ga daa ca hín kiyewinda tóoh, tähhi bi ba gëmmba gari. <sup>38</sup> Fodaama, iñaa Ísayíi, sëldíiga-Kooħħaa wo'eeda matta. Ya wo'ee an:

«Ha'mudii, bii gëm iñii du yéegalohda ba?

Ha'mudii teeb ba dooliigari?»‡

<sup>39</sup> Ee iñaa tah ba míndii kigëmda, Ísayíi wo'issa ga an:

<sup>40</sup> «Kooħ búumí'ta hascaagaba,  
ya yëgísi'ta keeñcaagaba,  
doonaa ba hotoo na hasba,  
ee ba ínohoo ga keeñba.»

Kooħ tikka ga an:

En danaa, ba súpít oo kipeskaagaba, mi wëkí'ba.

<sup>41</sup> Ísayíi wo"aa iñaama ndaga lak ya hotin ndamaa Yéesu, ee ya wo'ee iñaa aaw garī.

<sup>42</sup> Wiima sah, lak ga buwaa kuliuk ga yaawúu'caada, biyewin gaba gëmseera ga Yéesu. Wayee ba kaañjii kiseedi' ngëmaagaba ndaga Férísiyeencaa. Ba niikee kikaalu ga jaangu-yaawúuraa <sup>43</sup> En ki'ena, gérëmaa meyoh ga bo'-súusús gënélba gérëmaa meyoh ga Kooħ.

### *Wo'eencii Yéesu cérí yah ki'atti' buwii*

<sup>44</sup> Waa ennda da, Yéesu wo"aa ga dook an:

- Baa gëm garoonaa, ya gëmmbii, eemmba garoo don, wayee ya gëm ga baa wossooda. <sup>45</sup> Baa hottoonaa, hotin baa wossooda. <sup>46</sup> Mi en lee'laat ee mi hayin ēldúna doonaa bëeb baa gëm garoonaa dëksisoo ga ñúus. <sup>47</sup> Baa keloh wo'eenciigoo ee ya ammbiicanaa, enndii mi yahhi ki'atti'. En ki'ena, ki'atti' ēldúna haydohhiroo, wayee mi hay kimúsal ēldúna. <sup>48</sup> Baa sajngoo ee tookkii wo'eenciigoonaa, atti'ohaagari tuukin tek. Yérí en wo'eenii mi jégírohda, ee bëriinaa ēldúna túki'anda wérí yahhi ki'atti'. <sup>49</sup> Ndaga mi wo"ii ga teekkoo wayee Paamudii wossooda yérí nakkoo ga kihafci iñii mi jom kiwo' na iñii mi jom kijégírohda. <sup>50</sup> Ee wóorinndoo hél an iñii ya nakohda wérí onohi kipeskaa leehoo taa'da. Kérí tah jégírohiigoo, mi tumwa fodaa daa Paamudii nakkooka kitumda.

## 13

### *Yéesu tíssa kotcaa tēelibéecaagari*

† 12:33 12: 33 Daa kikaankaa Yéesu yah kimanda waa' kiteewoh daaya ya daaysan ga kuraanaada. ‡ 12:38  
12: 38 Wo'eeniima, sëldíiga-Kooħħaa wo'wa ga Ísayíi 53: 1.

<sup>1</sup> Enee ga besaa balaa Paakaa yaawúu'caa. Yéesu ínoheera an wahtaa ya jom kikolkoh éldúna, ya boyuk ga Paamcida le'in. Ya mosee kiwaa' buunci ga éldúna ee ya waa'taba bi ga daa ya kaanoh.

<sup>2</sup> Yéesu enee na kicuuníinuk na télíbécagari. Seytaani, lakanaa tumin kuméeñí' ga keeñaa Yúdaa Iskariyot, kowukaa Simon, halaat kitoon Yéesu. <sup>3</sup> Yéesu ínoheera an ya meyoh ga Kooh ee ya yah kiboyukis gari. Ee ban ya ínoheera an Kooh, Paamudii tíkin tóoh ga yahci. <sup>4</sup> Fodaama ya kolukka ga cuuníinfaa, ya dolla kúltífaagari hanoh dlookdá, ya bëbpa úuf, pëkírukka. <sup>5</sup> Léehí'ta ya íffa múusú ga kanu, ya yaa tís kotcaa télíbécagari, ee ya yaa moosca na úufaa ya pëkírukeeda.

<sup>6</sup> Daa ya le' bi ga Simon-Pee', yaama wo"ari an:

- Fu Ha'mudii, fu tísitoo kotciigoone?

<sup>7</sup> Yéesu loffari an:

- Iñii mi tum yii, fu ínohoori diimada, wayee fu ínohanndi ga iñii aaw fíkiida.

<sup>8</sup> Pee' wo"ari an:

- Kitísi'too kotciigoone? Múk!

Yéesu loffari an:

- Mi tísitiiiraacanaa, fu boksisoo naroo ga dara.

<sup>9</sup> Simon-Pee' wo"ari an:

- En danaa Ha'mudii, kaa eem ga kitís kotcii rek, wayee tísaa yahcii na hafii ban.

<sup>10</sup> Yéesu wo"ari an:

- Baa bookkin, soolukkii kitísuk, enndii kotcaa rekaa, ndaga lak ya setin wic. Dú nak, dú setin wayee enndii béebpúu. <sup>11</sup> (Yéesu ínoheera baa yahhi kitoonda, kéri tah ya wo'a an «dú setin wayee enndii béebpúu.»)

<sup>12</sup> Ga waa ya léehí'taba kitísi' kotcaada, ya ekkissa kúltífaagari, ya yugissa kiñam, wo"aba an:

- Iñii mi tumi'túuða, dú ínohinndine? <sup>13</sup> Dú, dú bayiroo «Jégírohii», dú bayiroo «Ha'mudii», ee dú wo' kayoh ndaga mi yérí. <sup>14</sup> Kon en lak mi Ha'mudii, mi Jégírohii, mi tísitúu kota, dú ga kihaffúu, yaa en béeþ ban jomin mooroomci kitísi' kot.

<sup>15</sup> Mi teewinndúu waas, doonaa fodii dii mi tumi'túuða dú tumda ban.

<sup>16</sup> Kayoh-kayohda mi wo"úuka: súrga wëñoo kilaak solu ha'-kaanci ee baa wosu hen wëñoo kilaak solu baa wossida. <sup>17</sup> Dú ínohin iñaama. Kon binaa dú taabukkanaa, dú hay kiyewin múu'.

<sup>18</sup> Yéesu wo'a télíbécagari an:

- Enndii dú béebpúu, dú tähhoo kiwo'. Mi ínohin buwaa mi tanukda. Wayee iñii Kéyítfaa wo' yii jomin kilaak: «Baa bokee naroo kanuda, oninndoo bíñ.»<sup>19</sup> Mi yii wo"úuka diimada balaa iñaama laakaa, en danaa binaa wa laakaa dú ínoh an "mi en bii mi enda." <sup>20</sup> Kayoh-kayohda mi wo"úuka: baa fu took baa mi wosdanaa, fu tookkoo ban mi ga kihaffoo. Ee baa fu tookkoona, fu took baa wossooda ban.

<sup>21</sup> Ga waa Yéesu léehí'ta kiwo' fodaama, keeñci leehha tak, ya wo'a fañ an:

- Kayoh-kayohda mi wo"úuka: yíinoo garúu hayyoo kitoon.

<sup>22</sup> Télíbécagaa baa malakoh, ndaga ba ínohéeríi baa Yéesu wo' narida. <sup>23</sup> Yíinoo ga télíbécagaa, yaa Yéesu keeñukda, lak yaa ga yahaaci. <sup>24</sup> Simon-Pee' kalayyari kiwo'i, ya meekisoh baa Yéesu wo' narida. <sup>25</sup> Télíbécagaa tobinkukka ga Yéesu, meekissari an:

- Ha'mudii, baa ya ba?

<sup>26</sup> Yéesu taassari an:

- Mi hay kiñoon yaak-mbúurú ga ñamahii, ee baa mi eranwada, yérí ya.

Yéesu dalla kibeb yaak-mbúuraa, ñoonndawa ga ñamahaa, e'ta Yúdaa, kowukaa Simon Iskariyot. <sup>27</sup> Daa Yúdaa ñam mbúuraa hen rek, Seytaani aassa gari. Yéesu wo"ari an:

<sup>13:18</sup> 13: 18 Kañcaa 41: 10.

- Iñum fu yah kitumda, gaawaa ga!

<sup>28</sup> (Wayee laakkii yiinoo ga buwaa bokee nari kiñamda yaa ínoh iñaa tah Yéesu wo"ikada. <sup>29</sup> Yúdaa yérí enee daakoh-koparaagaba. Kéri tah, laakka télibéecaa foon an Yéesu wossi kilomnee iñaa ba sooluk ga hewaa, wala kisarahnee buwaa laakoo darada.) <sup>30</sup> Yúdaa beþpa yaak-mbúuraa Yéesu ereerida, ya dalla kimey. Waama lak Kooh hoowin.

### *Yéesu dígalla apotaa'caa enaama yi'as*

<sup>31</sup> Ga waa Yúdaa meyca, Yéesu wo"a an:

- Diima Kowukii bii laakin ndam ee ndamii Kooh laakda kooroh gari, <sup>32</sup> [ee binaa ndamaa Kooh laakda kooroh garinaal], Kooh ban hayyi kindam na kihafci ee ya hayka kitum diima diima. <sup>33</sup> Biyaay, kitessoo narúu maañissii. Dú hayyoo kiraas, wayee iñaa mi wo'ee yaawúu'caada yérí mi wo"úu diima: Dii mi aawda, dú mínoo da kika'. <sup>34</sup> Diimada, mi dígallúu iñii yi'asyii yii: waarohat ga díkaantirúu. Fodii dii mi waa'túuda, dú ban, dú jom da kiwaaroh ga díkaantirúu. <sup>35</sup> Binaa dú waarohaa, iñaama hay kiteeb béeb an dú bitélibéeroo.

### *Yéesu yéegalohha an Pee' hayyi kitaasuk*

(Lúkkaa 22: 31-34; Marka 14: 27-31; Mëccëe 26: 31-35)

<sup>36</sup> Simon-Pee' meekissa Yéesu an:

- Ha'mudii, fu yah gada?

Yéesu taassari an:

- Daa mi en na kiyahda, fu mínooroo da kitaabuk diimada, wayee paaf fíkii, fu hayyoo da kitaabuk.

<sup>37</sup> Simon-Pee' wo"ari an:

- Ha'mudii, iñii tah ya mi mínooraa kitaabuk diimada? Mi tuukin tek ga ki'eroh kumuunkiigoo ndaga fu.

<sup>38</sup> Yéesu taassari an:

- Fu tuukin ga ki'eroh kumuunkiigaraa ndaga mine? Kayoh-kayohda mi wo"aka: bi siik-pabu kodaa, fu hayyoo kitaasuk waas kaahay.

## 14

### *Yéesu yérí en waasii ëewruk ga Paamudiida*

Yéesu wo"a télibéecaagari an:

<sup>1</sup> Kaa jaahli'at! Dú gëmin ga Kooh, gëmat garoo ban. <sup>2</sup> Kaan Paammboo yewinin didékaa'. Ee iñaama laakéerínaa, eneenaa mi wo'oorúu an mi yii yahhúu kiwaayukdinee daa dú enan. <sup>3</sup> Ee mi ka' mi waayuki'túu dëkataanaa, mi hay kihayis mi beþpúu ga yahaaroo, doonaa daa mi enaa, dú ban dú en da. <sup>4</sup> Dú ínohin waasii ëewruk ga dii mi yahda.

<sup>5</sup> Toomaa wo"ari an:

Ha'mudii, dí ínohoo dii fu aawda, dí mínan na ki'ínoh waasii?

<sup>6</sup> Yéesu taassari an:

- Mi yérí en waasii, mi en kayoh, mi en kipeskii. Ken mínoo kika' ga Paamudii ee koorohhhii garoo. <sup>7</sup> Enee an dú ínohinndoonaa, eneenaa dú ínohin Paammboo ban. Diima deñ dú ínohinndi ee dú hotinndi.

<sup>8</sup> Filiip wo"a Yéesu an:

- Ha'mudii, teewaaríi Paamudii ee iñaama hayyi kidoooy.

<sup>9</sup> Yéesu taassari an:

- Mi enin narúu yiméeñi', ee bi watí Filiip, fu ínohooroone? Baa hotinndoona, hotin Paamudii. Kon iñii tah ya fu wo' an: «Teewaaríi Paamudii?» <sup>10</sup> Fu gëmmbii an mi yii ga Paamudii ee Paamudii yii garoone? Wo'eencii mi wo"úuda meyohhii garoo. Wayee Paamudii dëk garooda, yérí tum légëyiigari. <sup>11</sup> Mi wo"úu man: mi

yii ga Paamudii ee Paamudii yii garoona, gëmattoo. Luu enndii dara, dû gëm sah ndaga tumeencii dû hotda.

<sup>12</sup> Kayoh-kayohda mi wo"úuka, baa gëm garoona, ya ban hay kimín kitum iñcii mi tumida, ya hay kitum sah caa wëñda, ndaga mi yii yah ga Paamudii. <sup>13</sup> Ee béeb iñaa dû kíim ga teekiigoonaa mi hayyi kitum, en danaa Kowukii teewoh ndamii Paamudii laakda. <sup>14</sup> Binaa dû kíimboo yen ga teekkoonaa, mi tummbi.

### *Yéesu dígoohha Helaa yisela'íyaa*

Yéesu wo"a télibéecaagari an:

<sup>15</sup> - Binaa dû waa'toonaa, dû hay kitaabuk iñcii mi nakoh kitumda. <sup>16</sup> Ee mi, mi hay kikíim Paamudii ya onndúu bo' yiliis yaa amsohanndúu, yaa enan narúu bi taa'.

<sup>17</sup> Baa yaama, yérí en Helaa yisela'íyaa teewohi kayohda. Bu-ëldúna mínsori kite', ndaga ba mínoori kihot, ee ba ínohoori. Wayee dû, dû ínohinndi, ndaga ya dék narúu ee ya yii garúu bi taa'.

<sup>18</sup> Mi foñanndiirúu fodii tubaayu, mi hay kiboyukis garúu. <sup>19</sup> Tesin ga jutuut bu-ëldúna hotsisanndiiroo, wayee dû, dû hayyoo kihot, ndaga mi yii pes ee dû ban dû hay kipes. <sup>20</sup> Besaama le' béríinaa, dû hay ki'ínoh an mi yii ga Paammboo, dû ínoh an dû bii garoo ee ban mi yii garúu. <sup>21</sup> Baa waarinndo yérí en baa am iñaa mi nakoh ee taabukiwada. Baa waa'toonaa, Paammboo hayyi kiwaa', mi ban, mi hayyi kiwaa', ee mi teewoh haffoo gari.

<sup>22</sup> Yúdaa, ee bokkii na Yúdaa Iskariyot, wo"ari an:

- Ha'mudii, mína ki'en an fu yah kiteewoh haffu garíi dí hañngíi, ee an fu yahhii kiteewukoh haffuu ga bu-ëldúna tóoh?

<sup>23</sup> Yéesu taassari an:

- Binaa bo' waa'toonaa, hay ki'am ga keeñci iñaa mi wo'. Ee Paamnboo hayyi kiwaa', mi na Paammboo dí hay gari ee dí dék ga kaanci. <sup>24</sup> Baa waa'tiiroo, aboo iñaa mi wo'. Ee iñii dû keloh mi wo' yii meyohhii garoo wayee meyoh ga Paamudii wossooda.

<sup>25</sup> Mi wo'inndúu iñuma, waa mi yii lís narúu ki'en. <sup>26</sup> Lëehíraa, baa yahhúu ki'amdoh ee yérí en Helaa yisela'íyaa Paammboo yah kiwoosoh ga teekiigooda hayyúu kijëgi' tóoh ee ya hayyúu kiníindís tóoh iñcaa mi wo'eerúuda. <sup>27</sup> Mi yii foñi'túu jam. Jamiigoo wëri mi onndúu. Mi onndiirúuwa fodii dii bu-ëldúna onohiwada, kaa lëyat ee kaa niikat. <sup>28</sup> Dú kelohin mi wo'inndúu an: «Mi yii yah ee mi hay kiboyukis garúu.» Binaa dû waareeroonaa, dû nebluk ga dii mi en na kiyah ga Paamudiida, ndaga Paamudii yérí wëñnjoo kiyak. <sup>29</sup> Mi wo'inndúuka diimada, balaa iñcaama laakaa. En danaa ca laak béríinaa, dû gëmmboo. <sup>30</sup> Saawalloo narúu hoo'sanndii ndaga sépí'i'-ga-nofii, yii tik yahci ga ëldúnada, yii hay. En ki'ena, ya mínoo dara garoo. <sup>31</sup> Wayee mi tum fodii dii ya nakkoo kitumda. En danaa, bu-ëldúna míni'noh an mi keeñukin Paamudii, Kolkat, dû meyohat dii, dû yee!

## 15

### *Kedik na toytaagari*

Yéesu tikkga ga an:

<sup>1</sup> - Mi yérí en kedik-biiñkii kukayohkii, ee Paammboo yérí en yii líni kedik-biiñkiida.

<sup>2</sup> Koykaa jok garoo, ee límmibii tóoh, ya hayka kigú'. Wayee koykaa lím towaa, ya hayka kipaas bi set doonaa ka wëñ da kilím. <sup>3</sup> Dú nak, dû sétíruunun haat ndaga iñcii mi jëgí'túuda. <sup>4</sup> Enat naroo wiinoo fodii dii mi en narúu wiinooda. Fodaa daa koy kedik, ka jokukkii ga kedikkaa, ka hanja don, ka mínoo kilím towuda, dû ban, dû madan fodaama binaa dû enndii wiinoo naroona.

<sup>5</sup> Mi yérí en kedik-biiñkii, dû bérí en toyti. Baa en wiinoo naroo ee mi en wiinoo narida man na kedikkaa lím towu tiyewin; wayee dû enndii naroona dû mínoo

dara kitum. <sup>6</sup> Baa enndii naroo wíinoonaa, hay kijafu ga fooh fodii toy tiyowuu, ta súb. Léehíraa, ta négírohu, ta jafu ga kiwii, ta aaw kitak. <sup>7</sup> Binaa dú en wíinoo naroo ee wo'eenciigoo yégís ga d'uuycúnnaa, kímat iñaa nebpúu, dú hayyi ki'onu. <sup>8</sup> Iñaa en ndam ga Paammbooda wérí en an dú man na kedikkaa lím towu tiyewin ee iñaama yérí teewohan an dú bitéelibéeroo. <sup>9</sup> Fodaa daa Paammboo waa'toodfa, mi ban mi waa'túufa. Dëkat ga kiwaarohkii mi teebyúudfa. <sup>10</sup> Binaa dú am iñcii mi nakkúudanaa, dú hay kidék ga kiwaarohkii mi teebyúudfa, fodaa daa mi abee iñaa Paammboo nakeeroo ee mi yii dékka ga kiwaarohkii ya teebyoodfa.

<sup>11</sup> Mi wo"úu iñcuma doonaa keeñ-soosii en naroodfa en garúu ee dú líif na keeñ-soos. <sup>12</sup> Iñii yii yérí mi nakkúu: Waarohat ga díkaantirúu fodii dii mi waa'túufa. <sup>13</sup> Laakkii kiwaarohkaa yak bi le' ga ki'onoh kumuunfu ndaga bifiliifu. <sup>14</sup> Dú bifiliiroo binaa dú tum iñii mi nakkúudanaa. <sup>15</sup> Mi baysisoorúu ga teekii súrga, ndaga súrga ínohoo dara ga iñaa ha'-kaanci tumi. Mi bayyúu ga teekii fiili, ndaga mi oninndúu ki'ínoh béeb iñaa mi bewoh ga Paammbooda. <sup>16</sup> Enndii dú bérí tanndoo, wayee mi, mi tanndúu. Mi fallarúu, mi wossarúu dú ka' ee dú tum fodii kedikkaa lími towu, towutaa leehoo. Kérí tahan bi béeb iñaa dú kíim Paamudii ga teekiigoonaa, ya hayyúuri ki'on. <sup>17</sup> Iñii mi nakkúuda yérí en kiwaaroh ga díkaantirúu.

### *Bu-ëldúna hay kisagu buwaa gém ga Yéesuda*

<sup>18</sup> Yéesu tíkka ga an:

- Binaa bu-ëldúna sagussúunaa, ínohat an ba saginndoo balaa dúnaa. <sup>19</sup> Enee an dú bok ga ëldúnanaa, eneenaan ëldúna hayyúu kiwaa' ndaga ya waarin iñaa en yuuci. Wayee dú, dú bokkii ga ëldúna. Mi, mi tanukinndúu ga d'uuuyba. Kérí tah bu-ëldúna sañngúu. <sup>20</sup> Níindísukat iñii mi wo'eerúuda: «Súrga wéñoo kilaak solu ha'-kaanci». En an mi, ba hatalinndoo ga kipesaa, dú ban, ba hayyúu kihatal ga kipes. En an ba abin iñii mi jégírohdanaa, ba hay ki'am iñcaa dú yahba kijégí'da ban. <sup>21</sup> Mi hay kitah, ba tíkkúu iñcuma tóoh ndaga ba ínohoo bii wossooda. <sup>22</sup> Enee an mi hayyii, enee an mi wo"ii nabanaa, eneenaan baakaa' tíkkoo gaba. Wayee diima, baakaa'ciigaba laakoo lay. <sup>23</sup> Baa sañngoona, sagin Paammboo ban. <sup>24</sup> Enee an mi tummbii ga d'uuuyba iñaa ken mosoo kitumaa, eneenaan ba, baakaa' tíkkoo gaba. Wayee diima, ba hotin iñcii mi tumfa, ee ba saginndii, mi na Paammboo. <sup>25</sup> Wayee iñaama laakin ee fodaama iñii yii bídu ga Kéyítfaa Waasaa Móyíisfa matin: «Ba saginndoo ee ba tíkkiika ga fen.»

<sup>26</sup> Mi hayyúu kiwosoh ga teekii Paamudii baa amdohanndúu. Yérí en Helaa teewohi kayoh ee kúlkoh ga Paamudiida. Ya hayaa, ya hay kiseedi' iñaa aaw garoo. <sup>27</sup> Ee dú ban, dú hay ki'en seediroo ndaga dú enee naroo aboh ga dalaaraa.

## 16

<sup>1</sup> Yéesu tíkissa ga an:

- Mi wo'inndúu iñuma doonaa dú foñoo ngémiigarúu. <sup>2</sup> Dú hay kikaalu ga jaanguciigaru\*. Ee sah wahtu waa hay, waa buwaa apanndúuda fooñsan an ba en na kijaamuk Kooh ga iñaama. <sup>3</sup> Iñaama ba hayyi kitum ndaga ba ínohoo ken garíi, enndii mi enndii Paamudii. <sup>4</sup> Mi wo"úu iñuma diima doonaa wahtaama le'a, dú níindísuk an mi wo'eerarúuka.

### *Iñcaa Helaa yisela'i'yaah kitumda*

Yéesu baatta ga wo"a téelibéecaagari an:

- Iñuma mi wo"iirúuri ga wii dú dal naroodfa ndaga lak mi enee narúu. <sup>5</sup> Diimada mi yii yaah ga baa wossooda ee yiñoo garúu meekissiiroo an: «fu yaah gada?». <sup>6</sup> Keeñnjúu leehin tak ndaga iñii mi yéegallúuda. <sup>7</sup> Moona mi wo"úu kayoh: iñaa

\* **16:2** 16: 2 Jaanguciigaru Yéesu wo' jaangu-yaawúu'caa waama.

gën garúu wérí en mi ka'. En ki'enga, mi ka'tiinaa, baa yahhúu ki'amdohda hayoo. Wayee binaa mi karaa nak, mi hayyúuri kiwosoh. <sup>8</sup> Ee binaa ya hayaa, ya hay kibúl bu-ëldúna ga iñaa en baakaa', ga iñaa en kijúb na ga iñaa en ki'atti'kaa Koohda. <sup>9</sup> Ya hayba kibúl ga an ba baa ga baakaa' wiyaak ndaga dii ba gëmmbii garooda. <sup>10</sup> Ya hayba kibúl ga an mi bo' yijúwí' ndaga dii mi yii yah ga Paamudii ee dú hotsisanndiirooda. <sup>11</sup> Ya hayba kibúl ga an Kooh yérí laak ki'atti' ndaga ga dii yii tík yah ga ëldúna atti'uunun kuméeñi'da.

<sup>12</sup> Mi lís kitesoh enaama ciyewin caa mi jommbúu kiwo', wayee dú hatinooca diima. <sup>13</sup> Binaa Helaa teewohi kayohda hayaa, ya hayyúu kiní' ga tóoh iñaa en kayoh. En ki'enga, iñcaa ya yah kiwo'da meyo'hannndii gari, wayee ya wo'anndúu béeb iñcaa ya keloh ga Paamudiida ee ya hayyúu kiyéegal iñcaa yah kilaak ga fíkida. <sup>14</sup> Ya hay kiteewoh ndamii mi laakfa ndaga ya bewan ga iñaa mi laak, ya yéegallúuri. <sup>15</sup> Béeb iñaa Paamudii laak, yuuroo. Kérí tah mi wo"úu an Helaa yisela'i'yaan bewan ga iñaa mi laak, ya yéegallúuri.

### *Keeñcaa télíbécää hay kileeh ee ca hay kiméeñjoh kisoos*

<sup>16</sup> Yéesu wo'issa télíbécäagari an:

- Tesin ga jutuut dú hotsanndiiroo, ee tík ga jutuutaa dú hayyoo kihotis.

<sup>17</sup> Ga télíbécäagari, laakka baa dalu kiwo' ga díkaantiba an:

- Ya waa'tuu ya kiwo' duma an: «Tesin ga jutuut dú hotsisanndiiroo ee tík ga jutuutaa dú hayyoo kihotis?» Ee ban ya wo'in an: «Mi yii yah ga Paamudii.» <sup>18</sup> Ba títissa ga an:

«Jutuutaa ya wo' waama, wa ya? Iñii ya waa' kiwo'da daal bo' ínohoori.»

<sup>19</sup> Yéesu ínohha an ba waa'ti kimeekis, ya wo"aba an:

- Dú bii meekisoh ga díkaantirúu kiwaa' ki'ínoh iñii mi wo' an: «Tesin ga jutuut dú hotsanndiiroo ee tík ga jutuutaa dú hayyoo kihotis.» <sup>20</sup> Kayoh-kayohda mi wo"úuka, dú hay kikoduk, dú fiipohi, wayee bu-ëldúna yah kinebluku. Dú, keeñnjúu hay kileeh tak, wayee keeñ-leehaama hay kisúpituk keeñ-soos. <sup>21</sup> Beti en na kilaak kowaa keeñci leehi hen tak ndaga lak wahtu ki'en ga coonu le'in gari. Wayee binaa ya laak kowaa, ya dal ki'aluk mesiklaatcaa ndaga lak keeñci soosin ga daa ya haydohin bo'-súusúus ëldúnada. <sup>22</sup> Dú ban, dii dú enaa dii watida, keeñnjúu leehin tak, wayee mi hayyúu kihotis, ee bérínaa, keeñnjúu hay kisoos seb. Keeñ-soosaama, ken mínanndiiwa kinaas garúu.

<sup>23</sup> Besaama hay bérínaa, dú meekisissooroo dara. Kayoh-kayohda mi wo"úuka, béeb iñaa dú kíim Paamudii ga teekiigoona, ya hayyúuri ki'on. <sup>24</sup> Bi diima, dú kíimmbii dara ga teekiigoo. Kíimat ee dú hay ki'onu, en danaa dú líif na keeñ-soos.

### *Yéesu laakin ndam ga dook ëldúna*

Léehí'ta Yéesu wo"a télíbécäaa an:

<sup>25</sup> - Iñcumá tóohca mi wo"úca ga liiwuk. Wahtu waa hay, waa mi wo'sanndii narúu ga liiwuk, wayee mi yah narúu kiwo' bi lee' lañ ga iñaa aaw ga Paamudii.

<sup>26</sup> Besaama hay bérínaa, dú yah kikiim Paamudii ga teekiigoo. Ee mi wo"íirúu man mi yahhúu kikiimi' Paamudii. <sup>27</sup> En ki'enga, Paamudii ga kihafci waarinndúu ndaga dú waarinndoo ee dú gëmin an mi meyo'h gari. <sup>28</sup> Mi meyo'h gari Paamudii mi hayin ëldúna. Diimada, mi yii meyo'h ëldúna, mi yee ga Paamudii.

<sup>29</sup> Télíbécäagari dallari kiwo' an:

- Malka, fu yii wo' naríi bi lee' kimma, diima fu liiwukissii. <sup>30</sup> Dí hotin kimma an soolukkii fu meekisu iñaa bo'-súusúus halaat ga helci. En ki'enga, fu ínohin iñaa en tóoh. Kérí tah dí gëmin an fu meyo'h gari Kooh.

<sup>31</sup> Yéesu taassaba an:

- Kon dú gëmin kimmame? <sup>32</sup> Wahtii deeyin, ee wa weema sah, wii dú yah kitasaarukoh, yaa en béeb yee ga kotci, dú foñnjoo hañngoo. Wayee mi tessii hañngoo ndaga Paamudii yii naroo. <sup>33</sup> Mi wo'inndúu iñuma doonaa dú laak jamaa meyoh garoo. Dú hay kilaak coonu ciyaak ga ëldúna, wayee guu'guulukat ndaga mi laakin ndam ga dook ëldúna.

## 17

### *Yéesu kíimmba Kooh*

<sup>1</sup> Ga waa Yéesu lëehí'ta kiwo' fodaama, ya taaginukka dook-Kooh, ya wo''a an:

- Paamudii wahtii le'in. Teewohaa ndamii Kowukiigaraa, en danaa Kowukii ban teewoh ndamiigaraa. <sup>2</sup> Ndaga fu oninndi dooli ga dook buwii béebhà, doonaa béeb buwii fu tìk ga yahcida ya onba kipeskaa leehoo taa'da. <sup>3</sup> Kipeskaa leehoo taa'da kérí en an ba ínohhaa, fu yii fu doj fu en Koohyii yukayohyiida ee ba ínoh Yéesu Kiristaa, yii fu wosda. <sup>4</sup> Mi teewohin ndamiigaraa ga ëldúnada, ee mi lëehdin lëgëyaa fu ereeroo kitumda. <sup>5</sup> Diimada nak, Paamudii, eraaroo ndam ga yahaafu, waa mi laakee ga yahaafu lakanaa ëldúna sakussii duumda.

### *Yéesu kíimi'ta tëlibéecaagari Kooh*

Yéesu tikkga ga an:

<sup>6</sup> - Buwii fu bewoh ga bu-ëldúna, fu tikkaba ga yahhooda, mi ínohlukohinba teekiigaraa. Ba enee buufu, fu tikkaba ga yahhoo, ee ba abin wo'eenfu. <sup>7</sup> Ba ínohin diima an iñaa fu oninndoo tóoh meyoh garaa. <sup>8</sup> Wo'eencaa fu ereerooda, en ki'enaa mi erinbaca ee ba te'inca. Wóorinba píñ an mi kulkoh garaa ee ba gëmin an fu yéri wossoo.

<sup>9</sup> Mi kíimi'ba. Mi kíimi'tii bu-ëldúna, wayee mi kíimi' buwii fu tìk ga yahhooda, ndaga buufu. <sup>10</sup> Béeb iñaa mi laak, yuufu ee béeb iñaa fu laak, yuuroo, ee ndamii mi laakda hotukin gaba. <sup>11</sup> Mi bokissii ga bu-ëldúna, wayee ba, ba bii ga ëldúna, ee mi, mi yii hay garaa. Paamudii yisela'í'yii, somaaba na doolum teekumgaraa, wum fu e'tooda, doonaa ba en wiinoo fodii dii mi naraa du en wiinooda. <sup>12</sup> Ga waa mi en naba ga ëldúnada, mi someeba na dooliigoo en ga teekiigaraada, teekii fu onndooda. Mi nírin buwii fu onndooda ee yinoo gaba müuyicii, enndii yaa jomee kisanju'danaa. Fodaama iñaa Kéyítfaa wo'eeda matta. <sup>13</sup> Ee diimada, mi yii boyuk garaa. Iñcumá mi wo'ca, waa mi yii lís ki'en ga ëldúna, doonaa mi líifí'ba na keeñ wisóosí', wii meyoh garooda. <sup>14</sup> Mi erinba wo'eenciigaraa ee bu-ëldúna saguununba, ndaga ba bokkii ga ëldúna, fodii dii mi ban mi bokkii ga ëldúnada. <sup>15</sup> Mi kíimmbiiraa fu bewohba ëldúna, wayee mi kíimmbaa fu müsalba ga Seytaani. <sup>16</sup> Ba bokkii ga ëldúna fodii dii mi ban, mi bokkii ga ëldúnada. <sup>17</sup> Sokaa kayohfiigaraa ga keeñciigaba doonaa ba eroh haffba garaa. Wo'eeniigaraa wéri en kayoh. <sup>18</sup> Fodii dii fu woseeroo ga ëldúnada, mi ban mi wosba fodaama. <sup>19</sup> Bérí tah mi eroh haffoo garaa bi matin sëk, doonaa ba eroh haffba garaa ndaga kayohfii.

<sup>20</sup> Mi kíimi'tii doj télibéeciigoo wati, wayee mi kíimdin ban bi ga buwaa yah garoo kigém ndaga wo'eencaagabada. <sup>21</sup> Paamudii, mi kíim doonaa béeb en wiinoo. Ba enat wiinoo naruu fodii dii fu en wiinoo naroo ee mi en wiinoo naraada. Ba enat wiinoo doonaa bu-ëldúna gém an fu yéri wossoo. <sup>22</sup> Mi erinba ndamii fu e'tooda, doonaa ba en wiinoo fodii dii du en wiinooda. <sup>23</sup> Mi en ga duuyba fodii dii fu en ga duuycoofa, doonaa ba en wiinoo senjis, en danaa bu-ëldúna ínoh an fu yéri wossoo ee fu waarinba fodii dii fu waa'tooda.

<sup>24</sup> Paamudii, mi waa' daa mi yahda, buwii fu onndooda, ba en daama ban naroo, en danaa ba hot ndamii mi laakda, wii fu e'tooda. Ndaga fu waarinndoo balaa ëldúna sakunaa. <sup>25</sup> Paamudii, fu yii fu júwinda, bu-ëldúna ínohsooraa, wayee mi, mi ínohinndaa. Buwii bii nak ínohuunun an fu yéri wossoo. <sup>26</sup> Mi oninba ki'ínohhaa ee

mi hayyaa kibaat ki'ínohlukoh gaba, en danaa, kiwaa'kiigaraa naroofsa le' bi gaba ee mi ga kihaffoo, mi en ga duuyba.

## 18

### *Yéesu abussa*

(Mëccëe 26: 47-56; Marka 14: 43-50; Lúkkaa 22: 47-53)

<sup>1</sup> Yéesu kíimmba Kooh fodaama bi ya lëehí'ta, ya koolukka na télibéecaagari, ba ka'ta bakaa húlúwaa Sederon hanoh gaada. Daama laakeera yoon-dëraa en da, ya aassa da na télibéecaagari. <sup>2</sup> Yúdaa ëan, yaa yahhi kitoonda lak ínohin dekataama ndaga Yéesu yewineera kika' daama, ya na télibéecaagari. <sup>3</sup> Yúdaa nak ka'ta da, taam na bisoldaa' na bibo' ga buwaa watuki ga Kaanfaa Koohda, baa sarahohcaa na Férísiyeencaa ebilee ba taam narifa. Ba bayya ga yahba lúsee-kiwii, lampu, na kalab. <sup>4</sup> Lak Yéesu ínohin iñaa yahhi kidalda, ya hídohneera naba, meekissaba an:

- Dú raas ba?

<sup>5</sup> Ba taassari an:

- Dí raas Yéesu Nasareet!

Yéesu wo"aba an:

- Mi yérí en\* Yéesu!

Wiima lak Yúdaa yii toon Yéesuda, yeema tuukka ban na soldaa'cii. <sup>6</sup> Daa Yéesu wo'eeba an «Mi yérí», ba sooffa fenoo, keenussa kakay.

<sup>7</sup> Yéesu meekisissaba an:

- Dú raasba?

Ba taassa an:

- Dí raas Yéesu Nasareet!

<sup>8</sup> Yéesu wo"aba an:

- Mi wo'inndúu an mi yérí. En lak dú raassoonaan iisat buwii bii ba yee.

<sup>9</sup> Iñaama laakka ee fodaama iñaa Yéesu wo'eeda matta. Ya wo'ee an: «Buba, yiinoo ga buwii fu tik ga yahhooda sajku"ii.» <sup>10</sup> Simon-Pee', lak bayin kalab, ya dollafa, típpafa súrgaa ha'-kaadaa sarahohcaa, gú'ta nofaa ñaabaa. Súrgaama teeksee Malkus. <sup>11</sup> Yéesu dalla kiwo' Pee' an:

- Íkaa kalabfigaraa ga huuwii. Kaas-coonii Paamudii e'tooda mi jommbiiwa ki'an hene?

### *Yéesu bayussa kaan Aan*

<sup>12</sup> Waa ennda ña, soldaa'caa na yaa kuliyük gabadsa na buwaa yaawúu'caa watuki Kaanfaa Koohda, abussa Yéesu, pokussari. <sup>13</sup> Ba ñebpari kibay kaan Aan<sup>†</sup>. Aan yaama yérí en payam Kayíf. Kayíf nak, kiisci laakki lak yérí en ha'-kaadaa sarahohcaa. <sup>14</sup> Kayíf yaama nak, yérí onee yaawúu'caa hel, wo"aba an iñaa gënda yérí en an bo' yiinoo kani' béeb kulkii.

### *Pee' taasukka Yéesu*

(Mëccëe 26: 69-70; Marka 14: 66-68; Lúkkaa 22: 55-57)

<sup>15</sup> Simon-Pee' na bo' yiliis ga télibéecaa taabukussa Yéesu. Télibéenaama, ha'-kaadaa sarahohcaa ínoheerari kéri tah ya mínnida ki'aas na Yéesu hëtaa kaanfaa ha'-kaadaa sarahohcaa. <sup>16</sup> Wayee Pee' tessa ga fooh ga yahaa hal-kaadaa. Waa ennda ña, télibéenaama ha'-kaadaa sarahohcaa ínohindaa, meyca, ka'ta ga betifaa tuukee daama kiwatuk hal-kaadaada, ya saawalla nari, ya ekka Pee' duuy. <sup>17</sup> Súrgaa yibetiyyaa yaama tuukee kiwatuk hal-kaadaada dalla kimeekis Pee' an:

- Fu ëan, fu bokkii ga télibéecii bii yiine?

Pee' taassari an:

\* **18:5** 18: 5 Mi yérí en Diima, Yéesu eroh teekaa Kooh, Elohim. Malkat 8: 24, 56. † **18:13** 18: 13 Aan yérí enee ha'-kaadaa sarahohcaa balaa Kayif bewanaa. Kéri tah ya líssa ki'onu cée' ga iñaama.

- Ó'oo, mi bokkii ga de!

<sup>18</sup> Wiima lak Kooh soosin, kéri tah súrgacaa na buwaa watuki Kaanfaa Kooh ensee daamada fetussa kiwii, baa yoonuk. Pee' enee daama naba, yaa yoonuk ban.

### *Ha'-kaadaa sarahohcaa meekissa Yéesu*

(Mëccée 26: 59-66; Marka 14: 55-64; Lúkkaa 22: 66-71)

<sup>19</sup> Ha'-kaadaa sarahohcaa meekissa Yéesu ga loo taelibéecaagari na ga loo jégírohaagari.

<sup>20</sup> Yéesu taassari an:

- Mi wo'ee hen ga fíkií béeb. Besoo bes mi jégírohee ga dhuuy jaangu-yaawúu'caa na ga dhuuy Kaanfaa Kooh, ga daa yaawúu'caa béeb hídohohseedä. Mi mosoo kidaakuk mi wo' yen. <sup>21</sup> Kon fu meekissoo ya ga iñama? Meekisaa buwaa sükúrukeerooda iñaa mi wo'bada. Ba ga kihaffba, ba ínohin dijóff' iñaa mi, mi wo'da.

<sup>22</sup> Daa Yéesu wo'ee iñama, yíinoo ga buwaa watuki Kaanfaa Kooh ee ensee daamada lejngari pa', wo"ari an:

- Fu lofan sarahohii yiyaakyii fodumane?

<sup>23</sup> Yéesu taassari an:

- En lak wo'eenigoo júbpiinaa, wo'aa iñaa júbpii gada. Wayee en an iñii mi wo'da júwinaa fu feekohhoo ya?

<sup>24</sup> Waa ennda dä, Aan nakohha Yéesu bayu, na bancaa ga yahcaa, ga Kayíf, ha'-kaadaa sarahohcaa.

### *Pee' taasukissa Yéesu*

<sup>25</sup> Wiima lak Simon-Pee' yii lís diima, yii yoonuk, laakka baa wo"i an:

- Fu ban, fu bokkii ga taelibéecaa baa yaamane?

Wayee Pee' taasukka an:

- Múk, mi bokkii ga.

<sup>26</sup> Wiima ban, ga súrgacaa ha'-kaadaa sarahohcaa, laakka ga yíinoo ee bokoh na baa Pee' gúree nofaada. Ya wo"a Pee' an:

- Mi hotéeríraa nari ga dhuuy yoon-dëraane?

<sup>27</sup> Pee' dalla kitaasukis. Ya yaa léehí' kiwo' rek, laakka siik-pabaa kon.

### *Yéesu bayussa ga fíkií Pílaat*

(Mëccée 27: 1-2,11-14; Marka 15: 1-5; Lúkkaa 23: 1-5)

<sup>28</sup> Léehí'ta, buwaa kuliyuk ga yaawúu'caada bewohussa Yéesu ga Kayíf, ba bayyari kaanfaa gúwernée' bu-Room. Enee ga kím cuut. Ba ga kihaffba, ba aassii dhuuy kaanfaa doonaa, ga iñaa baahaagaba nakohda, ba líwoo ee ba míni kibok ga hewaa feetaa Paakaagaba. <sup>29</sup> Iñama tah, Pílaat, gúwernéeraa nammabaa kimey gaba ga fooh, meekissaba an:

- Bii yii, iñii dú yabohhidä, ya ya?

<sup>30</sup> Ba taassari an:

- Ya enéeríi tumoh-kofeelaa, dí haydohoori garaa.

<sup>31</sup> Pílaat wo"aba an:

- Bayatti, dú atti"i na kihaffúu, ga dii Waasiigarúu nakohda.

Wayee yaawúu'caa loffari an:

- Dí onussii ki'atti' bo' kikaan!

<sup>32</sup> Iñama laakka ee fodaama iñaa Yéesu wo'ee ga loo daa kikaankaagari yah kimanda jomee dä kilaak. Ya yéegalohee daa kikaankaagari yah kimanda. <sup>33</sup> Waa ennda dä, Pílaat boyukka dhuuy kaanfaa, ya baylukka Yéesu. Ya meekissari an:

- An fu yérí en buurii yaawúu'ciine?

<sup>34</sup> Yéesu taassari an:

- Iñum fu wo' yuma, fu yérí halaati' haffu kanoo bibo' biliis bérí wo"aaka garoo?

<sup>35</sup> Pílaat loffari an:

- Mine, mi nam ki'en yaawúure? Heetiigaraa na sarahohcii biyaakbaa bëri kalaami"aa garoo. Fu, fu tum ya?

<sup>36</sup> Yéesu taassari an:

- Nguuriigoo enndii nguu' éldúnani wii. Binaa nguuriigoo enee nguu' éldúnani wiinaa, eneenaasurgaciigoo hay kiheñohu doonaa mi tiksoo ga yah buwii kuliyuk ga yaawúu'ciida. Wayee ó'óo, nguuriigoo enndii nguu' dii, ga éldúna.

<sup>37</sup> Pílaat dallari kimeekis an:

- Kon fu iñii buu'?

Yéesu taassari an:

- Fu yii wo'ka: mi iñii buu'. Ee iñii tahhoo kilímu ee mi hayin éldúnada wérí en kiseedi' kayohfii. Béeb baa bokin ga kayohfii, súkúruk wo'eenndoo.

<sup>38</sup> Pílaat wo"ari an:

- Kayoh, fa ya?

*Yéesu atti'ussa kikaan*

(Mëccëe 27: 15-31; Marka 15: 6-20; Lúkkaa 23: 13-25)

Waa ennda dfa, Pílaat meyissa ga yaawúu'caa ga fooh, ya wo"aba an:

- Mi ga kihaffoo, mi hottii ga bii yii enaama yíinoo yaa cal ki'atti'u kikaan. <sup>39</sup> Diima nak, waa enin baah garúu, ga hew Paakaa en béeb mi lègisi'túu bo' yíinoo ga kasu, dú waa' mi lègisi'túu buurii yaawúu'ciine?

<sup>40</sup> Daama, ba enissa kifiip didóolí' an:

- Ó'óo, hanat ki'en yuma, dí waa' Barabaas! Barabaas yaama enee tumoh-kofeel yiyaak.

## 19

<sup>1</sup> Waa ennda dfa, Pílaat nakohha Yéesu bewu, ya bayu, ya rípu na ngee'. <sup>2</sup> Soldaa'caa tíki'ta Yéesu ga haffa iñaa man na fodii baanu-buu' ee terohu na lúp. Ba ekkari kúltí fiyo'oh\* cor. <sup>3</sup> Ba deeyca garinaa, ba këñsiri an:

- Pesa, buurii yaawúu'cii!

Tíkka ga ba baa feekki.

<sup>4</sup> Pílaat meyissa fooh, wo"a yaawúu'caa an:

- Súkúrkat! Mi hayyúuri kihaydohi fooh doonaa dú ínoh an mi hottii ga bii yii enaama yíinoo yaa cal ki'atti'u kikaan.

<sup>5</sup> Yéesu dalla kimey fooh, bayin ga hafaa baanaa hëwrohu na lúpda ee ya ekukin kúltífaa fiyo'ohfaa. Pílaat wo"aba an:

- Buum yooma!

<sup>6</sup> Ee daa sarahohcaa biyaakbaa na buwaa watuki Kaanfaa Kooh hotee Yéesu rek, ba baa fiip an:

- Daayaari ga kuraa! Daayaari ga kuraa!

Pílaat taassaba an:

- Bayatti, dú daayci ga kuraa na kihaffúu, ndaga mi, mi hottii gari enaama yíinoo yaa cal ya atti'u kikaan.

<sup>7</sup> Yaawúu'caa loffari an:

- Dí, dí laakin waas, ee ga iñaa waasiima nakohda, ya jom ki'apu hen ndaga ya tík hafci Kowu Kooh.

<sup>8</sup> Daa Pílaat kelohee wo'eencaa caama, ya wëñnja da kitíit. <sup>9</sup> Ya boyukka duuy kaanfaa, ya meekissa Yéesu an:

- Fu kúlkoh gada?

Wayee Yéesu taassiiri hen sah.

<sup>10</sup> Waa ennda dfa, Pílaat wo"ari an:

\* <sup>19:2</sup> 19: 2 Kúltífaa fiyo'ohfaama hëwrohu na píis wiléekí'-dooli, ee man na caa buu'caa na buwaa biyaakbaa bëri laakfa ki'ekuk.

- Fu san naroo kiwo'e? Hanaa fu ínohoo an mi mínnindaa ki'íis fu yee, ee ban mi mínnindaa kidaayluk ga kuraa?

<sup>11</sup> Yéesu taassari an:

- Fu mínalooroo dara enndii an Kooh yérí onndaakanaa. Kérí tah baa tíkkoo ga yahfuda yérí wëñnjaa kiyéki' baakaa'.

<sup>12</sup> Ga dékataama, Pílaat yaa heel ki'íis Yéesu, wayee yaawúu'caa baa fiip didóolí' an:

- Binaa fu íis bii yii rekkaa fu enndii filiimun buu' Sesaa'. Baa tík hafci buu' béeb, lak sagohin na buu' Sesaa'.

<sup>13</sup> Daa Pílaat kelohee wo'eencaama, ya meydohha Yéesu fooh, ya yunjga ga bagaa ya yugohi ki'atti'da, ga dékataa tawahu na atoh ciyaak ee wo'si ga ki'Ebérée "Gabata"<sup>†</sup>. <sup>14</sup> Besaa béríi enee besaa goonataa Paakaa<sup>‡</sup> yaawúu'caa, ee enee ga bak mídi. Pílaat wo'"a yaawúu'caa an:

- Buurumgarúu yooma!

<sup>15</sup> Wayee baa fiip didóolí' an:

- Ya kaanat, ya kaanat! Daayaari ga kuraa!

Pílaat wo'"aba an:

- Buuriigarúu, mi daayatti ga kuraane?

Sarahohcaa biyaakbaa taasussa Pílaat an:

- Dí laak buu' yíinoo kep ee yérí en buu' Sesaa'.

<sup>16</sup> Waa ennda da, Pílaat tíkka Yéesu ga yahba baa daayneeri ga kuraa .

### *Yéesu daayussa ga kuraa*

(Mëccée 27: 32-44; Marka 15: 21-32; Lúkkaa 23: 26-43)

Soldaa'caa abussa Yéesu ba baa yah nari. <sup>17</sup> Yéesu koorukka kuraanaagari na kihafci, meyca teeraa kiyah dékataa teeku Loon-haf ee wérí en ga ki'Ebérée Golgotaa.

<sup>18</sup> Daama soldaa'caa daayussa Yéesu ga kuraanaa. Ba daayca ban bo' banak biliis ga yahaaci, yaa en béeb ga Kuraa: yii hanohhari yah-ñaam, yíinoo hanohhari yah-senj. Yéesu ennda ga le'naa.

<sup>19</sup> Pílaat bínlukka yen ga kuhaanga, ja daayussa ga dook kuraanaa Yéesu. Iñii yii yérí bílsees ga: «Yéesu Nasareet, buurii yaawúu'cii.» <sup>20</sup> Iñaa bídu ga kuhaangakaada, yaawúu' biyewin jagussawa ndaga dékataa waama Yéesu daayohu ga kuraada enee ga yahaa teeraa, ee lak kaahay cérí bílsees ga kuhaangakaa: ki'Ebérée, kiLateñ na kiGerek. <sup>21</sup> Sarahoh-yaawúu'caa biyaakbaa wo'ussa Pílaat an:

- Kaa íis iñaa yaama bídu an «buurii yaawúu'cii», wayee bínsat an: «bii yii wo' an: Mi yérí en buurii yaawúu'cii.»

<sup>22</sup> Pílaat loffaba an:

- Iñaa mi bínda, mi bídinndi.

<sup>23</sup> Ga waa soldaa'caa lëehírussa kidaay Yéesu ga kuraanaa, ba þeþpa kúltícaagari warohussaca kom cinikiis, soldaaraa en béeb þeþpa kom wiinoo. Lëehí'ta ba þeþpa kúltífaagari fiyaakfaa ya tíki ga dookda. Fa ñækírussii hen ee fa en píis wiinoo, aboh dook bi ga kakay. <sup>24</sup> Ba wo'"a ga díkaantiba an:

- Du hanatfa kida', du yípohat tudoo' ki'ínoh baa laakanfada.

Iñamaa laakka ee fodaama iñaa Kéyítfaa wo'eeda matta. Fa wo'ee an: «Ba warohha kúltícaagoo, ba yípohha tudoo' ga kúltífaagoo fiyaakfaa.» Ee iñamaa deñ yérí soldaa'caa tum.

<sup>25</sup> Eew Yéesu, ya na këmëenjkíci yibeti na Mérí, beti Kelewopaas na Mérí-Malleen, tuuksee ga yahaa kuraanaa Yéesu. <sup>26</sup> Daa Yéesu hotee eeci, ee télíbéenaagari ya keeñukda tuukin ga yahaa yaama, ya wo'"a eeci an: «Betifii, kowukumgaraa kooma.»

<sup>†</sup> **19:13** 19: 13 Teekaa dékataama wérí en «dékataa wíkérí' dook» ga ki'Arameyee. <sup>‡</sup> **19:14** 19: 14 Bescaa yaawúu'caa dali ga noh-soos. Dii, besaa waayukii Paakii aboh noh-soosaa arsamisaab bi ga noh-soosaa éljúmaa Yéesu daayohseeda.

<sup>27</sup> Lëehí'ta ya wo''a t̄eelibéenaa an: «Eefu yooma». Aboh ga besaa bërii, t̄eelibéenaa yaama haydohha Mariyaama ya dëk nari ga kaanci.

## *Kikaankaa Yéesu (Mëccëe 27: 45-56)*

<sup>28</sup> Waa ennda d'a, lak Yéesu ínohin an tóoh matin kimma, ya wo'a an:

- Mi pílin.

Fodaama iñaa bídu ga Këyítfaada matta.<sup>29</sup> Laakeera daama kujataakaa lífin muut na biinnaa piriikin. Soldaa'caa bewussa epoosaa ba ñoon ga biniiga', ba maañngawa ga dooraa meyoh ga kedikkaa wo'u Isoop, ba tobinndawa ga kúuwkaa Yéesu.<sup>30</sup> Daa Yéesu d'uuyee ga biinnaa wipiriiki'waa, ya wo''a an:

- Tóoh matin.

Lëehí'ta ya feekka haf, kaannda.

## *Hëbúusaa Yéesu gúlussa na núb*

<sup>31</sup> Wiima lak yaawúu'caa baa ga besaa waayukaa Sabat. Ba waareeríi Sabataama laak faraafcaa ga kuraacaa. Wëñaa ga Sabataa waayuku waama yakeera lool gaba\$. Ba dalla kika' ga Pílaat ba kíimmbari, kotcaa buwaa daayu ga kuraada weelu ee faraafcaa yóoskíru. <sup>32</sup> Waa ennda daa soldaa'caa hayussa ga buwaa daayu na Yéesu ga luuqaa fa weelle katees uuc fa qof gaan kíileefaa fa nooffa ga yuhuudhuuc.

<sup>33</sup> Daa ba le'ee ga Yéesu, ba weellii kotcaagari, ndaga ba hotta an ya kaanin kumëeñi'.

<sup>34</sup> Wayee laakka ga soldaa'caa yíinoo yaa gúl hëbúusaa Yéesu na núb. Ga saasi ñíf na mûsú caa soon ga gaañaa. <sup>35</sup> Bii seedi' iñii yiida tík hasci ga hen ee iñii ya seedi'da kayoh. Ya ga kihafci, ya ínohin an iñaa ya wo'da kayoh. Ya seedi'inka doonaa dú ban, dú gëm. <sup>36</sup> Iñaama laakka ee fodaama iñii bídu ga Këyítfaada matta. Bídu ga an: «Wiinoo ga yohcaagari weelsanndii.» <sup>37</sup> Ee laakin þan daa bídu diliis ga Këyítfaa an: «Ba hay kimalaki ga baa ba gúlee hëbúusaagarida.»

## *Yéesu ekussa ga loyaagari*

<sup>38</sup> Waa ennda dfa, Yoseef yaa dëk teeraa Arímateeda, kíimmba Pílaat ya onndi kibeb faraaffaa Yéesu. Yoseef enee télíbée Yéesu, wayee ya dsaakukeeka hen, ndaga ya niikee buwaa kuliyük ga yaawúú'caada. Pílaat onndari ya beb faraaffaa. Ya dalla kihay, ya bëbpa faraaffaa Yéesu. <sup>39</sup> Níkodeem ban taammba na Yoseef. Níkodeem yaama yérí en baa karee ga Yéesu ga wek kisaawalnee narida. Ya baydohha iñaa le' kílóo cidaanjkaah-kaahay ga cúuraay mún waa hícowu míi' na alowees\*. <sup>40</sup> Ba banak, ba bëbpa faraaffaa Yéesu. Ba müullafa na lémíi, ba tumdohha ga cúuraaya wi'éeñí'waama fodaa daa yaawúú'caa tumi ba yah ki'ac faraaffbanaa. <sup>41</sup> Ga yahaa dekataa Yéesu daayohseeda, laakeera yoon-dëraa en daama. Ee ga duuy yoon-dëraama laakeera loy wi'as waa yotu ga atoh, waa ken mosoo ga ki'ku. <sup>42</sup> Wiima, waa lak yaawúú'caa ensee ga besaa waayukaa Sabat, ee ban loyaa deeyeera daama, ba ekka faraaffaa Yéesu ga.

20

## *Loyaa en wibuuucuuc*

(Mëccëe 28: 1-18; Marka 16: 1-8; Lúkkaa 24: 1-12)

<sup>1</sup> Dímaasaa ga kímaa cuut, lak Kooh wiíssii duum, Méri-Malleen ka'ta loyaa Yéesu. Ya hotta atohaa lagohsee loyaada, nísuunun. <sup>2</sup> Ya dalla ki'íisuk na jaa', yaa yah ga Simon-Pee' na télibéénaa yíinoo Yéesu keeñukeeda. Ya wo"aba an:

- Ha'mudii bewohuunun ga loyaagari ee dí ínohoo ga daa ya bayuda.

§ **19:31** 19: 31 Sabataamaa na feetaa Paakaa yaawíu'caa cérí bok bes. \* **19:39** 19: 39 Míi' na allowees Iñcaa heet cúuraaycaa meyoh ga kedik. Buwaa tumeeca ki'éeñí' kúltí wala dzuuy túuy, na ban ki'éeñí' na kidaak faraab ga dzuuy lov.

<sup>3</sup> Pee' bëtta na tæelibéenaa yíinooyaa, baa fool kimalaknee loyaa. <sup>4</sup> Ba banak bëebba baa fool, wayee tæelibéenaa yíinooyaa wëñnjaa Pee' kigaaw, ya dëbpa Pee' kile' loyaa. <sup>5</sup> Daa ya hëebsuk hen ya hotta lëmíiccaa faanuunun ga kakay, wayee ya aassii. <sup>6</sup> Simoñ-Pee' yaa taabee ga fenoocida hannda kile'. Daa Pee' aas hen, hotta lëmíiccaa faanuunun kakay, <sup>7</sup> na lëmíinaa baanu'see ga hafaa Yéesuda. Lëmíinaama, lak atukohussii na cíinoocaa, wa ponsee hen, faanussa hanj ga dëkat wíinoo daama. <sup>8</sup> Waa ennda ña, tæelibéenaa yíinoo yaa dewee kile' loyaada hannda ki'aas ban. Ya hotta, ya gëmmba. <sup>9</sup> [En ki'enaa, iñaa Këyítfaa yéegalohée an Yéesu jomin kimílís ga buwaa kaaninda leeréeríi ga hafcaa tæelibéecaa duum]. <sup>10</sup> Lëehí'ta tæelibéecaa boykussa kaanba.

*Yéesu feeñukka ga Mëri-Malleen  
(Mëccée 28: 9-10; Marka 16: 9-11)*

<sup>11</sup> Mëri nak tuukka ga yahaa loyaa ga fooh, ya yaa koduk. Daa ya enee na kikodukfa, ya hilla kihëebsuk loyaa, <sup>12</sup> ya hotta malaaka banak baa ekkuunun kúltí ciyaanaaw d'er, yuguunun ga daa faraaffaa Yéesu faanseedaa: yíinoo ga daa hafaa hanoheeda, yíinoo ga daa kotcaa hanoheeda. <sup>13</sup> Malaakacaa meekissari an:

- Betifii, fu koduk ya?

Ya taassaba an:

- Ba bewin faraaffii Ha'mudiigoo ee mi ínohoo ga daa ba faanndida.

<sup>14</sup> Daa ya enee na kiwo' iñaama, ya heelukka, ya hotta Yéesu tuukin, wayee ya ínohsohhiri. <sup>15</sup> Yéesu meekissari an:

- Betifii, fu koduk ya? Fu raas ba?

Mëri foojnga an baa watuki yoon-dëraada yérí, ya wo"ari an:

- Kiyaakii, en lak fu yérí bebpinaa, wo'aaroo ga daa fu faanndida, mi ka', mi koo'neeri.

<sup>16</sup> Yéesu wo"ari an:

- Mérée!

Mëri mëeñsukka, dalla kiwo' ga ki'Ebérée an:

- Rabúní! (Wérí en Jégírohii).

<sup>17</sup> Yéesu wo"ari an:

- Kaa tëhdohhoo\* ndaga mi ka'tii dook ga Paamudii duum. Wayee kara, fu wo'nee tæelibéecaagoo an mi yii yah dook ga Paammboo, yii en Paammbúuda, ga Koohyiigoo, yii en Koohyiigarúuda.

<sup>18</sup> Waa ennda ña, Mëri-Malleen ka'ta ga tæelibéecaa, wo"aba an:

- Mi hotin Ha'mudii!

Lëehí'ta ya bëestí'taba iñaa Yéesu wo'eerida.

*Yéesu feeñukka ga tæelibéecagari*

<sup>19</sup> Ga noh-soosaa dímaasaa ya míliseeda, tæelibéecaa tècukussa ga túuyaa ba hídírukoheeda, ndaga ba niikee buwaa kulyuk ga yaawúú'caada. Daama, Yéesu hayya, tuukka ga leelooba, këñí'taba an:

- Jam namohat narúu!

<sup>20</sup> Ga waa ya wo"a fodaama, ya teebsoba yahcaagari na hëbúusaagari. Keeñaa tæelibéecaa soossa bi ndaga daa ba hotin Ha'mudiida.

<sup>21</sup> Yéesu wo'issaba an:

- Jam namohat narúu! Fodii dii Paamudii wossooda, mi ban mi wossúuda.

<sup>22</sup> Ga waa ya wo"a fodaama, ya fúrissa ga dookba, wo"aba an:

- Te'at Helii yisela'íyii. <sup>23</sup> Béeb buwaa dú bayalan baakaa'caagabada, ba hay kibayalu; wayee buwaa dú bayalanndii baakaa'caagabada, ba bayalsandii.

\* <sup>20:17</sup> 20: 17 Kaa tëhdohhoo Laakin lëegísohcaa wo'u ga dëkataama an: «Kaa le' garoo».

### *Yéesu feeñukka ga Toomaa*

<sup>24</sup> Toomaa, yaa baysi Dídímda<sup>†</sup> ee ya bok ga apotaa'caa bidaanjkaah na þanakbaadfa, maaséeríi ga waa Yéesu hay gabada. <sup>25</sup> Téelibéecaa tesða wo'ussari an:

- Dí hotin Ha'mudii.

Wayee Toomaa loffaba an:

- Enndii an mi tík kuhassoo ga mëegée-poontucaa ga yahcaagarida, ee mi jiip jokonndo ga, mi ek yahhoo ga hëbúusaagarinaa, mi gëmoo.

<sup>26</sup> Tíkka ga bes ciytnakaahay, téelibéecaa hídirukohissa ga dñuy kaanfaa ee Toomaa enee naba. Lak halcaa tècuunun wayee Yéesu hayya tuukka ga leelooba këñi'taba an:

- Jam namohat narúu!

<sup>27</sup> Lëehí'ta, ya wo'"a Toomaa an:

- Tíkkaa jokonjiigaraa, dii, ga yahciigoo, fu malak. Ekaa yahiigaraa ga hëbúusiigoo. Ísisa kiwedi', fu gëm!

<sup>28</sup> Toomaa dalla kiwo' anee:

- Ha'mudiigoo ee Koohyiigoo!

<sup>29</sup> Yéesu wo'"ari an:

- Dii fu hottooda tahhaa kigëm. Ba yewinin múu' buwii gëmin ee hotussiirooda!

<sup>30</sup> Yéesu tummba ga fíkíi téelibéecaagari kíntaan ciyewin ciliis, caa bídussii ga Kéyítfii ffi. <sup>31</sup> Kíntaancii en ga Kéyítfii fiida nak, ca bídu ga doonaa dú gëm an Yéesu yérí en Kiristaanii, Kowukii Kooh; ee dú gëm garinaa, dú hay kilaak kipes ga teekci.

## 21

### *Yéesu tummba kíntaan ga kimbaal jén*

<sup>1</sup> Ga waa iñaama paaffa, Yéesu feeñukissa téelibéecaagari ga seereenaa giiyaa Tíbéríyaat\*. Ya feeñukeeba fodii dii: <sup>2</sup> Simon-Pee' na Toomaa yaa baysi Dídímda<sup>†</sup> na Natanayeel yaa meyoh Kanaa ga gohaa Géliléeda na towutaa Sebedee na téelibéé Yéesu banak biliis ensee daa díinoo. <sup>3</sup> Simon-Pee' wo'"aba an:

- Mi yii yah kimbaalnee jén.

Ba taassari an:

- Dí ban dí hay naraa kitaam.

Ba ka'ta, ba aassa ga gaal-loocaa, wayee wekaa bërii, ba ammbii dara. <sup>4</sup> Lak Kooh yaa yah kiwiis, Yéesu tuukka ga tewisaa giiyaa, wayee téelibéecaa ínohsohussiiri.

<sup>5</sup> Yéesu wo'"aba an:

- Biyaay, mbaa dú abin yen?

Ba taassari an:

- Ó'óo!

<sup>6</sup> Ya wo'"aba an:

- Weesat mbaalii ga bakii hanoh gaal-loocii yah-ñaamfa, dú hay ki'am jén.

Waa ennda ða, ba weessa mbaalaa, mbaalaa líiffa muut na jén bi ba mínißiïwa kimeydoh mûsúmaa. <sup>7</sup> Téelibéenaa Yéesu keeñukeeda, wo'"a Pee' an:

- Ha'mudii yérí!

Daa Simon-Pee' kelohee wo'eenaa an: «Ha'mudii yérí», ya ekukka kúltifaagari ndaga ya tesee faan fút, ya jafukka ga mûsúmaa. <sup>8</sup> Téelibéecaa bñinoobaa baa hay na gaal-loocaa, baa nook mbaalaa líifin na jénda. Ba úsaayéeríi, ndaga díkaanti daa ba eneeda na tewisaa jom meeta' citéemée'. <sup>9</sup> Ga waa ba yoosukka ga tewisaadfa, ba hotta daama kiwiikaa taaluunun, tikuunun jén ga dookgaa, na mbúurú ga yahaanaa.

<sup>10</sup> Yéesu wo'"aba an:

- Haydohat ga jéncii dú han ki'amfa.

\* 20:24 20: 24 Teekaa Dídím wérí en «Síis, bo' þanak»  
«Dídím» wérí en «Síis bo' þanak... »

\* 21:1 21: 1 Giyyaa Géliléé.

† 21:2 21: 2 Teekaa

<sup>11</sup> Pee' dalla ki'aas ga gaal-loocaa, kinook mbaalaa bi ga tewisaa, lak wa líifin na jén. Jéncaa enee citéemée' na cidañkaah-yëtúus na kaahay, ciyaak. Ee ga daa jéncaa hín kiyewinda tóoh, mbaalaa da'tii.

<sup>12</sup> Yéesu wo"aba an:

- Deeyat dú ñékítuk!

Wayee yíinoo ga télibéecaa kaañjiiri kimeekis, «fu yérí en ba?» Ndaga ba ínoheera an Ha'mudii yérí. <sup>13</sup> Yéesu deeyca, þeþpa mbúuraa, warohhabawa. Ya tumissa fodaama na jénaa.

<sup>14</sup> Ennda kotaa wukaahaywaa, waa Yéesu feeñuk télibéecaagari ga iñaa ya mílisee ga buwaa kaaninda.

### *Yéesu na Pee': Pee' fu waarinndoone?*

<sup>15</sup> Ga waa ba lëehí'ta kiñékítuk, Yéesu meekissa Simon-Pee' an:

- Simon, kowu Sañ, fu wëñ buwii bii kikeñukkoone?

Simon taassari an:

- Ee, Ha'mudii, fu ínohin an mi waarinndaa.

Yéesu wo"ari an:

- Níiraa tubaaltiigoo‡.

<sup>16</sup> Kotaa wukanakwaa, Yéesu meekissari an:

- Simon, kowu Sañ, fu keeñukinndoone?

Pee' taassari an:

- Ee, Ha'mudii, fu ínohin an mi waarinndaa.

Yéesu wo"ari an:

- Enaa níirohii baalciigoo.

<sup>17</sup> Kotaa wukaahaywaa Yéesu meekissari an:

- Simon, kowu Sañ, fu waarinndoone?

Keeñaa Pee' neþpii ga daa Yéesu meekissi bi ennda waas kaahay an «fu waarinndoone?»

Ya taassari an:

- Ha'mudii, fu yii fu ínohin iñaa en þéebda, fu ínohin an mi waarinndaa!

Yéesu wo"ari an:

- Níiraa baalciigoo. <sup>18</sup> Kayoh-kayohda mi wo"afka: ga kifiilfu, fu pokdee haffu geñu, fu kari daa neþpaa, wayee binaa fu gu'gi'aa, fu hay kibëwí' yahciigaraa, þo' yiliis poki'taa geñu, bayyaa ga daa fu waa'tii kika'.

<sup>19</sup> Yéesu wo'ee iñaama kiteewoh daa kikaankaa Pee' yah kiman, ee Kooh eru ndam gada. Lëehí'ta Yéesu wo"a Pee' an:

- Taabukaaroo!

### *Yéesu wo"a yen ga télibéenaa ya keeñukda*

<sup>20</sup> Pee' heeluk hen, ya hotta télibéenaa Yéesu keeñukda, yii hay ga fenoofa. Télibéenaama yérí tobinukee ga fasaafaa Yéesu, ga waa ba ñam cuuníinfaa fisela'i'faada ee yérí meekiseeri an: «Ha'mudii, bii yahhaa ki'on bíñda, ya ba?».

<sup>21</sup> Daa Pee' hotti hen, ya meekissa Yéesu an:

- Ha'mudii, haa yii fu ínoh ya gari?

<sup>22</sup> Yéesu taassari an:

- Mi waa' ya pes bi ga daa mi haysanaa, waasfu ya ga? Fu kay, taabukaaroo rek!

<sup>23</sup> Wo'eñaama síwwa ga cfuuy buwaa gëm ga Yéesu daa télibéenaama kaananndii bi taa'. En ki'enaa, Yéesu wo'éerí Pee' an: «télibéenaama kaananndii», wayee ya wo'eeri an: «Mi waa' ya pes bi ga daa mi haysanaa, waasfu ya ga?»

<sup>24</sup> Télibéenaama yérí seedi' iñcuma, ya bíndaca, ee dí ínohin an iñii ya seedi'da kayoh.

‡ <sup>21:15</sup> 21: 15 Tubaaltiigoo waa' kiwo' þuwaa bok ga Jaangaa ya ennda hafaada.

25 Yéesu tumin enaama ciyewin ciliis. Enee an ca béstíru hen wíinoo wíinoo ga këyíttaa, mi foogin an, eneenaa béeb këyítcaa bínsan caama hawanndii sah ga éldúna.

## Tumeencaa apotaa'caa Wo'eencii lëgís Këyítfiida

Këyítfii fii férí en fukanakfii Lúkkaa bínda. Faa ya dewee kibínda férí en «Hewhewii wo' ga loo Yéesu Kiristaa ee Lúkkaa bínda.» Këyítfii fii nak wo' ga loo tumeencaa apotaa'caa. Ga këyítfaa fudewaafaa, Lúkkaa béstíree kilímukkaa Yéesu, kipeskaagari ga éldúna, kikaankaa na kimílskaagari ga buwaa kaaninda, bi ga daa ya bëwírohu cook asamaanda.

Ga fii, ya béstí' daa Helii yisela'í'yii yoosukee ga apotaa'caa, ba baa wíil ga teerucaa kiyéegaloh Hewhewii winéwí'wii, kooroh ga doolii Helii yisela'í'yii onbadá. Coonucaa ba dayee ga lëgëyaama ba tumdee Yéesuda na mesiklaatcaa ba tikseedá, ya béstírinca ga. Waama, lak yaawúu'caa am an Wo'eenaa Kooh hayi'ba; bibo' biliis bokussii ga. Lúkkaa béstírin ban daa apotaa'caa dalee kiyéegaloh Hewhewii winéwí'wii ga buwaa enussii yaawúu'da. Ya wëñ nak kibéstí' lëgëyaa apotaa'cii banakbii bii tumda, ennda Pee' na Pool. Pee' yëri jangatee ga Yéerúsaleem bi tuuki'ta kikerceen ga duuy yaawúu'caa. Pool ga baabcaagari, tuuki'ta kikerceen ga teerucaa buwaa enussii yaawúu'da fodii teeraa Añcoos, waa Korenti, waa Filiip na ciliis. Këyítfii téebeerin Pool ga daa ya kooroh ga kibaabda tóoh. Fa teewohin ban coonucaa jaangucaa han kituukiru dayeedá na daa Helii yisela'í'yii on dooli buwaa hanee ki'aas ga kikerceen baama bi ba yégíssa ga ngëmaagabada.

Fodaama, këyítfii fii teewinnduu an du ban, du jomin kiyéegaloh Hewhewii winéwí'wii wo' ga loo Yéesu Kiristaada daa en béeb ga éldúna.

### **Këyítfii tumeencaa apotaa'caa tíidoh anee:**

A - Hewhewii winéwí'wii yéegalohussa ga Yéerúsaleem (1: 1-8: 4)

1 - Bescaa méeñjoh ga kipeskaa Yéesuda (1: 1-11)

2 - Macaas tanussa kibok ga apotaa'caa (1: 12-26)

3 - Helii yisela'í'yii yoosukka ga apotaa'caa (2: 1-13)

4 - Apotaa'caa seedi'ussa Hewhewii winéwí'wii ga Yéerúsaleem (2: 14-8: 4)

B - Hewhewii winéwí'wii yéegalohussa ga kúlkaa Yúudée na ga gohaa Samarií (8: 5-12: 25)

C - Hewhewii winéwí'wii yéegalohussa daa en béeb (13: 1-28: 31)

1 - Baawaa Pool deb kika'da (13: 1-14: 28)

2 - Nookoh laakka ga Yéerúsaleem (15: 1-35)

3 - Baawaa Pool wukanakwaa (15: 36-18: 23)

4 - Baawaa Pool wukaahaywaa (18: 24-21: 16)

5 - Pool lagussa ga Kasu ga Yéerúsaleem (21: 17-23: 22)

6 - Pool bayussa paanaa yaawúu'caa (23: 23-26: 32)

7 - Pool bayussa Room (27: 1-28: 31)

### *Bala Yéesu tagoh na apotaa'caanaa*

<sup>1</sup> Fiili Tewoofii, ga këyítfaa mi deb kibínda, mi béstírin tóoh iñaa Yéesu tum, na iñaa ya jégíroh aboh ga dalaaraa, <sup>2</sup> bi ga besaa Kooh bëwí'ti, ya lappa asamaanda, lakanaa ga doolaa Helaa yisala'í'ya, ya nakin apotaa'caa ya tanukda kitum iñcaa ba jom kitumda. <sup>3</sup> Ga waa ya kolkok ga coonucaagarida, ya hayya gaba na mandarga ciyewin caa teewoh an ya yaa pes: iñaa le' bes cidaanjkaah-nikiis, ya yaa teewukoh gaba ee ya yaa wo'i naba ga loo Nguuraa Kooh. <sup>4</sup> Laakka bes, ya yuñga naba kiñam, ya dígallaba an:

- Kaa úsaayat Yéerúsaleem, wayee sekat iñaa Paamudii dígohee ee dú keloheeka ga kúuwroodfa. <sup>5</sup> En ki'enaa, Sañ bëtisi'ee ga músú, wayee tes cijutuut ga fíkii, dú hay bëtisi'u ga Helaa yisela'í'yaa.

### *Yéesu lappa dook asamaan*

<sup>6</sup> Apotaa'caa nak hídírukohussa daama, ba meekissa Yéesu an:

- Ha'mudii, fu yah kituukiris Nguurii Isarayeel diimadfane?

<sup>7</sup> Yéesu taassaba an:

- Dú onussii ki'inoj jamaanaa, wala wahtaa Paamudii yah kituuki' Nguurii Isarayeeldfa. Paamudii abin wahtaama na kihafci. <sup>8</sup> Wayee hay kilaak doolaa soruk garúu, waa meyoh ga Helaa yisela'í'yaa yah kiyoosuk ga dookkúuda. Fodaama, dú en seediroo ga teeraa Yéerúsaleem, na béeb gohaa Yúudée na waa Samarii, bi ga topaaraa éldúna.

<sup>9</sup> Ga waa Yéesu lëehí'ta kiwo' iñamada, ba baa malak gari ya yaa bëwíru dook asamaan, laakka yaayeelaa hay, kúnndari ga hascaagaba.

<sup>10</sup> Lakanaa ba baa lís kitaaginuk asamaan ga daa Yéesu en na kiyahdfa, bo' banak baa ekuk kúlti ciyaanaaw, meyussa jemeet ga yahaaba, <sup>11</sup> wo'ussaba an:

- Dú, bu-Gélilée, dú tuukoh ya dii dú taaginuki asamaanii? Yéesu yiima, bëwíru aaw asamaanda haysisan fodii dii dú hotti yii yah asamaanda.

### *Yúdaa lofirohussa na Macaas*

<sup>12</sup> Waa ennda dfa, apotaa'caa meyohussa tégëlaa wo'u tégëlaa Ólíwíyéecaadfa, ba boyukka teeraa Yéerúsaleem. Ee dekataama úsaayoh na Yéerúsaleem iñaa hín na tíidee bo' ga bes Sabat\*. <sup>13</sup> Ga waa ba le'a Yéerúsaleem, ba lappa túuyaa hanoh dook ga taahaadfa, daa ba meeree kihídírukohdfa. Ba enee Pee', Sañ, Saak na Andari, Filiip na Toomaa, Bartulémii na Méccée, Saak kowukaa Alfee na Simon selootaa<sup>†</sup> na Yúdaa kowukaa Saak. <sup>14</sup> Béebba bokussa hel, ba baa boki kikím Kooh saycaa en tóoh: Mariyaama eew Yéesu, babeti biliis na këmëeñkímuncaa Yéesu, ensee daama ban.

<sup>15</sup> Ga bescaama, buwaa gëm ga Yéesuda hídírukohussa, ba le'eera bo' bitéemée' na bo' bidaanjkaah-kanak. Pee' kolukka ga leeloooba, wo'a an:

<sup>16</sup> - Mbokcii, iñaa Helaa yisela'í'yaa yéegalohee ga Këyítfaa Kooh, koorohhawa ga kúuw Dëwít, ga loo Yúdaa yaa kuliukkee ga buwaa abee Yéesuda, yërí jomee kilaak.

<sup>17</sup> Yúdaa bokee garíi ee ya laakeera lëgëyci ga iñaa dí naksee kitumda. <sup>18</sup> Yúdaa nak, koparaa ya faysee ga baakaaraa ya tumeedfa, ya lommba yoon ga, ya keennda da, hafaa kuliuk: ya pookka, liilcaa aamukka. <sup>19</sup> Béeb bu-Yéerúsaleem yéegussa iñaa laakeeda, bi tahha ba teekka yoonaama ga lakaagaba «Hakeldamak», wëri en «yoonaan nífaa».

<sup>20</sup> Bíduunun fodaama ban ga Këyítfaa Kañcaa an: «Kaanfaagari tesat dfa dandaañ ee ken hanat ga kidék» Ee ban bíduunun an: «Bo' yiliis línat sasaagari.»

<sup>21</sup> Laakin buwaa taabee naríi besaa en béeb ga wii Yéesu, Ha'mudii en na kipes ga leelooriida, <sup>22</sup> iñaa aboh ga waa Sañ bëtisi'i bi ga besaa Kooh bewohhi ga leeloorii, ya lappa asamaanda, yíinoo ga buwaama jomee naríi kitaam kiseedi' kimilískaa Yéesu.

<sup>23</sup> Bo' banak tanussa: Yoseef yaa teeku Barsabaas ee baysi Yustusdfa, na Macaas.

<sup>24</sup> Lëehí'ta béeb buwaa kíimmba Kooh anee:

- Ha'mudii, fu yii fu ínoh keeñcii buwii béebbada, teewaaríi baa fu tanuk ga buwii banakbii bii, <sup>25</sup> ya bëb sasaa Yúdaa foñ ga lëgëy ki'apotaa'kii ee ya ka'ta ga dekataa en wuucida.

\* <sup>1:12</sup> 1: 12 Ga baahaa yaawíu'caa, iñaa onu kitíin ga bes Sabatdfa jomoo kiwëñ kiloomeet wíinoo    † <sup>1:13</sup> 1: 13 Selootaa wo'eenaa dakantilohu ga Simondfa wëri e'see lagaa yaawíu'caa waa'see kilaak haffbadfa. Ba daanee kiheñoh bu-Room ee ba tookéerii kifay buu' Sesaa' lempu na ciliis. Malkat ban Méccée 10: 4

<sup>26</sup> Fodaama ba yípohhaba tudoo' kitán yíinoo gaba ee iñaa hínnda ga Macaas. Ya atukohussa ga apotaa'caa bidaankaah na yínooyaa.

## 2

### *Helaa yisela'íyaa yoosukka ga apotaa'caa ga besaa Pantakot*

<sup>1</sup> Ga waa besaa Pantakot le'da, béeb buwaa gëminda hídírukohussa ga dekat wíinoo. <sup>2</sup> Dalla kilaak rii' wiyaak waa meyooh asamaan en fan uuris wiyaak waa keen, wa líiffa muut ga kaanfaa ba enoheeda. <sup>3</sup> Daama ba hotta iñcaa man na perem-kiwii meyca ga fíkiiba, ca hégískohha, ca warukohha ga dook yaa en béeb gaba. <sup>4</sup> Béebba líifussa na Helaa yisela'íyaa, ba aawwa kiwo' lak ciliis fodaa daa Helaa yisela'íyaa onba kiwo'da.

<sup>5</sup> Wiima lak ga Yéerúsaleem, laakeera yaawúu' bigëmí' Kooh, baa enee daama ee ba meyohee ga dëkcii tóoh en ga ēldúnada. <sup>6</sup> Ga coowaa ba keloh waama, dëkaa tóoh hídírukohha, buwaa jaahli'a lool ndaga yaa en béeb yaa keloh apotaa'caa baa wo' ga lakaagari ya bapda. <sup>7</sup> Ba waaru'a lool ee iñaa bettaña bi ba baa wo' an:

- Hanaa béeb buwii en na kiwo' bii enussii bu-Gélilée book? <sup>8</sup> Tum na yaa en garuu béeb kelohi iñii ba wo'da ga lakaagari ya bapda? <sup>9</sup> Ga dhuuyucuu dii, laakin buwaa meyohu kúlkaa Partes, kaa Medes na kaa Elaamít. Laakin buwaa dëk Mesopotamíi, gohaa Yúudée na waa Kapadoos, waa Pom na waa Aasíi, <sup>10</sup> waa Fírigíi na waa Pamfilíi, waa Esípti, na waa Síreen en ga Libíida, na buwii meyoohu Room dëku diida. <sup>11</sup> Béeb, ennda Yaawúu'cii na buwii aas ga Waasiigabada, bu-Keret na Araapcii, du bii kelohba ba bii yéegaloh tumeencii Kooh ciyaakcii ga lakciigaruu.

<sup>12</sup> Ba waaru'a lool ee hafcaagaba kúnukka bi ba baa wo' ga díkaantiba an:

- Iñii yii ya yee?

<sup>13</sup> Ee buwaa bínnoo baa ñaawal buwaa gëm ga Yéesuda an:

- Buwii bii kapuun biiñ!

### *Jangataa Pee' ga béríinaa Pantakot*

<sup>14</sup> Waa ennda da, Pee' kolukka na apotaa'caa bidaankaah na yínooyaa, ya dalla kiwo' na buwaa ga dook an:

- Dú, Yaawúu'cii, na béebspúu dú bii dú dëk Yéerúsaleemdá, foñat noffúu ga iñii mi yah kiwo'da. <sup>15</sup> En ki'enaa, yoo'-yoo' doj wérí le', kon buwii bii laalussii hen fodii dii dú foonjkada. <sup>16</sup> Wayee iñii laak yii, yérí Soweel, Sëldíiga-Koohaa yéegalohhee an:

<sup>17</sup> «Kooh wo' an: Ga bescii yah kimëeñjohda, mi hay kiso' Helii meyooh garooda ga dook baa en béeb; towutaagarúu tiyaltaa na tibetitaa hay ki'enu bisëldíigaroo, oomaacii hay míñ kihot iñcaa le''ii duum ee gu'gicii hay kilaak iñcaa feeñukba ga heey.

<sup>18</sup> Ee ga bescaama, mi hay kiso' Helii meyooh garooda ga dook súrgacaagoo biyaalbaa na bibetibaa, ee ba hay ki'enu bisëldíigaroo.

<sup>19</sup> Mi hay kitum enaama cidóoyí' waa' ga dook ga asamaan na kíntaan dii ga kakay: hay kilaak fodii ñíf, na kiwii na iifilaa dúuk pútúl en fan yaayeel.

<sup>20</sup> Nohii hay kiñúus térúus ee ñiidii hay kiyo'oh fodii ñíf, balaa besii Ha'mudii hayanda le'aa, besaa wiyaakwaama líif na ndamda.

<sup>21</sup> Béríinaa, béeb baa fu kíim ga teekii Ha'mudiinaa, fu hay kimúc.»

<sup>22</sup> Pee' tikka ga an:

- Dú, bu-Isarayeel, súkúrukát iñii mi yahhúu kiwo'da: Yéesu Nasareet enee baa Kooh teeweerúu an ya taabee nari. En ki'enaa, Kooh tummba kíntaan na mandarga ci dóoyí'-waa', caa kooroh gari ee tummbaca ga dhuuyucúu, fodii dii dú ínohkada, dú béebspúu. <sup>23</sup> Baa yaama tikussa ga yahhúu fodaa daa Kooh waareeka ee waayukeeka kumëeñí'da. Dú koorohha ga yah yiifa'cii, dú apparí, <sup>24</sup> wayee Kooh milísi'tari,

bëgíssari ga mesiklaatcaa ga kikaanda. En ki' enaa, kikaan míneeríri kibaj. <sup>25</sup> Ee Dëwít wo'ee ga iñaa aaw ga Yéesu an:

«Mi dëkee kihot Ha'mudii ga fíkiroo,  
ee ya yii ga yahaaroo doonaa ken míooroo kibúuk.

<sup>26</sup> Kérí tah keeñnjoo soosin, ee yeekcii meyoh kúuwrooda teewohinka,  
ee ban faanfigoo ga daa fa faanohsanda abin yaakaa'

<sup>27</sup> Ndaga Ha'mudii, fu foñanndii fítiigoo tes ga daa buwaa kaanin enohdá,  
ee fu íisanndii biigaraa yisela'í'yii nop ga d'uuy loy.

<sup>28</sup> Fu teewinndoo waasaa éewdoh bo' ga kipesdá,  
ee fu hay kisóosi' keeñnjoo ndaga fu yii ga yahaaroo.»

<sup>29</sup> Pee' tikkka ga an:

- Mbokcii, mi míinndúu kiwo' yiléerí' ga loo caasammbuu Dëwít: ya kaanin, acuunun ee bi wati loyiigari wii lís ki'en dii. <sup>30</sup> Buu' Dëwít nak enee sëldíiga-Kooh ee ya ínoheera an Kooh díginndi, waatta an hay kilaak ga níilaa tucaasamuntaagari yaa lamanndi ga Nguuraagari, en buu'. <sup>31</sup> Dëwít maañeera ki'ínoh an Kiristaanii hay kimílis, kérí taheeri kiwo' an: «Kooh foñnjiiri ga daa buwaa kaanin enohdá, ee faanfaagari noppii ga d'uuy loy.»

<sup>32</sup> Yéesu, yaa mi wo'"úu yaama, Kooh mílísfinndi ga buwaa kaaninda ee dí béeþpíi dí tíkin hassíi ga. <sup>33</sup> Yéesu, Kooh bëwi'tari, yugi'tari ya hanohhi yah-ñaam, ya laassa ga Helaa yisela'í' yaa Paamudii dígoheeda, ya yoosuki'ta Helaa ga dookkii ee iñamaa yëri en iñii dú hotda na iñii dú kelohdá. <sup>34</sup> En ki' enaa, Dëwít mosoo kilap ga Kooh ee ya ga kihafci wo'in an:

«Kooh, Ha'mudii wo' Ha'mudiigoo an:

“Yugohaaroo yah-ñaam,

<sup>35</sup> bi ga daa mi tuman buwii sañngaadá  
ditogaa' kotfu.” »

<sup>36</sup> Pee' enissaba an:

- Béeþpúu, dú bu-Isarayeel ínohat gaka an: Yéesu yaa dú daayee ga kuraanaada yëri Kooh tum Ha'mudii na Kiristaanii!

<sup>37</sup> Daa buwaa kelohee jangataama, fítcaagaba gú'ta kérít, ba meekissa Pee' na apotaa'caa bíinoobaa an:

- Mbokcii, dí jom ya kitum?

<sup>38</sup> Pee' taassaba an:

- Súpitat kipeskiigarúu, yaa en béeþ bëtisi'uk ga teekii Yéesu Kiristaa, doonaa dú bayalu baakaa'cumgarúu, en danaa Kooh onndúu Helii yisela'í'yii. <sup>39</sup> En ki' enaa, iñaa Ha'mudii, Koohyiigaruu dígoheeda aawee garúu na towutaagarúu na béeþ buwaa úsaayin, béeþ buwaa Kooh yah kinook ga hafcida.

<sup>40</sup> Pee' yaa nookba, yaa daasba na wo'een ciliis ciyewin an:

- Tookat Kooh müsallúu, dú meyoh ga buwii bibóni'bii ga jamaanii watida.

<sup>41</sup> Béeþ buwaa took wo'eencaa Pee'da, bëtisi'ussa. Ga besaa bërii, iñaa le' bo' bijúnni-kaahay baatukka ga télíbécää. <sup>42</sup> Ba tookka coonu ga kisukúruk jégírohcaa apotaa'caa eroheeda, ba ennda wiinoo, ba boki ñamah na kikíim Kooh.

### *Ki'abohkaa laakee ga d'uuy buwaa deb kigëm ga Yéesuda*

<sup>43</sup> Baa en béeþ, fíttaa yabee hen ndaga iñcaa cidóoyí'-waa'caa apotaa'caa tumeeda.

<sup>44</sup> Béeþ buwaa gëm ga Yéesuda enussa wiinoo, ba bokka ga iñaa en téoh. <sup>45</sup> Ba toonnda iñaa ba laakdá, ba warohha ga díkaantiba, yaa en béeþ na iñaa ya soolukdá.

<sup>46</sup> Ba dëkee ga kihídírukoh ga Kaanfaa Kooh besaa en béeþ. Bëri bokee kiñam ga kaancaagaba, ee ñamsee ñamahcaa na keen wi'sosí', ee na keen wi'éréffí'. <sup>47</sup> Ba kañi Kooh, ee béeþ buwaa bíinoo waa'taba. Ee besaa en béeþ Kooh yaa baat ga lagaagaba buwaa múcin.

### 3

#### *Pee' na Sañ wëkdussa baa lafañ hen*

<sup>1</sup> Laakka bes Pee' na Sañ baa yah Kaanfaa Kooh, kikíim Kooh; enee ga wahtu kigoonaluk, wahtaa buwaa kiimi Koohda. <sup>2</sup> Laakeera bo' yaa límdohu na kilafañ, besaa en béeþ ya haydohu ga kúuw-halkaa Kaanfaa Kooh, wo'si "halaa wimórí'waa", ya yuŋ daama, ya sarahtuki ga buwaa aasi Kaanfaa Koohda. <sup>3</sup> Daa ya hotee Pee' na Sañ baa yah ki'aas Kaanfaa Kooh, ya lérissaba yah, ba sarahhi. <sup>4</sup> Ba yíppari has, lëehí'ta Pee' wo"ari an:

- Malkaaríi!

<sup>5</sup> Lafañaa yaa malakþa dijóff', ndaga ya foogee an baama yahhi kisarah yen. <sup>6</sup> Pee' nak wo"ari an:

- Mi laakoo hëelís, mi laakoo wúrúus, wayee mi hayyaa ki'e' iñii mi laakða: Ga teekii Yéesu KiristaaNasareet, koluka fu tíin!

<sup>7</sup> Lëehí'ta Pee' ammbari ga yahaa ñaabaa bëwí'tari. Ga saasi kotcaa yëgíssa gík, puuguluycaa hatinndari. <sup>8</sup> Ya ennda bërit tuukka, aawwa kitín. Ya aassa na apotaa'caa Kaanfaa Kooh, ya yaa tíin, ya yaa koltuk, ya yaa kañ Kooh. <sup>9</sup> Béeþ buwaa hottari ya yaa tíin, ya yaa kañ Kooh. <sup>10</sup> Ga waa ba ínohsohha an yëri enee na kisarahtuk ga halaa Kaanfaa Kooh, ba waaru"a ga lool.

#### *Jangataa Pee' ga duuy Kaanfaa Kooh*

<sup>11</sup> Baa lafañeeda tagohissii ga fenoo Pee' na Sañ. Béeþ buwaa waaru'ussa ga lool, ba baa fool kilaakneeba ga dekataa teeku «Tíidískaaraa Salomonda». <sup>12</sup> Daa Pee' hotee iñaama, ya wo"a mbooloomaa an:

- Dú bu-Isarayeel, iñii han kilaak yii jaahallúu ga ya? Dú malkohhíi ya en fan dooliríi wala kiniik Kooh onndíi kitíinlukoh bii yii? <sup>13</sup> Kooh yaa Abaraham, yaa Ísaak, yaa Yakoop, yaa caasamuncaarúu teewohin ndamaa Yéesu, súrgaagari. Ee dú ga kihaffúu dú bërí tooneeri, dú taasukkari ga fíkií Pílaat ee lak sah yaama beþkinndi ki'íis. <sup>14</sup> Baa yisela'í'yaa ee yijúwí'yaa dú taasukkari, dú nammba kikiim Pílaat ya meydohi'túu ga kasaa baa lagi kumuun bo'. <sup>15</sup> Fodaama, dú aplukka baa laak kipesða, wayee Kooh mílisi'tari ga leeloo buwaa kaaninda ee iñaama dí enin seedi ga. <sup>16</sup> Doolaa teekaa Yéesu na gëmii dí gëm garida wëri on bii yii dú hot ee dú ínohsohinda, dooli kituuk. Kigëm ga Yéesu onndi kiwak peleŋ fodii dii dú bëebpúu dú hotkaða.

<sup>17</sup> Diimada mbokcii, mi ínohin an iñaa dú tum yaama, dú na buwaa kuliuk garúuda, ki'ínohoo tah dú tummbi. <sup>18</sup> Kooh nak mëti'ta fodaama iñaa ya yéegalohee kooroh ga kúuw sëldíigacaagarida. Ya wo'ee an Kiristaanaagari hay kikoo' ga coonu. <sup>19</sup> Kon súpitat kipeskiigarúu, dú boykidoh haffúu ga Kooh doonaa Kooh séti'túu ga baakaa'cumgarúu. <sup>20</sup> En cfanaa, Ha'mudii hay kihaydoh jamaanu ki'íkaruk, ya wosoh Yéesu, Kiristaanii dú díñsee kumëeñí'da. <sup>21</sup> Wayee diimada, Yéesu jom kites ga asamaan bi ga daa Kooh hëwi'san tóoh en yi'as, fodaa ya yéegaloheeka kumëeñí' koorohha ga túuwtaa sëldíigacaagari bisela'í'baada. <sup>22</sup> Ee Móyiis wo"eera an:

«Ha'mudii Koohyiigarúu hay kiwosoh garúu sëldíiga-Kooh, fodiigoo, yaa bok narúu heet. Iñaa ya wo"úu tóoh, leenaa súkúrukatti. <sup>23</sup> Béeþ baa fu tookkii kisükúruk sëldíiga-Koohaamanaa fu hay kimeydohu ga buwaa Kooh, fu apu.»

<sup>24</sup> Béeþ sëldíiga-Koohcaa wo'see ga iñaamada, aboh ga Samiyeel bi ga bïinoobaa tik garida, ba yéegalohee iñii hew yii diimada.

<sup>25</sup> Iñaa Kooh dígohee koorohha ga sëldíigacaagarida enee wuuruú ee dú laakin bak ga kifiliimunkaa Kooh pokee na caasamuncaagarúuda, ga waa ya wo' Abaraham an:  
«Mi hay kibarkeel heetcii ga èldúnada tóoh ee koorohan ga tuacasamuntaagaraa.»

<sup>26</sup> Fodaama Kooh beëba súrgaagari, wossari kibarkeellúu, ya foñlukoh baa en béeë tumeencaagari cibóní'caa ya tumida ee Kooh dëbka garúu.

## 4

### *Pee' na Sañ bayussa ga fíkii paanaa wiyaakwaa*

<sup>1</sup> Pee' na Sañ, lak baa lís kiwo' na buwaa, laakka sarahohcaa hayu gafba taabu na baa kuliukee ga buwaa watusi Kaanfaa Koohda na Sadusseyeencaa. <sup>2</sup> Keeñba tamee ga daa ba hot Pee' na Sañ baa jégi' buwaa, ba baa yéegalba an kimílskaa Yéesu tahin bi buwaa kaanda hay kimílisu. <sup>3</sup> Ba ammba Pee' na Sañ lagussaba ga kasu bi ga kooh-wíisfaa ndaga lak Kooh hoowin. <sup>4</sup> Bo' biyewin ga buwaa kelohsee wo'encaaa apotaa'caada gémussa. Fodaama ga buwaa gémnda tóoh, yaalcaa jomeera kile' bo' bijúnni-yétúus.

<sup>5</sup> Ga kooh-wíisfaa, buwaa kuliuk ga yaawúu'caada, yaakcaa, na jégíroh-waascaas hídírukohussa ga Yéerúsaleem. <sup>6</sup> Aan, ha'-kaadaa sarahohcaa na Kayíf, Sañ na Èlíksaan, na béeë buwaa bok ga gíraa ha'-kaadaa sarahohcaada, ensee daama. <sup>7</sup> Ba nakohha kihaydoh Apotaa'caa ga fíkii, ba meekissaba an:

- Dú kooroh ga doolii wiida wala ga teekii wiida bi dú míñ wékí' bii yii?

<sup>8</sup> Ga dekataama Pee' líiffa na Helaa yisela'í'ya, loffaba an:

- Dú yaakcii, na buwii kuliuk ga heetcii, <sup>9</sup> waa dú bayyií wati kitaas waas ga yijófí'ya a dí tumi' lafañaadfa na daa dí kooroh bi ya wakkada, <sup>10</sup> kon ínohatka dú béeëpúu na béeë heetii Isarayeel an dí kooroh ga teekaa Yéesu KiristaaNasareet, yaa dú apee ga waa dú daayci ga kuraanaa ee Kooh mélisi'tari ga buwaa kaaninda. Yéesu yaama yéri tah bi bii yii wak ya tuuk dii ga fíkíirúu. <sup>11</sup> Yéesu yéri en baa Bíncaa cisela'í'caa wo' gari an: «Atohaa, tawohohcaa jafeeda -- ee wo'u narúu -- méeñjohin ki'en atoh-koñaa túuyaa.» <sup>12</sup> Enndii garinaa, kimúc laakoo ga fen diliis. En ki'ena, laakoo teek wiliis ga éldúna waa Kooh e' bo'-súusúus ee wa míñ buwii kimúsal.

<sup>13</sup> Buwaa atti'i ga paanaa wiyaakwaada, waaru'ussa ga daa Pee' na Sañ kaañu wo'encaagabada, ee iñamaa bettaba ndaga ba ínohin an Pee' na sañ jagussii. Ba hotta an ba bok ga buwaa taabee na Yéesuda. <sup>14</sup> Wayee daa ba hotee baa baa wékduseeda tuukin ga yahaa Pee' na Sañ, ba laakissii iñaa ba wo'an. <sup>15</sup> Waa ennda ña, ba ebilla apotaa'caa kimey paanaa atti'ohsi ña paay, ba awwa kihotoh ga díkaantiba. <sup>16</sup> Ba baa wo'an:

- Buwii bii ñu tumanba na? En ki'ena, wóorin an buwii bii tumuunun kíntaan wiléeri'. Béeë bu-Yéerúsaleem yéeguununka ee ñu mínooka kisañ. <sup>17</sup> Du hëwëlatba, ñu hoonohba kiwo' na bo' ga loo teekii Yéesu, en danaa, iñuma wéñoo ña kisíw ga ñuu yu buwum.

<sup>18</sup> Waa ennda ña, ba baylukka Pee' na Sañ, ba kokohhaba ba íis yas kiwo' loo Yéesu wala kijégíroh ga teekaagari. <sup>19</sup> Wayee Pee' na Sañ loffaba an:

- Wo'at rek! Iñii yiida wéñ kijúb ga fíkii Kooh? Kikeloh wo'eenndúunoo, kikeloh wo'eneci? <sup>20</sup> Wayee dí ga kihaffii nak, dí mínoo ki'íis kiyéegaloh iñaa dí hot na iñaa dí kelohda.

<sup>21</sup> Atti'ohcaa biyaakbaa hëwélussaba, ba íissaba ndaga ba laakéerí daa ba kooran bi ba sodalba ee lak buwaa béeëba baa kañ Kooh ga iñaa laakee yaama. <sup>22</sup> Baa Pee' na Sañ wékdsee na kintaanda wéñdeera tíkíis tidaanjkaah-nikiis.

### *Buwaa géminda enussa ga kikíim-Kooh*

<sup>23</sup> Ga waa Pee' na Sañ íisuda, ba baa yah ga buwaa ba taabi nabada, ba béeët'i taba tóoh iñcaa sarahohcaa biyaakbaa na yaakcaa wo'eëbadfa. <sup>24</sup> Ga waa buwaa súkúrukussa iñaa béeët'ru yaama, ba bokka béeëba kikím Kooh anee:

- Cic Kooh, fu yéri sak asamaanii, na kakayfii, na giyii na tóoh iñcii en gadfa.

<sup>25</sup> Fu yérí kooroh ga tumeencaa Helaa yisela'í'yaa fu tummba wo'eencii cii ga kúuwkaa caasammbíí Dëwít, súrgafu an: «Iñii tah ya coow koluk ga d'uuy heetcii? Iñii tahba kipokoh nof ya ga iñcaa míoo kilaak?

<sup>26</sup> Buu'cii ga ēldúnada na buwii kuliyuk ga heetcii ga ēldúnada bēbkuunun ee ba enin wíinoo kiheñoh Kooh, Ha'mudii na buuraa ya faldsa.»<sup>☆</sup>

<sup>27</sup> En ki'enaa, wéerin an Eroot na Poos-Pílaat na bu-Isarayeel na heet ciliis hídírukohuunun ga teerii wii kiheñoh Yéesu súrgiigaraa yisela'í'yii fu fal buu'cfa.

<sup>28</sup> Fodaama ba mëti'si" a tóoh iñaa fu natee kitum kumëeñí' ee ga dooliigaraa fu onndawa kimín ki'en. <sup>29</sup> Ee diimadfa Ha'mudii malkaa ga dii ba soonngíida; onaarii, dí súrgaciigaraa kiyéegaloh Wo'eeniigaraa na fít wiyégísí' gík. <sup>30</sup> Lérísaan yahiigaraa doonaa bibo' wékdu, ee kíntaan na enaama cidóoyí'-waa' laak ga teekii Yéesu, súrgiigaraa yisela'í'yii.

<sup>31</sup> Buwaa baa lëehí' kikiim Kooh, d'ekataa ba eneeda waa yëngëluk, ba líiffa béebla na Helaa yisela'í'yaa, ee ba baa yéegaloh Wo'eenaa Kooh na fit wiyégísí'.

### *Bu-Yéerúsaleembaa gëminda atukohussa alalcaagaba*

<sup>32</sup> Béeb buwaa gëmda bokussa keeñ wíinoo na hel. Yíinoo gaba wo'éeríi an iñaa ya laakda ya eemdohwa ga hafci rek, wayee béebl iñaa ba laakda, ba atukoheeri hen, en wíinoo. <sup>33</sup> Apotaa'caa baa seedi' ga daa ba wëñ kimín kimilískaa Yéesu, Ha'mudii ee Kooh taammba naba ga tóoh. <sup>34</sup> Ken ñakéeríi dara gaba. Béeb buwaa laakee yoon wala kaanda, toonussaca, ba haydohha cadamfaa, <sup>35</sup> ba e'tafa apotaa'caa, lëehíraa koparaa warohu buwaa, yaa en béebl na iñaa ya soolukda. <sup>36</sup> Laakeera ban baa teeku Yoseef, ya iñaa Léwit ee límohu Sipa'. Baa yaama apotaa'caa teekeeri Barnabaas, wéri en «bii daasi buwiida». Baa yaama laakeera yoon, <sup>37</sup> ya toonnda yoonci haydohha cadamfaa, ya tikkafa ga yah apotaa'caa.

## 5

### *Sabofaa Anañaas ya na betici Safíraa*

<sup>1</sup> Laakka nak baa teeku Anañaas, ee betici teeku Safíraa. Ya toonnda ga kakayfaagaba. <sup>2</sup> Ya pokohha nof ban na betici, ya têhdohha ban ga koparaa yoonaa toonohuda, lëehí'ta ya e'neera apotaa'caa iñaa tesda. <sup>3</sup> Waa ennda d'a, Pee' wo"ari an:

- Anañaas, iñii tah ya Seytaani te' keeñfu, fu kaakin Helii yisela'í'yii saboh ee fu têhdohin ga koparaa fu toonoh yoonaa. <sup>4</sup> Yoonaa tesee danaa, wa tesi'tiiraa dane? Waa fu toonndawa, koparaa enndii wuufune? Kon iñii fu waa' kitum yii fu mínnodi na kihalaat ga helfu? Fu kaakkii bo'-súusús saboh wayee Kooh yérí fu kaak saboh.

<sup>5</sup> Daa Anañaas kelohee wo"eencaama, ya kennda kakay, ya dalla kikaan. Béeb buwaa yéensee iñaamada, tíitussa lool. <sup>6</sup> Oomaa-yaalcaa kolkussa, múulussa faraaffaa, bayussafa ki'acnee. <sup>7</sup> Tíkka ga iñaa le' wahtu kaahay, beti Anañaas aassa, lak ya yéenngii dara ga iñaa laakda. <sup>8</sup> Pee' meekissari an:

- Wo'aaroo, cadamfii yoonii dú tooneeda tóoh férí fiine? Betifaa taassari an:
- Ee, enee cadamfuma.

<sup>9</sup> Pee' wo"ari an:

- Dú míñ na kipokoh nof kiheel kidúk Helii Ha'mudii? Súkúruka! Buwum ka'see ki'ac yaalfuda booma ga halii, ee ba hayyaa kibay, fu ban.

<sup>10</sup> Ga saasi betifaa keennda kakay ga kotcaa Pee', fa kaannda. Daa oomaa-yaalcaa aasee, ba laakki kaanin. Ba bayyari, acsuneerari ga yahaa yaalci. <sup>11</sup> Béeb buwaa gém ga Yéesuda, na béebl buwaa yéeggee iñcaa laak caamada, tíitussa lool.

### *Apotaa'caa tummba kíntaan ciyewin ga Yéerúsaleem*

<sup>☆</sup> 4:26 4: 26 Mëdirohat na Kañcaa 2: 1-2.

<sup>12</sup> Apotaa'caa baa tum ga leeloo buwaa kíntaan ciyewin na enaama cidóoyí' waa'. Buwaa gém ga Yéesuda mee'seera kihídírukoh ga dékataa teeku «Tíidiskaaraa Salomonda». <sup>13</sup> Ken ga buwaa bíinoo tesđa kaañéeríi kika' gaba, ee nak béeb buwaa wo'ee gaba yijúwí'. <sup>14</sup> Yewinnda lool biyal na bibeti baa gém ga Ha'mudii, ba baatukka ga buwaa géminda, fodaama mbooloomaa waa wëñ kiyak. <sup>15</sup> Ka'ta bi díukkoolí'caa baa meydohu ga mbedicaa, bii faanu ga gatan wala basan doonaa Pee' kooroh danaa heyna sóogúufaagari míñ ki'úul yíinoo gaba, ennda ga yii wala ga yay, ba wak. <sup>16</sup> Bibo' biyewin baa meyoh ga dékcaa wíil Yéerúsaleemda, baa haydoh bidúukkoli' na buwaa rab am ee béebba baa wékdu.

### *Apotaa'caa abussa ga kasu*

<sup>17</sup> Waa ennda ðfa, ha'-kaadaa sarahohcaa na béeb buwaa taam narida, ennda buwaa bok ga Saduseyeencaa, iñaadohussa apotaa'caa, ba koluki'taba. <sup>18</sup> Ba amlukka apotaa'caa, ba lanlukkaba ga kasaa béeb tècohksida. <sup>19</sup> Wayee ga wekaa, laakka malaakaa Ha'mudii hay, lègíssa halcaa kasaa, meydohhaba, wo'aba an:

<sup>20</sup> - Karat Kaanfaa Kooh, daama dú jangat buwaa béeb iñaa aaw ga loo kipeskii ki'askiida.

<sup>21</sup> Apotaa'caa tumussa fodaa daa ya nakohda. Kooh yaa wíis ga kímaa teel, ba aassa Kaanfaa Kooh, ba aawwa kijégíroh. Ha'-kaadaa yaawúú'caa hayya, ya na buwaa taam narida, ba bëytohha béeb paanaa wiyaakwaa, waa béeb buwaa kuliyuk ga heetii bu-Isarayeel hídohida, lèehí'ta ba wosohha kikoo'nee apotaa'caa ga kasaa. <sup>22</sup> Soldaa'caa karussa, wayee daa ba le'ee kasaa, ba hottii apotaa'caa ga túuycaa ba lagohseeda, ba boyukka ba béstí'taba an:

<sup>23</sup> - Dí laak kasaa laguunun bi jofin, soldaa'caa tuukuunun ga halcaa, wayee daa dí aasee, dí lègíssa daa ba lagohseeda, dí hottii bo' da.

<sup>24</sup> Yaa kuliyuk ga soldaa'caa ga Kaanfaa Koohda na sarahohcaa biyaakbaa, daa ba kelohee wo'eencaa caama, ba jaahli'a lool ba baa meekiskoh iñaa míñ kidal apotaa'caada. <sup>25</sup> Waa ennda ðfa, laakka baa hay wo'aba an:

- Buwaa dú lagee ga kasaada, man baa ga díuy Kaanfaa Kooh, baa jëgi' buwaa.

<sup>26</sup> Baa kuliyuk soldaa'caa ga Kaanfaa Koohda taammiba na buwaagari, ba koo'neera apotaa'caa ee kinookoh laakkii ga ndaga ba niikee buwaa tapisohba na atoh.

<sup>27</sup> Ga waa ba haydohhaba, ba yugi'taba ga fíki atti'ohcaa biyaakbaada ha'-kaadaa sarahohcaa meekissaba an:

<sup>28</sup> - Dí hoonohéeríirúu kijégíroh ga teekaa baa yaamane? Ee malkat, Yéerúsaleem tóoh gomin na iñcum dú jëgírohida, ee dú waa'tíi kikoo' daal kikaankaa baa yaama!

<sup>29</sup> Pee' na apotaa'caa tesđa loffaba an:

- Kooh yéri jom kitaabuku wayee enndii bo'-súusúus. <sup>30</sup> Yéesu yaa dú apee ga waa dú daayci ga kuraanaadfa, Koohyii bicaasammbíi mílisi'tari. <sup>31</sup> Ee yéri Kooh bëwí', yugi'tari hanohha yah-ñaabaagari, ya fallari ya en buu' na Músalkaat doonaa ya on heetii bu-Isarayeel kimín kisúpít kipeskaagaba en danaa ba bayalu baakaa'caagaba.

<sup>32</sup> Dí bëri en seedi ga iñcaa laakee caama, dí na Helii yisela'i'yii Kooh on buwaa taabukirida.

<sup>33</sup> Daa bu-paanaa kelohee wo'eencaa, ba aylukussa bi baa saak, ba waa'ta ki'ap apotaa'caa. <sup>34</sup> Wayee laakka Férísiyeegaa teeku Gamaliyeel, ya enee jëgíroh-waas ee béeb oneerari cée'. Ya kolukka, ya tuukka ga leeloo paanaa, ya nakohha apotaa'caa meydohu fooh paay. <sup>35</sup> Lèehí'ta, ya wo'a an:

- Dú bu-Isarayeel, watukat iñii dú yah kitum buwii biicfa. <sup>36</sup> Dú níindísukaa ga iñaa maañnjii dara, laakeera baa wo'u Tëdaas; enee dii. Ya tíkee hafci bo' yiyaak ee iñaa le' bo' bitéemée'-nikiis taabukkari. Waayee daa ya apsee, béeb buwaa taabukeerida tasaarukohussa, gaama eemmba daama. <sup>37</sup> Ga fenooci, ga wahtaa buwii kínsse ki'ínoh daa ba hídeedfa, dú hotissa dii Yúdaa yaa dëkee Gélíleeda. Ya nookka bo'

biyewin ga fenooci. Wayee daa ya apsee, béeb buwaa taabukeerida tasaarukohussa. <sup>38</sup> Diima deñ mi wo"úu an: waassúu hanat ga bwii bii ki'en. En lakanaa iñcii ba jégírohda wala iñcii ba enukohda meyoh ga bo'-súusúusaa, ba hay kitasoh. <sup>39</sup> Wayee en lak ca meyoh ga Koohaa, dú mínooca kihoonoh kituuk. Kon kaa ekat haffúu ga kihéñoh Kooh. Bu-paanaa tookussa iñaa Gamaliyeel wo'da. <sup>40</sup> Ba bayya apotaa'caa, ba ríplukkaba, lëehí'ta ba hoonohhaba kiwo' ga teekaa Yéesu, lëehí'ta ba íissaba baa yah. <sup>41</sup> Apotaa'caa meyohussa daa atti'ohsida, baa yah na keeñ wisóosí' ndaga daa Kooh atti'in an ba matin kitóróhdsu ndaga teekaa Yéesuda. <sup>42</sup> Ee besaa en béeb ba baa ka' Kaanfaa Kooh na duuy kaancaa, ba baa lís kijégíroh na kiyéegaloh Hewhewii winéwí'wii wo' ga loo Yéesu, yii en Kiristaaniida.

## 6

### *Bo' biyitnabanak tanussa ki'amsoh apotaa'caa*

<sup>1</sup> Waama lak télibéecaa Yéesuda baa wëñ kibaatuk. Yaawúu'caa laksi kiGerekda baa ña'sukoh loo iñaa yaawúu'caa laksi ki'Eberée tumida. Ba ña'sukohee an beticaa bok gabada, ee yaalba kaaninda, daanee ki'aluku hen ga dúndaa warohsi besaa en béebsda. <sup>2</sup> Apotaa'caa bidaankaah na fanakbaa hidírohussa béeb télibéecaa, ba wo"aba an:

- Dí iis kiyéegaloh wo'eenii Kooh, dí am ga kiwaroh ñamah enndii iñaa gën. <sup>3</sup> Kéri tah, Mbokcii, namat kitan ga duuyucúu yaal biyitnabanak, baa ínohohu ga kijúb, baa líifin na Helii yisela'í'yii ee laakuunun hel, dí sasba kitum légéyaama. <sup>4</sup> En danaa dí ga kihaffii, dí éewruk ga kikiim Kooh na kiyéegaloh wo'eeniigari.

<sup>5</sup> Béeb buwaa gëmda tookussa iñaa wo'u yaama. Waa ennda da, ba tannda Iceen, bo' yigëmi' Kooh ee líifin na Helii yisela'í'yii, Filiip, Porokoo', Níkanoo', Tímon, Parminaas, na Níkulaa yaa límohu Añcoosda ee enee yiifa' kudewaa, ya aassa ga waasaa yaawúu'caada. <sup>6</sup> Lëehí'ta, ba haydohhaba ga apotaa'caa. Baama tíkussaba yah ga haf, kíimfussaba Kooh.

<sup>7</sup> Wo'eenaa Kooh waa wëñ kisíw, ee ga Yéerúsaleem, télibéecaa baa wëñ kibaatuk, ee sarahoh biyewin gëmussa ga Yéesu.

### *Iceen abussa*

<sup>8</sup> Kooh barkeella Iceen, líifi'tari na dooli, ya yaa tum enaama cidóoyí'-waa' na kíntaan ciyaak ga duuy buwaa. <sup>9</sup> Laakka bifo' baa júwohéeríi na Iceen ee ba bokee ga jaangu-yaawúuraa "ñaamcaa laak haffada", ba enee biyaawúu', ee ba meyohee Síreen, Aleksandarí, Sílisíi na Aasíi. Ba baa téesdoh wo'een na Iceen. <sup>10</sup> Wayee, ba míneeríi yen ga wo'eencaagari ndaga ya wo'ohee kiñaañkaa Helaa yisela'í'ya oneerida. <sup>11</sup> Ba neehalla bifo' doonaa baama wo' an:

- Dí kelohin ya wo'in wo'een cisépí'i' ga Móyiis na ga Kooh.

<sup>12</sup> Fodaama ba tahha bi yaakcaa dëkaa, jégíroh-waascaan na bu-dëkaa, kolukussa ba keennda ga dook Iceen, ba ambari, bayussari paanaa wiyaakwaa. <sup>13</sup> Ba baydohha ban seediccaa yah Iceen kipoki' kiwo', wo'ussa an:

- Kaanfii Kooh fisela'í'fii na Waasíi Móyiis, bii yii dëk kiwo' wo'een cisépí'i' gaca.

<sup>14</sup> Dí kelohinndi yaa wo' an Yéesu Nasareet hay kibú' Kaanfii Kooh, ya súpit baahcií Móyiis foñi'tuudá.

<sup>15</sup> Béeb buwaa enee ga paanaa wiyaakwaada yípussa Iceen has, ba hotta fíkiifaagari faa melic en fan fíkii malaaka.

## 7

### *Jangataa Iceen*

<sup>1</sup> Wa ennda da, ha'-kaadaa sarahohcaa meekissa Iceen an:

- Iñcii fu wo'dúda kayohe?

<sup>2</sup> Iceen taassa an:

- Dú, mbokciigoo, súkú'kattoo. Koohyii laak ndamfa feeñukka caasammbuu Abaraham ga kúlcaa Mesopotamíi lak ya ka'tii kidéknee teeraa Haran duum. <sup>3</sup> Kooh wo'"ari an: «Meyohaa kúlkiigaraa, fu foñ buunfu, fu ka' kúlcaa mi teewanndaada.»

<sup>4</sup> Waa ennda dsa, Abaraham meyohha kúlcaa bu-Kaldee, ya ka'ta dékneera teeraa Haran. Ya ennda daama bi ga daa paamci kaanoh. Kooh bewohhari daama, paafdohhari dii ga kúlkii díi dékoh watida. <sup>5</sup> Kooh onndiiri kilaak kakay fíinoo díi, enndii sah iñaa hín na patañ-kot, wayee ya díjngari kilaak kúlkii, bu-níilaagari lamuka gari. Wiima nak lak Abaraham laakkii sah kowu. <sup>6</sup> Iñii yii yérí Kooh wo'eeri: «bu-níilaagaraa hay kidéku ga kúlcaa enndii kuuba ee daama ba hay ki'abu ñaam, ba sodalu iñaa le' tíkis titéemée'-nikiis.» <sup>7</sup> Kooh nak tikkga ga an: «Heetaa yahba ki'am ñaamfa, mi Kooh, mi haywa ki'atti. Léehíraa ba hay kikulkoh daama, ee ba yahhoo kijaamukoh dii ga dekatii wii.» <sup>8</sup> Wa ennda dsa, Kooh pokohha kifiliimun na Abaraham ee kigúruk kéri en mandargaa kifiliimunkaa kaama. Fodaama, ga waa kowuci Ísaak límuda, Abaraham gú'tari ga besaa wu-yitnakaahaywaa tík gadfa. Ísaak tummba fodaama, ya gú'ta kowuci Yakoop, Yakoop ban gú'ta bicaasammbuu, towutaagari tidaankaah na tanaktaa kuliyuk ga heetii Isarayeelda.

<sup>9</sup> Caasamuncaagaruu baama iñaadohussa kéméenkíba Yoseef, ba toonndari ya bayu kúlcaa Esípti ki'en ñaam. Wayee Kooh taabee nari, <sup>10</sup> ya mísallari ga coonucaagari. Kooh onndari kinebloh Farawoñ, buuraa Esípti, ya onndari ban kilaak hamham ga fíkiici. Yaama fallari ki'en gúwernéeraa kúlcaa Esípti na kituukuk kaanci béeëba. <sup>11</sup> Wa ennda dsa, a' wiyaak laakka ga béeëb kúlcaa Esípti na kaa Kanaa. Araa mesikka lool bi bicaasammbuu laakissii iñaa ba ñaman. <sup>12</sup> Ga waa Yakoop keloh an beli laakin ga kúlcaa Esíptida, ya wossa bicaasammbuu daama bes. <sup>13</sup> Kotaa kukanakkaa ba ka' dada, Yoseef tummba bi yaakmuncaagari ínohsohussari. Fodaama Farawoñ ínohha buwaa en mbokcaa Yoseefds. <sup>14</sup> Léehí'ta, Yoseef wosohha kikoo'nee mbokcaagari béeëbba na paamci Yakoop: ennda bo' bidaankaah-yitnabanak na biyétúus. <sup>15</sup> Yakoop nak toolukka kúlcaa Esípti, ya dékka daama bi ga daa ya kaanohds. Bicaasammbuu ban kaanohu daama. <sup>16</sup> Faraafcaagaba bayussa Síkeem, acussa ga loyaa Abaraham lomee na kopa'ci ga towutaa Emoo' ga Síkeemda.

<sup>17</sup> Ga waa jamaanaa Kooh jomee kiméti' dígaa ya waatee díjnga Abarahamfa deeyca, heetiigari baatukka, waa wéñ kilaw ga kúlcaa Esípti, <sup>18</sup> bi ga daa buu' yiliis falukohdfa. Buuraama nak ínohéeríi Yoseef. <sup>19</sup> Buuraama díukka heetiigaruu, ya sodalla bicaasammbuu, ya gítinndaba kijaf towutaagaba doonaa ta pesoo. <sup>20</sup> Móyiis límu ga jamaanaama, ja ennda ku'oomaakaa neblohin Kooh. Ja bayussa ga kaan paamci na eeci ñiin kaahay. <sup>21</sup> Ga waa ja jafuda, kowukaa Farawoñ kibetikaa balabpaja, ya ko'taja fodii kowuci. <sup>22</sup> Fodaama Móyiis korussa ga hamhamaa bu-Esípti, ee ya ennda bo' yiléekí'-solu ndaga wo'eencaagari na tumeencaagari.

<sup>23</sup> Ga waa Móyiis laak tíkis tidaankaah-nikiisfa, helci ka'ta ga kiwaaknee bu-Isarayeel, mbokcaagari. <sup>24</sup> Ya hotta daama bo' ga bu-Esípti yaa en na kisodal bo' yíinoo ga bu-Isarayeel, yaa feekki. Ya lúukidohhari, ya éldúki'tari, appa baa bok ga bu-Esíptida. <sup>25</sup> Ya foogee an mbokcaagari hay ki'ínoh an Kooh waa' kikooroh gari, ya mísalba, wayee baama ínohhii iñaama ga. <sup>26</sup> Ga kooh-wíisfaa, ya hotta bo' banak ga bu-Isarayeel baa enee na kiheñoh, ya waa'taba kijúwohi', ya wo'"aba an: «biyaay, díu heñoh ya, ee díu bimbok?» <sup>27</sup> Yaa jekelukee mooroomcida nak tappa Móyiis yah woo'"ari an: «Bii fallaa buu' na atti'oh ga cookkií ba? <sup>28</sup> Fu waa'too ki'ap fodaa fu apee wútúwaa baa bok ga bu-Esíptidane?» <sup>29</sup> Daa Móyiis kelohee wo'eencaa caama, ya núppa, ya daakukneera ga kúlcaa Majaan. Ya ennda da bi ya laakka towu tanak daama.

<sup>30</sup> Tíkka ga tíkiis tidaan̄kaah-nikiis, laakka malaakaa Kooh feeñukki ga ëgí'-dúndagaa ga yahaa janjagaa Sínayíida, ga duuy kiwii, kiwiikaa enee na kitak ga duuy dútük. <sup>31</sup> Móyiis dalla kijaahli' ga iñaa ya hotfa, ya yaa deey kimalak bi jof, wayee ya kelohha koonaakaa Ha'mudii, kaa wo'i an: <sup>32</sup> «Mi yérí en Koohyii bicaasamfu, Koohyii Abaraham, Koohyii Ísaak, Koohyii Yakoop.» Daama, Móyiis yaa saak ndaga kitíit, ya kaañissii kibéwi' has kimalak. <sup>33</sup> Ha'mudii tíkka ga, wo'ari an: «dolaa ñafa'ciigaraa ndaga dekatii fu togheda dekat wisela'i». <sup>34</sup> Mi hotin coonufaa heetaagoo enukoh ga kúlkaa Esíptifa. Mi kelohin ti'iintaagaba, kérí tah mi yoosukin kisomba. Diimada, hay mi wossaa kúlkaa Esípti.»

<sup>35</sup> Móyiis yaama, yérí mbokcaagari taasukee, ba wo'ari an: «bii fallaa buu' na atti'oh ba?» Yérí Kooh wosee ya kuliyuk ga heetaa ya laasba, koorohha ga malaakaa Kooh feeñukee Móyiis ga dútúkaadfa. <sup>36</sup> Móyiis na kihafci, yérí meydoch bu-Isarayeel kúlkaa Esípti ya tummba enaama cidóoyí'-waa' na kíntaan ga kúlkaa Esípti, ga waa ba paaf giyyaa wiyo'ohwaa, na ga waa ba kooroh ëgí'-dúndagaa ba tummba ga iñaa le'in tíkiis tidaan̄kaah-nikiisdfa. <sup>37</sup> Móyiis yérí wo'ee bu-Isarayeel an: «Kooh hayyúu kimeydohi' ga heetiigarúu sëldíiga-Koohaa man naroo.» <sup>38</sup> Ga waa mbooloomaa négrukoh ga ëgí'-dúndagaada, yérí enee ban ga díkaanti bicaasammbuu na malaakaa Kooh wo'ee nari ga janjagaa Sínayíida, ee ya laassa ga wo'encaa Kooh onohi kipesda, ki'e'tuua.

<sup>39</sup> Bicaasammbuu sagussa kitaam ga wo'een Móyiis, ba foñnjari, helba boyukka Esípti. <sup>40</sup> Ba nakka Aaron an: «Tíbdaaríi koohcaa kuliyukan ga fíkiiríi, ndaga Móyiis, yaa meydoheeríi kúlkaa Esíptifa dí ínohoo iñaa dallida.» <sup>41</sup> Waa ennda da, ba tíþpa doon, ba tummba yenba koohba, ba tummba sarah ga nataalaama. Keeñba soossa lool ga iñaa ba tíþ na yahba yaama. <sup>42</sup> Kooh úsaayyaaba, foñnjaba baa jaamuk nohii, ñiidii na olcii ga asamaanda fodii koohba. Ee iñaama sah-sah yérí bídu ga këyítfaa sëldíiga-Koohcaa an:

«Dú, heetii Isarayeel,  
ga wii dú tum sarah júu'caa  
na sarah ciliis iñaa le' tíkiis tidaan̄kaah-nikiis ga ëgí'-dúndagaada,  
dú tumdeeroocane?»

<sup>43</sup> Múk, dú koorukee taalaa Molok yaa dú tík Kooh haffúuða,  
na nataalaaa ku'olkaa Reefaan yaa dú tík Koohda ban.  
Nataalcaama dú bëri hëwíreeca, dú baa jaamukca.  
Kérí tah, mi hayyúu kitool, mi bayyúu daa wëñ teeraa Babíloon ki'úsaay.»

<sup>44</sup> Iiceen tíkka ga an:  
- Taalaa daakohsee Bíncaa cisela'í'caa teewoh kifiliimunkaa Kooh na bicaasammbúuda, ba taabee nawa ga duuy ëgí'-dúndagaa. Taalaama, Móyiis hëwíreewa fodaa daa Kooh teeweeriwada: en ki'enaa, ya nakee Móyiis kihëwí'wa, ya taabuk ga daa ya hot lëdíruussida. <sup>45</sup> Taalaama, bicaasammbuu baa hayee ga fenoocid'a laasussa gawa. Ba taammba nawa bi ga kúlkaa ba te'ee ga heetcaa Kooh kaalee ga fíkiibada, lak Yosúwée yérí kuliyukee ga fíkiiba. Wa tessa daama bi ga jamaanaa Buu' Dëwít. <sup>46</sup> Dëwít neblohha Kooh, ya kíimmba Kooh kiyípi'ti kaan daa tucaasamuntaa Yakoop\* jaamukohanndi. <sup>47</sup> Wayee Salomon yérí mëeñjoh kitawahi' Kooh kaanfaa.

<sup>48</sup> Koohyii ga dookaa-dookfa nak dëkoo ga kaanfaa bo' hëwí' na yahci. Ee fodaa daa sëldíiga-Koohaa binkada, Ha'mudii wo' an: <sup>49</sup> «Asamaanii wëri en bañ-buuriigoo, kakayfii ennda ditogaa' kottoo. Kon dú tawahdfanndoo kaan fa man na? Wala dú heeli'too daa mi dëkohan da man na? <sup>50</sup> Iñcumá bëebca, hanaa enndii yahhoo hëwí'ca?»

\* **7:46** 7: 46 Yakoop bayeera ban teekaa Isarayeel

<sup>51</sup> Iceen wo'issa atti'ohcaa an:

- Dú bérí yégis ga haf ee keeñciigarúu na nofciiirúu dú luginca pat ga kikelohi' Kooh<sup>†</sup>. Besaa en béeb dú en na kilebiroh Helii yisela'i'yii, dú taam bicaasammbúu.

<sup>52</sup> Laakin seldíiga-Kooh yíinoo rek yaa bicaasammbúu hatallii ga kipesé? Ba appa seldíiga-Koohcaa deb kiyéegaloh kihaykaa yijúwí'yiida. Ee watifii wati dú onin yijúwí'yii bínj, dú apinndi. <sup>53</sup> Dú laasin ga Waasii Kooh eroh, koorohha ga malaakacaadsa, wayee dú taabukkiwa. Iceen tapisohussa na atoh bi kaannda.

<sup>54</sup> Daa bu-paanaa wiyaakwaa kelohee wo'eencaa Iceen caama, keeñcaagaba caa oñ ndaga ki'aylukki, ba baa dswuk. <sup>55</sup> Wayee, Iceen ga kihafci nak, líiffa na Helaa yisela'i'yaa; ya taaginukka asamaan, ya hotta ndamaa Kooh, ya hotta Yéesu ban tuukin hanohha yah-ñaabaa Kooh, <sup>56</sup> Iceen wo'a an:

- Malkat, mi hotin asamaanii légísukin, Kowukii bii tuukin hanoh yah-ñaabii Kooh.

<sup>57</sup> Daa ba kelohee wo'eencaama, ba dalla kipookoh na tifiip, lagussa nofcaagaba, ba íisukka waas kíinoo mílíp ga dookci. <sup>58</sup> Ba fassari bi ba meyca nari teeraa, ba aawwari kitapisoh na atoh ki'appi. Buwaa neehalsee ki'en seedi'da, súukussa kúlticaagaba kakay ga kotcaa oomaa-filaa teeku Sóolda. <sup>59</sup> Ga daa ba enee Iceen kitapisoh na atoh tóohda, Iceen yaa kím Kooh an:

- Yéesu, Ha'mudii, te'aa fítiigoo.

<sup>60</sup> Léehí'ta, ya yí'a, lessa koonaa ga dook an:

- Ha'mudii, kaa taabukba baakaarii wii! Daa ya wo'ee iñaama, ya kaannda. Kaanaa Iceen waama, Sóol fareera ga.

## 8

### *Buwaa gém ga Yéesuda Sól hatallaba ga kipesba*

<sup>1-2</sup> Kaanaa Iceen waama, Sóol fareera ga. Laakka bibo' bigémi' Kooh baa béeb faraaffaa Iceen, ba accafa, ee ba kodukka lool kaanaa Iceen. Ga besaa béríi Iceen apuda, buwaa gëmu ga Yéesu ee enu ga Yéerúsaleemda dalussa kihatalu ga kipesba, hatal wiméeski'. Béeb buwaa gém ga Yéesuda tasaarukohussa ga gohcaa Yúudée na caa Samaríi bi tessa apotaa'caa doñ. <sup>3</sup> Wayee Sóol ga kihafci, keennda ga dook buwaa gém ga Yéesuda, ki'íslukohba ngëmaagaba. Ya yaa aas ga kaancaa, ya yaa am buwaa gëminda, betoo yaaloo, ya yaa lanja ga kasu.

<sup>4</sup> Béeb buwaa tasaarukohseeda nak, baa wiil ga dsuuy kúlkaa, ba baa yéegaloh Hewhewii winéwí'wii.

### *Filiip yéegalohha Hewhewii winéwí'wii ga gohaa Samaríi*

<sup>5</sup> Fodaama Filiip ka'ta gohaa Samaríi, ga teeru wíinoo daama, ya yaa yéegaloh Hewhewii winéwí'wii wo' ga loo Kiristaa, Músalkaatii dígoohseeda. <sup>6</sup> Buwaa ga dëkaadsa tóohba aawussa kisükúruk Filiip ndaga kíntaancaa ba keloh ee ba hot ya tumida, ba gëmmbari. <sup>7</sup> En ki'enaa, rab biyewin meyohussa na tifiip tiyaak ga buwaa díukoolinda, ee lafañ biyewin na beeduki' biyewin wëkdussa ban. <sup>8</sup> Fodaama keeñsoos wiyaak laakka ga teeraama.

<sup>9</sup> Wiima lak ga teeraama, laakin baa deb da ki'en, ya teeku Simon ee ya enee luhusoh. 'Bu-Samaríi waaru'eera ga iñcaa ya tumeeda. Ya tikee hafci bo' yiléekí'-solu, <sup>10</sup> ee béeb, oomaanoo, yaakoo súkúrukeera iñcaa ya wo'ida. Ba wo'ee gari an:

- Bii yii yéri en doolii Kooh, wii wo'u an wa doñ wa mínda.

<sup>11</sup> Ba baa súkúrukki dijóff' ndaga ya maañinba kiwaaru'i ga luhuscaa ya tumida.

<sup>12</sup> Wayee daa Filiip yéegalohhe Hewhewii winéwí'wii wo' ga loo Nguuraa Kooh na ga loo Yéesu Kiristaada, béeb buwaa, betoo yaaloo gëmmba, ba awwa kibétísi'uk;

<sup>†</sup> 7:51 7: 51 Wo'eenii Iceen wo' diifa en fodii «buwaa keeñcaa na nofcaa gúrukii» ee waa kiwo' rek kisanj kikelohi' Kooh

<sup>13</sup> bi ga Simonj luhusohaa sah gëmmba, ya bëtisi'ussa. Ya aawwa kitaabuk Filiip rek. Ya waaru''a lool ga kíntaancaa na enaamacaa cidóoyí'-waa'caa ya hot Filiip tumida.

<sup>14</sup> Apotaa'caa ga Yéerúsaleemda nak, kelohussa an bu-gohaa Samaríi te'uunun Wo'eenaa Kooh ga keeñba. Ba wossa Pee' na Sanj daama. <sup>15</sup> Daa Pee' na Sanj le'see da, ba kími'ta buwaama Kooh, ba laas ga Helii yisela'í'yii. <sup>16</sup> En ki'ennaa, lak Helii yisela'í'yii yoosukkii ga yíinoo gaba duum, ba eemee ga kibëtisi'u ga teekii Yéesu, Ha'mudii. <sup>17</sup> Waa ennda da, Pee' na Sanj tíkussaba, yaa en béeb yah ga haf, doo ba baa han kilaas ga Helii yisela'í'yii. <sup>18</sup> Simonj hotta an Helii yisela'í'yii yoosukin ga dook buwaa ga waa apotaa'caa tíkba yah ga hafda. Ya waa'ta kineehal Pee' na Sanj hëelís, <sup>19</sup> wo''a an:

- Onattoo ban kimín iñuma dú tumida, doonaa baa mi tík yah ga haf béeb ya laas ga Helii yisela'í'yii.

<sup>20</sup> Wayee, Pee' loffari an:

- Koparumgaraa sañku'at ee fu sañku'uk nawa. Iñaa Kooh onoh, fu fooj an fu mínnodi kilom na hëelisé? <sup>21</sup> Fu laakoo wa' na bak ga iñii yii ndaga keeñiigaraa júbpii ga fikii Kooh. <sup>22</sup> Kon hebukaa jafaa halaatumgaraa wibóní' wuma dúuy, fu aaw kikiim Ha'mudii, en danaa ya bayallaa halaatumgaraa wibóní' wuma, en an mínuhkinaa! <sup>23</sup> En ki'ennaa, mi hotin an fu líif na ki'iñaan ee fu ñaam-baakaa'. <sup>24</sup> Simonj dalla kitaas an:

- Kíimdattoo Ha'mudii na kihaffúu, en danaa iñcii dú wo'da wíinoo gaca dalooroo. <sup>25</sup> Pee' na Sanj, ga waa ba seedi''a, ba yéegalohha Wo'eenii Ha'mudii bi ba lëehí'ta, ba baa boyuk Yéerúsaleem; ee ga waasaa, ba baa yéegaloh Hewhewii winéwí'wii ga dék ciyewin ga gohaa Samaríi.

### *Filiip bëtisi''a baa dék Ecoopíi ga waas Gaasaa*

<sup>26</sup> Laakka bes, malaakaa Ha'mudii wo''a Filiip an:

- Koluka, fu ka' baa iñaa hanoh meyaa'-noh yah-senja, fu taam waasaa meyoh Yéerúsaleem aaw Gaasaada. Waasaama koorohsussii diimada.

<sup>27</sup> Filiip dalla kikoluk yaa yah. Ya hídochha na bo' yiyaal yaa meyoh kúlkaa Ecoopíi, baa nak enee baa yóomdu hen. Ee baa yëri en tuukkoh-alalaa buuraa Ecoopíi yibetiyyaa wo'si Kaandaasda. Ya karee Yéerúsaleem kijaamuk Kooh, <sup>28</sup> ee ya enee kiboyuk kaanba. Baa, lak yugin ga sareetaagari yaa jaŋ Këyítfaa Ísayíi, sëldíiga-Koohaa bínda. <sup>29</sup> Helaa yisela'í'yaa wo''a Filiip an:

- Gaawaa kitíin fu dab sareetaa waanee.

<sup>30</sup> Filiip foolla, dabpa sareetaa, ya kelohha baa yaa jaŋ ga Këyítfaa Ísayíi, sëldíiga-Koohaa bínda, ya meekissari an:

- Iñii fu jaŋda, fu ínohin yen ga sahe?

<sup>31</sup> Baa taassa an:

- Mi laakkii baa lóogísohdanndoowanaa, mi tuman na bi mi ínoh iñii wa waa' kiwo'fa?

Lëehí'ta ya wo''a Filiip kilap ga sareetaa, ya yuŋ ga yahaaci. <sup>32</sup> Kudekatkii ya enee na kijan ga Këyítfaa Ísayíi, sëldíiga-Koohaa enee kii:

«Fodii baal, ya bayussa ki'apunee,  
fodii kubaalkaa fiippii ga fikíi baa enndi na kinenda,  
fodaama, ya lëgíssii kúuwci.

<sup>33</sup> Ya torohdussa ee ken onndiiri kayoh.

Kumuunci laguunun ee ya foñnjii lam..»

<sup>34</sup> Baa kúlkoh Ecoopíida, meekissa Filiip an:

- Wo'aaroo en nebpaanaa, sëldíiga-Koohaa wo' loo ba dii? Wo' na hafcinoo, wo' ga bo' yiliis?

<sup>35</sup> Waa ennda dfa, Filiip bebpa wo'eenaa, ya abohha ga iñaa Ísayii, sëldíiga-Koohaa wo' yaama, ya yaa lóogísohi'ti Hewhewii winéwí'wii wo' ga loo Yéesufa. <sup>36</sup> Daa ba en na kiyahdfa, ba le'a ga dækataa taakin mûsú, lëehi'ta baa wo'a Filiip an:

- Man mûsú mee, iñii kokohan ya mi bëtisi'u?

[ <sup>37</sup> Filiip wo'ari an:

- En an fu gëmin ga keeñiigaraa béebwanaa, fu míin kibëtisi'u.

Baa wo'ari an:

- Mi gëmin an Yéesu Kiristaa yëri en Kowukii Kooh.]

<sup>38</sup> Ga saasi, baa dalla kinakoh sareetaa tuukiru, Filiip na baa yoosukussa ga dñuy mûsúmaa, Filiip bëtisi'ari.

<sup>39</sup> Daa ba mey mûsúmaa hen, Helii Ha'mudii bëffa Filiip, baa kúlkoh Ecoopíida hotissiiri. Wayee baa yaa yah waasci na keen wiñosí'. <sup>40</sup> Filiip nak, meyneera teeraa Asot, ya yaa yéegaloh Hewhewii winéwí'wii; ya taammbari teeru na teeru, bi ga daa ya le'oh teeraa Sesareeda.

## 9

### *Sóol gëmmba ga Yéesu*

(Tumeen 22: 6-16; 26: 12-18)

<sup>1</sup> Wiima lak Sóol yii lís kidíguk ki'ap tñelibéecaa Ha'mudii, ya ka'ta ga ha'-kaadaa sarahohcaa kikiimmbi, këyítfaa ya teewohan ga buwaa kuliyuk ga jaangu-yaawúu'caa ga teeraa Damaasdfa, <sup>2</sup> en danaa buwaa ya laak daama ee boku ga waasii Ha'mudiifa, ennda beti, ennda yaal, ya amba, ya haydohba Yéerúsaleem.

<sup>3</sup> Lak ya yaa ga waas Damaas, ee ya deeyin teeraa, dalla kilaak lee'laataa meyoh asamaan: wa ennda mareet ga dookci, bi wíillari. <sup>4</sup> Ya keennda kakay. Ya kelohha koona, kaa wo'i an:

- Sóol! Sóol, iñii tah ya fu hatalloo ga kipes?

<sup>5</sup> Ya taassa an:

- Kiyaakii, fu yëri en ba? Koonaakaa wo'ari an:

- Mi yëri en Yéesu yii fu hatal ga kipesdfa. <sup>6</sup> Wayee koluka nak, fu aas dñuy teerum. Daama, fu hay kiwo'u iñaa fu jom kitumdfa. <sup>7</sup> Buwaa taabee narida tuukussa, tíitussa bi ba míoo kiwo', ba kelohee ga koonaakaa wayee ba hottii bo'. <sup>8</sup> Sóol kolukka, wayee ga daa hascaagari buuldfa tóoh, ya hotissii dara. Ba ammbari ga yah, kile'dohhi teeraa Damaas. <sup>9</sup> Tummba bes kaahay, caa ya hotoo, ya ñammbii, ya anndii.

<sup>10</sup> Wiima, lak laakin ga teeraa Damaas tñelibéenaa teeku Anañaas, Ha'mudii feeñukkari ga heey wo'ari an:

- Anañaas! Anañaas taassa an:

- Mi yee, Ha'mudii.

<sup>11</sup> Ha'mudii wo'ari an:

- Karaa diima-diima kaan Yúdaa, ga waasaa wo'u waasaa wiylöhí'waada, fu meekisoh baa teeku Sóol ee meyoh teeraa Taarsadfa. Ya yaa da, ee diima den yaa kiim Kooh. <sup>12</sup> Ya hotin ga heey baa teeku Anañaas, aassa gari ga kaanfaa, tíkkari yah ga haf doonaa ya hotis.

<sup>13</sup> Anañaas nak wo'a an:

- Ha'mudii, mi kelohin ga bo' biyewin iñcaa cibóní'caa baa yaama tum buwaagarraa ga Yéerúsaleemdfa. <sup>14</sup> Ee sah ya hayin dii, taam na doolaa sarahohcaa biyaakbaa onndi, kibay béeb buwii en na kikiim ga teekfuda.

<sup>15</sup> Wayee, Ha'mudii wo'ari an:

- Karaa hen rek, baa yaama mi yëri tanukki kijeriñukohhi, ya le'doh teekiigoo ga fíkii buwaa enussii yaawúu'da, fíkii buu'cii, na fíkii bu-Isarayeel. <sup>16</sup> Mi hayyi kiteeb na kihaffoo béeb cooncaa ya jom kiday ndaga teekiigooda.

<sup>17</sup> Waa ennda dfa, Anañias ka'ta, ya aassa kaanfaa. Ya tikkka Sóol yahcaagari, wo'ari an:

- Sóol, mbokiigoo, Yéesu, Ha'mudii yaa feeñukeeraa ga waasaa fu korohee kihay diifa, yéri wossoo garaa en danaa fu hotis, ee fu líif na Helii yisela'i'yii.

<sup>18</sup> Ga saasi, iñcaa man na wéesée-jén keenohha hascaa Sóol, ya hotissa. Waa ennda dfa, ya kolukka bëtisi'ukka. <sup>19</sup> Léehí'ta ya ñammba, ya míndaa kituuk.

### *Sóol yaa jégíroh Hewhewii winéwí'wii ga Damaas*

Waa ennda dfa, Sóol tessa na télibéecaa Yéesu ee dëku teeraa Damaasdfa, bi sammba kimañañ. <sup>20</sup> Ya sekkii iñaa maañ, ya aawwa kijangat ga duuy jaanguyaawúu'caa an Yéesu yéri en Kowukii Kooh. <sup>21</sup> Béeb buwaa kelohee iñaa Sóol wo' yaama, waaru'ussa bi baa wo' an:

- Cañ! Hanaa enndii bii yii yéri enee ga Yéerúsaleem, yaa hatal ga kipes buwii gém ga Yéesuda? Enndii ki'am buwii gém ga Yéesu, na kibayba Yéerúsaleem ga sarahohcaa biyaakbaa haydoheeri diine?

<sup>22</sup> Sóol nak wéñnja dfa kiyégís ga jangataagari. Yaawúu'caa dëku Damaasdfa, laakussii iñaa ba wo'anndi ndaga ya teeweeba hen bi lee'ta an Yéesu yéri en Kiristaanii.

<sup>23</sup> Ka'ta bi maañja, yaawúu'caa hotohussa ga díkaantiba ki'ap Sóol, <sup>24</sup> wayee Sóol yéejnga iñaa bok ga. Wekoo, nohoo ba baa watuk, bi ga halcaa teeraa, doonaa ba míndi ki'ap. <sup>25</sup> Waa ennda dfa, télibéecaa Yéesu Sóol jégíreeda bayussari ga wek, ba ekkari ga Kosu, yoolussari ga fenoo miiraa dëkaa doonaa ya mí kisaan.

### *Sóol ka'ta Yéerúsaleem*

<sup>26</sup> Sóol le'a Yéerúsaleem, ya waa'ta kitaam na télibéecaa Yéesuda, wayee béeb niikkari ndaga ba géméeríi kayoh-kayohdfa an ya enin télibée Yéesu. <sup>27</sup> Waa ennda dfa, Barnabaas bëspari, bayyari ga Apotaa'caa. Ya béstí'taba daa Sóol hoteet Ha'mudii ga waasaa, ee Ha'mudii wo'a nariða, na daa ya daanee kijégíroh ga teekaa Yéesu ga Damaasdfa. <sup>28</sup> Aboh ga besaa béríi, Sóol taammba naba, ba baa kari, ba baa hayi ga duuy Yéerúsaleem, ba baa jégíroh ga teekii Ha'mudii ga fikíi béeb. <sup>29</sup> Ya yaa ka' ga Yaawúu'caa laksi kiGerekdfa, ya yaa saawal naba, wayee baama waa'seeri ki'ap. <sup>30</sup> Buwaa gém ga Yéesuda, daa ba yéeggeeka, ba bayya Sóol teeraa Sesaree. Ya meyohha daama, ya yaa yah waa Tarsa.

<sup>31</sup> Fodaama, buwaa gëmu ga Yéesu dëku ga gohaa Yúudée, waa Gélilée, na waa Samariidfa hannda kilaaku jam. Buwaa baa wéñ kiyégís ga ngëmaa, ba niikka Ha'mudii ga kipesba, ee Helaa yisela'i'yaa amdohhaba, baa wéñ kibaatuk.

### *Pee' wéki'ta Aynee ga teeraa Lídaa*

<sup>32</sup> Wiima lak Pee' yaa wíil daa en béeb. Laakka bes, ya ka'ta teeraa Lídaa, ga buwaa en buu Kooh daamada. <sup>33</sup> Ya laakka daama baa teeku Aynee. Baama lak faanukin tikkis tiyitnataahay, ndaga ya lafañee hen. <sup>34</sup> Pee' wo'ari an:

- Aynee, Yéesu Kiristaa yéri wéki'taa, koluka fu lari' haffu fayaanfigaraa. Ga saasi Aynee kolukka. <sup>35</sup> Daa béeb bu-Lídaa na béeb gohaa Sarom hotseeri, ba súpittha kipeskaagaba ba gëmmba ga Ha'mudii.

### *Pee' mili'si'ta Tabítaa*

<sup>36</sup> Wiima, ga teeraa Yopee, lak laakin betifaa teeku Tabítaa ee fa gëmin ga Yéesu. Teekaama wo'si «Dorkaas» ga kiGerek: wéri en «Nuuh». Betifaama dëkee ga kitum enaama yijófi' na kidimal buwaa laakooda. <sup>37</sup> Ga bescaama, betifaa keennda díukool, fa kaannda. Fa bookussa, lëehí'ta fa faanussa ga túuyaa hanoh dook ga taahaada. <sup>38</sup> Télibéecaa Yéesu ee dëku Yopeedfa, lak yéeguunun an Pee' yaa ga Lídaa. Lídaa na Yopee úsaayohussii dara. Ba wossa bo' banak ga Pee' kiwo'i an: «Dímalalaríi, fu gaaw kihay garíi.» <sup>39</sup> Pee' taammba naba ga saasi. Daa ya le'ee, ba

bayyari túuyaa faraaffaa faanohuda. Béeb beticaa biyaalba kaanin ee ba bihúnís Tabítada, hayussa gari na tilooyoh. Ba baa teebpi mariñee'caa na kúltícaa Tabítaa daanee kiñéeki' ga waa ya pesohda. <sup>40</sup> Pee' meydohhaba béebsba fooh, ya yí'a, kíimmba Kooh. Léehí'ta ya méeñsukka ga faraaffaa, wo''a an:

- Tabítaa, kolka!

Tabítaa malakka, ee daa ya hotee Pee' hen, ya kolukka, yunjnga. <sup>41</sup> Pee' ammbari ga yah, dímallari ya koluk. Léehí'ta Pee' bayya buwaa gëmuunun Kooh enu dada, na beticaa biyaalba kaaninda; ba hayya, ya teebpaba Tabítaa, lak mílísin. <sup>42</sup> Iñaa hew yaama síwwa ga teeraa Yopee ee bo' biyewin gëmussa ga Ha'mudii. <sup>43</sup> Waa ennda dfa, Pee' tessa ga Yopee bi maañja ga kaan bo', yaa teeku Simon ee ya iñaa tíyoh-on.

## 10

### *Korney hotta malaakaa Kooh ga heey*

<sup>1</sup> Laakeera ga teeraa Sesaree baa teeku Korney. Ya kuliyuki bo' bitéemée' ga lagaa soldaa'caa bu-Room wo'si «Ítalíida». <sup>2</sup> Baa yaama enee bo' yigëmí' Kooh ee niikeera Kooh ya na bu-kaanci béebsba. Ya yewineera kidímal yaawúu'caa laaksooda ee ya tagohéeríi na kikíim Kooh. <sup>3</sup> Laakka bes, ga wahtu kigoonaluk, iñaa ammbari fodii heey, ya hotta fanj malaakaa Kooh feeñukki, wo''ari an:

- Korney!

<sup>4</sup> Korney ennda hascaagari jak ga malaakaa, ya dalla kitíit, meekissari an:

- Kiyaakii, iñii laak ya? Malaakaa wo''ari an:

- Kooh tookin iñii fu kíimmbida ee ya hotin dii fu amdsahi buwii laakooda. <sup>5</sup> Diima nak wosaa bibo' Yopee, ga baa teeku Simon ee baysi Pee'. <sup>6</sup> Ya yaa ga kaan baa teeku Simon, yaa tíyi on ee kaanci faa ga yahaa giyyaa.

<sup>7</sup> Ga waa malaakaa wo'ee nari ka'dsa, Korney bayya ga súrgacaagari banak, na soldaa' yigëmí' Kooh ga baa ya kuliyukda. <sup>8</sup> Ya béstí'ta tóoh iñaa heweeda, lëehí'ta, ya wossaba teeraa Yopee.

<sup>9</sup> Ga kooh-wíisfaa, lak buwaa Korney woseeda baa ga waas ee ba deeyin teeraa Yopee. Wiima lak Pee' lapin dook taahaa kaan Simon, tíyoh-odaa, kikíim Kooh ga wahtu cuunoh. <sup>10</sup> Kiyaab dabpari, ya waa'ta kiñam. Lakanaa ya yaa tíkdu cuunoh, iñaa ammbari fodii heey, <sup>11</sup> ya hot Asamaan lëgískin, iñaa man na píis wiyaak, waa abu ga siñdaacaa cinikiiscaa waa yoosuk, meyoh asamaan. <sup>12</sup> Ga dsuuy píisaama, heet rawaa en béebs waa ga: ennda ha'-kot cinikiis, ennda bii fasukida, ennda heet selaa en béebs. <sup>13</sup> Laakka koonaakaa wo' Pee' an:

- Pee' kolka, fu ap, fu ñam!

<sup>14</sup> Pee' taassa an:

- Múk, Ha'mudii, mi mosoo kiñam iñaa tabin na iñaa settii ga fíkíi Kooh.

<sup>15</sup> Koonaakaa wo'issa kotaan kukanakkaa an:

- Iñaa Kooh wo' an setin ga fíkíici, kaa tíkwa iñaa tabin.

<sup>16</sup> Iñama, ennda da waas kaahay, lëehí'ta ga saasi píisaa lappa asamaan.

<sup>17</sup> Lak Pee' jaahli'in ee yaa lís kiraas ga helci ati iñaa ya hot yaama waa' ya kiwo'. Wahtaama nak buwaa Korney woseeda le'ussa, ba meekisohha bi ba le''a kaan Simon, ba tuukka ga hal-kaadaa. <sup>18</sup> Ba bëytohha, ba meekisohha an:

- Simon yii wo'u Pee'da en ga kaanfii fiine?

<sup>19</sup> Pee' nak, lak yaa lís kihalaat ga iñaa ya hotda, Helaa yisela'í' yaa dallari kiwo' an:

- Bo' baahay bee ee soolukussaa. <sup>20</sup> Kolka fu yoosuk fu taam naba ee kaa laak hel kanak ga, ndaga mi yérí wosba.

<sup>21</sup> Pee' yoosukka, ka'ta ga buwaa, wo''aba an:

- Mi yérí en bii dú waa' kihotda. Iñii enee kottúu ya?

**22** Ba taassari an:

- Korney, yaa kuliyuk ga soldaa'caada, yérí wossíi. Ya enin baa júwin ee niikin Kooh, ee béeb yaawúu'cii seedi'inka gari. Laak malaakaa Kooh dígalli kibaylukkaa fu ka' kaanci, ya súkúrukkaa ga iñaa fu jommbi kiwo'da.

**23** Waa ennda dfa, Pee' paafdohhaba djuuy kaanfaa, ya néehí'taba daama bi Kooh wiissa. Ga kooh-wíisfaa, Pee' tíkukka ga waas, yaa yah naba. Laakeera bibo' baa benndi ga buwaa gëmu ga Yéesu ee déku Yopeeda. **24** Ga besaa tík gadfa, ya le'"a teeraa Sesaree. Wiima nak, lak Korney hídírohin bu-kaanci na fiiliimun-kumuuncaagari, bii sekki. **25** Ga waa Pee' en na ki'aas kaanfaadfa, Korney hayya, kihídohnée nari, ya jafukka kakay ga kotcaagari, yí'"a ga fíkiici. **26** Wayee Pee' ammbari, yaa bëwí'ti, wo'"ari an:

- Kolka Korney! Mi ban, mi bo' doj fodii garaa.

**27** Léehí'ta Pee' yaa saawal nari bi ba aassa kaanfaa. Pee' nak hotta buwaa ga djuuy kaanfaa, hídírukohuuunun biyewin. **28** Ya dalla kiwo' an:

- Fodii dii dú ínohkada, baa en yaawúu' hoonohuunun ki'aboh na baa enndii yaawúu' ee hoonohuunun ki'aas kaaanci. Wayee Kooh teewinndoo, mi na kihaffoo, an Ken jomoo kiwo' bo' an kitaam nari tabin wala an ya settii. **29** Kéri tah mi laakkii hel kanak ga kihay dii ga wii dú baylukkoodfa. Kon diimada soolii enee ya?

**30** Korney taassa an:

- Laakin bes kaahay ga wati, ga wahtii du kíimohi Kooh ga kigoonaluk du enoh wii sii'dfa, mi enee dii ga kaanndoo, mi yaa kím Kooh. Mi yéenjngiinaa, mi hotta bo' yaa ekukin kúltí cimélíci', meyin mél ga fíkiiroo, **31** baa wo'"arоо an: «Korney, Kooh tookdfinndaa iñaa fu kíimeerida, ee ya hotin ga dii fu took kidímal buwii laakoodfa. **32** Diima nak, wosaa bibo' teeraa Yopee, ga bo' yaa teeku Simon ee baysi Pee'. Ya yaa ga kaan bo' yaa teeku Simon, iñaa tíyoh-on ee kaanci faa ga yahaa giyyaa. **33** Ga saasi mi wosohharaa kikoo'nee, ee ga dii fu hayinda, iñii fu tumda jofin. Kon dí béebspí dí bee ga fíkii Kooh kisúkúruk béeb iñii Ha'mudii nakcaa kiwo'"íida.»

### *Jangataa Pee' ga kaan Korney*

**34** Waa ennda dfa, Pee' béebsa wo'eenaa, wo'"a an:

- Diima, mi ínohin kayoh-kayohdfa an Kooh tík buwii ba wíinoo ga fíkiici. **35** En ki'enaa, béeb baa fu niikki, ee fu tumi iñaa júwin ga fíkiicinnaa, ga heetaa fu míñ kibokoh ga éldúna tóoh, fu neblohinndi. **36** Ya wosohin wo'eenaaagari ga bu-Isarayeel, ya yéegalohha ga djuuyba Hewhewii winéwí'wii haydoh jam kesida, koorohha ga Yéesu Kiristaa, yii en Ha'mudii buwii béebs ga éldúnada. **37** Ga iñaa tík ga waa San bëytoh buwaa kibétisi'ukneedfa, dú ínohin iñaa hewee, síwwa ga kúlkaa Yúudée béebs ee dalohee gohaa Gélléeedfa. **38** Yéesu Nasareet yaama, Kooh faleeri, so'tari doolaa meyoh ga Helii yisela'í'yii, ya yaa wíil daa en béebs kitum enaama cijófi', ya yaa wéki' béebs buwaa Seytaani laakee dooli ga dookbadfa ndaga Kooh taabee nari. **39** Dí nak, dí seedi'in béebs iñaa ya tum ga kúlkaa yaawúu'caa na ban ga Yéerúsaleemda. Ba appari ga waa ba daayci ga kuraanaadfa. **40** Wayee ga besaa wukaahaywaa tík gadfa, Kooh mílisi'tari, onndari kifeeyuk. **41** Ya feeñukkii nak ga buwii béebsa wayee enee ga buwaa Kooh tanukee balaa béríinnaa, ba en seedida: ennda dí bii, dí bokin nari kiñam na ki'an ga waa ya mílís ga buwaa kaaninda. **42** Yéesu yaama, yérí ebillí kijangat ga djuuy heetii yaawúu'cii na kiseedi' an Kooh yérí falli ki'atti buwii pesda na buwii kaaninda. **43** Séldíiga-Koohcaa béebsa seedi'uunun ga Yéesu an: béebs baa fu gém garinnaa, ga doolaa teekaagari, fu hay kibaylu baakaa'caagaraa.

### *Helaa yisela'í'ya yoosukka ga buwaa enussii yaawúu'da*

**44** Lakanaa Pee' yaa lís kiwo' fodaama, Helaa yisela'í'ya yoosukka ga dook béebs buwaa enee na kisúkúruk wo'eenagarifa. **45** Yaawúu'caa gém ga Yéesu ee taamsee

na Pee'da, jaahli'ussa lool ga daa Helaa yisela'í'ya Kooh onohda yoosukin fan ga buwaa enussii yaawúu'da. <sup>46</sup> En ki'enaa, ba kelohee buwaa baa wo' lak ciliis ee ba baa kañ kiyakka Kooh. Waa ennda dfa, Pee' dalla kiwo' an:

<sup>47</sup> - Bo' mínniñ buwii bii kihoonoh kibétisi'u ga mússu ee lak fodii garuu, ba laasin ga Helii yisela'í'yiinee?

<sup>48</sup> Fodaama ya ebilohha ba bétisi'u ga teekii Yéesus Kiristaa. Léehí'ta ba kíimmbari ya tes naba bi sam kimaañ.

## 11

*Pee' béstí'ta buwaa gém ga Yéesus dëku Yéerísaleemda iñaa ya tumda*

<sup>1</sup> Waa ennda dfa, apotaa'caa na mbok-kerceencaa enu ga gohaa Yúudéeda kelohussa an bi ga buwaa enussii yaawúu'da sah laasuunun ga wo'eenaa Kooh. <sup>2</sup> Ga waa Pee' boyuk Yéerísaleemda nak, yaawúu'caa gém ga Yéesusda baa ña'ti an:

<sup>3</sup> - Iñii tah ya fu aas kaancaa buwaa enussii yaawúu'da bi sah fu ñam naba?

<sup>4</sup> Daama nak Pee' awwaba kibéstí' wíinoo wíinoo tóoh iñaa heweedsa. <sup>5</sup> Ya wo"aba an:

- Laakee bes mi enee na kikiim Kooh ga teeraa Yopee, iñaa ammbaroo fodii heey, mi hotta enaama waa yoosukoh asamaan, waa hay kakay mannda na píis wiyaak, waa abu ga siñdaacaa cinikiiscaa, wa hayya bi garoo. <sup>6</sup> Mi malakka d'uuuygaa dijofí' mi hotta ga rab, ha'-kot nikiiscii na rab luufcii na bii fasukida, na selcii. <sup>7</sup> Waa ennda dfa, mi kelohha koonaakaa wo"oo an: «Pee' kolka, fu ap, fu ñam.» <sup>8</sup> Wayee mi taassa an: «Múk Ha'mudii, ndaga iñaa tabin kiñam na iñaa settii ga fíkiifu mosoo ki'aas kúuwroo.» <sup>9</sup> Koonaakaa wo'issa ga asamaan kot kukanak an: «Iñaa Kooh wo' an setin, kaa tíkwa iñaa tabin.» <sup>10</sup> Iñaa tummba dfa bi ennda waas kaahay, léehí'ta tóoh boykidoohussa asamaan. <sup>11</sup> Ga wahtaama siiy, laakka bo' baahay baa hayu kaanfaa dí enoheedsa. Ba meyohee teeraa Sesaree ee ba wossee garoo. <sup>12</sup> Helii yisela'í'yii wo"aroo kika' naba ee mi hanat kilaak hel kanak ga. Fodaama mbok-kerceencii biyitniinoobii d'ú hot bii taabussa naroo bi ga kaan Korney. <sup>13</sup> Korney nak béstí'taríi an laak malaakaa Kooh hayee gari ga kaanci, wo"ari an: «Wosohaa teeraa Yopee kikoo'nee Simon yaa teeku Pee'da. <sup>14</sup> Ya hayyaa kiwo' wo'eencaa onanndaa kimúc, fu na bu-kaanfu béeëbba.» <sup>15</sup> Daa mi dal naba kiwo' hen rek, Helii yisela'í'yii yoosukka ga d'ookba fodaa ya yoosukee ga d'ookkuu ga dalaaraadsa. <sup>16</sup> Ga saasi, mi níindísukka wo'eenaa Ha'mudii wo'ee an: «San bétisi'ee ga mússu, wayee d'ú, d'ú yah kibétisi'u ga Helii yisela'í'yii.» <sup>17</sup> Kon, waa Kooh yérí onba Helii yisela'í'yii fodii dii ya oneeruuwa ga waa du gém ga Yéesus Kiristaa, Ha'mudiisa, mi mínee ba ki'en bi mi kokoh Kooh kitum iñaa ya waa'da.

<sup>18</sup> Daa buwaa kelohee wo'eencaama, ba laakkissii iñaa ba wo'an ee ba baa kañ Kooh an:

- Kon kay kayoh, Kooh onin bi ga buwii enussii yaawúu'da kisúpít kipeskiigaba, doonaa ba laas ga kipeskii kukayohkii.

*Jaangu tuukdussa ga teeraa Añcoos*

<sup>19</sup> Kihatal ga kipeskaa laakee, ga waa Iceen kaanda, tahha buwaa gém ga Yéesusda wesohha daa en béeëb. Ba ka'ta bi ga gohaa Fenísíi na waa Sípa' giyyaa wíilda, na waa Añcoos, ba baa yéegaloh wo'eenaa Kooh wayee ba eemdoheewa ga yaawúu'caa doñ. <sup>20</sup> Wayee nak laakeera gaba buwaa meyohsee Sípa' na teeraa Síreen, baa ka' Añcoos kiyéegalohnee ga buwaa enussii yaawúu'da Hewhewii winéwí'wii wo' ga loo Yéesus Kiristaa, Ha'mudiisa. <sup>21</sup> Doolaa Ha'mudii taammba naba bi bo' biyewin gémussa ee ba súpitta kipeskaagaba, ba gémmba Ha'mudii.

<sup>22</sup> Buwaa gém ga Yéesus ee dëku Yéerísaleemda kelohussa iñaa laakda, ba wossa Barnabaas Añcoos. <sup>23</sup> Ga waa ya le'da, ya hotta daa Kooh hín kibarkeel buwaamada,

keeñci soossa ga lool. Ya yaa daasba béeëba ba taabuk ngëmaa ba laak ga Ha'mudiisa na keeñ wiyégísi'. <sup>24</sup> Barnabaas nak enee bo' yijóff', yaa líifin na Helii yisela'í'yii na ngëm ban. Fodaama, bibo' bigëñ gëmussa ga Ha'mudii.

<sup>25</sup> Waa ennda da, Barnabaas ka'ta teeraa Tarsa kikoo'nee Sool. <sup>26</sup> Daa ya hoteeri, ya haydohhari Añcoos. Ba banak, ba tummba kís kimúlúnj ga duuy télibéecaa Yéesu ee enu ga Añcoosda, ee ba jégi'ta bo' bigëñ. Buwaa gëm ga Yéesuda dëb kibayu «bikerceen» ga teeraa Añcoos.

<sup>27</sup> Ga bescaama, laakka sëldíiga-Koohcaa meyohu Yéerúsaleem, hayussa Añcoos. <sup>28</sup> Yíinoo gaba, ee teeku Agabus, Helii yisela'í'yii ínohlukohhari an a' wiyaak hay kilaak ga ēldúna tóoh, ya yéegalohha ka. En ki'enaa, araama laakka hídukoh lak buu' Kólóot yérí nguurukee ga jamaanaama. <sup>29</sup> Waa ennda da, mbok-kerceencaa ga Añcoosda júwohussa ga kiwosoh dímal ga mbok-kerceencaagaba enu ga gohaa Yúudéeda, yaa en béeëb ga iñaa ya míñ ki'erohda. <sup>30</sup> Ennda iñaa ba tumda: ba wosohha ga yaakcaa ga jaangucaa ga Yúudéeda iñcaa ba onohda, Barnabaas na Sool bayuca.

## 12

### *Saak apussa, Pee' lagussa ga kasu*

<sup>1</sup> Ga jamaanaama, Eroot, buuraa ennda ga kisodal bibo' ga kerceencaa. <sup>2</sup> Ya gú'lukka na kalab hafaa Saak, yaak Sañ. <sup>3</sup> Daa ya hotee an iñaa ya tumda neblohiin yaawúu'caa, ya amlukka Pee' ban. Iñaama hídukohee ga feetaa yaawúu'caa ñamohi mbúurúcaa tumsoo lëwíi'da. <sup>4</sup> Daa ya amlukee Pee', ya lañngari ga kasu, ya tuuki'ta lañ cinikiis ga soldaa', ca hëyrohhi kiwatuk: lagaa en béeëb soldaa' binikiis. Ya waaree Paakaa\* paaffaa ya bayyi ga fíkii buwaa, ba atti'i. <sup>5</sup> Fodaama, Pee' yaa watuku ga kasaa ee kerceencaa enussa ga kikíimi'ti Kooh ga daa ba wëñ kimínda.

### *Pee' meydohussa ga kasaa*

<sup>6</sup> Buu' Eroot tuukee ga kibay Pee' ga fíkii buwaa ya atti'u. Wayee ga wekaama ee kooh-wíisfaa ya jomee ki'atti'ohuda, Pee' enee na kineeh ga díkaanti soldaa' banak, ee lak yahcaagari pokuunun gaba na ceen kanak. Ga kúuw-halkaa kasaa, laakka soldaa'caa tuuk da kiwatuk. <sup>7</sup> Laakka malaakaaHa'mudii mey mël ga fíkíici, túuyaa lee'ta lañ. Malaakaa fëekí'ta Pee' ga hëbúusaa, yúunndari, wo"ari an:

- Kolka gaaw! Ceencaa poksee ga yahcaa Pee'da, keennda. <sup>8</sup> Malaakaa wo'issari an:
- Pékírukka, fu ekuk ñafa'ciigaraa. Pee' tummba da. Malaakaa tikkga ga an:
- Ekukaa kúltífigaraa, fu taam ga fenooroo.

<sup>9</sup> Pee' taammba ga fenoo malaakaa, meyca kasaa. Ya gëmérí sah an iñaa malaakaa tum yaama laakin kayoh-kayohda, ya foogee an iñaa heey. <sup>10</sup> Fodaama ba paaffa soldaa'caa ba dëb gaba kile'da, ba paaffa baa tikkga, ba le'a hal-pewiñaa ëewruk teeraada. Halaa lëgíssa hafwa ga fíkíiba, ba meyca, ba taammba mbedi baa yah. Malaakaa ennda mes, foñnjari.

- <sup>11</sup> Ga dekataama, Pee' hannda ki'ínoh iñaa laakda, ya wo'a an:

- Mi ínohin kimma, kayoh-kayohda Ha'mudii yérí wos malaakii garoo, ya müsalinnndo ga yah Eroot na béeëb iñaa yaawúu'caa waaree dallooda.

<sup>12</sup> Fodaama tóoh lee'ta ga hafaagari, ya yaa yah kaan Méri, eew Sañ yaa baysi Markada, lak laakin bo' biyewin baa hídirukoh daama, baa kíim Kooh. <sup>13</sup> Pee' fëekí'ta ga hal-kaadaa, laakka súrga yibeti yaa teeku Root, hayya kimalak. <sup>14</sup> Daa ya ínohsohee koonaakaa Pee', keeñci soossa ga bi ya lëgíssii sah halaa, wayee ya nammba kifool hen kiyéegalnee buwaa ga duuyda an:

- Pee' yérí, yaa tuukka ga halaa, ga fooh.

\* <sup>12:4</sup> 12: 4 «Paakaa» wérí en feetaa wo'u ga 12: 3

<sup>15</sup> Ba wo"ari an:

- Hanaa fu dof hen! Wayee ya yégíssa ga an iñaa kayoh. Ba dalla kiwo' an:
- Kon Malaakaagari yérí.

<sup>16</sup> Pee' nak líssa kiféekí' ga halaa. Daa ba lëgísee, ba hotta an yérí ya, ba waaru"a.

<sup>17</sup> Pee' múuffa yah ga kúuw kidékóhí' buwaa, ya béstí'taba daa Ha'mudii tum bi meydoohhari ga kasaada. Lëehí'ta ya wo"aba an:

- Karat dú yéegalka Saak na mbok-kerceencaa tesfa. Lëehí'ta ya meyca, yaa yah díekat wiliis.

<sup>18</sup> Ga waa Kooh wíisda, soldaa'caa lëyussa lool, ba baa meekisoh iñaa mí Pee' kidalda. <sup>19</sup> Eroot ebilohha kiraasnee Pee', wayee ken hottiiri. Ya baylukka soldaa'caa, ya meekissaba daa ba tumee bi Pee' saanndada, lëehí'ta ya nakohhaba ki'ap. Waa ennda da Eroot meyohha gohaa Yúudée, ka'ta teeraa Sesaree, ya ennda daama bi sammiba kimañañ.

### *Kaanaa buu' Eroot*

<sup>20</sup> Wiima lak buu' Eroot aylukohin na bu-Tíi', na bu-Sídoj. Buwaama júwohussa ga kika', ba malakneeri. Ba dúkohha na Balastus, yaa tuukuk túuyaa buuraada, ya dímalba ga. Waa ennda da, ba kíimmba Eroot kijúwoh naba ndaga dúndaagaba tóoh meyohee kúlkaa buuraa.

<sup>21</sup> Ga waa besaa ba abeeda le"a, Eroot ekukka kúltí-buu'faagari, ya kerukka ga bañ-buuraagari, ya yaa jangat buwaa. <sup>22</sup> Buwaa baa fiip an:

- Laak Kooh yaa en na kiwo', enndii bo'-súsúus doj wo' naruu!

<sup>23</sup> Ga wahtaama siiy, laakka malaakaa Ha'mudii mík Eroot ndaga daa ya e'tii Kooh ndamda. Laakka nasucaa soogu lookaa, baa ñammbi, ya kaannda.

<sup>24</sup> Waa ennda da wo'eenaa Kooh waa wëñ kisíw, télíbécää baa wëñ kibaatuk.

<sup>25</sup> Barnabaas na Sóol nak, ga waa ba lëehí' kitum lëgëyaagaba ga Yéerúsaleemda, ba boykissa ee ba baydohha Sanj, yaa baysi Markada.

## 13

### *Kooh wossa Barnabaas na Sóol*

<sup>1</sup> Ga Añcoos nak laakeera biséldíiga-Kooh na bijégíroh-waas ga buwaa gëmu ga Yéesu enu daamada. Enee buwii bii: Barnabaas, Simeworj ee baysi Súusúus, Lusiyus yaa dëk teeraa Síreenda, Manayeen yaa bokee kikoruk na Eroot, gúwernéeraada, na Sóol. <sup>2</sup> Laakka bes, ba enee na kijaamuk Ha'mudii ba baa oo', Helii yisela'í'yii wo"aba an:

- Faandattoo hañ Barnabaas na Sóol, ba tum lëgëyaa tah mi bayohbada.

<sup>3</sup> Waa ennda da, ba lëestí'ta ki'oo' na kikiim Kooh, ba tikká Barnabaas na Sóol yah ga haf, ba fiissaba, ba baa yah.

### *Barnabaas na Sóol karussa Sipa'*

<sup>4</sup> Fodaama Helaa yisela'í' yaa wossa Barnabaas na Sóol kika' dëkaa wo'u Selésíi, ba aasohha gaal-giyy daama, ba baa yah Sípa' dëkaa giyyaa wíilda. <sup>5</sup> Ga waa ba le"a Salamín, ba aawwa kiyéegaloh wo'eenaa Kooh ga dúuy jaangu-yaawúu'caa. Sanj-Marka taabee naba ki'amdochba ga lëgëyaa.

<sup>6</sup> Ba húussa dëkaa giyyaa wíilda bi ba meyneeraa teeraa Paafos. Daama, ba hídochha na luhusohaa teeku Baa'-Yéesu. Ya enee yaawúu' ee tíkee hafci séldíiga-Kooh. <sup>7</sup> Ya bokee ga buwaa taabi na Sersíyus Polus yaa enee gúwernéé' ga teeraada. Sersíyus Polus yaama nak enee bo' yiléekí'-hel. Ya baylukka Barnabaas na Sóol ndaga ya waaree kikeloh wo'eenaa Kooh. <sup>8</sup> Wayee Baa'-Yéesu ee baysi ban Elímaas, luhusohaadfa (teekaa wérí en iñaama ga kiGerek) aawwaba kiheñoh, yaa heel ki'ëewdoh gúwernéeraa ga iñaa enndii kigëm ga Yéesu. <sup>9</sup> Waa ennda da, Sóol ee baysi ban Poolfa líiffa na Helaa yisela'í' yaa, yíppari has, <sup>10</sup> wo"ari an:

- Fu Elímaas, fu líif na saboh na kibon ee fu kowu Seytaani mat. Fu waa'tii kihot ga iñaa júwin. Fu íisoo Waasii Kooh wijúwí'wii fu kalañsohidane? <sup>11</sup> Ínohaa an diima denj yahii Ha'mudii hayin kidal ga dookfu. Fu hay kibúum, fu tes da bi maañ, fu hotoo nohii.

Ga saasi, hascaa Elímaas nüussa, ya búummba yaa túut ga bakaan en béeb kiséesí' baa nookanndi. <sup>12</sup> Gúwernéeraa nak, daa ya hotee iñaa laak yaama, dalla kigém ga Yéesu. En ki'enaa, ya waaru'eera lool ga iñaa ya jégíru ga loo Ha'mudii yaama.

### *Pool jangatta ga Añcoos Písídíi*

<sup>13</sup> Waa ennda da, Pool na buwaa taabee narida aasohussa gaal-giiy ga teeraa Paafos, baa yah teeraa Persi ga kúlkaa Pamfilíi. Sanj-Marka nak tagohha naba daama, yaa boyuk Yéerúsaleem. <sup>14</sup> Ba nak, ba meyohha teeraa Persi, ba abissa waasaagaba, baa yah bi ba le'a Añcoos Písídíi. Laakka bes, ba aassa jaangu-yaawúuraa en daamada ga bes Sabat, ba yunjngá. <sup>15</sup> Laakka iñaa jagu ga Kéyítfaa Waasii Móyíis na faa seldíiga-Koohcaa; lëehí'ta buwaa kuliuk ga jaangu-yaawúuraada nakka bibo' kiwo' Pool na Barnabaas an:

- Mbokcii, en laakin iñaa dú waa' kiwo' kidaas mbooloomiinaa, dú mínninnndi kiwo'.

<sup>16</sup> Waa ennda da, Pool kolukka, ya bëwí'ta yah, buwaa een paay, ya wo'a an:

- Dú bu-Isarayeel na dú, heetcii cíinoo ee jaamuki Koohda, sükú'kattoo. <sup>17</sup> Koohyii Isarayeel heetiigaruu yérí tanukee bicaasammbuu. Ya tapisi'ta heetii ga waa wa en ga ín, ga kúlkaa Esíptida. Tíkka ga, ya meydohhawa kúlkaa Esípti na dooli yahci. <sup>18</sup> Ee ga dñuyü ügí'-dündagaa bicaasammbuu enoheedfa, Kooh topatu'aba iñaa le' tíkíis tidaankaah-nikiis. <sup>19</sup> Waa ennda da, ya dúbí'ta heet ciyitnakanak ga kúlkaa Kanaa, ya e'ta bu-Isarayeel heetiigari kúlkaama. <sup>20</sup> Ee ba lamin ka iñaa jomin kile' tíkíis titéemée'-nikiis na tidaankaah-yétúus. Tíkka ga, ya e'taba bi'attí'oh baa kuliukanba bi ga daa Samiyeel, seldíiga-Koohaa hayohda. <sup>21</sup> Waa ennda da, ba kíimmba Kooh ya onba buu'. Kooh nak, onndaña Sawúl, kowu Kíis ee bokee ga geñaa Beesamee. Sawúl nguurukka bi ennda tíkíis tidaankaah-nikiis. <sup>22</sup> Lëehí'ta, Kooh níssa Sawúl ga nguuraa, ya falla Dëwít ya en buuraa bicaasammbuu. Kooh seedi'a ga buu' Dëwít an: «Mi hotin ga Dëwít kowu Yesee baa neblohinndoo ee ya yah kiméti' béeb iñaa mi waa'». <sup>23</sup> Ee fodaama, Kooh meydohdin bu-Isarayeel Músalkaat ga nílala buu' Dëwít fodaa ya dígoheekada, ennda Yéesu. <sup>24</sup> Ee balaa Yéesu haya, Sanj-Bétís enee ga kijangat, ya yaa bëytoh béeb bu-Isarayeel kisúpít kipeskiigaba, ba bétísi'uk. <sup>25</sup> Bi ga daa kikaanci deeydfa, Sanj lísee kiwo' an: «Dú fooj an mi yérí en ba? Mi enndii bii dú sekda. Baama yii hay ga fenooroo ee kipékís liibcaa ñafa'caagari sah joobinndoo.»

<sup>26</sup> Pool wo'issa an:

- Dú mbokciigoo, dú bii dú en tucaasamuntii Abaraham, na dú bii dú en dii dú jaamuki Koohda, wo'eenii wii onohi kimúcda, dñu bëri tah Kooh wosohwa. <sup>27</sup> En ki'enaa, bu-Yéerúsaleem na buwaa kuliuk gabada ínohséerii baa Yéesu enda ee wo'eencaa seldíiga-Koohcaa ba jagee ga bes Sabataa en béebda ñan, ba ínohéerii iñaa ca waa' kiwo'da. Ee fodaama, ga waa ba tíkki kikaanda, ba mëti'ta wo'eencaa seldíiga-Koohcaa. <sup>28</sup> Hídaa ñan ga daa ba hottii dara iñaa cal ba tíkki kikaanda, ba kíimmba Pílaat, ya aplukki. <sup>29</sup> Ga waa ba mëti' kitum tóoh iñcaa Bíncaa cisela'i'caa wo' ga loo Yéesuda, ba yóoskí'tari ga kuraanaa, ba ekkari ga dñuyü loyaa. <sup>30</sup> Wayee Kooh mélísi'tari ga buwaa kaaninda. <sup>31</sup> Buwaa taabee nari, aboh ga gohaa Gélílee bi ga Yéerúsaleemcsa, ga waa ya mélíscda ya feeñukkaba bes ciyewin, ee béeb buwaama wati bëri en seedi ga fíkii heetii. <sup>32</sup> Ee dí, dí hay kiyéegallúu Hewhewii winéwí'wii wii an: <sup>33</sup> Iñaa Kooh dígee bicaasammbuuda ya tumfinnduuri, dñu, tucaasamuntiiga, ga waa ya mélísi' Yéesu foda daa ka bídu ga Kéyítfaa kañcaa fukanakfaada an: «Fu yérí en Kowukiigoo, mi enin Paamfu wati. <sup>34</sup> Kooh yéegaloheera an ya hay kimílisi'

Yéesu, ee Yéesu boykisissoo ga loy.» Iñamaa yérí ya wo'ee an: «Mi hayyúu ki'e iñcaa cisela'ícaa mi dígee Démít, ee ca calin kigëmdsa.» <sup>35</sup> Ee ga dëkat wiliis, ga këyítfaa, ya wo'issa an: «Fu tookanndii biigaraa yisela'íyii nop ga d'uuy loy.»

<sup>36</sup> Démít, ga jamaanaagari, enee súrga Kooh, ya tummba iñaa Ha'mudii waareeda, ya kaannda, ya acussa ga yahaa bicaasamci, ee faanfaagari nöpin ga d'uuy loy. <sup>37</sup> Wayee baa Kooh mílisi'da, faanfaagari noppii ga d'uuy loy. <sup>38-39</sup> Kon mbokcii, ínohat gaka an yérí tah dú yéegalussa an baakaa'caagarúu bayaluununndúu. Béeb baa gëm gari, Kooh hayyi ki'aboh bo' yijúwí', ee iñamaa Waasaa Móyíis mínoori.

<sup>40</sup> Kon watukat iñcaa sëldíiga-Koohcaa wo'eeda keen ga d'ookkúu.

<sup>41</sup> «Dú hot gane, dú bii dú bëwíri haffúufa, hebukaa dú tít dú aaw kinúp, ndaga mi hay kitum ga d'uuy kipessúu iñaa wée'taa ga an yii dú béstíruwanaa, dú gëmoo.»

<sup>42</sup> Ga waa Pool na Barnabaas meyu jaangu-yaawúuraadfa, buwaa kíimmbaba ba boykis kijégíroh wo'eenaa waama ga bes Sabataa tík gada. <sup>43</sup> Ga waa buwaa tasohdfa, yaawúu' biyewin na bo' biyewin biliis baa niikin Kooh bedussa Pool na Barnabaas. Ga d'uuy saawalaagaba, Pool na Barnabaas baa daasba doonaa ba wëñ kitík yaakaa'ba ga kijofkaa Kooh teebbadfa.

<sup>44</sup> Ga bes Sabataa tík gada, iñaa wëñ kiyewin ga fu-teeraada, hídírukohussa kisúkúruk Wo'eenii Ha'mudii. <sup>45</sup> Daa yaawúu'caa hotee buwaa biyewinbaa, ba líiffa na keeñ-tam, ba taammba ga iñaa Pool jégírohdfa baa nís, ba baa bassi. <sup>46</sup> Waa ennda d'a, Pool na Barnabaas laakussa fít kiwo'ba an:

- Dú bërí jomee kideb kiyéegalú wo'eenii Kooh. Waa dú saginwa kite', dú atti'in haffúu an kipeskaa leehoo taa'da joobinndúu. Kéri tah dí bii yah ga buwaa enussii yaawúu'da <sup>47</sup> En ki'ena, iñii yii yérí Yéesu, Ha'mudii ebillíi: «Mi falinndaa ki'en leerii heetcii, doonaa fu le'doh kimúckii bi ga daa éldúna topohdfa.»

<sup>48</sup> Buwaa enussii yaawúu'da safarussa ga wo'eenaa ba kelohdfa, ba baa kañ Kooh ga wo'eencaagari ee bëeb buwaa jom kilaas kipeskaa leehoo taa'da gëmussa.

<sup>49</sup> Wo'eenii Ha'mudii waa wëñ kisíw ga d'uuy kúlkaa bëebka. <sup>50</sup> Wayee yaawúu'caa hícísohussa helcaa beticaa biléekí'-teekbaa ga dëkaa ee niikuunun Koohdfa, na yaakcaa dëkaa. Ba sodalla Pool na Barnabaas ga kipesba, kaalussaba kúlkaa.

<sup>51</sup> Baama përtukaba pëndëlaa kotcaa ga dëkaagaba, lëehí'ta baa yah Íkoñom.

<sup>52</sup> Téelibéecaa ga teeraa Añcoosdfa, keeñba soossa, ba líiffa na Helaa yisela'í'ya.

## 14

### *Pool na Barnabaas karussa Íkoñom*

<sup>1</sup> Pool na Barnabaas tumissa ga Íkoñom fodaa ba tumee ga Añcoos Písídíida. Laakka bes, ba aassa jaangu-yaawúuraa en daamada, ba baa jangat bi bo' biyewin ga yaawúu'caa na buwaa enussii yaawúu'da gëmussa ga Yéesu. <sup>2</sup> Wayee yaawúu'caa sagu kigém ga Yéesuda yasohussa helcaa buwaa enussii yaawúu'da bi ba ekkaña ga kisanj buwaa gëm ga Yéesuda. <sup>3</sup> Hoonohhii bi Pool na Barnabaas maañussa ga Íkoñom, ba baa jangat na fít wiygísi' ndaga ba óolukeera Ha'mudii. Ee Ha'mudii nak onndabäa kimín kitum kíntaan na enamaa cidóoyí'-waa'. Fodaama, ya yaa teewoh an iñaa apotaa'caa jangat aaw ga kijofkaagarida kayoh. <sup>4</sup> Bu-teeraa Íkoñom júwohsissii, ba hëgískohha: bii fa'ta na yaawúu'caa, bïinoo farussa na apotaa'caa.

<sup>5</sup> Yaawúu'caa na buwaa enussii yaawúu'da, na buwaa kuliyuk gabada tuukussa ga kisodal Pool na Barnabaas, na kitapisohba atoh bi ba kaan. <sup>6</sup> Wayee daa ba yéeggeeka, ba ka'ta kisomuknee ga teerucaa ga gohaa Líkawooníida, ennda Lísta', Derbe na iñaa wíil daamada. <sup>7</sup> Daama ban, ba aawwa kiyéegaloh Hewhewii winéwi'wii wo' ga loo Yéesuda.

### *Pool na Barnabaas ga teeraa Lísta'*

<sup>8</sup> Laakeera ga Lísta, bo' yiyaal yaa yugee daa díinoo rek mínoo kituuk, ya límdohu na kilafañ ee mosoo kitíin na kotci. <sup>9</sup> Laakka bes, ya enee na kisükúruk jangataa Pool. Pool yíppari has, hotta an ngëmaa baa laak ga Yéesuda mínnindí kimúsal, <sup>10</sup> ya wo'ari didóolí an:

- Kolka, fu tuuk tek ga kotciigaraa! Baa dalla ki'en bérít, tuukka, yaa tíin. <sup>11</sup> Daa mbooloomaa hotee iñaa Pool tum yaama, ba baa wo' didóolí ga lakaa bu-Líkawooníi an:

- Koohcii súpítukuunun bo', yoosukuunun garuu.

<sup>12</sup> Ba teekka Barnabaas Sës, ba teekka Pool Ermes\* ndaga Pool yérí laakee wo'eenaa. <sup>13</sup> Laakeera ga yahaa halaa teeraa kaanfaa ba jaamukohi Sës, Koohyaagaba. Baa tumdi Sës sarah ga kaanfaada haydohha, ga kúuw-halcaa, naal-kuuy, yaa líkuunun enaama cimórí' caa taam na sapuus. Ya na mbooloomaa, naalcaama ba waareeba ki'ap kitumi' Barnabaas na Pool sarah.

<sup>14</sup> Daa Barnabaas na Pool yéeggee iñamaama, ba ña'sohha kúlticaagaba kiteewoh an ba fa'tii ga, ba iisukka ga mbooloomaa baa fiipba an:

<sup>15</sup> - Héey, biyaay, dú yah ya kitum yuma? Dí ga kihaffíi, dí bibo' doj fodii garúu. Dí hay dii kiyéegallúu Hewhewii winéwí'wii, dú foñ iñci cii laakoo jeriñda, dú méeñsuk, dú éewdoh haffúu ga Koohyii en na kipesda, yii sak asamaanii, kakayfii, giyyii na béeb iñci en gada. <sup>16</sup> Kudewaa, ya íisee heetcii, waa en tóoh waa taabuk waasaagari. <sup>17</sup> Moona déy, ya dék ga kitum enaama cijóffí', kiteewoh baa ya enda: yérí onirúu towii meyohi asamaanda, dú laak gëñ iñaa dú ñaman, ya sóosi' keeñnjúu.

<sup>18</sup> Hídaa ga iñaa ba wo'ba yaama tóoh, apotaa'caa laakussa coonu fiyaak kinís mbooloomaa ga kitumi'ba sarah.

<sup>19</sup> Waa ennda ña, laakka yaawúu'caa meyohu teeraa Añcoos Písídíi na waa Íkoñom, nookussa buwaa ga haffba, lëehí'ta ba tapisohha Pool na atoh ki'appi, ba fassari bi meyussa nari teeraa, ba foogee an ya kaanin. <sup>20</sup> Wayee, ga waa buwaa gém ga Yéesu hayu, gíwussarifa, ya kolukka, ya aassa teeraa. Ga kooh-wiisfaa, ya taammba na Barnabaas, ba ka'ta teeraa Derbe.

### *Pool na Barnabaas boykussa teeraa Añcoos Písídíi*

<sup>21</sup> Pool na Barnabaas yéegalohussa Hewhewii winéwí'wii ga teeraa Derbe. Ba laakka télibée Yéesu biyewin daama. Lëehí'ta, ba boyukka teeraa Lísta', waa Íkoñom na waa Añcoos Písídíi. <sup>22</sup> Ba baa yégísí' keeñcaa buwaa gém ga Yéesuda, ba baa daasba ba yégis ga ngëmaa. Ba wo'ee an: «Du jomin kikoroh ga coonu ciyewin paay, du han ki'aas ga Nguuraa Kooh.»

<sup>23</sup> Ga jaangaa en béeb, ba tannda ga bibo' baa kuliukan ga buwaa. Lëehí'ta, ba kiimmba Kooh, ba oo'ta, ba díñkaanndaba Ha'mudii, yii ba gém garida. <sup>24</sup> Ga waa ba meyoh daamada, ba koorohha gohaa Písídíi, ba ka'ta waa Pamfílii. <sup>25</sup> Ba yéegalohha wo'eenii Kooh ga teeraa Persi, lëehí'ta ba hayya teeraa Atalíi ga daa gaal-giyycaa teerida. <sup>26</sup> Ba aassa gaal-giyy daama, ba baa boyuk teeraa Añcoos Sírii, daa ba díñkaanohsee ga kijofkaa Kooh ba tum lëgëyaa ba meyoh kimëti'da.

<sup>27</sup> Ga waa ba le'da, ba hídírohha buwaa gém ga Yéesuda, ba béstí'taba tóoh iñcaa Kooh tum koorohha gabada. Ba béstí'taba ban daa buwaa enussii yaawúu' aasu ga ngëmaada. <sup>28</sup> Ba tessa na buwaa gém ga Yéesuda bi sammba kimaañ.

## 15

### *Saawal laakka ga Yéerúsaleem ga loo kerceencaa enussii yaawíu'da*

<sup>1</sup> Laakka bibo' baa meyoh gohaa Yúudée hayussa Añcoos Sírii. Ba aawwa kijégí' buwaa gëmin ga Yéesuda an: «Binaa dú gúrukii fodaa daa Waasaa Móyiis

\* **14:12** 14: 12 Sës na Ermes teek koohcaa Gerekcaa

nakohkadanaa, dú míoo kimúc.» <sup>2</sup> Pool na Barnabaas lenkohussa naba, laakussa naba ñaroh witamóhí' ga iñaama. Waa ennda da, buwaa gém ga Yéesuda abussa an Pool na Barnabaas na bibo' baa bok gaba jomuunun kika' Yéerúsaleem ga apotaa'caa na buwaa kuliuk ga jaangaa Yéesu en daamada, ba wo' ga iñaama.

<sup>3</sup> Bu-jaangaa Añcoos erussaba iñaa ba sooluk ga baawaagabada, ba baa yah. Ba koo'ta gohaa Fenísíi na waa Samarii, ba baa béstí' daa buwaa enussii yaawúu' aasu ga kigém ga Yéesuda. Iñaa laak yaama, soossa keeñ béeþ buwaa gém ga Yéesuda.

<sup>4</sup> Ga waa ba le' Yéerúsaleemda, bu-jaangaa na apotaa'caa na buwaa kuliuk ga jaangaada teerukkaba. Léehí'ta, ba béstí'taba tóoh iñcaa Kooh tum kooroh gabada.

<sup>5</sup> Wayee, laakka bibo' ga Férísiyeencaa ee gëmuunun ga Yéesu, baa koluk, wo'ussa an:

- Buwaa enussii yaawúu' baama ee gëmu ga Yéesuda jomuunun kigúruk, ee ba wo'u kitaabuk iñaa Waasii Móyíis nakoh kitumda. <sup>6</sup> Apotaa'caa na buwaa kuliuk ga jaangaada hídírukohussa kimalak iñaama. <sup>7</sup> Ga waa ba nookohha ga iñaama bi maañja, Pee' dalla kikoluk, wo'a an:

- Mbokcii, fodii dú ínohkada iñaa Kooh tanukeeroo ga díkaantirúu maañin. Ya tanukeeroo kiyéegal buwii enussii yaawúu'da Hewhewii winéwí'wii, doonaa ba kelohwa ee ba gém gari. <sup>8</sup> Ee Kooh yii ínohin iñaa en ga keeñ baa en béeþda, teewohin an ya tookinba ga waa ya onba Helii yisela'í'yii fodaa ya oneeruurdia. <sup>9</sup> Ee laakkii kitansoh kíinoo kaa Kooh tum ga díkaantiruu naba. Ee ba setdin keeñcaagabá ndaga ngëmaa ba laak garida. <sup>10</sup> Kon iñii tah ya dú waa' Kooh kitooñ ga kikoo' buwii enussii yaawúu' gëmu garida dofcaa, ennda dū, ennda bicaasammibuu, dū mosooca kimín kikoruk. <sup>11</sup> Ee sah, dū yaawúu'cii dū gëmin an dū múnin ndaga yérmaandaa Yéesu, ee ba ban, ba gém iñaama.

<sup>12</sup> Waa ennda da, mbooloomaa ennda cel. Buwaa baa súkúruk Pool na Barnabaas, baama baa béstí'ba kíntaancaa na enaamacaa cidóoyí'-waa'caa Kooh tumee, kooroh gaba ga leeloo buwaa enussii yaawúu'da. <sup>13</sup> Ga waa ba léehí' kiwo'da, Saak tikkka ga an:

- Súkúrakat mbokcii! <sup>14</sup> Simon béstírinndúu daa ga dalaaraa, Kooh hayya ga buwii enussii yaawúu'da, ya tanukka ga dūuyba heetaa enan wuuci. <sup>15</sup> Ee iñii ya wo'da taabohin na iñaa sëldíiga-Koohcaa wo'eefda ndaga bíduunun ga këyítfaa an:

<sup>16</sup> «Iñii yii paafaa, mi hay kihayis ee mi hay kitawahis kaanfii Dëwít, fii búreedfa, mi hay kihéwíris iñii lís ga kitesfa, mi tuukirisfa. <sup>17</sup> Fodaama, iñii tes bo' ga éldúnada aaw kiraas Ha'mudii ee ban bi ga béeþ heetcii mi tanuk ca en cuurooda aawsan kiraas Ha'mudii. <sup>18</sup> Iñaama yérí Ha'mudii wo', ee ya mëti'si iñaa ya waayukee kitum ee ínohukin kumëeñí'da.»

<sup>19</sup> Saak tikkka ga an:

- Tahin bi mi ga kihaffoo, mi am an dū hanat kisodal buwaa enussii yaawúu' baama mëeñsukuunun ba bii gém ga Koohfa. <sup>20</sup> Wayee hoonohoo dū bínba ban, dū wo'ba an: ba hanat kiñam koynohkaa sarahohu ga koofcaa, ba abuk ga kifaanuk na baa en béeþ, ba abuk ban ga kiñam koynoh júuraa apu ee ñífaa aamussii, wala ki'an ñíf. <sup>21</sup> En ki'enaa, daloh ga cosaan bi ga wati, laakin ga teeraa en béeþ bibo', baa jégírohi iñaa Waasii Móyíis nakoh kitumda, bes Sabataa en béeþ ga jaangu-yaawúu'cii.

### *Këyít bídussa wosohussa Añcoos ga kerceencaa enussii yaawúu'da*

<sup>22</sup> Waa ennda da, apotaa'caa na buwaa kuliuk ga jaangaa Yéerúsaleemda na béeþ kerceencaa daamacfa júwohussa an ba hay kitán bibo' ga dūuyba, ba wosba Añcoos, ba taam na Pool na Barnabaas. Ba tannda Yúdaa ee baysi Barsabaas, na Sílaas. Ba banak béeþba, buwaa gém ga Yéesuda oneeraba cee'. <sup>23</sup> Ba e'taba këyít, ee iñii yii yérí bídu ga an: «Dú mbokciigaríi dëku Añcoos, Sírii na Sílisiida, dú bii dú enndii yaawúu'da, dí bii këñi'túu dí apotaa'cii na buwii kuliuk ga jaangii Yéerúsaleemda.

<sup>24</sup> Dí kelohin an laakin buwaa meyohu dii, hayuunun garúu. Ba bum jaahallúu, ba bum hícoh helcumgarúu na wo'eencumgaba ee dí nakkiiba ka. <sup>25</sup> Kérí tah dí béebspíi dí júwohin, dí tanin bibo' baa dí wos garúu. Dí akitohinba na Pool na Barnabaas, filiimunciigaríi, <sup>26</sup> bii erohin kumuunba ndaga teekii Yéesu Kiristaa, Ha'mudiigaruuða. <sup>27</sup> Kon dí bii wosoh garúu Yúdaa na Sílaas, ba wo'"úu iñii dí bín ga këyítfiidá. <sup>28</sup> En ki'enaa, Helii yisela'í'yii yii naríi, dí waa'tiirúu dara kitík yibítí', enndii iñcii bo' mínoo kifoñ ciinaa: <sup>29</sup> kaa ñamat koynohkaa tumu sarah ga koofcaa, kaa anat ban ñíf wala kiñam koynoh júuraa apu hen ee ñífaa aamussii, ee kaa faanukat na baa en béeþ. Binaa dú watuk iñcaamanaa, dú hay kitum yijófí'. Kijaammu-jaammu!»

<sup>30</sup> Waa ennda da, buwaa tansee wosussada baa yah Añcoos. Ga waa ba le'da, ba hídírohha béeþ buwaa gëm ga Yéesudá, lëehí'ta, ba e'taba këyítfaa. <sup>31</sup> Fa jagussa ee buwaa béeþba keeñba soossa ga iñaa bídu ga këhítfaa yaama ee daasinba ga ngëmdá. <sup>32</sup> Yúdaa na Sílaas ga kihafba, ensee biséldiiga-Kooh. Ba saawalla na buwaa bi maañña, kidaasba na kibaatba dooli ga ngëmaagaba. <sup>33</sup> Ba tessa daama bi sammiba kimaañ, lëehí'ta, Buwaa íisussaba ba boyuk na jam ga buwaa woseebadá. <sup>34</sup> [Wayee Sílaas nak boyukkii, ya tessa ga Añcoos.]

<sup>35</sup> Pool na Barnabaas ban tesussa ga Añcoos, ee ba banak taabussa na bibo' biyewin biliis, baa jégíroh, baa yéegaloh Hewhewii winéwí'wii en wo'eenii Ha'mudiida.

### *Pool na Barnabaas hëgískohussa kitaam*

<sup>36</sup> Ga besaa tík gada, Pool wo'"a Barnabaas an:

- Du ka'sat, dú wíil tóoh teerucaa du yéegaloh ee wo'eenii Ha'mudii gacada, du waaknee mbokcaa gëmuunun ga Yéesu enu dada.

<sup>37</sup> Barnabaas nak, waa'ta kibaydoh Sañ yaa baysi Markadá, <sup>38</sup> wayee Pool tookkii Marka taam naba ndaga daa yaama foñeeba ga teeraa Pamfilíi, taabissii naba ga lëgëyaa ba enee na kitumda. <sup>39</sup> Ba nookohha ga iñamaa bifaf ba hëgískohha. Barnabaas taammba na Marka, ba aassa gaal-giiy, baa yah kúlkaa Sipa'. <sup>40</sup> Pool nak tanukka kitaam na Sílaas. Mbok-kerceencaa díñkaanohhaba ga kijofkaa Ha'mudii, ba baa yah. <sup>41</sup> Ya wíilla gohaa Sírii na waa Sílisíi, ya yaa daas buwaa gëm ga Yéesudá, ba yëgís ga ngëmaa.

## 16

### *Tímotée taammba na Pool na Sílaas*

<sup>1</sup> Waa ennda da, Pool ka'ta Derbe, lëehí'ta ya paaffa bi ga Lísta'. Daama laakeera baa gëmin ga Yéesu ee teeku Tímotée. Tímotée yaama, eeci enee yaawúu' gëmmaba ga Yéesu ee paamci enee Gerek. <sup>2</sup> Ya nak, mbok-kerceencaa dëku Lísta' na Íkoñomda hotsee kijúþ gari. <sup>3</sup> Pool waa'ta ya taam nari. Ya bayyari kon, gú'tari ndaga yaawúu'caa dëk ga gohaamada. En ki'enaa, béeþba ínohseera an paam Tímotée iñaa Gerek\*. <sup>4</sup> Ga duuy teerucaa ba kooroheeda, Pool na Sílaas baa yéegaloh iñcaa apotaa'caa na buwaa kuliyük ga jaangaa Yéerúsaleem amda, ba nakkaba kitaabukca. <sup>5</sup> Fodaama, kerceencaa baa wëñ kiyégís ga ngëmaa ee ba baa wëñ kibaatuk besaa en béeþ.

### *Helii yisela'í'yii wo'"a Pool kika' Maseduwaan*

<sup>6</sup> Pool na Sílaas baa wíil ga gohaa Fírigíi na waa Galaat ndaga lak Helii yisela'í'yii hoonohinba kiyéegaloh wo'eenii Kooh ga gohaa Aasíi. <sup>7</sup> Ga waa ba ka' bi ba deeyca gohaa Mísíida, ba waa'ta ki'aas gohaa Bítníi wayee Helii Yéesu onndiiba ka. <sup>8</sup> Waa ennda da, ba húussa ga gohaa Mísíi, baa yah Torowaas. <sup>9</sup> Laakka bes ga wek

\* **16:3** 16: 3 Gerekcaa laakséeríi baah kigú' oomaa-yaal

Pool hotta ga heey bo' yaa dëk Maseduwaan. Baa tuukin ga fíkiici yaa kíimmbi an: «Hayaa Maseduwaan, fu sommbíi!» <sup>10</sup> Daa Pool hotee iñaama ga heey, ga saasi dí tummba tóoh kika' Maseduwaan ndaga lak wéerinndíi<sup>†</sup> an Kooh yérí ebillíi kiyéegalohnee Hewhewii winéwí' wii daama.

### *Lídii gëmmba ga Yéesu ga teeraa Filiip*

<sup>11</sup> Waa ennda da, dí aassa gaal-giiy ga teeraa Torowaas, dí yolohha Samotaraas dëkaa giyyaa wíldsa. Ga kooh-wíisfaa, dí ka'ta bi ga Neyapólís. <sup>12</sup> Kolkohha daama, dí ka'ta Filiip, teeraa wëñ kilaak solu ga gohaa Maseduwaan bu-Room te'da. Dí yuñnga ga teeraama bi sammba kimaan. <sup>13</sup> Ga besaa Sabat, dí meyca teeraa, dí ka'ta seereenaa húlúwaa ndaga lak dí foogin an daama jomin kilaak dekataa yaawúu'caa jaamukohi Kooh. Laakeera beticaa hídirukohu da, dí yuñnga naba, dí saawalla naba. <sup>14</sup> Ga beticaama, laakeera yaa teeku Lídíi ee meyohee teeraa Tíyaatíi'. Ya enee toonoh piis, piiscaa súupu ciyo'oh ee seerin, ee ya niikeera Kooh. Ya yaa súkúrukkíi dijófí' ndaga lak Ha'mudii lëgísin keeñaagari, en danaa ya gëm wo'eencaa Pool. <sup>15</sup> Ya bëtisi'ussa, ya na bu-kaanci, lëehí'ta ya wo''arii an:

- Hayat, dú sagacukkoo ga kaandoo en an dú tookin kayoh-kayohda an mi gëmin ga Ha'mudiinaa. Faf ya ekkaríi ga kika' kaanci.

### *Pool na Sílaas lagussa ga kasaa teeraa Filiip*

<sup>16</sup> Laakka bes, dí enee na kiyah dekataa kíimohsi Koohda, dí hídochha na súrga yibeti yaa rab am, onndari kimín kilíruk. Kilíruk kaama haydohdeera ha'-kaancaagari kopa' wiyewin. <sup>17</sup> Ya yaa taabukkíi, mi na Pool, ya yaa fiip didóoli' an:

- Buwii bii bëri en súrgacii Kooh yii ga dlookaa-dookda. Ba hay kiyéegallúu waasii onohi kimúcda!

<sup>18</sup> Ya tummba iñaama bes ciyewin. Ka'ta bi Pool kappa ga, ya dalla kiméeñísek, wo''a rawaa an:

- Ga teekii Yéesu Kiristaa, mi ebilla fu meyoh ga betifi! Ga saasi rawaa meyca ga súrgaa yibetiyyaa. <sup>19</sup> Daa ha'-kaancaa súrgaa yibetiyyaa hotee an ba abissii yaakaa' kilaakis dërem gari, ba ammba Pool na Sílaas, ba fitísohhaba bi ga paanaa dëkaa ga fíki atti'ohcaa. <sup>20</sup> Ba tuuki'taba ga fíki bu-Room baa kuliyuk ga dëkaadsa, ba épírohha an:

- Buwii bii biyaawúu' ee ba bii hícísoh dëkiigaruu. <sup>21</sup> Ba bii jégíroh dii baahcaa waasiigaruu hoonohinnduu kitook, hoonohinnduu kitaabuk, du bu-Room.

<sup>22</sup> Mbooloomaa ban taammba naba ga, ba keennda ga dlook Pool na Sílaas. Atti'ohcaa nakohha kidol kúltícaa Pool na caa Sílaas ee ba rípu na ngee'. <sup>23</sup> Ga waa ba ríppaba na ngee' bi faancaa ilohha, ba lanngaba ga kasaa. Ba wo''a baa watuki kasaada ya foñ helci gaba dijófí'. <sup>24</sup> Daa baa watuki kasaada wo'see iñaama, ya lanneeraba ga túuyaa hanoh duuy ga kasaadsa, ya ekkaba jéen ga kotcaa.

<sup>25</sup> Ga bak leeloo wek, Pool na Sílaas baa kíim Kooh, baa kañnji na kiyeek. Buwaa bíinoo abu ga kasaa nabadsa baa súkúrukha. <sup>26</sup> Waas kíinoo kakayfaa yëngélukka bi tawahaa kasaa waa yëngéluk. Béeb halcaa kasaa dalla ki'en kúpít lëgísekka, ee jéencaa pokohsee buwaa abu ga kasaadsa cëpísekka. <sup>27</sup> Baa watuki kasaadsa tíitta ga pëní, yúudukka; daa ya hotee halcaa kasaa lëgískin gëpít, ya dalla kidol kalabfaagari, ya yaa yah kiharuk, ndaga ya foogee an buwaa lansee ga kasaadsa béebba núpuunun.

<sup>28</sup> Wayee Pool fiippari didóoli' an:

- Túuk kaa tumka; dí béeþpíi dí bee!

<sup>†</sup> **16:10** 16: 10 Lükkaa yérí en na kiwo' ndaga ya bokee ga baawaa.

<sup>29</sup> Baa watuki kasaada dalla kimeekisoh lampu, íisukka duuy kasaa na jaa', ya keennda kakay ga kotcaa Pool na Sílaas, ya yaa saak. <sup>30</sup> Waa ennda da, ya meydoohhaba kasaan, ya meekissaba an:

- Tiyaatii, mi jom ya kitum bi mi kimúc?

<sup>31</sup> Pool na Sílaas taassari an:

- Gëmaa ga Yéesu Ha'mudii, fu hay kimúc, fu na bu-kaanfu.

<sup>32</sup> Pool na Sílaas nak yéegalussari wo'eenii Ha'mudii, ya na béeb buwaa dëk ga kaancida. <sup>33</sup> Ga wahtaama siiy ga wekaa, baa watuki kasaada taammba na Pool na Sílaas, ya tíssa gaañcaagaba, lëehí'ta ya bëtisi'ukka ga saasi, ya na bu-kaanci bëebba. <sup>34</sup> Ya bayya Pool na Sílaas kaanci, tofi'taba kanu. Keeñci soossa lool ya na bu-kaanci ndaga daa ba gëmin ga Koohda.

<sup>35</sup> Ga waa Kooh wiisda, atti'ohcaa bu-Room ga dëkaada wosussa bibo' kiwo' baa watuki kasaada, an:

- Íisaa Pool na Sílaas ba yee'!

<sup>36</sup> Baa watuki kasaada yaa fool kiyéegal Pool an:

- Atti'ohcaa nakuununndoo ki'íssúu dú yee'. Kon diimada, dú mínin kimey dú yee' na jam.

<sup>37</sup> Wayee Pool wo'a buwaa wosseedaa an:

- Ba feeklukinndii ga fíkii béeb, dí koo'tii ga ki'atti'u ee dí bok ga bu-Room; lëehí'ta, ba lanngaríi ga kasu. Diiimada nak ba waa' kilokuk ba íissíi ee ken yéegoo. Múk mínoo ki'en, ba hayat na kihaffba ba meydoohhi!

<sup>38</sup> Buwaa wosseedaa karussa, wo'ussa atti'ohcaa bu-Room ga dëkaada wo'eenamaa. Daa ba ínohee an Pool na Sílaas boku ga bu-Room, ba tíitta. <sup>39</sup> Ba hayyaaba kibayaluknee na kihaffba, ba meydoohhaba kasaan; ba kíimmbaba ba mey dëkaagaba. <sup>40</sup> Pool na Sílaas meyussa kasaan, ba ka'ta kaan Lídíi. Ba laak kerceencaa daama, ba daassaba ga ngëmaa, lëehí'ta ba baa yah.

## 17

### *Pool na Sílaas karussa teeraa Tesaloník*

<sup>1</sup> Pool na Sílaas koorussa teeraa Amfípólís na waa Apolínii, ba ka'ta teeraa Tesaloník. Daama Lak yaawúu'caa laakuunun jaangu da. <sup>2</sup> Fodaa ya meeree ka kitumda, Pool ka'ta jaangu-yaawúuraa. Ya tíkisohha bes Sabat kaahay, caa ya saawali na buwaa ga loo Bíncaa cisela'í'caa. <sup>3</sup> Ya yaa lóogísohi'baca, ya yaa teebba ga iñaa Bíncaa wo'da an: «\*Kiristaanii jomee kikaan, tík ganaa ya mílis.» Kiristaanaama, yérí en Yéesu yii mi yéegaloh diida.

<sup>4</sup> Laakka ga yaawúu'caa, buwaa gëm iñaa Pool na Sílaas wo'da, ba taabukkaba. Fodaama ñan, laakka biGerek bigëñ baa niikin Kooh, na beti bilëekí'-teek biyewin baa hay taabukussaba.

<sup>5</sup> Waayee kisiis kiyaak ammba yaawúu'caa bínnoo, ba hídirohha ga wílilcohcaa ga mbedicaada, ba négírohha mbooloo wiyaak, ba hícísohha teeraa, ba íisukka kaan Saasoon ki'amnee Pool na Sílaas, ba bayba ga fíkii bu-teeraa. <sup>6</sup> Ba hottiiba daama, ba nammba ki'am Saasoon na bimbok-kerceen biliis, bayussaba ga atti'ohcaa ga teeraada, ba baa fiip an:

- Buwaama hícísohuunun éldúna tóohwa ee diima nak ba le'in dii. <sup>7</sup> Saasoon dapinba ga kaanci. Ba béebba nak, ba tumi iñcii saafaadukoh na iñii buu' Sesaa' nakohda ee ba wo' an laakin buu' yiliis yaa teeku Yéesu.

<sup>8</sup> Wo'eencaaama púdí'ta faancaa buwaa na caa atti'ohcaa ga teeraada. <sup>9</sup> Saasoon, ya na buwaa baysee narida, ba tíkussa kifay kopa' doonaa baa han ki'iisu.

### *Pool na Sílaas karussa teeraa Beree*

<sup>10</sup> Daa wekaa le'ee, mbok-kerceencaa amdohha Pool na Sílaas, ba ka' teeraa Beree. Ga waa ba le' teeraa Bereeda, ba ka'ta jaangu-yaawúuraa. <sup>11</sup> Yaawúu'caa ga teeraa Bereeda wëñussa baa ga teeraa Tesaloníkda kiwaa' bo'. Ba safat'a ga kite' Wo'eenaa Kooh ga keeñba, ee besaa en béeb ba lagi Bíncaa cisela'i'caa kiheel ki'ínoh ati iñaa Pool jégírohda taabin naca. <sup>12</sup> Bo' biyewin gaba gémussa ga Yéesu, ee ga Gerekcaa laakka beti biléekí'-teek biyewin na yaal biyewin ban baa gém ga Yéesu. <sup>13</sup> Daa yaawúu'caa Tesaloník kelohsee an Pool yaa yéegaloh Wo'eenii Kooh ga teeraa Beree, ba ka'ta daama ban, ba aawwa kiheel coow na kihícisoh helcaa buwaa. <sup>14</sup> Buwaa gém ga Yéesuda gaawussa kibay Pool giyyaa, ya aas gaal-giyy daama, ya yee'. Sílaas na Tímotée nak tesussa ga Beree. <sup>15</sup> Buwaa naksee kibay Poolda bedussari bi ga Ateen, lëehí'ta baa boyuk Beree. Pool bëyrohhaba kiwo' Sílaas na Tímotée, ba dawukki ga iñaa wëñ kigaaw.

### *Pool ga teeraa Ateen*

<sup>16</sup> Ga waa Pool en na kisek Sílaas na Tímotée ga teeraa Ateenda, keeñci leehha ga daa ya hot dëkaa líifin na nataalcaa ba tík koohbadfa. <sup>17</sup> Ya ka'ta jaangu-yaawúuraa, ya yaa saawal na yaawúu'caa na buwaa bíinoo enussii biyaawúu', ee niikuunun Koohda. Ee besaa en béeb, ya yaa saawal na buwaa ya hídohi naba ga paanaa dëkaa. <sup>18</sup> Laakeera daama bijégíroh baa wo'u bi'Épíkuriyen na bi'Estóyísiyej\*, baa daanee kisaawal na Pool. Bii wo'ee an:

- Moo jawulii yií, ya waa' ya kiwo'?

Bíinoo an:

- Man na ya en na kiyéegaloh koohcaa dú ínohoo!

En ki'enaa, Pool yéegalohee loo Hewhewii wo' ga loo Yéesu na loo kimílskaa buwaa kaaninda.

<sup>19</sup> Waa ennda dfa, ba taammba nari, ba bayyari ga paanaagaba wo'si Ayeropaasdta†, ba wo"ari an:

- Dí waa' fu wo"í iñaa lee' ga iñii yi'asyii fu jégírohda, <sup>20</sup> ndaga fu tangalinndíi na wo'eencaa ken ínohoo, ee dí waa' ki'ínoh iñii ca wo'da.

<sup>21</sup> En ki'enaa, bu-Ateen na sagaccaa dëku teeraada tumsee rek lëgëy kisükúruk na kibéestí' hewhew.

<sup>22</sup> Pool nak dalla kituuk ga fíkíi buwaa enee ga paanaa Ayeropaas, wo"a an:

- Dú, bu-Ateen, mi hotin an en ngëmaa dú laakinwa lool sah. <sup>23</sup> En ki'enaa, wii mi tíidísuk ga teeriigarúu, mi yaa malaksukoh iñcii dú jaamukida, mi hotin wíinoo gaca waa bídu an: «wuu Koohyii dí ínohoodfa.» Iñaa dú jaamuki yaama ee dú ínohoorifa, yérí mi hayyúu kiyéegal. <sup>24</sup> Kooh yií sak éldúnada na béeb iñcii gadfa, yií en Ha'mudii asamaanii na kakayfiida, dëkoo ga kaanfaa yah bo'-súusúus hëwí'. <sup>25</sup> Ya soolukkii ban bo'-súusúus tumi'ti yen. En ki'enaa, yérí oni béeb buwii kumuun, ki'íik na béeb iñcaa tík gadfa. <sup>26</sup> Ya kooroh ga bo' yíinoo, ya sakka béeb heetcii, ya onndaba kidék daa en béeb ga éldúna, ya hégísohi'taba jamaanucii laakida, ya ffisi'taba teki'tii dii ba jom kidékhada. <sup>27</sup> Ya tummba iñaama, doonaa fodii baa en na kiséméemí', buwii aawwi kiheel kihot; ee en ki'enaa, ya úsaayyií yíinoo garuu.

<sup>28</sup> En ki'enaa, yérí onnduu kipes, kika', na kihay na ki'en ga éldúna, ee bidoohciigaruu wo'uunun an du bitowuci ban <sup>29</sup> Kon, waa du bërí en towutiigari, du jomoo kifoonj an Kooh man na nataal wúrúus, wuhéelís, wala atoh, waa bo'-súusúus pes bi morin ga kineb helci. <sup>30</sup> Kooh malakissii kiñak ki'ínohkaa buwii kudzewaa. Diimada baa en béeb daa ya enoh téoh ya yee bayyi, ya súpít kipeskaagari.

<sup>31</sup> En ki'enaa, ya abin bes, waa ya yah ki'atti' béeb bu-éldúna ee kooran waas. Ya

\* <sup>17:18</sup> 17: 18 Épíkuriyen na Estóyísiyej Widewaawaa jégíroh an neblaat laak solu ga iñaa en béeb. Waa tík gadfa jégíroh ki'abuk ga téoh iñaa newin. † <sup>17:19</sup> 17: 19 Teek janjaq ga teeraa Ateen, daa atti'ohcaa daanee kihidohufa. Paanaa atti'ohcaa eruunun teekaama diima.

tanukin baa yah ki'atti'da. Iñamaa ya teewinwa béeb ga waa ya mílísí' baa yaama ga kikaanda.

<sup>32</sup> Daa ba kelohee Pool meydohha ga kúuwci loo kimilis ga kikaan, ba aawwari kiñaawal. Bíinoo wo'ussari an:

- Bes kiliisaa, sí súkúrukkaa ga iñum fu wo' yuma.

<sup>33</sup> Waa ennda da, Pool meyca yaa yah. <sup>34</sup> Moona, laakka gaba buwaa gém iñaa ya wo'da, ba taabukkari: ennda fodii Déníis yaa bokee ga bu-paanaa wo'si Ayeropaasda na betifaa teeku Damariis na bibo' biliis baa taabee naba.

## 18

### *Pool ka'ta teeraa Korenti*

<sup>1</sup> Waa ennda da, Pool kolukohha teeraa Ateen, ya ka'ta teeraa Korenti. <sup>2</sup> Ya hídohha daama na yaawúu', yaa teeku Akilaas. Akilaas límohu gohaa Pom ee lak ya hanee kimeyoh kúlkaa Ítalíi, ya na Pírisíl, betici, ndaga Kólóot buuraa yiyaakyaa kúlkaa Room yérí nakohee an yaawúu'caa béebba meyat teeraa Room. <sup>3</sup> Pool nak ka'ta gaba, ee waa ya bok naba lëgëy kihéwí' mbaa'-on, ya dëkka naba, ba taammba kilégéy. <sup>4</sup> Bes Sabataa en béeb Pool ka' jaangu-yaawúuraa ya jangati, kiheel kinook yaawúu'caa na buwaa enussii yaawúu'da ga ngëmaa. <sup>5</sup> Sílaas na Tímotée meyohussa teeraa Maseduwaan, ba hayya, laakussa Pool teeraa Korenti. Pool nak éewrukka kiima ga kiyéegaloh wo'eenii Kooh, ya yaa yéegal yaawúu'caa an kayoh-kayohda, Yéesu yérí en Kiristaanii. <sup>6</sup> Yaawúu'caa nak baa heñohhi, ba aawwari kibas, Pool përtukka pëndëlaa kúlticaagari\*, ya wo'afa an:

- Binaa dú sanju'aa, ínohat an dú béri tik haffúuka. Mi, mi setin ga wic. Diimada mi yii yah ga buwaa enussii yaawúu'da.

<sup>7</sup> Ya kolkohha daama, ya ka'ta kaan Títíyus Yustus, bo' yiniiki'-Kooh ee kaanfaagari deeyoh na jaangu-yaawúuraa. <sup>8</sup> Kíríspus yaa kuliyuk ga jaangu-yaawúuraadfa, gëmmba ga Ha'mudii, ya na bu-kaanci béebba, na bibo' biyewin ga bu-teeraa Korenti, baa súkúrukee Poolfa, gëmussa ga Yéesu ban, ba bëtisi'ussa. <sup>9</sup> Laakka wekaa Ha'mudii feeñuk Pool ga duuy heey, wo'ari an:

- Ka niik dara, wo'a, kaa dëkoh. <sup>10</sup> Kaa niik dara ndaga mi yii naraa, ee ken mínoo kitik yahci ga dookfu. En ki'enaa, bo' biyewin dii ga teerii wii buuroo.

<sup>11</sup> Waa ennda da, Pool yuñnga ga teeraa Korenti kíis na caban, ya yaa jégíroh Wo'eenii Kooh.

<sup>12</sup> Ga jamaanaa Galíyon enoh gúwernée' ga gohaa Akaydfa, yaawúu'caa béebba kolukdfussa Pool, ba ammbari, ba bayyari daa atti'ohsida. <sup>13</sup> Daama, ba yammbari an:

- Bii yii heel ki'ek buwii ga kijaamuk Kooh na kitaabuk Kooh ee iñii ya jégírohda taammbii na iñii Waasii Móyiis nakohda.

<sup>14</sup> Pool waa'ta kitaas, wayee Galíyon dalla kiwo' yaawúu'caa an:

- Súkú'kattoo dú yaawúu'cii! Enee an ya tum kofeel wala iñaa boninaa, eneena mi hayyúu kisúkúruk. <sup>15</sup> Waa dú nookoh loo wo'een, loo teek na loo waasumgarúu, gaama guurúu, mi yahhii ga ki'aas.

<sup>16</sup> Waa ennda da, ya meydohhaba daa atti'ohsida. <sup>17</sup> Daama nak, ba keennda ga dook Sosten, yaa kuliyuk ga jaangu-yaawúuraadfa, ba baa feekki ga fíkíi daa atti'ohsida, wayee iñamaa dara bíttii Galíyon ga.

### *Pool boyukka teeraa Añcoos*

<sup>18</sup> Waa ennda da, Pool tessa ga teeraa Korenti iñaa maañ. Lëehí'ta, ya tanjohha na kerceencaa daamada, ya aassa gaal-giyy kiyah kúlkaa Sírii, ya taammba na Pírisíl na

\* <sup>18:6</sup> 18: 6 Ga tumeenaama, Pool teewoh an duuci enissii ga iñaa mínanba kidalda. Malkat ban 13: 51.

Akílaas. Balaa ya karaa, ya nenukka hafaagari ga teeraa Kejkerree ndaga lak iñaa ya dígohee na Kooh ya waatukkadfa leehin<sup>†</sup>. <sup>19</sup> Ga waa ba le' teeraa Efeesfa, Pool tagohha na buwaa ya taabee nabada, ya taammba hañci. Ya ka'ta jaangu-yaawúuraa kisaawal na yaawúu'caa. <sup>20</sup> Baama kíimbari kites naba wayee ya sajnga. <sup>21</sup> Ga wii ya tanjcoh nabada, ya wo"aba an:

- Neb Koohaa, mi hay kiboyuk dii kiwaakneerúu.

Ya aassa gaal-giiy ga Efees, ya ka'ta teeraa Sesaree. <sup>22</sup> Waa ennda da, ya paaffa Yéerúsaleem kikëñí' kerceencaa enu daamada, lëehí'ta ya ka'ta Añcoos Sírií. <sup>23</sup> Ya ennda daama bi sammiba kimañañ, lëehí'ta yaa yah. Ya koorohha gohaa Galaat ya paaffa waa Fírigíí, ya yaa daas mbok-kerceencaa béeþba, ngëmaagaba wëñ kiyégis.

### *Apoloos ka'ta teeraa Efees na waa Korenti*

<sup>24</sup> Laakka yaawúu' yaa teeku Apoloos ee límohu teeraa Aleksandarí, ya hayya teeraa Efees. Ya enee bo' yiyyudúkí' ee ya ínoheera Bíncaa cisela'i'caa dijóffí' ñan.

<sup>25</sup> Ya jëgí'seera Waasii Ha'mudii, ee ya safareera lool ga kiwo' loo Yéesu. Iñaa ya jëgírohee garida júweera lool, wayee ya ínohee bëtísaa Sañ-Bëtís. <sup>26</sup> Ya yaa jangat na fít wiyyégisí' ga duuy jaangu-yaawúuraa. Daa Pírisíl na Akílaas kelohsee iñaa ya jangatda, ba bayyari ya taam naba, ba lóogísohi'tari Waasii Kooh bi wëñja gari kilee'. <sup>27</sup> Ya nak, helci ennda ga kika' gohaa Akay. Mbok kerceencaa daamada baatussari kidaas ga iñama. Ba bínnda buwaa gëm ga Yéesu enu daamada këyít kiwo'ba ba ammbi dijóffí'. Daa ya le'ee daama, Kooh amdohhari bi ya laaki'ta buwaa gëmu ga Yéesu daamada jeriñ wiyaak. <sup>28</sup> Ya bùlla yaawúu'caa ga fíkii béeþ, ee ya koorohhee ga Bíncaa cisela'i'caa, kiteebba an Yéesu yëri en Kiristaanii.

## 19

### *Pool ka'ta teeraa Efees*

<sup>1</sup> Wiima lak Apoloos yaa ga Korenti, Pool koorohha gohcaa kúlkaa na janjancaada, lëehí'ta ya hayya teeraa Efees. Ya hotta bimbok-kerceen daama, meekissaba an:

<sup>2</sup> - Ga wii dú gëm ga Yéesuda, dú laaseera ga Helii yisela'i'yiine? Ba taassari an:

- Dí mossii kikeloh wo'u an Helii yisela'i'yii yii ga.

<sup>3</sup> Pool meekissaba an:

- Kon dú laas ga bëtísii wiida? Ba taassari an:

- Dí laas ga bëtísaa Sañ-Bëtís tumeeda.

<sup>4</sup> Pool wo"aba an:

- Ee; Sañ bëtísí'ee buwaa tookee kisúpít kipeskaagabada, ee ya wo'ee bu-Isarayeel kigëm ga baa yah kihay ga fenoocida. Baama nak Yéesu yëri.

<sup>5</sup> Ga waa ba keloh wo'eñaamada, ba bëtísí'ukka ga teekii Yéesu, Ha'mudii. <sup>6</sup> Pool tikkaba yah ga haf ee Helii yisela'i'yii dalla kiyoosuk ga dookba. Ba baa wo' ga lak ciyewin caa bokkii, ba baa jangat wo'eencaa meyoh ga Kooh. <sup>7</sup> Buwaa enee daamada jomeera kile' bo' bidaanjkaah na banak.

<sup>8</sup> Waa ennda da, Pool ka'ta jaangu-yaawúuraa, ee daama iñaa le' ñiin kaahay ya yaa jangat na fít wiyyégisí', ya wo'ee loo Nguurii Kooh, ya yaa heel kigëmlukoh buwaa súkúrukeerida. <sup>9</sup> Wayee laakka gabaa yëgís ga haf, ba sajnga kigëm, baa ñaawal Waasii Ha'mudii ga fíkii buwaa béeþba. Waa ennda da, Pool foñnjaba, ya bayya tæelibéecaa Yéesu, ee besaa en béeþ, ya yaa jëgí'ba ga ekoolaa baa wo'si Tíranusfa.

<sup>10</sup> Pool jëgírohhda bi ennda tikiis tanak ee fodaama béeþ buwaa dëk gohaa Aasiida, ennda yaawúu'caa, ennda buwaa enussii yaawúu'da kelohussa Wo'eenii Ha'mudii.

### *Kíntaancaa laakee ga teeraa Efeesfa*

<sup>†</sup> **18:18** 18: 18 Pool waatukee an iñaa ya dígohee na Koohfa leehhiinaa, ya nenukoo mûk. Malkat 21: 24.

<sup>11</sup> Waa ennda dfa, Kooh yaa tum kíntaan cidóoyí'-waa' ga Efees koorohha ga Pool.  
<sup>12</sup> Fodaama buwaa baa bēb gúree-píis wala úuf, caa mosin kile' ga faanfaa Pool, ba baa tíkca ga díukoolí'caa. Ee fodaama buwaa baa wak, rabcaa baa meyoh gaba.  
<sup>13</sup> Laakeera yaawúu'caa enee kiwíil daa en bēeb kikaal rab ga buwaa. Fodaama, ba jéemmba kikooroh teekaa Yéesu, ba kíimi' buwaa rab amdfa. Ba wo'ee rabcaa an:

- Ga teekii Yéesu Pool yéegalohdfa, mi ebillúu kimeyoh ga bii!

<sup>14</sup> Iñaama, baa wo'si Sefaa ee bokee ga sarahohcaa yaawúu'caa biyaakbaada, towutaagari tiyitnatanaktaa daanseeraka kitum.

<sup>15</sup> Wayee, ga waa ba tummbaka, rawaa taassaba an:

- Mi ínohin Yéesu mi ínohin baa en Pooldfa, Wayee dú, dú bëri en ba?

<sup>16</sup> Baa rawaa abeeda dallaba kisoonj, wëñnjaba dooli, gaañsohhaba, d'a'sohha kúlticaagaba, ba meyca kaanfaa, ba núppa.

<sup>17</sup> Bu-teeraa Efees béebla yéegussa iñaa laak yaama. Yaawúu'caa na buwaa enussii yaawúu'da, béebla títtussa, teekaa Yéesu, Ha'mudii erussa cée' wiméti'.

<sup>18</sup> Biyewin ga buwaa gëmfa hayussa, wo'ussa fañ ga fíkii béebl iñcaa ba enukoheedfa.

<sup>19</sup> Biyewin ga buwaa daanee kiluhusfa, haydohussa këyítcaa ba luhusoheeda, ba nëgirohhaca jal wíino, ba tëki'taca ga fíkii béebl. Cadamfaa këyítcaama karin ga júnnicaa leehoo. <sup>20</sup> Fodaama, ga doolaa Ha'mudii, wo'eenaa Kooh waa wëñ kisíw ee doolaagawa waa wëñ kihotuk.

### *Coow kolukka ga Efees*

<sup>21</sup> Ga waa iñcaama paafdfa, Pool ammba ga helci kika' Yéerúsaleem, ya kooroh gohaa Maseduwaan na waa Akay. Ya wo'ee ga helci an binaa mi le' daamanaa, mi jomin kika' Room ban. <sup>22</sup> Ya wossa banak ga buwaa ya taabi nabada. Buwaa ensee Tímotée na Erasti. Ya ga kihafci nak, ya tessa ga gohaa Aasíi bi sammiba kimaañ.

<sup>23</sup> Jamaanaama, coow wiyaak kolukka ga Efees ndaga Waasii Ha'mudii yéegalohu daamada. <sup>24</sup> Laakee tíwoh hëelísa teeku Dímitiriyus, ya tíwee tunataal-hëelístaa mandarga kaanfaa ba jaamukohi Artémísdfa. Tunataaltaama nak, haydohdeerari, ya na buwaa lëgëy garida hëelís wiyewin. <sup>25</sup> Laakka bes, ya hídírohha buwaa lëgëy garida na bo' biliis baa tumi lëgëy kitib nataal fodaa gabada, ya wo'"aba an:

- Biyaay, dú ínohin an iñii dú laak ga alalda meyoh ga lëgëyiiruu wii. <sup>26</sup> Diimada nak, dú hotin ee dú kelohin iñcii Pool en na kitumda. Ya wo' an koohcaa bo' hëwí' na yahci enndii Kooh kayoh-kayoh. Ya nookin bo' biyewin ga kigëm iñaama, ee ya eemmbii naka dii ga Efees, wayee gohaa Aasíi béebl gomin ga. <sup>27</sup> Iñaama eemanndii ga kibúuk kitíb-nataalkiiruu rek, wayee míñ kika' bi ga kibúuk teekii kaanfii Artémís, koohyii yibetiyii yiyaakyii. Ee koohyii yiima Aasíi béebl na tóoh éléduna jaamukiri. Kon nak teekiigari jomoo dfa kiyím.

<sup>28</sup> Daa buwaa kelohee wo'eencaama, ba líiffa na tam-keeñ, ba baa fiip an:

- Artémisyii bu-Efees yakin!

<sup>29</sup> Díkaantaama béebl dëkaa hícisukohha. Ba ammba Gayus na Arístarka baa dëk Maseduwaan ee taamsee na Pooldfa, ba baa yah naba paanaa bu-teeraa. <sup>30</sup> Pool nak waa'ta kimey ga buwaa, wayee buwaa gëm ga Yéesudfa ísisussiiri ya ka'. <sup>31</sup> Bi ga sah bibo' ga filiimuncaagari kuliyuk ga nguuraa ga gohaa Aasíidfa, wosohussa gari kiwo'i ya watuk kitonj kotci ga paanaa bu-teeraa. <sup>32</sup> Ga wahtaama, buwaa hídírukohee daamada hícisukohussa, coowaa ennda cûr ga dñuuyba. Bii fiipi aneeneaa, bii fiipi an. Biyewin gaba sah ínohséerii iñaa tah buwaa hídírukoh daamada. <sup>33</sup> Èlíksaan nak, yëri yaawúu'caa kuliyukdee ga fíkiba ga hídohaama. Bibo' ga buwaa hídírukohee daamada béstírussari iñaa laakdfa. Ya bëwí'ta yah kiwaa' kilayohi' buwaama ga fíkii mbooloomaa. <sup>34</sup> Wayee daa ba ínohee an ya iñaa yaawúu', ba taammba béebl baa aawissa kifiip. Ba fiipin iñaa le' wahtu kanak an:

- Artémísyii bu-Efees yakin!

<sup>35</sup> Baa dëkaa tíku ga yahcida yérí méeñjoh kimín kiyím buwaa doo ba han kidekoh. Ya wo"aba an:

- Dú bu-Efees, bii yiida ínohoo an kaanfii Artémís yiyaakyii en ga teeriigaruu ee nataaliigari keenoh asamaanda en ban ga teeriigaruu? <sup>36</sup> Dú ínohin an ken nookohhii iñaama. Kon enat tek, ee kaa gaawtukat bi dú tum iñaa bokkii ga. <sup>37</sup> Buwii bii dú haydohinba dii ee moona ba beþpii dara ga kaanfii Artémís, ee ba bassiiri. <sup>38</sup> En Dímitiriyus na buwii taam narida, ba laakoh na bo'aa, ba karat waas: Laakin bescaa tanu ki'atti, na buwaa atti'i iñcaama. <sup>39</sup> En laak enaama ciliis caa dú waa' kipaydfunaa, bes ki'atti' le'aa, ca malaku. <sup>40</sup> Du watukkiinaa, du hay kitíku buwaa hícísohi mbooloo ndaga iñii laak watida, ee du mínanndii dara kiwo' ga iñaa tah coowii wii.

Ga waa ya lëehí'ta kiwo' fodaama, ya wesohha buwaa.

## 20

### *Pool ka'ta Maseduwaan na Geres*

<sup>1</sup> Ga waa coowaa enee ga Efees seemda, Pool hídírohha buwaa gëm ga Yéesuda, ya baattaba kidaas ga ngëmaa, lëehí'ta ya tañkohha naba, yaa yah Maseduwaan.

<sup>2</sup> Ya taammba gohaama, ya daassa buwaa gëm ga Yéesuda ga ngëmaa. <sup>3</sup> Ya kolkohha daama, ya ka'ta kúlkaa Geres, ya tummba daama ñiin kaahay. Ga waa ya bewuk kika' kúlkaa Síriida, ya kelohha an yaawúu'caa pokohunun nof ki'appi, ya nammba boyuk hen, ya koorohha Maseduwaan. <sup>4</sup> Buwaa taabee narida ensee Sopatee', kowukaa Pírus ee ya meyohee Beree, Arístarka na Sokondus baa meyohee gohaa Aasíida. <sup>5</sup> Ba dëwírukka, ba sekneeraríi ga teeraa Torowaas. <sup>6</sup> Dí nak, ga waa hewaa mbúurúcaa tumoo lëwíi' paafda, dí aasohneera gaal-giiy teeraa Filiip, dí foolla ga giiy bes ciytéetus, dí laakneeraba teeraa Torowaas. Dí tummba daama bes ciytakananak.

### *Pool mélisi'ta Etíkus ga teeraa Torowaas*

<sup>7</sup> Ga noh-soosaa gaawaa, dí hídírukohha kiñam cuuníinfaa Ha'mudii. Pool nak jomee kikolukoh daama ga kooh-wíisfaa. Ya aawwa kijégi' buwaa gëm ga Yéesuda, ya ammba kiwo' na buwaa bi ga leeloo wek. <sup>8</sup> Dí hídírukohee ga túuyaa hanoh dook ga taahaada, dí taalla lampu ciyewin. <sup>9</sup> Laakka oomaa-yaalaa teeku Etíkus ee ya yugee ga kímícaa falanteeraa. Ya ka'ta hëndëñ na péní, wiima lak Pool yii lís kiwo'. Ga duuy pénífaa, ya dalla rëc, dëegískoh dook taahaa wukaahaywaa ba eneeda, ya keennda kakay. Ya þëwíru hen, lak kaanin. <sup>10</sup> Pool yoosukka, híilla gari, þebpari, wo"a an:

- Kaa jaahli'at, ya yii pes!

<sup>11</sup> Waa ennda ða Pool lapissa, ya warohha mbúuraa\*, ñammba. Lëehí'ta, ya aawissa kijangat bi ga daa Kooh wiisda, ya tañkohha naba, yaa yah. <sup>12</sup> Oomaa-yaalaa nak bedussa kaanba lak wiisohin wecen ee helcaa buwaa dalla gari lool.

### *Pool kolkokha Torowaas ka'ta Mílée*

<sup>13</sup> Dí nak, dí aassa gaal-giiy, dí dëwírukka Pool teeraa Asos, ya wo'ee an dí kihídohan nari daama, dí baydohhi ndaga ya waaree kitíin hen bi daama. <sup>14</sup> Ga waa ya laakkii teeraa Asosda, dí aassa gaal-giiy daama, dí baa yah bi dí le'"a teeraa Mítíleen. <sup>15</sup> Dí baa yahis bi dí lañnga na Síyóo ga kooh-wíisfaa. Ga besaa tík gada, dí le'"a Samoos, ee besaa tíkis gadfa, dí le'"a teeraa Mílée. <sup>16</sup> Pool abee an ya yah kiroombuk Efees hen, ya tuukoo da, en danaa ya maañoo ga gohaa Aasíi ndaga ya gaawtukee kitum tóoh, en mínuakaa, ya le' Yéerúsaleem balaa besaa Pantakot.

\* 20:11 20: 11 Mëdírohat na Tumeen 2: 42.

### *Pool tanjcohha na buwaa kulyuk ga jaangaa ga Efeesda*

<sup>17</sup> Ga waa dí tee' ga Míléeda, Pool wosohha kibayluk buwaa kulyuk ga jaangaa Yéesu ga Efeesda. <sup>18</sup> Baama hayussari kitaas, ya wo'aba an:

- Dú ínohin dijóffí' daa mi madee narúu ga wii mi en narúu, aboh ga besaa mi dëb kitonj kottoo ga gohii Aasíida. <sup>19</sup> Mi jaamukee Ha'mudii hen taammba na kiyóoski' haffoo, taammba na ki'aam moon, mi dayca ban coonu, caa yaawúu'caa pokoheroo nofda. <sup>20</sup> Mi ínohin an mi mossoorúu kidaak dara iñaa mínnindúu kijeriñ. Mi yéegaleerúu wo'eenii Kooh, mi jëgí'tarúu ga fíkíi béeß na ga d'uuuy kaancii. <sup>21</sup> Mi mosoo ki'íis kibay yaawúu'cii na béeß buwii enussii yaawúu'da ba súpit kipesba, ba gém ga Kooh, ba gém ga Yéesu, Ha'mudiigaruu. <sup>22</sup> Diimada nak, mi yii yah Yéerúsaleem, Helii yisela'íyii yérí híi'too ga ee mi ínohoo iñaa sekkoo dada. <sup>23</sup> Wayee mi ínohin daal an teeraa mi aas tóoh Helii yisela'íyii yéegalloo an kasu na coonu caa sekkoo. <sup>24</sup> Mi nak, en kipeskiigoonaa mi bítukkii gaka ee mi tíkkiika iñaa yakin. Lebiriigoo tóoh, wérí en kile' ga dii mi aawda, mi mëti' sasii Yéesu, Ha'mudii nakkooda, ee wérí en kiyéegaloh Hewhewii winéwí'wii haydoh yérmaandii Kooh laak garuuda.

<sup>25</sup> Diimada nak, mi ínohin an dú yahissiiroo kihotis. Mi koorin garúu béeßpúu, mi yaa jangattúu loo Nguurii Kooh. <sup>26</sup> Kéri tah mi wo'úuka watí: baa fu sañku'aa, ínohaa an fu yérí tík haffuka. <sup>27</sup> En ki'enaa, mi yéegalindúu béeß iñaa Kooh sek garuuda. <sup>28</sup> Kon watukat haffúu dijóffí', dú watuk ban yopii Helii yisela'íyii díjkaanndúu kiníi'da. Fodii biníiroh, topatu'at jaangii Kooh laaki' hafci, koorohha ga kikaankaa Kowukaagarida.

<sup>29</sup> Mi ínohin an mi kolukoh diinaa, hay kilaak buwaa madu na gumuucaa yaawuunun, ba aas ga d'uuycúu kitasaaroh yopii Kooh. <sup>30</sup> Hay kilaak buwaa boku garúu ba koluk, ba aaw kijégíroh saboh kesi, kiheel buwaa taabukanba. <sup>31</sup> Kon watukat, dú níindísuk an tíkiis taahay tee, taa wekoo, nohoo mi ñari yaa en béeß garúu bi ki'aam moon sah maasiroo ga. <sup>32</sup> Diimada mi tíkinndúu ga yah Kooh, ya, na Wo'eeniigari barkeellúu; yérí laak doolaa onannduu kiyégís ga ngëmii ee ya onndúu kilam iñcii ya faani' ban buwiigarida. <sup>33</sup> Mi mosoo kidíibuk kilaak hëelís, wúrúus wala kúltí ken. <sup>34</sup> Dú ga kihaffúu, dú ínohin an yahciigoo cérí onndoo kipay sooliciigoo na cii buwii taabi narooda. <sup>35</sup> Mi teewinndúu ga tóoh an du jom kilégéy fodaama kidímal buwii laakooda. Du níindísukat iñaa Yéesu, Ha'mudii ga kihafci wo'eeda an: «Keeñ wéñi kisoos ga ki'onoh loo kite'».

<sup>36</sup> Ga waa Pool wo'a fodaama bi ya lëehí'ta, ya yí'a naba béeßba, ya kíimmba Kooh. <sup>37</sup> Waa ennda ða, béeßba baa koduk, ba gatawukkari, baa fuunndi. <sup>38</sup> Iñaa tahee keeñba kileehda wérí en daa Pool wo'ba an ba hotsanndiirida. Lëehí'ta, ba bedohha naríi bi ga gaal-giiyaa.

## 21

### *Pool na buwaa taabee narida baa yah Yéerúsaleem*

<sup>1</sup> Dí tagohha na buwaa bedohee naríida, dí aassa gaal-giiy, dí yoloohha Koos, dëkaa giyyaa wílfsa. Ga kooh-wíisfaa, dí ka'ta gohaa Root, dí meyohha daama, dí ka'ta teeraa Pataraa. <sup>2</sup> Daama dí hotta gaal-giiy waa aaw gohaa Fenísíi, dí aassa ga, dí baa yah. <sup>3</sup> Ga waa dí ka' bi dí séennda Sípa'da, dí koorohhawa yah-ñaam, dí éewrukka bak gohaa Sírii. Dí tee'ta ga Tíi' ndaga gaalaa jomee kiyóoski' sëfaa wa bayeeda daama. <sup>4</sup> Dí hotta daama bítéelíbée Yéesu, dí ennda naba bes ciyitnakanak. Helii yisela'íyii yéegallaba iñaa yah kihewda. Ba wo'a Pool an ya hanat kika' Yéerúsaleem. <sup>5</sup> Ga waa bescaa ciyitnakanakcaa matda, dí kolukissa kiyah. Buwaama béeßba bedussaríi, ba na beticaagaba na towutaagaba bi dí meyca

teeraa. Daama dí yí'a béebspíi ga seereenaa giyyaa, dí kíimmba Kooh. <sup>6</sup> Lëehí'ta, béebspíi dí taŋkohha, dí nak, dí aassa ga gaal-giyyaa, ba, ba baa boyuk kaanba.

<sup>7</sup> Dí kolkohha Tíi', dí lëstí'ta baawaagaríi dí kooroh giyyda ga waa dí le' Potolemayíis. Buwaa enu ga teeraama gëmu ga Yéesuda dí ka'ta ba kikëñi'nee. Dí hoowukka, dí neehha. <sup>8</sup> Ga kooh-wíisfaa, dí kolkohha daama, dí ka'ta teeraa Sesaree. Ga waa dí le'a, dí ka'ta kaan Filiip, dí dalla daama. Filiip nak enee baa yéegalohi Hewhewii winéwí'wii ee ya bokee ga buwaa biyitnabanakbaa tansee ga Yéerúsaleemda<sup>†</sup>. <sup>9</sup> Ya laakeera towu tinikiis tibeti, taa onohussii kipañ ee Kooh oneeraba kiyéegaloh wo'eenaa meyoh gari. <sup>10</sup> Lak dí enin daama bes ciyewin, Laakka sëldíiga-Koohaa teeku Agabus meyoh kúlkaa Yúudée. <sup>11</sup> Ya hayya garíi daa dí eneeda, ya bëbpa iñaa Pool pëkíruki ga kenohcida, ya pokukka kotcaa na yahcaa, wo'"a an:

- Iñii yii yérí Helii yisela'í'yii wo': «Bii laak pëkírukaahii-wiifa, yaawúu'caa ga Yéerúsaleemda hayyi kibagu fodii dii, lëehíraa ba tikki ga yah buwaa enussii yaawúu'fa. <sup>12</sup> Ga waa dí keloh iñaamada, dí na buwaa enee daamada dí sarahtukka Pool ya ool kika' Yéerúsaleem.» <sup>13</sup> Wayee Pool taassaríi:

- Dú tum ya yii, dú yahi keeñiigoo? Mi sajngii kibagu rek, wayee mi tookin sah bi ga kikaan ga Yéerúsaleem ndaga teekii Yéesu, Ha'mudii. <sup>14</sup> Waa dí mínnidiiri kihoonoh kika', dí íissari, dí wo'"a an: Iñaa Ha'mudii waa'da laakat!

<sup>15</sup> Dí ennda daama bi sammba kimaañ, dí bewukka, dí ka'ta Yéerúsaleem. <sup>16</sup> Laakka ga télíbécää Yéesu, baa dëku teeraa Sesaree, ba taammba naríi, ba bayussaríi kaan Monason, yaa dí jomee kidal ga kaancida. Monason meyohee Sípa', ya bokee ga télíbécää Yéesu dëbda.

### *Pool ka'ta kaan Saak*

<sup>17</sup> Ga waa dí le' Yéerúsaleemda, béeb buwaa gëm ga Yéesuda teerukussaríi na keeñ wisóosi'. <sup>18</sup> Ga kooh-wíisfaa, Pool taammba naríi kaan Saak ee béeb buwaa kuliyuk ga jaangaa Yéerúsaleemda hídirukohsee daama ban. <sup>19</sup> Pool Këndohha naba bi lëehí'ta, ya bëestí'ta wíinoo wíinoo tóoh iñcaa Kooh tum ga buwaa enussii yaawúu' koorohha garida. <sup>20</sup> Waa ennda d'a, buwaa súkúrukee Poolfa baa kañ Kooh. Lëehí'ta, ba baa wo' an:

- Mbok, fu ínohin an yaawúu' biyewin ga yaawúu'cii gëmuunun ga Yéesu ee ba lís kiyégis ga Waasii Móyiis. <sup>21</sup> Ba kelohin an béeb yaawúu'cii en ga índa, fu jëgíriba kifoñ iñcii Waasii Móyiis nakohdfa, ki'iis kigú' towutaagaba na ki'iis kitaabuk baahcii yaawúu'cii. <sup>22</sup> Du tuman na ee ba hay kiyéen an fu hayin? <sup>23</sup> Kon namaa kitum iñcii dí yahhaa kiwo'dfa. Laakin ga d'uuyucíi bo' binikiis baa waatukin. <sup>24</sup> Taabaa naba, dú bok naba kisétí'siruk fodii dii Waasii Móyiis nakohkada. Fu fayi'ba iñaa jom kisarahohuda tóoh, ba nenuk kiteewoh an waataagaba leehin\*. Fodaama, béeb hay ki'ínoh an iñcii fu wo'dufa dara laakkii ga, ee béebba ba hay kiwo' an fu lís kitaabuk iñcii Waasii Móyiis nakohdfa. <sup>25</sup> Buwaa enussii yaawúu' ee gëmu ga Yéesuda dí bëyrohin gaba kiwo'ba iñii dí am yii, an ba abuk kiñam koynohkaa tumu sarah ga koofcaa, ba abuk ban ga ki'an ñíf, kiñam koynoh júuraa apu ee ñífaa aamussii na kifaanuk na baa en béeb.

<sup>26</sup> Ga kooh-wíisfaa Pool taammba na buwaa binikiisbaa, ya bokka naña kisétí'siruk, lëehí'ta ya aassa Kaanfaa Kooh, doonaa ya wo' besaa kisétí'sirukkaa leehanda, ennda fodii wahtaa baa en béeb mínan kitumdu sarahdfa.

### *Pool abussa*

\* 21:8 21: 8 Malkat Tumeen 6: 5. \* 21:24 21: 24 Pool waatukee an, en lak iñaa ya dígohee na Koohdfa leehhiinaa, ya nenukoo mûk. Malkat 18: 18.

<sup>27</sup> Lak bescaa ciyitnakanakcaa nakohu kisétí'sirukdá caa yah kimat. Laakka yaawúú'caa meyohu gohaa Aasíi, ba hayya Yéerúsaleem. Ba hotta Pool ga dzuuy Kaanfaa Kooh, ba hícísohha buwaa, ba ammbari, <sup>28</sup> ba baa fiip an:

- Foolat bu-Isarayeel! Bii jégírohi daa en béeb kiheñoh heetiigaruu, Waasii Móyíis na Kaanfii Kooh fiida, yee! Ya ekin sah buwii enussii yaawúú'da ga Kaanfii Kooh bi tahn dekataa wisela'í'waa kilfiib.

<sup>29</sup> Ba wo' iñaamanaa, daa ba hotee Pool ga teeraa, taabin na Torofím yaa meyoh teeraa Efeesdá tah ka. Ba foogee nak an Pool ekinndi ga dzuuy Kaanfaa Kooh.

<sup>30</sup> Coowaa ennda cér ga dzuuy dëkaa, daa en tóoh bo' yaa meyoh da. Ba ammba Pool, ba fassari bi meyca Kaanfaa Kooh, ga saasi ba lajnga halcaa. <sup>31</sup> Lak ba baa heel ki'ap Pool, ha'-kaadaa soldaa'caa yéegalussa an béeb Yéerúsaleem hícísukohin. <sup>32</sup> Ga saasi, ya hídírohha soldaa'caa kuliyuki bo' bitéemée' ga heñda na soldaa'caagabaa, ya íisukka mbooloomaa. Daa buwaa hotee ha'-kaadaa na soldaa'caa taam narida, ba fiissa kifeek Pool. <sup>33</sup> Waa ennda da ya deeyca ga Pool ammbari, ya nakohha kibañngi na ceen kanak. Léehí'ta ya meekisohha baa ya ennda na iñaa ya tumdá. <sup>34</sup> Wayee ga dzuuy mbooloomaa bii fiipi aneedaa, bii fiipi an. Faf ha'-kaadaa soldaa'caa míndii ki'ínoh dara ga iñaa hewda ndaga coowaa. Waa ennda da, ya nakohha kibay Pool ga dzuuy kaanfaa soldaa'caa. <sup>35</sup> Ga waa Pool ka' bi ya dalla kilap eskalicaada, soldaa'caa nammbari kiteembeel hen ndaga lak mílti-míltaa hépin. <sup>36</sup> En ki'ena, mbooloomaa wéri taabukee Pool, wa waa fiip an:

- Ya kaanat!

### *Pool taassa ga iñaa ya yabuda*

<sup>37</sup> Ga wahtaa Pool yah ki'eku ga Kaanfaa soldaa'caada, ya kíimmba ha'-kaadaa an:

- Mi mínn naraa kiwo' jtuute?

Ha'-kaadaa taassari an:

- Cab! Man fu lak kiGerek! <sup>38</sup> Kon fu enndii baa meyohee Esípti yaama hícísohee buwii, ya haydohha coow wiyaak ga dëkii, ya baydohha tumoh-kofeel bijúnni-nikiis ga ègí'-dúndagaane?

<sup>39</sup> Pool taassari an:

- Mi iñii yaawúú', mi límohu Tarsa, teeru wiléekí'-teek ga gohaa Sílísíi. Mi kíimmbaa fu onndoo kiwo' na buwii.

<sup>40</sup> Ha'-kaadaa soldaa'caa onndari. Waa ennda da, Pool tuukka ga eskalicaa, léríssa mbooloomaa yah, buwaa ennda cew; ya wo'a naba ga ki'Arameyee an:

## 22

<sup>1</sup> - Dú, mbokciigoo, diima súkúrukat mi taassúu ga iñii dú yammbooda.

<sup>2</sup> Daa ba kelohee Pool yaa wo' naba ga ki'Arameyee, ba wëñinja da ki'een. Pool tikka ga an:

<sup>3</sup> - Mi yaawúú', mi límohu Tarsa ga gohaa Sílísíi, wayee mi korukoh dii ga teerii wii. Gamaliyeel ga kihafci yeri jégí'too bi mi ínohha ar waasii bicaasammbuu. Mi Safareera lool ga kitaabuk iñaa Kooh nakoh, fodii dii dú béebpúu dú taabukika watida. <sup>4</sup> Buwaa gémee ga waasii Ha'mudiida, mi dëkee ga kihatalba ga kipes, mi ka'ta bi mi lajnga kumuun ga; mi abin biyaal na bibeti mi lajngabaa ga kasu. <sup>5</sup> Ha'-kaadii sarahohcii na yaakcii dëkii béeppa mínuunun kiseedi' an mi wo' kayoh. En ki'ena, mi bewohee käyítcaa oneeroo kimín kika' Damaas, mi am yaawúú'caa gém ga Yéesu enu daamada gabaa, fodaama mi ka' Damaasaa, mi amba, mi haydohba dii, ba koru.

### *Pool béeestí'ta iñaa tahhi kigém ga Yéesuda*

(Tumeen 9: 1-19; 26: 12-18)

<sup>6</sup> Pool tikka ga an:

- Lak mi yaa ga waas, bi mi deeyin teeraa Damaas, ga wahtu cuunoh, dalla kilaak lee'laat wiyaak waa meyoh asamaan, wa ennda mareet ga dookkoo bi wíillaroo.

<sup>7</sup> Mi keennda kakay, mi kelohha koonakaa wo' naroo an: «Sóol! Sóol! Iñii tah ya fu hatalloo ga kipes?» <sup>8</sup> Mi meekisohha an: «Kiyaakii, fu yérí en ba?» Koonakaa taassaroo an: «Mi yérí, Yéesu Nasareet, yii fu hatal ga kipesfa.» <sup>9</sup> Buwaa taamsee narooda hotsee ga lee'laataa fanj, wayee ba kelohéeríi ga koonakaa baa enee naroo kiwo'fa. <sup>10</sup> Mi meekisohha an: «Ha'mudii, mi jom ya kitum?» Ha'mudii wo"aroo an: «Koluka fu ka' Damaas, fu le' daamanaa, fu hay kiwo'u béeb iñaa fu jom kitumfa.» <sup>11</sup> Mi hotsiséeríi ndaga lak meliclaataa lee'laataa búumfinndoo. Buwaa mi taabee nabada abussaroo ga yah, ba bayyaroo Damaas.

<sup>12</sup> Laakeera ga teeraa Damaas, baa teeku Anañaas ee ya enee bo' yigëmí' Kooh. Ya taabukeera iñii Waasii Móyiis nakohfa ee béeb yaawúu'caa ga teeraadfa oneerari cée'. <sup>13</sup> Ya hayya garoo, ya deeycaroo, wo"aroo an: «Sóol, mbokiigoo, hotsisa!» Ga saasi tuhastaagoo malakka, mi hottari. <sup>14</sup> Ya tikkka ga an: «Koohyii bicaasammbuu tanukinndaa kumëeñí' doonaa fu ínoh iñii ya waa'fa, doonaa fu hot baa en yijúwí' yaa ee ya hançi donfa, fu keloh konaakaagari. <sup>15</sup> Fu nak, fu yérí yah ki'en seedici ga fíkií buwii béeb, fu yéegalba béebba iñii fu hotda na iñii fu kelohda. <sup>16</sup> Kon diimada fu sekis ya? Koluka, fu bétisi'uk, fu kíim Yéesu, Ha'mudii fu set ga baakaa'ciigaraa.»

### *Pool béstí'ta ga daa ya wosu ga buwaa enussii yaawúu'da*

<sup>17</sup> Waa ennda da, mi boyukka Yéerúsaleem. Lak mi enee na kikíim Kooh ga Kaanfaa Kooh, iñaa ammbaroo fodii heey. <sup>18</sup> Mi hotta Ha'mudii, ya wo"aroo an: «Gaawa, fu mey Yéerúsaleem diima-diima ndaga bu-teerii wii tooksanndii iñii fu yah garoo kiseedi'fa.» <sup>19</sup> Mi taassari an: «Ha'mudii, ba ínohin dijóffí' an mi taabee ga jaangu-yaawúu'cii, mi yaa am buwii gém garaada, mi lagiba ga kasu, mi feekiba. <sup>20</sup> Iceen yaa enee seedifuda, apu ga fíkiroo. Mi ga kihaffoo, mi fareera ga iñaa ba tumee yaama ee mi yérí amdeeaba kúlticaagaba.» <sup>21</sup> Waa ennda da, Ha'mudii wo"aroo an: «Karaa hen rek ndaga mi yahhaa kiwas ga buwaa enussii yaawúu'da.»

### *Pool wo'"a an ya bok ga bu-Room*

<sup>22</sup> Buwaa súkúrukussa Pool bi ga daa ya wo'oh wo'eencaamada, daama nak, ba aawissa kifiip didóolí' an:

- Yii bo' meydohatti éldúnaanii wii, ya jomoo kipes!

<sup>23</sup> Ba baa wéñ kifiip, ba baa dol kúlticaagaba baa jaf, ba baa kësél kakayfaa ga dook. <sup>24</sup> Waa ennda da, ha'-kaadaa soldaa'caa nakohha Pool eku duuy kaanfaa soldaa'caa ya rípu na ngee', bi ya wo' iñaa tah buwaa fiipi fodaama ga fenoocida.

<sup>25</sup> Ga waa soldaa'caa bañngari na liib bi baa yahhi kifeek, Pool wo'"a soldaaraa kuliyuki bo' bitéemée' ga heñ tuukee daamada an:

- Dú onuunun kifeek ba bok ga bu-Room ee lak ya atti'ussii paaye?

<sup>26</sup> Daa soldaaraama kelohee iñaama, ya foolla ga ha'-kaadaa soldaa'caa, ya wo"ari an:

- Fu ínohin iñii fu yee kitumfa sahe? Man bii bok ga bu-Room!

<sup>27</sup> Ha'-kaadaa soldaa'caa dalla kihay ga Pool, meekissari an:

- Wo'aaroo, fu bok ga bu-Rome? Pool taassari an:

- Ee, mi bok ga!

<sup>28</sup> Ha'-kaadaa wo"ari an:

- Mi ga kihaffoo, kibokkiigoo ga bu-Room mi lomohka yiséerí'.

Pool wo"ari an:

- Mi déy, mi límohu ga hen.

<sup>29</sup> Ga saasi buwaa waa'seeri kifeek ya wo'da, íisussari. Ha'-kaadaa soldaa'caa, daa ya ínohee an ya bok ga bu-Room ee ya bañlukinndi na ceenda, ya tíitta.

### *Pool bayussaa paanaa yaawúu'caa*

<sup>30</sup> Ga kooh-wíisfaa, ha'-kaadaa soldaa'caa waa'ta ki'ínoh iñaa lee' ga iñaa yaawúu'caa yam Poolda, ya nakohhari kibégís, ya ebilohha kibéytoh sarahohcaa biyaakbaa na béeb paanaa yaawúu'caa wiyaakwaa, ba hídoh. Ya haydohlukka Pool, ya tuuki'tari ga fíkiiba.

## 23

<sup>1</sup> Waa ennda ða, Pool yíppa bu-paanaa yaawúu'caa has, ya wo''a an:

- Dú mbokciigoo, dii mi koo' ga kipessoo ga díkaantiroo na Koohða, helloo dalin ga bi ga wati.

<sup>2</sup> Anañaas, ha'-kaadaa sarahohcaa dalla kiwo' buwaa tuukee ga yahaa Poolda ba këþpi ga kúuw. <sup>3</sup> Pool nak wo''ari an:

- Na cii fu man na míraa yaanaawdu henda, fu, Kooh yahhaa kifeek. Fu yuñ dii ki'atti''oo ga iñaa waas nakoh, fu nakoh mi feeku ee waas hoonohinka!

<sup>4</sup> Buwaa enee ga yahaa Poolda, wo'ussari an:

- Mon fu basin ha'-kaadii sarahohcii, sarahohii-Kooh yiyaakyii!

<sup>5</sup> Pool taassaba an:

- Mbokcii, mi ínohéeríi an ha'-kaadii sarahohcii yérí. En ki'enaa, bíduunun ga Kéyítfaa an: «Baa kuliyuk ga heetiigaraa, fu jomoori kiwo' yibóní'».

<sup>6</sup> Pool ínoheera an buwaa hídírukohee daamada, bii ensee biSaduseyeen, bíinoo ensee biFérísiyeen. Ya tuukka ga leeloo paanaa wiyaakwaa, ya wo''a didóolí' an:

- Dú mbokcii, mi iñii Férísiyeen ee mi kowu Férísiyeen. Dii mi abin yaakaa' fodii garúu ga kimílskaa buwaa kaaninda tah mi haydohussa dii ki'atti'u.

<sup>7</sup> Daa ya wo'ee iñamaa rek, nookoh dalla kilaak ga díkaanti Férísiyeencaa na Saduseyeencaa, fab buwaa hídírukohee daamada hégískohussa kom kanak. <sup>8</sup> En ki'enaa, Saduseyeencaa abu an baa kaanin mílíssoo, malaaka laakoo ee rab laakoo. Férísiyeencaa nak gëmuunun an iñcumá tóohca laakin. <sup>9</sup> Waa ennda ða, coowaa kolukka cür. Laakka jégíroh-waasca koluk ee boku ga férísiyeencaa, ba wo''a didóolí' an:

- Iñii bii yii wo'da dí hottii yibóní' ga. Mínin ki'en jíni wala malaaka wo' nari!

<sup>10</sup> Ñarohaa wëñja ða kitamoh. Ha'-kaadaa soldaa'caa niikka buwaa seelsoh Pool, kéri tah ya ebilla soldaa'caa kiyoosuk ga dñuy buwaa, ba meydohhi ga leelooba, ba boykidohhi kaanfaa soldaa'caa.

<sup>11</sup> Ga wekaa tík gada, Ha'mudii feeñukka Pool, wo''ari an:

- Baataa kiyégísdük, fu seedi'inndoo dii ga Yéerúsaleem ee fu jominndoo kiseedi' ga Room ban.

### *Yaawúu'caa pokohussa nof ki'ap Pool*

<sup>12</sup> Ga kooh-wíisfaa ga kímaa, yaawúu'caa pokohussa nof ki'ap Pool; ba waatta an dara aasanndii kúuwða, enndii an ba appi hen paayaa. <sup>13</sup> Buwaa waatukee iñamada wëñin bo' bidaajkaah-nikiis. <sup>14</sup> Ba ka'ta ga sarahohcaa biyaakbaa na yaakcaa dëkaa, ba wo''aba an:

- Dí waatin an dí ñamanndii, dí ananndii enndii an dí ap Pool hen paayaa. <sup>15</sup> Diima nak, dú, pokohat nof na bu-paanaa wiyaakwaa, dú tum fodii an dú waa' kimalkaat iñaa aaw ga Pool bi lee' lañ, dú kiim soldaaraa yiyaakyaa ya haydohi'túuri. Dí ga kihaffíi nak dí hayyi kitérëwuk ki'appi bi ya le' diinaa.

<sup>16</sup> Kutaanamunkaa Pool nak kelohha an yaawúu'caa yah kitérëwuk Pool ki'appi. Ya ka'ta kaanfaa soldaa'caa, ya aassa, ya yéegallaka Pool. <sup>17</sup> Pool bayya yíinoo ga soldaa'caa kuliyuki bo' bítéemée' ga heñða, wo''ari an:

- Bayaa oomaa-yaalii yii ga ha'-kaadaa soldaa'caa, ya laak iñaa ya yahhi kiwo'.

<sup>18</sup> Waa ennda dfa, soldaaraa kuliyuki bo' bítéemée' ga heñda taammba na oomaa-yaalaa, bayyari ga ha'-kaadaa, ya wo"ari an:

- Pool yaa lagu ga kasaada yëri bayyoo, ya wo"arоо an mi haydoh oomaa-yalii yii garaa, an ya laak iñaa ya yahhaa kiwo'.

<sup>19</sup> Ha'-kaadaa soldaa'caa ammba oomaa-yaalaa, nookkari, ba úsaayya buwaa, ya meekissari an:

- Fu yahhoo ya kiwo'?

<sup>20</sup> Kutaanamunkaa Pool wo"ari an:

- Yaawúu'caa pokohunun nof kikíimmbaa fu bay Pool paanaa wiyaakwaa. Ba yah kitum fodii buwaa yah kimalkaat loo Pool bi lee' lañ. <sup>21</sup> Fu nak kaa gëmba. En ki'enaa, iñaa wëñin bo' bidaanjkaah-nikiis gaba waayukuunun kitérëwuk Pool ki'appi. Ba waatukin an ba ñamanndii, ba ananndii, enndii an ba appi hen paayaa. Ba sek fu took doñ.

<sup>22</sup> Ha'-kaadaa soldaa'caa wo"ari an:

- Ee, kaa wo' ken an fu yéegalindoo iñaa bok ga.

Lëehí'ta ya íissa oomaa-yaalaa yaa yah.

### *Pool bayussa Sesaree ga Filksi, gúwernéeraa*

<sup>23</sup> Waa ennda dfa, ha'-kaadaa soldaa'caa bayya ga soldaa'caagari banak baa kuliyuk bo' bítéemée' ga heñ, ya wo"aba an:

- Hídírohat soldaa' bítéemée'-kanak dú tuuk ga kiyah Sesaree. Dú taam ban na soldaa' bidaanjkaah-yitnakanak baa lap pénís na soldaa' bítéemée'-kanak biliis baa bay núb. Dú yah kikolkoh dii noh-soos ga wahtu cuuníin dú yee'. <sup>24</sup> Dú heeli' Pool pénís ban, dú bayyi ga Filksi, gúwernéeraa ee dara hanatti ki'oc.

<sup>25</sup> Ya bínnda käyít, wo"a ga an: <sup>26</sup> «Filiksi, gúwernéerii yiakyii, mi Kolot Lísiyas mi yëri bínndaa käyítfi fi, ee mi yii këñí'taa ga. <sup>27</sup> Bii mi wosohhaa yii, yaawúu'cii diídä bëri abeeri ee ba waareeri ki'ap. Mi soonngaba, mi na soldaa'cii, mi te"ari ga yahba ga waa mi ínoh an ya bok ga bu-Roomda. <sup>28</sup> Mi waa'ta ki'ínoh iñaa ba yammbida, mi bayyari paanaa yaawúu'caa wiyaakwaa. <sup>29</sup> Mi hotin nak an iñcii ba yammbida aaw ga loo waasiigaba ee mi hottii dara iñaa ya tum bi cal ya tiku kikaan wala ya lagu ga kasu. <sup>30</sup> Mi kelohha an yaawúu'cii pokohunun nof ki'appi, këri tah mi wosohhari garaa ga saasi. Buwii yammbida, mi wo'inba ba hay garaa, ba wo'iñaa ba yammbida.»

<sup>31</sup> Soldaa'caa bewussa Pool, fodaa ba naku kada, ba bayyari ga wek bi ga teeraa Antípatiriis. <sup>32</sup> Ga kooh-wíisfaa, soldaa'caa tíinseedä, boykussa kaanfaa soldaa'caa, ba íissa Pool na soldaa'caa lapsee pénísda, ba paaf nari. <sup>33</sup> Ga waa soldaa'caa lap pénís le'u Sesareeda, ba e'ta gúwernéeraa käyítfaa, ba tikkä Pool ga yahci.

<sup>34</sup> Gúwernéeraa janjga käyítfaa, ya meekisohha gohaa Pool meyohda. Daa ya ínohee an ya meyoh gohaa Sílisíi, <sup>35</sup> ya wo"ari an:

- Bi mi meekissaa daranaa, buwaa yabussaada hayu.

Waa ennda dfa, ya nakohha Pool daaku ga kaanfaa buu' Eroot en daamada.

## 24

### *Iñcaa Tertilus Yam Poolsa*

<sup>1</sup> Tíkka ga bes ciyétúus, Anañaas, ha'-kaadaa sarahohcaa taammba na biyaak ga yaawúu'caa na Tertilus yaa tum légéy kilayohda, ya hayya teeraa Sesaree. Ba ka'ta ga Filksi gúwernéeraa kikalaami Pool. <sup>2</sup> Pool bayussa, Tertilus dalla kiwo' an:

- Fu Filksi, gúwernéerii yijóff'yii, dii fu tíidi' dëkiida na iñcii ci'ascii fu haydoh ga nguuriigaraada onin heetii kilaak jam wimëti' ee keeñnjíi soosin garaa. <sup>3</sup> Dí hotinka ga daa en tóoh na ga iñaa en béeb ee dí bii gérëmmbaa dijóff'. <sup>4</sup> Mi waa'tiiraa ki'am

na tiwo' tihépí' kérí tah mi hay kilohóyí' wo'eenii. Mi kíimmbaa ga kijofkiigaraa fu súkúrukkíi jtuut.

<sup>5</sup> Tertilus tíkka ga an:

- Dí hotin an bii yii, bo' yibóní' ga dzuuy buwii. Ya haydoh kihégískoh ga dzuuy yaawúu'cii ga éldúnada tóohba; yérí kuliyük ga buwum taabuk iñii jégírohu meyoh Nasareetda<sup>5</sup>. <sup>6</sup> Karin bi ya jéemmba kilíwi' Kaanfaa Kooh, kérí tah dí ammbari. [Dí waareeri ki'atti, <sup>7</sup> wayee Lísiyas, ha'-kaadaa soldaa'caa hayya, te"ari na dooli ga yahhíi. <sup>8</sup> Ya ebillaríi kihay garaa.]\*. Binaa fu meekissinaa, fu ga kihaffu fu hay ki'ínoh an iñii dí yammbida kayoh.

<sup>9</sup> Waa ennda da, yaawúu'caa taamsee na Tertilusda yégíssa ga an iñaa Pool yabuda kayoh.

### *Layaa Pool ga fíkíi Filiksi*

<sup>10</sup> Waa ennda da, gúwernéeraa ejnga Pool haf ya wo' ban. Pool nak dalla kiwo' an:

- Kiyaakii, mi ínohin an fu enin atti'oh ga heetiigaríi tíkíis tiyewin, kérí tah mi hay kilayi' haffoo na hel widéli'. <sup>11</sup> Binaa fu malaksukohaa, fu hay kihot an iñaa mi karee Yéerúsaleem kijaamuk Kooh bi ga wati, paaffii bes cidaankaah na kanak. <sup>12</sup> Ee ken hottii daa mi nookoh kiwo' na bo' wala kihícisoh buwaa, ennda ga Kaanfaa Kooh, ga jaangu-yaawúu'caa wala ga dzuuy teeraa. <sup>13</sup> Buwii bii mínsuu kiwo' dara yiléerí' ga iñcii ba yammboo diima diimada. <sup>14</sup> Enaama yíinoo déy mi mínnindí kitook ga fíkíifu: Mi, mi jaamuk Koohyii bicaasammbíi, mi taabukka waasii wi'aswii ba wo' an sabohda. Hoonohhii bi mi gëmin ban béeb iñaa Waasii Móyiis nakohda na béeb iñaa seldíiga-Koohcaa bínda. <sup>15</sup> Mi abin yaakaa' ga Kooh ee ba, ba laakin yaakaaraama ban. Ee wéri en an buwii bijúwí'bii na buwii júwussiida tóoh hay kimílsu. <sup>16</sup> Kérí tah daa mi enoh tóoh mi heel kipes na hel widéli' ga fíkíi Kooh na ga fíkíi buwii.

<sup>17</sup> Mi enin ga égírii tíkíis tiyewin taa mi hayyii Yéerúsaleem. Kérí tähhoo dii kihay mi haydohi bu-heetiigoo dímal kopa' na kitumi' Kooh sarah ga kaanfaagari. <sup>18</sup> En ki'enaa, mi enee ga dzuuy Kaanfaa Kooh, ee lak mi en na kiséti'siruk fodii dii yaawúu'cii tumsikada. Ken enndii da ee coow kolukkii da. <sup>19</sup> Laakeera daama nak yaawúu'caa meyohsee gohaa Aasií. En ki'enaa, yaawúu'caa baama meyohsee gohaa Aasiida ee hotseerooda, bérí jomee kituuk dii ga fíkíifu ba yammboo en lak ba laakin iñaa ba taabukohanndoona. <sup>20</sup> Kon nak yaawúu'cii enu dii ee boku ga paanaa yaawúu'caa wiyaakwaada, ba wo'at kofeelkaa mi tum ga waa mi tuukiru ki'atti'u ga paanaa wiyaakwaada. <sup>21</sup> Ba laakoo iñaa ba yabohanndoo, enndii wo'eenii wii mi wo' didóolí' ga fíkíibada an: «Dii mi gëmin ga kimílskaa buwaa kaaninda tah mi haydohu ki'atti'u ga fíkíirúu wati.»

<sup>22</sup> Filiksi nak, lak wo'uunun dijófí' loo waas kerceen, ya ke'ta atti'aa bi bes wiliis, ya wo'"a an:

- Binaa Lísiyas, ha'-kaadaa soldaa'caa hayaa, mi malakis iñum akitohhúuda.

<sup>23</sup> Waa ennda da, Filiksi nakka soldaaraa kuliyük bo' bitéemée' ga heñda kidaak Pool ga kasaa, wayee ya iisu ya féeh ee fiiliimuncaagari míniiri kihay kitoputu'.

### *Filiksi tíkísohha kisaawal na Pool*

<sup>24</sup> Ga bescaa tík gadá, Filiksi hayya ya na betici, Durusíl. Durusíl nak iñaa yaawúu'. Ya baylukka Pool kisúkúrukki, yaama wo'"i yen ga loo kigém ga Yéesu Kiristaa. <sup>25</sup> Wayee daa Pool wo'ee bi le'"a ga loo enukeen wijúwí' na loo kimín ki'abuk, na loo atti'aa yah kiméeñjohda. Filiksi, gúwernéeraa dalla kitíit, ya iissa Pool ya wo'"ari an:

- Diimada, fu míniñ kika' kimma, wati hayda kidooy. Mi kolukaa mi hayyaa kibayis.

\* <sup>24:5</sup> 24: 5 Malkat Mëccée 2: 23. \* <sup>24:8</sup> 24: 8 Iñaa wëñ ga bíncaa ciméeñ'i'caada laaksooca

<sup>26</sup> Ya foogee an Pool hayyi ki'e' hëelís, kérí tah leekleekaa ya bayluk Pool kisaawal nari.

<sup>27</sup> Waa ennda dfa, tíkiis tanak tikkka ga, laakka gúwernëe' yiliis yaa faluk ee teeku Poosiyus Festus. Filiksi ga kihafci, kiwaa' iñaa neb yaawúu'caa doj tahee bi ya iñissa Pool ga kasaan.

## 25

### *Pool kíimmba ya bayu ga buuraa Room*

<sup>1</sup> Waa ennda dfa, Festus, gúwernëeraa hayya gohaa ya yah kinguurukohda. Ya tummba daama bes kaahay, ya meyohha gohaa Sesaree ya ka'ta Yéerúsaleem.

<sup>2</sup> Sarahohcaa biyaakbaa na buwaa kuliyuk ga yaawúu'caada, <sup>3</sup> hayussa kikalaami' Pool gari. Ba kíimmbari, ya dímalba, ya haydoh Pool Yéerúsaleem. En ki'enaan, ba pokohée nof kitérëwuk Pool ga waas, ba appi. <sup>4</sup> Wayee Festus, gúwernëeraa taassaba an Pool yaa lagussa ga kasaan Sesaree, ee ya ga kihafci ya en na kiboyuk daama ga iñaa maañjii. <sup>5</sup> Ya tiki'taba an:

- Laakin garúu buwaa míin kituukuk iñaaamanaa, ba taabat naroo, ba kalaami' Pool en lak ya tumin iñaa moroonaan.

<sup>6</sup> Festus, gúwernëeraa tum ga Yéerúsaleem bes ciytnakaahay aawwa cidaanjkaah doj, lëehí'ta ya boyukka Sesaree. Ga kooh-wíisfaa, ya ka'ta paanaa atti'ohsida, ya nakohha kihaydoh Pool. <sup>7</sup> Daa Pool hay hen, yaawúu'caa meyohee Yéerúsaleemda wíilussari, ba yammbari enaama cibóni' ciyewin. Wayee ba míneerí ga kiwo' iñaa lee'. <sup>8</sup> Pool nak layohi'ta hafci, wo'a an:

- Mi tooñjii ken: enndii ga Waasii yaawúu'cii; enndii ga Kaanfaa Kooh; enndii ga Sesaa'.

<sup>9</sup> Festus nak waaree kitum iñaa neb yaawúu'caa, ya dalla kiwo' Pool an:

- Fu waarin kiboyuk Yéerúsaleem fu atti'u ga fíkiiroo ga iñcii fu yabudane?

<sup>10</sup> Pool dallari kitaas an:

- Múk, mi yii tuukka dii ga fíkií paanii buu' Sesaa' jommboo ki'atti'dfa, ee mi atti'ohsan dii. En yaawúu'ciinaa, mi tummbiiba dara yibóni', ee fu ga kihaffu, fu ínöhinka ga moos. <sup>11</sup> Enee an mi tooñ hen wala mi tum iñaa cal mi tiku kikaanaa, eneenaa mi sagoo kikaan. Wayee en lak iñcii buwii bii yammbooda enndii kayohaa, waas onndii ken kitíkkoo ga yahba. Mi kím kipaafdohu ga buu' Sesaa'.

<sup>12</sup> Waa ennda dfa, Festus, gúwernëeraa ka'ta, hotohha na buwaa taabi narida, lëehí'ta ya wo'a Pool an:

- Fu waa' kipaafdohu ga buu' Sesaa', kon fu hay kika' ga buu' Sesaa'.

### *Festus béestí'ta buu' Agíripaa loo Pool*

<sup>13</sup> Ga besaa tík gadsa, buu' Agíripaa na Berenís, këmëenjkíci yibeti hayussa gohaa Sesaree kikëñí' Festus, gúwernëeraa. <sup>14</sup> Ee lak ba hay ki'en daama bes ciyewin, Festus nak béestí'ta buuraa loo Pool, wo'ari an:

- Laakin baa en dii, gúwernëe' Filiksi yérí foñeeri ga kasu. <sup>15</sup> Ga waa mi ka' Yéerúsaleemda, sarahohcaa biyaakbaa na yaakcaa yaawúu'caa, hayussa kikalaami'i garoo, ba kíimmbaroo an mi tíkatti kikaan. <sup>16</sup> Mi taassaba an ki'eroh bo' ya apu ee lak baa tuukkii na buwaa yammbicfa, ya layoh ga iñcaa ya yabuda, iñamaa taammbii na iñaa bu-Room mee' kitumda. <sup>17</sup> Waa ennda dfa, ba taammba naroo dí hayya dii ga Sesaree. Mi nak, mi sekkii iñaa maañ. Kooh yaa wíis rek, mi ka'ta paanaa atti'ohsida, mi nakohha kihaydoh baa yaama abu ga kasaadfa. <sup>18</sup> Buwaa kalamí'eeridfa, ga waa ba hayya, ba yammbiiri wiinoo ga iñcaa mi halaateeda. <sup>19</sup> Ba nookoh iñaa aaw ga loo waasiigaba na loo baa teeku Yéesu ee kaaninda, Pool nak yégisin ga an Yéesu yaa pes. <sup>20</sup> Mi nak, mi laakkii iñaa mi wo'an ga iñamaa. Kérí tah mi wo'a Pool kika' Yéerúsaleem ya atti'unee daama. <sup>21</sup> Wayee Pool kíimmba ya paafdohu ga buu' Sesaa'

ndaga ya bok ga bu-Room. Waa ennda da, mi ebilohha ya daaku ga kasu bi ga daa mi mínanndi kiwosoh ga buu' Sesaa'.

<sup>22</sup> Agíripaa dalla kiwo' Festus an:

- Mi ban mi waarinndi kisúkúruk, ya wo' mi keloh. Festus taassari an:
- Kuwis-kuwiscfa, fu hayyi kisúkúruk, ya wo' fu keloh.

### *Pool ga fíkíi Agíripaa na ga fíkíi Berenís*

<sup>23</sup> Ga kooh-wíisfaa nak, Agíripaa na Berenís, këmëeñkíci hayussa na sañsi ciyaak, ba taam na bibo' bilëekí'-teek. Ba aassa ga taahaa atti'ohsida na soldaa'caa biyaakbaa na buwaa kuliyük ga teeraada. Festus ebilohha Pool haydohu. <sup>24</sup> Lëehí'ta, Festus wo'"a an:

- Buu' Agíripaa, na béeëþúu dú bii dú en diifa, bii dú hot yii, béeëb heetii yaawúu'cii hayuunun garoo kiña'sukoh iñaa aaw gari. Ba hayin garoo ga Yéerúsaleem, ba hayin dii ban, ba baa fiip ga dlookkoo an ya jomissii kipes. <sup>25</sup> Mi ga kihaffoo nak, mi hotin an ya tummbii enaama yíinoo yibóní', yaa cal ya tíku kikaan. Diimada, ya nak ya kíim kipaafdoohu ga buuraa bu-Room, kérí tah mi abin an mi hayyi kiwosoh gari. <sup>26</sup> Mi nak mi laakkii dara yiléeri' ga looci yaa mi mínan kibín buu' Sesaa'. Mi haydohhari ga fíkíirúu, ee wëñaa ga fíkíifu, buu' Agíripaa; en d'anaa, ya meekisunaa, heyna mi laak kimma iñaa mi bídanndi. <sup>27</sup> En ki'enaa, mi halaat an kiwosoh Room baa abu ga kasu, ee ken mínoo kiwo' yiléeri' ga iñcaa ya yabuðfa, iñaama enndii halaat.

## 26

### *Layaa Pool ga fíkíi Agíripaa*

<sup>1</sup> Waa ennda da, buu' Agíripaa wo'"a Pool an:

- Fu mínin kiwo' kimma, fu layohi' haffu.

Pool nak lérissa yahaagari, wo'"a an:

<sup>2</sup> - Buu' Agíripaa, keeñnjoo soosin wati kituuk ga fíkíifu, mi layohi' haffoo ga tóoh iñcii yaawúu'cii yammbooda. <sup>3</sup> En ki'enaa, fu ínohin dijófí' béeëb baahcii yaawúu'cii na iñcii en saawalbada. Mi kíimmbaa fu súkúrukko dijófí'.

<sup>4</sup> Yaawúu'cii béeëbba ínohsin dii mi koo' ga kipeskiigoo, aboh ga ki'oomaarooda. Ba ínohin daa mi madee kudewaada, ennda ga cfuuy heetiigoo, ennda ga Yéerúsaleem.

<sup>5</sup> Ba maañinndoo ki'ínoh, ee ba mínin kiseedi', ba tookkanaa, an mi bok ga Férísiyeeñcii; ee buwaama, daa ba taabuki Waasii Móyíisfa wëñ kibít. <sup>6</sup> Wati nak, mi yii atti'u ndaga dii mi yaakaarin an Kooh hay kimëti' iñaa ya dígee bicaasammbuuda.

<sup>7</sup> Dígaama, níilcii cidaankaah na kanakcii heetiigaruu yaakaaruunun kihotwa wa mat, kérí tah ba jaamuki Kooh wekoo nohoo. Buu' Agíripaa, kiyaakaa' dígaama tah yaawúu'cii kalaami'ussoo. <sup>8</sup> Iñii tah ya dú yaawúu'cii dú tum ga helciigarúu an Kooh mínoo kimílisi' buwaa kaaninda?

<sup>9</sup> Mi ga kihaffoo sah mi tumee ga helloo an daa ka míñ kiman tóoh mi jomin kiheñoh teekii Yéesu Nasareet. <sup>10</sup> Ee iñaama yérí mi enukohee ga Yéerúsaleem. Mi lagin ga kasu bo'-Kooh biyewin, ee sarahohcaa biyaakbaa bérí oneeroo kitum iñaama. Binaa ba yah ki'apunaa, mi fareera ga. <sup>11</sup> Leekleek, mi taabee ga jaangu-yaawúu' na jaangu-yaawúu', mi feeklukiba kiheelibaa kimeydoh ga ngëmaagaba ga Yéesu. Mi sageeba hen bi mi daaneeba kidawuk bi ga dëkcaa wëñ ki'úsaayfa, kisodalba.

### *Pool béeëstí'ta iñaa tahhi kisúpít kipesfa*

<sup>12</sup> Fodaama, laakka bes, mi enee na kiyah Damaas, lak sarahohcaa biyaakbaa eruununndoo dooli ki'am buwaa gëmu ga Yéesufa. <sup>13</sup> Buu' Agíripaa, wiima lak mi yaa ga waas Damaas. Ga bak mídi, mi hotta lee'laat waa meyoh asamaan. Meliclaataa gawa wëri wëñ nohii kimelic, wa ennda mareet bi wiillaroo mi na buwaa mi taabee

nabada. <sup>14</sup> Dí béeþpíi, dí keennda kakay, mi dalla kikeloh koonaaakaa wo' naroo ga ki'Arameyee an: «Sóol, Sóol, iñii tah ya fu hatalloo ga kipes? Fu tum haffu, fu man na baamaa tap dooraa ha'mudaagari feekkida» Mi meekissari an: <sup>15</sup> «Kiyaakii, fu yéri en ba?» Ha'mudii taassaroo an: «Mi yéri en Yéesu yii fu hatal ga kipesda. <sup>16</sup> Wayee kolka, fu tuuk ga kotciigaraa, mi wo"aa iñii tah mi feeñukkaada. Mi tanukinndaa fu en súrgaroo, fu seedi"oo ga fíkií buwii, ga iñcii fu hot watida na ciliis caa mi yahhaa kiteeb. <sup>17</sup> Mi hayyaa kisom ga heetii yaawúu'cii na buwii enussii yaawúu'da. <sup>18</sup> Mi wossaa gaba, fu lègísi'ba hasciigaba, fu bewohba ga ñúusii fu haydohba ga lee'laatii. Fu bewohba ga yah Seytaani, fu éewdohba ga Kooh, mi bayalba baakaa'ciigaba, en danaa ba gém garoona mi wa' ba ga iñcii buwii Kooh yah kilamda.»

<sup>19</sup> Kon nak buu' Agíripaa, mi taabuk iñcii Koohyii feeñukkoo teebpooda. <sup>20</sup> Ee sah mi deb kijégí' bu-teeraa Damaas na bu-teeraa Yéerúsaleem. Léehí'ta, mi paaffa ga bu-kulkaa Yúudée béeþka, mi méeñjohha ga buwii enussii yaawúu'da. Mi yéegallaba an ba jomin kisúpit kipeskaagaba, ba éewdoh haffba ga Kooh ee ga tumeencaagaba ba teewoh kayoh-kayohda an ba súpítin kipes. <sup>21</sup> Iñaama yéri tah yaawúu'cii abussaroo ga Kaanfaa Kooh, ba baa heelloo ki'ap. <sup>22</sup> Kooh mûsalinndoo, mi yii lís kipes bi ga besii wati. Mi yii seedi' ga fíkií buwii, ennda oomaa ennda yaak. Iñcii mi jégírohda deeñngii iñaa sëldíiga-Koohcaa na Móyiis yéegalohsee an ca hay kilaakda: <sup>23</sup> an Kiristaanii hay kiday coonu ciméeski', ee yéri yah kideb kimilis ga buwaa kaaninda, ya yéegal heetiigaruu na heetcii cíinoo lee'laatii onoh kipesda.

### *Pool yaa nook Agíripaa ga ngëmaa*

<sup>24</sup> Lak Pool yaa eemmba daama ga layohaagari, Festus, gúwernéeraa dallari kifiip an:

- Way way Pool fu dofin! Jagiigaraa wihepi'wii méeñisin hafiigaraa yaay!

<sup>25</sup> Pool nak taassari an:

- gúwernéé' Filiksi mi doffii déy. Iñii mi wo'da béeþwa kayoh ee laakin haf. <sup>26</sup> Buu' Agíripaa sah ínohin iñii mi wo'da, kérí tah mi kaañ kituuk mi wo'ka ga fíkiici. Béeb iñciima, wíinoo gaca appiiri kúmpa ndaga laakkii caa tumu ga rúkku. <sup>27</sup> Buu' Agíripaa, fu gëmin iñaa sëldíiga-Koohcaa wo'dane? Ee, mi ínohin an fu gëmin ga.

<sup>28</sup> Waa ennda da, Agíripaa buuraa wo"aa Pool an:

- Tes ga jutuut fu tummboo kerceen!

<sup>29</sup> Pool taassa an:

- Yéeh, maañ, Kooh tumat, mi wo"ii fu doj wayee bi ga béeþ buwii súkúrukkooda, dú laakneeroo ga iñii mi enukohda bi tes kibagu na ceen.

<sup>30</sup> Waa ennda da, buu' Agíripaa na Festus, gúwernéeraa na Berenís na béeþ buwaa enee daamada, kolkussa baa yah. <sup>31</sup> Ga waa ba en na kiyahda, ba baa wo' ga díkaantiþa an:

- Bii yii tummbii enaama yíinoo yibóni' yaa cal ya tíku kikaan wala kilagu ga kasu.

<sup>32</sup> Buu' Agíripaa nak dalla kiwo' Festus, gúwernéeraa an:

- Enéerii dii ya kiim kipaafdochu ga buu' Sesaa'danaa ennaa ya mínin ki'íisu, ya yee'.

### *Pool ekussa ga gaal-giyy kibayu Room*

<sup>1</sup> Waa ennda da, ba ammba bes ki'ekkií ga gaal-giyy, dí bayu Kúlkaa Ítalíi. Pool na bo' biliis, baa amsee ga kasu fodaa gari tíkussa ga yah Húliyus, ha-kaan ga soldaa'caa bu-Room wo'u «Soldaa'caa buu' Sesaa'da». <sup>2</sup> Dí aassa ga gaal-giyyaa meyoh teeraa Adaramit ee wa aawee dékcaa Aasíi en ga yahaa giyyaada, dí baa yah ga giyy. Arístarka, ee dék teeraa Tesaloník ga gohaa Maseduwaanda taabee naríi.

<sup>3</sup> Ga kooh-wiisfaa, dí tee'neera ga teeraa Sídonj, Húliyus ennda bo' yijóffí' ga Pool.

Ya onndari kimín kika' ga filiimuncaagari doonaa ba mínnodi kitoputu'. <sup>4</sup> Ga waa dí meyoh daama, dí taabohha na dëkaa Sípa' giyyaa wiilcsa kisúnuu uurisaa ndaga lak dí jaanoh nawa hen. <sup>5</sup> Lëehí'ta dí koorohha giyyaa ga gohaa Sílisíi, aawwa waa Pamfílii, dí tee'neera teeraa Mira ga gohaa Lísiida. <sup>6</sup> Daama, Húliyus soldaaraa yiyaakyaa hotta gaalaa meyoh Aleksandarí aaw Ítalíi, ya ekkaríi ga.

<sup>7</sup> Dí tumin ga giiy bes ciyewin caa gaalaa foolee ndaŋ. Ga wii dí ka' bi dí lanjneera na teeraa Kímítcsa, lak dí dayin coonu fimeeskí, dí mínnodi kitee' daama. Uurisaa nak onndiiríi ki'aaw fíki ga bakaama, dí nammba kikooroh Salomee en danaa dí paafoh bakaa Keret súnúkin ga uurisaada. <sup>8</sup> Dí taabohha giyyaa daama bi dí le'a dekat waa wo'si «Diteeraa' diwóorí», en ga yahaa teeraa Laseeda.

<sup>9</sup> Ga wii dí le' daamada lak dí maañin ga waas lool, ee kifoolis ga giyy wéerissii, ndaga lak ooraa yaawúu'caa ga seekcsa paafin. Kérí tah, Pool wo'a na buwaa, kiyéegalba an:

<sup>10</sup> - Biyaay, mi hotin an baawiigaruu wii wéerissii, du aaw fíkiinaa. Mi wo'issiirúu an gaalii na iñii wa sëfda hay kiyasukoh, wayee tumuuntiiruu sah mínnin ga kihín.

<sup>11</sup> Wayee soldaaraa yiyaakyaa bu-Room ammbii faali ga iñaa Pool wo'da, ya nammba kisúkúruk iñaa fóolíroh-gaalaa na ha'-gaalaa wo'da. <sup>12</sup> Baatta ga dékataa gaalaa teerooh waama newoo ki'enoh na lah, kérí tah iñaa wéñ kiyewin ga buwaada júwohussa ga kikolkoh daama, dí paaf, en mínuksinaa, bi ga Fenísíi, dékataa wiliis ga Keret waa bo' mínnin kiteerooh bi seek wiis. Dekataama nam kijaanoh na aasaa'-noh.

### *Uurisaa wiyaak yíppa ga giyyaa*

<sup>13</sup> Waa ennda cfa, uuris wihídí', waa kolkoh yah-ñaam meyaa'-noh, aawwa kiwép, kérí tah ba ammba yaakaa' an ba hay kimín kika' bi ba tee' ga Fenísíi. Ba ponnda ní'caa pokohsee gaalaada, ba taammba giyyaa, ba riisukka Keret, ba baa yah. <sup>14</sup> Wayee maañjii dara, uurisaa wiyaakwaa teeku Erakilíyonđa dalla kiwépoh téégelcaa Keret, wa ennda míláp ga d'ookkii. <sup>15</sup> Uurisaa jiitalla gaalaa, ken míniissiwiia kitéhdoh, dí íissawa, waa yah duuy. <sup>16</sup> Dí yoloohha Kódaa, kudék jijutuut, ja súnndaríi ga uurisaa. Fodaama, dí míndaa kijekeluk gaal-loocaa taamdochsi na gaal-giyyaada. Dí lëpí'tawa ga gaalaa ee dí sonnda ga lool.

<sup>17</sup> Ga waa dí lebirohha bi dí lëpí'tawa, dí ñaawwa gaalaa na ní' doonaa wa tasoo, lëehí'ta dí yóoskí'ta dúuñaa wiyaakwaa poksi ga fenoo gaalaada kinóowís gaawlaataa ndaga dí niikee uurisaa ye' gaalaa bi dí paafnee tewisaa teeraa Sírta.

<sup>18</sup> Ga kooh-wíisfaa lak uurisaa waa lís kiyéngél gaalaa didóolí', kérí tah dí aawwa kijaf iñaa gaalaa sëfeedsa ga giyyaa. <sup>19</sup> Ga besaa tík gada, buwaa fóolíri gaalaada na kihaffba jafussa pañkaahcaa enee ga gaalaada ga giyyaa.

<sup>20</sup> Dí tumin bes ciyewin ga giyy caa dí hottii noh, dí hottii ol. Uurisaa yíppa rek inohoo ki'iis, ka'ta bi dí abissii yaakaa' kimúc.

<sup>21</sup> Wiima lak buwaa ensee ga gaal-giyyaadaa tumuunun iñaa maañ ee ken ekkii ñamah ga kúuwci. Pool dalla kikoluk, tuukka ga leelooba, wo'aba an:

- Biyaay, dú súkúrukee wo'eenndoona, eneenaas dú kolukohoo Keret ee iñcii tóoh yasukoh cii laakoo. <sup>22</sup> Wayee diimada mi nakkúu kiyégsdük. En ki'ennaa, laakoo yíinoo garúu yaa kumuunci hídan ga, hanaa gaalii doŋ yahan. <sup>23</sup> En ki'ennaa, wekama, Koohyii laakkoodsa ee mi en súrgacida wosin malaakaagari garoo, <sup>24</sup> ya wo'aro an: «Pool kaa niik ndaga fu jomin kika' bi fu tuuk ga fíki buu' Sesaa'. Kooh oninndaa, ya hay kisom tumuuntii buwii fu taam nabada béeħba ga giyyaa.» <sup>25</sup> Kon biyaay, yégsdük, mi abin yaakaa' ga Kooh ee dii ya wo'ookada yahda kilaak deŋ. <sup>26</sup> En ki'ennaa, du hay kihín ga dëk, waa giyyii wíil.

<sup>27</sup> Ga wekaa wudaankaah na wu-nikiiswaa, lak uurisaa waa líssíi kimeeb ga duuy giyyaa. Ga leeloo wek, buwaa lëgëyi ga gaal-giyyaadaa manba na dí deeyin kilaas

kakay, <sup>28</sup> ba yoolla ní' kimalak huutlaataa, ennda meeta' cidaan̄kaah-kaahay na ciyitnakanak. Ba ka'ta bi ga fíkíi, ba yoolissa ni'aa, ennda meeta' cidaan̄kaah-kanak na ciyitnakaahay. <sup>29</sup> Ba niikka gaal-giiyaa tapuk ga atoh, ba dalla kiwees bóoy\* cinikiis kidot gaal-giiyaa ga fenoo, lëehí'ta ba yunjga baa cúnj daa Kooh wiisan. <sup>30</sup> Buwaa lëgëyi ga gaal-giiyaada waa'see kinúp ba foñ gaalaa, ba tummba fodii an baa waa' kidot gaal-giiyaa ga iñaa hanoh fíkiida, ba yóoskí'ta gaal-loocaa taamdhosi na gaal-giiyaada. <sup>31</sup> Wayee Pool wo''a soldaaraa yiyaak an:

- Binaa buwii bii tesussii ga gaal-giiyiinaa, dú múcoo.

<sup>32</sup> Soldaaraa dalla kigú' ní'caa pokohsee kiyool gaal-loocaada, wa keennda ga giiyaa, dalla kinuu'.

<sup>33</sup> Lakanaa ba baa sek Kooh wiis, Pool wo''a buwaa an:

- Laakin bes cidaan̄kaah na cinikiis ga wati caa du yunj du ñammbii dara. <sup>34</sup> Kon diimada mi wo''úu kiñam. En ki'enaa, dú waa' kimúcaa dú jomin kiñam, ee mi wo'issúu an gëmattoo: yíinoo garúu kufenci booyukanndii.

<sup>35</sup> Ga waa ya wo''a fodaama bi ya lëehí'ta, ya bëbpa mbúurú, ya gérëmmba Kooh ga fíkíi bëeb, ya weella mbúuraa yaa ñam. <sup>36</sup> Waa ennda da, bëeb buwaa helcaagaba hannda kidal, ba aawwa kiñam ban. <sup>37</sup> Béebpií dí enee bo' bitéemée'-kanak na bidaan̄kaah-yitnabanak na biyitniinoo ga gaalaa. <sup>38</sup> Daa ba ñamee bi ba kappa, ba aammba belaa gaalaa bayeeda ga giiyaa doonaa wa eref. <sup>39</sup> Ga waa Kooh wiissa, buwaa lëgëyi ga gaal-giiyaada séennda kucolli-kakay na tewis wayee dékataama ba ínohoowa. Ba waa'ta kitee'nee gaalaa daama, en mínucaa. <sup>40</sup> Ba pëkíssa iñcaa dotohsi gaalaada, ba foñjaca ga giiyaa. Ba gú'ta ní'caa pokohsee dooraa fëeliri gaalaada ban, ba léríssa píisaa wiyaak hanohi fíkíi gaalaada doonaa uurisaa míñ kiye' gaalaa ba yee tewisaa. <sup>41</sup> Gaalaa nak koorohha ga daa mísúcaa hídoh, wa looppa ga kakayfaa jaluk daamada. Púkaa gaalaa yíppa, wa tuukka tek. Fenoogaanaa gaalaa nak aawwa kiyéwísuk ndaga dúscaa giiyaa tapukee ga na dooli.

<sup>42</sup> Soldaa'caa waarusaa ki'ap buwaa amseedaa ndaga ba niikee laak gaba baa fiy ga giiyaa, ba núp. <sup>43</sup> Wayee soldaaraa yiyaakyaa, lak waarin kisom Pool, ya kokohhaba kitum iñaa ba amda. Ya ebilla buwaa míñ kifiyda ba dëb kijafuk ga mísúmaa, ba fiy bi ga tewisaa. <sup>44</sup> Ya wo''a buwaa bíinoo mínsoo kifiyda ba taam ga, ba ébíluk ga haangacaa yéwísukoh ga gaalaada wala póokéecaa gaalaa. Fodaama bëeb meyca bi ga kakayfaa ee dara ocukkii gaba.

## 28

### *Pool ga kúlkaa Malta, giiyaa wíilda*

<sup>1</sup> Ga waa dí somolukohha bëebpií ga giiyaa na jam, dí baa han ki'ínoh an dékaama dí enoh, giiyaa wíilda teeku Malta. <sup>2</sup> Bu-dékaama teewussaríi kijof kiyak. Ba feti'taríi kiwii kiyoontuk ndaga lak Kooh yaa tob ee fiyoontaa yakin lool. <sup>3</sup> Pool balabpa móoffi'-sookooñ kijaf ga kiwiikaa. Laakka gonj-saamaanaa meyoh gawa ndaga tamohlaataa kiwiikaa, ñaakkari ga yah. <sup>4</sup> Daa buwaa hotee gogaa yoolin ga yahaa Pool, ba baa wo' ga díkaantiba an:

- Bii yii jom ki'en apoh-bo' sah-sah. Hídaa ga dii ya somalukohin ga kikaan ga giiyiida téoh, kikaan líssi kitaabuk.

<sup>5</sup> Pool nak wícca gogaa ga kiwiikaa ee dara dalliiri. <sup>6</sup> Buwaa sekka kihot ya úus bëm wala ya keen dal, ya kaan; wayee ga waa ba sekka bi maañja, ee ba hottii dara dallii, ba abissa halaat wiliis, ba baa wo' an:

- Bii yii iñii Kooh!

\* <sup>27:29</sup> 27: 29 Wa jafu ga giiyanaa, wa míñ kitéhdoh gaal-giiyaa bi wa karoo

<sup>7</sup> Ga yahaa daa dí eneeda, laakeera daama yoon wiyaak waa díguunun, yoonaama Púbilýus, yaa kuliuk ga dëkaama giyaa wíilda, yérí laakwa. Ya teerukkarií ga kaanci, ya mínohharií sagac iñaa le' bes kaahay. <sup>8</sup> Wiima lak paam Píbílyus, síbiru na bírtañi faaninndi ga fayaan. Pool nak, ka'tari kiwaak, ya kíimmba Kooh, tíkkari yahcaagari, wékí'tari. <sup>9</sup> Waa ennda da, dúukoolí'caa bíinoo ga dëkaama giyaa wíilda hayussa ga Pool, ya wékí'taba ban. <sup>10</sup> Bu-dëkaama giyaa wíilda, iñaa en béeb ba tumi'tariiri, ee ga waa dí koluk kiyahda, ba eewallarií tóoh iñaa dí jom kisooluk ga baawaada.

### *Pool le''a teeeraa Room*

<sup>11</sup> Dí ennda ga Malta ñiin kaahay; dí hannda ki'aas gaal-giiyaa kúlkohee Aleksandarí ee wa bay nataalcaa Kastoo' na Poluksida\*. Wa lahee ga kúlkaama giyaa wíilda. <sup>12</sup> Waa ennda da, dí tee'ta ga teeraa Sírakus, dí tummba daama bes kaahay. <sup>13</sup> Dí kolkokha daama dí aasissa ga gaal-giiyaa bi dí le''a teeraa Resíyóo. Ga kooh-wíisfaa, uurisaa waa wép. Ga besaa wukanakwaa tík gada dí hannda kile' Púsool. <sup>14</sup> Dí hotta buwaa gëmuunun ga Yéesu ga teeraama. Ba nak, ba kíimbaríi kites naba bes ciyitnakanak. Léehí'ta, dí ammba waas Room. <sup>15</sup> Kerceencaa dëku Roomda kelohussa an dí baa hay, ba hayyarií kitéebiluk bi ga «Marsaa Apíyus» na ban bi ga «Túuy-íka'caa kaahaycaa». Daa Pool hoteeba ya gérëmmba Kooh ee helci dalla. <sup>16</sup> Ga waa dí le' Roomda, Pool onussa kidék ga kaan hañci ya na soldaa' yíinoo yaa watukanndi.

### *Pool aawwa kijangat ga teeraa Room*

<sup>17</sup> Tíkka ga bes kaahay Pool baylukka buwaa kuliuk ga yaawúu'caa dëku Roomda. Daa ba hídírukohee, ya wo''aba an:

- Mbokcii, mi abuunun ga teeraa Yéerúsaleem, mi tíkussa ga yah fu-Room, baa kuliuk ga dëkaada ee lak mi laakohhii dara na heetiigaruu ee mi deenjngii baahcii bicaasammbuu. <sup>18</sup> Ga waa ba meekissaroo ki'ínoh kayohfaada, ba waa'taroo ki'íis ndaga ba hottii dara iñaa mi tum bi cal mi tíku kikaan. <sup>19</sup> Wayee yaawúu'caa sagussa. Mi nak, mi kíimmba kipaafdohu ga Sesaa', buurii fu-Room, ya atti''oo. Mi waa'tii kiyam heetiigoo ga dara. <sup>20</sup> Iñaama tah mi kíimmba kihotoh narúu bi mi saawal narúu. En ki'enaa, dú fu-Isarayeel, iñii dú am yaakaa' garifa yérí tahhoo kibagu na ceen.

<sup>21</sup> Buwaa taassari an:

- Dí ga kihaffii, dí laassii këyít fíinoo faa meyoh kúlkaa Yúudée wo' ga loofu ee laakkii yíinoo ga mbokcaagaríi daama, yaa hay dii kibéstí yibóní' garaa. <sup>22</sup> Dí nak, dí waarinndaa kisükúruk, fu wo''íi iñum fu halaatda. En ki'enaa, dí ínohin an waasum fu taabukda yewinin buwaa wo'i yibóní' gawa.

<sup>23</sup> Ba ammba bes wiliis waa ba hídohan. Besaa béríi, ba hayya biyewin bi ba wéñnga ga waa ba deb kihayda. Saawalaagaba daloh ga kímaa bi ga noh-soosaa. Pool wo''aba iñaa ya gëmda, ya yéegallaba Nguura Kooh, ya koorohha ga iñaa bídu ga Kéhítfaa Waasii Móyíscfa na caa wo'eencaa sëldíiga-Koohcaa, ya yaa heelba kibúl, ba gëm ga Yéesu. <sup>24</sup> Bii gëmussa iñaa Pool wo'da, bíinoo sagussa kigëm. <sup>25</sup> Ga waa ba waa' kitagoh na Poolda, lakanaa ba júwohpii ga cjuuyba bi wati. Pool nak tíkka ga wo''aba an:

- Helii yisela'í'yii daal wo'ee na bicaasammbúu kayoh ga waa ya wo' koorohha ga kúuwkaa Ísayíi, sëldíiga-Koohaada. <sup>26</sup> Ya wo'ee an:

«Karaa ga heetaama, fu wo'ba an:

Dú hay kisükúruk dijófí' wayee dú ínohanndii dara.

\* **28:11** 28: 11 Ba enee tukoh ga Gerekcaa na ga fu-Room. Eewba teeksee Ledaa, wayee laakin béstí'caa wo' an ba bokéeríi paamun. Paam Poluksi enee Sés, koohyaa yiyaakyaa Gerekcaa. Koohcaa ñanakbaa baama fu-kúlkaa Esparta jaamukseeba ga teekaa «Joskuu».

Dú hay kimalak dijófí' wayee dú hotanndii dara,

<sup>27</sup> En ki'enaa, heetii wii nam kitúl keeñ hen.

Ba lagin nofciiigaba,

ba dúugin hasciigaba,

doonaa ba hotoo na hasba,

ba kelohoo na nofba,

Ee ban ba ínohoo ga keeñba

En danaa, ba ëewrukoo garoo, mi Kooh,

bi mi wëki'ba.»<sup>†</sup>

<sup>28</sup> Pool tikkga ga an:

- Ínohat gaka an Hewhewii winéwí'wii onohi kipesda yéegalohuunun bi ga buwii enussii yaawúu'da ee ba, ba hay kisukúruk.

[ <sup>29</sup> Ga waa Pool wo' wo'eencaama bi ya lëehí'tada, yaawúu'caa baa yah, ba baa weeraanti ga djuuyba.] <sup>30</sup> Iñaa le' tikiis tanak Pool eninta ga kaanfaa ya fayi faama ee béeþ buwaa hayeeri kiwaakfa laakeeri daama. <sup>31</sup> Ya yaa yéegaloh Nguurii Kooh, ya yaa jëgíroh loo Yéesu Kiristaa, Ha'mudii na fít wiyëgísí' ee ken mossiirika kihoonoh.

---

<sup>†</sup> **28:27** 28: 27 Wo'eencii cii béstí' fodaa Ísayíi 6: 9-10 wo'eekada.

## Këyítfii Pool bín Bu-Roomda Wo'eencii lëgis Këyítfiida

Këyítfii fii férí Pool bín kerceencaa ga Roomda ee lak ya mossii daama kika'. Bibo' biliis bérí jangatee Hewhewii winéwí' wii daama bi kikerceen tuukka daama (fodii Akílaas na Pírisíl) Tumeen 18: 2. Pool bínndaba doonaa ba ínohhi. Ya wo'eeba an ya en na kiyah Espaañaa ya koorohan daama, ya daasba ga gëmii. Ya wo"aba ban kikiimi'ti Kooh, ya lëgisi'ti hal bi ya míin kibaab daama.

Pool wo'ba ga këyítfii ya bínbadfa daa kigém ga Kiristaanii hín kijofsa. Ya wo' an buwii béeëbba bérí tum baakaa' ee béeëbba bérí meydohsee ga ndamaa Kooh. Wayee diimada ba júwohdsunun na Kooh, kooroh da dii ba en wíinoo na Yéesu Kiristaadfa.

Kooh yérí tanuk Pool ki'en apotaa', en danaa ya yéegalohi Hewhewii winéwí'wii. Ya wo' an Hewhewii winéwí'wii wiima, doolii Kooh wérí, ee wa waa ga béeëb baa gëmin, laakoo an yii yaawúu', laakoo an yii enndii yaawúu'. Kooh wo' an béeëb buwii gëmda ba wíinoo ga fikíici. Ya abohinba bo' bijuwí' kooroh ga iñaa Bíncaa cisela'i'caa wo'da. Ca wo' an: «baa júwin, kipeskaagari taabi na ngém» (Room 1: 17). Pool wo' ban an béeëb kerceencii jom kijúwohu hen, ken jomoo kisagoh na mooroomci, ken hanat ki'atti' mooroomci luu enee badukeencaagaba bokkii. Këyítfiima Pool bídee bu-Roomda laakeera solu, kérí tah kerceencii tookuununfa.

### **Këyítfii Pool bín bu-Roomda tíidoh anee:**

- 1 - Pool waa' kika' Room kiwaaknee kerceencaa daamada (1: 1-17)
- 2 - Buwii béeëbba tumuunun baakaa' (1: 18-3: 20)
- 3 - Kigém ga Yéesu onoh kijúb ga fíkií Kooh (3: 21-4: 25)
- 4 - Yéesu onin buwii kijúwoh na Kooh (5: 1-8: 39)
- 5 - Heetii Isarayeel tanukdfa (9: 1-11: 36)
- 6 - Kipes ki'as ga iñaa Kooh nakoh (12: 1-15: 13)
- 7 - Tañkoh (15: 14-16: 27)

### *Këñdoh*

<sup>1</sup> Mi Pool, mi súrga Yéesu Kiristaa, mi yérí bínndúu këyítfii fii dú bu-Room. Kooh yérí bayyoo ki'en apotaa'ci, mi faandussari hañ kiyéegalohnee Hewhewii winéwí'wii. <sup>2</sup> Hewhewii winéwí' wiima nak, Kooh dígoheerawa kuméeñi' ga Këyítfaa ee korohee ga túuwtaa sëldiigacaagari. <sup>3-4</sup> Wa wo' loo Kowukiigar, Yéesu Kiristaa, Ha'mudiigaruu. Ga kibo'-súusúuskaagari, ya límukoh ga níilaa buu' Dëwit, ee ga Helaa yisela'i'ya, Kooh ga doolaagari teewohha an ya Kowuci ga waa ya miliñdsu ga buwaa kaaninda. <sup>5</sup> Kooroh gari nak, Kooh onndaroo ki'en apotaa', doonaa ga teekii Kiristaanii mi nook heetcii ga éldúnada tóohca, ca gëm gari, ca taabuk iñaa nakohu kitumda. <sup>6</sup> Dú bu-Room, dú bok ga, ndaga Kooh bayinndúu kibok na Yéesu Kiristaa. <sup>7</sup> Kon mi bínndúu këyítfii fii dú béeëpúu. Ínohat an dú neblohin Kooh ee ya bayinndúu dú en buuci. Kooh, Paamudiigaruu na Yéesu Kiristaa, Ha'mudii barkeelattúu ee ba onndúu jam.

### *Pool waa' kika' Room kiwaaknee kerceencaa en daamada*

<sup>8</sup> Kon bi mi dalaa, mi dewan kigérém Koohyigoo garúu béeëpúu paay, ee kooroh ga Yéesu Kiristaa ndaga síwin daa en béeëb ga éldúna an dú gëmin gari. <sup>9</sup> Kooh ínohin an mi wo' kayoh, ya yii mi jaamuki ga keeñnjoo ga kiyéegaloh Hewhewii winéwí' wii wo' ga loo Kowukiigarida. Ya ínohin an wahtaa en tóoh helloo ka' garúu. <sup>10</sup> Ee mi dëk ga kikiimmbi ya onndoo hal en nebpinaa, mi mínnndúu kihay kiwaaknee.

<sup>11</sup> En ki' enaa, mi waarin garúu kihay lool bi mi le'doh garúu barkicii Helii yisela í'yii onohida, en d'anaa ngëmiigarúu wëñ kiyégis. <sup>12</sup> Mi waa' kiwo' sah man, du béeëpuu, du daasoh ga ngëmii du bok kilaakdä.

<sup>13</sup> Mbokciigoo, ínohat an bes ciyewin mi abinndúu kihay kiwaaknee, wayee bi wati mi laakkii hal. Mi waarin nak kihay kilégéy ga d'uuyucúu, bi jeriñ mey ga, fodaa daa mi tum ga d'uuy buwaa ga dëkcaa cíinooda.

<sup>14</sup> Kooh sasinndoo kilégéy, kon mi jomin kiyéegaloh Hewhewii winéwí'wii ga béeëb buwii. Mi haywa kiyéegalohnee ga buwaa helcaa yúudukin ga ēldúnada, bi ga baa helcaa yúudukkiida. Mi haywa kiyéegalohnee ga buwaa jaginda na buwaa jagussiida. <sup>15</sup> Iñaama tah mi waarin lool kihay kiyéegalohwa garúu ban, dú bii dú en ga Roomda.

### *Doolaa laak ga d'uuy Hewhewii winéwí'wiida*

<sup>16</sup> En ki' enaa, mi safarin ga kiyéegaloh Hewhewii winéwí'wii. Doolii Kooh wéri en ga d'uuywa, wa mísali béeëb buwii gëm ga Yéesu Kiristaadä, ennda yaawúu'cii ga iñaa ñebdä, tikkä ga bii enndii yaawúu'cä.

<sup>17</sup> Hewhewii winéwí'wii wiima teewoh daa Kooh tíki bibo', baa gëm kesi ga Yéesu Kiristaa, ba en bibo' bijuwí ga fíkíicida. Iñaama waa' kiwo' an waas wiliis laakoo. Ee fodaama, ka bídu ga Kéyítfaa an: «Baa gëmaa, Kooh hayyi ki'aboh fodii bo' yijúwí' ga fíkíici, ee ya pesan kayoh-kayohda.»<sup>◊</sup>

### *Buwii béeëba tumuunun baakaa'*

<sup>18</sup> En ki' enaa, Kooh teewohin bi leerin, aboh ga dook an ya aylukin ndaga buwii faali'iiri ee ba júbpia. Ba úubin kayohfii na kijúbpiikiigaba. <sup>19</sup> Kooh hayba ki'atti' ndaga waasii ba jom kikooroh bi ba ínoh Koohdä leerin ga haffba, Kooh teewinbawa bi leerin lañ. <sup>20</sup> En ki' enaa, doolii Kooh leehoo taa'da na dii ya manda nam ki'en iñcaa hotukoo na kuhas. Wayee ga iñaa ya sakee ēldúna bi wati, fu malak ga iñcii ya sakdanna, hel mínnindaaca kiteeb. Kon nak buwii laakoo lay ga fíkíici. <sup>21</sup> Buwii ínohuunun Kooh ee ba erussiiri ndam ee ba gérëmmibiiri fodaa daa ba jommbika kitumi'cä. Iñcii ba halaati éewdohba ëgíraada cérí múuyí'ba ee keeñciigaba búumin, ba enin ga ñúus. <sup>22</sup> Ba tík haffba buwaa ñaañuunun ee ba bïdof kesi. <sup>23</sup> Ba aawwii kijaamuk Kooh yii laak ndam ee kaanoodä, ba nammabä ki'aaw kijaamuk nataal bo'-súusús yii kaaninda, sel, júu', na fasukohcii.

<sup>24</sup> Kéri tah, Kooh foñinba ga iñaa nebbä, ba enukohin ga iñcaa moroo, ba bii tum ga faanciigaba iñcaa apohin kaci. <sup>25</sup> Ba jafin kayohfii Kooh, ba taabuk saboh. Ba aawin kijaamuk na kitaabuk iñcii Kooh sakdä, ba foñinja Kooh yii sak tóohdä. Ya kañsat bi taa'! Aameen.

<sup>26</sup> Kéri tah Kooh foñohinba ga tumeencumgaba ci'apohí' kacicaa ba d'uucukohdä. Beticiigaba foñuunun yaalcii, ba faanuki kiyaal na beti ga díkaantiba. <sup>27</sup> Yaalcii ban tumsin fodaama, ba faanuki kibeti na yaal ga díkaantiba, ee faanba tamoh rek kifaanuk na bimooroomba. Yaal tumi na yaal mooroomci iñaa joffii, fodaama ba nooki ga dookba fayaa gën ga kimúuykaagaba kaamada. <sup>28</sup> Waa ba tookkii ki'ínoh Kooh, Kooh foñohinba na hel-ñalalañukohaagaba waama ee ba dëk ga kitum iñaa tumkoo. <sup>29</sup> Keeñba líif na kijúbpii, kibon, kiwaa' kihépí' na kisoot. Ba halaati ki'iñaan doñ, ki'ap bo', kiñaroh, kiñaañukoh bo', ki'óolukoo ken, kidooob bo', <sup>30</sup> kiyah teek bo', kisagogh na Kooh, kiñak kikoruk, kibëwí' haffba, kindamuk, kimoroo ga nof, kitookoo kikelohi' paamun na eemun. <sup>31</sup> Ba laakoo hel, ba enndii go', ba waa'tii ken, ba laakoo yérmaandi ga ken. <sup>32</sup> Ba ínohin dijóff' daa Kooh yah kitum buwaa man fodaamada. Buwaa tumi iñcaamada, Kooh hayba ki'atti' kikaan ee hoonohhii bi wati ba dëk ga kitum iñcaa. Baatta ga, ba fa' na buwaa tumi iñcaamada.

<sup>◊</sup> 1:17 1: 17 Habak 2: 4.

## 2

*Kooh yah buwii ki'atti ga yijúwi'*

<sup>1</sup> Kon nak, fu yii fu atti'i mooroomfuda, na baa fu míñ ki'en tóoh, ínohaa an fu laakoo lay ga fíkii Kooh. Ndaga iñaa fu atti'oh mooroomfu an ya tummbida, fu ñan fu tumiri. Kon nak fu búukin haffu, fu yii fu atti' mooroomfuda.

<sup>2</sup> Du ínohin béeþpuu an atti'aa Kooh atti' buwaa tumi iñcaamada koo' ga waas. <sup>3</sup> Fu yii fu atti'i mooroomfu ga iñcaa ya tumida, ee fu ga kihaffu fu tumicada, fu foɔŋ an Kooh abohanndiiraakane? <sup>4</sup> Mín ki'en sah an fu faali'oo Kooh ndaga daa ya jofin lool, ee ya míñinnda kimúuñi' ee ya gaawtukoo. Fu ínohoo moos an ya teeþpaa kijofaa, ya waa' fu hot iñaama, fu súpít kipesfune?

<sup>5</sup> Wayee fu yaama fu yégis ga haf kak, fu saj kisúpít kipeskaagaraadfa, fu yaa négíroh ga dlookfu aylukaa Kooh bi ga besaa ya yah ki'atti' béeþda, ee kooran ga waas. <sup>6</sup> Le' béríinaa, baa en béeþ Kooh hayyi iñaa ya lëgëyda. <sup>7</sup> Buwii taabuk kitum yijófi'da, ba waa' kilaas ndamaa meyoh ga Koohda, ba nebloh Kooh, kipesba leehoo ee fodaama Kooh hayba ki'on ba pes nari bi taa'. <sup>8</sup> Wayee buwaa búnoo, ga kiwaa'ti kiheñoh rek, ba onnda kayohfaa biñj, ba baa tumi ga iñaa joffii. Buwaama nak, Kooh hayba ki'ayluk, sañku'ba. <sup>9</sup> Béeþ buwii tumi yibóni'da hay kikeenu ga coonu ciméeski' ee dewohan ga yaawúu'cii, tík ga buwii enussii yaawúu'da ñan. <sup>10</sup> Wayee buwii tumi yijófi'da Kooh hayba ki'on ndam, ya hay kiwo' yijófi' gaba, ya hayba ki'on jam. Ya hay kitum fodaama, dewoh ga yaawúu'ciinaa, tík ga buwii enussii yaawúu'da. <sup>11</sup> Buwii béeþ ba wíinoo ga fíkii Kooh. <sup>12</sup> Buwii enussii yaawúu'da ínohsoo iñii Waasii Móyíis nakoh kitumda. Ba keeni ga kitum iñaa joffii anee rek. Ba nak, ba hay ki'atti'u ba sañku'uk, wayee atti'aagaba ayukanndii ga Waasii Móyíis. Buwii ínohu iñii Waasii Móyíis nakoh ee ba këldúkiwada, atti'aagaba ayukan ga Waasii Móyíis. <sup>13</sup> Kooh yahhii ken ki'aboh bo' yijúwi' ga fíkíici ndaga daa baama eem rek ga kisúkúruk iñaa Waasii Móyíis nakoh kitumda. Baa taabukin iñcii Waasii Móyíis nakoh kitumda, yérí Kooh yah ki'aboh fodii bo' yijúwi' ga fíkíici. <sup>14</sup> En ki'ena, buwii enussii yaawúu' ee ínohsoo Waasii Móyíisda, binaa ba tum iñcii Waasii Móyíis nakohfanaa, man na ba laakca ga duuyba luu enee an ba hottiica. <sup>15</sup> Fodaama ba teewohin an iñcaa ba tumi ee Waasaa nakohda bídu ga keeñcaagaba. Helba tookin iñaama ee ban halaatcaagaba, cíinoo hayaan yabiba ga yen, wala somibada, teewohinka. <sup>16</sup> Bes waa hay, halaatcii daakuk ga duuy keeñciida hay kimeydochu fan ee Kooh hay ki'atti' buwii kooroh ga Yéesu Kiristaa. Iñaama, Hewhewii winéwí'wii mi yéegalohda, wérí wo'ka.

*Yaawúu'cii taabukussii iñaa Waasii Móyíis nakoh kitumda*

<sup>17</sup> Fu nak, fu yii fu taas ga teekii yaawúu'da, fu ayuk ga Waasii Móyíis, fu maruki ga iñaama an fu bo' Kooh. <sup>18</sup> Kon fu ínohin iñaa Kooh waa'da, ee Waasii Móyíis jégírinndaa tóoh iñaa laakin solu. <sup>19</sup> Fu foɔŋ an fu bayin tuhas ee fu yérí yah kinook búumí'cii. Fu foɔŋ an fu yérí en lee'laatii buwii enu ga ñúusda. <sup>20</sup> Fu foɔŋ an fu yérí jom kijégi' buwii ínohsoo daradane? Fu foɔŋnga ñan an fu yérí jom kijégi' béeþ buwii han ki'aas ga ngémiida, ndaga fu yaakaa' an waasii oninndaa kilaak kayoh ga tóoh na ki'ínoh tóohe?. <sup>21</sup> Kon fu yii fu jégíri buwii búnoodfa, iñii tah ya fu jégíroo haffu? Fu jañngati buwii búnoodfa an ba hanat kilok. Kon iñii tah ya fu loki?. <sup>22</sup> Fu wo'i buwii an ken hanat kidúk betici wala yaalci, ya faanuk na bo' yiliis. Kon iñii tah ya fu tumika? Fu wo'an fu gémmbii ga koof, kon iñii tah ya fu kolukaa fu loki iñcaa buwaa sarahohi ga koofcaada? <sup>23</sup> Fu ndamuk ki'ínoh iñii Waasii Móyíis nakoh kitumda, wayee fu tooñ Kooh, ndaga iñcii fu tumida taammbii ga iñaa Waasaama nakohda. <sup>24</sup> En ki'ena, bíduunun ga Kéyítfaa fodaama an: «Dú yaawúu'cii, dú bérí tah buwii

enussii yaawúu'da wo'si ga teekii Kooh iñaa joffii»<sup>☆</sup>. <sup>25</sup> En ki' enaa, kigúruk jofin en lak fu taabukin iñii Waasii Móyiis nakohdانا. Wayee fu taammbii ga iñii Waasiima nakohdانا kigúrukkaagaraa laakoo jeriñ. <sup>26</sup> Baa gúrukki, binaa taabuk iñii Waasii Móyiis nakoh kitumdanaa, hídaa ga daa ya gúrukkiida tóoh, Kooh hayyi kikíndoh ga buwaagari\*. <sup>27</sup> Ínohaa an baa gúrukki ee ya taabuki dijófi' iñii Waasii nakohd, hayyaa ki' atti' fu yii fu en yaawúu', fu gúrulin, fu laasin ga iñcaa këyítcaa Waasii Móyiis nakoh ee fu taabukooocada. <sup>28</sup> En ki' enaa, ki' en yaawúu' enndii iñaa hotuki ga bo' ee kigúruk kayoh-kayohd a enndii mandargaa hotuki ga faanda. <sup>29</sup> Ki' en yaawúu' kayoh-kayohd, eni ga dzuuy keeñ, ee kigúruk kayoh-kayohd, kérí en kigúrukkaa Helii yisela'i'yii tumi ga keeñda, enndii kigúrukkaa bídu ga këyítda rek. Yaawúu', yaa man fodaama, Kooh yérí yahhi kindam wayee enndii bo'-súusús.

### 3

#### *Kijúb na ki'en go' kuu Kooh*

<sup>1</sup> En fodaamanaa, kon ki' en yaawúu' baat ya ga bo'? Kigúruk laaki' bo' ya jeriñ? <sup>2</sup> Daa míñ ki' en tóoh, jeriñaa gada yakin. Ee waa kuliuk gadfa, wérí en ga dii wo'eenii Kooh dseewee kiwosohu gabada. <sup>3</sup> En ki' enaa, laakin gaba, baa enndii go'. Diima nak ya? Ki' enndii-go'kaagaba kaama míñ kihoonoh Kooh ki' en gore? <sup>4</sup> Múk, iñaa bo' jom ki'amda kay, wérí en an Kooh dék ga kayoh ee bo'-súusús dék na saboh. Fodaama, ka bídu ga Këyítfaa an:

«Kijúbkiigaraa hotukan ga wo'eencii fu meydoh ki' atti' buwiida, ee baa fu atti' béeüb, fu laak kayoh ga dookci»<sup>☆</sup>.

<sup>5</sup> En an kijúbpiikiigaruu teewohi an Kooh júwinaa, dú wo' ya ga iñaama? Dú wo' an, binaa Kooh iif aylukaagari ga dookkuunaa lak ya júbpii hene? En ki' enaa, iñii yii mi wo'i fodii buwii wo'ikada. <sup>6</sup> Múk, iñaama mírukoo. Haa en an Kooh júbpiinnaa ya mínan na ki' atti' bu-éldúna? <sup>7</sup> Hay kilaak buwaa wo' an, «En sabohfigoo on kayohfii Kooh kiwéñ kisíw na kilaak ndamaa, iñii tah ya mi lísi kitíku tumohbaakaa?'» <sup>8</sup> Bíinoo hay kika' bi ba wo' an: «Du tumat yibóni' en danaa yijófi' míñ ga kimey.» Laakin buwaa poki'tíi kiwo' an dí jégiroh iñaama. Buwaa wo' iñaamada, Kooh hayba ki' atti' ee kooran ga waas.

#### *Bo' yijúwí' laakoo*

<sup>9</sup> Kon, dū jom ya kiwo'? Du yaawúu'cii dū bérí gën buwii enussii yaawúu'da ga fíkii Kooh? Múk! En ki' enaa, dū teewohin an yaawúu'cii na buwii enussii yaawúu'da tóoh, béeübba biñaam-baakaa'. <sup>10</sup> Iñii yii yérí bídu ga Këyítfaa an:

«Laakoo bo' yijúwí', enndii sah yíinoo

<sup>11</sup> Laakoo baa laak hel, yíinoo heellii ki'ínoh Kooh,

<sup>12</sup> Béeübba foñunun Waasii Kooh, béeübba sooyunun.

Laakoo bo' yaa tumi yijóff', enndii sah yíinoo<sup>☆</sup>.

<sup>13</sup> Golgolciigaba en fan loyaa úbísukin, peremciigaba beedukin ga kidúk bo', wo'eencii meyi ga kúuwbadfa soot fan daña' goñ.<sup>☆</sup>

<sup>14</sup> Túuwtiigaba líif na coñ na wo'een cibóni' doñ.<sup>☆</sup>

<sup>15</sup> Kotba gaaw ga ki'apnee bo' rek.

<sup>16</sup> Daa ba kooroh tóoh, buwaa fiipohi. Ba soki kofeel.

<sup>17</sup> Ba ínohoo waasaa haydohi jam.<sup>☆</sup>

<sup>18</sup> Kiniik Kooh paallii fen ga keeñba.<sup>☆</sup>

\* 2:24 2: 24 Ísayíi 52: 5. \* 2:26 2: 26 Kigúruk kérí enee mandargaa teewohee buwaa en bu-Koohd <sup>☆</sup> 3:4  
3: 4 Kañcaa 51: 6. <sup>☆</sup> 3:12 3: 12 Kañcaa 14: 1-3; 53: 1-3. <sup>☆</sup> 3:13 3: 13 Kañcaa 5: 10; 140: 4. <sup>☆</sup> 3:14 3: 14  
Kañcaa 10: 7; Mëccëe 12: 34; Efes 4: 31. <sup>☆</sup> 3:17 3: 17 Ísayíi 59: 7-8. <sup>☆</sup> 3:18 3: 18 Kañcaa 36: 2.

<sup>19</sup> Du ínohin an tóoh iñaa Waasii Móyíis\* wo'in, wo' aaw ga buwii jomwa kitaabukcsa. En dñanaa ken laakoo iñaa ya wo'an, ee ken ga ēldúna laakoo lay ga fíkí Kooh.

<sup>20</sup> Kérí tah laakanndii ken baa abohsan bo' yijúwí' ga fíkí Kooh ga kitaabuk Waasii Móyíis. Waasii Móyíis, en ki'enaa, on buwii ki'ínoh rek an ba tumin baakaa'.

### *Kigém ga Yéesu onoh kijúb ga fíkí Kooh*

<sup>21</sup> Diimada nak, Kooh teewin buwii daa ba jom kikooroh bi ba abohu bibo' bijúwí' ga fíkíici ee enoo ga Waasii Móyíis. Iñaama, Waasii Móyíis na sëldíiga-Koohcaa teewohseeraka. <sup>22</sup> Kooh aboh buwii bibo' bijúwí' ga fíkíici ndaga ga dii ba gém ga Yéesu Kiristaada. Béeb buwii gémdu ya abohbadá, ndaga buwii béebs, ba wíinoo ga fíkíici. <sup>23</sup> En ki'enaa, béebs buwii bérí tum baakaa', ee ba meydohin haffba ga ndamaa Kooh. <sup>24</sup> Wayee Kooh, ga yérmaandaagari, onndaba ki'en bibo' bijúwí', ee ya meekissiiba dara ga. Ya koorohhaka ga Yéesu Kiristaa, yaa bëgísba ga baakaa'ca. <sup>25</sup> Kooh erohhi fodii sarah júwohi'tuu na hafci, ya séti' na ñífaa ya aamdaa baakaa'cii buwii géminda. Sarahaama teewoh an Kooh mos kijúb. Ya taabukéerii buwaa baakaa'caa ba tumee kudewaada, <sup>26</sup> ndaga ya gaawtukéerii dara ga. Diima nak ya teewohin bi leerin an ya júwin ee baa gém ga Yéesunaa, ya hayyaa ki'aboh bo' yijúwí' ga fíkíici.

<sup>27</sup> Kon laakin iñaa bo' bakukohan ga fíkíi Koohe? Dara! Haa iñii tahkadá ya? Iñaah tahkada wérí en an iñaa wéñ kilaak soluda enndii iñcii du tumi fodaa waas nakohkada, wayee kigém ga Yéesu. <sup>28</sup> En ki'enaa, Du míniñ kiwo' an Kooh abinnduu bo' bijúwí' ga dii du gémmin ga Yéesuda, wayee ya abohhiiruu bo' bijúwí' ndaga dii du tumin iñaa Waasaa Móyíis nakohda. <sup>29</sup> Wala book Kooh nam ki'en Kooh yuu yaawúu'cii doge? Kooh enndii Kooh yuu buwii enussii yaawúu'da hene? Ahan̄ kay, Kooh yuu buwii enussii yaawúu'da ban!

<sup>30</sup> Kooh yíinoo doj yérí laak, ee ya yérí abohi yaawúu'cii bibo' bijúwí' ga fíkíici ndaga ngémaa ba bayda, ee ya aboh buwii enussii yaawúu'da bibo' bijúwí' ga fíkíici ndaga ngémaa ba bayda ban. <sup>31</sup> Ngémii du laak ga Yéesuda nëewíis Waasii Móyíis hene? Múk, hanaa kay du namwa kiyégísi' ga iñaa wa enda.

## 4

### *Iñaa tah Kooh aboh Abaraham bo' yijúwí'da*

<sup>1</sup> Kon, du bëb caasammbuu Abarahamaa, ga kibok'aagari, iñii yiida yérí dú míñ kiwo' ga looci? <sup>2</sup> Enee an Kooh abeeri bo' yijúwí' ndaga iñcaa ya tumeedanaa, enneenaa Abaraham míñ kilaak iñaa ya ndamukan ga. Wayee ya míneerii kindamuk ga fíkí Kooh. <sup>3</sup> En ki'enaa, bídu ga Kéyítfaa an: «Abaraham gëmmba ga Kooh, ee ga iñaama Kooh abohhari bo' yijúwí'.» <sup>4</sup> Mon dú ínohin an baa lëgëyaa laas fayaagari. Iñaah ya fayu yaama enndii iñaa ya onu hen, wayee ya laas anagaagari. <sup>5</sup> Bo' yaa ga, ya tikkii yaakaa'ci ga kitum iñaa júwin wala iñaa júbpii, wayee ya gémmin ga Kooh, yii míñ ki'aboh bo', yaa faali'ii Kooh fodii bo' yijúwí' ga fíkíicida. Ngémaagari waama hay kitah bi Kooh abohhi bo' yijúwí'. <sup>6</sup> Dëwít ban wo'ee iñama ga loo daa Kooh abohi bo', bo' yijúwí' ga fíkíici ee ya malakoo ga iñcaa baa tumida: baa manda, yewinuunun múu'. <sup>7</sup> Ya wo'ee an: Yewinin múu' buwaa Kooh bayal tooñcaagaba ee nísin baakaa'caagabada. <sup>8</sup> Yewinin múu' buwaa Kooh malakkii baakaa'caagabada.

<sup>9</sup> Kiyewin-múu'kaama, Dëwít wo'eeda, kuu buwii gúrukcsa ba han̄bane? Buwii gúrukussiida bokussii gane? Ahan̄ kay, du han kiwo' karam an Kooh abohha Abaraham bo' yijúwí' ndaga Abaraham gémee gari hen. <sup>10</sup> Kon ga waa Kooh aboh

\* <sup>3:19</sup> 3: 19 Waasii Móyíis: Dii, iñii Waasii Móyíis waa' kiwo'da wérí en bëeb këyítcaa bídu ga kifiliimunkaa kufewaakaa Kooh na yaawúu'caada.

Abaraham fo' yijúwí'da, laak Abaraham gúrukino, gúrukki? Mon lakanaa ya gúrukki duum. <sup>11</sup> Kigúrukkaa Abaraham tumeeda enee mandargaa teewoh an ya gëmin ga Kooh kuméeñi' ee Kooh abohinndi bo' yijúwí' kuméeñi'. Iñaama nak yëri tah Abaraham en caasamunii buwii gúrukki béebla ee gëmuunun ga Koohda. Ee fodaa Abaraham, Kooh abohin buwii bibo' bijúwí' ga fíkiici. <sup>12</sup> Ee ban Abaraham, caasamun ga buwii gúrukkuunun ee ba eemmbii ga kigúruk dojda. Ee ba gëmin ban fodaa daa Abaraham gëmee kudewaa lak ya gúrukki duumda.

### *Buwii gëm ga Yéesuda bëri yah kilaas ga iñaa Kooh dígohda*

<sup>13</sup> Kudewaa Kooh díjnga Abaraham na tucaasamuntaagari an ya hayba ki'on ba lam èldúna. Iñaama Kooh dígohéeríiri ndaga Abaraham taabukee Waasii Móyíis, wayee dígohhi daa Abaraham gëmin gari ee ya Kooh abohinndi bo' yijúwí' ga fíkiicida.

<sup>14</sup> Enee an buwii taabuk iñcii Waasii Móyíis nakohda bëri yah kilaas ga iñaa Kooh dígohdanzaa, kon eneena buwii gëm ga Koohda, gëmsan sooy ee eneena iñaa Kooh dígohda enan sooy ban.

<sup>15</sup> En ki'enaa, waasii wëri fet aylukaa Kooh ga dlook buwii taabuksoo iñaa wa nakoh kitumda. Ee daa waas gaa ga, kideen waas laakoo daama. <sup>16</sup> Fodaama iñaa Kooh dígohda, kigëm doj këri onohiwa. Kooh yëri onoh iñaama ee ya sekki fay ga. Iñaa dígohu yaama béebl tucaasamuntii Abaraham téri laakwa. Eemmbii ga buwii taabuk iñii Waasii Móyíis nakohda doj, wayee le'in bi ga buwii bïinoo gëmu ga Kooh, fodaa caasammbuu Abaraham gëmeeda.

<sup>17</sup> Fodaama, bíduunun ga Këyítfaa, Kooh wo'a (Abaraham) an: «Mi tuminndaa caasamun heet ciyewin.» Yëri en caasammbuu ga fíki Kooh, yii ya gëm gari, ya yii mélísdì buwii kaaninda ee saki iñaa mosoo kilaakda. <sup>18</sup> Abaraham gëmmba ga Kooh, ammba yaakaa' gari ee lak sah buwii bïinoo foogu an yaakaa' leehin. Ee fodaama ya ennda caasamunii heet ciyewin fodaa Kooh wo'eerikada an: «Tucaasamuntiigaraa hínsan anee kiyewin.» <sup>19</sup> Ee ga wahtaa Kooh wo'ohhi iñaamada, lak Abaraham deeyin kilaak tikiis titéemée'. Ya ínoheera an ya kasohin ee Saaraa betici mínoo kilaak kowu, wayee ya líssa ki'am yaakaa' ga Kooh an yaama hay kitum iñaa ya díjngida. <sup>20</sup> Ya ínoheera an ya hay kilaas ga iñaa Kooh díjngida ee ya laakkii hel kanak ga iñaama. Ngëmaagari nammbari kibaat sah dooli ga waas Kooh ee ya yaa kañi Kooh. <sup>21</sup> Wóoreerari an Kooh laakin dooli kitum iñaa ya díjngida. <sup>22</sup> Iñaama tah Kooh abohhari bo' yijúwí' ga fíkiici. <sup>23</sup> Wayee wo'eenamaa bídu ga këyítfaa an: «Ya abohussa bo' yijúwí'da», bídussii wa eemmba gari. <sup>24</sup> Wa bíduunun, paaffa bi garuu, du bii du gëmin ga Kooh yii mélísi' Yéesu, Ha'mudiigaruu ga kikaanda. <sup>25</sup> Yéesu yaama erohsee ya apussa ndaga baakaa'ciigaruu. Lëehí'ta Kooh mélísi'tari en danaa Kooh abohhuu bo' bijúwí'.

## 5

### *Yéesu onin bo' kijúwoh na Kooh*

<sup>1</sup> Kon nak Kooh abohinnduu bibo' bijúwí', ndaga ngëmii du laakda. Diimadfa, du laakin nari jam ee kooroh ga Yéesu Kiristaa, Ha'mudiigaruu. <sup>2</sup> Yëri onnduu kilaas ga yérmaandii Kooh du enoh wati, ee kooroh ga ngëmii du laakda\*. Yérmaandaa waama du aasin ga ee keeñjuu soosin ga ndaga du yaakaarin kibok ga ndamaa Kooh. <sup>3</sup> Eemmbii ga iñaama doj: luu du enee ga coonu, keeñjuu soosin ndaga du ínohin an coonu féri tíwi kilaak keeñ ga bo'. <sup>4</sup> Kilaak keeñ këri oni bo' kimín kiyégis ngëm ga fíki coonu. Kiyégis ngëm ga fíki coonu këri baati yaakaa'. <sup>5</sup> Ee

\* <sup>5:2</sup> 5: 2 ee kooroh ga ngëmii du laakda Laakin lëegísohcaa bayii wo'eenciima ga këyítfaagaba.

yaakaaraagaruu waama tasoo múk, ndaga kiwaa'kaa Kooh tum ga keeñciigaruu, koorohha ga Helii yisela'í'yii, ya onnduuda. <sup>6</sup> En ki'enaa, kudewaa, ga wii du míni'tii haffuu darada, Kiristaanii hayya ga wahtaa Kooh waaroheekada, kaani'taruu, du bii du faali"iirida. <sup>7</sup> En ki'enaa, wóo'tii an bo' tookin ki'eroh kumuunkaagari ndaga mooroomci yiliis, luu enee an ya bo' yijúwí'. Heyna, enee an baa jofin díiraa mínin kitah bo' waa' ki'eroh kumuunci. <sup>8</sup> Kooh nak teewohin an ya waarinnduu fodii dii: Kiristaanii erohin kumuunci ndaga haffuu, ee wiima lak du lís bitumoh-baakaa'. <sup>9</sup> Waa Kiristaanii yérí aam ñífaagari fodii sarah ee fodaama Kooh abohinnduu bibo' bijúwí' ga fíkiici, wëñaa ga aylukaa Kooh hayanda, Kiristaanii mûsalooruu gawa moose? <sup>10</sup> Ee ga wii du en buwaa sagoh na Koohdfa, Kooh júwohi'taruu na hafci, koorohha ga kikaankaa Kowukaagari. Wëñaa ga, waa du júwohin nari diimadfa, kipeskaa Kowukaagari onooruu kimúce? Ahan kay. <sup>11</sup> Ee baatta ga iñaama, du mínin kima'koh Kooh kooroh ga Yéesu, Ha'mudiigaruu, ndaga ya yérí onnduu kijúwoh diima na Kooh.

### *Aadama mëdïrohu na Yéesu*

<sup>12</sup> Bo' yíinoo doj yérí haydoh baakaa' ga éldúna ee Aadama yérí. Baakaa' nak wëri haydoh kikaan. Fodaama kikaan tíkukka ga baa en béeb, ndaga béeb buwii tumin baakaa'. <sup>13</sup> En ki'enaa, baakaa' enee ga éldúna, lakanaa Kooh yóoskí'tii Waasii Móyíis duum. Ga jamaanaa Móyíis, Kooh abohéeríi buwaa baakaa'caagabfa. <sup>14</sup> Moona déy iñaa aboh ga jamaanaa Aadama bi ga jamaanaa Móyíis, kikaan tíkukee ga dook béeb, bi ga sah buwaa baakaarussii fodaa Aadama yaa sagee kitum iñaa Kooh nakoheedfa.

Aadama nak enee lëdí' ga baa jomee kihaydfa, <sup>15</sup> wayee yérmaandaa Kooh onnduuda wóotírohin na baakaaraa Aadama tumdfa. En an baakaaraa baa yaama, ya doj ya tumdfa tahin bo' biyewin kikaanaa, wëñaa ga yérmaandaa Kooh, na iñaa ya onoh ee meekisohhii dara ga, koorohha ga bo' yíinoo doj, ennda Yéesu Kiristaa, le'anndii bi dooy ga bibo' biyewine? <sup>16</sup> Iñii Kooh onohda wóotírohin na iñcii límuk ga baakaaraa waama bo' yíinoo doj tumdfa. En ki'enaa, baakaaraa wíinoo waama Aadama tumdfa, atti'aa límuk gadfa lëgíssa kisañku' ga béeb. Wayee hídaa ga dii baakaa'cii buwii hín kiyewinda téoh, Kooh, ga yérmaandaagari, onohin kijúb ga fíkiici. <sup>17</sup> En ki'enaa, ga baakaaraa bo' yíinoo doj tumdfa, kikaan laakin dooli ga buwii ndaga iñaa ya tum yaama. Wayee ga Yéesu Kiristaa doj, buwii laakin yewin ga Kooh: ya teebba yérmaandi widóoyí', ya onba kijúb ga fíkiici. Ga Yéesu kon, ba pesan ee ba yah bibuu' nari. <sup>18</sup> Fodaama, ga baakaaraa bo' yíinoo doj tum, kikaan tíkukka béeb buwiida, fodaama ban, enaama yíinoo yijúwí' yérí bo' tum, ya bëgíssa buwii ga kikaankaa bageebadfa, ya onndaba kipes. <sup>19</sup> Fodaama daa Aadama rek sanjee Kooh bi tahin béeb enuunun bitumoh-baakaa'da, fodaama Yéesu Kiristaa kelohdin Kooh bi tahin Kooh hay ki'aboh bo' biyewin bibo' bijúwí'. <sup>20</sup> Waasaa Móyíis hayya, en danaa, baakaa' míñ kiyewin, ee daa baakaa' yewinoh téoh, yérmaandaa Kooh wëñ da kihoom ban. <sup>21</sup> Ee fodaama daa baakaa' haydohee kikaan, ka tíkukka ga dook buwiida, fodaama yérmaandaa Kooh hay kitíkuk ga béeb buwii onba kijúb ga fíkiici, ee fodaama du laas ga kipeskaa leehoo taa'da, kooroh ga Yéesu Kiristaa, Ha'mudiigaruu.

## 6

### *Du enin buwaa kaanin na Yéesu ee ba bii pes nari*

<sup>1</sup> Kon du wo'an ya diima? Du enukohan ga kibaakaa' doonaa yijófi'ya Kooh waari'tuufa wëñ ki'aamuk ga dzuuycuune? <sup>2</sup> Mínoo ki'en kay! Du man na buwaa kaanin ee baakaa' laakkissii dooli ga dookba. Kon mínan na ki'en baakaa' lísí kikuliyuk ga kipessuu? <sup>3</sup> Dú ínohin moos an ga waa dú bëtisi'u, dú ennda wíinoo

na Yéesu Kiristaada, dú teewohee ban an dú bokin nari kikaan. <sup>4</sup> Kon kooroh ga bétisaama, du enin buwaa kaanin nari, du acdohussa nari, doonaa Kooh Paamudii mélisi'tuu ga kikaan fodaa ya milísi' Kiristaa ga dooli ndamcida. Ee fodaama du ban, du laak kipes ki'as, kaa du aasohan. <sup>5</sup> Ee waa du enin wiinoo na Kiristaanii ga waa du kaan narifa, du hay ki'en nari wiinoo ban ga kimílskaagaari. <sup>6</sup> Ínohat an daa du madee ga kipessuu kudsewaadfa, Kooh daaydohinwa na Yéesu Kiristaa ga kuraanaa ya kaanohda, doonaa ya dúbí'doh faan-baakaa'faa du bayeeda, ee fodaama du ensisoo ñaam-baakaa'. <sup>7</sup> Ndaga baa kaanin, baakaa' laakissii dooli ga dookci. <sup>8</sup> Waa du kaanin na Kiristaanii, du gömat ban an du hay kipes nari. <sup>9</sup> En ki'enaa, du ínohin an Yéesu Kiristaa mélisin ga kikaan, ya yahissii kikaan. Ee kikaan ga kihafci laakissii dooli ga dookci. <sup>10</sup> Ya hégískohin na baakaa' bi leehha ga waa ya kaanda. Diimada ya yii pes ee ya pesi' Kooh bi taa'. <sup>11</sup> Ee fodaama dú ban, abat an dú man na buwaa kaanin ee baakaa' laakissii dooli ga dookkúu, dú ínoh ban an dú bii pesi' Kooh bi taa', ndaga dú en wiinoo na Yéesu Kiristaa.

<sup>12</sup> Kon, kaa tooksat ki'en ñaam-baakaa', sagat kikeen ga iñcii cibóni'cii faanciigarúu aaw kikaan meekisohida. <sup>13</sup> Kaa tooksat kilégísi' baakaa' hal ga haffúu, waa tumlukohirúu iñaa jofffi. Namat ki'eroh haffúu ga Kooh, waa dú enin buwaa kaanin bi mélisuunun. Erohat haffúu bi leeh tak gari, en dñanaa, ya éewdohhúu ga kitum yijúwí'. <sup>14</sup> En ki'enaa, baakaa' laaksisoo dooli ga dookkúu ndaga dú ayukissii ga iñaa Waasii Móyíis nakohda, wayee dú ayuk ga yérmaandaa Kooh.

### *Du dëkat ga kitum yijúwí'*

<sup>15</sup> Kon diimada du jom ya kiwo'? Du wo'at an du ayukissii ga Waasii Móyíis, wayee du ayuk ga yérmaandaa Kooh. Kon luu du baakaaree, iñaama enoo darane? Ó'oo kay! <sup>16</sup> Mon dú ínohin an binaa dú e' bo' haffúunaa, dú abi an dú hayyi kitaabuk, ee fodaama dú en ñaamci. Kon binaa baakaa' wéñnjúu doolinaa, lak dú enin ñaam gawa, ee fodaama wa éewdohhúu ga kikaan. Ee, en an Kooh yéri dú taabukaa dú enan ñaamci ee ya hayyúu ki'aboh bifo' bijúwí'. <sup>17</sup> Mon kudewaa dú enee ñaam-baakaa', ee diimada dú namin kitaabuk Kooh. Fodaama dú daakin ga keeñnjúu kayohfii dú jégírudfa. Du gérémat Kooh ga iñaama. <sup>18</sup> Kooh nísinndúu ga kiñam-baakaa'kaa dú enoheeda ee dú enin ñaamci doonaa kipessúu en kipes kijúwí'. <sup>19</sup> Iñii yii, mi wo'i man na dii buwii wo'ida ndaga helciigarúu gaawoo ki'am yen. Kudewaa, dú erohee faanciigarúu hen, ca ennda ñaam iñaa moroo na iñaa júbpii ee lími'tarúu kesi iñaa jofffi. Kon diimada, erohat faanciigarúu, ca en ñaam iñaa júwin, doonaa kipessúu en iñaa sela'in. <sup>20</sup> Kudewaa, ga waa dú lís ki'en ñaam-baakaa'da, waassúu enéerii ga kitaabuk yijúwí'. <sup>21</sup> Dú laak ya ga iñcaa cibóni'caa dú tumee kudewaaadfa ee wati ca enin kaci garúu? Iñcaaama déy, kikaan doj kérí ca haydohi. <sup>22</sup> Diimada nak Kooh bégísinndúu ga ki'en ñaam-baakaa' ee dú enin biñaamci. Kon neehalaan dú laas ga iñaamada wérí en an dú sela'i' kipeskiigarúu, ee méeñjohaa, dú laas ga kipeskaa leehoo taa'da. <sup>23</sup> Fayaa baakaa' wérí en kikaan; Kooh nak, iñaa ya onoh ee meekissii ken dara gada wérí en kipeskaa leehoo taa' ga Yéesu Kiristaa, Ha'mudiigaruu.

### *Waasii Móyíis tíkukissiiruu*

<sup>1</sup> Mbokcii, dú ínohin iñii mi yahhúu kiwo'da. Dú ínohin dijófí' an waas tíkuki bo' lakanaa ya yaa lís kipes. <sup>2</sup> Malkat ga betifaa en na kipajuk: en an yaalci yaa lís kipesaa, waas ebilli kites nari bi ga daa yaama kaanan. Wayee binaa yaalaa kaanaa, lak ya bégísekun ga waasaa ebileeri kites narida. <sup>3</sup> Kon ya aboh na yaal yiliis, ee lak yaalci ya lís kipesaa, ya hay kitíku betifaa dúki yaalci, faanuki na bo' yiliis. Wayee

binaa yaalci kaanaa, lak ya bëgísukin ga waasaama; ya mínin ki'aboh na yaal yiliis ee ya tíksoo betifaa dúk yaalci, faanuk na yaal yiliis.

<sup>4</sup> En garúu fodaama ban mbokci: kooroh ga kikaankaa Kiristaanii, dú kaandohha nari, kon Waas tíkukissiirúu. Dú buu bo' yiliis, ee baama yérí mélís ga kikaankaa doonaa kipeskiigaruu límí' Kooh jeriñ. <sup>5</sup> Kudewaa, ga wii du en na kipes ga rek iñaa neb kumuunnduuda, iñcii cibóní'cii Waasii Móyiis yúun garuudfa cérí yëngëlee faanciiruu ee ca límí'taruu kikaan. <sup>6</sup> Kudewaa, Waasii Móyiis abeeruu fodii ñaam, diimada du man na buwaa kaanin gawa, wa tíkukissiirúu. Diimada nak du taabuk kijaamuk-Kooh ki'as fodii dii Helii yisela'í'yii teebsuukada, wayee enissii fodaa daa, kudewaa, Waasii Móyiis nakoheekada.

### *Waasii Móyiis wëri teewoh iñii en baakaa'da*

<sup>7</sup> Kon du jom ya kiwo'? An Waasii Móyiis wëri haydoh baakaare? Múk! Wayee Waasii Móyiis wëri onndoo ki'ínoh iñii en baakaa'da. En ki'enaa, Waasii Móyiis wo'éeríi an: «Kaa díibuk kilaas enaama mooroomfunaa», eneena mi ínohoo baakaaraa en ga kidíibuk enaama bo'da. <sup>8</sup> Baakaa' nak heel hal ga iñaama Kooh nakoh kitumda, wa hayya ga dsuuy keeñiigoo, wa yúunnda ga dsuuycoo halaat kidíibuk kilaas téoh iñaa neb kumuun bo'. En ki'enaa, waas laakéeriinaa, eneena baakaa' enoo. <sup>9</sup> Kudewaa, mi, ga wii mi ínohéeríi iñii nakohu kitumda, mi yérí enee na kipes; wii mi ínohha iñcii Móyiis nakohfa nak, baakaa' wëri bewee kipes ga dookkoo, <sup>10</sup> ee mi nammba kikaan. Fodaama iñaa nakohu kitum ee jomeeroo ki'on kipesfa, ekkaroo kikaan. <sup>11</sup> En ki'enaa, baakaa' heella hal ga iñaa Kooh nakoh kitumda, dúkkaroo ee apparoo kooroh ga iñaama nakohu kitumda. <sup>12</sup> Kon Waasii Móyiis sela'in ee iñaa Kooh nakohfa sela'in, júwin, jofin. <sup>13</sup> Kon iñaa yijóff'yaam aama ekkoo ga kikaane? Múk! Baakaa' kay wëri tumka, doonaa daa wa manda míñ kihotuk. Wa kooroh ga iñaa yijóff'yaam aama, wa ekkaroo kikaan. Fodaama wa kooroh ga iñaa nakohu kitumda, wa wëñnja da kibon.

### *Iñii bo' waari kitumda mínoori kitum*

<sup>14</sup> Du ínohin an Waasii Móyiis meyoh ga Kooh. Mi nak, mi bo'-súusús, mi toonuunun fodii ñaam ga baakaa'. <sup>15</sup> Mi ínohoo dara ga iñcii mi tumida. En ki'enaa, mi tumoo iñcii mi waari kitumda, mi nami kitum cii mi waaroо kitumda. <sup>16</sup> Waa iñcii mi tumida, mi waa'tiica, kon mi tookin an Waasii Móyiis jofin. <sup>17</sup> Kon binaa mi tum iñaa mi waa'tii kitumaa, enndii mi tayka, wayee baakaarii en ga dsuuycooda wëri tumlukohhoo ka. <sup>18</sup> Mi ínohin an enaama yijóff' laakoo ga dsuuycoo, mi waa' kiwo' ga kipes faanndoo. En ki'enaa, kiwaa' kitum yijóff' kii garoo, wayee mi mínooka kimëti'. <sup>19</sup> Mi tumoo yijóff'yii mi waari kitumda, wayee mi tumi yibóní'yii mi waa'tiidfa. <sup>20</sup> Binaa mi tum iñaa mi waa'tii kitumaa, enndii mi tumlukoh haffooka, wayee baakaarii en ga dsuuycooda wëri ekkoo ga. <sup>21</sup> Iñii yii yérí mi hot ga haffoo: wahtaa mi waa' kitum iñaa jofin téoh, yibóní' yérí tuukukiroo tek. <sup>22</sup> Waasii Kooh newinndoo lool ga dsuuycoo. <sup>23</sup> Wayee mi hotin an laakin waas wiliis waa en ga faanndoo ee wëri lebirohi na iñii heliigoo teebspooda. Wa tummboo ñaam ga waas baakaa', wii en ga faanndooda. <sup>24</sup> En ki'enaa, massa mi! Bii mísalanndoo ga faanfigoo fii éewdohhoo ga kikaanda ba? <sup>25</sup> Mi yii gérém Kooh ndaga mi laakin baa mísalanndoo ee yérí en Yéesu Kiristaa, Ha'mudiigaruu. Ga helloo mi abin an mi tookin Waasii Kooh, wayee ga kibo'-súusússoo mi taabuk waas baakaa'.

### *Kipeskii Helii yisela'í'yii oni bwiiida*

<sup>1</sup> Kon diimada, buwii en wiinoo na Yéesu Kiristaada, atti'soo kikaan. <sup>2</sup> En ki'enaa, Waasii Helii yisela'í'yii oniraa kipes ga ki'enfu wiinoo na Yéesu Kiristaada

bëgísinndaa ga waas baakaa' na kikaan. <sup>3</sup> Iñaa Waasii Móyíis míneeríi kitum, ndaga dii bo'-súusús laakoo dooli tah wa míneeríikada, Kooh tuminni. Ya tumwa ga waa ya wos Kowukaagari éldúna, ka bayya faanciigaruu, du, tumoh-baakaa'cii, doonaa ka nísí'tuu baakaa'ciigaruu. Fodaama, Kooh atti'a kikaan baakaaraa en ga bo'-súusúsda. <sup>4</sup> Ya tuminka doonaa kooroh ga iñaamanaa, du tum bi mat iñaa Waasiigari nakohda, du íis kon kitaabuk waasaa du sak na kihaffuudu wayee du taam ga Waasii Helii yisela'í'yii. <sup>5</sup> Buwii pesi ga iñaa neb faanda taabuksi neblaat-kumuunba doj, wayee buwii pesi ga iñaa neb Helii yisela'í'yiida taabuksi Helii yisela'í'yii rek. <sup>6</sup> Kidék ga kitaabuk neblaat-kumuun, éewdohi bo' ga kikaan doj, ee kidék ga kitaabuk iñaa neb Helii yisela'í'yii onohi kilaas ga kipeskii kukayohkii na ki'en ga jam. <sup>7</sup> Buwii tíku helba ga kitaabuk neblaat-kumuunbadsa sagohuunun na Kooh. Ba tookoo kitum iñaa Kooh nakoh ee ba míooka hen sah. <sup>8</sup> Buwii taabuk neblaat-kumuunbadsa mínsoo Kooh kinebloh.

<sup>9</sup> Dú nak, dú pesissii ga kitaabuk neblaat-kumuunndúu, dú pes ga kitaabuk Helii yisela'í'yii, ndaga Heliima wii dékka ga duuy keeñciigaruu. Baa laakkii Helii Kiristaanii ga duuy keeñagarinaa, enndii yuu Kiristaanii. <sup>10</sup> Ee binaa en an Kiristaanii yii ga keeñnjúunaa, kayoh faanciigarúu aawan ga kikaan rek ndaga dii dú tumin baakaa'da, wayee Heliigari oninndúu kipes ndaga dii dú abohuunun bo' yijúwí' ga fíkiicida. <sup>11</sup> Ee ban, waa Helii Kooh mélísi' Yéesu Kiristaa ga kikaanda, dú dékfinwa ga keeñnjúu kayoh-kayohda, wóorin an Kooh yiima hay kimélísi' faanciirúu kaaninda ban kooroh ga doolii Heliigari dék ga duuycúuda.

<sup>12</sup> Kon, waa en fodaama, dú mbokciigoo, laakin iñaa wa'tuu, wayee enndii ga iñaa neb faan bi du pesi ga iñaa neb kumuunnduu. <sup>13</sup> Binaa dú pes ga kitaabuk iñaa neb faanaa, dú hay kikaan. Wayee binaa dú lègísi' Helii yisela'í'yii hal ga haffúunaa, dú hay kitagoh na kitum iñcii cibóní'cii dú tumidfa, ee fodaama dú laas ga kipeskii kukayohkii. <sup>14</sup> Béeb buwii Helii Kooh níi'da, ba bitowu Kooh. <sup>15</sup> Heliima Kooh onndúudsa tumoorúu ñaam, ee wa hay kitah dú niiksoo dara, wa yahhuu kitum bitowu Kooh. Wa hayyuu kimín ki'on kibay Kooh: «\*Abaa, Paammboo!» <sup>16</sup> Helii Kooh wiima wérí oniruu ki'ínoh ga keeñjuu kayoh-kayohda an du bitowu Kooh. <sup>17</sup> Ee waa du bitowu Kooh, du hay kilam ga iñcaa cijóf'caa ya faani'tuuda; ee iñcaama, du na Kiristaanii du hayca kilam. En an du bok nari kiday coonunaa du bokan nari ban ga ndamaa ya laakda.

### *Kooh hayuu ki'on ndam wiyaak kuwis*

<sup>18</sup> Mi foogin an coonucii du en na kiday watidfa, enndii dara ga fíkii ndamaa Kooh yahhuu ki'on kuwisda. <sup>19</sup> En ki'ena, éldúnaanii Kooh sakfa, besoo bes, wa wii sek Kooh teewoh ndamii towutiigari. <sup>20</sup> Éldúnaaniima Kooh sakfa, wii taabuk waasaa éewdohwa ídaa ee wa tayyiika. Kooh yérí tíkwa iñaama, wayee hoonohhii wa abin yaakaa', <sup>21</sup> ndaga bes waa hay, Kooh hay kibégis éldúnanii ya sakfa ga doolii sanju'wa, ammbawa ñaamfa. Ee fodaama wa laak hafwa, wa eku ban ga ndamaa towutii Kooh. <sup>22</sup> En ki'ena, dú ínohin an bi wati, éldúnaanii Kooh sakfa lís ga mesiklaat fodii betifaa en na ki'ín ndaga coonucaa ga kilaak kowuda. <sup>23</sup> Mesiklaataama keenndii rek ga éldúnaanii kesi, wa keenin bi ga dookkuu du bii du laasin ga Helii yisela'í'yii, ennda iñaa ya dëb ki'onoħda; du bii íin ga keeñciiruu ee du bii ga kisek besaa Kooh yahhuu kitum bitowucida ee ya bëgísanduu ga kikaanda. <sup>24</sup> En ki'ena, Kooh müsalinnduu wayee du taam ga na ki'am yaakaa'. Ee fu hot iñaa fu yaakaaraa, iñaama ensisoo yaakaa'. Iñaa fu hotin, fu lísan na kiyaakaa' gari? <sup>25</sup> Wayee waa iñaa du yaakaa'da du hottiiri duum, kon du jommbi kisek hen, du guu'guuluk ga iñaama. <sup>26</sup> Fodaama ban, Helii yisela'í'yii hayinnduu ki'amdoch ndaga du laakoo dooli. En ki'ena, du ínohoo daa kikiim Kooh enifa. Helii ga kihafci

kíimi'tuu Kooh ga cfuuyci, fodii baa en na ki'ín wo'eenaa wo'koo na kúuw. <sup>27</sup> Kooh yii ínohin iñaa en ga keeñ baa en béeþda, ínohin ban iñaa Helii yisela'í'yii meekisohda, ndaga wa kíimdi buwii en buu Koohda daa Kooh waarohkada.

<sup>28</sup> Du ínohin an buwii waa' Koohda, ennda buwii ya nook ga hafci kitaabuk iñaa ya nakohda, iñaa hew gaba tóoh Kooh hay ki'ek yahci ga bi ba bewoh yijóffí ga. <sup>29</sup> En ki'ena, buwaa ya tanuk kuméen'i'da, ya daakdin hafciba, doonaa ba en fodii Kowukiigari, ee fodaama, ka en saawii bo' biyewin ga oomaacii. <sup>30</sup> Buwaama ya ðaaki' hafcida, ya nookinba ban ba hay garid, ee buwaa ya nook ba hay garida, ya abohinba ban fodii bibo' bijúwi' ga fikíci; ee buwaa ya aboh fodii bibo' bijúwi' da, ya erinba ndam ban.

### *Kiwa'a'kii Kooh waa'tuuda laakoo daa ka eem*

<sup>31</sup> Kon waa enin ða, du yah ya kiwo' yiliis? Waa Kooh taam naruu, bii yiida míñ yen garuu? <sup>32</sup> Ya yaa, ya sañngii Kowukaagari ka koo' ga coonu ndaga du béeþpuu du tah ya erohhakada, kon ya na Kowukaagari, ya tumdooruu iñaa en tóohe? <sup>33</sup> Buwaam Kooh tanuk ga hafcida, bii yiida míñan buwaama kiyam yen? Kooh yérí abohba bibo' bijúwi'. <sup>34</sup> Bii yiida míñba ki'att' kikaan? Kiristaanii, ga kihafci, kaanin, wëñaa ga Kooh mélísdinndi; ya yugin, hanohin Kooh yah-ñaabaagari ee ya yaa kíimi'tuu Kooh. <sup>35</sup> Ee bii míñan ki'aas ga díkaantiruu na Kiristaanii bi hégísohhuu na kiwa'a'kiigarida ba? Yah coonu ciméeskíroo yah kitíit, ati kihatalluu ga kipes, wala a', kinduul wala iñaa míñ kihídí' kumuun bo' ga, wala kikaan? <sup>36</sup> En ki'ena, iñii daliruuda yérí bídu ga Kéyítfaa an: «Kím bi noh aas, dí bii apu ndaga fu, dí bii malaku fodii baalcaa éewdohu kihossumnee.»

<sup>37</sup> Wayee ga iñaa dalluu tóoh, yiima waarinnduuda tum bi du mey ga na ndam wiyaak. <sup>38</sup> En ki'ena, wéerinndoo an enndii kikaan, enndii kipes, enndii malaakacii, enndii cii na kinguurukda, enndii wati, enndii kuwis, enndii ha'-dooli, <sup>39</sup> enndii doolaa en ga dlook, enndii waa en ga kakayda, wala yen yiliis yaa saku hen, laakoo dara iñaa míñnduu kihégísoh na kiwa'a'kii Kooh teebpuu ga Yéesu Kiristaa, Ha'mudiigaruuða.

## 9

### *Heetii Isarayeel Kooh tanukda*

<sup>1</sup> Ga dii mi en wíinoo na Kiristaaniida, iñii mi wo'da kayoh fiwóori', mi wo"ii saboh. Heliigoo taaboh na Helii yisela'í'yiida teewinndoo an mi wo' kayoh. <sup>2</sup> Keeñnjoo leehin tak ee mi korukin coonucaa leehoo. <sup>3</sup> Calalinndoo sah Kooh coñnjoo mi hégískoh, mi ga kihaffoo, na Kiristaanii, en danaa mbokciigoo mi bok naba heetda míúcu. <sup>4</sup> Buwaama bérí en bu-Isarayeel ee Kooh tuminba bitowuci, ya teewinba ndamiigari, ya pokohin naba kifiiliimun, ya erinba Waasii Móyíis, ya teewinba dii ya jom kijaamukuda, ee ya díginba\*. <sup>5</sup> Ba límukoh ga caasamuncaagaba meyoh ga níilaa Abarahamda†; ee Kiristaanii, ga kibo'kaagari, límuk ga buwaama, ya yíi ya en Koohyii hanoh béeþ dlookda. Ndam aawat gari bi taa'. Aameen.

<sup>6</sup> Mi waa'tii kiwo' an iñaa Kooh dígee bu-Isarayeelda, ya tummbiiri. En ki'ena, enndii an towutaa Isarayeel‡ béeþta boku ga heetaa Kooh tanukda. <sup>7</sup> Ee ban, enndii an béeþ buwaa bok ga níilaa Abarahamda, bitowuci. En ki'ena, Kooh wo'ee Abaraham an: «Tucaasamuntaa mi dígeeraada meyohsan ga geñaa Ísaak.»

\* **9:4** 9: 4 Kidíñkii Pool wo' diida míñ ki'en dígaa Kooh na Abarahamda, ee ðan, bo' míñin kihalaat ðan wo'eencaa sëldíiga-Koohcaa (2 Samiyeel 7: 12, 16; Ísayí 9: 6; Yérémíi 31: 41- 34; Esekíyeel: 34: 23- 24) † **9:5** 9: 5 Caasamuncaa wo'uda Abaraham, Ísaak na Yakoop, na towutaa Yakoop tidaanqaaah na tanaktaa (12) ‡ **9:6** 9: 6 Wo'eenii Pool wo' dii en anee: «enndii an towutaa Isarayeel béeþta boku ga Isarayeel»: towutaa Isarayeel míñ ki'en towutaa meyoh ga Yakoopda. Malkat Sënees 32: 29.

<sup>8</sup> Iñamaa waa' kiwo' an, towutaa límukoh ga bo' rek tahhii ta en towu Kooh. Towutaa en tuu Koohdfa, téri en taa límukoh ga díga Kooh dígee Abarahamfa§. <sup>9</sup> Iñii yii nak yérí Kooh dígee Abaraham, an: «Wahtii wii gaac, mi hay garaa kihayis ee laakan betifu Saaraa laakin kowu kiyaal.»

<sup>10</sup> Ee eemmbii dsa; enissa fodaama na Rebekaa. Ya laakka na caasammbuu Ísaak siis, baa bok paamun yíinoo. <sup>11-12</sup> Kooh wo"ari an: «yaakkaa hay kisúrga'uk ga kéméenkímunaa.» Wii Kooh wo' iñamaa lakanaa ba límussii ee ba tummbii yibóní', ba tummbii yijófí' duum. Iñamaa Kooh tummbari kimétí iñaa ya natin kitum, ya teewohha an ya tanuki ga daa nebpi, ee ya malakoo ga iñcaa cijófí'caa bo' tumi wayee ga bayaa ya bayyida. <sup>13</sup> Iñamaa yérí bídu ga Kéyítfaa, Kooh wo' an: «Mi tanukka Yakoop, mi sagi'ta Esawuu.»

<sup>14</sup> Du yah ya kiwo' ga iñamaa? Du wo'an an iñaa Kooh tumfa júbpiine? Mínoo dsa ki'en. <sup>15</sup> En ki'naa, Kooh wo'ee Móyiis an: «Mi laakan yérmaandi ga baa mi waa' kiyérém, mi jofan ga baa mi waa' kijof gari.» <sup>16</sup> Kooh tanuk bo'aa, enndii an baa yérí waarika wala yérí lègëyika, wayee Kooh ga kihafci yérí laaki yérmaandi gari. <sup>17</sup> Ndaga bidu ga Kéyítfaa an Kooh wo' buuraa fu-Esípti an «Mi falinndaa buu' doonaa kooroh garaanaa, mi teewoh kiyakkiigoo ee teekiigoo síw daa en tóoh ga éldúna.» <sup>18</sup> Fodaama, Kooh laaki yérmaandi ga baa nebpi ee ya yégísdí keeñ baa nebpi.

<sup>19</sup> Bo' hayyoo kimeekis an: «Waa ken mínoo dara ga iñaa Kooh waa', kon ya na buwii ga ya?» <sup>20</sup> Mi nak, mi wo' an fu, bo'-súusúus, fu nam ki'en ba bi fu weeraanti'i na Kooh? Kataa míni kíwo' baa tawahkada an: «Iñii tah ya fu tawahhoo fodii dii»?

<sup>21</sup> Man tawahoh kataa míni kitum ga ban iñaa nebpi: ga yoonj-banaa wa wiinoo, ya míni ga kihéwí' kataa-túuy kimo'ta na ban kataakaa foñsi ga fooh\*. <sup>22</sup> En an Kooh waaree kiteewoh aylukaagari na doolaagari, ya tookka kon kimúuñi' iñaa maañ, buwii tahee aylukaagari, ee kisañku' jomeeba ga kilaakfa; <sup>23</sup> ee ban, en an ya waaree kiteewoh daa ndamaagari hín kiyak ga dookkuu, du buwii ya laakin yérmaandi gaba, ee ya waayuki'ba kilaas ga ndamaagarifa, <sup>24</sup> du béeþpuu, du bérí Kooh nook ga hafci. Ya eemmbii ga kinook yaawúu'cii don ga hafci, wayee ban buwii enussii yaawúu'da.

<sup>25</sup> Fodaama, ya wo"aka ga Kéyítfaa Osee, sélídíiga-Koohaa an:  
«Buwaa kudewaa enéeríi buuroodfa,  
mi hayba kiwo' buunndoo.

Heetaa kudewaa soosdéeríi keeñjooda,  
mi haywa kiwo' heetii soos keeñjooda.

<sup>26</sup> Daa ba wo'ohseera an ba enndii heetiigoo tóoh,  
ba hay da kiwo'u towutii Kooh yii en na kipesfa.»

<sup>27</sup> Ísayíi, sélídíiga-Koohaa, ga bakci, yéegaloheera ga looba an:  
«Luu enee an bu-Isarayeel, ba yewin hen  
bi ba hídin na tukakaytaa en ga giyyaada,  
bijutuut gaba, bérí yah ga kimúc.

<sup>28</sup> En ki'naa, Ha'mudii hay kitum bi mat, ga éldúna,  
iñaa ya wo'da ee yah kigaaw hen.»

<sup>29</sup> Ee fodaa Ísayíi yaama wo'eeka kuméení'da an:  
«Binaa Kooh, yii hanoh dookfa müuñdéeríi bibo' ga heetiigarunaa,  
ennaan du dúbin fodaa bu-teeraa Sodom,  
du man na bu-teeraa Gomoo'.»

### Hewhewii winéwí'wii ga fíkii bu-Isarayeel

§ 9:8 9: 8 Dígaama wo' ga kilímukkaa Ísaak ee enee enama yidóoyí'-waa'da. \* 9:21 9: 21 Malkat Yérémíi  
18: 6 «...du man ga yahhoo fodii dii ban man ga yah hëwíroh kataada»

<sup>30</sup> Kon du aban ya kimma? Iñii yii: buwii enussii yaawúu' heelséerí Kooh abohba bibo' bijúwí'dsa, Kooh abohhaba bibo' bijúwí'. Ee ngëmaa ba laak ga Kiristaaniida onbaka. <sup>31</sup> Wayee bu-Isarayeelbaa heelee Kooh abohba bibo' bijúwí' ga daa ba taabuk Waasiida, laakussii iñaama ga. <sup>32</sup> Iñii tah ya ba laakkiika? Ba tíkee yaakaa'ba ga tumeencaagaba, ba sajnga kigëm ga Kooh. Ba tapukka ga atohaa këfíti bo'dsa, <sup>33</sup> fodaama, Kooh wo' ga Këyítfaa an:

«Mi hay kiyíp ga teeraa Síyoŋ  
atohaa buwaa këfítukohan,  
ee wérí búukanba.  
Wayee baa fu gëm gawanaa,  
yaakaaraagaraa tasoo mún»<sup>†</sup>.

## 10

<sup>1</sup> Mbokcii, iñii mi waa' ga keeñnjoo ee mi kíim Kooh gada, wérí en an buwii mi bok naba heetdsä, ba múc. <sup>2</sup> Kayoh, mi míñin kiseedi' an ba kaantukohin ga kijaamuk Kooh, wayee kikaantukohkiigaba, ba taammbii ga na hel. <sup>3</sup> Ba ínohoo daa koorohsi bi bo' míñ kijúb ga fíkíi Koohda, ba heella kituuki' waas waa ba koorohan ga kihaffba. Ga iñaama, ba tooki'tii Kooh ga iñaama ya tum kijúwí'bada. <sup>4</sup> En ki'enaa, Waasii Móyíis top ga wii Kiristaa hayda; en d'anaa béeb baa gëmin míñ ki'abohu bo' yijúwí' ga fíkíi Kooh.

### *Kimúckii kii ga béeb baa gëm ga Yéesu*

<sup>5</sup> Iñii yii yérí Móyíis bín ga loo iñaama tahi Kooh ki'aboh buwii bibo' bijúwí', ee kooroh ga Waasii Móyíisdfa. Ya bín an: «Baa taabuk Waasii ga béeb iñii wa nakohdanaa, pesan gawa.» <sup>6</sup> Wayee ga daa kigëm ga Kiristaa onohi kijúb ga fíkíi Koohda, iñii yii yérí wo'u ga an:

«Kaa wo' ga helfu an:

Bii yiida yah kilap dook asamaan?» Waa' kiwo': kibewohnee da Kiristaanii, ya yoosuk?

<sup>7</sup> Kaa wo' ban an:

«Bii yiida yah kiyosuk daa buwaa kaanin enohda?» Waa' kiwo': kikólki' Kiristaanii ga buwaa kaninda, ya hay?

<sup>8</sup> Këyítfaa wo' ya kon ga kijúb? Iñii yii:

«Wo'eenii Kooh, wii ga yahaafu,  
wa wii ga kúuwiigaraa na ga keeñiigaraa»<sup>☆</sup>.

Wo'eenii wiima wérí en wii dí yéegal buwii an ba gëmat ga Yéesuda. <sup>9</sup> Béeb baa fu wo' ga kúuwfufu, ga fíkíi buwii, an Yéesu yérí en Ha'mudii, ee fu gëm ga keeñiigaraa an Kooh mílísfinndinaa, Kooh hayyaa kimúsal. <sup>10</sup> En ki'enaa, baa gëm ga Yéesu ga keeñiagarinaa, Kooh hayyi ki'aboh bo' yijúwí' ga fíkíici; ee baa wo' ga kúuwci an Yéesu yérí en Ha'mudiinaa, Kooh hayyi kimúsal. <sup>11</sup> Iñaama yérí Këyítfaa wo' an:  
«Béeb baa fu gëm garinaa, ya oorooraan mún.»

<sup>12</sup> Fodaama laakoo kigénantiloh an, yii yaawúu', yii enndii yaawúu'. Du béebsuu, du bok ga Ha'mudii, ee ya tumdi bi dooy béeb buwii kímiri dímalda. <sup>13</sup> Bíduunun ga Këyítfaa an:

«Béeb baa fu bay Ha'mudii kikiim dímalaa, ya hayyaa kimúsal.»

<sup>14</sup> Iñaama yérí laak. En ki'enaa, binaa buwii gëmussii garinaa, ba kooran gada bi ba míñ kifool gari kikiim dímal? Ba tuman na bi ba míñ kigëm gari, ee ba kelohhii teekiigari wo'u? Ba tuman na bi ba keloh teekiigari, ee laakkii baa yéegalohwa?

<sup>†</sup> 9:33 9: 33 Mëdïrohat na Ísayíi 28: 16, ga daa ka wo'u ga kiGerekkaa kidewaaifa. Malkat þan Ísayíi 8: 14-15

<sup>☆</sup> 10:8 10: 6-8 Malkat Dëteronom 9: 4; 30: 12-14.

<sup>15</sup> Kon buwaa yéegalohan teekiigari meyohan gada, ee laakkii buwaa wosu. Moona Kéyítfaa wo'in an:

«Malkat ga dii keeñcii buwii soos ga hayii buwii hay kiyéegaloh Hewhew cinéwí'da.»

<sup>16</sup> Wayee nak enndii buwii béeßba bëri keloh Hewhewii winéwí'wii, taabukussawa. Ísayii, sëldíiga-Koohaa wo' an:

«Ha'mudii, moo bii yiida gém ga iñii dñu yéegalohdñsa?»

<sup>17</sup> Kon kigém meyoh ga kisúkúruk Hewhewii winéwí'wii yéegalohuda ee He-whewaama en Wo'eenaa Kiristaanii. <sup>18</sup> Wayee mi wo' an ba kelohhii Hewhewii winéwí'wii hene? Ahañ kay! Ba kelohinwa dijófí'. En ki'enaa, Kéyítcaa wo'in an:

«Toonaataagaba kelohukin daa en béeß ga ēldúna

ee wo'eenba le'in bi ga topaaraa ēldúna.»

<sup>19</sup> Kon mi meekisohis an bu-Isarayeel ínohsuu kayoh-kayohdñane? Ahañ kay! Kooh cfeweera kiwo', koorohha ga kúuwkaa Móyíis, an:

«Mi hay kitum bi, dñu siisoh buwaa enussii heet duumda, mi obis aylukkúu ga bibo' biliis baa laakoo hel.»

<sup>20</sup> Ísayii, sëldíiga-Koohaa kaañnja kiwo' ga iñaa Kooh nakki kiwo'da an:

«Buwaaheelséerfiroo kihotda, hotuununndoo. Ee mi teewohin haffoo ga buwaa tíkséeríi helba garooda.»

<sup>21</sup> Wayee ga iñaa aaw ga loo bu-Isarayeel, Kooh wo' an:

«Noh noh, mi yii lérís yahigoo heetaa wëe'taa ga an wii, wa kelohoo kiwo' ee wa yégisin ga haf.»

## 11

### Kooh foñnjii heetii bu-Isarayeel

<sup>1</sup> Kon mi meekisoh an, ati Kooh foñin heetiigari? Mínoo da ki'en! En ki'enaa, mi ga kihaffoo, mi bok ga bu-Isarayeel, kucaasamun Abaraham, ga geñaa Beesamee. <sup>2</sup> Kooh foñnjii heetiigari ya tanukee kumëeñí'da. Mon dñu ínohin iñaa bidu ga Kéyítfaa, ga loo Ili, sëldíiga-Koohaadña. Ya ña'sukohee ga fíkii Kooh loo bu-Isarayeel. Ya wo'ee an: <sup>3</sup> «\*Ha'mudii, buwii bii apuunun sëldíiga-Koohciigaraa, ba pookin loteelcaa dí tumohdeeraa sarahda. Diimadña, mi doñ mi tes baa taabukkaa ee ba waa'too ki'ap ban.» <sup>4</sup> Kooh ga kihafci wo'ari an: «Fu tessii hanñfu, mi faandin haffoo bo' bijúnni-yitnabananak baa jaamukussii Baal\*.»

<sup>5</sup> Wati, iñaama ban man fodaama garuu. Bibo' bii ga, baa tesin, ee Kooh tanukba ga yérmaandaagari. <sup>6</sup> Ee en Kooh waa'ba hen, tanukkabanaa, kon enndii an, ga iñaa ba tumda tah ya tanukkaba. Enee an Kooh tanuki buwii ga iñaa ba lëgëydanaa, eneena kiwaa'kii ya waari bo'da ensisoo ga yérmaandi. <sup>7</sup> Kon du wo'at an bu-Isarayeel hotussii iñii ba heeldña, wayee bibo' ga dñuuyba baa Kooh tanuk, hotuununwa. Baa tesda nak enussa buwaa yégisuunun ga keeñ. <sup>8</sup> Fodaa ka bídu ga Kéyítfaa an: «Kooh nëendin helciigaba, kúnin hasciigaba, lagin nofciiigaba ee iñaama bi ga wati.» <sup>9</sup> Dëwít ban cojeeraba an: «Ñamahcii ba ñamida abatba fodii dii fí' abi júu'da. Ba ñafukat kakay ee Kooh iifba mesiklaat. <sup>10</sup> Kooh búumdatba, ba hotsisoo, ba dëkat ga mesiklaat bi bíñciigaba daa' kakay bi taa'»<sup>◊</sup>.

<sup>11</sup> Kon mi meekisohis an, ga wii yaawúu'cii këfítukuda, ba keeneera bi ba le''a kakaye? Mínoo da ki'en! Keenii ba keenda nak lëgísi' buwii enussii yaawúu'da hal bi ba míñ kimúc. Ee fodaama, iñaama tahn yaawúu'cii kisiis. <sup>12</sup> Ee en an ba lëgísdin bu-ēldúna hal ga Kooh ee dii ba keeninda laakdin buwii bíinoo enussii yaawúu'da jeriñaa, haa bëriñaa béeß bu-Isarayeel boykidohan haffba ga Koohaa, jeriñaa hídan na kiyak?

\* **11:4** 11: 4 Baal iñaama koof. Mëdïrohat na 1 Buu' 19: 18   ◊ **11:10** 11: 10 Malkat Kañcaa 69: 24.

### *Kooh músalin ban buwii enussii yaawúu'da*

<sup>13</sup> Dú bii dú enndii yaawúu'da, mi wo' narúu kimma. Mi yérí en bii Kooh wos ee ya ebilli ga buwii enussii yaawúu'da. Kon mi am an lëgëyii ya sassoo kitumda laakin solu lool garoo. <sup>14</sup> Mi yii tumwa nak, doonaa kisiis am buwii mi heetukoh nabada, ee heyna fodaama, laak buwaa hay, Kooh mísalba. <sup>15</sup> Ga waa Kooh foñ yaawúu'ciid'a, ya lëgíssa hal fodaama, doonaa heetcii ga ēldúnada tóoh júwoh nari. Kon binaa ya haydohis bu-Isarayeelaa, iñaama moos madanndii na kimilískaa buwaa kaanindane?

<sup>16</sup> En ki'ena, fu gú' ga mbúuraa, fu faani' Koohwa saraha, iñaam tes ga mbúuraadaa tóoh enin yuu Kooh. Ee fodaama ban, binaa fu e' Kooh níil kedikkaa, toytaa tóoh enin tuuci ban. <sup>17</sup> Heetii Isarayeel man na kedik-ólíwíyéekaa yípu hen, ee laakka toytaa bëjísu ga. Fu nak ga dii fu enndii yaawúu'da, fu man na koy kedik-ólíwíyéekaa þaþ ga ëgíraa; ka jokussa daa toytaa bëjísohuda, ee fodaama fu míniñ kiñam na toytaagaka ga muluymaa níilaa kedikkaa haydohda. <sup>18</sup> Kon kaa ndamuk ga fíki toytaa kedikkaama Kooh bëjísd'a. Ee luu enee an helfu waa ga kindamuk, kaa al mûk an enndii fu bay níilaa, wayee níilaa wëri bayyaa. <sup>19</sup> Fu nak, fu hay kiwo' an: «Toytama ta bëjísu hen, mi, mi jokussa ga daa ta eneeda.» <sup>20</sup> Kayoh, Kooh foñja yaawúu'cii en toytaa yowu taamada, ndaga ba gëmmbii gari. Fu nak, ya tummbaraa ga þakaa yaawúu'caa ndaga fu gëmin gari. Wayee nak, kaa bëwí' haffu ndaga iñaama. Namaa kiniik Kooh. <sup>21</sup> En an Kooh yérí mûnuñ'tii yaawúu'caama en toytaa kedikkaa yowudanaa, fu fooñ an ya hayyaa kimúuñi', fu yii fu enndii yaawúu' ee fu yérí en koykii joku ga kedikkiidane? <sup>22</sup> Kon fu hotin ga dii Kooh hín kijof na dii aylukiigari manda. Buwii këfítuk, keenussada, ya tamohin ga dookba. Fu nak, ya teebparaa kijof. Kon dëkaa ga kijofkiigari, enndiikanaa ya hayyaa kibëjís fodii koy kedik. <sup>23</sup> Ee yaawúu'cii, ba took kigëm ga Koohaa, Kooh hayba kijokis ga daa ba enee kudewaa, ga kedikkaada. Kooh míniñba da kijokis. <sup>24</sup> Wayee fu yii fu enndii yaawúu'da, fu madee na koy kedik-ólíwíyéekaa þaþ ga ëgíraadfa. Ka yowussa, ka jokussa ga kedik-ólíwíyéekaa yípu henda. Fu ínohin an iñaama yoobpii kilaak. Yaawúu'cii nak þerí en toyti kedik-ólíwíyéekii yípu henda. Kon wëñan kiyooß ga Kooh, ya bewista, ya jokista ga kedik-ólíwíyéekaa kaama yípu hen ta bëjísohseeda.

### *Heetii Isarayeel béeßwa hay kimúc*

<sup>25</sup> Mbokcii, laakin iñaam en kúmpa garúu ee mi jominndúuri kiwo', doonaa dú íis haffúu kitík buwaa ínohin iñaam en tóoh. Laakin ga bu-Isarayeel buwaa bi watí saguunun kigëm ga Kooh. Iñaama hay kilaak bi ga bëriinaa béeß buwii enussii yaawúu', Kooh tanukd'a, aassan ga ngëmii. <sup>26</sup> Daama nak, Kooh hay kimúsal béeß heetii Isarayeel. Iñaama, yérí bídu ga Kéyítfaa an: «Baa yah kibëgís buwiida, meyohan Síyon†, ya hay kitum bi, ga kaan Yakoop, laakanndii baa sañ kijaamuk Kooh.» <sup>27</sup> Kooh wo'a an: «Mi hayba kibayal baakaa'caagaba, ee iñaama yérí teewohan kifiiliimunkaa mi pokoh nabada.»◊ <sup>28</sup> Binaa dū beß loo Hewhewii winéwí'wiinaa, yaawúu'cii saguununwa kite', ee fodaama ba ennda buwaa sagohin na Kooh. Iñaama lëgísi'taruú hal ga Kooh. Du wo' ga kitanukkii Kooh tanuk yaawúu'ciidanaa, ba en buwaa ya keeñukin ndaga caasamuncaagaba. <sup>29</sup> Béeß baa Kooh tanuk, barkeellari, ya laakoo hel kanak ga baa yaama. <sup>30</sup> En ki'ena, dú buwii enussii yaawúu'da, kudewaa, dú sañga kitaabuk Kooh, wayee diima, ga dii yaawúu'cii sagu kitaabuk Koohda, oninndúu kilaas ga yérmaandii Kooh. <sup>31</sup> Yah ban fodaama naba. Diima den, ba sagin kitaabuk Kooh ga dii ya laak yérmaandi garúuda, en danaa, ba ban, ba míñ kilaas kimma ga yérmaandaagari. <sup>32</sup> Kon Kooh lagin béeß buwii rap, ga kisanjngi kitaabuk, en danaa ya teeb buwii béeßba yérmaandaagari.

† 11:26 11: 26 Síyon wëri en teeraa Yéerúsaleem    ◊ 11:27 11: 27 Malkat Ísayii 27: 9; 59: 20-21; Yérémii 31: 33-34.

### *Kiyakkaa Kooh*

<sup>33</sup> Ga dii Kooh hín kiyakđa moos! Ga dii hamhamiigari hín kiyakđa ee tóoh iñaa ya ínohin laaskooda! Bii míñ kí'ínoh helci bi leeh takđa ba? Bii míñ kitéebí' iñaa ya nat kitumđa ba?

<sup>34</sup> «En kí'ënaa, bii ínoh iñaa Ha'mudii halaatđa ba? Bii míñndi kí'on hel ba? <sup>35</sup> Wala ban, bii e' Kooh yen ba, bi an Kooh jominndika kí'ík?»<sup>☆</sup> <sup>36</sup> En kí'ënaa, tóoh meyoh gari; ya yérí tum tóoh ee tóoh eni'ti. Ndam aawat gari bi taa! Aameen.

## 12

### *Kipes ki'as ga iñaa Kooh nakoh*

<sup>1</sup> Mbokcii, waa fodaama Kooh teewinnduu yérmaandaagari ya laak garuufa, mi kíimmbúu dú eroh haffúu fodii sarahaa en na kipes, waa sela'in ee neþlohin Kooh. Iñaama yérí en kijaamuk kimëti'kaa Kooh sek garúufa. <sup>2</sup> Kaa heelat kí'en buwaa taabuki baahcii éldúnada. Tookat Kooh e'túu halaat ciliis ci'as doonaa ya súpit keeñciigarúu. En danaa dú míñ kí'ínoh iñaa Kooh waa', ennda iñaa jofin na iñaa neþpi ee wa mat. <sup>3</sup> Ga iñii Kooh onndoo kooroh ga kijofkaagarida, baa en béeþ garúu mi wo'i iñii yíi: Kaa tíkat haffúu ga daa dú le'ii, yaa en béeþ mínat kí'ínohsoh daa Kooh hanohi'ti, ee ya lègëy taam ga na ngëmaa Kooh wa'tida. <sup>4</sup> Iñaama man na faan bo'-súusúus. Cée'cii ga faanda yewin ee wíinoo bokkii na mooroomwa lègëy.

<sup>5</sup> Fodaama, du bii du bok ga Kiristaada, luu du yewin yewin, du enin faan fiinoo ga dii du en wíinoo narida. Ee béeþpuu, du enin wíinoo, yaa en béeþ ga mooroomci, fodii cée'cii en ga faan bo'-súusúusda. <sup>6</sup> Kooh warohin iñcii ya onnduu kimínda daa neþpi. Iñcii ya onnduuda bokkii. Baa Kooh oninndaa kí'en sëldíigacinaa, tumaa iñaama ee fu taam ga na ngëmii. <sup>7</sup> Baa Kooh oninndaa kimín kí'amdoh buwiinaa, amdoha. Baa Kooh oninndaa kimín kijëgi' buwiinaa, jëgíroha. <sup>8</sup> Baa Kooh oninndaa kimín kidígalohaa, dígaloha dijóff'. Baa Kooh oninndaa keeñ kí'onohaa, onohaa na keeñ wisóosí'. Baa Kooh oninndaa kikuliyuk ga buwiinaa, taabaa ga na keeñ. Baa Kooh oninndaa kilaak yérmaandi kidímalohaa, taabaa ga na keeñ wisóosí'.

<sup>9</sup> Waarat bimooroommbúu ga duuy keeñnjúu, ee ka hanat kí'eem ga kúuwkii rek. Núpat iñaa bonin ee dú ñaak ñap ga yijóff'. <sup>10</sup> Waarohat ga díkaantirúu na keeñciigarúu béeþ, fodaa buwaa bokoh. Bocirohat kiwaaroh ga díkaantirúu. <sup>11</sup> Kaantukohat ee kaa yówírat yahhúu! Lègëydat Ha'mudii ee ekat keeñciirúu béeþca ga. <sup>12</sup> Dú abin yaakaa' ga iñcii Kooh dígoħħfa, kon keeñnjúu soosat seb. Binaa dú en ga coonunaa, tookatfa kikooruk. Dëkat ga kikiim Kooh rek. <sup>13</sup> Warohat iñcii dú laakđa na buwii enu buu Koohda ga soolicaagaba, dú toputu' dijóff' sagaccaa haysi ga kaancaagarúuda. <sup>14</sup> Buwii hatalirúu ga kipesđa, kíimdatba Kooh. Kíimat Kooh barkeelba; kaa kíimat ya coñba. <sup>15</sup> Bokat kinebluk na buwii enu ga neþlaatđa; Bokat kikoduk na buwii enu na kikodukđa. <sup>16</sup> Bokat hel dú en wíinoo. Kaa bëwírat haffúu, wayee tookat kijutuuti haffúu. Kaa tíkat haffúu buwaa wëñ kilaak hel. <sup>17</sup> Bo' tummbúu iñaa joffiinaa, kaa éldattika. Namat kiheel kitum iñaa jofin ga fíkii béeþ. <sup>18</sup> Tumat iñaa dú míñ tóoh bi dú dëk na béeþ buwii ga jam, en mínuaka. <sup>19</sup> Mbokciigoo mi keeñukđa, kaa éldúkat ga yibóni'yaa bo' tummbúu, wayee iisat Kooh payka ga aylukaagari. En kí'ënaa, bídu ga Kéyítfaa, Ha'mudii wo'an: «Mi yérí laak kí'eldük, mi yah kí'ík yaa en béeþ, iñaa cal iñaa ya tumđa.»<sup>☆</sup> <sup>20</sup> Ya wo'in ban an: «Binaa bo', yaa waa'tii garaa kihot, yaawaa, onaari iñaa ya ñaman. Binaa ya pilaa, onaari mûsú, ya an. Fu tum iñaamanaa, ya hay laak kaci fiyaak ga.»\* <sup>21</sup> Kaa iisat kibon wëñnjúu dooli, wayee ga kijofkaa dú tumđa, laakat ndam ga dook kibon.

\* **11:35** 11: 35 Malkat Kañcaa 139: 6-17; Ísayí 40: 13; Yoop 41: 2.    ☆ **12:19** 12: 19 Malkat Léwítik 19: 18; Dëteronom 32: 35; Mëccëe 5: 39; Lúkkaa 6: 27-29.    \* **12:20** 12: 20 Wo'een cahii diifa en fodii dii: «man na fu négíroh eeñin-kiwii ga dook hafaagari»; Malkat Liiwuk 25: 21-22

## 13

### *Kikelohi' buwii Kooh kuliuki'da*

<sup>1</sup> - Baa en béeb jomin kikelohi' buwii kuliuk ga nguu'ciida. En ki'enaa, laakoo nguu', waa meyohii ga Kooh; béeb cii laakdfa, Kooh yéri yípcä. <sup>2</sup> Kon béeb baa fu saj kikelohi' buwii tiku ga fíkiidanaa, fu heñoh iñaa Kooh tuuki'. Ee baa fu heñoh iñaamanaa, waas hay kidal ga dookfu. <sup>3</sup> Baa tumi iñaa jofin jomoo kiniik buwii ga nguuriida; baa tumi iñaa joffii yéri jomba kiniik. Kon dú waa' kiniikoo buwaamanaa, tumat iñaa jofin, en danaa ba hayyuú kikañ. <sup>4</sup> En ki'enaa, ba lègëyi' Kooh, ee iñaama onndaa jam. Wayee binaa fu tum iñaa joffiinaa, fu jomin kitúit, ndaga enndii sooy Kooh onndaba kimín kiko'. Ba bisúrga Kooh ee bérí laak kiyóoski' aylukaa Kooh ga dook buwii tumi iñaa joffiida. <sup>5</sup> Kérí tah du jom kikelohi' buwii kuliukda hen. Ee enndii rek kiniik aylukaagaba, wayee ka en iñaa dal helluu. <sup>6</sup> Kérí tah ban dú jomin kifay lempu. Ínohat an buwii Kooh e' lègëy kifayuk lempuda, ba lègëyi' Kooh ee ba jomin kimëti' sasaa Kooh nakba waama. <sup>7</sup> Erat yaa en béeb iñaa ya jom ki'eruda. Baa dú jom kifay lempunaa, fayattiwa. Baa dú jom kifay juutinaa, fayattiwa. Baa dú jom ki'e' céeraa, erattiwa. Baa dú jom ki'e' ndamaa, erattiwa.

### *Waarohat ga díkaantirúu*

<sup>8</sup> Kaa laakdæt ken kobot, enndii kobot kiwaaroh dogaa. Béeb baa fu waa' mooroomfunaa, fu wacohin na Waasii Móyíis. <sup>9</sup> En ki'enaa, Kooh nakohin an: «Kaa díuk yaalfu wala betifu fu faanuk na bo' yiliis, kaa ap bo', kaa lok, kaa díibuk kilaak iñaa en yuu mooroomfu.» Iñcuma nakohuda, na caa tesda tóoh, ca cii ga wo'eenii wii an: «Waaraa mooroomfu fodii fu waa' haffuda.» <sup>10</sup> Baa waarin mooroomci, tumoori iñaa meskin. Kon binaa fu waa' mooroomfunaa, fu tumin iñaa Waasii Móyíis nakoh kitumda bi matin.

### *Kiwaayuk kihayiskii Ha'mudii*

<sup>11</sup> Kon tumat fodaama. En ki'enaa, dú ínohin jamaanii du enohdfa. Wahtii dú jom kiyúdukohdfa le'in. Wahtii Kooh yahhuu kimúsalohdfa wëñin kideey. Wa úsaayissii fodaa ga wii du han ki'aas ga ngëmiida. <sup>12</sup> Wekii wii yah kileeh ee Kooh yii yah kiwiis. Du foñat iñcii tumsi ee ca dsaakuki henda, du ganaayuk lee'laatii Kooh e'tuu kiheñohohdfa. <sup>13</sup> Kon du tíidat yijuwí' fodii baa tím na noh tañ. Du hanat kiliiluk ga kiñam na ki'an, du hanat kifaanuki na baa en tóoh na kiñalañañuk, du hanat kiñarohi, du hanat ki'iñaadoh ga díkaantiruu. <sup>14</sup> Wayee nak, madat na Yéesu Kiristaa, Ha'mudii, ee kaa taabukat neblaat-kumuunndúu ga iñcii ka waa'da rek.

## 14

### *Onohat cee' ga díkaantirúu*

<sup>1</sup> Tookat ga duuyucúu baa ngëmaagari yëgísissii duum ee kaa ñarohat nari ga halaatcaa ya laakdfa. <sup>2</sup> Laakin baa halaat an ya míñin kiñam ñamahaa en tóoh. Ee baa ngëmaagari yëgíssii duum nak halaat an ya ñaman iñcii línsi ga dë'da rek. <sup>3</sup> Baa ñami iñaa en tóoh jomoo ki'eew yaa ñamoo iñaa en tóoh, fodaa garida. Ee baa ñamoo iñaa en tóoh hanat ki'atti baa ñami iñaa en tóohdfa, ndaga Kooh ga kihafci tookinndi. <sup>4</sup> Fu nak, fu tík haffu ba, bi fu atti'i súrga jaambuu'? Waa ya am lègëyaagari, waa ya foñlukwa tóoh, ya dígothka na ha'-kaanci. Ee sah ya hay ki'am lègëyaagari ndaga Ha'mudii laakin doolaamluukohanndiwa.

<sup>5</sup> Laakin buwaa halaat an laakin besaa gën bescii cíinoo ga fíki Kooh. Ee bíinoo halaatu an bescii tóoh, ca wíinoo. Baa en béeb ínohat dijóffí' iñaa ya halaatdfa ee ya am ga. <sup>6</sup> Kon bo' halaat an laakin bes, waa gën cíinoocaanaa, ya tumka kijaamuk Ha'mudii. Baa tanuk kiñam iñaa en tóoh, ya tumka kijaamuk Ha'mudii ee ya gérëmi

Kooh ga iñamaa. Baa tanuk kiñamoo iñaa en tóoh, ya tumka ban kijaamuk Ha'mudii ee ya gérëmi Kooh ga iñamaa. <sup>7</sup> Yíinoo garuu pesi'tii hafci ee yíinoo garuu yahhii kikaani' hafci. <sup>8</sup> En ki' enaa, binaa du pesaa, du pesi' Ha'mudii, ee du kaanaa ban, du kaani' Ha'mudii. Kon waa du pes, waa du kaan, du buu Ha'mudii. <sup>9</sup> Iñamaa yérí tah Kiristaanii kaannda, ya mílissa doonaa ya en Ha'mudii buwii kaaninda na Ha'mudii buwii en na kipesda. <sup>10</sup> Kon fu, fu yérí en ba bi fu atti'i mooroomfu? Ee fu ban, fu yérí en ba bi fu eewi mooroomfu? Du béebspuu, du hay kituuk ga fíki Kooh, ya atti"uu. <sup>11</sup> Bíduunun ga Kéyítfaa, Ha'mudii wo'a an: «Ga dii mi yii pes ee kayohdfa, mi wo' an béeb buwii hay kiyí'u ga fíkiroo ee yaa en béeb hay kiwo' fañ ga kúuwci an mi yérí en Kooh.»<sup>☆</sup>

<sup>12</sup> Fodaama baa en béeb garuu hay kilayohi hafci ga fíki Kooh, ga tóoh iñaa ya mos kitum.

### *Kaa ek mooroomfu ga kitum baakaa'*

<sup>13</sup> Kon du iisat ki'atti' mooroommbuu. Namat kiguu'guuluk ga kiwatuk kitum iñaa míñ mbokkúu kerceen kikëfít, wala tahanndi kikeen ga yibóni'. <sup>14</sup> Dii mi en wíñoo na Yéesu, Ha'mudiida tahinndoo ki'ínoh ee wéerinndoo an laakoo ñamahaa tabin kiñam. Wayee binaa bo' am an yen tabin kiñamaa, iñamaa tam kiñam gari. <sup>15</sup> Binaa fu ek mooroomfu coonu ndaga iñaa fu ñamidanaa, lakanaa fu waarisiiiri. Kaa ek mooroomfu ya sañku' ndaga iñaa fu ñamida. Ya ban, Kiristaanii kaandinndi. <sup>16</sup> Iñaa dú am an jofin garúu, hanat kilím basee ga dookkúu. <sup>17</sup> En ki' enaa, kibok ga Nguurii Kooh deeyohhii dara na ñamah wala anah. Kibok ga Nguurii Kooh wérí en kitaabuk iñaa júwin, kiheel jam na kinebluk, ee iñcaama, Helii yisela'í'yii yérí onohica. <sup>18</sup> Baa jaamuki Kiristaanii fodaama hay kinebloh Kooh ee buwii ban hay kiwo'u an ya jofin. <sup>19</sup> Kon nak, du heelat kitum iñaa haydohi jam ga díkaantiruu na iñaa yégísdan ngëmaa yaa en béeb garuu. <sup>20</sup> Iñii fu ñamida hanat kikalañsoh lëgëyyi Kooh. Kayoh, laakoo ñamahaa líb ga fíki Kooh. Wayee baa fu ñam ñamahaa tahan mooroomfu kikeen ga yibóníraa, fu tumin iñaa joffii. <sup>21</sup> Iñaa gënda, wérí en an kaa ñam koynoh, kaa an sangara ee kaa tum dara yiliis yaa ekan mooroomunfu ga kitum baakaa'. <sup>22</sup> Iñaa fu gém ga loo iñaamada, eemdohaari ga díkaantifu na Kooh. Ya yewinin móu', baa helci dalin ga iñcaa ya tumida. <sup>23</sup> Bo' am ga helci an ya jomoo kiñam iñii yii, binaa ya ñamwanaa, ya tumin baakaa'. En ki' enaa, tumeenaa taammbii na ngëm béeb iñaa baakaa'.

## 15

### *Kikuliyuki' iñaa neb mooroomfu*

<sup>1</sup> Du bii du yégisin ga ngëmiida, du jomin kikoruk buwii ngëmiigaba yégíssiida ee du jomoo kidëwí' iñaa neb garuu doñ. <sup>2</sup> Baa en béeb garuu heelat kitum iñaa newin mooroomci ee jofin gari, doonaa yaama míñ kiwëñ kiyégis ga ngëmaagari. <sup>3</sup> En ki' enaa, Kiristaanii mosoo kiheel iñaa nebpi. Iñii yii bíduunun ga Kéyítfaa an: «Baseecaa buwaa baseeraada, fu Kooh, ca keenin ga dookkoo.»<sup>☆</sup> <sup>4</sup> Béeb iñaa bínsee kudewaa ga Kéyítfaada, bínsee kijégí'tuu doonaa wa yódí'tuu kimúuñ ee wa daas keeñciigaruu bi du míñ kilaak yaakaa' ga iñaa Kéyítfaa wo'da. <sup>5</sup> Koohyii onohi kimúuñ ee daasi keeñcii buwiida onattúu kijúwoh yaa en béeb na mooroomci fodaan Yéesu Kiristaa waa'kada. <sup>6</sup> Fodaama, béebspuu dú bok koonaa kíinoo, dú yeeki, dú kañi Kooh, Paamudii Yéesu Kiristaa, Ha'mudiigaruu.

### *Kiristaa hayi' yaawúu'cii na buwii enussii yaawúu'da*

<sup>☆</sup> 14:11 14: 11 Malkat Ísayíi 45: 23; Mëdïrohat na Filiip 2: 9-11. <sup>☆</sup> 15:3 15: 3 Malkat Kañcaa 69: 10.

<sup>7</sup> Yaa en ga béeb tookat mooroomci fodaa daa Yéesu Kiristaa tookkúuda, doonaa buwii e' Kooh ndam. <sup>8</sup> En ki'enaa, iñii mi waa'túu kiwo'da wëri en an Kiristaanii tummba hafci súrga yaawúu'cii kiteebba an Kooh wo'oo, lëehíraa ya nís iñaa ya wo'da. Ya hayya kon kimëti' iñaa Kooh dígee bicaasambada. <sup>9</sup> Ya hayin ban doonaa buwii enussii yaawúu'da ndamu Kooh ga yérmaandaagari, fodaa këyítfaa wo' kada an: «Kéri tah, mi hay kiwo' fan ga leeloo heetcii béebca an fu Kooh ee mi hay kiyeek kiyakkii teekiigaraa.»<sup>☆</sup>

<sup>10</sup> Bíduunun diliis ga Këyítfaa an:  
«Heetcii béebca, neblukat na heetii Kooh tanukfa.»<sup>☆</sup>

<sup>11</sup> Ya wo'issa diliis an:  
«Béebpúu, dú heetcii, ndamat Ha'mudii.  
Buwii béebba ndamatti.»

<sup>12</sup> Ísayíi, sëldiiga-Koohaa ban wo'in an:  
«Hay kilaak baa límukan ga níilaa Yesee.  
Ya hay ki'en buurii heetcii béebca,  
ee ca tíkan yaakaa'ba gari.»\*

<sup>13</sup> Koohyii onohi yaakaa'da sóosírat keeñnjúu seb, ya onndúu jam wimëti' sëk ndaga dú gëmin gari. Fodaama, keeñnjúu líif muut na yaakaa', waa meyoh ga doolaa Helaa yisela'i'ya.

### *Iñii tah Pool bínnda bu-Room këyítfii fidaa*

<sup>14</sup> Mbokcii, mi ga kihaffoo mi ínohin an dú jofin lool, wëerinndoo dijófi' an dú ínohin tóoh kayohfii ee dú míniñ kijégíroh wo'eenii Kooh. <sup>15</sup> Wo'eencii mi binndúuda, en laak bítin kikelohaa, dara tahhiika, hanaa kiwaatúu kiníindís rek iñaa dú ínohin haat. Mi tumka ga iñii Kooh onndoo, ga kijofkiigari, <sup>16</sup> mi ennda súrga Yéesu Kiristaa ga dñuy buwii enussii yaawúu'da. Ya faanndaroo haj kitum lëgëy kiyéegaloh Hewhewii winéwí'wii, doonaa ga tumeenii Helii yisela'i'yii, buwii enussii yaawúu'da enu fodii sarahaa newin Kooh. <sup>17</sup> Kon waa mi yii ga yah Yéesu Kiristaa, mi safarin ga lëgëyii Kooh nakkoo kitumfa. <sup>18</sup> Mi kaañoo kiwo' yen yiliis yaa enndii iñii Yéesu Kiristaa tum koorohha garooda. Ya kooroh garoo, kihaydoh buwii enndii yaawúu'da, ba taabuk Kooh: Iñaama ya tuminni kooroh ga wo'eencii mi wo'ida na iñcii mi tumida. <sup>19</sup> Ya tumin kíntaan na mandarga ciyewin ee Helii yisela'i'yii teewohin dooliigari. Mi yéegalohin Hewhewii winéwí'wii wo' ga loo Yéesu Kiristaada daa en béeb ga leeloo buwii, aboh ga teeraa Yéerúsaleem bi ga gohaa Ílirii. <sup>20</sup> Mi mos kiwaai' kiyéegaloh Hewhewii winéwí'wii ga dekatcaa buwaa en daama mossoo kikeloh loo Kiristaaniida. Mi waareréii kitawah yen ga dook lëgëy bïbo' biliis. <sup>21</sup> Fodaama, mi deenjngii dara ga iñaa bídu ga Këyítfaada an:  
«Buwaan ken mosooba kiyéegal iñaa aaw gari hayussi kihot.  
Ee buwaa mosoo kikeloh loocida hay ki'ínohu iñaa laakfa.»

### *Iñii tah Pool waa' kika' Roomda*

<sup>22</sup> Kéri tah, waas ciyewin binaa mi waa'túu kihay kiwaak rekaa, mi hayoo. <sup>23</sup> Diimada nak, lëgëyiigoo dii ga gohcii ciida leehin. Tíkiis tiyewin tee, taa helloo lík ga kihay kiwaakneerúu rek, <sup>24</sup> ee mi waareeka binaa mi en na kiyah kúlkaa Espaañaa. Mi koo' dumanaa, mi warinndúu kihot ee dú amdochhoo ga baawaama; keeñnjoo ban hay kisoos ga ki'en narúu jtuut balaa mi paafaa. <sup>25</sup> Wayee diima den, mi yah Yéerúsaleem kidímal buwaa Kooh enu daamada. <sup>26</sup> Buwaan Kooh enu ga kúlkaa Maseduwaan na kaa Akayfa<sup>†</sup> hídirohuunun hëelís kiwosoh buwaa Kooh enu

\* 15:9 15: 9 Malkat 2 Samiyeel 22: 50; Kañcaa 18: 50. <sup>☆</sup> 15:10 15: 10 Malkat Kañcaa 117: 1. <sup>\*</sup> 15:12 15: 12 Yéesu abu fodii tapisee yen, pëelée yen. (Ísayíi 11: 10) <sup>†</sup> 15:26 15: 26 Akay, iñaa goh wiýin ga kúlkaa Geres. Laakin jamaanaa Kúlkaa Geres e'seera teekaama (330-37 balaa Yéesu Kiristaa)

ga Yéerúsaleem, laaksoo darada. <sup>27</sup> Ba ga kihaffba, bëri halaat iñaama ee jofin ba dímal buwaama. Kooroh ga yaawúu'cii, Kooh barkeelin buwii enussii yaawúu'da, ba laasin ga ngémii. Kon kerceencii enussii yaawúu'da jomuunun kiwa' kerceencii enu yaawúu'da ga alalciigaba. <sup>28</sup> Kon binaa mi lëehí' kitum lëgëyiigoo, mi bay dímalaa aaw ga kerceencaa enu ga Yéerúsaleemdانا, mi hay kika' kúlkaa Espaañ ee mi koorohan garúu duma. <sup>29</sup> Mi ínohin an binaa mi hay garúunaa, Kiristaanii hayyúu kibarkeel lool ga iñaama. <sup>30</sup> Mbokcii, du béeëpuu du gëm ga Yéesu Kiristaa, Ha'mudiigaruu ee Helii yisela'í'yii tumin kiwaaroh ga díkaantiruu. Kon mi kíimmbúu dú amdfohhoo ga kikiim Kooh, <sup>31</sup> en danaa mi ka' kúlkaa Yúudéenaa, buwaa enu daama ee gëmussii ga Kiristaaniida, sodalsooroo lool. Kímat Kooh doonaa dímalaa waama mi yah kibayi' buwaa Kooh enu ga Yéerúsaleemda, ba tookwa. <sup>32</sup> Fodaama, neb Koohaa, mi hay kihay garúu na keeñ wisóosi', mi íikaruk jutuut ga dñuycúu. <sup>33</sup> Mi kíim, Koohyii laak jamda, ya enat narúu béeëpúu! Aameen.

## 16

### *Pool këñ'ta bu-Room*

<sup>1</sup> Kon mi yii díñkaanndúu Febe, mbok-kerceennduu yibeti, ee en súrga ga jaangaa Keñkeree. <sup>2</sup> Ya yum hay garúu, ee leenaa abatti bi jof ga teekii Ha'mudii fodaa daa bo'-Kooh jom ki'abuda. Amdochatti ban ga béeëb iñaa ya sooluk. En ki'enaa, ya amdfohin bo' biyewin, bi ga mi yii yii sah. <sup>3</sup> Dú këñíri'too Pírisíl na Akílaas biyaabumgoo duma dí bok kilégëy ga teekii Yéesu Kiristaa. <sup>4</sup> Ba banak, ba karin bi ba waa'ta kitoon tumuunba ndaga mi. Mi yii gérëmëba ga iñaama. Ee enndii mi hañngoo donj: béeëb jaangucii buwii enussii yaawúu'da gérëminba ban. <sup>5</sup> Mi yii këñí' ban buwii ga jaangii hídírukohsi ga dñuuy kaancaagaba kikiim Koohdfa. Mi yii këñí' Epaynet, yii mi keeñukinda: ya yéri deb kigëm ga Kiristaanii ga gohaa Aasíi. <sup>6</sup> Mi yii këñí' Méri ga: ya yaama, ya sodin lool garúufa. <sup>7</sup> Mi yii këñí' ban bu-kaanndoo Andoroníkus na Yúníyaas, ba bii mi bokee naba kilagu ga kasuda. Ga apotaa'cii, ba enin buwaa neblohin buwii lool ee ba debpoo sah kigëm ga Kiristaanii. <sup>8</sup> Mi yii këñí' Ampílyatus, yii mi keeñukinda ga fíkii Ha'mudiida. <sup>9</sup> Mi yii këñí' Irbee yii dí bok nari kilégëy ga teekii Kiristaaniida, ya na Estakis yii mi keeñukinda. <sup>10</sup> Mi yii këñí' Apeeles, yum teewohin bi matin sëk ngëmaa ya laak ga Kiristaaniida. Mi yii këñí' ban bu-kaan Arístobil. <sup>11</sup> Mi yii këñí' mbokkoo Herodíyoñ na ban bu-kaan Narsís, ba buu Ha'mudii. <sup>12</sup> Mi yii këñí' ban Tirifeen ya na Tirifoos ee ba bok kilégëy ga teekii Ha'mudiida. Mi yii këñí' Persís, yum mi keeñukinda. Ya ban ya sodin lool ga kilégëyi' Ha'mudii. <sup>13</sup> Mi yii këñí' Rifis, ya yum ya en súrga yiyaak ga Ha'mudiida, ya na eeci, ee en eemun garoodfa ban. <sup>14</sup> Mi yii këñí' Asinkirit, ya na Felegon na Ermes, Patorowaas, Ermas na béeëb mbok-kerceencaa enu naba daamada. <sup>15</sup> Mi yii këñí' Fílolok na Súlí, Nere na këmëenjkici yibeti Olimpas na ban béeëb buwum Kooh enu naba daamada.

<sup>16</sup> Këñdohat ga díkaantirúu, dú míginoh haf, kiteewoh an dú bëri bokoh. Buwii ga jaangucii Kiristaaniida béeëbba bëyrohuununndúu këñí'.

### *Watukat kideen iñaa waas kerceen nakoh*

<sup>17</sup> Dú mbokciigoo, mi kíimmbúu hen, leenaa watukat buwii heñoh kinís iñcum dú jégírudá ee fodaama ba haydohi kihégískoh ga dñuycúu na kiyé'úu ga waas wibóní'. Kaa aaskohat na buwaama. <sup>18</sup> Buwaa manda, tumussii lëgëyi Kiristaanii Ha'mudiigaruu nakohdfa, ba tum iñaa neßba. Ba yahi buwii hen ee ba neb kúuw en fan kúum. Fodaama nak, ba dúki buwii hoorussii heldfa. <sup>19</sup> Dú ga kihaffúu nak, béeëb ínohin an dú taabukin iñii Ha'mudiigaruu nakoh kitumda. Kon ínohat an keeñnjoo soosin lool garúu. Wayee nak, mi waarin dú taam na hamham widóoyí' ga ki'ino

iñaa jofin, dú tumiri ee dú aaskohoo na yibóní'. <sup>20</sup> En danaa, Kooh yii onohi jamda, diimanaa ya napañsoh Seytaani ga fíldoo kotciigarúu, dú laak dooli ga dookci. Yéesu Kiristaa, Ha'mudiigaruu barkeelattúu.

<sup>21</sup> Tímotée, yii taam naroo kilégéyda, yii këñí'túu ga, ya na buwii bokoh naroo enu diifa: Lusiyus, Yaasoon na Sosipatoros.

<sup>22</sup> Mi nak, Tertiyus, mi bídi' Pool käyítfii fii ee ga teekii Ha'mudii, mi yii këñí'túu ga. <sup>23</sup> Gayus yii këñí'túu ga ban. Mi yii ennda ga kaanci, ee béeþ bu-jaangii Yéesu haysi kikiim Kooh dii ga kaanci ban. Erasti, yii daak hëelísii teeriida ban yii këñí'túu ga, ya na mbokkuu Kartus. [ <sup>24</sup> Yéesu, Ha'mudiigaruu barkeelattúu dú béeþpúu.]

### *Pool kañja Kooh*

[ <sup>25</sup> Kon, du kañat Kooh. Ya yérí laak doolaa wëñannduu kibaat kiyégís ga ngëmiidsa. Ee iñaama yérí mi wo'i, mi en na kiyéegaloh Hewhewii winéwí'wii wo' ga loo Yéesu Kiristaadanaa. Kooroh ga Hewhewii winéwí'wiima, Kooh ínohlukohha béeþ kúmpafaa ya daakee kuméeñí', <sup>26</sup> ee diimadsa, ya teewohinfä fañ. Fodaa daa Koohyii leehoo, nakoheekada, fa koorohha ga käyítcaa sëldíiga-Koohcii. Fodaama iñaa daakkee yaama yéegalohuunun ga béeþ heetcii, doonaa ba gëmwa, ba taabukwa. <sup>27</sup> Ndam aawat ga Kooh, yii ya hançi don, ya laak hamhamda, kooroh ga Yéesu Kiristaa bi taa'! Aameen.]

## Këyítfii Pool deb kibín Bu-Korentida Wo'eencii lëgis Këyítfiida

Këyítfii fii férí Pool bín kerceencaa ga teeraa Korentida. Ya karee daama ga ūaawaagari wukanakwaa. Ya tumee daama kiis kíinoo na caban. Jamaanaama wéri ya jangat ga dzuuy buwaa enussii yaawúu'da bi ba gëmmba ga Kiristaanii.

Korenti enee teeru wiléekí'-solu. Gaal-giiycaa meyohee daa en béeb ca teeri daama ee dékaa yewineera toonoh. Faankoh-pakaycaa yewineera daama fodaa ka man ga teerucaa ciyaakcaa cíinoofa. Fodaama, ba baydohha kerceencaa ga badukeenaa wibóní'waa waama. Iñaama ekka Pool coonu fiyaak. Ya bítukka lool gaba. Ya bínnda këyít kiwo'ba ba watuk ūuwaama bibóní'baa (1 Korenti 5: 9). Laakka bibo' baa hay gari kiwo'i yen ga badukeenaa kerceencaa ga Korentida. Pool dallaba kibín këyít kiña'ba. Ya yúunndaba ga enaama ciyewin fodii kihégískohkaa laak ga dzuuy kerceencaada, ga loo ki'en faankoh-pakay, ga loo kipañ, ga loo kiñam koynohkaa tumu sarah ga koofcaa, iñaa aaw ga jawootii jaangii na cuuniinfiaa fisela'ífaa Ha'mudii, iñcaa Helii yisela'íyii onohida, na ga loo kimílskaa buwaa kaaninda.

Pool wo"aba ban an: Ki'am bi yégís ga Kiristaanii doj kérí míñ kipay iñcaa cimoroocaama ga ūuwiida, ee kiwaa' mooroomfu kérí en waasaa mínlukohan béeb iñamada.

### **Këyítfii Pool bín ūu-Korentida tíidoh anee:**

- 1 - Kéñdoh (1: 1-9)
- 2 - Kihégískohkii laak ga jaangii Korentida (1: 10-4: 21)
- 3 - Pool ña' ūu-Korenti ga badukeenaa wibó ní'waa ba enukohda (5: 1-6: 20)
- 4 - Iñii Pool taas ga loo séyda (7: 1-40)
- 5 - Pool taas ga loo koynohkaa tumu sarah ga koof (8: 1-11: 1)
- 6 - Badukeen kerceen ga dzuuy jaangu (11: 2-34)
- 7 - Iñcii Helii yisela'íyii onohida (12-14)
- 8 - Pool níindísoh kimílskaa Kiristaanii (15: 1-58)
- 9 - Dímalaa aaw ga kerceencaa laakoodfa (16: 1-4)
- 10 - Pool waayukka kibaab (16: 5-12)
- 11 - Iñcii Pool méeñjoh ki'ebil ūu-Korentida; Taŋkoh. (16: 13-23)

### *Kéñdoh*

<sup>1</sup> Mi Pool, Kooh, ga iñaa ya waa', yérí bayyoo ki'en apotaa' Yéesu Kiristaa. Mi yérí bínndúu këyítfii fii, mi na Sosten mbokiigaruu, <sup>2</sup> dú, ūu-jaangii Kooh ga teerum Korentida, dú bii dú en buu Kooh kooroh ga Yéesu Kiristaada, dú bii dú bayu ki'en heetiigari wisela'íwiida na béeb buwii daa en tóoh ba bayi teekii Yéesu Kiristaa Ha'mudiigaruuða. Yéesu yiima yérí en Ha'mudiigaba, ennda Ha'mudiigaruu. <sup>3</sup> Mi yii kíim Kooh Paamudiigaruu, ya na Yéesu Kiristaa Ha'mudii, ba barkeellúu, ba onndúu jam.

### *Kooh barkeelinnduu kooroh ga Yéesu*

<sup>4</sup> Mi dék kigérém Koohyiigoo ga loorúu ndaga dii ya barkeelinndúu kooroh ga Yéesu Kiristaada. <sup>5</sup> En ki'ena, kooroh ga Yéesu Kiristaa, Kooh oninndúu kihóomí' ga iñaa en tóoh, ennda béeb iñaa aaw ga loo kijangat na tóoh iñaa aaw ga loo ki'ínoh. <sup>6</sup> Iñii dí yéegaloh ga loo Kiristaaniida enin iñaa yégísin ga keeñciigarúu <sup>7</sup> Kérí tah, Kooh barkeelinndúu, dú matdin ga tóoh iñcii ya onohda, dú bii dú en na kisek wahtaa Yéesu Kiristaa Ha'mudiigaruu feeñan ga ndamaagarida. <sup>8</sup> Kiristaanii ga kihafci, yérí

yahhúu ki'on kiyégís ga ngémii bi ga siñdaanaa, doonaa ken laakoo iñaa ya wo'an garúu yibóní', bériinaa Yéesu Kiristaa Ha'mudiigaruu hayisanda. <sup>9</sup> Kooh iñaa ya dígoth tooh, tummbi, ya yii ya bayyúu ki'en wíinoo na Kowukiigari, Yéesu Kiristaa, Ha'mudiigaruuda.

### *Kihégískohkii laak ga Jaangaa Korentida*

<sup>10</sup> Mbokcii, ga Teekii Yéesu Kiristaa Ha'mudiigaruu, mi kíimmbúu, béeþpúu júwohat dú am wo'een wiinoo ee kihégísukoh hanat kilaak ga díkaantirúu. Enat wiinoo señis, dú bok hel, dú bok halaat. <sup>11</sup> En ki'enaa, dú mbokciigoo, bu-kaan Kelowee wo'uununndoo an dú eni ga kinookoh ga díkaantirúu. <sup>12</sup> Mi waa' kiwo' an, yaa en béeþ garúu yii wo' fodii dii: yii an «Mi, mi bok ga Pool», yaa an «Mi, mi bok ga Apoloos», yúu an «Mi, mi bok ga Pee<sup>\*</sup>», yúunee an «Mi, mi bok ga Kiristaanii.» <sup>13</sup> Dú foonaan Kiristaanii hégískoh hene? Ati mi yérí daaysee ga kuraanaa ndaga dú? Wala ati dú bétisi'see ga teekaa Pool?

<sup>14</sup> Mi gérëmin Kooh ga dii mi bétisi"ii yíinoo garúu enndii Kirispus na Gayus rekaa. <sup>15</sup> Kon ken mínoo kiwo' an dú bétisi'u ga teekiigoo. <sup>16</sup> Ahan kay, mi yérí bétisi' ban Estefanaas na bu-kaanci. Paaf danaa, mi níindísukkii kibétisi' bibo' biliis. <sup>17</sup> En ki'enaa, Kiristaanii wossiiroo kibétisi', wayee ya wossoo kiyéegaloh Hewhewii winéwí'wii ee mi ayukoo ga wo'een caa meyoh ga ki'ínoh bo'-súusúus. Fodaama, kikaankaa Yéesu ga kuraanaa enoo sooy.

### *Kiñaañkii Kooh na dooliigari*

<sup>18</sup> En ki'enaa, kiyéegaloh an Kiristaanii kaanin ga kuraanaa, buwii aaw ga kisanku'dsa tíku iñaama kidof. Wayee du bii Kooh músalinda, du hot doolii Kooh ga jangataama. <sup>19</sup> Bídu ga Kéyítfaa an, Kooh wo' an:  
«Mi hay kidúbí' kiñaañkii ñéeñí'cii,  
mi féeyi' helcii buwii toon kilaak helda.»

<sup>20</sup> Kon ñéeñí' laak gada? Baa jadin laak gada? Baa ínohin kiwo' laak gada ga ēldúnani wii? Hanaa Kooh teewohhii an kiñaañ bo'-súusúus iñaa kidof?

<sup>21</sup> Kooh, ga kiñaañkaagari, tummba bi bu-ēldúna mínnidiiri ki'ínoh kooroh ga kiñaañkaagaba. Iñaama tah kon ya koorohha ga wo'eenii dí yéegaloh buwii abohwa kidofsa, kimúsal buwii gëman gawada. <sup>22</sup> Yaawúu'cii meekisohu kitumdu kíntaan, buwii enussii yaawúu'da heelu ki'ínoh. <sup>23</sup> Wayee dí, dí yéegaloh Kiristaanii daayu ga kuraada. Iñaama kofeel ga yaawúu'cii ee buwii enussii yaawúu'da tíkuka kidof. <sup>24</sup> Wayee buwii Kooh bay ga hafciða, ennda yaawúu', ennda baa enndii yaawúu', ba am an Kiristaanii yérí en doolii Kooh, yérí en kiñaañkii Kooh. <sup>25</sup> Iñii Kooh tum kooroh ga Kiristaa ee buwii tík kidofsa yérí wëñ kilúun kiñaañ bo'-súusúus. Ee iñaama Kooh tumee buwii tíkwa kilaakoo doolidaa paafin dooli bo'-súusúus.

<sup>26</sup> Mbokcii, malakat bii dú eneeda, dú bii dú laasin ga bëytohii Koohða: yewinndii garúu buwaa bu-ēldúna tík bibo' biñéeñí', wala bibo' bilëekí'-dooli, wala buwaa límukoh ga yoh wiyaak. <sup>27</sup> Ó'óo, man iñii bu-ēldúna tík kidofsa, yérí Kooh bëb kikaci'i' buwii bu-ēldúna tík an ba bëri ínohða. Ee ban, iñaa bu-ēldúna tík kilaakoo doolidaa yérí Kooh bëb kikaci'i' buwii bu-ēldúna tík an ba bëri laak doolidaa. <sup>28</sup> Ee, Kooh bewin iñii tíku yijutuut ga ēldúna, eewuunun ee enndii tús ga ēldúnada, kidúbí' iñii bu-ēldúna tík yilëekí'-soluda. <sup>29</sup> Kooh tummba iñaama doonaa ken laakoo iñaa ya ndamukan ga fíkíici. <sup>30</sup> Kooh yérí tum du ennda wíinoo na Yéesu Kiristaa. Ee kooroh gari, Kooh oninnduu kiñaañ, ya abohinnduu bibo' bijuwí, tuminnduu bibo' bisela'i', músalinnduu ga baakaa'. <sup>31</sup> Kérí tah, fodaa ka bídu ga Kéyítfaada, wo'u an: «Baa waa' kindamuk ga yenaa, ya ndamukatti ga Ha'mudii<sup>†</sup>.»

\* <sup>1:12</sup> 1: 12 Teekaa «Kefaas» wérí wo'u ga bíncii dii.    † <sup>1:31</sup> 1: 31 Malkat Yérémí 9: 22-23.

## 2

### *Dii Pool yéegaloh Kiristaanii daaysee ga kuraanaada*

<sup>1</sup> Mbok-kerceencii, wii mi hay kúllúu mi ga kihaffoo, kiyéegallúu kúmpafii ga Koohdfa, mi toonndiirúu kimín kiwo' na kiwéñ ki'ínoh. <sup>2</sup> En ki'ena, mi abéerii kiwo' narúu ga dara yiliis enndii iñaa aaw ga Yéesu Kiristaa dogaa, yii daaysee ga kuraanaada. <sup>3</sup> Mi sah, ga wii mi en ga díkaantirúuda, mi laakéerii dooli, mi saakee hen lool sah ndaga kiniik Kooh. <sup>4</sup> Wo'eñaagoo na iñaa mi janngateeda ayukéerii ga kimín kiwo', kaa meyoh ga kiñaañ bo', wayee ayukee ga doolaa Helii yisela'íyii teewukohee ga dñuuy iñcii mi wo'fa. <sup>5</sup> En danaa, ngëmiigarúu ayukoo ga kiñaañkaa meyoh ga bo'-súusúus, wayee ayukan ga doolii Kooh.

### *Ki'ínohkii meyoh ga Koohdfa*

<sup>6</sup> Moona déy, kiñaañ kérí dí jangat ee buwii ngëmiigaba matinda, ínohuunun gaka. Kiñaañkii kiima meyohhii ga éldúnaanii wii, ee enaamacii en na kinguruk ga éldúnaanii wiida ínohsooka, ca cii ca aaw ga kisanjku'ukdfa. <sup>7</sup> Kiñaañkii Kooh enee kúmpa ga buwiidfa kérí dí jangat. Bi éldúna sakunaa lak Kooh waayukin kuméeñi' iñaa ya yah kitumdfa bi du mín kibok nari ga ndamaagari. <sup>8</sup> Enaamacii en na kinguruk ga éldúnaaniiwiida ínohsoo kiñaañkii kiima, ndaga eneenaa ba daayoo Ha'mudii líifin na ndamfa ga kuraanaa. <sup>9</sup> Fodaa Kéyítfaa wo'kada an:

«Iñaa has mosoo kihot,  
nof mosoo kikeloh,  
bo'-súusúus mosoo kihalaat,  
iñaama yérí Kooh waayukdsee buwii waa'tifa.»<sup>☆</sup>

<sup>10</sup> En ki'ena, du bérí Kooh teeb iñaama, kooroh ga Heliigari. Helii wiima nak hotin iñaa en tóoh bi ga iñcaa wéñ kihuut ga halaatcaa Koohdfa. <sup>11</sup> Bo'-súusúus iñaa en garida, bii yiida míndi ki'ínoh enndii helaa en gari, ya ga kihafcidanaa? Fodaama ken mínoo ki'ínoh iñaa en ga Kooh enndii Helii Kooh dogaa. <sup>12</sup> Du ga kihaffuu, du laassii helaa meyoh ga éldúna wayee du laas Helii meyoh ga Koohdfa, en danaa du mínoo ki'ínoh iñcii Kooh onnduu ga kijofkiigarida. <sup>13</sup> Iñcii Kooh onndíi ciima, dí jégírohhica kooroh ga wo'een, caa meyoh ga kiñaañ bo'-súusúus wayee ca meyoh ga wo'een, caa meyoh ga Helii yisela'íyii. Fodaama, iñcii meyoh ga Helii Koohda cérí dí yéegaloh ga buwii bay Helaagarida.

<sup>14</sup> Baa bay halaat bo'-súusúus kesi mínoo kitook iñcii meyoh ga Helii Koohdfa. Ca eni gari wo'een dof. Ya mínooca ki'ínoh ndaga Helii Kooh yérí onohica ki'ínoh. <sup>15</sup> Baa bay Helii Kooh nak mínin ki'ínoh iñaa en tóoh, wayee ya ga kihafci, buwaa bñinoo mínoo ki'ínoh iñaa ya halaatfa. <sup>16</sup> En ki'ena, bídu ga Kéyítfaa an:

«Bii mínoo ki'ínoh iñaa Ha'mudii halaatfa ba,  
bi ya míñiri ki'on hel?»

Dí ga kihaffii nak, dí bay halaatii Kiristaanii.

## 3

### *Súrgacii jaangii Kiristaa*

<sup>1</sup> Mi nak mbokcii, mi míndii narúu kiwo' fodii baa wo' na buwaa taam na Helii Kooh. Wayee mi wo'a narúu fodii baa wo' na buwaa taabuku iñaa neb kumuunba, fodii tulii' ga ngëmii ga Kiristaaniida. <sup>2</sup> Kérí tah, mi bëpí'tarúu miismii rek, mi e'tiirúu ñamahii wiyyégísí'wii ndaga lak dñu hatinoowa. Ee sah bi watí dñu hatinoowa, <sup>3</sup> ndaga dñu lís kipes fodii buwaa taabuk neblaat-kumuun. Waa ki'iñaan na kiñaroh cii lís kilaak ga díkaantirúu, dñu mínan na kiwo' an dñu líssii kitaabuk neblaat-kumuun, ee badukeeniigarúu enndii badukeen bo'-súusúus kesi? <sup>4</sup> Binaa dñu aaw kinookoh,

<sup>☆</sup> 2:9 2: 9 Malkat Ísayíi 52: 15; 64: 4.

bii an: «Mi, mi bok ga Pool», bii an: «Mi, mi bok ga Apoloos», iñaama enndii badukeen bo'-súusúus kesee? <sup>5</sup> Ee sah, bii en Apoloos ba? Bii en Pool ba? Dí, dí súrga Kooh kep, ee dú kooroh garíi hen, ki'aas ga ngémii. Yaa en béeb garíi tum lögëyaa Ha'mudii sassida. <sup>6</sup> Mi, mi yípin kedikkii, Apoloos soollaka, wayee Kooh yéri yéki'ka. <sup>7</sup> Kon nak, bii yípda na yii soolda enussii dara, Kooh yii yékdi kedikkiida yéri en tóoh. <sup>8</sup> Yii yípda na yii soolda bérí hín wem. Yaa en tóoh Kooh neehalanndi ga coonufaa ya dayda. <sup>9</sup> En ki'enaa, dí bérí taam kilégëyi' Kooh, ee dú bérí en yooniigari, dú ennda ban tawahii Kooh en na kiyípda.

<sup>10</sup> Ga iñii Kooh onndoo ga kijofkiigarida, mi enin tawahohaa setin yah, mi yípin larii tawahii ee bo' yiliis yii tawah ga dookgaanii. Kon nak, baa en béeb watukat dijóff' daa ya tawahida <sup>11</sup> Larii tawahii wa wíinoo ee Yéesu Kiristaa yéri. Laakissii la' wiliis waa míin kiyípu. <sup>12</sup> Ga dook lariima nak laakin buwaa en na kitawah ga na wúrúus, bii na héelís, bii na siimii címóri', bii na haanga, bii na boob, bii na baañ. <sup>13</sup> Ga besaa béríi éldúna yah ki'atti'uda, iñaa bo' lögëyin tóoh hay kihotuk, meydohu fañ. En ki'enaa, besaama yah fodii kiwii, kaa baa en béeb, lögëyaagari hay ga kikoo'dohu, kimalak daa wa hín kimanda. <sup>14</sup> Baa iñaa fu tawah ga dook laraada kiwiikaa míndii dara ganaa, fu hay kilaas neehal. <sup>15</sup> Wayee nak, baa iñaa fu tawahda takaa, fu hay kiñak neehalaagaraa. Fu hay kimúc ee fu madan na baa rëcoh ga kiwiikaa.

<sup>16</sup> Dú ínohoo an dú bérí en Kaanfii Kooh ee Helii Kooh yii dékka garúune? <sup>17</sup> Baa fu dúbí' Kaanfii Koohaa, Kooh hayyaa kidúbí' ndaga Kaanfii Kooh sela'in ee Kaanfima, dú bérí. <sup>18</sup> Ken hanat hafci kidúk. Binaa laak garúu baa tík hafci ñéeñí' ga fíkii bu-éldúna, ya namat kay kitook kitíku dof ga fíkiiiba, en danaa, ya en baa ñaañin ga fíkii Kooh. <sup>19</sup> En ki'enaa, iñii bu-éldúna tík kiñaañda iñaa kidof ga fíkii Kooh. Bíduunun ga Kéyítfaa an: «buwii toon kiñaañda, Kooh búukinba, koorohha ga helcaa ba la' ga kihaffada.» <sup>20</sup> Bíduunun ban an: «Ha'mudii ínohin halaatcaa ñéeñí'caa, ya ínohin an ca en sooy.» <sup>21</sup> Kon nak, ken hanat kindamukoh bo'-súusúus. Dú bérí laak tóoh: <sup>22</sup> ennda Pool, ennda Apoloos, ennda Pee'\*<sup>22</sup>, ennda éldúna, ennda kipeskii, ennda kikaankii, ennda iñcii laak diimada, ennda iñcaa yah kihayda, tóohca dú bérí laakca. <sup>23</sup> Ee Kiristaanii yéri laakkúu, Kooh laakka Kiristaanii.

## 4

### Buwii enu apotaa' Kiristaaniida

<sup>1</sup> Kon dú jommbíi ki'aboh bisúrga Kiristaanii rek, dí tuukuk lögëy ki'ínohlukoh buwii kúmpafii en ga Koohda. <sup>2</sup> En ki'enaa, baa tuukuk lögëy bo', iñaa ya meekisuda wérí en kitum lögëyaagari bi júb fodaa ya nakukada. <sup>3</sup> Mi ga kihaffoo, waa dú atti'oo, wala mi bayu paanaa atti'ohsidá, dara bíttiiroo ga. Mi nak, mi atti'oo haffoo ban. <sup>4</sup> En ki'enaa, heliigoo yammbiiroo ga dara wayee iñaama tähhi mi wo' an mi júwin. Ha'mudii yéri doj jommboo ki'atti'. <sup>5</sup> Kon nak kaa atti'at ken ee wahtii Ha'mudii amdfa le'ii. Sekat bi Ha'mudii hayis. Yéri yah kiléerí' iñcii daakuk ga ñúusiida, ya meydoh fañ halaatcii daaku ga keeñciida. Fodaama, baa en béeb Kooh hayyi kikañ, kañaa wa' gari.

<sup>6</sup> Mbokcii, mi wo' iñcuma garoo na ga Apoloosaa, nam ki'en mi waa'túu kiyúun. En danaa, dú malak garíinaa, dú ínoh iñii liiwukii wii waa' kiwo'da an «Eemat ga iñaa bídu ga kéyítfaadá.» Kon ken garúu hanat kibéwí' hafci ya fa'ta na yiinaa, ya yóoskí' yaa tesfa. <sup>7</sup> En ki'enaa, fu wóotíroh na buwii ga ya? Iñii yiida fu laak ee enndii Kooh onndaari? Waa Kooh yéri onndaa iñcii fu laakda, fu ndamuk ya ga en fan fu yéri on haffu?

\* <sup>3:22</sup> 3: 22 Malkat 1: 12: Teekaa Kefaas wérí Pool bay dii.

<sup>8</sup> Kon daal, dú laakin tóoh iñaa dú sooluk! Kon daal dú dóoyírin! Dú foñinndíi, kon dú aasin ga kibuu' haat! Dii dí waaree dú en bibuu' kayoh-kayohda ee dí bok narúu kinguurukdá! <sup>9</sup> Ee sah, manndoo na dí apotaa'cii, Kooh bewinndíi, ya hanohi'taríi fenoo buwii, dí en buwaa jom ki'apu, béeb malaki ga, dí en yensirukaah ga fíkii ēldúna, fíkii malaakacii na fíkii béeb buwii. <sup>10</sup> Dí, dí bérí tíku dofcii ndaga Kiristaanii, dú, dú ennda ñéeñí'cii an bérí en wíinoo na Kiristaaniiida. Dí, dí bérí en buwii laakoo doolidá; dú, dú ennda buwii an bérí laak doolidá. Dú, dú bérí en buwii eru cée'da, dí nak, dí ennda buwii faali'ussiida. <sup>11</sup> Bi ga wahtii dú enohda, dí bii yaab, dí bii píl, dí laakoo iñaa dí ekukan, dí bii feeku ee dí dék ga kiwíil. <sup>12</sup> Iñaa dí ñaman, dí lëgëyiri na yahciigaríi. Binaa bifo' bassíinnaa, dí kíimi'ba yijófí'. Binaa dí hatalu ga kipesaa, dí tookka. <sup>13</sup> Buwii wo'i garíi yibóní', wayee dí wo'i naba wo'een cinéwí'. Ga fíkii buwii, dí bérí en caluuscii ēldúna, dí bérí en baycii ēldúna.

### *Towutii Pool ga ngëmiida*

<sup>14</sup> Mi bíndiirúu iñcuma kikaci'i'túu, wayee mi bíncá kiyúunndúu, dú bii mi aboh bitowuroo ga ngëmii, taa mi keeñukinda. <sup>15</sup> En ki'enaa, luu bo' bijúnni-daankaah yódíreerúu kitaabuk Kiristaanii, dú laakkii paamun biyewin. Mi en paamudii haydohhúu ga Yéesu Kiristaada, kooroh ga Hewhewii winéwi' wii mi yéegallúuda. <sup>16</sup> Kon mi kíimmbúu, tumat fodiigoo. <sup>17</sup> Kérí tah mi wosohhúu Tímotée yii mi aboh fodii kowuroo ga ngëmiida, mi keeñukinni ee ya júwin ga fíkii Ha'mudii. Ya hayyúu kiniindís dii kipeskiigoo man ga waasii Kiristaanii, ee iñaamaa yérí en iñii mi jégíroh daa en béeb ga jaanguciida.

<sup>18</sup> Laakin ga d'uuyucúu buwaa en na kibëwí' yúuk, bafoon an mi hayisanndii kiwaakneerúu. <sup>19</sup> Wayee neb Ha'mudiinnaa, diimanaa mi hayyúu kiwaaknee bi mi ínoh, buwaama en na kindamukdá, ati ba wo' túuwtaagaba doj wala laakin iñaa ba míñ. <sup>20</sup> En ki'enaa, kibok ga Nguurii Kooh enndii kiwo' na kúuw kesi onohika wayee kimíinkaa meyoh garida onohika. <sup>21</sup> Iñii gënëllúu ya? Mi hay garúu, mi taam na kifeekoh, wala mi hayan, mi tam na keeñ kiwaaroh na kidúkoh narúu?

## 5

### *Badukeenaa wibóní'waa kerceencaa Korenti*

<sup>1</sup> Giliis gee ban: buwii keloh an laakin ga d'uuyucúu kibonkaa hotuk, kaa wëe'taa ga an kii buwii ínohsoo Koohda sah tumsooka. Wo'u kon an laakin garúu yaa tum beti paamci beti, <sup>2</sup> ee an dú ndamukoh iñaama. Keeñnjúu jomee ga kileeh hen ee baa tum iñaamada dú kaalli ga díkaantirúu. <sup>3</sup> Mi nak, luu en an mi gaa narúu duma, heliigoo wii narúu duma. Kon man na mi yii ga díkaantirúu ee baa tum iñaa yibóní'yaamada mi atti'inndi haat. <sup>4</sup> Mi nakinndúu ga teekii Yéesu Ha'mudiigaruu, hídírukohat, mi yah ga díkaantirúu ga hel ee doolii Yéesu Kiristaa, Ha'mudiigaruu yah naruu kitaam. <sup>5</sup> Baama, tíkatti ga yah Seytaani, en danaa faanfaagari dúbíru, ee fodaama fitaagari míñ kimúc ga béríinnaa Ha'mudii hayisanda.

<sup>6</sup> Dú laakoo iñaa dú ndamukohan. Dú ínohin liiwukii wii an: «Molon-kuun wijutuut, waa kaañohin dooyin kikaañohi' kuuncaa tóohca.» <sup>7</sup> Kon sétírat haffúu ga molon-kuunii wiméeñí'wii en baakaa'da, en danaa dú set wic, dú man na kuun ci'as caa tummbii molon-kuun. En ki'enaa, Kiristaa apuunun ga kuraanaa, ya ennda baalsarahiigaruu ga Paakii. <sup>8</sup> Kon du húmbalat Paakiigaruu ee hanat ki'en na mbúuraa tumin molon-kuun wiméeñí', wii en kimoroo ga nof na kisootdá, wayee enat na mbúuraa en kiset keeñ na kitum iñaa en kayohda.

<sup>9</sup> Mi bideeraruú këyít, mi wo'arúu an kaa bokat dara na buwaa faanuki na baa en béebdá. <sup>10</sup> Wo'eeniigoo aawéeríi nak ga buwii ga ēldúna faanuksi na baa en béebdá, wala bii waari kigooñ iñaa en tóoh ga haffbadá, lokcii wala buwii jaamuki

tuu'da. Buwiima, dú na' naba kibokoo ga daranaa, dú meyan ëldúna hen. <sup>11</sup> Mi waareerúu kiwo' an: Kaa bokat dara na buwaa tíku hafba kerceen ee ba faanuki na baa en béeëðsa, bii waari kigooñ iñaa en tóoh ga haffbadä, bii aamuki koofða, bii basi mooroombadä, bii dék ga kilaalða, bii lokida. Baa man fodaama kaa bokat nari sah kiñam. <sup>12-13</sup> Buwii enussii kerceenda mi yérí jomba ki'atti'e? Ó'óo, Kooh yérí yahba ki'atti'. Wayee dú, dú jomin ki'atti' buwii dú bok naba jaanguda. En ki'enaa, bídu ga Kéyítfaa an: «Bii yibóni'yii, meydohatti ga díkaantirúu.»

## 6

### *Kilayoh ga díkaanti bikerceen*

<sup>1</sup> Mbokcii, binaa yiinoo garúu laakoh na mbok-kerceen mooroomcinaa, ya mínan na kikëldük buwii en buu Koohða, ya ka' ki'atti'u ga buwaa júwussii ga fíkii Kooh? <sup>2</sup> Kon, dú ínohoo an buwii en buu Koohða bëri yah ki'atti' ëldúnane? Waa dú bëri yah ki'atti' ëldúna, iñii hoonohhúu ki'atti' iñcaa ciyíncaa caama ya? <sup>3</sup> Hanaa dú ínohoo an bi ga sah malaakacii du bëri yahba ki'atti'? Kon ki'atti' iñcii ga ëldúnada mínannduu na kitëh? <sup>4</sup> Ee kat, laakohaa man fodaama, en ga díkaantirúunaa, dú beþnee bibo', baa jaangii abohba buwaa enndii dara, ba atti'"úu? <sup>5</sup> Mi wo' man iñaama jominndúu ki'ap kaci. Hanaa kay laakin ga duuycúu bo' yiinoo yaa ínohin yen book, yaa míni ki'atti' mbok-kerceen banak baa laakoh? <sup>6</sup> Kon morin moos kerceen na mooroomci, ba laakoh bi ba ka'nee sah ga fíkii atti'ohcaa gémussii ga Yéesudsane? <sup>7</sup> En ki'enaa, kilayoh ga díkaantirúu kéri ðeb kiteewoh an dú keenin jac. Kitooñu fu múuñ, kilokdu fu múuñ enndii kéri gën kilayoh na mooroomfune? <sup>8</sup> Ee eemmbiifa sah, dú ga kihaffúu, dú bëri tooñi, dú bëri loki ee dú tumi mbokkúuka. <sup>9</sup> Kon dú ínohoo an buwii júwussiifa boksandii ga buwaa yah kilam Nguuraa Koohdane? Kon ken hanattúu kidúk. Buwii faanuki na baa en béeëðsa, buwii aamuki koofða, buwii dúki yaalba na betiba ba faanuki na bo' yiliisða, yaalcii faanuki kibeti na yaal mooroombadä, na buwaa tumka lëgëyða, <sup>10</sup> lokcii, buwii waari kigooñ iñaa en tóoh ga haffbadä, buwii dék ga ki'anda, buwii basi mooroombadä, gúroh-waascii, béeëð buwaama boksandii ga buwaa yah kilam Nguuraa Koohða. <sup>11</sup> Biyewin garúu madee fodaama kudewaa, wayee dú setdfussa ga baakaa'ciigarúu, dú faandfussa Kooh han doonaa dú en buuci, dú abohussa bo' bijúwí' ga fíkii Kooh, kooroh ga teekii Yéesu Kiristaa, Ha'mudii, na ga Helii Koohyiigaruu.

### *Erat Kooh Ndam ga faanciigarúu*

<sup>12</sup> Laakin buwaa wo'i an: «Iñaa nebpoo tóoh mi tum.» Kayoh, wayee enndii tóoh jof garúu. Mi míni kiwo' an: «Iñaa nebpoo tóoh mi tum», wayee, mi yahhii ki'íis haffoo, mi en ñaam iñaa en tóoh. <sup>13</sup> Dú wo'in ban an: «ñamah eni' look, ee look eni' ñamah.» Kayoh, ee Kooh hayca kidsúbí' ca kanak tóohca. Faan nak, enohussii kifaanuk na baa en béeëð. Faanfii eni' Ha'mudii ee Ha'mudii eni' faanfii. <sup>14</sup> Kooh yii mílísí' Ha'mudii ga kikaankaada, Koohyii yiima yérí yahhuu kimilísí' ban ga kikaankaa, kooroh ga dooliigari.

<sup>15</sup> Dú ínohoo an faanciigarúu iñcii cée' ga faanfii Kiristaa hene? Mi hay kibëëð moos cée' ga faanfii Kiristaanii, mi tumwa cée' ga faan faankoh-pakaye? Múk, mi tumooka.

<sup>16</sup> Kon dú ínohoo an baa fu faanuk na faankoh-pakayaa, fu enin nari faan fiinoone? En ki'enaa, ga loo beti na yaal, bíduunun ga Kéyítfaa an: «Ba banak, ba yah faan fiinooo»<sup>17</sup>. Wayee baa en wiinoo na Ha'mudiinaa, lak enin nari wiinoo ga hel.

<sup>18</sup> Kon núpat kifaanuki na baa en béeëð. Béeëð baakaa' wiliis, waa bo' tum laakohhii dara na faanfaagari, wayee baa faanuki na baa en béeëð ya tumin iñaa joffii ga faanfaagari. <sup>19</sup> Kon dú ínohoo an faanfiigarúu fëri en Kaanfii fisela'í'fii Helii

<sup>17</sup> 6:16 6: 16 Malkat Sënees 2: 24.

yisela'í'yii dëkohdane? Heliima en garúuda, Kooh yérí onndúuwa. Dú, dú laakkii haffúu. <sup>20</sup> Kooh eroh cadam fiyaak, ya laassarúu. Kon, na faanciigarúu, erat Kooh Ndam.

## 7

*Iñii Pool taas ga loo sëyda*

<sup>1</sup> Diimada du paafat ga iñcaa dú bideeroo, dú meekissaroocada. Iñaa gën ga yaalda wérí en ya le'oo ga beti. <sup>2</sup> Kikeen ga yibóní' nam kiyoob hen bi, iñaa gënda wérí en yaalaa en béeb laak betici, betifaa en béeb laak yaalci. <sup>3</sup> Yaal jomin kitum iñaa wa'ti ga díkaantici na betici ee beti ban jomin kitum iñaa wa'ti ga díkaantici na yaalci. <sup>4</sup> Beti laakkii faanfaagari, yaalci yérí laak. Yaal ban laakkii faanfaagari, betici yérí laak. <sup>5</sup> Yíinoo gaba jomoo mooroomci kihoonoh hafci, enndii an ba júwoh ga hen, ba tum fodaama ee enoo ga iñaa maañ, lak ba waa' kikíim Koohaa. Wayee gaama paafaa, ba taabaatat ba sëy. Enndiikanaa, ba mínsanndii ki'abuk ee Seytaani míñ ga kikooroh, fi'ba. <sup>6</sup> Iñii mi wo' yii mi tookin ya tumu, wayee mi gítínnidii ken ga. <sup>7</sup> En ki'enaa, enee ga iñaa gënélloona, béeb tuman fodiigoo. Wayee nak baa en béeb na iñaa Kooh onndida. Yii Kooh onndi iñii yii, yii Kooh onndi iñaa yay.

<sup>8</sup> Yaalcii laaksoo betisa na beticci biyalba kaaninda, iñii mi wo'ba ee gën gabada wérí en an ba tum fodiigoo, ba tesda. <sup>9</sup> Wayee en lak ba mínoo ki'abukkaa, yaal pajat beti pajuk. En ki'enaa, kipañ na ki'en ga pañ, këri gën kitak.

<sup>10</sup> Buwii en ga kipañ wala kipajukda mi wo'ba iñii yii: Betifaa pajukin jomoo kitagoh na yaalci. En ki'enaa, enndii mi ebilohka na kihaffoo, wayee Ha'mudii yérí. <sup>11</sup> Ee binaa fa tagoh narinaa, fa jomoo kipajukis wala book fa júwohisat na yaalci. Yaal ban jomoo kifoñ betici. <sup>12</sup> Iñii mi yah kiwo' yiida nak enndii Ha'mudii ebilohhi wayee mi yérí wo'ka: Binnaa yaalaa en kerceen laak betifaa enndii kerceenaa, ee betifaa took kites narinaa, ya jomoo betifaa kifoñ. <sup>13</sup> Fodaama ban, betifaa en kerceen laak yaalaa enndii kerceen ee yaalaa took kites narinaa, ya jomoo kitas ban. <sup>14</sup> En ki'enaa, yaalaa enndii kerceen Kooh tookinndi ndaga daa fa taam na betifaa en kerceenda, ee betifaa enndii kerceen Kooh tookinfa ndaga daa fa taam na yalaa en kerceenda. Enndii fodaamanaa, towutaagaña madan na towu yiifa', ee wiima lakanaa Kooh tookinta. <sup>15</sup> Wayee nak baa enndii kerceen waa' kitagoh na baa ya pajoh nari en kerceenda, yaama íisatti ya yee'. Iñaama laakaa, yaa en kerceenda, ennda yaalaa ennda betifaa, ya laakin hafci. En ki'enaa, Kooh bayyúu kipes ga jam. <sup>16</sup> Fu betifi en kerceenda, fu ínohoo ati eneenaa fu hay kitah yaalfu kimúc, ee fu yaalii en kerceenda ban, fu ínohoo ati eneenaa fu hay kitah betifu kimúc.

*Kaa súpitat kipessúu*

<sup>17</sup> Paaf ga iñiimanaa, baa en béeb lísat kitaabuk kipeskaa Ha'mudii onndida, kipeskaa ya enohee ga wii Kooh bayyi ga hafcida. Iñaama yérí mi ebiloh ga béeb jaangucii. <sup>18</sup> Baa, wii Kooh bayyaa ga hafci, laakkaa lak fu gúrukinaa, kaa heel kidaak mandargaa teewoh an fu gúrukinda. Baa, wii Kooh bayyaa ga hafci, laakkaa lak fu gúrukkiinaa, kaa gúruk. <sup>19</sup> Kigúruk na kigúrukkii tóoh laakoo solu. Iñii laak soluda wérí en kitum iñaa Kooh nakohda. <sup>20</sup> Baa en béeb lísat kitaabuk iñaa ya enee ga wii Kooh bayyi ga hafcida. <sup>21</sup> Baa, wii Kooh bayyaa ga hafci laakkaa lak fu ñaam, iñaama hanattaa kibít. Wayee fu hot halaa onanndaa kilaak haffunaa, wa onattaa kisaan. <sup>22</sup> En ki'enaa, baa fu en ñaam ee Ha'mudii bayinndaa ga hafcinaa, fu yaama, Ha'mudii oninndaa kilaak haffu. Fodaama baa fu enndii ñaam ee Ha'mudii bayinndaa ga hafcinaa, fu yaama, fu ñaam Kiristaanii. <sup>23</sup> Kooh lomohinndúu cadam fiyaak; kon kaa enat ñaam bo'-súusúus. <sup>24</sup> Mbokcii, baa en béeb, ga fíkii Kooh ya lísat ga iñaa ya enukohee, ga wii Kooh bayyi ga hafcida.

### *Buwii enussii ga kipañ wala kipajukdə*

<sup>25</sup> Diimada kon, mi hayyúu kitaas ga loo buwii mosoo kile' ga beti wala yaalda. Enndii nak Ha'mudii ebilohka, wayee mi yah kiwo' halaattoo. Ee dú jominndoo ki'óoluk ndaga Ha'mudii ga yérmaandiigari yérí onndoo halaatiima. <sup>26</sup> Mi, mi foogin an gënин ga yaal, ya tes da, ya aasoo ga beti ndaga conucii ga jamaanii watida. <sup>27</sup> En fu laakin betinaa kaa heelfa kifoñ, en fu laakoo betinaa tesaa da. <sup>28</sup> Binaa fu pañ banaa, fu tummbii baakaa'. Ee oomaa-jowu pajukaa, ya tummbii baakaa'. Wayee buwii aas ga sëyda, ba hay kilaak coonu besaa en béeb, ee iñaama yérí mi sagi'túu. <sup>29</sup> Dú mbokcii, iñii yii yérí mi waa'túu kiwo'. Iñii tesda yewinissii. Aboh ga watinaa, yaalcii pajinda, ba madat ga kipesba fodii buwaa pañjii; <sup>30</sup> buwii kodukdə, ba madat na buwaa kodukkii; buwii en na kiyenda, ba madat na buwaa yenndii; buwii lomidə, ba madat na buwaa laakkii iñaa ba lomda; <sup>31</sup> buwii jeriñukohi iñcii cijóff'i ci ga ēldúnada, ba madat na buwaa mosooca kijeriñukoh. Iñaama enat fodaama, ndaga ēldúnaanii wii ga dii wa manda, yahissii kimaañ. <sup>32</sup> Mi waa' dū bégisuk ga halaat ēldúna. Yaalaa pañjii, líki helci ga iñaa aaw ga loo Ha'mudii, ya heeli kinebloh Ha'mudii. <sup>33</sup> Wayee baa pajin líki helci ga enaama ēldúna, ya heeli kitum iñaa tahan betici wëñnji kiwaa'. <sup>34</sup> Fodaama, ya warukoh ga enaama kanak caa bítinndi. Betifaa pajukkii ban wala ooma-jowu, líki helci ga iñaa aaw ga loo Ha'mudii doonaa ya en yuu Ha'mudii ga béeb iñaa ya tum na iñaa ya halaat. Ee betifaa pajukinda nak líki helci ga enaama ēldúna, ya heeli iñaa tahan yaalci wëñnji kiwaa'. <sup>35</sup> Mi wo' iñuma ki'amdrohhúu rek, enndii an mi waa'túu ki'ek ga gagal. Mi waa' rek kipessúu en ga daa gënda ee dú eroh haffúu tóoh ga lëgëyii Ha'mudii.

<sup>36</sup> Kon du paafat kimma ga loo oomaa-fil, yaa pokin jowu. Binaa helci lík lool ga jowujaa ee ya halaat an ya míñ kitum iñaa bokkii ga ee ya am an ba jom kipajoh henaa, ba pajohat: ya tummbii baakaa'. <sup>37</sup> Wayee ñan ya míñ ki'am bi yégis ga keeñci an ya pajanndii ee ya faanukanndii na jowujaa. En lak iñaa ya am yaama yégisin ga keeñci, ken gítinndiiri ga ee ya abin hafci ga jowujaanaa: ya tumin iñaa jof. <sup>38</sup> Fodaama, baa pañ beti tumin iñaa jof ee yaa pañjniida nak tumin iñaa wëñ kijof. <sup>39</sup> Betifaa pajukin lísan ga pajaa en lak rek an yaalci yaa lís kipesaa. Yaalaa kaanaa nak, ya míñ kipajukis ga baa nebpi, wayee enat ga kerceen fodaagari. <sup>40</sup> Wayee nak ga halaattoo, ya wëñan kinebluk binaa ya tesdanaa ee mi foogin an mi taam na Helii Kooh ga halaatuma.

## 8

### *Kiñam koynoh kaa tumu sarah ga koof*

<sup>1</sup> Diimada ban, mi hayyúu kitaas ga iñum dú meekissoo ga loo koynohkaa tumu sarah ga koofdə. Kayoh sah, dū béebspuu, baa en béeb garuu laakin iñaa ya ínoh. Ki'ínoh nak eki bo' ga kibëwí' hafci, kiwaaroh tahi ngëm kiyégis. <sup>2</sup> Baa foon an ya ínohin yen tóoh, lak ki'ínohkaagari le''ii ga daa ka jomee kile'da. <sup>3</sup> Baa waarin Kooh, Kooh ínohinndi.

<sup>4</sup> Kon ga loo iñuma dú meekissoo an ati koynohkaa tumu sarah ga koof jomin kiñamu wala jomooda, mi taassúu an: «koof enndii dara ga ēldúna ee Kooh yíinoo doñ yérí laak» <sup>5</sup> En ki'ena, iñcaama buwii tík Kooh na Ha'mun ga asamaan na ga ēldúnada, ca yewinin. <sup>6</sup> Wayee en garuunaa, Kooh yíinoo doñ yérí laak: yérí en Paamudii, yii sak iñaa en tóoh ee du ay kipessuu gari. Ee ñan Kooh yíinoo doñ yérí lak: yérí en Yéesu Kiristaa, ya yii tóoh saku koorohha gari ee yérí en kipessuudə.

<sup>7</sup> Wayee nak enndii kerceencii béebba bérí ínoh kayohfiima. Bíinoo, koofcaa ba aamukeeda meycii ga hafcaagaba bi diima. Saycaa ba ñam koynoh sarah tóoh madi ña, ba bokidohuunun ga sarahaanu tumu waama ee helcaagaba híciskoh, ba foon an

ba tumin yisépí'i'. <sup>8</sup> Ñamah moos deeydohooruu ga Kooh: kiñammbii ga, næewísoo dara garuu ee kiñam ga, baatoo dara garuu.

<sup>9</sup> Wayee nak watukaa iñaa dal helfu fu tumida wa en iñaa ekan buwaa ngëmaagaba yégíssiida ga kitum baakaa'. <sup>10</sup> En ki'enaa, baa ngëmaagari yégíssii, hottaa fu yii fu ínohin kayohfiida ga dékataa aamukohsi koofda. Fu bokin kanu na buwaa aamuki koofdanaa, iñaama mínoori ki'ek ga ki'aaw kiñam koynohkaa sarahu ga koof fodiigaraane? <sup>11</sup> Fodaama, mbok-kerceenaama, ngëmaagari yégíssiida, ki'ínoh-kayohkiigaraa tahinndi kisanjku'uk ee lakanaa ya ñan, Kiristaanii kaandinndi ga kuraanaa. <sup>12</sup> Fu tum baakaa' fodaama, fu tooñ mbok-kerceena ngëmaagari yégíssii, fu yah helaagarinaa, ínohaa an Kiristaanii yérí fu tooñ. <sup>13</sup> Kéri tah, koynohkaa mi míñ kiñam tóoh, ka na' ki'ek mbok-kerceen ga kitum baakaaraa, mi iísanka hen bi taa', doonaa mi ekoo mbokkoo-kerceen ga kitum baakaa'.

## 9

### *Pool foñin tóoh iñaa ya jomee kilaak ga lëgëy ki'apotaa'kaagari.*

<sup>1</sup> Enndii mi laak haffoone? Mi enndii apotaa' hene? Mi hottii Yésu, Ha'mudiigaruu? Dú límukohhii ga lëgëyii Ha'mudii mi enukohfane? <sup>2</sup> Luu enee an laakin buwaa tookussiiroo apotaa', garúu, mi apotaa'. En ki'enaa, enii dú enin wíinoo na Ha'mudiida teewohin kayoh-kayohda an mi apotaa'. <sup>3</sup> Iñii yii yérí mi layi' haffoo kitaas buwii yammbooda: <sup>4</sup> Ati dí jomoo ki'eru ñamah na anah? <sup>5</sup> Dí jomoo kibaydoh betifaa dí pañ ee en kerceen fodii dii apotaa'cii bínno, ba na kémëenkímcii Ha'mudii na Pee<sup>\*</sup>, ba tumika dñane? <sup>6</sup> Ati mi na Barnabaas dí ñanak rek dí bérí jom ki'anaj kilaak iñaa dí pesohan? <sup>7</sup> Soldaarii yiida mos kibay hafci ga poosci? Bii yiida yípan kedik, ka límaa ya jomoo kimay ga towutaa? Wala nírohii yiida níiran yop ee an ya jomoo kile' ga miismaa ya tenida? <sup>8</sup> Kaa foogat an iñii mi wo'da mi bewohhi kesi ga iñciima buwii hot ca tumsida. Waasii Móyíis ñan wo''ii iñaamane? <sup>9</sup> En ki'enaa, bídu ga an: «Kaa súum kúuwkaa enohfaa en na kiyon belaadfa.» Wo'eenama, enoh tah Kooh kiwo'wane? <sup>10</sup> Du bérí tah Kooh wo' iñaama man? Ehee, du bérí tah iñaama kibidu. Fodaama línoh jomin ki'am yaakaa' ga iñaa ya línda ee yonoh jomin ki'am yaakaa' kilaak bakci ga iñaa ya yonda. <sup>11</sup> Dí nak, dí sokin garúu enaama cijóff', caa meyoh ga Helii yisela'i'yii. Kon binaa dí laas ga iñaa dú lëgëy ga yahhúudanaa, iñaama hépin ga iñaa dí jom kisek garúudane? <sup>12</sup> Waa laakin bifo' baa laak iñaama garúu, enndii dí jomeeba ka kiwëñ kilaak garúu fúufe? Moona déy, iñaa dí jom kilaak garúu yaama dí taabukkiiri. Wayee dí kooruk tóoh doonaa laakoo enaama yíinoo yaa hoonohan kitíin lëgëyii kiyéegaloh Hewhewii winéwí' wii. <sup>13</sup> Buwaa lëgëyi ga Kaanfaa Koohda, man dú ínohin an ba bewohi iñaa ba pesohi ga iñcaa buwaa haydohi daamada; buwaa tum lëgëy-sarahohda, ba laasi bakba ga iñcaa tumsi sarah daamada<sup>†</sup> <sup>14</sup> Fodaama, Ha'mudii nakoh an buwii tum lëgëy kiyéegaloh Hewhewii winéwí'wiida, ba pesat ñan ga lëgëyaa ba tum waama.

<sup>15</sup> Wayee iñcaama mi jom garúu kilaakda, mi taabukkii wíinoo gaca. Ee mi bínndii iñii yii kiwa' dú tumi'too yen. Ken mínoo kite' garoo iñaama mi bakukohida: kikaan gënéllooka. <sup>16</sup> En ki'enaa, mi laakoo iñaa mi yah kindamuk ga kiyéegaloh Hewhewii winéwí'wii. Wa en sas garoo waa mi sasu, ee massa haffoo binaa mi yéegalohhhii Hewhewii winéwí'wiinaa. <sup>17</sup> Enee an mi na kihaffoo, mi yérí tanuk kitumkanaa, eneena mi míñ kiséentuk fay ga. Wayee, waa mi tíkuka hen, wa enin sas waa mi eru kitum. <sup>18</sup> Kon fayiigoo gada wérí en ya? Hanaa kiyéegaloh Hewhewii winéwí'wii, mi meekisohoo dara ee mi díibukoo kilaas iñaa buwii yéegalohiwa jom ga kilaakda.

\* <sup>9:5</sup> 9: 5 Teekaa wo'u dii, kikelohi' Gerekcaadfa en «Kefaa»    † <sup>9:13</sup> 9: 13 Malkat Léwítik 6: 9-19; Déteronom 18: 1-3,14.

<sup>19</sup> En ki' enaa, mi laak haffoo, mi enndii ñaam ken. Wayee mi tumin haffoo ñaam baa en béeēb doonaa mi míñ kinook iñaa wëñ gaba kiyewinda ga Kiristaanii. <sup>20</sup> Binaa mi en ga d̄uuuy yaawúu'ciinaa, mi eni yaawúu' doonaa mi nookba. Hídaa ga dii mi aycii kipessoo ga Waasii Móyíisda tóoh, binaa mi en ga d̄uuuy buwii ay kipesba ga Waasii Móyíisdanaa, mi tumi haffoo fodii baa ayuk gawa doonaa mi nookba. <sup>21</sup> Fodaama, binaa mi en na buwii ayussii kipesba ga Waasii Móyíisdanaa, mi eni fodii baa aycii kipesci ga Waasii Móyíis doonaa mi nookba. Moona déy, enndii an mi faali"ii Waasii Kooh; nam ki'en an mi ay kipessoo ga waasii Kiristaanii. <sup>22</sup> Mi en na buwaa ngëmaagaña yégíssiinaa, mi tumi fodii baa ngëmaagari yégíssii, doonaa mi nookba. Fodaama mi madi ga fíkii baa en béeēb fodaaa daa mi laakki ya manda, ee mi tum tóoh bi laak gaba baa múc. <sup>23</sup> Iñcaama tóohca, mi tumca ndaga Hewhewii winéwí'wii, doonaa mi ban, mi laak ga iñcii cinéwí'cii wa onohida.

<sup>24</sup> Dú ínohin dijóffí' an en ga kifool kidewirohaa, béeēb foolohcaa bëri fooli, wayee yíinoo rek yérí bayan ndamaa. Foolat kon jaaraa onanndúuwa kibeb. <sup>25</sup> Foolohaa en béeēb, en na kitagat faanfaagarinaa, hoonohi' hafci enaama ciyewin. Ya tumi iñamaa kiheel ndamaa maañoo, wayee d̄u, du tumi fodaama kiheel ndamaa yah bi taa'. <sup>26</sup> Mi nak, mi fooli fodaama, mi leeloo kifool; mi lebirohi fodaama, mi leeloo kifeek; <sup>27</sup> faanfigoo, mi onoofa jam, mi tumifa iñaa nebpoo, enndiikanaa mi hay kiyéegal buwii Hewhewii winéwí'wii bi leehaa, mi dal kijafu ga fooh.

## 10

### *Pool nak bu-Korenti kiwatuk ki'aamuk koof*

<sup>1</sup> Mbokcii, mi waa' d̄ú níindísuk iñaa hewee ga caasamuncaagaruuda: man ba béeēbba, ba enee ga fíldoo yaayeelaa kuliyukee waasaagabada, ee ba béeēbba ba paaffa giyyaa gaa. <sup>2</sup> Daama, ga fíldoo yaayeelaa na ga d̄uuuy giyyaa, man na béeēbba ba bëtisi'ussa ki'en wíinoo na Móyíis. <sup>3</sup> Béeēbba, ba bokka kiñam ñamah wíinoo waa Kooh oneebada. <sup>4</sup> Béeēbba, ba bokka ki'an ban ga músumaa Kooh oneebada. En ki' enaa, ba béeēbba, ba anee ga músumama Kooh meydohee ga atoh, waa bedeebada. Atohaama Kiristaanii yérí. <sup>5</sup> Moona déy, iñaa wëñ kiyewin gabada pesséeríi ga iñaa neb Kooh, kérí tah ba boolukka yíinoo yíinoo ga d̄uuuy égi'-dündagaa.

<sup>6</sup> Iñcaama laakka doonaa d̄u malak gacanaa, d̄u watuk kitaabuk neblaat-kumuun cibóní' fodaan gaba. <sup>7</sup> Dú jomin ban kiwatuk ki'aamuk koof fodaan bíinoo gaba tumee kada. Bídu ga Kéyítfaa an: «buwaa yuñnga, ba aawwa kiñam na ki'an, lëehí'ta ba kolukka, ba aawwa ki'eeñjoh.»<sup>8</sup> <sup>8</sup> Watukat ban kifaanuk na baa en béeēb fodaan bíinoo gaba tumee kada: bo' bijúnni-daañkaah-kanak na bijúnni-kaahay (23.000) kaanussa ga bes wíinooda. <sup>9</sup> Du watukat kitooñ Ha'mudii fodaan bíinoo gaba tumeeka ee goncaa döspaba, ba kaanndada. <sup>10</sup> Watukat kiñasukoh iñaa aaw ga Kooh fodaan bíinoo gaba tumeeka ee malaakaa Kooh sajku'ida d'úbí'tabada.

<sup>11</sup> Kofeelcaama dalla bicaasammbuu doonaa d̄u malak gacanaa d̄u watuk, ee ca bídussa doonaa ca yúunnduu d̄u bii d̄u en na kipes ga jamaanucii méeñjohda. <sup>12</sup> Kon nak, baa fu fooj an fu yégisin gík béeēb watuka, enndiikanaa fu hay kikeen. <sup>13</sup> Laakkii coonufaa tíkukkúu, faa bibo' biliis koorukkiifa. Iñaa Kooh dígoh tóoh tummbi, ee ya íisanndiirúu d̄u tíku coonufaa paaf daa doolicaagarúu eem. Saycaa coonu tíkukkúu tóoh, Kooh waayuki'túu ban halaa d̄u récohan en d̄anaa d̄u yégis ga fíkii coonucaama.

<sup>14</sup> Kon, d̄u bii mi keeñukinda, úsaayat tóoh iñaa en koof. <sup>15</sup> Mi ínohin an mi wo' na buwaa laakin hel, kon iñuma mi wo"úuda malakatti bi jof. <sup>16</sup> Kaasii wibarkéelí'wii

<sup>8</sup> 10:7 10: 7 Malkat Eksoot 32: 6.

tah du gérëmi Koohda, saycaa du anwa tóoh, enndii wérí teewoh ñífi Kiristaanii aamuki'tuu tah du en wiinoo naridane? Ee mbúuriima du weeli kiñamda, enndii wérí teewoh faanfii Kiristaanii sarahohu tah du en wiinoo naridane? <sup>17</sup> Mbúurú wiinoo wérí laak, ee hídaa ga dii du yewinda tóoh, du en faan ffinoo, ndaga du béeþpuu du bérí boki kiñam ga mbúurii wa wiinooda.

<sup>18</sup> Malakat ga heetaa Isarayeel, binaa ba tum saraha, buwaa ñami koynohkaa sarahaada, ba enirii wiinoo na Koohe? <sup>19</sup> Mi waa' ya kiwo' daama? Koynohkaa tumu sarahda, ka na kooffaa tóoh, ca laak jeriñ hene? <sup>20</sup> Ó'óo, mi waa' kay kiwo' an sarahcaama tumu ga koofcaada, en ki'ena ca aawi ga seytaanicci, wayee aawiri ga Kooh. Ee nak, mi waa'tii dú bok dara na seytaanicci. <sup>21</sup> Dú mínoo ki'an kaasii Ha'mudii, dú an ban kaasii seytaanicci. Dú mínoo kiñam ga kankii Ha'mudii, dú ñam ban ga kankii seytaanicci. <sup>22</sup> Ati du waa' ki'ayluki' Ha'mudii? Ati du fooŋ an du wéñnji dooli?

### *Tumat tóoh bi Kooh laak ndam*

<sup>23</sup> Kayoh an «Iñaa neb bo' tóoh, míndi kitum», wayee enndii tóoh jof kitum. Iñaa neb bo' tóoh, míndi kitum, wayee enndii iñaa en tóoh yégísdí buwii ga ngëmiigaba. <sup>24</sup> Ken hanat kiheel rek iñaa gën gari, wayee ya heelat ban iñaa gën ga mooroomci. <sup>25</sup> Béeb iñaa toon ga marsi, dú míndi kiñam ee kaa meekisohat ki'ínoh yen ga, en danaa dú yahoo hel ken. <sup>26</sup> En ki'ena, Kéyítfii wo' an: «Kakayfii na béeb iñcii en gada, cuu Ha'mudii»<sup>27</sup>. <sup>27</sup> Binaa baa gëmmbii ga Yéesu, bayyúu kiñam ee dú took kikaraa, iñaa dú tofdú tóoh ñamat ee kaa meekisohat ki'ínoh yen ga, en danaa dú yahoo hel ken. <sup>28</sup> Wayee bo' wo'úu an: «Koynohkii meyoh ga kii tumsee sarah ga kooffaada», kaa ñamatka ndaga baa yéegalindúuka yaama, kisan hel ken yah ga iñaamada. <sup>29</sup> Mi wo' loo kiyah helaa, enndii waa garúu tahhoo kiwo' wayee waa gari. En ki'ena, mi míndi kitum iñaa nebpoo, wayee mi yahka ya kitumoh mi yahi hel bo' yiliis bi baama atti'iroo ga tumeencaagoo caama. <sup>30</sup> Iñaa mi ñam ee mi gérëmin Kooh gawada, iñii tah ya bo' yeeroo kiñawal ga ñamahaama mi gérëmoh Kooh gawada. <sup>31</sup> Kon, waa dú ñam, waa dú an, béeb iñaa dú míndi kitum, ndamaa Kooh hotukat ga. <sup>32</sup> Kaa tumat dara iñaa tahan kibúuk buwii ga baakaa', ennda ga yaawúu'cii, ennda ga buwii enussii yaawúu'da, béeb bu-jaangii Kooh. <sup>33</sup> Tumat fodiigoo: ga iñaa en tóoh, mi guu'guuluki ga kitum iñaa neb buwii béeþba. Mi heeloo iñaa gën garoo rek, mi heeli iñaa gën ga bifo' biyewin, doonaa ba múc.

## 11

<sup>1</sup> Taabukattoo ga iñii mi tumida, fodii dii mi ban, mi taabuk Kiristaadfa.

### *Ekuk beti na yaal ga dñuy jaangu*

<sup>2</sup> Mi yii kañnjúu ga dii dú bii níindíakkoo ga iñaa en tóohda na ga dii dú abin yah kanak ga iñcii mi jégi'túuða. <sup>3</sup> Wayee nak, mi waarin dú ínoh iñii yii: Ga yaaloo yaal, Kiristaanii en hafaa. Ga beti nak yaal yérí en hafaa ee ga Kiristaanii Kooh yérí en hafaa. <sup>4</sup> Béeb yaal, yaa en na kikiim Kooh wala kiyéegaloh wo'eenaa meyoh ga Kooh, binaa ya ekuk baanunaa lak ya e'tii Kiristaa yii en hafda, cé'e'. <sup>5</sup> Ee beti, binaa fa en na kikiim Kooh wala kiyéegaloh wo'eenaa meyoh ga Kooh, ya tes haf buucucaa, lak fa e'tii yaal yii en hafda, cé'e': fa man na betifaa húusukin. <sup>6</sup> Kon, binaa beti mísoorukkiinaa, fa namat kinenuk hen. Ee waa kihúusuk wala kinenuk iñaa kaci ga beti, kon ya mísoorukat hen. <sup>7</sup> En ki'ena, yaal jomoo ki'úul hafaagari ndaga ya nataal Kooh ee yérí teewoh ndamii Kooh. Beti nak, yérí teewoh ndamii yaal. <sup>8</sup> En ki'ena, Kooh bëbpíi ga beti ya sakka yaal, wayee ya bëb ga yaal, ya sakka beti. <sup>9</sup> Enndii yaal yérí Kooh sak ndaga beti. Beti yérí Kooh sak ndaga yaal.

<sup>10</sup> Iñamaa tah, beti jomin ki'úul yen ga hafaagari, kiteewoh an yaal en hafaa, ee ban, ndaga malaakacii. <sup>11</sup> Moona déy, ga enii dū en wíinoo na Ha'mudiida, beti mínoo kika' hançci ya foñ yaal ee yaal mínoo kika' hançci foñ beti. <sup>12</sup> En ki'ena, daa beti bewohu ga yaal sakussada, yaal ban límukohi ga beti ee ba banak, ba meyoh ga Kooh.

<sup>13</sup> Malakat ga haffúu rek, jekin moos beti kíimi Kooh, ya tes haf buucuuce? <sup>14</sup> Dú malak ga dii ēldúna en danaa, dū hay kihot an kibay fen fihóorí' enndii ndam ga yaal. <sup>15</sup> Ee ga beti nak, iñamaa ndam gari. En ki'ena, fen fihóorí' eru beti kikún hafaagari. <sup>16</sup> Binaa laak baa waa' kinookoh ga iñcumanaa, ya ínohat an dí tumoo giliis gaa dal guma ee buwii ga jaangii Koohda tumoo iñamaa ban.

### *Cuuníinfii Ha'mudii*

<sup>17</sup> Ga iñii mi yah kiwo' yii nak, mi kañorúu ga: hídochii laaki ga díkaantirúuda ëewdohhiirúu fíkii ga waasii wayee ca baatirúu kisoofdoh fenoo. <sup>18</sup> Ee sah, ga iñaa mi dseb kikelohda, an: saycaa dú hídoh kíkím Kooh tóoh, kihégískoh laak ga díkaantirúu ee iñamaa mi saminndi kigém. <sup>19</sup> En ki'ena, kihégískohkum ga díkaantirúuda jom kilaak hen, doonaa buwii ga díkaantirúu yëgísin gíkda, ba hotuk.

<sup>20</sup> Kon binaa dú hídírukohaa, dú mínoo kiwo' an cuuníinfii Ha'mudii férí dú en na kiñam. <sup>21</sup> En ki'ena, saycaa dú hídoh kiñam tóoh, baa en béeb gaawtuki kiñam kanukaagari. Kéri tah laaki garúu buwaa ñammbii ee lak bíinoo baa laal. <sup>22</sup> En lak kiñam na ki'an doj hídírohhúunaa, dú mínoo ki'eem ga kaancaagarúune? Iñii tah ya dú faali''ii bu-jaangii Kooh? Iñii tah ya dú kikaci'lukohi buwii hóomí'tiida? Dú waa' mi wo"úu ya? Mi kañattúu ga iñamane? Múk, mi kañoorúu!

<sup>23</sup> En ki'ena, mi jégítúu iñaa mi bewoh ga Ha'mudiida an: ga wekaa Yéesu, Ha'mudii tíku ga yah buwaa sagohee narida, ya bebpa mbúurú, <sup>24</sup> ya gérëmmba Kooh gawa, ya weelsohhawa, ya wo"a an: «Wii wérí en faanfigoo erohu ndaga dúda; tumat iñuma, dú níindísukohiroo.» <sup>25</sup> Fodaama ban, ga waa ba lëehí'ta, ya bebpa kaas-biiñ, ya wo'a an: «Wii wérí teewoh kifiliimunkii ki'askii Kooh pok na buwiigari, kooroh ga ñífiigoo yah ki'aamu ndaga dúda. Saycaa dú an ga tóoh, tumat ka kiníindísukkoo.» <sup>26</sup> Saycaa dú ñam ga mbúuriima, dú an ga kaas biiñima tóoh, lak dú yéegaloh kikaankii Ha'mudii ee iñamaa yah bi ga daa ya hayan.

<sup>27</sup> Kon nak, béeb baa fu ñam ga mbúurii Ha'mudii, wala fu an ga kaasiigari ee fu e'tiiri cée' ganaa, ínohaa an fu tooñin faanfii Ha'mudii, fu tooñin ñífiigari. <sup>28</sup> Kon baa en béeb malaksukohat hafci dijóff', lëehíraa ya han kiñam ga mbúuriima, ya an ga kaasiima. <sup>29</sup> Baa fu ñam ga mbúuriima, fu an ga kaasiima, ee fu halaattii ga faanfii Ha'mudiinaa, ínohaa an fu nookin aylukaa Kooh ga dookfu. <sup>30</sup> Iñamaa tah kidúukool na kihíboon yewin garúu, bi biyewin garúu kaanin. <sup>31</sup> Wayee nak binaa dū d'ewoh ga kimalaksuk haffuunaa, Kooh atti'oortuu. <sup>32</sup> Ee binaa Ha'mudii atti"uu watinaa, ya ennduu na kiko' doonaa bëriinaa ya yah ki'atti' buwii bibóni'bii kikaanda, dū bokidohsoo ga.

<sup>33</sup> Kon mbokcii, binaa dú hídírukoh kiñam cuuníinfiaa Ha'mudiinaa, yaa en béeb sekat mooroomci. <sup>34</sup> Laak yaa yaab lool garúunaa, ya ñamat ga kaanci paay, doonaa hídochciigarúu enoo iñaa tahan Kooh atti"úu. Iñcum tes mi jom kilóogísohda, binaa mi hay dumanaa, mi malakca.

## 12

### *Iñcii Helii yisela'íyii onohida*

<sup>1</sup> Mbokcii, dū hay ga loo iñcii Helii yisela'íyii onohidanaa, mi waa'tii dara appúu kúmpa ga. <sup>2</sup> Dú ínohin an, kudewaa, ga wii dú pes ga kiyifa'da, dú nooksee fodii búumí', dú baa jaamuk koof, iñcaamaa mínoo kiwo'da. <sup>3</sup> Kéri tah, mi waarin dú ínoh

iñii yii dijóffi': baa taam na Helii Kooh, wo'oo an Yéesu araamin. Ken mínoo kiwo' ban an Yéesu yérí en Ha'mudii, enndii an Helii yisela'í'yii yérí onndika kiwo'aa.

<sup>4</sup> Iñcii Helii yisela'í'yii onohida, ca wóotírohin, wayee Helii onohicada ya yíinoo. <sup>5</sup> Iñcii sasohu kitumfa, ca wóotírohin, wayee Ha'mudii sasohcada ya yíinoo. <sup>6</sup> Iñcii Kooh oni buwii kitumfa, ca wóotírohin, wayee ya yii ya mínlukoh béeþ kitum iñaa en tóohdfa, ya yíinoo. <sup>7</sup> Fodaama, baa en béeþ garuu laakin iñaa Helii yisela'í'yii onndi ki'amföh béeþ buwii géminda. <sup>8</sup> Yii, Helii onndi kiñaañ ga kiwo'; yay, Heliima onndi kilaak hel ga kiwo'. <sup>9</sup> Heliima onnda bo yiliis kilaak ngém wiyégísi'; Heliima wa rekfa, wa onnda ban bo' yiliis kiwéki' dúukoolí'; <sup>10</sup> yiliis yaa, Heliima onndi kimín kitum kíntaan. Bo' yiliis, Heliima onndari kiyéegaloh Wo'eenaa meyoh ga Koohdfa; yiliis, Heliima onndari kimín ki'ínohsoh iñaa meyoh ga Helii Kooh na iñaa meyoh ga helcii cibóni'cii. Bo' yiliis, Heliima onndi kiwo' lakcaa bo'-súusúus kelohooca; yiliis, Heliima onndi kiloogísoh lakcaama. <sup>11</sup> Heliima onohi iñciima tóohcada, ya yíinoo doñ. Yaa en béeþ ya wa'taa iñaa bokkii na waa mooroomfu, fodaa ya waarohkada.

### *Jaangii mëdírohu na faan bo'-súusúus*

<sup>12</sup> En ki'entaa, faan fa fiinoo, wayee cée'cii en gada yewinin. Cée'cii béeþca nak, ga dii ca hín kiyewinda tóoh, béeþca céri bok ennda faanfii fa fiinoo. Man fodaama ga Kiristaanii. <sup>13</sup> Du béeþpuu, du bétisi'u ga Heliima en wíinooda, kibok ki'en faan fiinoo ga Kiristaanii: ennda yaawúu', ennda baa enndii yaawúu', ennda ñaam, ennda baa enndii ñaam, du béeþpuu du bokin ki'éníru ga Heliima. <sup>14</sup> En ki'entaa, faan enndii cée' wíinoo, wayee ca yewinin. <sup>15</sup> Binaa kot wo' an: «Waa mi enndii yah, mi bokkii ga faanfii», iñaama enndii kayoh. Ki'enndii yah, hoonohoowa ki'en cée' ga faanfii. <sup>16</sup> Ee binaa nof wo' an: «Waa mi enndii kuhas, mi bokkii ga faanfii», iñaama enndii kayoh. Ki'enndii has hoonohoowa ki'en cée' ga faanfii. <sup>17</sup> Binaa bo', faanfaagari béeþfa enee tóoh hasaa, enneena ya mínan na kikeloh? Ee bo', faanfaagari enee tóoh nofaa, enneena ya mínan na ki'éeñdük? <sup>18</sup> Kooh nak, cée'cii ga faanfiida, waa en tóoh ya hanohdfinwa ga daa ya waarohwada. <sup>19</sup> Binaa faanfii béeþfa enee tóoh cée' wíinoo dogaa, enneena wo'soo faan. <sup>20</sup> En ki'entaa, cée'cii ga faansa yewinin wayee béeþca céri bok ennda faanfii.

<sup>21</sup> Kon, kuhas mínoo kiwo' yah an: «Mi laakkii sooli garaa!». Ee haf mínoo kiwo' kotcii an «Mi laakkii sooli garúu!». <sup>22</sup> Iñaama sah mínoo kilaak. Cée'cii ga faanfii ee du am an ca wéñ kilaakoo doolida, ca laakin solu wiyaak. <sup>23</sup> Cée'cii en ga faanfii ee du tikkii darada, céri du wéñ ki'e' cée'. Fodaama, cii en ga faanfii ee ca moroo kiwo'da, toputu'si hen bi jof. <sup>24</sup> Ee cée'cii en ga faanfii ee ca hotukinda, soolukkii kitoputu'iñaa hínda. En ki'entaa, Kooh sakin faan ya tummba bi cée'cii tikkussi darada, ca wéñ ki'eru cée'. <sup>25</sup> Ya tumin iñaama, en danaa kihégískoh laakoo ga díkaanti cée'cii faanfii, wayee waa en béeþ amdoh caa tesfa. <sup>26</sup> Binaa laak iñaa mesik cée' wíinoo ga faanfiinaa, béeþ cée'cii tesfa yéen mesiklaataama. Ee binaa cée' wíinoo ga faanfii eru ndamaa, béeþ cée'cii tesfa céri boki nawa kinebluk.

<sup>27</sup> Dú béeþpuu, dú bérí en faanfii Kiristaa, ee baa en béeþ garúu ya cée' ga faanfii fima. <sup>28</sup> Kooh fal buwii ga jaangii fodaama: ya kuliyuki' apotaa'cii, ya tikkka seldíiga-Koohcii ga, ya tikkissa jégírohcii ga. Léehí'ta buwii ya on kimín kitum kíntaan'a tikkka ga, bii ya on kimín kiwéki' dúukoolfa tikkka ga, bii ya on kimín kidímalohdfa tikkka ga, bii ya on kimín kikuliyuk mbooloodfa tikkka ga, bii ya on kimín kiwo' lakcaa bo'-súusúus kelohooda han ga kitík.

<sup>29</sup> Man enndii béeþ en apotaa'? Man enndii béeþ en seldíiga-Kooh? Man enndii béeþ míñ kijégíroh? Man enndii béeþ míñ kitum kíntaan'? <sup>30</sup> Man enndii béeþ míñ kiwéki' dúukool? Man enndii béeþ míñ kiwo' lakcaa bo'-súusúus kelohoo? Man enndii béeþ míñ kiloogísoh lakciima? <sup>31</sup> Kon, kaantukohat kilaas ga iñcii Helii

yisela'í'yii onohi wëñ kiyakda. Diimada nak, mi hayyúu kiteeb waas wiliis waa gën waascii tóohca.

## 13

### *Kiwaaroh wëñ kiyak iñaa en tóoh*

<sup>1</sup> Luu enee an mi mínin kiwo' béeb lakcii buwii na ban caa malaakaca, binaa mi waa'tii buwiinaa, lak mi enndii dara. Mi man na jéeléelaa en na kitíp wala hanaa en na kitíp ee ca newoo ga nof. <sup>2</sup> Luu enee an Kooh oninndoo kiyéegaloh wo'eenaa meyoh gari, mi ínoh kúmpafaa en tóoh, mi laak hel ga iñaa en tóoh, mi laak ngém wiyyégísí' waa onanndoo kimín kitool janjan sah, en an mi waa'tii buwiinaa, lak mi enndii dara. <sup>3</sup> Luu mi warohee béeb alaliigoo buwii laakooda, mi eroh ban faanfiigoo, fa tékíru\*; binaa mi waa'tii buwiinaa, iñaama laakdfooroo jeriñ wíinoo.

<sup>4</sup> Kiwaaroh taam na kimúuñdoh, kiwaaroh taam na kijof ga mooroomfu, kiwaaroh taammbii na ki'iñaan, ka taammbii na kindamuk, ka taammbii na kibëwí' haffu. <sup>5</sup> Baa waarin bo' aasoo ga iñaa apohin kaci, ya heeloo rek iñaa gën gari hañci, gaawoo ki'ayluk, aboo aylook. <sup>6</sup> Baa waarin bo' safaroo ga iñaa júbpii wayee safari ga iñaa en kayoh. <sup>7</sup> Baa waarin bo' múuñdi béeb hen ga tóoh, ya laaki ngém ga iñaa en tóoh, ya laaki yaakaa' ga iñaa en tóoh, ya tooki kikooruk iñaa en tóoh.

<sup>8</sup> Kiwaaroh faayoo. Kiyéegaloh wo'eenaa meyoh ga Kooh hay kileeh bes; kiwo' lakcaa bo'-súusús kelohoo hay kileeh bes; kilaak hel hay kileeh ban. <sup>9</sup> En ki'enaa, du ínohoo bi mat ee wo'eencii meyoh ga Kooh du yéegalohida, du wo'ooca bi mat. <sup>10</sup> Wayee iñaa matinda hay bëriinaa, iñaa mattii leeh.

<sup>11</sup> Wii mi en oomaada, wo'eenndoo enee wo'een oomaa, halaattoo enee halaat oomaa, helloo enee hel oomaa. Ga dii mi enin yaakda, mi foñin iñaama oomaa enukohida. <sup>12</sup> Watifii wati, du ëlmísi hen fodii baa malak ga seetufaa lee'tii. Wayee bes waa hay, du hay kihot jemeet ga hasciigaruu. Watifii wati ban, iñii mi ínohdá mattii, wayee bes waa hay, mi hay ki'ínoh bi mat fodii dii Kooh ínohhooda.

<sup>13</sup> Diimada nak, enaamacii kaahaycii cii cérí lísan kilaak bi taa', ennda: ngém, yaakaa' na kiwaaroh; ee wii wëñ ga kiyakda wëri en kiwaaroh.

## 14

### *Kiwo' ga lakaa bo'-súusús kelohoowa na kiyéegaloh wo'eenaa meyoh ga Kooh*

<sup>1</sup> Kon díirukat kiwaa' mooroommbúu. Kaantukohat kilaas ga iñcii Helii yisela'í'yii onohida, wëñaa ga kiyéegaloh wo'eenii meyoh ga Kooh. <sup>2</sup> En ki'enaa, binaa bo' wo' ga lakaa bo'-súusús kelohoona, ya wo'ii na buwii, wayee ya wo' na Kooh kep, ndaga ken ínohoo iñaa ya wo'da. Ya wo' wo'eencaa en kúmpa, caa Helii yisela'í'yii onndi kiwo'. <sup>3</sup> Wayee baa yéegaloh wo'eenaa meyoh ga Kooh, wo' na buwii kiyégisí' ngëmaagaba, kidaasba na kidélí' helcaagaba. <sup>4</sup> Baa wo' ga lakaa bo'-súusús kelohoo, ya baat kiyégisí' ngëmaagari ga hafci. Baa yéegaloh wo'eenaa meyoh ga Kooh, ya yégisí' ngëmaa bu-jaangaa béebba. <sup>5</sup> Mi waarin dú béebpúu dú wo' lakcaa bo'-súusús kelohoo, wayee mi wëñ kiwaa' dú yéegaloh wo'een, caa meyoh ga Kooh. En ki'enaa, baa yéegaloh wo'eenaa meyoh ga Kooh ga lakaa buwaa kelohin, yëri wëñ buwaa kilaaki' jeriñ loo baa wo' ga lakaa bo'-súusús kelohoo, wala book ya lóogísoh iñaa ya wo'da, en danaa, ya on béeb bu-jaangaa kiyégis ga ngëmaagaba.

<sup>6</sup> Mbokcii, binaa mi hay garúu, mi wo' narúu lakaa bo'-súusús kelohoona, jeriñii wiida mi laakdanndúu? Iñaa gënda kay, wo'eenaa mi wo'an narúuda ínohlukohhúu

\* **13:3** 13: 3 Laakin läegísohcaa wo' daama an: «mi eroh ban faanfiigoo, mi bëwí' haffoo ga»

iñaa Kooh teebspoo, wa ínohlukohhúu yen, wa yéegallúu wo'eenaa meyoh ga Kooh wa kijégí'túu.

<sup>7</sup> Malakat ga iñcii típsida, fodii mbiib na riiti: binaa típaagaca koo'tii waasaa, bo'mínan na ki'ínoh iñaa mbiwaa wo'da wala riitaa? <sup>8</sup> Ee ban kúlúb, binaa típuissii bi lee', buwaa ínoh iñaa laakdanna, bii meyanba kiheñoohnee? <sup>9</sup> Fodaama ban, dú wo'lakaa bo'-súusúus kelohoona, buwaa tuman na bi ba ínoh iñaa dú wo'da? Madan na dú wo' ga urisii rek.

<sup>10</sup> Lakcii ga éldúnada, ga dii ca hín kiyewinda téoh, waa en béeb gaca laakin buwaa laakiwa. <sup>11</sup> Binaa bo' wo' lak ee mi kelohoowanaa, baa wo' lakaada mi man gari fodii baa meyoh ín ee ya man garoo ban fodii baa meyoh ín. <sup>12</sup> Kon nak, dú bii dú kaantukoh ga kilaas ga iñcii Helii yisela'í'yii onohida, namat kiheel kiwëñí' ga iñaa yégíssan ngëmii bu-jaangii.

<sup>13</sup> Kérí tah, baa wo' lakaa bo'-súusúus kelohoona, ya kíimat Kooh onndi kimín kilóogísoh iñaa ya wo'da. <sup>14</sup> Binaa mi kíim Kooh ga laka bo'-súusúus kelohoona, keeñaagoo waa ga iñaa mi kíimda, wayee helaagoo gaa ga.

<sup>15</sup> Kon mi jom na kitum? Mi kíim Koohaa, mi kíimanndi na keeñigoo ee mi kíimaanndi ban heliigoo en ga iñaa mi wo'da. Mi yeek Koohaa, mi yeekanndi na keeñigoo ee mi yeekanndi ban heliigoo en ga iñaa mi wo'da. <sup>16</sup> Fu en na kigérém Kooh na keeñaagaraa doj, fu wo' ga laka bo'-súusúus kelohoona, baa en daama ee en sagac ga iñaamada mínan na kiwo' «Aameen» ga iñaa fu wo'da ee lak ya ínohoo iñcaa fu wo'da? <sup>17</sup> En ki'ena, fu gérëmin Kooh bi jofin, wayee yii en daama ee sagac ga iñaamada, ngëmaagari, fu baattiiwa kiyégisi'.

<sup>18</sup> Mi gérëmin Kooh ga dii mi wëñjúu béebspúu kiwo' laka bo'-súusúus kelohooda, <sup>19</sup> wayee ga dñuy jaangu, kiwo' toonaa tiyétúus taa bo' míni ki'ínoh gënélloo kiwo' toonaa tijúnni-daanjaah (10.000) ga laka bo'-súusúus kelohoo.

<sup>20</sup> Mbokcii, dú en na kihalaat ga yenaa, kaa bayat hel oomaa. Iñaa aaw ga yibóní', madat na oomaa ga, wayee en ga iñaa aaw ga kihalaataa, enat yaak. <sup>21</sup> Bíduunun ga Kéyítfaa an:

«\*Ha'mudii wo' an:  
Mi hay kiwo' na heetaama ga laka ba ínohoo,  
kooroh ga kúuw buwaa meyoh ín,  
wayee bi wati ba yahhiiroo kisükúruk»<sup>†</sup>.

<sup>22</sup> Kon, binaa bo' wo' laka bo'-súusúus kelohoona, enndii buwaa géminda tahka, wayee iñaama teeb buwaa gémmbiida an Kooh waa'tii naba kiwo'. Wayee binaa bo' yéegaloh wo'eenaa meyoh ga Koohaa, enndii buwaa gémmbiida tahka, wayee iñaama en kiteeb buwaa géminda an Kooh waarin naba kiwo'. <sup>23</sup> Kon binaa bu-jaangaa béebsa hídírukoh, béebs aaw kiwo' ga laka bo'-súusúus kelohoona, buwaa enu sagac ga iñaama, wala buwaa gémmbii duum aasu garúunaa, ba wo'anndii an dú nam kidof hene? <sup>24</sup> Ee binaa béebs aaw kiyéegaloh wo'eenaa meyoh ga Koohaa, baa gémmbii duum wala baa en sagac ga iñaama aas garúunaa, iñaa ya keloh béebs wo'da hayyi ki'on kihot baakaaraagari ee ya ínoh an ya atti'uunun. <sup>25</sup> Fodaama, iñcaa ñaakukee ga keeñcida, ya meydohca fan. Daama ya hay kiyí', ya yíp pük, ya jaamuk Kooh ee ya wo' ga fikii béebs an kayoh-kayohda Kooh yii ga leeloorúu.

### Daa dú tíindan jaangiida

<sup>26</sup> Kon mbokcii, iñii yiida jom kilaak? Binaa dú hídoh, yii jom kiyek Kooh, yii kijégíroh, yíinoo kiwo' iñaa Kooh teebspí, yiliis kiwo' laka bo'-súusúus kelohoo, yiliisyaa kilóogísoh wo'eenama. Iñcaama tumsat kibaat kiyégisi' ngëmaa buwaa.

<sup>27</sup> Binaa laak buwaa yah kiwo' laka bo'-súusúus kelohoona, bo' banak wo'at. Yewin

<sup>†</sup> 14:21 14: 21 Malkat Ísayíi 28: 11-12.

bi yewinaa baahay wo'at ee enat yíinoo yíinoo, laak baa lóogísohi. <sup>28</sup> Laakkii baa lóogísohanaa, ba hanat kiwo' dara ga fíkíi mbooloomaa, ba wo'at ga helba eem ga díkaantiba na Kooh. <sup>29</sup> Binaa laak buwaa yah kiyéegaloh wo'eenaa meyoh ga Koohaa, enat bo' banak wala baahay baa wo'an ee bíinoo malaksukoh iñaa ba wo'da ati kayoh. <sup>30</sup> Wayee bo' yiliis yaa en daama, laak iñaa Kooh teefpinaa, yaa en na kiwo'da, díekohat. <sup>31</sup> Dú béeþpúu dú míin kiyéegaloh wo'eenaa meyoh ga Kooh, wayee enat yíinoo yíinoo, en danaa béeþ míin kijan yen ga wo'eenaa dú wo'da ee daasba ga ngëmaagaba. <sup>32</sup> Buwii yéegalohi wo'eenaa meyoh ga Koohda matuunun ga daa ba tíidiri iñima Helii yisela'í'yii onba kitumfa. <sup>33</sup> En ki'ena, Kooh enndii Kooh logoh-logoh wayee ya Kooh jam.

Dú jom kitum fodii ka tumsi ga díuuuy tóoh jaangucii buwii en buu Koohda, <sup>34</sup> binaa dú hídírukohaa, beticum ba díekohat. En ki'ena, ba onussii da kiwo', ba jom ki'íis tóoh ga yah yaalcum fodaa ka bídu ga Waasaa Móyíisda. <sup>35</sup> Binaa ba waa' ki'ínohaha, ba sekat bi ba le' kaan, ba meekis yaalba. Beti tuuk ga jaangu wo'i, iñamaa jekkii.

<sup>36</sup> Dú fooj an wo'eenii Kooh límukoh garúune? Ati dú fooj an dú doj dú béri laas gawa? <sup>37</sup> En laakin garúu baa tík hafci an ya seldíiga-Kooh, wala an ya yii na Helii yisela'í'yíinnaa, ya jomin kitook an iñii mi bínnadúu yii yérí Ha'mudii nakoh. <sup>38</sup> Ee binaa laak baa tookkii iñii mi wo'danaa, ya ínohat an Kooh tookkiiri ban.

<sup>39</sup> Kon mbokcii, kaantukohat ga kiyéegaloh wo'eenaa meyoh ga Kooh wayee kaa hoonohat ken kiwo' lakaan bo'-súusúus kelohoo. <sup>40</sup> Iñaa dú tum tóoh, tumatwa daa wéñ kimo' ee hanat kilaak logoh-logoh.

## 15

### *Kimílskaa Kiristaanii*

<sup>1</sup> Mbokcii, mi enndúu na kiníindís Hewhewii winéwí'wii mi yéegaleerúu, dú laassawa ee dú abin gawa bi wiygísinda. <sup>2</sup> Hewhewiima wérí onanndúu kimúc binaa dú am wa bi yégis fodaa mi yéegaleerúuwadanaa. Binaa dú ammbiiwa díanaa, ngëmiigarúu enin sooy.

<sup>3</sup> Mi díebpúu kijégí' iñaa mi ga kihaffoo mi laaseeda, ee wérí en an: Kiristaanii kaanin ndaga baakaa'ciigaruu fodaa ka bídu ga Kéyítfaada, <sup>4</sup> ya acussa, ee ga besaa wukaahaywaa ya mílissa ga buwaa kaaninda fodaa ka bídu ga Kéyítfaada. <sup>5</sup> Waa ennda dí, ya feeñukka Pee'\*<sup>1</sup>, tíkka ga ya feeñukkaa béeþ apotaa'caa bidaanjkaah na banakbaa. <sup>6</sup> Tíkíssa ga, ga waas kíinoo ya feeñukka ga téelibéecaagari iñaa wéñ bíbo' bitéemée'-yétúus (500). Ga buwaama, laakin buwaa kaan ga wayee iñaa wéñ gabada yii lís kipes. <sup>7</sup> Léehí'ta, ya feeñukka Saak, tíkka ga, ya feeñukka apotaa'caa béeþba. <sup>8</sup> Ga buwii ya feeñukda, mi yérí méeñjoh ga, mi yii mi man na liiraa mattiidá.

<sup>9</sup> En ki'ena, mi yérí hanoh fenoo ga apotaa'cii béeþba. Joobinndoo sah kibayu apotaa', ndaga mi díkeet ga kihatal ga kipes bu-jaangii Kooh. <sup>10</sup> Wayee Kooh ga kijofkiigari yérí onndoo ki'en bii mi en dí, ee kijofkii ya teefpooda enndii sooy. Ee sah, mi lëgëyin iñaa paaf iñii apotaa'cii bíinoo lëgëyda. Wayee nak enndii mi, kijofkii Kooh taam narooda kérí lëgëyka. <sup>11</sup> Waa en mi, waa en apotaa'cii tesda, Hewhewiima wérí dí en na kiyéegaloh, ee wérí dú gëm.

### *Buwii kaaninda hay kimílsu ban*

<sup>12</sup> Waa dí yéegaloh an Kiristaanii mílsin ga buwaa kaaninda, míin na ki'en laak garúu buwaa wo' an kimíls laakoo? <sup>13</sup> En an kimíls laakoonaa, ya Kiristaanii ban mílissii. <sup>14</sup> Ee en an Kiristaanii mílissiinaa, iñii dí yéegalohda dara gaaga ee ngëmiigarúu enin buucuuc. <sup>15</sup> Ee ban, dí seedi'din Kooh iñaa laakkii ndaga dí yéegaloh an ya míliscin Kiristaanii ee lak ya mílisi'tiiri, waa an buwaa kaaninda

\* <sup>15:5</sup> 15: 5 Teekaa «Kefaas» wérí wo'u ga bíncii dii.

mílísanndii. <sup>16</sup> En ki'enaa, en an buwii kaaninda mílísanndiinaa, ya Kiristaanii ban mílíssii. <sup>17</sup> Ee en Kiristaanii mílíssiinaa, ngëmiigarúu enin sooy ee dú bii lís kikooruk baakaa'ciigarúu. <sup>18</sup> Ee en fodaamanaa, béeb buwii kaanu na ngëmaagaba ga Kiristaaniida níili'uunun. <sup>19</sup> En an yaakaarii du laak ga Kiristaada eem ga kipeskiigaruu ga éldúna rekkaa, laakkii bo'-súsúus yaa cal kiyérém bi paaffuu.

<sup>20</sup> Kayohfii nak férí en an Kiristaanii lëgísin halaa kimilís, ee fodaama ya teewohin an buwaa kaaninda hay kimilís. <sup>21</sup> En ki'enaa, bo' yíinoo yérí haydoh kikaan, fodaama bo' yíinoo yérí haydoh kimilís ban. <sup>22</sup> Fodii dii buwii béebsba hay kikaan ndaga dii ba en wiinoo na Aadamada, fodaama ban, béeb buwii en wiinoo na Kiristaaniida, ba hay kiboyukis kipes, <sup>23</sup> wayee baa en béeb na wahtaagari: Kiristaanii lëgísin halaa, mílísin, ee bériinaa ya hayisanda buwii en buucida mílísu. <sup>24</sup> Léehíraa, kileeh éldúna tík ga: Kiristaanii hay kidúbí' béebs iñcii ga díkaanti dook na kakayda, béeb cii en na kinguuruk ga éldúnada, béeb cii laakin dooli ga éldúnada, léehíraa ya ík Kooh Paamudii nguuri. <sup>25</sup> En ki'enaa, Kiristaanii jom kinguuruk bi ga daa ya togan ga dook béebs buwii sagoh narida. <sup>26</sup> Ee kikaan kéri en iñii sagoh na buwii méeñjoh kidúbíruda, <sup>27</sup> ndaga bidu ga Kéyítfaa an: «Ya togin ga dook tóoh.» Wayee leerin an wo'eeniima an: «ga dook tóohda», Kooh bokkii ga, ya yii ya onndi kiton ga dook tóohda. <sup>28</sup> Ee binaa Kiristaanii ton ga dook tóohaa, ya kowukii, ya hay kitík tóoh ga yah Kooh yii oneeri kiton ga dook tóohda. Fodaama Kooh hay kinguuruk, gom ga tóoh.

<sup>29</sup> Laakin buwaa bétísi'uki ga teek buwaa kaaninda. En an kimilís laakoonaa, iñaama laak jeriñii wiida? En an buwaa kaaninda mílísanndiinaa, ba bétísi'uki ya ga teek buwaama<sup>†</sup> <sup>30</sup> Ee dí ban, iñii tah ya wahtaa en tóoh, dí tooni kumuunndii ga?. <sup>31</sup> Mbokcii, wóorin an kooh-wíisfaa en tóoh mi hídoh na kikaan fodii dii wóorinndoo an mi ndamukohirúu ga dii dú en wiinoo na Yéesu Kiristaa, Ha'mudiigaruuuda. <sup>32</sup> En an heñaagoo ga teeraa Efees na rap-luufcaada eemee ga dii bo'-súsúus hotohiwadanaa, eneena wa jeriñanndoo ya? En lak buwii kaaninda mílísanndiinaa, kon du tumat foda ka bídu ga kényítfaada: «Du ñamat, du ani, ndaga kuwis du hay kikaan.» <sup>33</sup> Kaa dúkat haffúu ga iñaama: taaboh wibóní' yasohin jíku wijófi'. <sup>34</sup> Soofdohat helciigarúu kayoh-kayohda, dú iis kibaakaa'. En ki'enaa, laakin garúu buwaa ínohsoo Kooh. Kon dú jomin ga kikaci'!

### Faanfaa du mílísoku nafada

<sup>35</sup> Heyna hay kilaak baa meekisoh an: «buwaa kaaninda ba mílísan na? Ba hayisan na faanfaa man na?» <sup>36</sup> Baama yérí lohoy hel! Binaa bo' sok pesohaa pa jom kikaan hen paay bi pa paalaa. <sup>37</sup> Binaa bo' en na kisokaa, ya soki pesoh, míni ki'en beli wala pesoh piliis, wayee enndii kedikkaa meyi gada kéri ya sokee. <sup>38</sup> Léehíraa, Kooh meydoh ga pesohpaama kedik, ee ka man ga daa ya waa' ka manda: pesohpaa en béebs na kedikkaa jom ga kimeyfaa.

<sup>39</sup> Iñcii Kooh bínda wiinoo bokkii na mooroomci faan. Bo'-súsúus faanfaagari man hanfa, júu' faanfaagari man hanfa, selcii faancaagaba man hanfa, jéncii faancaagaba man hanfa.

<sup>40</sup> Laakin iñcaa bídu en ga asamaan, laakin ban caa en ga kakayfii. Caa en ga asamaanda meliclaataagaca manndii na meliclaatiitii cii en ga kakayfiida. <sup>41</sup> Nohii meliclaatiigawa man hanwa, ñiidii meliclaatiigawa man hanwa, olcii meliclaatiigaca man hanfa. Ee sah ku'olkaa en béebs manndii na mooroomci meliclaat.

<sup>†</sup> 15:29 15: 29 Hewhewaama, ken ínohoo daa wa manda. Mínin ki'en an laakee baa kaan ee lak ya bétísi'ussii, bo' yiliis tummbaka ga teekci. Laakin buwaa halaat ban an iñaama waa' kiwo' an kibétísi'u, ga waama, man na kiharuk ndaga béebs baa taabuk Yéesu ee took kibétísi'unaa míniñ ki'apu.

<sup>42</sup> Kimilískaa buwaa kaaninda yah kiman fodaama: faanfii acsi fodii pesohpaa soku, fa nopol, wayee fa miliisaa, fa nopsisoo bi taa'; <sup>43</sup> fii acsida sepi'in ee minoo dara, wayee fa miliisunaa, fa hay kimo' ee líif na ndam na dooli; <sup>44</sup> fii acsida iñaa hotu-faan, wayee fa miliisunaa, fa yah faanfaa líif na Helaa Kooh. Waa faanfaa en hotu rek laakin, kon faanfaa líif na Helii Kooh laakin. <sup>45</sup> Kéri tah, bido ga Kéyítfaa an: «Aadama yii deb kisakuda enin bo' yaa íikin. Aadama yii méeñjoh en Kiristaaniida nak, enin Helii onohi kipesda.» <sup>46</sup> Bii taam na Helii Koohda enndii yeri dëwi kihay. Bii bay faanfaa fibuucuuc kesida yeri dëwi paay, lëehíraa, yii líif na Helii Koohda han kihay. <sup>47</sup> Bii deb kiwo'uda meyoh ga pëndel kakay, wayee bii yukanakyii meyoh asamaan. <sup>48</sup> Bu-ëlduna faanciigaba man na faanfii bii deb, saku na pëndeld'a ee buwaa yah ga asamaanda faancaagaba madan na faanfii yii meyoh asamaanda. <sup>49</sup> Fodaama, du nataal Aadama yii saku na pëndel kakayda, du hay kinataal ban Aadama yaa meyoh asamaanda.

<sup>50</sup> Mbokcii, iñii mi wo"úud'a wëri en an: faanfaa bayin koynoh na ñif minoo kilam Nguuraa Kooh ee iñaa nopol minoo kilam iñaa yahhii kinop bi taa'.

<sup>51</sup> Mi hayyúu kiwo' iñii yii ee en kúmpa garúuda an: enndii du bëebpuu du bëri yah kikooroh ga kikaan wayee du bëebpuu du hay kisúpitu. <sup>52</sup> Iñaama hay kigaaw en fan kiñepísiruk. Du hay kisúpitu binaa mbiiwaa méeñjohanda ríiraa. Mbiiwaa ríiraa buwaa kaaninda hay kimilísu, ba bay faancaa nopanndii bi taa'. Du nak, du hay kisúpitu. <sup>53</sup> Faanfigarúu yah kinopda hay kisúpitu fa en faanfaa nopanndii bi taa', ee faanfiima yah kikaanda, fa súpitu, fa en faanfaa kaansiso bi taa'. <sup>54</sup> Binaa faanfaa yah kinop súpitu faanfaa nopanndii, ee faanfaa yah kikaan súpitu faanfaa kaananndiinaa, iñii yii bido ga Kéyítfaada dal kilaak an: «Kooh laakin ndam wimëti' ga dook kikaan, ka d'ubin»<sup>55</sup>. Éey kikaan ndamiigaraa wada?

Éey kikaan kútúñkaagaraa kada?<sup>56</sup>

<sup>56</sup> Kútúñkii kikaan kéri en baakaa', ee baakaa' bewohi dooliigari ga Waasii Móyíis. <sup>57</sup> Kooh kañsat ya yii ya onnduu kilaak ndam ga dook kikaanda, kooroh ga Yéesu Kristaa, Ha'mudiigaruu. <sup>58</sup> Kon mbokcii mi keeñukinda, abat bi yégis, d'u tuuk tek d'u kaantukohat ga lëgëyii Ha'mudii; inohat an lëgëyii d'u en na kitumi' Ha'mudiida enoo sooy.

## 16

### *Hëelísa négírohu kiwosoh bu-jaangaa ga Yéerúsaleemda*

<sup>1</sup> Diimada, du paafat ga loo iñcaa jom kinégírohu kidimal buwaa en buu Kooh ga teeraa Yéerúsaleemda. Tumat d'u ban foda mi nak buwaa ga jaangucaa ga gohaa Galasíida. <sup>2</sup> Dímaasaa en tóoh baa en bëeb iñaa ya laakida, ya nísat ga ya faan han ga kaanci. En d'anaa, ken sekoo mi hayaa, iñcaama han kinégírohu. <sup>3</sup> Binaa mi hay dumanaa, buwaa d'u tananda, mi hay kitik kopa'caa d'u erohanda ga yahba, mi wosba ba bayca Yéerúsaleem, mi bín këyt ba baydoh. <sup>4</sup> En sooluk mi ban mi karaa, ba hay naroo kitaam.

### *Iñcaa Pool waayuk kitíinda*

<sup>5</sup> Mi hay garúu kihay wayee mi koorohan paay gohaa Maseduwaan, ndaga mi jom da kikoo'. <sup>6</sup> Mín ki'en mi hayaa, mi en narúu bi sam kimaan, wala sah mi yuñ duma bi fiyoofii paaf. Ee iñaama hayyúu ki'on d'u amfoohoo ga baawiigoo bi mi le' daa mi aawda. <sup>7</sup> En ki'ena, mi waa'tii rek kikooroh garúu, mi hottúunaa mi paaf. Mi yaakaarin ki'en narúu bi sam kimaan, Ha'mudii onndookanaa. <sup>8</sup> Wayee mi yungan dii ga teerii Efees bi ga hewii Pantakot. <sup>9</sup> En ki'ena, Kooh lëgísdinndoo hal wiyaak,

<sup>55</sup> 15:54 15: 54 Malkat Ísayii 25: 8.    <sup>56</sup> 15:55 15: 55 Malkat Osee 13: 14.

waa onanndoo kitum lëgëyiigari dii, hídaa dii buwii mi jom naþa kilenkoh yewinda tóoh.

<sup>10</sup> Binaa Tímotée le' dumanaa, abatti yah kanak, en dñanaa keeñci soos, ndaga fodiigoo ya tum lëgëyii Ha'mudii. <sup>11</sup> Kon ken hanatti ki'eew. Binaa ya en na kiboyukaa, eratt iñaa ya soolukða bi ya míñ kihay bi garoo. En ki'ñaa mi sekki, ya na mbok-kerceencum benndida.

<sup>12</sup> Apoloos mbok-kerceeniigarúu nak mi daasinndi waas ciyewin kihay garúu ya taam na mbok-kerceencum en na kihayu dumada, wayee ya waa'tika kitum diimada, hanaa ya koluk ganaa, ya hay.

### *Iñcii mëeñjoh Pool ebil bu-Korenti kitumda*

<sup>13</sup> Enat wecej, dú am ngëmii bi yëgís. Kaa niikat ee enat gík. <sup>14</sup> Béeb iñaa dú tum taabat ga na kiwaaroh.

<sup>15</sup> Mbokcii, dú ínohin an Estefanaas na bu-kaanci bëri en buwaa ñeb kigëm ga Yéesu Kiristaa ga bëeb bu-gohaa Akay ee ba bëri en buwaa erohin haffa tóoh ga ki'amsoh bëeb buwii en bu-Koohða. Kon nak mbokcii, mi kíimmbúu, <sup>16</sup> kelohdat buwaa man fodaama, ba na bëeb buwaa taam naba ga lëgëyumda.

<sup>17</sup> Keeñnjoo sooseera seb ga wii Estefanaas, Footinatiis, na Akaykiis hayu garooda. Ba tumfinndoo iñaa ki'usaay hoonohhúu kitumi'toorida <sup>18</sup> Ba dëldin helloo fodaa ba dëlíree hellúuda. Kon mbokcii, buwaa man fodaama, abatba yah kanak.

### *Tanjoh*

<sup>19</sup> Bu-jaangii ga gohii Aasiida bii këñí'túu ga. Akílaas na Pírisíl, ba na buwii hídírukohu ga kaanbadá, bii këñí'túu ga dijófí', ga teekaa Ha'mudii onnduu ki'en wiinooda. <sup>20</sup> Mbok-kerceencii en diida bëebba bii këñí'túu ga. Këñdohat bëebpúu dú mígnöhaf, taam na kiwaaroh.

<sup>21</sup> Këñdohii mëeñjohda, mi Pool, mi yérí bínda na yahhoo. <sup>22</sup> Laak baa waa'tii Ha'mudiinaa, Kooh cojatti! Maranataa\*!

<sup>23</sup> Mi yii kíim Yéesu Kiristaa barkeellúu bëebpúu. <sup>24</sup> Mi waarinndúu dú bëebpúu, ndaga dii du en wiinoo na Yéesu Kiristaada.

---

\* <sup>16:22</sup> 16: 22 Maranataa ga lakaa yaawúu'caa wëri en an «Ha'mudii haya!»

## Kéyítfii fukanakfii Pool bín Bu-Korentida Wo'eencii lègís Kéyítfiida

Kéyítfii fii férí en fukanakfii Pool bín kerceencaa ga teeraa Korentida. Ga këyítfaa ya d'eweeba kibínda, ya wo'eeba an ya waarinba kika' kiwaaknee. Ya nakeeraba ban kinégíroh dímal ki'amdoch kerceencaa ga Yéerúsaleemfa, ee ya ga kihafci yéri karanwa kikoo'nee. Wayee ya laassii da kika'.

Iñii tah ya ka'tiida wérí en an Tímotée enee na kiyah Korenti, ya kelohha ga waas loo badukeenaa kerceencaa daamada. Ya wo'see an laakin biyaawúu' daama baa en na kijégíroh enaama yiliis yaa taabohhii na Hewhewii winéwí'wii Pool yéegalohee dada. Ba baa wo' ban an Pool enndii apotaa'-Kiristaa yukayoh. Tímotée dalla kiboyuk béestí' Pool iñcaa ya keloh caama. Keeñaa Pool leehha lool ga iñaama. Kérí tah ya bínnda bu-Korenti kiwo'ba iñaa ya halaat gabáda na iñaa tah ya mínnadi da kika'fa.

Pool wo'in ga këyítfii an ya apotaa' Kiristaanii ee daa ya tumi lègëyaagarifa bokkii dara na daa bínnoo tumikada. Iñaama tah buwaama kisañngi. Ya nakkaba ban kiguu'guuluk ga ki'eroh dímalaa aaw ga bu-Yéerúsaleemfa. Tíkka ga ya wo"aba an ya waarin daama kika' bi ya tapukoh na buwaama íisussii badukeenaagaba wibóní'waadfa.

Pool yègís ga an ya apotaaraa, ya waa' buwii ínoh dijófí' Hewhewii winéwí'wii, na ban béeb ínoh an Yéesu yéri en Ha'mudii.

### **Kéyítfii fukanakfii Pool bín bu-Korentida tíidoh anee:**

- 1 - Kéñdoh (1: 1-11)
- 2 - Pool béestí' leñkohaagari na bu-Korenti na jeriñaa límuk gada (1: 12-7: 16)
- 3 - Pool nak bu-Korenti kitook kidímaloh (8: 1-4-9: 15)
- 4 - Pool leñkoh na buwaa wo' an ya enndii apotaa'da (10: 1-12: 21)
- 5 - Iñcii Pool méeñjoh ki'ebilohda (13: 1-13)

#### *Kéñdoh*

<sup>1</sup> Mi Pool, Kooh ga iñaa ya waa', yéri bayyoo ki'en apotaa' Yéesu Kiristaa. Mi na Tímotée mbokiigaruu, dí bérí bínndúu këyítfii fii, dú na béeb buwii en buu Kooh ga teerii Korentida na béeb bii en ga gohii Akay béebwadfa. <sup>2</sup> Kooh, Paamudiigaruu, ya na Yéesu Kiristaa, Ha'mudiigaruu, ba barkeelaattúu, ba onndúu jam.

#### *Kidélí' hel ga d'uuy coonu*

<sup>3</sup> Ndam aawat ga Kooh yii en Paamudii Yéesu Kiristaa, Ha'mudiigaruuufa. Yéri en Paamudii líifin na yérmaandida ee yéri en Kooh yii délíri helciigaruu saycaa en tóohda. <sup>4</sup> Ya yéri délíri helciigaríi ga béeb coonucii dí dayida, en danaa dí ga d'uuy helaagaríi widéli'waa waama, Kooh onndíida, dí mín kidélí' hel bifo' biliis baa enu ga coonucaa en tóohda. <sup>5</sup> En ki'enaa, fodii dii coonucii dí dayi ndaga Kiristaanii hín kiyewinda, Kooh hín ña kiyewin kidélí' helciigaríi, kooroh ga Kiristaanii. <sup>6</sup> Dí day coonucii ciimanaa, kidélí' helciigarúu tah ee ban dú múc. Ee Kooh délí' helciigaríinaa, kidélí' ciigarúu tah. Fodaama dú hay kilaak dooli kikooruk coonuciima dí dayida ban. <sup>7</sup> Yaakaarii dí laak garúuda yégisin. En ki'enaa, ga dii dú bokin narii kiday coonufa, dí ínohin an helciigarúu hay kidéldu ban fodii ciigaríi.

<sup>8</sup> Mbokcii, ínohat an dí dayin coonu ciméeski' ga gohaa Aasíi. Coonucaama bítee ga d'ookkíi hen bi wéñnjarii dooli; dí laakséerii sah yaakaa kipes. <sup>9</sup> Dí abeera kon ga haffii an dí hay ki'apu. Iñaama enee kiteebpii an dí jomoo killk yaakaa'tíi ga haffii, wayee dí jom kilík yaakaa' ga Kooh, yii mílisi' buwii kaaninda. <sup>10</sup> Kooh yiima

yérí sommbíi ga kikaankaama ee ya hayyíi kibaat kisom. Dí líkin yaakaa'tíi gari an, ya hayyíi kilís kisom. <sup>11</sup> Dú ga kihaffíu, dú hayyíi ki'amdoh ga dii dú kíimdiríi Koohda. Fodaama bo' biyewin hay kigérém Kooh ga daa ya hay kitaas ga iñcaama dú kíimdanndíi garida.

### *Pool óolí'ta baawaagari kiyah Korentida*

<sup>12</sup> Iñii yii nak yérí dí ndamukoh: helciigaríi dalin ga an, ga fíkíi ēldúna, wëñaa ga, ga fíkíirúu, dí taabin ga kot cijúwí', ee dí taam ga na keeñ wimórí'. Iñciima meyoh ga Kooh. Kipes fodaama ayukkii ga kiñaañkiigaríi, wayee Kooh ga kijofkaagari, yérí onndíika kimín. <sup>13</sup> En ki'enaa, iñii dí waa'túu kiwo' ga këyítcií dí bínnadúuda paaffi iñum dú ínoh ga, wum dú jañfada; laakkii yen yiliis yaa ñaakuk ga. Mi yaakaarin an dú hay ki'ínoh bi jof iñii yii, <sup>14</sup> yii, diima deñ dú ínoh ga jutuutda: bérínaa Yéesu Ha'mudii haysanda, dú hayyíi kindamukoh fodii dii dí ñan, dí ndamukohanndúuda.

<sup>15-16</sup> Mi gëmee iñamaa hen bi mi ammba an, mi en kiyah gohaa Maseduwaanaa, mi koorohan garúu paay, ee mi en na kiboyukaa, mi koorohis garúu. Fodaama keeñnjúu soos waas kanak. Ee ñan dú amdohhoo kika' kúlkaa Yúudée. <sup>17</sup> Ati iñaa mi abee kitum yaama lúudéeríi garoo hen? Mi am kitum yenaa, mi kuliyük'i ti halaateen bo'-súsusús ga, bi mi wo'i wo'een kanak «Ehee» na «Ó'óone»? <sup>18</sup> Kooh ínohin an wo'eenaa dí wo'eerúuda bokéeríi ki'en «Ehee» na «Ó'ó», <sup>19</sup> ndaga Yéesu Kiristaa, Kowukii Kooh dí yéegalohee ga duuyucúu, mi na Sílaas na Tímotéeda, bokkii ki'en «Ehee» na «Ó'ó»: ya mos ki'en «Ehee» rek. <sup>20</sup> En ki'enaa, ya yérí en «Ehee» ga béeþ iñcií Kooh dígoħħfa. Kon ñu wo'i «Aameen» ga teekii Kiristaanii ki'e' Kooh ndam. <sup>21</sup> Kooh ga kihafci, yérí onndíi, dí narúu, kiyégis ga Kiristaanii; ya ñan, yérí tanukkuu ga lègëyaagari, <sup>22</sup> ya tummba garuu mandargaa teewoh an dū buuci; ya so'ta Heliigari yisela'i'yii ga keeñciigaruu en iñaa dël'i helluu ga tóoh yijófi'yii ya faani'tuudfa.

<sup>23</sup> Mi nak, Kooh mínnindoo kiseedi', ee mi waatin ga kumuunndoo: mi waareeríirúu ki'ek coonu, kérí tah mi hayissii Korenti. <sup>24</sup> Dí hayyíi garúu kitoonndúu dooli kilëd'i'túu ga dii ngëmiigarúu jom kimanda, ndaga ngëmii dú laakfa yégisín. En ki'enaa, dí waa'túu ki'amdoħ doonaa keeñnjúu soos seb.

## 2

<sup>1</sup> Iñamaa tah mi ga kihaffoo, mi abin an mi boyuksannidoo garúu. Mi sajngúu kikom iñaa léehdisan keeñnjúu. <sup>2</sup> En ki'enaa, binaa mi léehí' keeñnjúunaa, laaksannidoo baa sósíran keeñiigoo, ndaga lak dú béeþpúu keeñnjúu leehin tak. <sup>3</sup> Iñamaa tah mi bínnadarúu fodaama\* ee mi waareeríi, buwaa jomee kisóosí' keeñnjoodfa, ba léehí'wa. Wéerinndoo an, iñaa sósí' keeñnjoo wéri sósí' keeñnjúu ñan, dú béeþpúu. <sup>4</sup> Wii mi bínnadúuda, mi enee ga coonu ciméeski', keeñnjoo leehha tak, mooncaagoo caa íifuk. Mi bínnadirúu kiléehí' keeñnjúu, wayee mi bínnadúu doonaa dú ínoh dii kiwaa'kii mi waa'túu hín ki'anġfa.

### *Kibaal baa tooñin*

<sup>5</sup> Laak garúu yaa léehí' keeñcum buwumaa, ya tummbiirooka, ya tummbúuka dú béeþpúu; wala book enndii kiwo' iñaa hëpaa, ya tumka bifo' garúu. <sup>6</sup> Baama, atti'aa buwaa béeþ tikkida dooyin da. <sup>7</sup> Bayalatti kimma, dú dël'i helci, enndiikanaa keeñci hay kileeh bi hëp. <sup>8</sup> Kérí tah, mi kíimmbúu, teewatti an dú waarinndi. <sup>9</sup> Mi bideerarúu iñamaa† kimalaksukohhúu bi mi ínoh ati dú hay kitaabuk tóoh iñaa mi ebiloh. <sup>10</sup> Baa tooñ yaama, binaa dú bayallinaa, mi ñan mi bayalinndi. En ki'enaa, en

\* <sup>2:3</sup> 2: 3 Ga halaat bo' biyewin, këyítfi Pool bín fii bokkii na 1 Bu-Korenti. Mín ki'en an fa múuy hen. † <sup>2:9</sup> 2: 9 Laakin lóogísohcaa halaatu an Pool waa' kiwo' ga cooncaa bu-Korenti míni kitook kiday ga kitum tóoh iñaa ngëmaagaba meekisohfa.

an laakin iñaa mi bayalan baamanaa, dú bëri tah mi bayalinndi ga fikii Kiristaanii. <sup>11</sup> Iñaama mi tummbi doonaa Seytaani laakoo hal kidükkuu. En ki' enaa, nofaa ya poonda appii ken kúmpa.

### *Jaahl'aa Pool ga teeraa Torowaas*

<sup>12</sup> Ga wii mi le' teeraa Torowaas kiyéegaloh Hewhewii winéwí'wii ga loo Kiristaaniida, mi hotta an Ha'mudii légisfinndoo hal, mi légéy daama. <sup>13</sup> Wayee nak helaagoo dallii dara ndaga mi laakkii Tít, mbokaagoo ga ngémiifa daama. Iñaama tah mi tanjohha na bu-Torowaas, mi nammab kika' gohaa Maseduwaan.

### *Ndamii laak ga kitaam na Kiristaaniida*

<sup>14</sup> Ndam aawat ga Kooh, yii dëkkii ga kibaydoh, dí bok ga húmbalaan ndamaa Kiristaanii. Ya koorohi garíi ki'ínohlukoh Kiristaanii daa en tóoh fodii dii nget la'koleñ wesohifa. <sup>15</sup> En ki' enaa, en ga Koohaa, Kiristaanii yëri en la'koleñii winéwí'wii eeñ garíi, wesoh ga buwii aaw ga kimúcda, na ñan ga dñuy bii aaw ga kisanjku'da. <sup>16</sup> Buwii aaw ga kisanjku'da, wa en gaba ngetii kikaankii haydohi kikaandsa. Bii aaw ga kimúcda, wa en gaba ngetii kipeskii haydohi kipesda. Kon bii yiida, ya hançi kesi míñ kitum légéyaama? <sup>17</sup> Dí manndii na bibo' biyewin baa bewi wo'eenii meyoh ga Koohcsa, ba yéegalohiwa kiheel iñaa ba laakan ga. Dí, dí yéegalohwa na keeñ wimórí' ee dí tumka ga fikii Kooh, fodii bisúrga Kiristaanii, ndaga Kooh ga kihafci yëri e'tíi kitum légéyiima.

## 3

### *Súrgacii légéyi' kifiliimunkii ki'askiida*

<sup>1</sup> Dú foon an dí en na kidíñkaanohis haffíne? Ati dú foon an dí soolukin, fodii buwii bínnoo, këyítcaa dí bewohan garúu, wala caa dí eranndúu kidíñkaanoh haffí? En ki' enaa, dí laakkii sooli ga këyítcaa manda. <sup>2</sup> Dú bëri en këyítfiigaríi fima; fa bídu ga dñuy keeñciigaríi ee béeñ ínohinfá ee míñinfá kijañ. <sup>3</sup> Leerin an dú en këyítfaa faama Kiristaanii bín kidíñkaanohhií, dí haydohhafa garúuda. Këyítfima bídohussii na lañka', wayee fa bíduhu na Helii Kooh yii laak kipesda. Fa bídussii ga atohcaa pesu kibídochuda\*, wayee fa bídu ga bo'-súusús, ga dñuy keeñaagari.

<sup>4</sup> Dí wo' fodaama ndaga dí óolukin Kooh, koorohha ga Kiristaanii. <sup>5</sup> En ki' enaa, dí míñoo kiwo' an dí bëri tum légéyaama ga dooliríi, wayee Kooh yëri onndiika kimín kitum. <sup>6</sup> Kooh yëri onndíi ki'en bisúrga baa en na kiyéegaloh kifiliimunkii ki'askii. Kifiliimunkiima enndii kaa bínsee ga Waasii Móyíis, wayee ka kooroh ga Helii yisela'í'yii. En ki' enaa, Bíncii Waasii Móyíis éewdoh bo' ga kikaan, wayee Helii yisela'í'yii onohi kipes.

<sup>7</sup> Waasii Móyíis bínsee hen ga atohcaa pesu, ee lee'laataa ndamaa Kooh hotukka ga. Fíkiifaa Móyíis melicee hen bi bu-Isarayeel mínsiséeríi gafa kimalak. Moona déy lee'laataama aawee ga kiyím. En lak waasiima éewdohin buwii ga kikaanda wëri hay, taammab na ndamaa hín da kiyakaa, <sup>8</sup> ndamii meyoh ga légéyii Helii yisela'í'yida hídan na kiyak? <sup>9</sup> Waasii Móyíis teewohee an bo'-súusús tooñin Koohcsa, en an légéyiigawa wëri laak ndam fodaamanaa, légéyii Helii yisela'í'yii on buwii ki'abohu bibo' bijúwi' ga fikii Koohcsa, ndamaagawa hídan na kiyak? <sup>10</sup> Kon bo' míñ kiwo' an ndamaa melicee kudewaa da enndii dara ga fikii ndamii en na kimelic watí, ee wëñwa fúufda? <sup>11</sup> En ki' enaa, kifiliimunkaama aawee ga kiyimda, en lak kérí laakee ndam fodaamanaa, kii yah ki'en bi taa'da, ndamaagaka hídan na kiyak?

\* <sup>3:3</sup> 3: 3 Pool waa' kiwo' ga loo bíncaa pokée kifiliimunkaa Kooh na buwaagari ee ca bínsee ga atohdfa. Bíncaama béstíree enaamacaa cidaañkaahcaa Kooh nakohee, koorohha ga Móyíisdfa.

<sup>12</sup> Kon dí laakin yaakaa' dijóff' ga iñama, kérí tah dí óolukin iñii dí tumda. <sup>13</sup> Dí tumoo fodii Móyiis, yaa úulee fíkiifaagari doonaa bu-Isarayeel hotoo lee'laataama aawee ga kiyím leehohanda. <sup>14</sup> En ki'enaa, helcaagaba kúnukin, ee bi ga wati, ba en na kijan kényítfaa kifiliimunkaa kudewaakaanaa, iñaa úulba yaama lísi ga, nísukoo. Iñaa úulba yaama nak, nísuki rek ga baa enin wiinoo na Kiristaanii. <sup>15</sup> Bi ga wati ban, saycaa yaawúu'caa jan Kéyítfaa Waasii Móyiis tóoh, laak iñaa kún helcaagaba. <sup>16</sup> Wayee binaa bo' éewruk ga Ha'mudiinaa, iñama úulíruk gari. <sup>17</sup> Ha'mudii wo'u diisa, Helii yérí ee daa Helii Ha'mudii enoh tóoh, kilaak-haffu kaa daama. <sup>18</sup> Du béeþpuu, du bii fíkiiciigaruu úulírukinda, fodii ga seetu, du bii teewoh ndamii Ha'mudii. Du bii súpituk besaa en béeþ bi du man na Ha'mudii ee du aasi ga ndam na ndam. Iñama Ha'mudii en Helii Koohda yérí lègëy ka.

## 4

### *Coonucii laak ga kiyéegaloh Hewhewii winéwí'wiida*

<sup>1</sup> Kooh, ga yérmaandiigari, yérí sassíi kitum lègëyiima, kérí tah, dí soofoo fenoo ga. <sup>2</sup> Dí sagin ki'aas ga iñci tumsi caakuksi ee ca apohin kacida. Dí ñaañukohhii ken ee ban dí kalañsohhii wo'eenii Kooh. Dí nami kay kiyéegaloh kayohfii bi lee' lañ, ee dí heel béeþ buwii tookkii ga keeñciigaba ga fíki Kooh. <sup>3</sup> En lak ban Hewhewii dí yéegalohda kúnukinaa, wa kúnuuk ga buwaa aaw ga kisanju'ca. <sup>4</sup> Ba enin buwaa gëmmbii ndaga yibóni'yii tík hafci Kooh ga èldúnada nèendin helciigaba. Ya tahin bi ba mínoo kihot lee'laatii Hewhewii winéwí'wii, wii teewoh ndamii Kiristaanii nataal Kooh sah-sahda. <sup>5</sup> En ki'enaa, iñii dí yéegalohda enndii kibëwi' haffii, wayee dí bëwí Yéesu Kiristaa, bi béeþ ínoh an yérí en Ha'mudii. Dí ga kihaffii nak, dí tum haffii bisúrgarúu ndaga Yéesu. <sup>6</sup> Kooh yii wo'ee an: «Lee'laatii melicat ga duuy nùusii»<sup>☆</sup>, yérí melicdii lee'laatiigari ga duuy keeñciigarii, ki'onndii ki'ínoh lañ ndamiigari melic ga fíkiifi Kiristaaniida.

<sup>7</sup> Wayee nak, lee'laatiima man na alal, waa eku garii, dí bii dí yégíssii fodii kataabanda. Fodaama, hotuk an dooliima widéenawii en garíida meyohhii garii wayee meyoh ga Kooh. <sup>8</sup> Dí capuunun bakaa en tóoh, wayee dí pookisukohhii. Dí gekuunun ga bakaa en béeþ wayee hoonohhiirí kipaaf. <sup>9</sup> Dí hataluunun ga kipes wayee Kooh foñjiirí. Dí búukuunun jac ga kakay wayee dí yahlukkii. <sup>10</sup> Dí dëk kikoruk kikaankii Yéesu ga faanciigaríi doonaa ban kipeskiigari hotuk ga faanciigaríi. <sup>11</sup> Dí bii dí en na kipesda, besaa en béeþ, dí hidoh na kikaankii ndaga kitaam na Yéesu, en danaa, kipeskiigari hotuk ga faanciigaríi yah kikoo' ga kikaanda. <sup>12</sup> Fodaama, kikaankii kii soonngíi besaa en béeþ, en danaa, du laas ga kipeskii.

<sup>13</sup> Ngëmii dí laakda taabohin na wii bii wo' ga Kéyítfadaa an: «Mi gëmin, kérí tah mi wo''a»<sup>☆</sup>; Ee, dí ban dí gém hen, kérí tähíi kiwo'. <sup>14</sup> Dí ínohin an Kooh yii mélisi' Yéesu, Ha'mudii ga kikaanda, hayyií kimélisi' ban ga dii dí en wiinoo na Yéesuda. Ya hayyií kihaydoh, dí narúu ban, ga yahaaci. <sup>15</sup> En ki'enaa, du bëri tah dí dayi iñaa en tóoh, en danaa, kijofkii Kooh yoosuk ga iñaa wëñ ga buwiida. Ee fodaama, iñii wëñ kiyewin ga buwiida, ba gérëmi Kooh, ba yeeki ndamiigari.

### *Ayat kipessuu ga ngëm*

<sup>16</sup> Iñama tah dí soofoo fenoo ga dara. Luu enee an faan bo'-súusúusfiigaríi fii yasukoh ndan-ndan, fítiigaríi wëñi ki'en ci'as besaa en béeþ. <sup>17</sup> Coonuciima dí dayda, binaa dí mëdírohca na ndamaa dí laakan, waa ken mínoo kiwo' daa wa hín kiyak ee waa leehoo taa'danaa, dí hay kihot an coonuciima bítoor ee ban ca hay kipaaf; ee Coonuciima waayuki'tíi ndamaama. <sup>18</sup> Iñcaa bo' hoti gacada enndii céri

<sup>☆</sup> 4:6 4: 6 Malkat Sënees 1: 3.    <sup>☆</sup> 4:13 4: 13 Malkat Kañcaa 116: 10.

du díiruk, wayee du díiruk caa bo' mínoo kihot. Iñaa bo' hotin gari leehin, wayee yaa bo' mínoo kihotda yah bi taa'.

## 5

<sup>1</sup> En ki'ena, du ínohin an faanfiigaruu en taalii du dëkoh dii ga kakayfiida, luu wa búree, Kooh waayukfinnduu ga asamaan tawah, waa du dëkohan. Kaanfaama hëwírohusii na yah bo'-súusúus ee fa yah bi taa'. <sup>2</sup> Diima deñ, du bii íin ga dñuuy faanfiigaruu fii, du waa' rek Kooh ekkuu faanfiruu ga asamaanda. <sup>3</sup> Binaa du ekukfanaa, du enoo buwaa bayyii faan. <sup>4</sup> Iñaa du wëñ kimañañ ga kipessuu ga dñuuy faanfi du bay ga ēldúnada tóoh, du dëkan ga ki'in ndaga yibít'yii du koorukda. Enndii an du waa' kikaan, du meyoh ga faanfii du bay ga ēldúnadfa. Nam ki'en kay an du waa' ki'ekuk faagaruu ga asamaanda, doonaa iñii jom garuu kikaanda nuu' ga dñuuy kipeskii leehoo taa'dfa. <sup>5</sup> Kooh ga kihafci, yérí sakkuu du aas ga kipeskaama; ya so'ta garuu Heliigari en iñii ya dñebpuu kiwa' ga béeþ iñcii ya faani'tuuda.

<sup>6</sup> Kon fodaama, saycaa en tóoh, du bii am yaakaa'. Du ínohin an, iñaa du wëñ kimañañ kipes ga faanfiigaruu fiima tóoh, du baa úsaay dii du yah kidék na Ha'mudiida. <sup>7</sup> En ki'ena, du tíidoh ngëmii, wayee enndii ga iñaa du hot. <sup>8</sup> Du abin yaakaa' wiyaak, ee du wëñ kiwaa' kitagoh na faanfi fiima, du ka' kidéknee ga yahaa Ha'mudii. <sup>9</sup> Iñamaa tah, waa du pes ga faanfii fii, waa du tagoh nafa, iñaa du díirukda yérí en du neblöö Ha'mudii. <sup>10</sup> Kayoh, du béeþpuu, du hay kimos kituuk ga fikii Ha'mudii, ya atti"uu, baa en béeþ laas fayaagari ga iñaa ya tum ga kipeskaagari ga faanfaamada: ennda yijófí', ennda yibóní'.

### Kiristaa júwohirinnduu na Kooh

<sup>11</sup> Kon dí ínohin iñii en kiniik Ha'mudiida, kérí tah dí bii heel kinook buwii ga ngëmii. Kooh nak ínohin buwii dí enda, ee mi yaakaarin an, ga dñuuy keeñnjúu þan, dú ínohin buwii dí enda. <sup>12</sup> Dí heellii kidíñkaanohis haffíi garúu. Nam ki'en an dí waa'túu ki'on iñaa dú ndamukohan garíi; en dñanaa dú laak iñaa dú lofan buwum malaksoo iñaa en ga keeñbadfa, ba ndamukohi iñaa hotukin na hasda. <sup>13</sup> En an dí enukoh kidofaa, Kooh tahka, ee dí enukoh kiñaañaa, dú tahka. <sup>14</sup> En ki'ena, kiwaa'kii Kiristaanii waa'tíida kérí laakkíi ga iñaa en tóoh. En ki'ena, wéerinndíi an, en an bo' yíinoo yérí kaani' buwii béeþbanaa, kon baanaa buwii béeþba kaandohuunun. <sup>15</sup> Ya kaanin ndaga béeþ, en dñanaa, buwii en na kipesda, ba pessisoo ndaga haffba wayee ba pescan bii yiima kaan, milissa ndaga béeþda.

<sup>16</sup> Kon, diimada, dí malakissii ken fodii dii bu-ēldúna hotohida. Ee sah, luu enee an Kiristaanii, kudewaa dí malakoheeri fodii dii bu-ēldúna hotohida, diimada, dí malakohissiiri fodaama. <sup>17</sup> Binaa bo' en wíinoo na Kiristaaniinaa, ya enin bo' yi'as: iñaa yimëgëti'yaa karin, yi'as yérí en ga. <sup>18</sup> Kooh tumin iñciima tóohca, ya yii ya júwohi'tuu na hafci, kooroh ga Kiristaaniida, ee ya sassíi diima kijangat kijúwohkaagari kaama na buwiida. <sup>19</sup> En ki'ena, Kooh kooroh ga Kiristaanii, ya júwohi'ta bu-ēldúna na hafci, ee ya toppiiba ga baakaa'cii ba tumda. Ya díñkaaninndíi kiyéegaloh kijúwohkiigari na buwiida. <sup>20</sup> Dí bérí Kiristaanii wos kiwo' ga teekiigari, ee man na Kooh ga kihafci yérí en na kiwo' narúu koorohha garíi. Dí bii kíimmbúu, ga teekii Kiristaanii, tookat kijúwoh na Kooh. <sup>21</sup> Kiristaanii mosoo kilaak baakaa'dfa, Kooh koorinndi baakaa'ciigaruu. Ya tumin iñamaa, doonaa du bii du en wíinoo na Kiristaaniida, Kooh abohhuu bibo' bijúwí'.

## 6

<sup>1</sup> Kon dí bii dí taam na Kooh ga lëgëyiida, dí bii dímalukkúu: barkeelii Kooh barkeellúuda hanat ki'en sooy. <sup>2</sup> En ki'ena, Kooh wo' ga Kéyítfaa an: «Ga wahtaa wa jekohda,

mi tumi'taraa iñaa fu kíimda.  
 Ga besaa mi jommbaa kimúsalda,  
 mi foolla ki'amdochhaa»<sup>☆</sup>

Malkat, wahtii wii siiy wëri jek ga; wahtii wii wëri en bes kimúc. <sup>3</sup> Lëgëyii Kooh dí en na kitumda, dí waa' ken laakoo dara iñaa ya wo'an ga yibóni'. Kérí tah, ga iñaa míñ ki'en téoh, dí waa'tii kitum dara iñaa ekan bo' ga kikeen ga baakaa'. <sup>4</sup> Dí teewohi an dí bisúrga Kooh ga béeb iñaa en téoh: iñcii dí dayda, ennda mesiklaatcii, coonucii, na kiléykii dawiríida, dí koorukica hen taam na kimúuñ kiyaak; <sup>5</sup> dí feekuunun, dí laguunun ga kasu, coow taabukinndíi daa en téoh ee dí gítínuunun ga kitum lëgëy ciméeski', péní fayaan joobinndíi, ee dí arukin. <sup>6</sup> Dí teewohi an dí bisúrga Kooh, ga kiset keeñ, ki'ínoh iñaa en kayoh, kimúuñ, kijof, kitaam na Helii yisela'i'yii, kiwaaroh kayoh-kayohda, <sup>7</sup> kijangat kayohfii kesi, na kitaam na doolii Koohda. Waa dí soonj, waa dí som haffii, kijúñ kérí en ganaaycii dí bayida. <sup>8</sup> Dí e'sin céé', dí ñiaawalsin. Dí wo'cfusin yibóni', dí wo'cfusin yijófí'. Dí malakohsi kaakohsaboh ee moona dí wo' kayohfii. <sup>9</sup> Dí tíksi buwaa ken ínohooba ee moona déy béeb ínohinndíi. Dí tíku buwaa tesba kikaan ee moona dí bii lís kipes. Dí tíksi iñaa meskin ee moona dí apsoo. <sup>10</sup> Buwii lëehíri keeñnjíi hen rek ee moona dí dék ga kinebluk. Dí tíku nduul ee moona dí onin bo' biyewin kihóomí'. Dí tíku buwaa laakoo tús ee moona dí laakin iñaa en téoh.

<sup>11</sup> Dú, fiiliimunciigaríi ga teerum Korentida, dí wo'in narúu fañ, dí csaakkiirúu dara ee dí ekinndúu ga keeñnjíi. <sup>12</sup> Enndii an dí waa'tiirúu, dú kay, dú bérí waa'tiiríi. <sup>13</sup> Kon mi wo' narúu fodii baa wo' na bitowuci: keeñukattíi fodii dii dí keeñukkúuda; ekattíi ga keeñnjúu.

### Kaa aasukohat na yiifa'

<sup>14</sup> Kaa aasukohat na buwaa gëmussii ga Yéesu. Buwaama enndii ba gën ga kitaaboh. En ki'enaa, kitaabohkii kiida míñ kilaak ga díkaanti iñaa júwin na iñaa joffii? Lee'laat mínan na ki'akitukoh na ñúus? <sup>15</sup> Mínan na ki'en Kiristaanii júwoh na Seytaani? Baa gëm ga Yéesu aasukohan na, na baa gëmmbii gari? <sup>16</sup> Kaanfii Kooh mínan na akitohu na koofcii yiifa'cii? En ki'enaa, du bérí en Kaanfii Kooh yii laak kipesda, fodaa ya ga kihafci ya wo'kadá an:

«Mi yah kidék naba, mi taabi naba,  
 mi yérí yah ki'en Koohyiigaba,  
 ba bérí yah ki'en heetiigoo»<sup>☆</sup>.

<sup>17</sup> Kérí tah, Ha'mudii wo'a an:  
 «Meyat ga díkaantiba, dú en hañ.  
 Kaa cewat ga dara iñaa settii.  
 Fodaama mi hayyúu kitook ga yahaaroo»<sup>☆</sup>

<sup>18</sup> Mi yah ki'en paamun garúu,  
 ee dú en bitowuroo: ennda yaal, ennda beti.  
 Iñaama, yérí Ha'mudii míñ ga téohda wo'»<sup>☆</sup>.

## 7

<sup>1</sup> Kon nak, dú bii mi keeñukinda, waa Kooh díginnduu iñcaama téoh, du sétírat haffuu ga téoh iñaa líibdii faan na hel. Du guu'guulukat, kipeskiigaruu sela' bi mat, ee du taam ga na kiniik Kooh.

### Iñaa sóosí' keeñaa Poolda

<sup>☆</sup> **6:2** 6: 2 Malkat Ísayíi 49: 8. <sup>☆</sup> **6:16** 6: 16 Malkat Léwítik 26: 12; Esekíyeel 37: 27. <sup>☆</sup> **6:17** 6: 17 Malkat Ísayíi 52: 11; Esekíyeel 20: 34,41. <sup>☆</sup> **6:18** 6: 18 Malkat 2 Samiyeel 7: 8,14; 1 Koroník 17: 13.

<sup>2</sup> Onattíi bak ga keeñciigarúu. Dí tooñjii ken, dí yahi'tii ken, dí díkkii ken kiñam ga anañci. <sup>3</sup> Mi wo''ii iñuma kiyambúu yen. En ki'ena, mi wo'eera kumëeñí' an dú bii ga keeñciigarí waa dí kaan, waa dí pes. <sup>4</sup> Mi óolukinndúu lool ee mi bakukohinndúu lool. Hídaa coonucii dí dayida, dii ca hín kiyewinda tóoh, helloo dalin lool ee Keeñiigoo soosin seb.

<sup>5</sup> En ki'ena, ga wii dí le' gohii Maseduwaanda, faanndíi íikarukkii ga fen, dí dayin coonufaa en tóoh: dí dëkee ga kileñkoh na buwii ee ga keeñjíi ban, dí enéeríi ga jam. <sup>6</sup> Wayee Kooh yii dëlíri helcii buwii abissii yaakaa'da, délí'ta hellíi ndaga hayaa Tít. <sup>7</sup> Enndii rek ga daa ya hayda tah, wayee na ban ga daa dú dëlírin helaagarida. Ya béstirinndíi dii dú hínndoo kidoorukda na dii keeñjíu hín kirécuk iñaa dú tikeerooda, na ban dii dú tuukin tek ga kifa'dohhooda; ee iñaama tahin keeñnjoo wëñin da kibaat kisoos.

<sup>8</sup> Mi ínohin an, këyítfaa mi bideerúu kudewaadaa lëehíreera keeñnjúu, ee mi récukkiika. En ki'ena, mi récukeeraka ndaga mi hoteera daa ka mesikeerúu, luu enee an maañjiida, wayee diima mi récukissiika. <sup>9</sup> Hanaa kay mi nebluk ga hen sah, ee enndii ga daa keeñnjúu leeheera gadsa, wayee en ga daa keeñ-leehaama ekinndúu ga kisúpít kipesda. Keeñ-leehaama Kooh yëri waareeka. Kon dí tooñjiirúu ga dara. <sup>10</sup> En ki'ena, keeñ-leehaa meyoh ga Kooh haydohi kisúpít kipeskaa éewdohi bo' ga kimúc, ee iñaama laakoo kirécuk. Keeñ-leehaa meyoh ga éldúna nak lími kikaan. <sup>11</sup> Malakat rek keeñ-leehaama meyoh ga Koohda, iñaa wa lím garúuda: dú gaawwa kikoluk, dú bayalukka, dú récukka, dú niikka Kooh, dú doorukkaroo, dú kaantukohha ga, dú ko'ta baa tooñda. Ga kihaffúu, dú teewohin ga bakaan en béeþ an dú setin wic ga iñaama.

<sup>12</sup> Kon nak, binaa mi bíndúunaa, baa tooñda tahhiika, baa tooñuda ban tahhiika. Mi bíndúu, doonaa, ga fíkii Kooh, dú míni kihot dii dú hín kisafa' garíida. <sup>13</sup> Iñaama tah dí abin yaakaa'.

Dí eemmbii rek ga ki'am yaakaa', wayee dí neblukin lool ga dii keeñaa Tít hín kisoos ndaga daa béeþpúu, dú dëldin helcida. <sup>14</sup> En an mi ndamukoheerarúu ga fíkicinna, mi laakkii kaci ga. Fodii dí wo'irúu kayoh saycaa en tóohda, iñaa dí ndamukee Tít ga loorúuda enin kayoh. <sup>15</sup> Binaa ya níindísuk ga daa dú kelohdeerari ga tóohda, na daa dú tookeeri ga duuyucúuda, taammba na kiniikki na ki'e'ti cée'danaa, ya wëñirúu da kiwaa'. <sup>16</sup> Keeñnjoo nak soosin ga dii mi míni kilaak yaakaa' garúu ga iñaa en béeþda.

## 8

### Kisafa' ga kidímal buwii Kooh

<sup>1</sup> Mbok-kerceencii, dí waarin dú ínoh iñaa kijofkaa Kooh lím ga jaangucaa ga gohaa Maseduwaanda. <sup>2</sup> Buwaama kooruunun ga coonu ciméeskí' wayee hoonohhii keeñba soosee hen seb; ee, hídaa kinduulkaagaba, daa ka hín kiméeskí'da tóoh, ba onohha iñaa hoomin. <sup>3</sup> Mi míni kiseedi' an buwaa, ba onohha iñaa ba mínda bi paaffa sah daa dooliba eem ee ba sekki kinaku. <sup>4</sup> Ba bëri nameeríi kitaabuk, baa kím kibokidohu ga buwaa yah kinégíroh dímalaa aaw ga buwaa en buu Kooh ga Yéerúsaleemda. <sup>5</sup> Ba paafin sah iñaa dí séentukee gabada. Ba deb ki'eroh hafba ga Ha'mudii paay, tikka ga, ba erohha hafba garíi fodaa Kooh waa'kada.

<sup>6</sup> Tít yëri deb kituuki' loo kinégíroh dímal ga kaanndúu, këri tah dí dímalukkari ya boyukis garúu kilësti' lëgëyaa wijófí'waa waama. <sup>7</sup> Waa dú hoomdin ga iñaa en tóoh, ennda ga ngémii, ennda ga kimín kiwo', ennda ga ki'ínoh yen, ennda ga kikaantukoh ga iñaa en tóoh, ennda ga kiwaarohkii dí teeþpúu en garúuda. Fodaama tumat tóoh dú hóomí' ga ki'amdoch ga dímaluma ban. <sup>8</sup> Mi enndiirúu na kiwo' iñaa dú jom kitumda; mi wo' ga loo buwaama ga daa ba kaantukohi ga kidímalohdåanaa, mi waa'

man, dú ban, dú teewoh kiwaarohkii laak ga díkaantirúuda dii ka hín kiwó'o'da. <sup>9</sup> En ki'ena, dú hotin dii Yéesu Kiristaa, Ha'mudiigaruu hín kijof garuuda: ya yii ya enee baa hóomdin, ya tummba hafci baa laakoo ee dú bérí calallika. En danaa, kooroh ga kilaakookaagari kaamanaa, dú hóomi'.

<sup>10</sup> Mi wo'"úu helloo doj ga iñuma: dú bii kisaah, dú dewee béeb kiwo' an dú hay kidímaloh ee ban dú debpa kidímalohda, iñaa gën garúuda wérí en an dú kaantukoh ga, <sup>11</sup> dú lästí' lëgëyaama kimma. Keeñaama ekeerúu ki'am iñaama ya tumuda, ekattúu ban ga kiléstí'wa, ee enat ga iñaa dú míñ. <sup>12</sup> Binaa fu onoh fodaama ee le' keeñaagaraanaa, Kooh hay kitook iñaa fu onohdfa. Ya ínohin an fu laak iñaama ee ya meekisohhii iñaa fu laakoo. <sup>13</sup> Wo'ussiirúu an kiwaa' buwii laak tahat bi dú en ga sooli rek, wayee béeb bokat kihídí'. <sup>14</sup> Diima den, dú hóomdin, kon dímalat buwii soolukinda; Kooh tum bes ba wëñí'túu ee dú laak soolinaa, ba amdohhúu, béeb bok hídí'. <sup>15</sup> Fodaama, ka bídu ga Kéyítfaa an:  
«Baa balawee yewinda, hépdéeríi ga dara,  
ee baa balawee jutuutda ñakéeríi dara.»\*

### *Tít na buwaa taabee nari Korentida*

<sup>16</sup> Ndam aawat ga Kooh yii on Tít, fodii garíi, kitook kikaantukoh ga loorúuda. <sup>17</sup> Tít tookka iñaa dí kíimmbida; ee ya waaree kigaaw kihay garúu hen bi, ya sekkiika kinaku ya kolukka yaa hay. <sup>18</sup> Dí wosin mbok-kerceen yiliis ya taam nari. Mbokaama, béeb jaangucii bakinni ga lëgëyii kiyéegaloh Hewhewii winéwí' wii ya tumda. <sup>19</sup> Baatta ga, bu-jaangucii bérí tanndi ya taam naríi ga baawii dí yah kika' kiwarohnhee iñcii onohuda. Lëgëyiima wijófí'wii dí tumwa ki'on Ha'mudii ndam na kiteewoh an dí waarin buwii ki'amdfoh ga ban. <sup>20</sup> Dí tum iñaama doonaa ken laakoo iñaa ya ñarohanndíi ga dii dí tuukuk ga dímalii wihoomí'wii négírohuda. <sup>21</sup> Iñaa dí heel tóoh wérí en kitum bi jof ee eemmbii rek ga iñaa newin Ha'mudii wayee ban ga iñaa newin buwii<sup>☆</sup>.

<sup>22</sup> Dí wosin ban mbokkii yiliis<sup>†</sup> ya taam na buwaama. Ya nak, dí malaksukohinndi waas ciyewin ee dí hotin an ya tookin kikaantukoh, ee diima den ya wëñin kitook kikaantukoh ndaga ya óolukinndúu dijófí'. <sup>23</sup> En ga bak Tít na kihafcinaa, dí bérí taabi, dí bérí bok kilégëy ga dñuuyccúu. En ga loo mbokcaagaruu baama taam naridanaa, bu-jaangucii bérí wosba ee ba lëgëy ki'on Kiristaanii ndam. <sup>24</sup> Kon teewatba an dú waarinba kayoh-kayohdfa, en danaa bu-jaangucaa baama tooku an dí laakin kayoh ga dii dí ndamukohirúuda.

## 9

### *Dímalaa aaw ga buwaa enu buu Kooh ga Yéerúsaleemda*

<sup>1</sup> En ga loo dímalaa aaw ga buwaa en buu Kooh ga Yéerúsaleemdanaa, calissii mi bínndúu ga. <sup>2</sup> En ki'ena, mi hotin an dú tookin kidímaloh ga keeñnjúu ee mi ndamukohinndúu ga bu-Maseduwaan\*, mi wo'eeba an: «Wii kisaah, laak bu-Akay tuukuunun tek ga kidímaloh.» Dum dú kaantukoh ga kidímalohda yëngëlin biyewin gaba. <sup>3</sup> Mi yii wosohhúu kon mbok-kerceencum buma ba amdohhúu, en danaa iñaa mi ndamukoheerúu ga loo dímalumada eemoo ga wo'een rek, wayee dímalumgarúu cooki' fodaa mi wo'kada. <sup>4</sup> Enndikanaa, laak bu-Maseduwaan baa taam naroo hayu duma, laakussúu dú waayukkii daranaa, dí hay kilaak kaci ga dii dí óolukinndúuda; ee mi wo'issii ban faa dú yah ga kibewohdfa. <sup>5</sup> Kérí tah, mi ammba an gënин mi

\* **8:15** 8: 15 Malkat Eksoot 16: 18: wo' ga daa bu-Isarayeel balafsee ñamahaa wo'u «maan», Kooh ereeba ga égí-dündagaadfa    <sup>☆</sup> **8:21** 8: 21 Malkat Liiwuk 3: 4; Room 12: 17.    <sup>†</sup> **8:22** 8: 22 Mbokkii yiliis bo' yiliis yérí wo'u daama, yaa ínohukkii dijófí'. Mëdïrohat 8: 18 na 8: 23    <sup>\*</sup> **9:2** 9: 2 Bu-Maseduwaan waa' kiwo' kerceencaa ga jaangaa teeraa Filiip, waa Beree, Malkat ban 1: 16

wos mbok-kerceencum buma, ba dëwírukko garúu, ba toputu' iñcaa dú dígohee ki'onoh. Fodaama, mi laak dímalalaama hídochinaa, iñaama hay kiteewoh an dú onoh na keeñjúu, wayee enndii an dú gítinu hen.

### *Baa sok yewin, píikan yewin*

<sup>6</sup> Ínohat iñii laak yii: baa sok jutuut, píikan jutuut; baa sok yewin, píikan yewin. <sup>7</sup> Kon nak, baa en béeb erohat iñaa keeñci hatin. Ya hanat kirécuk yen ga ee ka hanat ki'en gítin gari. En ki'ena, Kooh waarin baa onohi ee taam ga na keeñ wisóosí'. <sup>8</sup> Ya mínnindúu ban kibarkeel bi dú hoomí' ga iñaa en tóoh, en d'anaa ga wahtaa en béeb, dú laak tóoh iñaa dú sooluk kipay sooliciigarúu; dú tesí' yewin yaa onanndúu kitum yijóff' yaa míñ ki'en tóoh. <sup>9</sup> Fodaa ka bídu ga Kéyítfaada an:  
 «Ya oni buwii laakooda na keeñaagari béebs  
 ee kijofkiigari yah bi taa'».»<sup>☆</sup>

<sup>10</sup> Kooh yii oni línoh tesohtaa ya sokan, yii oni buwii iñaa ba ñamanda<sup>☆</sup>, hayyúu ki'on bi dooy fodaama, béeb iñcii dú soolukda, ya límírohca, en d'anaa, ga kijofkiigaruú bibo' biliis laasu ga béeb iñcaama. <sup>11</sup> Ya hayyúu ki'on kihóomí' ga iñaa en béeb, doonaa dú míñ ki'onoh na keeñjúu béebs, ee biyewin hay kigérém Kooh ga iñcii dí yahba kiwaroh, ee meyoh garúudsa. <sup>12</sup> En ki'ena, dímalii dú en na kinégírohda, jeriñigawa eemmbii rek ga kipay soolicii buwii en buu Koohda, wayee ban, wa hay kitah buwii yewin lool kigérém Kooh ga iñaama. <sup>13</sup> Binaa ba malak ga dímalii dú négíroh aaw gabadanaa, ba hay kigérém Kooh ga dii dú teewoh fodaama an dú gëmin ga Hewhewii winéwí'wii ga loo Kiristaaniida. Ba hayyi kigérém ban ga dii dú tookin ga keeñnjúu kiwaroh nabaa iñcii dú laakda, ba na béeb buwii bínoo. <sup>14</sup> Ba bii kíimi'túu Kooh kiteewoh an ba keeñukinndúu lool ndaga dii barkeelii Kooh barkeellúu paafin iñaa en tóohda. <sup>15</sup> Ndam aawat ga Kooh ndaga iñcaa ya onoh ee ken mínooca kiwo' bi leehda.

## 10

### *Pool taas ga iñcaa ya yabu ga lëgëy ki'apota'a'kaagarida*

<sup>1-2</sup> Mi Pool, buwii wo' an, mi en narúunaa, mi soos seb, ee an mi úsaayyúunaa mi tamoh jír. Mi yii kíimmbúu ga teekii Kiristaa yii lewetin ee jofinda, kaa ekattoo ga kitamoh ga d'ookkúu binaa mi hay garúunaa. Laakin garúu buwaa wo' an badukeeniigaríi iñaa badukeen bo'-ëldúna kesi. Kon nak binaa mi hay béríinnaa, buwaama, mi hay nabaka kidígooh ee iñaama wéerinndoo. <sup>3</sup> Kayoh, dí bii pes ga kakayfii fodii béebs buwii, wayee heñii dí en na kiheñohda enndii ga dii bu-ëldúna heñohida. <sup>4</sup> Ganaaycii dí bay kiheñohda meyohhii ga bu-ëldúna; ca en ganaaycii ciléekí'-doolicii meyoh ga Koohda, ee ca enohu kibúuk béebs dooli waa yípuk gík néendi buwiida. Dí d'ubí' halaatcii taabohhii na kayohda, <sup>5</sup> na ban béebs kibéwí'-haffukaa hoonoh buwii ki'ínoh Kooh, dí am níp halaataa míñin ki'en tóoh, dí haydohwa ga kikelohi' Kiristaanii. <sup>6</sup> Binaa dú kelohi'tíi ga tóohaa, dí tuukin ga kimóki' béebs baa kelohi'tíi Kiristaanii.

<sup>7</sup> Malaksukohat iñcum dum ca laakohda. Binaa laak baa wo' ga hafci an ya yuu Kiristaanii, ya ekat ga helci an dí ban, dí buu Kiristaanii fodaagari. <sup>8</sup> Ha'mudii kuliuki'tíi ga fíkíirúu kituuki' ngémiigarúu, wayee enndii kibúukwa; ee luu enee an mi ndamukin ga iñaama bi hépin, enoo kaci garoo. <sup>9</sup> Mi waa'tíi kiman na baa heellúu kitíital ga këyítcii mi bídirúuda. <sup>10</sup> En ki'ena, laakin buwaa wo'i garoo an: «Iñcii ya wo'i ga këyítcii ya bíida bítin ee tamohin, wayee binaa ya en ga d'uuycuunaa ya laakoo fít ee ya wo'i wo'een heeyoh.» <sup>11</sup> Baa wo' iñaama béebs, wóoratti an dii

<sup>☆</sup> 9:9 9:9 Mëdirohat na Kañcaa 112: 9. <sup>☆</sup> 9:10 9:10 Mëdirohat na Ísayii 55: 10.

wo'eencii dí bídi ga këyítcii manda, binaa dí hay dumaa béríinnaa, tumeencaagaríi yah kiman fodaama deñ.

<sup>12</sup> Dí sah, dí kaañoo kihídí' haffíi wala kimédíroh haffíi na buwaama ndami hafbada. Ba hayaa, ba beb hafba nataah, waa ba natan hafba gawa, ba mëdíroh hafba na hafba. Iñaama enndii kidof moose? <sup>13</sup> Dí nak, kindamukkiigaríi laakin daa ka eem. Dí paafanndii keki'kii sassii Kooh fíisi'tíi, onndariíi ban kihay bi garúuda. <sup>14</sup> Enee an sasiigaríi le'"ii bi garúunaa, bo' míni kíwo' an dí meyin sasii Kooh fíisi'tíida; wayee wa hayin bi garúu, dí béríi dëewee garúu kihay kiyéegallúu Hewhewii winéwí'wii ga loo Kiristaaniida. <sup>15</sup> Kon dí paaffii keki'kii sasii Kooh fíisi'tíi, kindamukoh lëgëyaa bibo' biliis tumda. Hanaa kay dí am yaakaa' an ngëmiigarúu hay kibaatuk, ee fodaama, dí hay kiwëñ kibaat kilégëy ga dñuuyccúu wayee hoonohoo dí eem ga sasii Kooh fíisi'tíida. <sup>16</sup> Dí hay kiyéegaloh Hewhewii winéwí'wii bi ga dëkcaa paaf kúllúu ee dí ndamukandii ga lëgëyaa Kooh e' bibo' biliis kitumda.

<sup>17</sup> Bíduunun ga Këyítfaa an: «Baa waa' kindamuk ga yena, ya ndamukatti ga Ha'mudii»<sup>◊</sup>. <sup>18</sup> En ki'enaa, buwii kañi hafbada, enndii bérí nebloh Kooh; buwii nebloh Koohda bérí en buwii ya kañ na kihafciida.

## 11

### *Pool, na buwaa tík hafba apotaa'da*

<sup>1</sup> Éey, dú míneeroo kimúuñi' mi wo' narúu wo'een dofaa! Ehee, múuñfattoo kay. <sup>2</sup> En ki'enaa, mi waa'túu hen bi mi naalohinndúu ee kiwaa'kii kiima meyoh ga Kooh. Mi onohinndúu ga fil yíinoo doñ, ennda Kiristaanii; ee mi waarin dú pajuki'ti fodii oomaa-jowu, yaa ínohoo yaal ee setin wic. <sup>3</sup> Wayee mi niikin an bibo' bii dúkkúu bi dú fíis kotcaa cijúwí'caa na keeñaa wimórí'waa du taabukohee Kiristaaniida, ba dúkkúu fodaa daa Aawa íisee hafci, gogaa dúkkari na wo'een-sabohcaagari cinéwí'caada. <sup>4</sup> En ki'enaa, binaa bo' hay garúu kijangattúu loo Yéesu yiliis yaa bokkii na yii dí jangattúuda, wala ya waa' dú te' hel wiliis waa bokkii na yii dú laasda, wala ya yéegallúu Hewhew winéwí' wiliis waa bokkii na wii dí yéegallúudanaa, baama dú keeñukiri! <sup>5</sup> Mi foogin an apotaa'cumgarúu buma dú ke' ga dook bíinoobumda wëñdohussiiroo dara. <sup>6</sup> Luu enee an mi mínoo kíwo' ga mbooloo, enndii an mi ínohoo yen, ee dí teewinndúuka ga iñaa en tóoh na ga bakaa en tóoh.

<sup>7</sup> Kayoh sah, wii mi yéegallúu Hewhewii winéwí'wii meyoh ga Koohda, mi meekissiirúu dara ga, mi yóoskí'ta haffoo, doonaa dú bëwíru. Mi tooñin bo' ga iñaa mi tum yaamane? <sup>8</sup> Mi te'ee, en fan lok, kopa' bibo' ga jaangu ciliis, kimíndúu ki'amdoch. <sup>9</sup> Wii mi en ga kúllúuda, mi laakeera sooli ee mi faanukkii ga dooli ken, ndaga mbok-kerceencaa meyohee gohaa Maseduwaandsa bérí haydohseeroo tóoh iñaa mi soolukeeda. Ga iñaa en tóoh, mi watukka ki'ayuk ga dookkúu ee mi hayka kiwëñ kiwatuk. <sup>10</sup> Ga dii wo'eenii ga loo Kiristaanii en kayoh garood'a, iñii mi yah kíwo' yii en kayohdfa. Mi wo' man, iñuma mi ndamukohida, ga béeþ teerucii ga Akaydfa, ken mínooroo ga kinís. <sup>11</sup> Iñii tah ya mi wo'ka? Ati mi waa'tiirúu hen? Kooh ínohin an mi waarinndúu.

<sup>12</sup> Iñii mi tum diimada, mi lísanndi kitum, en danaa, buwum heelu halaa ba kooran bi ba hídíroh hafba narií wem, ee ba ndamuki gadfa, ba laakoo halaama. <sup>13</sup> Buwuma tíku hafba bi'apotaa', ee saboh. Ba kaaki buwii saboh ga lëgëyum ba tumida. Ba bay jëmmää apotaa' Kiristaanii ee lak saboh. <sup>14</sup> En ki'enaa, iñaama bettii ken, ndaga Seytaani, ya ga kihafci, leekleekaa bay jëmmää malaakaa taam na lee'laataa Kooh. <sup>15</sup> Kon, laakoo dara ban iñaa bet bo' ga kihot bisúrga Seytaani bewu jëmma súrgacii

<sup>◊</sup> 10:17 10: 17 Malkat Yérémíi 9: 23; 1 Korenti 1: 31.

tumi yijúwí' ga fíkíi Koohda. Buwaama, béríinaa kipeskaagaba leehanda, ba hay kifayu tumeencaagaba caama.

### *Pool, na coonucii ya dayda*

<sup>16</sup> Mi yii wo'issúuka: ken hanattoo kitík dof. Wala book dú tíkkoo dofaa, abattoo fodii dof, en danaa, mi ban, mi míñ kindamuk jtuut. <sup>17</sup> En ki'enaa, iñii mi en na kiwo' yii sah enndii iñaa Ha'mudii waa', ee mi ndamuk fodumanaa, mi wo'in wo'een dof. <sup>18</sup> Waa biyewin ndamuki fodii bwuui ga ēldúnada, mi ban, mi hay kindamuk. <sup>19</sup> Dú bii an dú laakin heldsa, dú bérí keeñuki dofcii ee iñaama enndiirúu dara. <sup>20</sup> Dú tookin bibo' tummbúu ñaam, ba dúu'túu, ba dúkkúu, ba eewwúu, ee ba múttúu pa'. <sup>21</sup> Dii dí laakoo dooli kitum fodaamada, apinndoo kaci.

Kimma nak, mi hay kiwo' kidof, béeþ iñaa bo' kaañ kindamukoh, mi ban mi kaañinndi. <sup>22</sup> Man ba wo' an ba bi'Ebérée? Mi ban mi Ebérée. Man ba wo' an ba bok ga heetii Isarayeel Mi ban mi bok gawa. Man ba wo' an ba tucaasamun Abaraham? Mi ban mi kucaasamun Abaraham. <sup>23</sup> Man ba wo' an ba bisúrga Kiristaanii? Diima nak, mi yah kiwo' wo'een baa hafaa múuyin mes: mi wéñba ki'en súrga Kiristaanii fúuf. Mi wéñba kison ga lègëyiigari, mi wéñba kilagu ga kasu, mi wéñba kifeeku, mi hídohin na kikaan waas ciyewin. <sup>24</sup> Yaawúu'cii rípuununndoo leraw waas ciyétúus; ee waa hay tóoh, lerawcaa cidaaŋkaah-kaahay na ciyitnanikiiscaa (39)\* mat. <sup>25</sup> Mi rípuunun ngee' waas kaahay<sup>†</sup>, mi tapisojuunun na atoh waas kíinoo, kiwaa'too ki'ap; mi aasin gaal-giyy waas kaahay, gaalaa nuu' ga mísúmaa; mi tidimin ga mísú giyy wek-wek wiinoo na noh-noh wiinoo. <sup>26</sup> Mi karin kibaab waas ciyewin, caa kumuunndoo yee ga kihín: ga duuy húlúbcii, ga kihídoh na gúroh-waascii, ga kihídoh na mbokciigoo yaawúu'cii, na ban bwuui enussii yaawúu'da, baabciigoo ga teerucii, ga ègí'-dúndaŋcii, ga duuy giycii, hídohciigoo na buwaa tík hafba kerceen ee sabohda. <sup>27</sup> Mi koorukin lègëy cibítí' na coonu ciméeskí'; yewinin wekcaa mi neehhii; mi yaabpa mi pilla; yewinin iñaa mi oo'; mi fiyoonda ee mi laakkii iñaa mi ekukan. <sup>28</sup> Ee laakin giliis gaa mi wo"ii duum: besaa en tóoh mi halaati ga bujaangucii béeþba, fodii mi koorukba ga hafiigoo. <sup>29</sup> Binaa laak garúu baa laakoo doolinaa, mi ban, mi yéenka ga haffoo. 'Bo' keen ga baakaaraa, keeñnjoo taki ga iñaama hen. <sup>30</sup> Binaa mi na' kindamukaa, mi ndamukohan kilaakoo-doolikiigoo. <sup>31</sup> Kooh yii laak ndam bi taa'da, yii en Paamudii Yéesu, Ha'mudiisa, ínohin an mi wo"ii saboh. <sup>32</sup> Ga wii mi en ga teeraa Damaasda, gúwernéeraa yugi' buu' Aretaas daamada, tuuki'ta bisoldaa' ga tóoh halcaa teeraa, kiheelloo ki'am. <sup>33</sup> Wayee laakka bibo' baa ekussoo ga daba, ba paafdohharoo ga gúl wiinoo ga míraa dëkkaa, ba yoollaroo kakay. Mi rëcca gari fodaama.

## 12

### *Doolii Kiristaanii dooyin Pool*

<sup>1</sup> Mi jom kindamuk hen sah, luu enee an ka laakoo jeriñ. Hoonohoo mi hay kibéestí' iñcii Ha'mudii ínohlukohhooda ee mi hotca en fan ga heeyda. <sup>2</sup> Laakin kerceen, yaa mi ínoh\*. Enee ga tíkíis tidaaŋkaah na tinikiis ga fenoo, baa yaama bëwírussa bi ga dookaa-dook asamaan. (Mi ínohoo ati ya bëwí'see na faanfaagari, ati enee en fan ga heey; Kooh doj ínoh). <sup>3-4</sup> Mi ínohin daal an baa yaama bëwíruunun bi ga daa Kooh enohda. (Mi yii wo'iska, mi ínohoo ati ya bëwí'see na faanfaagari, ati enee en fan ga heey; Kooh doj ínoh). Daama, ya kelohha wo'een, caa ken mínoo gaca

\* **11:24** 11: 24 Malkat Déteronom 25: 3. Waasaa Móyiis nakoh an ken jomoo kirípu ngee'caa paaf cidaankaah-nikiis. Iñaama tah yaawúu'caa nœewíssa ga ngee' wiinoo, doonaa ba ēldohoo bi ba wëñi', ba deen iñaama Waasaa nakohda. † **11:25** 11: 25 Ngee'ciima þu-Room bérí feekkica \* **12:2** 12: 2 Kerceen, yaa mi ínoh Pool wo' na hafci. Malkat Tumeen 9: 30; 11: 25; Galaat 1: 21

kitaam, ee bo'-súusúus onussiica kiwo'. <sup>5</sup> Baa man fodaama yérí mi ndamukohan, wayee mi ndamukohoo haffoo, enndii ga kilaakoo-doolikiigoo rekaa. <sup>6</sup> Mi waaree kindamukaa, enoo kidof garoo, ndaga eneenaa iñii mi wo'anda yah kayoh. Wayee mi ndamukanndii ndaga mi waa'tii ken fooj garoo iñaa paaf yaa ya hot mi tum, wala yaa ya keloh mi wo'da.

<sup>7</sup> Kooh waa'tii mi ndamuk ga iñcii cidóoyí'-waa'cii ya teeþpoodsa. Kérí tah, fodii nes ga faan, ya ekkaroo mesiklaat: yíinoo ga malaakacaa Seytaani nakussa kisodalloo doonaa mi ndamukoo. <sup>8</sup> Mi kímin Ha'mudii waas kaahay, ya níssoo ga coonucaama.

<sup>9</sup> Ya taassoo an:

«Mi yii naraa ee iñaama dooyinndaa.

En ki'ena, kimíkiigoo hotuki ga daa kilaakoo-dooli enoh.»

Kon nak, mi ndamukan hen bi jof ga kilaakoo-doolikiigoo, en danaa doolii Kiristaanii yoosuk ga dookkoo. <sup>10</sup> Kérí tah, mi nebluki ga dii mi laakoo dooli, mi bassi, mi tíksi coonu, mi hatalsi ga kipes, mi tíitalsi ndaga Kiristaaniida. En ki'ena, mi ka' bi mi laakkissii doolinaa, mi laak dooli ga wahtaama.

### *Iñaa jaahal Pool ga bu-Korentida*

<sup>11</sup> Mi wo'in wo'een dof sah ee dú bérí ekkoo ga. Ee moona dú bérí jomeeroo kikañ. En ki'ena, luu enee an mi enndii dara, apotaa'cumgarúu dú ke' ga dook bíinoobumda wéñdohussiiroo dara. <sup>12</sup> Mandarga cidóoyí'-waa'cii na kíntaancii mi tum, ee mi taammba ga na kimúuñ kiyaakfa, dú hotinca; iñcaama teewoh an mi apotaa' Kiristaanii. <sup>13</sup> Iñii yiida yérí mi tumi' jaangucii cíinoo ee mi tumi'tiirúu ya? Hanaa ga dii mi faanukkii ga dooliciirúufa. Kon, bayalattoo ga iñaa mi tooñnjúu yaama.

<sup>14</sup> Wii wérí en waasiigoo wukaahaywii mi bewuk kihay kiwaakneerúufa<sup>†</sup>, ee binaa mi hayaa, mi yahhii kifaanuk ga doolirúu. Mi heellúu wayee mi heellii poossúu. En ki'ena, enndii oomaa laak kinégíroh héelís kitoputu' paamun na eewun. Paamun na eewun kay bérí laak kitoputu' oomaacii. <sup>15</sup> Mi nak, mi tookin ki'eroh iñii mi laakfa tóoh, na keeñ wisóosí', bi ga sah ki'eroh kumuunkiigoo, ki'amsohhúu. Mi waa'túu waaraa man fodaamanaa, dú jominndoo kitesoh kiwaare?

<sup>16</sup> Dú ínohin kon an mi mosoo ki'ayuk ga dookkúu ga dara. Wayee míñ kilaak baa wo' an mi dúkkúu hen, mi ñaañukohharúu <sup>17</sup> Ati mi mosin kiñam doolirúu, kooroh ga yíinoo ga þuwii mi wosee garúuda? <sup>18</sup> Tít, mi yérí wossi kihay garúu ee mi akitohhi na mbok-kerceenuma dú ínohindá<sup>‡</sup>. Tít mosin kifaanuk ga doolirúune? Mi na Tít, enndii dí bérí bok hel wíinoo, dí bokka kotcaa dí tíindane?

<sup>19</sup> Dú, dú maañ kifooq an dí heel kilaak lay ga fíkiirúu? Múk! Dí wo'i' Kooh, ga teekii Kiristaanii. Ee béeþ iñaama, mbok-kerceencii, kiwaa' dú wéñ kiyégís ga ngémii tahka. <sup>20</sup> Mi niikin, mi hay garúunaa, mi laakkúu dú man ga daa newooroo, ee mi, mi man garúu daa newoorúu. Mi niikin kilaakkúu ga kiñaroh, ki'iñaadoh, ki'aylukoh, kiwaa' kiwéñi', kibasoh, kicaakooroh, kibéwi' haffu na kicoowoh. <sup>21</sup> Mi niikin, mi hay dumanaa, Kooh kaci'dissoo ga fíkiirúu, keeñnjoo leeh ga þiyewin baa enukohee ga kitum baakaa', kitum iñaa settii, kifaanuk na baa en béeþ na kinjalaañuk, ee ba iíssii iñcaama bi watida.

## 13

### *Iñcii Pool méeñjoh ki'ebilohða*

<sup>†</sup> 12:14 12: 14 Waasiigoo wukaahaywii malkat ga 2 Bu-Korenti 13: 1-2. Waasaa widewaawaa enee ga waa ya yíp jaangaa ga Tumeen 18; wukanakwaa (Gúris 2) maañéerii ee enee ga þaawaa ga Tumeen 19. <sup>‡</sup> 12:18 12: 18 Malkat 2 Korenti 8: 18.

<sup>1</sup> Mi yii ga waasiigoo wukaahaywii mi yah kihay kiwaakneerúuda\*. Wo'u ga Këyítfaa an: «Ga iñaa en béeb, jomin kilaak bo' banak wala baahay baa en seedi ga»<sup>†</sup>. <sup>2</sup> Ga waasaagoo wukanakwaa, iñaa mi wo'ee buwii enee ga baakaa' rekða, waa mi yii líssúu ki'úsaay, mi yii wo'issúuka diima, dú na béeb buwii tesða: binaa mi hayis garúunaa mi yérëmanndii ken. <sup>3</sup> Man dú waa' mi teeþpúu an Kiristaanii yérí wo'i kooroh garoo? Iñaama hay kiwóó'. Kiristaanii enndii baa laakoo dooli ga fíkiirúu, ya teewoh kimínkaagari hen bi matin, ga díkaantirúu. <sup>4</sup> En ki'enaa, ga wii ya daayu ga kuraanaada, enee ga kilaakoo-doolici, wayee ga iñaa Kooh míin, ya yii pes kimma. Dí ðan, dí enin wiinoo nari ga kilaakoo-dooli, wayee ga iñaa Kooh míin, dí hay kipes nari, ee dí hayyúuka kiteeb.

<sup>5</sup> Malaksukohat haffúu bi jof, bi dú ínoh ati dú laakin ngém; dú ga kihaffúu, malkat hellúu. Dú ínohoo an Yéesu Kiristaa yii garúune? Wala book, nam ki'en an laakoo garúu iñaa teewoh an Kiristaanii yii narúu? <sup>6</sup> Dí teewohin dijófí' an Kiristaanii yii naríi ee mi yaakaa' an dú hay kihot an kayoh. <sup>7</sup> Dí bii kíim Kooh, dú iis kitum iñaa jofffi. Iñaama nak, enndii kiwaa' kiteewukoh ga lëgëyiigarí ga leeloorúuda. Ó'óo, nam ki'en an, dí waa' dú tum yijófí', luu enee an dú tikkiiríi bibo'. <sup>8</sup> En ki'enaa, dí laakoo dooli kitéhdoh kayohfii Kooh; iñaa dí mínda wérí en kilégéyi'fa. <sup>9</sup> Binaa dí laakkii dooli, ee dú, dú laak doolinaa, keeñnjíi soos ga iñaama. Iñii dí kíimda yérí en dú boyukis dijófí' ga ngémii. <sup>10</sup> Iñaama tah mi bínnadúu iñcuma tóohca, hídaa ga dii mi líssúu ki'úsaayda tóoh. En danaa, binaa mi hay dumanaa, mi soolukoo kitamoh ga dookkúu. Ha'mudii hanohdinndoo ga fíkiirúu kiyégísi' ngëmiigarúu, wayee enndii kisanju''úu.

### Tajkoh

<sup>11</sup> Kon nak mbokcii, neþlukat; heelat kiboyukis dijófí' ga ngémii. Baa en béeb daasat mooroomci, bokat hel, dëkat ga jam, en danaa, Kooh yii laak kiwaaroh ee laak jamða, enan narúu.

<sup>12</sup> Këñdohat ga díkaantirúu, dú mígnoh haf, kiteewoh an dú bérí bokoh. Béeb buwii en buu Kooh diifa, bii këñí'túu ga.

<sup>13</sup> Yéesu Kiristaa, Ha'mudiibaarkeelattúu; kiwaarohkii meyoh ga Koohda na Helii yisela'i'yii onndúu ki'en wiinooda, taabat narúu dú béeþpúu!

---

\* **13:1** 13: 1 Waasiigoo wukaahaywii Malkat ga 2 Korenti 12: 14. Waasaa widewaawaa enee ga waa ya yíp jaangaa ga Tumeen 18; wukanakwaa maañéeríi ee enee ga ðaawaa ga Tumeen 19. † **13:1** 13: 1 Malkat Dëteronom 19: 15; Mëdïrohat na Mëccée 18: 16; 1 Tímotée 5: 19; Yaawúu'caa 10: 28.

## Këyítfii Pool bín Bu-Galaatfa Wo'eencii lëgís Këyítfiida

Këyítfii fii férí Pool bín kerceencaa ga teeraa Galaatfa. Ya karin daama waas kanak kiyéegaloh Hewhewii winéwi' wii. Yaawúu'caa na buwaa enussii yaawúu'da gémussa, ba aassa ga kikercean.

Pool jégíreeba an kigém ga Yéesu kesi kérí tahan Kooh abohba bibo' bijúwí' ga fíkíici. Wayee laakka biyaawúu' ba meyohu Yéerúsaleem, ba ka'ta Galaat. Ba wo'a buwaa an yaakcaa ga jaangaa Yéerúsaleemfa bëri wosba. Ba yahha tóoh iñcaa Pool jégírohee daamada. Ba wo'a buwaa an Pool enndii apotaa' yukayoh ee iñaa ya jégi'bada enndii kayoh ban. Ba wo'eeba an ba baama ba enndii yaawúu'da, waa ba gëmin ga Yéesu ba jomin kitaabuk iñaa Waasaa Mójíis nakohfa: ba jomin kigúruk. Fodaama Kooh abohba bibo' bijúwí'.

Iñamaa tah Pool bínnda bu-Galaat kinísba ga iñcaama ba jégíru ee meyohhii ga Koohfa. Ya wo'aña an kigúrukkaa neþlo Kooħfa eni ga keeñ ee wérí en an keeñaagaraa jom kiset hen ga fíkíici. Abaraham yérí en caasamuncii yaawúu'cii, moona déy Kooh abohhari bo' yijúwí' ee lak ya gúrukki duum.

Ngém doj onan bo' ki'abohu yijúwí' ga fíkíi Kooh, ee wa rek wérí mínlukohan bo' kitaabuk kipeskaa neb Koohfa.

### **Këyítfii Pool bín bu-Galaatfa tíidoh anee:**

- 1 - Pool këñi' bu-Galaat (1: 1-5)
- 2 - Kooh tum Pool apotaa' ee ya jégíroh kayoh (1: 6-24)
- 3 - Iñii Hewhewii winéwi'wii wo' kayoh-kayohfa (2: 1-21)
- 4 - Ngém doj onan bo' kimúc (3: 1-4: 31)
- 5 - Kiwaaroh yaa en béeþ na mooroomci; Kitaam na Helii yisela'í'yii (5: 1-6: 10)
- 6 - Iñcaa Pool méeñjoh kidínkaanohda na tañkoh (6: 1-18)

### *Pool këñi' bu-Galaat*

<sup>1</sup> Mi Pool, mi apotaa' Yéesu Kiristaa. Bo'-súusúus falliirooka ee ka koorohhii ga bo', wayee ka meyoh ga Yéesu Kiristaa na Kooh, Paamudii, Kooh yiima mílisi' Yéesu ga buwaa kaaninda. <sup>2</sup> Mi na béeþ mbok-kerceencii enu diida, dí bii bëyrohhúu këñi', dú buwii en ga jaangucii ga Galasiida. <sup>3</sup> Kooh, Paamudiigaruu na Yéesu Kiristaa, Ha'mudii barkeelattúu, ee ba onndúu jam. <sup>4</sup> Yéesu Kiristaa, Ha'mudii, erohin kumuunkaagari ndaga baakaa'ciigaruu, en danaa dú míl kimúc ga èldúnaanii buwii watí wibóní'wii fodaa daa Koohyii en Paamudiigaruu waarohkada. <sup>5</sup> Ndam aawat ga Kooh bi taa'! Aameen.

### *Hewhew winéwi' wíinoo doj wérí laak*

<sup>6</sup> Dú, Kooh yérí tanndúu koorohha ga yérmaandaa Yéesu Kiristaa. Mi jaahli'in lool nak ga dii dú onndi bín̄ haat, dú taabukka hewhew winéwi' wiliisfa. <sup>7</sup> En fan hewhew winéwi' wiliis laak hen! Wa laakoo. Bibo' doj bëri en na kihícisoh helciigarúu ee ba waa' kikalañsoh Hewhewii winéwi'wii wo' ga Yéesu Kiristaada. <sup>8</sup> Kon nak, binaa bo' yiliis, luu enee dí sah, wala malaaka-Kooh, yaa meyoh asamaan, hayyúu kiyéegal hewhew wiliis waa enndii wii dí yéegallúudanaa, ya sañku'at. <sup>9</sup> Dí mosinndúuka kiwo' ee mi yii taabis ga watí: binaa bo' yéegallúu hewhew winéwi' wiliis waa bokkii na wii dú laas gariidanaa, ya sañku'at. <sup>10</sup> Kon diimada, mi heel iñaa neb bo'-súusúuse? Ó'óo, mi heel kay iñaa neb Kooh! Mi heel buwii waa'toone? Binaa mi lísee bi watí kiheel buwii waa'toonaa, eneena mi enoo súrga Kiristaanii.

### *Iñaa tum Pool apotaa'da*

<sup>11</sup> Mbokcii ga ngémiida, mi waa' dú ínoh an Hewhewii winéwí'wii mi yéegalohda meyohhii ga bo'-súusúus. <sup>12</sup> Mi laassiiwa ga bo'-súusúus ee ken jégí'tiiroowa wayee Yéesu Kiristaa na kihafci yérí ínohlukohhoowa.

<sup>13</sup> En ki'enaa, dú kelohin ga dii mi madee kudewaa ga waa mi en ga Waasii yaawúu'ciida. Dú ínohin daa mi tamohee ga kihatal ga kipesba buwaa ga jaangaa Koohda, mi yaa tum tóoh kitasaarohba. <sup>14</sup> Buwaa mooroomee naroo ee ba yaawúu'da, biyewin gaba le'séeríiroo fen ga kitaabuk waasii yaawúu'cii. Ee mi wéñeeba kikaantukoh ga kitaabuk iñcii cosaanii bicaasammboo nakoh kitumda. <sup>15</sup> Kooh nak tanukkaroo lak mi límussii duum. Ya bayyaroo ga yérmaandaagari, mi en súrgaci. <sup>16</sup> Ee ga waa nebpari ya teebparoo Kowukiigarida, mi ínohlukohka ga buwii enussii yaawúu'da, mi meekissii ken ki'onndoo hel ga iñaama. <sup>17</sup> Ee ban mi ka'tii Yéerúsaleem kihotohnee na buwaa ñebpoo ki'en apotaa'da, wayee mi nammba ki'íisuk kúlcaa Arabíi, lëehí'ta mi boyukka teeraa Damaas. <sup>18</sup> Tíkka ga tíkis taahay, mi hannda kika' Yéerúsaleem ki'ínohdoh na Sefas\*. Mi ennda nari bes cidaankaah na ciyétúus. <sup>19</sup> Mi hottii apotaa' yíinoo yiliis, enndiirinaa. Mi hotta ban Saak kéméenkí Ha'mudii. <sup>20</sup> Kooh ínohin an iñii mi bínndúu yii enndii saboh.

<sup>21</sup> Lëehí'ta, mi hannda kika' gohaa Síríi na waa Sílísií. <sup>22</sup> Waama, lakanaa buwaa gém ga Kiristaa ga kúlcaa Yúudéeda mossooroo kihot; <sup>23</sup> ba kelohee rek buwaa baa wo' an:

- Baa yaama hataleeruu ga kipes kidewaadá, baama déy, wati ya yii yéegaloh ngémii ya heelee kidúbí' ga buwiida.

<sup>24</sup> Fodaama, ba aawwa kikañ Kooh ga dii mi man diimaadá.

## 2

### *Pool boyukka Yéerúsaleem*

<sup>1</sup> Waa ennda da, tíkis tidaankaah na tinikiis tíkka ga, mi boyukka Yéerúsaleem, mi na Barnabaas. Mi baydohha Tít ban. <sup>2</sup> Mi ka'ta daama ndaga Kooh yérí ínohlukoheeroo an mi jomin da kika'. Buwaa kuliyuk ga jaangucaamada, mi laakka saawal naba ba hañba. Mi béstí'taba Hewhewii winéwí'wii mi yéegaloh ga díuy buwii enussii yaawúu'da. Mi tum iñaama ndaga mi waareeríi iñaa mi sodee ga kilégéy na iñii mi lëgëy watida en sooy. <sup>3</sup> Ee Tít, yii taabee naroodá, ya iñaa Gerek\* ee ken sah gítíndiiri kigúruk†. <sup>4</sup> Laakka ga díuy cíi buwaa tíksee haffba bimbok-kerceen ee saboh, ba abee an buwaa enussii yaawúu'da jomuunun kigúruk‡. Buwaama hayee ga díuy cíi kideñtuk ki'ínoh jamaa dí laak ga kitaabuk Yéesu Kiristaada ba meydohhii ga. Ee fodaama ba boykidohhii ga ki'en ñaam Waasii Móyiis. <sup>5</sup> Wayee dí onndiiba hal ga fen, doonaa kayohfaa ga Hewhewii winéwí'wiida tesí'túu. <sup>6</sup> Laakeera bibo' baa tíku an bérí wéñ kilaak solu. Wayee iñaa ba eneeda bittiiroo ndaga buwii béeßba wíinoo ga Kooh. Buwaama tíksee an bérí wéñ kilaak soluda tíkussii wo'een ga lëgëyaagoo. <sup>7</sup> Hanaa kay ba nam kihot sah an Kooh yérí díñkaanndoo lëgëy kiyéegaloh Hewhewii winéwí'wii ga díuy buwii enussii yaawúu'da§ fodaa daa ya nak Pee' kiyéegalohwa ga díuy yaawúu'caadá. <sup>8</sup> En ki'enaa, Kooh yaa tum Pee' apotaa', wossari ga yaawúu'ciida, yérí tummboo apotaa' ban, wossaroo ga buwii enussii yaawúu'da. <sup>9</sup> Saak na Pee' na San, bii abu ki'en fodii jíp ga jaangiida, tookuunun an Kooh yérí bëwí'too, e'taroo kilégéy iñaama.

\* **1:18** 1: 18 Sefas wérí en teekaa Pee' bayohsida. \* **2:3** 2: 3 Pool waa' kiwo' an Tít enndii yaawúu'.

† **2:3** 2: 3 Kigúrukkaama enee kiteewoh an ba biyaawúu'. Yaawúuraa en béeß jomin kitum baah kigúruk ga oomaa-yaalcaa. ‡ **2:4** 2: 4 Yaawúu'caa bínoo gémüunun ga Yéesuda ebilsee buwaa kigúruk enndiilkanaa, ba wo' an kimúc laakoo § **2:7** 2: 7 Buwii enussii yaawúu'da Bídii meydoh dii «buwii gúrukiida»

Ba e'taríi kon yah, mi na Barnabaas kiteewoh an dí wiinoo. Fodaama béebpíi dí júwohha ga an, dí, dí aawan ga buwaa enussii yaawúu'dsa, ba, ba aaw ga yaawúu'caa.  
**10** Enaama yíinoo doj yaa ba kíimeeríi, yérí en kifoñ hel ga buwaa en ga jaangaagaba ga Yéerúsaleem ee laaksoo darada. Ee iñaama mi tuukka ga kitummbi.

### *Pool ña'ta Pee' ga Añcoos*

**11** Pee' nak hayya teeraa Añcoos, mi tapukohha nari ga fíkíi béeb ndaga ya calee kiña' hen. **12** En ki'enaa, balaa buwaa Saak wosee Añcoosda hayunaa, Pee' daanee kiñami na buwaa enussii yaawúu'dsa. Wayee daa buwaama hayee, ya meyca ga, ya íissa kiñami naba ndaga ya niikee yaawúu'caama gëmu ga Yéesu ee ba fa' ga kigúrukkaada. **13** Yaawúu'caa tes gëmu ga Yéesuda aasussa ga iñaam Pee' enukoh yaama, bi ga Barnabaas sah baydohussa ga kidúkohkaagaba kaama. **14** Daa mi hotee an enukeenaagaba waama júbpíi ee taammbii na kayohfii Hewhewii winéwí'wii, mi tapukohha na Pee' ga fíkíi béeb, mi wo"ari an: «Fu yii fu en yaawúu' ee fu foñin dii yaawúu' pesida, fu taabukka kipeskii buwii enussii yaawúu'dsa, fu gítínoh buwii enussii yaawúu'dsa ya ga kitaabuk kipeskii yaawúu'cii?»

### *Yéesu müsalin yaawúu'cii na buwaa enussii yaawúu'dsa*

**15** Dí, dí límu yaawúu', dí enndii bitumoh-baakaa' en fan buwii enussii yaawúu'dsa\*. **16** Wayee nak, dí ínohin an bo'-súusúus, kigëm ga Yéesu Kiristaa doj tahanndi ki'en bo' yijúwí' ga fíkíi Kooh, wayee enndii ki'ayuk ga kitum iñaam Waasii Móyíis nakohda. Dí nak, dí gëmin ga Yéesu Kiristaa doonaa ngëmaagaríi ga Kiristaa waama onndíi ki'en bibo' bijúwí' ga fíkíi Kooh, wayee enoo an dí ayuk ga kitum iñii Waasii Móyíis nakohda. Ndaga ki'ayuk ga kitum iñii Waasii Móyíis nakohda tahoo ken ki'en bo' yijúwí' ga fíkíi Kooh. **17** Wayee binaa en an ga dii dí heel ki'en bo' yijúwí' ga fíkíi Kooh, ndaga Kiristaaniida, dí nam ki'abu bitumoh-baakaa' fodii buwii enussii yaawúu'danaa, waama lak Yéesu yérí amfohhíi ga kitum baakaare? Múk, iñaama kay mínoo ki'en. **18** En ki'enaa, binaa mi búuk Waasii Móyíis, lëehíraa mi boykis, mi tuukiriswanaa, kon mi namin ki'en baa saj kitaabuk waas. **19** Waasii Móyíis onndoo kiléehdük kipes gawa, en danaa mi mí kipes ga iñaam Kooh waa'dsa<sup>†</sup>. Mi daaydohuunun na Kiristaa ga kuraanaa. **20** Fodaama, enissii an mi ga kihaffoo mi yérí en na kipes, wayee Kiristaanii yérí en na kipes garoo. Kipeskiigoo wati, fodii bo'-súusúus, mi peska ga kigëm ga Kiristaanii, Kowukii Kooh, ka kii ka waa'taroo, bi mi tähhari kitook ki'eroh kumuunkaagarida. **21** Mi sagoo muk yérmaandaa Kooh, ndaga binaa en an Waasii Móyíis wérí onohi ki'en bo' yijúwí' ga fíkíi Koohaa, kon Yéesu Kiristaa kaanin sooy.

## 3

### *Kitaabuk Waasii Móyíis wala kilaak ngëm ga Yéesu*

**1** Dú bu-Galaat, dú lohoyin hel kat, bii móoñís hafciigarúu ba? Moona déy, dú teewuunun bi leerin lañ ga hasciigarúu Yéesu Kiristaa yaa daayu ga kuraanaada. **2** Mi waa' dú taassoo ga iñii mi meekissúu yii doj: kitaabuk iñii Waasii Móyíis nakoh kitumda kérí onndúu kilaas ga Helii yisela'í'yíinoo, kigëm Hewhewii winéwí'wii dú kelohda kérí onndúuka? **3** Dú mína kihaffoo mi yérí en na kipes, wayee Kiristaanii yérí en na kipes garoo. Kipeskiigoo wati, fodii bo'-súusúus, mi peska ga kigëm ga Kiristaanii, Kowukii Kooh, ka kii ka waa'taroo, bi mi tähhari kitook ki'eroh kumuunkaagarida. **4** Kon dii dú koo'da tóoh enin sooye? Iñaama mínoo ki'en sooy kay! **5** Kooh yóoski' Helii yisela'í'yii ga dookkúu, ya tumi kíntaan ga d'uuyucúunaa,

\* **2:15** 2: 15 Pool wo' fodaama fodii yaawúu'caa múus. Ba tík béeb buwaa enndii yaawúu' fodii bitumoh-baakaa'

† **2:19** 2: 19 Malkat Galaat 4: 4-5.

dii du taabuk iñii Waasii Móyíis nakohda tah ya tumkanoo, dii dú keloh Hewhewii winéwí'wii dú gëmmba gada tahka?

<sup>6</sup> Du malakohatka ga Abaraham. Kéyítfaa wo' ga looci an: «Abaraham ayca hafci ga Kooh ee Kooh abohhari bo' yijúwí' ndaga ngëmaa ya laak garida.» <sup>7</sup> Kon ínohat gaka an: buwii gëm ga Koohda bérí doj bok ga nílaa Abaraham. <sup>8</sup> Ee sah, balaa daranaa Kéyítfaa waayukdeera béeb buwii enussii yaawúu'da an Kooh hayba ki'aboh bibo' bijúwí' ndaga ngëmaagaba ba laakan garida. Kérí tah bíduunun ga Kéyítfaa an kudewaa Kooh yéegalee Abaraham Hewhewii winéwí'wii wii an: «Mi hay kibarkeel heetcii ga ēldúnada tóohca ee koorohan garaa.» <sup>9</sup> Abaraham gëmmba ee Kooh barkeellari. Fodaama béeb buwaa gëmda Kooh barkeelinba fodaa daa ya barkeelee Abarahamda.

<sup>10</sup> En ki'enaa, buwii ayuk ga kitum iñii Waasii Móyíis nakohda, ba bii ga kisanju', ndaga Kéyítfaa wo' an: «Béeb baa dëkkii ga kitaabuk tóoh iñcii bídu ga Waasii Móyíisdanaa, baama sañku'at.» <sup>11</sup> Ee leerin sah an kitaabuk iñii Waasii Móyíis nakohda tahoo ken ki'abu bo' yijúwí' ga fíkí Kooh, waa Kéyítfaa wo'in an: «Baa Kooh aboh bo' yijúwí' ndaga ngëmaa ya laakda hay kipes.»<sup>†</sup>

<sup>12</sup> Kigém ga Waasii Móyíis nak bokkii dara na kigém ga Kooh. Wayee nam ki'en sah an: «Baa taabuk iñcii Waasii Móyíis nakohdanaa pesan gaca.»

<sup>13</sup> Waasii Móyíis sañku'eeraruu ee Kiristaa mísallaruu ga, ya tíkukka kisanju'kaama ga hafci, waa bídu ga Kéyítfaa an: «Béeb baa apohu kilíku ga kedik, baama sañku'at.» <sup>14</sup> Ennda fodaama doonaa baarkeelaa Kooh dígee Abaraham, koorohha ga Yéesu Kiristaada le' bi ga buwii enussii yaawúu'da. Ee ban, du béebspuu, ga ngëmii du laak ga Koohda, du laas ga Helii yisela'íyii ya dígoheeda.

### *Waasii Móyíis na iñcii dígohudá*

<sup>15</sup> Mbokcii, malakat ga dii buwii tumida. Kifiliimunkaa pokohu, binaa ka koo' ga waasaa, ken mínooka kisan ee ken mínoo kibaat dara ga. <sup>16</sup> Kooh nak dígee Abaraham na nílaagari. Kéyítfaa wo"ii an: «na buwaa bok ga nílaagaraadsa», en fan ba biyewin. Wayee bo' yíinoo doj yérí wo'u: «na nílaagaraaa», ee Kiristaanii yérí. <sup>17</sup> Kon iñii yii yérí mi waa' kiwo': Kooh dëwee kipokoh kifiliimun na Abaraham, ee ka koo'ta waas. Kifiliimunkaama enin dii tíkíis titéemée'-nikiis na tidaaŋkaah-kaahay (430), Kooh hannda kihaydoh Waasii Móyíis. Kon Waasii Móyíis mínoo kipékis kifiliimunkaa kaama, wa nís iñaa Kooh dígoheeda. <sup>18</sup> En an Waasii Móyíis wérí oni bo' kilam ga Koohaar, kon ensissii dígaa Kooh dígoheeda onohika. Ee moona déy, Kooh kooroh ga dígaa ya dígee Abarahamda, barkeellari.

<sup>19</sup> Kon Waasii Móyíis wa enohu ya? Wa baatu ga hen doonaa wa teeb buwii fan iñcii ba tumi ee ba këldúki iñcii Kooh nakohda. Ee iñaama laakan bi ga daa níllii Abaraham Kooh dígoheeda hayohan. Waasiima, Kooh yérí yóoskí'wa ga buwii, koorohha ga malaakacaagari, ba e'tawa Móyíis yaa enee ga díkaanti<sup>‡</sup> Kooh na buwiida. <sup>20</sup> Ga loo iñaa dígoheeda, buwii hídírohu ga iñaamada ba bo' yíinoo, ee Kooh yérí wo'u da, kon soolukissii baa tíidan ga díkaantaa.

### *Iñii tah Waasii Móyíis kihayda*

<sup>21</sup> Kon Waasii Móyíis daloh hen na iñcii Kooh dígoheedsane? Ó'oo kay! Enee an laakin waasaa yóoskíru, waa míñ ki'eroh kipes kayoh-kayohdsanaa, eneenaa Kooh bewan buwii taabuk Waasii Móyíisda ya abohba bo' bijúwí' ga fíkíici. <sup>22</sup> Wayee Kéyítfaa wo'in an buwii béebsba baakaa' laginba pat, en danaa buwii gëm ga Yéesu Kiristaada doj bérí laasan ga iñaa Kooh dígoheeda ee koorohan ga ngëmaa ba laakda. <sup>23</sup> Balaa jamaanaa kigém ga Yéesu Kiristaa hayanaa, Waasii Móyíis lageeru

<sup>†</sup> 3:11 3: 11 Habak 2: 4; Room 1: 17; Yaawúu'caa 10: 38. <sup>‡</sup> 3:19 3: 19 Malkat Léwítik 26: 46.

hen pat, wa waa sek daa Kooh ínohluhannduu kigëmkaama. <sup>24</sup> Fodaama Waasii Móyíis wëri níireeruu bi ga daa Kiristaanii hayan, en danaa ga ngëmii du laak garida, Kooh abohuu bibo' bijúwi'. <sup>25</sup> Waa kigëm ga Kiristaanii le'in, du soolukissii níirohaa yaama. <sup>26</sup> En ki'enaa, dú béebpúu, dú bii dú gëm ga Yéesu Kiristaa ee dú en nari wiinooda, dú bitowu Kooh. <sup>27</sup> Dú béebpúu ban, dú bëtisi'u ga teekii Kiristaanii, këri tah, dú enin nari wiinoo ga fikíi Kooh. <sup>28</sup> Kon laakissii an yii yaawúu', yii enndii yaawúu'. Laakissii an yii ñaam, yii enndii ñaam. Laakissii ban an yii beti, yii yaal, ndaga dú béebpúu dú wiinoo ga Yéesu Kiristaa. <sup>29</sup> En lak Kiristaanii yëri laakkúunaa, dú bok ga níili Abaraham ee dú hay kilam iñaa Kooh dígee Abarahamda<sup>†</sup>.

## 4

<sup>1</sup> Dú ínohin kon iñii yii mi wo"úuda: baa jom kilam Paamci en ya lís ki'en oomaanaa, luu enee an alalaa tóohwa wuuci, dara wóotírohhiiri na ñaam. <sup>2</sup> Bibo' bëri topetu'anndi, ba topetu'i iñaa ya laaksa, bi ga daa jamaanaa paamci wo' an ya míin hafci kibayda le'an. <sup>3</sup> Ee dí ban, ga wii dí en oomaada\*, dí enee ñaam baahcii ēldúna<sup>†</sup>. <sup>4</sup> Wayee nak ga waa wahtaa Kooh wo'eeda le'a, ya wossa Kowukaagari, ka límukka ga beti, ka hayya ga jamaanaa Waasaa Móyíis, <sup>5</sup> doonaa Kowukaa laas buwii ay kipesba ga Waasii Móyíisda. Fodaama ka onndaruu ki'en bitowu Kooh. <sup>6</sup> Kooh waareeruu kiteeb an du bitowuci, këri tah, ya wossa Helaa Kowukaagari ga keeñciigaruu. Helaa waama wëri bayiri didoolí an: «\*Abaa! Paammboo!». <sup>7</sup> Kon fu enissii ñaam, wayee fu kowu. Ee waa fu kowu, Kooh hayyaa ki'on fu lam ga iñcaa ya d'aaki' towutaagarida.

### Pool jaahli'a ga bu-Galaat

<sup>8</sup> Kudewaa, dú ínohéeríi Kooh, ee dú daanee kijaamuk fodii ñaam enaama ciliis caa enndii Kooh kayoh-kayohdfa. <sup>9</sup> Wayee diimadfa, waa dú hídohin na Kooh, wala sah waa Kooh hídohin narúu, dú míin na kiboyukis ga baahcaa caama haydohdfoorúu túus ee ca caloo darada? Iñii tah ya dú waa' kiboyukis ki'en ñaam gaca? <sup>10</sup> Laakin ga bescii, ga ñiincii, ga jamaanucii, wala tíkiistii, caa dú am, dú tikkaca enaama ciléeki'-solu. <sup>11</sup> Mi niikin man daal iñii mi son garúuda tóoh en sooy!

<sup>12</sup> Mbokcii, mi kíimmbúu, tumat fodiiigoo, waa mi tumin haffoo fodii garúu<sup>‡</sup>. Dú mosooroo kitum iñaa mesikkoo. <sup>13</sup> Dú níindísukaa, wii mi dëbpúu kiyéegal Hewhewii winéwi'wiida, lak mi dúukoolin. <sup>14</sup> Hídaa daa dúukoolii faanfigoo sodaleerúuda tóoh tähhii bi dú sanjngaroo dú sëbítukkaroo<sup>§</sup>. Wayee fodii malaaka-Kooh, wala sah fodii Yéesu Kiristaa, dú dapparoo ga dzuuyucúu. <sup>15</sup> Wada keeñ-soosaa dú taabee nawada? Na dii dú safareeda! Mi míin kiseedi' garúu an, enee an mírukinaa eneenaa dú hay kilukit tuhastiigarúu, dú e'toota. <sup>16</sup> Kon diima, mi enin baa dú waa'tii gari kihot ndaga kayohfii mi wo"úudane?

<sup>17</sup> Buwum enu na kifool ga fenoorúuda, nofcumgaba moroo. Ba heellúu kihégísoh naroo\*, en danaa dú fooli ga fenoofa. <sup>18</sup> Kikaantukoh ga yen jofin, wayee enat ga yijófi', ee ban ka enat besaa en béeëb. Ka hanat ki'en rek binaa mi en narúunaa. <sup>19</sup> Towutiigoo, dú tahinndoo ki'enis ga coonu, en fan betifaa en na kimatuk. Ee iñaamaa yah bi ga daa Kiristaanii pesan garúu. <sup>20</sup> Dii mi waareerúu kideey diima

\* 3:29 3: 29 Malkat 3: 16. \* 4:3 4: 3 Pool am fodii oomaa, béeëb iñaa laakee balaa Kiristaa na Hewhewaa winéwi'wii hayanaa † 4:3 4: 3 Baahcii ēldúna tumeencaa yaawúu'caa na buwaa enndii yaawúu'da ee ba gëmee gacada. Malkat 4: 9 na Koloos 2: 8, 20 ‡ 4:12 4: 12 Ga kiyaawúu'kaagari, Pool meyca ga tóoh iñcaa Waasaa Móyíis ebiloheedsa. Fodaama, ya nak bu-Galaat ba tum fodaa gari, ba súmíyuk ga béeëb iñcaa baahcaagabaa nakohdfa. § 4:14 4: 14 Médírohat iñaama na wo'encaa Ísayíi ga 53: 3-4 \* 4:17 4: 17 Galaat 3: 23 Iñaa Pool wo'da ban wëri en an buwaama kokohin bimooroomba ki'aas ga Nguuraa Kooh

denjda, bi mi tuuk, mi wo' narúu wo'een wiliisda. En ki'enaa, mi ínohoo dii mi tumanndúuda.

### *Iñaa laakee ga díkaanti Agaa' na Saaraada*

<sup>21</sup> Wo'atloo, dú bii dú waa' ki'ay kipeskiigarúu ga Waasii Móyiisda, dú ínohoo iñii wa wo'da hene? <sup>22</sup> En ki'enaa, bíduunun ga Kéyítfaa an Abaraham laakee towu tanak tiyaal. Yíinoo, ya laakki na ñaam yibeti, yíinooyaa, ya laakki na betifaa enndii ñaam. <sup>23</sup> Kowukaa ya laak na betifaa en ñaamda límu fodii towutii béefta. Wayee kaa ya laak na betifaa enndii ñaamda, límu ga kíntaanaa Kooh tum kiméti iñaa ya dígoheeda. <sup>24</sup> Laakin yen yiliis yaa daakuk ga wo'eñaama: Beticaama teewoh kifiliimunoh kom kanak. Kifiliimunohkaa kíinoo, Kooh pokohheeka na Móyiis ga janjagaa Sínayíi, ee lím towu-ñaam kesi. Beti-ñaamfaa ee teeku Agaa'da férí teewohka. <sup>25</sup> Agaa' yérí mandarga janjagaa Sínayíi en ga kúlkaa Arabíida. Ya teewoh Yéerúsaleem yii ga jamaanii diimada. Yéerúsaleem yiima, na buwaa dék dada, ba biñaam. <sup>26</sup> Wayee kifiliimunkaa kukanakkaa meydoh Yéerúsaleemyaa en ga dookda<sup>†</sup>. Ya enndii ñaam ee yérí en eewwuu. <sup>27</sup> En ki'enaa, Kéyítfaa wo' an: «Fu, betifi mínoo kilaak kowufa, nebluka; fu yii fu mosoo ki'ínoh mesiklaat kilaak kowufa, kurnuka, ndaga towutaa betifaa foñufa térí wëñan kiyewin taa betifaa en na yaalcida<sup>☆</sup>.»

<sup>28</sup> Dú nak mbokcii, dú bérí en towutii límu, fodaa Ísaak, ga dígaa Kooh dígohee na Abarahamda. <sup>29</sup> Kudewaa, kowukaa límsee fodii towutii béeftadfa daanee kihatal ga kipes kowukaa límu ga doolii Helii yisela'i'yiida. Ee iñaama bi wati lís kilaak. <sup>30</sup> Wayee iñii yiida wo'see Abaraham bídussa ga Kéyítfaa an: «Kaala ñaamii ya na kowukiigari, ndaga kowukii ñaamii jomoo kibok kilam na kowukii betifi enndii ñaamda<sup>☆</sup>.»?

<sup>31</sup> Kon nak mbokcii, dú enndii bitowu ñaam wayee dú bitowu betifaa enndii ñaamda.

## 5

### *Watukat ki'enis ñaam*

<sup>1</sup> Kiristaanii bégisinnudu doonaa du laak haffuu kayoh-kayohdfa. Kon nak, yégisat ga iñii dú amda ee kaa tookat kiñaam galukis ga dookkúu.

<sup>2</sup> Súkúruk, mi Pool, mi wo"úu an: binaa dú eroh haffúu ga kigúrukaa, iñii Kiristaanii tumi'túufa laakdoorúu jeriñ wiinoo. <sup>3</sup> Mi yii wo'iska ban an: béeftaa eroh hafci ga kigúrukaa, ya joman kitaabuk hen béeftaa iñci Waasii Móyiis nakoh kitumda. <sup>4</sup> Dú bii dú heeli ki'abu bifo' yijúwí' ga fíkii Kooh, ga kitaabuk Waasii Móyiisda, dú hégisohin haffúu na Kiristaanii ee dú meydohin haffúu ga yérmaandaa Kooh. <sup>5</sup> Dí bii dí géminda nak, Helii yisela'i'yii yérí onndíi kiyaakaa' an Kooh hayyií ki'aboh bifo' bijúwí' ga fíkíici. Ee iñaama yérí dí sek wa gaaw kilaak. <sup>6</sup> En ki'enaa, binaa bo' en wiinoo na Yéesu Kiristaanaa, iñaa laak solufa enndii kigúruk, wala kigúrukkii. Iñaa laak solufa wérí en kilaak ngémaa teewohi tumeencaa taam na kiwaaroh.

<sup>7</sup> Jaarii dú bëteedfa dii wa jekeeda moos! Bii pellúu ba, hoonohharúu kitaabuk kayohfii? <sup>8</sup> Iñaa dú gëmlukohu yaama meyohhii ga Kooh, yii bayyúu dú hay garida. <sup>9</sup> Wo'uunun an «Moloñ kuun wijutuut, waa kaañohin, dooyin kikaañohi kuuncaa béefta.» <sup>10</sup> Moona déy, mi abin yaakaa' garúu ndaga Ha'mudii. Mi ínohin an

<sup>†</sup> 4:26 4: 26 Betifi wo'u diifa férí en Saaraa. Malkat Ínohlukoh 3: 12; 21: 2, 10    <sup>☆</sup> 4:27 4: 27 Malkat Ísayíi 54: 1.    <sup>☆</sup> 4:30 4: 30 Malkat Sënees 21: 10.

halaatciigaruu wóotírohanndii ga iñuma. Wayee baa aas ga d'uuycúu, hícohha helciigarúuda, baa ya míñ ki'en tóoh, Kooh hayyi kisañku'.

<sup>11</sup> Kon mbokcii, mi ga kihaffoo, enee an mi lís kijégíroh an kigúruk tumsataa, eneenaa mi hatalsoo ga kipes. Kon iñii tah ya mi hatalu ga kipessoo? Kikaankii Yéesu ga kuraanaa mi en kiyéegaloh ee ka newoo buwiida, kérí tahka. <sup>12</sup> Buwiima jaahallúu ga iñaamada, mi wo' man ba hanat ki'eem ga kigúruk doñ, wayee ba namat kigú' hen tóoh.

<sup>13</sup> Dú nak mbokcii, Kooh bayinndúu, dú hay gari, en danaa dú laak haffúu. Wayee nak, kaa koorohat laakaa dú laak haffúu waama, dú pesi ga iñaa neb kumuunndúu rek. Namat kiwaaroh hen, dú dímalohi ga díkaantirúu. <sup>14</sup> En ki'ena, Waasii Móyíis, iñcii wa nakohda tóoh matin ga wo'eenii wiwóorí'wii wii: «Waaraa mooroomfu fodaa daa fu waa' haffuda.» <sup>15</sup> Ee ban binaa dú tum fodii júu'cii ga ëgíriida, dú d'owohi, dú ñamohi ga d'uuycúunaa, ínohat an dú aaw ga kiléehdoh ga d'uuycúu. Kon watukat iñaama.

### *Íisat Helaa yisela'í'yaa kuliyuk ga kipeskiigarúu*

<sup>16</sup> Iñii yii yérí mi yahhúu kiwo': Íisat Helii yisela'í'yii ya níi' kipeskiigarúu, en danaa, dú taabukoo neblaat-kumuunndúu. <sup>17</sup> En ki'ena, iñaa neb kumuun bo'-súsúus bokkii na iñaa Helaa yisela'í'yaa waa', ee iñaa Helaa yisela'í'yaa waa'da wóotírohin na iñaa neb kumuun bo'-súsúus. Kon nak iñcaa kanakcaa caama míñohsoo, en danaa, enoo an iñaa nebpúu béeb dú mínndi kitum. <sup>18</sup> Binaa dú kuliyuki' Helii yisela'í'yii ga kipeskiigarúunaa, Waasii Móyíis tíkukisoorúu.

<sup>19</sup> Leerin an baa taabuki neblaat-kumuun ga kipesci, tumi iñcii cii: kiñalaañuk; kibay halaat cisépí'í; kifaanuk na baa en béeb; <sup>20</sup> kijaamuk koof; na kinaahuk, kimínohoo na mooroomfu, kiñaroh na ki'iñaan, ki'aylukoh, kiwaa' kiwéñí', kihégískoh, na kifa'doh, <sup>21</sup> kiñeeh bo', kiliiluk ga ki'an na kiñam, kihaabin na enaama ciliis caa manda. Mi deweearáuka kiwo' ee mi yii wo'issúuka yii: buwaa enukoh iñcaamada boksoo ga Nguuraa Kooh.

<sup>22</sup> Wayee iñcii Helii yisela'í'yii lími ga bo'da cérí en: kiwaaroh, kineb keeñ, kilaak jam, kiteey, kijof, kilaak yérmaandi ga bo' na ki'en go'; <sup>23</sup> kimo' keeñ na kimín ki'abuk. Ee wóorin an iñcaama Waasii Móyíis sañngiica. <sup>24</sup> Buwii en buu Yéesu Kiristaada apuunun ga kuraanaa kibo'kaagaba taabuki neblaat-kumuunda, na iñcaa cibóní'caa helba líki gada. <sup>25</sup> En lak Helii yisela'í'yii yérí onnduu kipesaa dū taaban ban ga iñaa ya waa'da. <sup>26</sup> Kindamukoh hanat kilaak ga díkaantiruu: dū Íisat kidiñatoh, dū Íis ki'iñaadoh.

## 6

### *Ki'amdooh ga díkaantirúu*

<sup>1</sup> Mbokcii, binaa bo' abu ga kitum iñaa joffiinaa, dú bii dú taam na Helii yisela'í'yiida, dú bérí jommbi kiboyukidoh ga kayoh, dú taam ga na teey. Ee dú, yaa en béeb watukat hafci, doonaa dú keenoo ban ga fí' Seytaani. <sup>2</sup> Dú, amdohat ga díkaantirúu kikooruk d'ofciigarúu. Fodaama, dú hay kiméti' kitum béeb iñii waasii\*Kiristaanii nakohda. <sup>3</sup> En ki'ena, binaa bo' tík hafci kilaak solu ee lak ya enndii dara, ya dúk hafci. <sup>4</sup> Baa en béeb, malaksukohat iñcaa ya tumida. Ya hot iñaa ya ndamukan ganaa, ya eemdohatka ga hafci, ya hanat kinatuk ga mooroomci.

<sup>5</sup> Ndaga baa en béeb línan sasaagari. <sup>6</sup> Baa en na kijégíru Hewhewii winéwí'wii, warat baa jégí'tida ga béeb iñcaa ya laakda. <sup>7</sup> Ken hanattúu kidúk ga iñii yii: Kooh, ken yapoori. Ee iñaa bo' sokaa, píkanndi. <sup>8</sup> Baa fu sok iñaa neb kumuunfunaa, fu píkan iñaa neblaat-kumuun límdi bo'fa ee wérí en kikaan. Wayee baa fu sok iñaa

\* **6:2** 6: 2 Malkat 5: 14: «Waaraa mooroomfu fodaa daa fu waa' haffuda»

Helii yisela'í'yii waa'danaa, fu píikan iñaa Helaa yisela'í'yaa límdi bo'da ee wérí en kipeskaa leehoo taa'da. <sup>9</sup> Du hanat kiyówí' yahhuu ga kitum yijófí'. En ki'ena, binaa du am, du íissiinnaa, wahtaa le'aa, du hay kipík iñaa laakin jeriñ. <sup>10</sup> Kon wahtaa du mínga tóoh, leenaa du tumdat béeb iñaa jofin, wëñaa ga buwii du bok naba ngëmda.

*Dígalcií méeñjohda na këñí'cii*

<sup>11</sup> Dú hotin bínciigoo, dii ca yakda, mi yérí bíncá na yahhoo. <sup>12</sup> Buwaan gítínsirúu ga kigúrukda, ba heel kilaak teek ga díuyuuy buwii. Iñaa ba niik rekda wérí en kihatalu ga kipesba binaa ba yéegaloh kikaankaa Kiristaanii ga kuraanaanaa. <sup>13</sup> En ki'ena, buwaama fa' ga kigúrukda, ba ga kihaffba sah taabukussii Waasii Móyíis. Ba waa' dú gúruk doonaa ba míin kibakuk an ba tumlukohinndúu iñama ga faanndúu. <sup>14</sup> Mi ga kihaffoo, laakoo enaama yiliis yaa tahannoo kibakuk, enndii kikaankaa Yéesu Kiristaa, Ha'mudiigaruu ga kuraadanaa. Ka tahn bi iñcii ga éldúnada kaanin garoo ee mi kaanin ga iñcii ga éldúnada: <sup>15</sup> Yii gúrulin wala yii gúrukii, iñama laakoo solu. Iñii laak soluda wérí en ki'en bo' yi'as. <sup>16</sup> Béeb buwii taabuk iñum mi wo' yuma, na béeb buwii en buu Kooh<sup>†</sup> enu Isarayeelyiigarida, mi yii Kíimi'ba an: Kooh barkeelatba, onba jam.

<sup>17</sup> Ee iñii aaw ga fíkiida, ken hanattoo ki'ek coonu. En ki'ena, ñancii mi bay ga faanndoodsa teewohin an mi sodaluunun ndaga Yéesu.

<sup>18</sup> Mbokcii, yérmaandaa Yéesu Kiristaa, Ha'mudiigaruu taabat narúu‡ béeþpúu. Aameen.

---

<sup>†</sup> **6:16** 6: 16 Isarayeelyaa Kooh    <sup>‡</sup> **6:18** 6: 18 na helciigarúu

## Këyítfii Pool bín Bu-teeraa Efeesda Wo'eencii lëgís Këyítfiida

Këyítfii fii férí Pool bín kerceencaa ga teeraa Efeesda. Wayee fa eemmbii ga bu-Efees rek. Pool wosohinfa bikerceen ga teeru ciyewin ga gohaa Aasíi. Wii ya bín këyítfiima lak ya yaa lagussa ga kasu ga Room. Teeraa Efees wérí wëñ kilaak solu ga béeþ teerucaa bu-Room nguurukoh ga gohaa Aasíida. Bo' biyewin ga teeraama lëgéyba enee kitoon. Ba tawahi'ta Koohyaagaba ba teek Artémis ga kiGerekda kaan simóri'. Artémis bu-Room teekki Janaa. Ba nataalla Artémis nataal beti. Bu-Efees karee kikiúmi Kooh ga kaanfaama. Yaawúu'caa na kerceencaa karéeríi daama kikím Kooh. Ga waa Pool boyuk Efees ga baawaagari wukanakwaa, ya yaa jégí' yaawúu'caa daamada dímaasaa en téoh. Pool boyukka lak ya míneeríi kimañañ ga Efees wayee ya díjngaba kihayis daama. Ga waa ya karis daama baawaagari wukaahaywaa, ya ennda daama tíkis taahay taa ya jégíree buwaa (Tumeen 19-20).

Iñii yii yérí Pool teeþpuu ga këyítfii fii: Kooh ga kijofkaagari teewinnduu iñaa ñaakukee hen garuu. Wérí en an ya hay kihídíroh téoh iñcaa en ga dook na dii ga kakay ee Yéesu kuliuk gaca. Ya tíkka ga an kerceencaa jomin kíjúwohu ba en wíinoo, laakoo yii an ya yaawúu', yii enndii yaawúu'. Seytaani yérí en baa ba jom nari kisagoh. Kon ba jom kitaabi na béeþ, ba boki kikím Kooh en ñanaa Seytaani wëñooba dooli. Ya wo'in ga daa yaal jom kiman na betici, daa oomaa jom kiman na paamci na daa ñaam jom kiman na ha'-kaancida. Ya wo' an kerceencii jom ki'enu wíinoo na Kiristaanii.

### **Këyítfii Pool bín bu-Efeesda tíidoh anee:**

- 1 - Këñdoh (1: 1-2)
- 2 - Kooroh ga Yéesu béeþ ñuwii wíinoo ga fíki Kooh (1: 3-3: 21)
- 3 - Ki'en wíinoo na Kiristaanii lími badukeen wi'as (paamun, kowu, súrga) (4: 1-6: 20)
- 4 - Taŋkoh (6: 21-24)

#### *Këñdoh*

<sup>1</sup> Mi Pool, mi apotaa' Yéesu Kiristaa ee Kooh yérí waa'ka. Mi yérí bínndúu Këyítfii fii, dú ñuwii ga teerii Efees en ñuu Kooh ee gëmuunun ga Yéesu Kiristaada. <sup>2</sup> Mi yii kíim Kooh Paamudiigaruu, ya na Yéesu Kiristaa, Ha'mudii ba barkeellúu, ba onndúu jam.

#### *Iñcii cijófí'cii Kooh tumi' buwiigarida*

<sup>3</sup> Du kañat Kooh, yii en Paamudii Yéesu Kiristaa, Ha'mudiigaruu. Ga dii du en wíinoo na Kiristaada, Kooh barkeelinnduu barkeelaa en béeþ, waa Helaagari onnduu ee ca laak ga dookda. <sup>4</sup> Ya tanukinnduu du en wíinoo na Kiristaa, lak ya sakkii éldúna duum, en ñanaa du en bifo' bisela'i', baa laakoo sík ga fíkíici. Ga kiwaa'kii ya waa'tuuda, <sup>5</sup> ya ammba kuméeñi' kitanukkuu du en bitowuci ee kooroh ga Yéesu Kiristaa. Iñamaa yérí ya waaree ee yérí nebpi. <sup>6</sup> Kon nak, du kañatti ndaga kijofkiigari paafin iñaa en téohda: ya jofin garuu ee ya meekissiiruu dara ga ndaga dii du en wíinoo na Kowukiigari ya wëñ kikeeñukda.

<sup>7</sup> Ya kooroh ga ñífaa Kiristaa aamseedaa, ya laassaruu, ya bayallaruu tooñcaa du tooñnjida. Fodaama, ya teewinnduu dii kijofkiigari hín kiyakda. <sup>8</sup> Kijofkiima, ya teewinnduuka bi dooyin sék, ya sorin garuu kiñaañkaa meyoh gari, na ban kilaak hel.

<sup>9</sup> Ya oninnduu ki'ínoh iñaa ya waaree kitum, wa newinni ee enee kúmpa garuuda.

Iñama, ya abeeri kuméeñí' ee ya koorohan ga Kiristaa ya tumwa. <sup>10</sup> Iñama ya mëtiran ga wahtaa ya amda, wëri en an bëeb iñcii en ga asamaanda, na bëeb iñcii en ga kakayfiida ya hídirohca wiinoo ee Kiristaa en baa kuliyukcada.

<sup>11</sup> Waa dí enin wiinoo na Kiristaanii, dí laakin bak ga tóoh iñcii Kooh díj heetiigarida. Kooh tanukeerii kuméeñí' fodaa ya nateeka kitumda. En ki' enaa, ya tumi iñaa en bëeb fodaa ya natkada na daa ya waa'kada. <sup>12</sup> Fodaama, dí bii dí en buwii ñeb kilík yaakaa'ba ga Kiristaaniida, dí teewoh ndamii Kooh ga kipeskiigaríi.

<sup>13</sup> Dú ban, ga waa dú kelohha wo'eenii wukayohwii, wii en Hewhewii winéwí'wii müsallúuda, dú gëmmba ga Kiristaanii ee Kooh tummba mandargaagari garúu. Mandargaama wëri en Helii yisela'í'yii ya dígoheeda. <sup>14</sup> Helii yisela'í'yii yëri en iñii Kooh ñebpuu kiwa' ga bëeb iñcii ya faani'tuuda, bi ga daa du bëgískan say ga tóoh iñaa bonin. Kon du yekat ndamii Kooh laakda.

### *Pool Kúimi' kerceencii*

<sup>15</sup> Ga iñama, mi ban, mi kelohin ngëmii dú laak ga Yéesu Ha'mudiida, na ban dii dú hín kiwaa' bëeb buwii enu buu Koohda. <sup>16</sup> Fodaama, mi dëk ga kigérém Kooh garúu, ee saycaa mi kím Kooh tóoh, helloo ka' garúu. <sup>17</sup> Mi yii kím Kooh, yii Yéesu Kiristaa, Ha'mudiigaru; Paamudii líif na ndamda, ya so'tuu Helaagari onannndúu kiñaañ, wa teebspú Kooh ee tum bi dú ínohhi kayoh-kayohda. <sup>18</sup> Mi yii kím ya léeri' helciigarúu doonaa dú ínoh yaakaarii dú laak ga bayii ya bayyúu ga hafciida. Dú ínoh ban alalii wiyaakwii laakoo ga fen ya faani' buwii en buucida, dii wa hín kiyakda. <sup>19</sup> Ee dú ínoh ban dooliigari lëgëy ga dñuycuu, du bii du gëm garida, dii wa hín kiyakda. Ya teewohha dooliigari wiyaakwiima ga daa iñaa wa mín hín kiyakda <sup>20</sup> ga wii ya mílisi' Yéesu Kiristaa ga buwaa kaaninda, ya bëwí'tari dook asamaan, yugi'tari, hanoh yah-ñaabaagari. <sup>21</sup> Daama, Kiristaa hanohdussa ga dook iñcii ga díkaanti dook na kakay, ca cii nguuruk, ca kaañukoo, ca laakin dooli ee ca toon doolidä. Ya hanohdussa ga dook bëeb teek, waa bo' mín kibayohu. Iñama eemmbii doj ga jamaanii diima, wayee bi ga sah jamaanucaa yah kihayda. <sup>22</sup> Kooh erin Kiristaa kinguuruk ga dook iñaa en tóoh\*, ee Kiristaaniima hanoh dook ga iñaa en tóohda, Kooh erinndi kikuliyuk ga jaangii. <sup>23</sup> Jaangii wëri en faanfii Kiristaanii. Kiristaanii yii ga jaangii bi gomin ee Kooh yii gari ban bi gomin†.

## 2

### *Baa gëm ga Yéesu hay ki'en bo' yi'as*

<sup>1</sup> Dú nak, kudewaa, dú enee buwaa kaanin ga fíkíi Kooh ndaga tooñcaa dú tooñeeri ee dú dëkee ga kitum baakaa' rek. <sup>2</sup> Ga dñuy iñcaama dú taabukee kipeskii kibóní'kii buwii ga èldúna enukohda. Dú kelohdee buurii kaañukoo ee nguuruk ga iñcii en ga díkaanti dook na kakayda. Buuriima yëri en helii wibóní'wii en na kilégëy diima ga dñuy buwii saj kikelohi' Koohda. <sup>3</sup> Du bëebpuu, du bokee ga buwaama ban. Waama, du pesee ga iñaa neb kumuunnduu, du tumi iñaa faannduu meekisoh na iñaa en ga helluu. Fodaama, ga daa du madeeda, du enee buwaa aylukaa Kooh jomee kikípuk ga dookba, fodaa buwaa baama.

<sup>4</sup> Kooh nak laakin yërmaandi wiyaak garuu, ee ya waa'tuu hen bi, <sup>5</sup> hídaa ga dii du enee buwaa kaanin ndaga tooñcaa du tooñeeriida tóoh, ya onndaruu kipesis na Kiristaanii. Ee, kijofkii Kooh onndúu kimúc. <sup>6</sup> Du enin wiinoo na Yéesu Kiristaa, Kooh mílísfinnduu nari ee ya oninnduu du bok kinguuruk nari ga dook asamaan. <sup>7</sup> Kooh tumin iñama doonaa ya teebs buwii ga jamaanucii hayanda daa yërmaandaagari

\* <sup>1:22</sup> 1: 22 Ya tumin tóoh ga fildoo kotcaagari. Mëdïrohat na Kañcaa 8: 7    † <sup>1:23</sup> 1: 23 Mëdïrohu na Efees 4: 10, iñaa Kooh waaree ga Aadamafa, ya liifi' èldúnafa, Kiristaanii tuminwa na Helaagari yisela'í'ya gom ga bëeb buwii gëm garida.

hín ki'anj ee wa laakoo ga fenda. Kooh teewohinwa ga kijofkaa ya laak garuu ee kooroh ga Yéesu Kiristaada.

<sup>8</sup> En ki'ena, kijofkaa Kooh kérí múlsallúu kooroh ga dii dú gëmin garida. Iñaama meyohhii garúu, Kooh yérí onndúuka. <sup>9</sup> Enndii tumeenciigarúu tah iñaama kilaak. Kon ken hanat ga kindamuk. <sup>10</sup> En ki'ena, Kooh yérí tummbuu ga dii du manda. Ya kooroh ga Yéesu Kiristaa, tumbaruu bifo' bi'as, en d'anaa kipeskiigaruu líif na tumeen cijófí', caa ya waayuk garuu kuméeñí' doonaa du taabukca.

### *Kiristaanii tumin buwii béeëbba heet wíinoo*

<sup>11</sup> Ga iñaama, dú bii dú límukohhii yaawúu'da, níindísukat iñaa dú enee kudsewaada. Yaawúu'cii teekussúu haat, ba teekka haffba buwaa gúrakin, ee ba ay iñaama ga ku'enaama jijutuut jaa ba gú' ga faanba. <sup>12</sup> Ga jamaanaama, dú ínohéeríi Kiristaanii, dú bokéeríi ga bu-Isarayeel; dú enee sagac ga kifiliimunkaa Kooh pokohée na heetiigari na ban iñcaa ya dígeewada. Dú laakéeríi yaakaa' wíinoo ga kipessúu, ee dú ínohéeríi Kooh, ga dii dú enee ga éldúnada.

<sup>13</sup> Wayee diimada, dú bii dú úsaayeera Koohda, dú deeydohuunun ndaga dii dú enin wíinoo na Yéesu Kiristaa, kooroh ga ñífaa Kiristaa aamseedä.

<sup>14</sup> Kiristaanii, ga kihafci, haydohdinnduu jam. Ya tuminnduu heet wíinoo: ennda yaawúu', ennda baa enndii yaawúu'. Ya nísin kisagohkaa dígee díkaantiruu ga wii ya eroh kumuunkaagarida. <sup>15</sup> Fodaama, ya kélleembíssa Waasii Móyíis\* ga iñcaa wa nakohi kitum na kitaabukda. Ya hídírohha yaawúu' na baa enndii yaawúu', ba ennda bo' yi'as gari, ee jam laakka. <sup>16</sup> Ya kooroh ga kikaankaagari ga kuraanaada, yaawúu' na baa enndii yaawúu', ya júwohirohhaba na Kooh; ya dúbí'ta kisagoh ga díkaantiba, tummbaþa ba en wíinoo. <sup>17</sup> Fodaama, Kiristaanii hayin éldúna kiyéegaloh hewhew jam garúu, dú bii dú úsaayee Koohda, hewhew jam ban ga buwii deeysee garida. <sup>18</sup> En ki'ena, du béeëpuu, ennda yaawúu', ennda baa enndii yaawúu', Yéesu Kiristaa oninnduu kimín kituuk ga fíkíi Kooh kooroh ga Helii yisela'í'yii ee ya yiinooda.

<sup>19</sup> Kon nak, dú bii dú enndii yaawúu'da, dú enissii sagac wala buwaa meyoh ín, wayee, dú en buwaa bok kidék na buwii enu buu Koohda, ee dú bok ga jawootii Kooh. <sup>20</sup> Dú ekuunun ga tawahii yípu ga dook la'-atohiida, ee apotaa'cii na sëldíiga-Koohcii enussa la'-atohiima. Yéesu Kiristaa, ga kihafci, yérí en atoh-koñii tawahii. <sup>21</sup> Ya yérí on béeëb atohcii tawahii kitaaboh; tawahaa koluk, tuuk gík; ee wa ennda kaan fisela'í'faa Ha'mudii tuuki'. <sup>22</sup> Dú ban, waa dú enin wíinoo na Ha'mudii, dú bokidohuunun ga tawahiiima, ee dú bëri' en Kaanfima Kooh kooroh ga Heliigari yisela'í'yii, dëkka gafada.

## 3

### *Lëgëyaa Pool sasu kitumda*

<sup>1</sup> Iñaama tah, mi yii kíimi'túu Kooh, mi Pool, mi yii mi lagu ga kasu ga teekii Yéesu Kiristaa, ndaga lëgëyii mi en na kitum ga d'uuycúu dú bii dú enndii yaawúu'da.

<sup>2</sup> Wóorin an dú kelohin iñaa aaw ga lëgëyii Kooh sassoo kimëti' ga d'uuycúu ee kooroh ga kijofkaagarida. <sup>3</sup> Kooh teewinndoo, onndaroo ki'ínoh kúmpafaa meyoh garida. Iñaama, laakin iñcaa mi laassúu ga kibín ga dook. <sup>4</sup> Binaa dú jançanaa dú hay ki'ínoh yen ga helii mi laak ga kúmpafii ga Kiristaaniifa. <sup>5</sup> Ga jamaanucaa paafda, Kooh onéeríi bo'-súusúus ki'ínoh kúmpafaama, fodii dii ya hanfa kiteeb watí apotaa'ciigari bisela'í'bii na sëldíigaciigari ee kooroh ga Helii yisela'í'yiida.

\* <sup>2:15</sup> 2: 15 Ga loo Waasii Móyíis, iñcaa wa jégíroh ee tawahí bo' yijúwí'da sagussii hen (Mëccëe 5: 17 na Room 3: 31), wayee ga daa wa amseedä, Yéesu paafin da. Ken mínißii kikooroh gawa bi ya múc

<sup>6</sup> Kúmpafaama férí en an, buwii enussii yaawúu'da bokidohuunun na yaawúu'cii ga iñcii cijóff'i cii Kooh faani' buwii en buucida, ba bokka ga faanfii fa fiinoo, ba bokin ban ga iñaa Kooh dígoheeda. Iñaa tahkada wéri en ga dii ba enin wíinoo na Yéesu Kiristaa ga wii ba gém ga Hewhewii winéwí'wiida. <sup>7</sup> Hewhewii winéwí'wii wiima wéri Kooh, ga kijofkaagari, tummboo súrga kiyéegalohwa, ee ya mínlukohhoo iñaama ga dooliigari mi bayda. <sup>8</sup> Mi wëñ kijutuut ga béeb buwii en buu Koohda. Moona déy, Kooh tanukinnodo kiyéegaloh, fodii hewhew, buwii enussii yaawúu'da alalii leehoo taa' meyoh ga Kiristaaniida. <sup>9</sup> Ya oninndoo fodaama kimeydoh fañ ga béeb buwii iñaa ya waayukeeda, ya yii ya sak iñaa en tóohda. Ee iñaama mos ki'en kúmpa ga béeb. <sup>10</sup> Diimada nak, iñcii en ga asamaan, ca cii nguuruk ee ca kaañukooda, kooroh ga iñaa Kooh tumi' jaangiigarida, ca hotta kimma kiñaañkii meyoh ga Koohda ga dii ka hín ki'añda. <sup>11</sup> Kooh tumin iñaama fodaa ya nateeka kitum lak éldúna sakussii duum ee ya mëtirinwa kooroh ga Yéesu Kiristaa, Ha'mudiigaruu. <sup>12</sup> Kon waa du enin wíinoo na Yéesu Kiristaa ee du gëmin gari, du mínin kituuk ga fikíi Kooh na hel widéli'. <sup>13</sup> Kérí tah, mi kíimmbúu, kaa halaatat ga coonucii mi en na kiday ndaga dú, bi tah dú yówí' yahhúu. Coonuciima límítúu ndam kesi.

### *Pool kíimi' buwaa gém ga Yéesuda*

<sup>14</sup> Iñaama tah mi yii yí' ga fikíi Kooh, Paamudii kikiimmbi, <sup>15</sup> ya yii ya en cosaanii béeb jawootciida: ennda ga asamaan, ennda ga kakayfi. <sup>16</sup> Kooh yewinin ndam ee yérí laak iñaa en tóoh. Kon mi yii kíimmbi ya kooroh ga Heliigari yisela'í'yii, ya onndúu dooli wiyaak, waa yégísdan ngëmiigarúu. <sup>17</sup> Ee kooroh ga ngëmaamaa, Kiristaanii dék ga keeñciigarúu, ndaga dii dú gém garida. Yípat níil ga dzuuy kiwaaroh ee dú tawah kipessúu ga kiwaarohkiima ga díkaantirúuda. <sup>18</sup> Fodaama, dú na béeb buwii en buu Koohda, dú guu'guuluk ga ki'ínoh dii kiwaarohkii Kiristaanii hín ki'añ, kihoo', kika' dook na kihuutda. <sup>19</sup> Dú hay kimín ki'ínoh ban kiwaarohkiima paafin tóoh iñaa bo' míni kí'ínohdha; ee fodaama Kooh hay kigom garúu bi dú líif muut nari.

<sup>20</sup> Kooh, ga dooliigari en na kilégéy ga dzuuycuuda, mínin kitum iñaa paaf fúuf, tóoh iñaa du míni kikiim wala sah iñaa du míni kihalaat. <sup>21</sup> Ya laakat ndam ga tumeencii buwii ga jaangiicfa, ee ya laak ndam ga iñaa Yéesu Kiristaa tumda, ga jamaanaa míni kí'en béeb, bi taa'! Aameen.

## 4

### *Ki'en wíinoo ga Yéesu Kiristaa*

<sup>1</sup> Kon mi yii mi lagu ga kasu ndaga kilégéyi' Ha'mudiida, mi daassúu, kipeskiigarúu taaboh na kipeskii Kooh bayohhúuda. <sup>2</sup> Dëkat ga kiyóoskí' haffúu, mínat kid'úkoh na buwum, dú took kimúuñ. Baa en béeb tookat kimúuñi' mooroomci, taam na kiwaaroh. <sup>3</sup> Tumat tóoh bi, ga jamii akitohhúu yaa en béeb na mooroomcida, dú am enii dú en wíinoo Helii yisela'í'yii onndúuda. <sup>4</sup> Faanfii fa fiinoo, Helii yisela'í'yii ya yíinoo, fodaa daa ban wa wíinoo yaakaarii laak ga bayii Kooh bayyúuda. <sup>5</sup> Ha'mun yíinoo yérí laak, ngém wíinoo wéri laak ee bétisi' wíinoo wéri laak. <sup>6</sup> Kooh yíinoo yérí laak, ee yérí en Paamudii béeb buwii. Yérí hanoh béeb dook, ya tumeenciigari koorohi ga baa en béeb ee ya dék ga béeb.

<sup>7</sup> Wayee baa en béeb garuu laasin iñaa Kooh, ga kijofkaagari, onndida fodaa daa Kiristaa wa' yaa en béebda. <sup>8</sup> Kérí tah, bíduunun ga Kéyítfaa ga loo Kiristaanii an: «Ga wii ya en na kilap dook asamaanda ya baydohin bibo' baa abuunun\*

\* **4:8** 4: 8 Ya teewohha ndamaa ya laak ga buwaa ya þanjda; Malkat Koloos 2: 15.

Ee ya warohha buwii iñcaa ya onohdfa.»†.

<sup>9</sup> Kon wo'eenii wii an, ya lapin dook asamaanda, waa' ya kiwo'? Wérí en an ya d'eb kiyoosuk hen bi ga dekataa wëñ kihuutda. <sup>10</sup> Baama yoosukeeda yérí lap, hanohha asamaancii dook doonaa ya gom ga iñaa en tóoh. <sup>11</sup> Yérí on buwii: bii, ki'en apotaa'; bíinoo, ki'en sëldíiga-Kooh; bíinoobii, ki'en biyéegaloh Wo'eenii winéwí'wii; bíinoo biliis, kiníi' jawootii Kooh na ki'en bijégiroh. <sup>12</sup> Ya oninba iñcaaama kiwaayuk buwii en buu Koohda doonaa ba mëti' lëgëyaa ba tumi Kiristaaniida ga kibaat kiyégísí' ngëmii buwii en faanfii Kiristaaniida. <sup>13</sup> Ee iñaama, bi ga daa du béeëpuu du bokan ki'en wíinoo ga ngëmii na ban ki'noh Kowukii Kooh, bi ga daa du enan buwaa matuunun, du le' ga daa du tuukan kot cimëti' fodii cii Kiristaanii. <sup>14</sup> Fodaama, du ensisoo tu'oomaa, taa baa koluk kijégiroh tóoh nookba na wo'een-nof-moroocaa gëmlukohiba iñaa enndii kayoh, en fan gaal-loocaa dúuscaa gek, uurisaa egisohiwa daa en béeëbda. <sup>15</sup> Wayee du hay kiwo'i kayoh, taam na kiwaaroh ee du aawi kiyak bi, ga iñaa en tóoh, du madi na Kiristaanii en hafii jaangiida. <sup>16</sup> Yérí en bii hídiroh béeëb buwii, ba abohha wíinoo fodii cée'cii en ga faan aboh ga tēpísciida. Fodaama, kiwaarohkaa laak ga díkaantibada onanba kiwëñ kiyak na kiyégís ga ngëm, binaa yaa en béeëb tum iñaa wa'tidanaa.

### *Kipeskii ki'askii ga Yéesu Kiristaada*

<sup>17</sup> Iñii yii yérí mi wo'"úu ee mi yii seedi'ka ga teekii Ha'mudii an: Dú jomissii kipes fodii yiifa'cii taabuki halaatciigaba laakoo hafda. <sup>18</sup> En ki'enaa, helciigaba kúnuk hen. Ba bokkii ga kipeskii Kooh onohdfa ndaga ba ínohoo dara ee ba súwin ga keeñ. <sup>19</sup> Ba laakoo kaci ga dara, ba taabuk kibonkaa en tóoh ee ba kapoo ga kitum iñaa moroo.

<sup>20</sup> Dú nak, enndii iñaa manda yérí dú jégíru ga loo Kiristaanii. <sup>21</sup> Man dú abin iñaa Yéesu wo' na iñaa ya jégírohdfa? Ee dú ínohin an kayoh. <sup>22</sup> Kon dú jomin kifoñ kipeskaa dú enukohee kufewaada. Badukeenaama hewi'in, ee iñcaa cibóní'caa wa meekisohdfa díuki bo' hen, yasohiri. <sup>23</sup> Dú íis Helaa Kooh ga kihafci ya onndúu kifbay halaat ci'as, <sup>24</sup> dú bay badukeen wiliis wi'as, waa Kooh tum garúu fodaa daa ya manda; en danaa, dú laak kipeskaa júwin, ee sela'in, kaa límuk ga kayohfii.

<sup>25</sup> Kon nak íisat kiwo' saboh. Baa en béeëb garúu wo'at na mooroomci kayoh ndaga du béeëpuu du en faan fiinoo. <sup>26</sup> Binaa dú aylukkaa, leenaa watukat kikeen ga baakaa'; aylukkúu hanat kihowuk bi ga noh-soos. <sup>27</sup> Kaa onat Seytaani hal garúu. <sup>28</sup> Baa lokeeranaa, ya íisat kilok, ya anagohat, ya lëgëy bi jof na kihafci; fodaama ya laak iñaa ya dímalohan buwaa sooluk dímalda. <sup>29</sup> Kaa meydohat wo'eencaa moroo ga kúuwrúu. Kiwo' na' kilaakaa, enat wo'eencaa jofin, caa laakin solu ga ki'on buwii bíinoo kiyégís ga ngëmii, ee fodaama ca haydohi yijófí' ga buwaa kelohicada. <sup>30</sup> Kaa líehdat keeñii Helii yisela'í'yii meyoh ga Koohda. En ki'enaa, Heliima, Kooh yérí tummbi garuu, ya en mandarga bi ga besaa Kooh yahhúu kibégís ga béeëb iñaa bonin. <sup>31</sup> Kaa abat aylook, kaa tamohat, kaa aylukohat, kaa ñarohat, kaa basohat, meydohat kisoot ga díkaantirúu. <sup>32</sup> Baa en béeëb jofat ga mooroomci ee ya teebpi kimo' keeñ. Bayalohat ga díkaantirúu fodaa daa Kooh bayallúu ndaga dii dú en wíinoo na Kiristaaniida.

## 5

### *Dú jom kipes ga lee'laat*

<sup>1</sup> Waa dú bëri en towutii Kooh keeñukda, guu'guulukat kon ga kitum fodaagari. <sup>2</sup> Teewohat kiwaaroh ga kipeskiigarúu besaa en béeëb, fodii dii Kiristaanii waa'taruu, ya e'ta Kooh kumuunkaagari ndaga duda. Ya erohhaka fodii sarah waa tékí'si hen ee ngetaa newin Kooh.

† 4:8 4: 8 Malkat ga Kañcaa 69: 19. Wo' ga ndamii Kooh laak dook buwii sagohu narida.

<sup>3</sup> Dú bok ga heetii Kooh, kérí tah kifaanuk na baa en béeb, kitum iñcaa moroo, caa míñ ki'en téoh, wala kidiibuk iñaa en yuu mooroomfu, iñcaama jomoo sah ki'en wo'een ga díkaantirúu. <sup>4</sup> Jekkii ban dú meydoh ga kúuwrúu wo'eenca korukkii, wala wo'eencaa laakoo haf, wala wo'een-yéendah cisépí'i'. Namat kay kimeydh wo'eencaa gérëmi Kooh. <sup>5</sup> Ee nak, ínohat dijófí' an buwii faanuki na baa en béebda, buwii tumi iñaa morooda boksandii ga nguuraa Kiristaa na Kooh. Buwii gooñi téoh ga haffada ban boksandii ga ndaga man na ba jaamuki alalaa ba laakda.

<sup>6</sup> Ken hanattúu kidfuk na wo'eencaa laakoo haf. En ki'enaa, iñcaama cérí tah aylukaa Kooh keeni ga cook buwaa sañngi kikelohi'da. <sup>7</sup> Buwaa man da, kaa bokat naba dara. <sup>8</sup> Kudewaa, dú enee ga ñúus. Diimada, dú bii ga lee'laat ndaga dú enin wíinoo na Ha'mudii. Kon teewohat ga kipessúu an dú bii ga lee'laat. <sup>9</sup> En ki'enaa, lee'laat wérí lími kijofkaa en téoh, kijúbkaa en téoh na kayohfaa en téoh. <sup>10</sup> Kon nak guu'guulukat ga ki'ínohsoh iñaa neb Ha'mudii. <sup>11</sup> Kaa bokat ga tumeencaa caama laakoo jeriñ, buwaama enukohi ga ñúusda. Buwaama sah namatba kiwiñ hen. <sup>12</sup> En ki'enaa, béeb iñcaama buwii tumi ga kakayda nam ki'apoh kaci hen bi ken kaañoo gaca sah kiwo'. <sup>13</sup> Wayee binaa ca teewohu fagaa, iñaa ca en kayoh-kayohda dal kimey lañ ga lee'laataa. <sup>14</sup> En ki'enaa, iñaa faanu ga lee'laat téoh en iñaa leerin. Kérí tah wo'u an:

«Yúuduka, fu yii fu en na kineehda,  
kolukohaa ga leeloo buwii kaaninda,  
ee Kiristaanii hayyaa kiniit na lee'latiigari.»

<sup>15</sup> Kon malkiskohat bi jof ga dum dú en na kipesda: hanat ki'en fodii buwaa ñaañjii, wayee enat fodii buwaa lak kiñaañkaa meyoh ga Kooh. <sup>16</sup> Dú gaaw kitum téoh yijófí'yaa Kooh onndúu kimín watida, ndaga jamaanii dū enohda, buwii yewinin kitumi yibóní'. <sup>17</sup> Kon nak kaa enat dof wayee namat ki'ínoh iñii Ha'mudii waa' dú tumda. <sup>18</sup> Kaa laalat ga biiñ: iñamaa yah kiyasoh kipeskiigarúu. Namat kilifi na Helii yisela'iyii. <sup>19</sup> Daasohat ga díkaantirúu, dú yeekdī Ha'mudii na béeb keeñciirúu yeek-kañ, yeek-bak, na béeb yeekcaa Helii Kooh onndúu kiyek. <sup>20</sup> Ga wahtaa en béeb, na ga iñaa en téoh, gérëmat Kooh, Paamudii ga teekii Yéesu Kiristaa, Ha'mudiigaruu. <sup>21</sup> Dú bii dú e' Yéesu Kiristaa céedā, yaa en béeb kelohdat mooroomci.

### *Badukeen ga díkaanti beticaa na yaalcaagaba*

<sup>22</sup> Dú beticii, kelohdat yaalcigarúu fodii dii dú kelohi' Ha'mudiida. <sup>23</sup> En ki'enaa, yaal yérí kuliyük, betici taam ga, fodii dii Kiristaanii kuliyük ga jaangii en faanfigarida, ee ya yérí en Músalkaatii jaangii. <sup>24</sup> Fodii dii jaangii kelohi' Kiristaaniida, beticii jom kikelohi' biyaalba fodaama ga iñaa en téoh.

<sup>25</sup> Dú yaalcii, waarat beticiigarúu fodii dii ban Kiristaanii waaree jaangii bi ya erohha kumuunkaagari ndaga wada. <sup>26</sup> Ya tumin iñamaa, kooroh ga músu na Wo'eeniigari, kisétí'wa, wa en wuu Kooh. <sup>27</sup> Ya waa' jaangii, ga fíkiici, wa en jaangaa morin, waa setin wic, waa laakoo sít ee laakoo iñaa jekkii ga. Wayee wa sela', ee wa en waa laakoo dara iñaa bo' wo'an ga yibóní'.

<sup>28</sup> Fodaama ban, yaalcii jomin kiwaa' beticiigarúu fodaada daa ba waa' faanbadá. Yaal waa' beticinää, lak ya waa' hafci. <sup>29</sup> En ki'enaa, laakoo baa sañ faanfaagari. Ya namifa kiñémíri hen, ya toputu'ifa fodii dii ban Kiristaanii tumdi jaangiida. <sup>30</sup> Ee du bérí en céecii faanfigari. <sup>31</sup> Bíduunun an: «Kérí tah yaal hay kifoñ paamci na eeci, ya aboh na betici, ee ba banak, ba en faan fíinoo»\*. <sup>32</sup> Wo'eenuma enin kúmpa fiyaak. Ee mi wo' an kérí laak ga díkaanti Kiristaanii na jaangii. <sup>33</sup> Moona ka laak

\* 5:31 5: 31 Sënees 2: 24.

fodaama garúu ban: yaalaa en béeb waarat betici fodaa daa ya waa' hafciða, ee ban betifaa en béeb onat yaalci cée'.

## 6

### *Badukeen kowu ga díkaantici na paamci na eeci*

<sup>1</sup> Dú oomaacii nak, fodii dii Ha'mudii nakohkadá, kelohdat bipaammbúu na bi'eewwúu. Iñamaa nak yérí jof. <sup>2</sup> Bídu ga Kéyítfaa an: «Kelohdáa paapu na eefu.» Iñamaa yérí Kooh deþ ki'ebaloh kitum, waa taam na iñaa ya dígoth ga, wo' an: <sup>3</sup> «En danaa, kipesfu neþ ee fu hoo' kumuun ga éldúna»<sup>☆</sup>.

<sup>4</sup> Dú nak paamuncii, kaa témírat keeñcii towutiigarúu, wayee koratba, dú jégíriba fodaama daa Ha'mudii waarohkadá.

### *Badukeen ñaam na ha'munaagari.*

<sup>5</sup> Dú ñaamcii, kelohdat ha'muncaagarúu ga éldúnadá. Niikatba, dú e'ba cée', taam na keeñ wisétí' fodii dii dú tumdi Kiristaaniidá. <sup>6</sup> Ka hanat ki'en ga daa ba malaki garúuda tah dú tumi légëyaagarúu, kiheel ndam bo'-súusúus. Wayee légéyat fodii ñaam Kiristaanii, fodii baa eki keeñba tóoh ga kitum iñaa Kooh waa'. <sup>7</sup> Tumat légëyumgarúu na keeñ wisóosí'. Hanat ki'en fodii buwaa légéyi' bo'-súusúus wayee enat fodii buwaa légéyi' Ha'mudii. <sup>8</sup> Ínohat gaka an, yaa en béeb garúu, ennda ñaam, ennda baa enndii ñaam, iñaa ya légéy ga yijóff'da, yérí Ha'mudii íkanndi.

<sup>9</sup> Dú nak, Ha'muncii ñaamcii, tumat fodaama ga díkaantirúu na ñaamcumgarúu. Kaa dígukatba. Dú ínohin an ennda dú, ennda ñaamciigarúu, dú bérí bok Ha'mun yínoo, yii en ga asamaanda ee béeb buwii bérí hín ga fíkiíci.

### *Ganaayci Kooh on kerceencii kiheñoh na Seytaanida*

<sup>10</sup> Iñii mi méeñjohhúu kiwo'da yérí en an: Baatukat dooli ga Ha'mudii, na ga doolii wiyaakwii en garidá! <sup>11</sup> Níkukat ganaaycii Kooh e'túuda tóohca, doonaa fíraa Seytaani waa'túu kiye'oh tóoh, dú tēhhi tēc. <sup>12</sup> Ndaga du heñohii na bo'-súusúus, wayee du heñoh na iñcii ga díkaanti dook na kakay, ca cii nguuruk, ca kaañukoo, ee ca bay doolaa ga nguu'caa ga éldúnaanaama en ga ñúusda, na béeb hel-nof-moroocii enu ga díkaanti dook na kakayda.

<sup>13</sup> Kérí tah nak, bewat ganaaycii Kooh e'túuda tóohca, en danaa, bescaa ciméeskí'caa hayaa, dú míñ kitéh yibóní'yii heñohhúuda. Ee dú heñoh bi ga siñdaanaa, dú lís kituuk tek. <sup>14</sup> Kon tuukat tek! Bewat kayohfii dú pékírukfa ndíñ ee dú beþ kijúb, dú tumfa kúltí-pewiñfaa dú ekukan kiheñohneeda. <sup>15</sup> Bewat kikaantukohkii ga kiyéegaloh Hewhew winéwí'wii onohi jamda, dú ekukwa fodii ñafa' ga kotciigarúu.

<sup>16</sup> Wahtaa en béeb na daa en béeb, bewat ngémii dú laak ga Yéesuda, wa en iñaa dú yímohan bescii abin kiwii; cii sépí'i'-ga-nofii weesirúuda. <sup>17</sup> Bewat ban kimúckii, dú ekukwa fodii baanu-pewiñ ga hafciigarúu ee dú beþ wo'eenii Kooh, wa en kalabfii Helii yisela'í'yii.

### *Pool nakoh kíkím Kooh*

<sup>18</sup> Ga wahtaa en béeb, kímat Kooh ga iñaa en béeb, dú dímalukiri kooroh ga Helii yisela'í'yii. Kaa neehat ee dëkat ga iñamaa, dú kíimdi béeb buwii enu buu Koohdá. <sup>19</sup> Kíimdattoo Kooh ban, doonaa saycaa mi légíss kúuwroo kiwo' tóoh, ya onndoo wo'eencaa mi jom kiwo'da ee mi kaañ kiyéegaloh kúmpafii en ga Hewhewii winéwí'wiida. <sup>20</sup> Mi enin baa Kooh wos kiyéegaloh Hewhewiima, luu enee an mi yii ga kasu. Kon kíimdattoo bi mi kaañwa kiyéegaloh fodaama daa mi jomka kitumda.

### *Tanjoh*

<sup>☆</sup> 6:3 6: 3 Eksoot 20: 12; Dëteronom 5: 16.

<sup>21-22</sup> Mi yii wosohhúu Tísík, ya wo"úu tóoh iñii mi enukoh diifa na iñii mi tumfa. Ya mbok-kerceen, yaa mi waarin lool ee ya yii tum dijúwí' lëgëyii Ha'mudii nakohda. Ya hayyúu kiwo' iñaa aaw garíi dii, ee ya dël'í' keeñnjúu.

<sup>23</sup> Kon mi yii kíim Kooh Paamudii ya na Yéesu Kiristaa, Ha'mudii, ba on béeb mbok-kerceencii jam. Ba onndúu kiwaaroh yaa en béeb na mooroomci, taam na kigëm ga Yéesu. <sup>24</sup> Mi yii kíim Kooh barkeel béeb buwii waaruunun Yéesu Kiristaa, Ha'mudiigaruu, ee kiwaarohkaagaba kaama laakoo koocfa.

## Këyítfii Pool bín Bu-teeraa Filiipda Wo'eencii lëgís Këyítfiida

Këyítfii fii férí Pool bín kerceencaa ga teeraa Filiipda. Pool ga baawaagari wukanakwaa jangatta Hewhewii winéwi'wii ga teeraama bi bo' biyewin daama gémussa ga Yéesu. (Tumeen 16: 11-40). Ga waa Pool lagu ga kasu ndaga lëgëyii Ha'mudii, bu-teeraa Filiip négírohussa kopa'. Ba wossa bo' gaba, ya teeku Epaforodít kibayi' Pool iñaa ba négírohda. Pool bínnnda këyítfii fii ga jamaanaama kigérëmha, ee ba ínoh ban an ya hotin iñaa ba tumda. Ya daassaba ban kiyégis gík ga ngëmaagaba, ba watuk kitaabuk buwaa jégírohi iñaa taabohhii na iñaa Kooh nakohda. Ee fodaama ba en wiinoo na Koohda, ba enatda wiinoo ga díkaantiba ban.

### **Këyítfii Pool bín bu-teeraa Filiipda tíidoh anee:**

- 1 - Këñdoh (1: 1-2)
- 2 - Pool gérëm Kooh ga kerceencaa ga teeraa Filiipda (1: 3-11)
- 3 - Kipes fodii Kiristaanii (1: 12-30)
- 4 - Pool daas kerceencaa ga Filiipda kiyóoski' haffba fodii Kiristaanii (2: 1-18)
- 5 - Pool wo' na bu-teeraa Filiip ga loo Tímotée na Epaforodít (2: 19-30)
- 6 - Kiheel kinebloh Kooh Kéri' laak solu (3: 1-4: 9)
- 7 - Pool gérëmmba bu-Filiip (4: 10-20)
- 8 - Tañkoh (4: 21-23)

### *Këñdoh*

<sup>1</sup> Mi Pool na Tímotée, dí, súrgacii Yéesu Kiristaa, dí bërí bíndúu këyítfii fii, dú béeþpúu dú bii dú en buu Kooh, dú dék teerum Filiip ee dú en wiinoo na Yéesu Kiristaada; dú na buwum kuliyuk ga jaangiida na bii amfohba ga lëgëyiida. <sup>2</sup> Mi yii kíim Kooh Paamudiigaruu, ya na Yéesu Kiristaa Ha'mudiigaruu, ba barkeellúu, ba onndúu jam.

### *Pool gérëm Kooh ga kerceencaa ga teeraa Filiip*

<sup>3</sup> Saycaa heliigoo ka' garúu tóoh, mi gérëm Koohyii mi gëmda. <sup>4</sup> Ee saycaa mi kíimi'túu Kooh tóoh, mi taabi ga na keeñ wisóosí', <sup>5</sup> ndaga dú amfohinnndo dijóffí' ga kiyéegaloh Hewhewii winéwi'wii, aboh ga besaa dú aas ga ngëmiida bi ga wat. <sup>6</sup> Iñii yii woorinndo: Kooh, yii dalin kitum lëgëyii wijóffí' wii wiima ga dsuuycúuda haywa kitumi bi ga daa wa matan ga béríinaa Yéesu Kiristaa haysanda. <sup>7</sup> Binaa dú béeþpúu, mi halaat iñuma garúunaa, mi ēldohhii ndaga mi ekinndúu ga keeñiigoo. En ki'enaa, dú abin ga lëgëyii Kooh sassoo kitumda, ee dú béeþpúu dú hotin kijofkiigari ya laak garuuda. Dú bii tumka, hídaa dii mi en ga kasuda, ee dú bii tumka ga dii mi lebiroh kituuki' Hewhewii winéwi'wii, mi yaa jangatwa ga daa mi wëñ kimínda.

<sup>8</sup> Ehee! Béebpúu, mi waarinndúu lool fodii dii Yéesu Kiristaa waa'tuudfa. Ee iñama Kooh ínohin an kayoh. <sup>9</sup> Iñii yii, yeri mi kíimi'túu Kooh: Mi kíim kiwaarohkii en ga keeñnjúuda wëñ kiyak, aaw fíkii, dú wëñ ki'ínoh kayoh-kayohda, ee dú míñ ki'ínohsoh iñaa en tóoh. <sup>10</sup> Fodaama, dú hay kimín ki'ínoh iñaa gënda, doonaa béríinaa Kiristaanii hayisanda, dú en bifo' bisétí', ee ken laakoo iñaa ya wo'an garúu yibóní'. <sup>11</sup> Kipeskiigarúu, kooroh ga Yéesu Kiristaa, ka líif na tumeen cijúwí', caa ndaman Kooh ee ca kañiri.

### *Kipes fodii Kiristaanii*

<sup>12</sup> Mbokcii, mi waa' dú ínoh an iñii dalloodaa nam ki'on Hewhewii winéwi'wii kibaat kisíw. <sup>13</sup> Karin sah bi béeþ soldaa'cii watuki kaanfii gúwernée'da na béeþ buwii

bíinoo ínohuunun diima an kisúrga'uk ga Kiristaanii tah mi lagu ga kasu. <sup>14</sup> Ee iñii wëñ kiyewin ga mbok-kerceenciisa, daa ba hotee an mi laguunun ga kasu, ba wëñja ki'am Ha'mudii, ee iñaama baattaba fit bi ba bii yéegaloh wo'eenii Kooh ee ba niikoo dara ga. <sup>15</sup> Laakin gaba nak ee kayoh, buwaa en na kijangat ga teekii Kiristaanii ee ki'iñaadohhoo na kiheel nookoh ekba ga. Bíinoo nak, bii jangat ee ba tumka na keen wiisetí'. <sup>16</sup> Buwii mi mœenjoh kiwo' bii taabu ga na kiwaaroh. Ba ínohin an Kooh yeri sassoo kilebiroh kituuki' Hewhewii winewí'wii. <sup>17</sup> Buwii mi seb kiwo'da nak, enndii keen wiisetí' ekba ga, wayee ba heel kinookoh doj. Ba halaat fodaama kibaattoo coonu ga dii mi en ga kasuda. <sup>18</sup> Iñaama ba tum ga helbadsa, waa wa jof, waa wa joffii töoh, dara bíttiiroo ga! Iñii laak soluda wéri en an Kiristaanii yii yéegalohu; mi yii nebluk ga ee mi hay d'a kiwëñ kinebluk ga.

<sup>19</sup> En ki'enaa, wóorinnodo híl an iñcii mi dayfa onanndoo kimúc ndaga kíimcii dû kíimdfiroo Koohda na ban amdohii Helii Yéesu Kiristaa amdohirooda. <sup>20</sup> Mi abin yaakaa' wiyégísí' an mi kaci'anndii mûk ga fíki Kooh. Hanaa kay, ennda diimada ee bi taa', waa mi kaan waa mi pes, mi laakan hel widéli', ee fodaama mi hay kiteewoh kiyakkii ndamii Kiristaanii ga béeb kipeskiigoo. <sup>21</sup> En ki'enaa, mi ga kihaffoo, Kiristaanii en kipeskiigoo ee kikaan baatanndo hen. <sup>22</sup> Ee en lak mi lís kipesaa, mi mín kibaat kilaak jeriñ, kon mi jom ya kitanuk? <sup>23</sup> Mi nak, mi laak hel kanak: mi waarin kimeyoh ga kipeskii kii, mi ennee na Kiristaa. Iñaama yeri gën garoo fúuf. <sup>24</sup> Wayee iñaa wëñ kilaak soluda wéri en mi tes ga eldúna ndaga dû. <sup>25</sup> Iñaama wóorinnodo ee mi ínohin an mi hay kites, mi en narúu dû béebpúu ki'amdoohhúu doonaa dû aaw fíki ga ngémii, ee keeñnjúu soos ga ngémii dû laakda. <sup>26</sup> Fodaama, binaa mi hayis garúunaa, dû hay kibaat kindamukoh Yéesu Kiristaa ndaga mi. <sup>27</sup> Ga iñaa mín kilaak töoh, pesat fodii dii Hewhewii winewí'wii wo' ga loo Kiristaa nakoh kada. En danaa, waa mi hayyúu kiwaaknee, waa mi en diliis töoh, mi hay kimín kikeloh an dû bokin hel ee dû bokin fit wíinoo kilebiroh kituuki' ngémii Hewhewii winewí'wii haydohda. <sup>28</sup> Mi hay kikeloh ban an dû niikoo buwii heñohirúuda. Iñaama nak hayba kiteeb an ba aaw ga kisañku'uk, teeëba ban an dû, dû aaw ga kimúc. Ee iñaama meyoh ga Kooh. <sup>29</sup> En ki'enaa, Kooh yeri onndúu, eemmbii rek ga kigém ga Kiristaanii, wayee bi ga kitook kisodalu ndaga Kiristaanii. <sup>30</sup> Fodaama, dû naroo, dû bérí bok lebirii, wa wíinoo ee wa wéri dû hotee mi lebirohee kudewaa ee wéri dû keloh mi lís lebiroh.

## 2

### *Kiristaanii yóoskídin hafci, Kooh bëwí'tari*

<sup>1</sup> Man enii dû en wíinoo na Kiristaaniisa dëldin hellúu ga töoh, kiwaa'kii ya waa'túufa daasin keeñnjúu ee Helii yisela'í'yii oninndúu kitaaboh, yaa en béeëb waa' mooroomci, laak yérmaandi gari. <sup>2</sup> Kon júwohat ga díkaantirúu, dû waaro, dû bok hel, dû bok halaat. En danaa, keeñnjoo soos seb. <sup>3</sup> Kaa tumat dara kiheel kikuliyuk bimooroommbúu wala kiheel ndamaa enndii tús, wayee namat haffúu kiyóoski' hen, baa en béeëb tík mooroomci daa paafin daa ya tík hafci. <sup>4</sup> Kaa eemat rek ga kiheel iñaa gën garúu, yaa en béeëb halaatat ga iñaa gën ga mooroomci ban. <sup>5</sup> Bayat badukeenaa man na waa Yéesu Kiristaa teeweerúufa.

<sup>6</sup> Ya mos ki'en Kooh wayee ya mosoo kinookuk kihín na Kooh.

<sup>7</sup> Wayee ya nammab kifoñ na kihafci töoh iñaa ya laakeeda, ya tummba hafci súrga. Ya mannda na buwii, ee baa hotti töoh, ínoh an ya bay faan bo'-súusúus.

<sup>8</sup> Ya yóoskí'ta hafci, ya teewohha kikelohi' Kooh bi ga kikaan, kikaan sah ga kuraanaa.

<sup>9</sup> Kérí tah, Kooh bëwí'tari, ya hanohha béeëb dook, ya e'tari teek waa wëñ kiyak teekoo teek.

- <sup>10</sup> En d'anaa, ga teekii Yéesu Kiristaa, b'eeb bok kiyí' ga fíkiici, ennda ga asamaan, ennda ga kakayfii, ennda ga fíldoo kakayfii,  
<sup>11</sup> ee yaa en b'eeb meydoh ga kúuwci an Yéesu Kiristaa yérí en Ha'mudii. Fodaama, Kooh, Paamudii laak Ndam.

### Sasii kerceencii

<sup>12</sup> Kon nak, d'ú bii mi keeñukinda, d'ú bii saycaa en tóoh d'ú kelohdeeraroo, ga waa mi en narúuda, wëñattoo kikelohi' wati, hídaa ga dii mi enissii narúuda tóoh. Légéyat kiteewoh an d'ú múcín, taam na kiniik Kooh, na ki'e'ti cée' wiyaak. <sup>13</sup> En ki'enaa, Kooh yérí lögéyi ga d'uuycúu, ki'onndúu kimín kiwaa' na kitum iñaa taaboh na iñii ya natdfa. <sup>14</sup> Iñaa d'ú tum tóoh nak, kaa taabat ga na kicapatuk wala kiña'sukoh. <sup>15</sup> En d'anaa, d'ú laakoo sík, d'ú set wic, d'ú en bitowu Kooh taa laakoo dara iñaa bo' wo'an gaba yibóni' ee d'ú kíndoohsoo ga buwii ga ēldúna júwussii ee ba bibo' bibóni'da. <sup>16</sup> Dú jom kimelic ga d'uuuy buwii fodii dii olcii melici ga asamaanda, d'ú haydohi'ba Wo'eenii onohi kipesda. Binaa d'ú tum iñaaamanaa, mi hayyúu kimín kindamukoh, béríinnaa Kiristaanii hayisanda. Ee iñamaa hay kiteewoh an iñii mi dayda na iñci mi sonda enndii sooy. <sup>17</sup> Luu enee an mi apsan hen, nífiigoo aamuk doonaa ngémii d'ú laak ga Koohda mat, ee mi man na anah waa akitohu na sarah waa tumdu Kooh, mi neblukin ga iñamaa ee mi nebluk ga narúu d'ú béeþpúu. <sup>18</sup> Dú ban, neblukat fodaama ee d'ú bok naroo kinebluk.

### Pool wo' na bu-teeraa Filiip ga loo Tímotée na Epaforodít

<sup>19</sup> Mi abin yaakaa' kiwosohhúu Tímotée ga iñaa maañanndii, neb Yéesu, Ha'mudiinaa. En d'anaa helloo míñ kidal ga iñaa ya yahhoo kibéestí' ga loorúuda. <sup>20</sup> Enndii Tímotéenaa, mi laakoo ken dii baa bok naroo kibítuk na kihalaati garúu. <sup>21</sup> Bii tesfa tóohba, haffba wëñba kibít loo Yéesu Kiristaa. <sup>22</sup> Dú ga kihaffúu, d'ú ínohin an Tímotée teewohin dii ya hín ki'am bi yégisin ga lögéyii kiyéegaloh Hewhewii winéwí'wii ee ya taabin naroo ga fodii kowu na paamci. <sup>23</sup> Kon, yérí mi am yaakaa' kiwossi garúu, mi laaki iñaa lee'too ga iñii mi enukohdanaa. <sup>24</sup> Ee mi abin yaakaa' wiyégísi' an Ha'mudii hayyoo ki'on, mi hayyúu kiwaaknee, mi ban, ga iñaa maañanndii.

<sup>25</sup> Mi abin an mi jominndúu kiwosohis Epaforodít, mbok-kerceeniigaruu, yii mi bok nari ga lögéyii na lebirii kiyéegaloh Hewhewii winéwí'wii, ee d'ú woseeri garoo kihaydohi'too iñaa mi dímalukohanda. <sup>26</sup> Ya waarin lool kihotissúu d'ú béeþpúu ee dii d'ú kelohin an ya d'úukoolee henda, bítinndi bi hépin. <sup>27</sup> En ki'enaa, ya d'úukooleera bi ya deeyca kikaan. Wayee, Kooh laakka yérmaandi gari. Ee ya yérëmmbiiri hañci doñ, wayee bi ga mi ban, doonaa keeñnjoo leehoo lool. <sup>28</sup> Kéri tah, mi wosohhúuri ga iñaa wëñ kigaaw doonaa d'ú hottinaa keeñnjúu soos ee mi ga kihaffoo helloo míñ kidal. <sup>29</sup> Kon binaa ya hayaa, toputu'atti na keeñ wisóosí' ee d'ú abohhi fodii mbok-kerceen ga Ha'mudii. Buwum fodum garida d'ú jominba ki'e' cée'. <sup>30</sup> Tesee ga jutuut ya kaan ndaga kilögéyi' Kiristaanii tahka, ee ya tooneera kumuunkaagari ga wii ya haydohi'too dímalaa, d'ú ga kihaffúu, d'ú mínéeríiroowa kihaydohi'da.

## 3

### Ki'ínoh Yéesu Kiristaa kérí laak solu

<sup>1</sup> Ee diimada mbokcii, neblukat ga enii d'ú en wíinoo na Ha'mudiifa. Kiwo'issúu iñamaa ga bíñ enndii coonu garoo, ee garúu, iñamaa yérí wëñ kiwóó'. <sup>2</sup> Watukat haffúu ga baay-baacyii\*, ga buwiima jégírohi sabohfa na bii gítinohi an kigúruk bok

\* <sup>3:2</sup> 3: 2 Yaawúu'caa baysee buwaa enndii yaawúu'da baay-baay. Pool, dii, ikba wo'eñaama ga dii ba bérí cal kibayu fodaamada

ga kijaamuk Koohda. <sup>3</sup> En ki' enaa, du, du bëri tum kigúrakkii kukayohkii, enndiiba. Du jaamuki Kooh, kooroh ga Heliigari ee du ndamukohi Yéesu Kiristaa. Du líkkii yaakaa'tuu ga bo'-súsúus. <sup>4</sup> Moona déy, mi ban mi míneera kilík yaakaa'too ga fodaama. En an laakin baa foon an ya mín kilík yaakaa'cii ga bo'aa, mi jommbika kiwëñ kimín. <sup>5</sup> Mi gúru ga besaa wiyitnakaahaywaa mi límohuda. Mi bok ga heetii Isarayeel, ga nílalaa Beesamee. Mi iñii Ebérée ee mi kowu Ebérée. En ga loo kitaabuk Waasii Móyiisaa, mi enee Férísiyeej. <sup>6</sup> Mi kaantukohee ga hen bi mi ennda kihatal kerceencii ga kipesba. En ga loo kitaabuk iñii Waasii Móyiis nakohdانا, laakéerii dara iñaa mi deer ga, mi taabukeewa hen ga tóoh. <sup>7</sup> Mi abee an iñcaama laakfinndoo jeriñ, wayee diimada, mi hotohca sooy ndaga Yéesu Kiristaa. <sup>8</sup> Ee sah eemmbii ga iñcumá doñ. Iñaa en béeb mi abohhi sooy ndaga iñii wëñ kijof ga tóoh ee wëri en ki'ínoh Yéesu Kiristaa Ha'mudiigooda. Ya yéri tah mi foñin tóoh. Iñcaama tóohca, mi aaminca caluus doonaa mi mín kilaak Kiristaanii, <sup>9</sup> ee mi en wiinoo nari bi en señis. Mi séentukissii ki'en bo' yijúwí', kooroh ga kitaabuk Waasii Móyiis: kigém ga Kiristaanii kérí onndoo kijúb. Kijúb meyoh ga Kooh ee Kooh oniwa baa gém gari. <sup>10</sup> Iñii mi waa' ga keeñjooda wëri en ki'ínoh Kiristaanii, mi ínoh doolaa mélísí'ti ga buwaa kaaninda, mi day coonucaa ya dayfa, mi man nari bi ga kikaankaagari. <sup>11</sup> En danaa, mi mín kiyaakaa' kimilis ga buwaa kaaninda.

### *Kifool aaw dile'aa'daa*

<sup>12</sup> Mi wo''ii an mi foolin bi ga dile'aa'dii haat, wala an mi laakissii sík. Wayee nak mi yii lís kifool doonaa mi mín kilaas neehalaa, ndaga mi ga kihaffoo, Yéesu Kiristaa laasinndoo kuméeñi'. <sup>13</sup> Mbokcii, mi foongii múk an mi laasinwa niip. Enaama yiinoo don yéri bíttoo wati: mi nísin ga helloo iñaa paafinda, mi yii éewrukka ga iñii hay ga fíkiida. <sup>14</sup> Fodaama, mi yii lís kifool bi mi le' daa mi laasohan neehalaa Kooh faani'tuu ga asamaan ee ya bayohhuu ga hafci, kooroh ga Yéesu Kiristaadfa. <sup>15</sup> Kon béebspuu, du bii du laakissii síkfa, du bokat halaat ga iñuma. Wayee laak buwaa bay halaataa wóotíroh na iñumanaa, Kooh ga kihafci hayyúwa kileeri'. <sup>16</sup> Daa ka mín ki'en tóoh, du lísat kitaabuk waasii du abee bi ga watida.

<sup>17</sup> Mbokcii, béebspúu tumat fodiigoo! Dí teewinndúu daa jom ki' enda. Kon yípat hassúu ga buwii taabuk iñaa dí teewoh yaama. <sup>18</sup> En ki' enaa, mi yewininndúuka kiwo', ee mi yii wo'issúuka bi mi yii koduk ga sah: yewinin buwaa sagoh na kikeloh iñaa aaw ga loo kikaankaa Kiristaa ga kuraanaada. <sup>19</sup> Buwiima yah kiméeñjoh ga kisanjku', ndaga lookciigaba cérí ba tum Koohyiigaba, ba ndamukoh iñcii jomeeba ki'ap kacida ee ba lík helba ga enaama éldúna doñ. <sup>20</sup> Du nak, du bok ga buasamaan ee du bii sek Yéesu Kiristaa, Ha'mudiigaruu meyoh asamaan hayyuu kimúsal. <sup>21</sup> Binaa ya hayisaa, ya hay kisúpit faanfigaruu laakoo doolidaa, fa man na faanfigari laakin ndamda, kooroh ga doolaagari tah iñaa en tóoh tooki'tarida.

## 4

### *Iñcii Pool dígal bu-Filiipda*

<sup>1</sup> Kon, dú mbokciigoo mi keeñukfa, mi doorukinndúu bi hépin. Dú bëri sóosí' keeñjoo ee mi ndamukohirúu. Kon, dú filiimunciigoo, dëkat ki'am bi yégis ga Ha'mudii fodaama. <sup>2</sup> Fu Ewodí, na fu Sintiik, bokat halaat dú en wiinoo ga Ha'mudii. <sup>3</sup> Fu ban, fu yii fu bok ki'am wiinoo naroo ga légéyiida\*, mi kíimmbaa, amdohaa beticum banak buma. En ki' enaa, ba taabin naroo ga lebirii kiyéegaloh Hewhewii winéwí'wii, mi na Kilimaa na buwii bíinoo taabu naroo ga légéyii ee Kooh bídin

\* <sup>4:3</sup> 4: 3 «Fu bok ki'am wiinoo naroo ga légéyii»: Wo'eeniima ga lak kiGerek bídu fodii «Sysygos» míniñ ban ki'en teek bo'-súsúus, Súsúgos. Ken ínohhoo ati Pool wo' na baa yaama, wala fodii rek bo' yiliis yaa mín ki'en tóoh ee bok nari ga légéyaa ya en na kitumfa.

teekcaagaba ga këyítfaa buwaa laak kipeskaa leehooda<sup>✳</sup>. <sup>4</sup> Dëkat kinebluk ga ki'en wíinoo na Ha'mudii. Mi wo'issúuka, neblukat! <sup>5</sup> Teewohat kijoffúu ga béeb ndaga kihayiskii Ha'mudii deeyin. <sup>6</sup> Kaa jaahli'at ga dara, wayee ga iñaa en tóoh, wo'at Kooh sooliciigarúu, dú kíimiri, dú dímalukiri ee ban dú gérëmiri. <sup>7</sup> Fodaama, jamii Kooh paafin kiñaañ bo'-súusúusða hay kiní' keeñciigaruu na halaatciigaruu ca ëewruk ga Yéesu Kiristaa.

<sup>8</sup> Ee diimada mbokcii, iñii yii yérí mi wo'"úu: líkat hellúu ga iñaa en kayoh, iñaa cal ki'e' cée', iñaa júwin, iñaa setin, iñaa calin kiwaa', iñaa bo' mínin kitook, iñaa jekin na iñaa calin kigérëm. <sup>9</sup> Kon, tumat iñaa dú yoodohhi garoo, iñaa dú bewoh garoo, iñaa dú keloh garoo na iñaa dú hot garooda. En danaa, Kooh yii onohi jamða, hay narúu kitaam.

### *Pool gérëem bu-Filiip ga iñcaa ba onndida*

<sup>10</sup> Keeñnjoo soosin lool ga Ha'mudii ga dii dú teewohin an dú foñin hellúu garooda. Mi ínohin an hellúu eneera ga wayee hal laakéeríi hen. <sup>11</sup> Enndii an mi laak sooli ga yen tah mi wo'"úu iñuma. En ki'ennaa, iñii mi yoonda wéri en an, waa mi laak yen, waa mi laakkii dara, keeñnjoo soosin. <sup>12</sup> Mi mínin kipes ga kiñak, mi mínin kipes ga kilaak. Ga iñaa en tóoh, ga daa en tóoh, keeñnjoo pookin ga kikap na kiyaab, ga kiyéwíni' na kijutuuti'. <sup>13</sup> Mi mínin kitapukoh na coonufaa en tóoh ndaga doolii Kiristaanii onirooda. <sup>14</sup> Daa ka mín kiman tóoh, dú tumin yijóff' ga dii dú tuukukinndoo ga coonucii mi enukohða. <sup>15</sup> Dú bu-Filiip, dú ga kihaffúu, dú ínohin gaka an, ga wii mi meyoh gohaa Maseduwaan ee lak mi han kidal kiyéegaloh Hewhewii winéwí'wiifa, laakkii jaangu wíinoo waa tookkoo ki'amdooh ga hëelís enndii wiirúu dogaa. <sup>16</sup> Ga wii mi en ga gohaa Tesaloníkða sah, dú wosohinndoo dímal kipay sooliciigoo ee enndii waas kíinoo doj. <sup>17</sup> Enndii an mi heel kilaas dímal garúu, wayee mi heel Kooh barkeellúu ee neehalaagarúu wëñ kihoom. <sup>18</sup> Mi laasin ga tóoh iñaa dú wosoheerooda ee sah wa hëpin. Dii en dii mi laakin tóoh iñii mi soolukða ndaga Epaforodít haydohfinndoo iñcaa dú onohða. Iñcii dú onohða man garoo fodii nget cíuraay winéwí', sarah, waa Kooh tookin ee wa newinndi<sup>✳</sup>. <sup>19</sup> Koohyiigoo nak laakin alalaa leehoo taa', waa teewoh ndamaagari, ee kooroh ga Yéesu Kiristaa, ya hay kipay sooliciigarúu béeðca. <sup>20</sup> Ndam aawat ga Kooh, Paamudiigaruu bi taa'! Aameen.

### *Tanjoh*

<sup>21</sup> Këñí'cattoo béeð buwum enu buu Kooh duma ee enu wíinoo na Yéesu Kiristaada. Mbok-kerceencii enu naroo diida, bii këñí'túu ga. <sup>22</sup> Béeð buwii enu buu Kooh diida, bii këñí'túu ga, wëñaa ga bii lëgëyi' buu' Sesaa'da<sup>✳</sup>. <sup>23</sup> Mi yii Kíim Yéesu Kiristaa, Ha'mudiigaruu ya barkeellúu béeðpúu.

## Këyítfii Pool bín Bu-teeraa Koloosda Wo'eencii lëgís Këyítfiida

Këyítfii fii férí Pool bín kerceencaa ga Koloosda. Ya mosoo kika' daama, wayee ya wo'uunun an buwaa daamada abuunun bi yégisin ga ngëmaagaaba ga Yéesuda. Epafaraas yaa taabi na Poolda yérí yéegaloh Hewhewii winéwí' wii daama.

Ga tíkíistaa tík gada, laakka bibo' baa ka' Koloos, ba baa jégíroh daama iñaa taabohhii na iñaa Epafaraas jégíreeba ga loo Hewhewii winéwí'wii. Buwaama jégíreeba an ba waa' Kooh müsalbanaa, ba jomin kijaamuk malaakacii, ba jaamuki enaamacii cidóoyí'-waa'cii wëñi buwii doolidaa. Ba nakeeba ban kigúruk ee ba wo'eeba an laakin iñcaa tabin kiñam.

Epafaraas ka'ta ga Pool ga Room lak yaama yaa ga kasu, ya wo"arika. Daa Pool kelohee iñaama, ya dallaba kibín këytít ki'ínohlukohba an kigém ga Yéesu Kiristaa kérí en iñaa onanba kimúcdä.

### **Këyítfii Pool bín kerceencaa ga teeraa Koloosda tíidoh anee:**

- 1 - Këñdoh (1: 1-2)
- 2 - Pool kíimi'ta kerceencaa ga teeraa Koloosda (1: 3-14)
- 3 - Bii Kiristaanii enda na iñcii ya tumda (1: 15-2: 19)
- 4 - Kipes ga ki'en wíinoo na Kiristaanii (2: 20-4: 6)
- 5 - Taŋkoh (4: 7-18)

#### *Këñdoh*

<sup>1</sup> Mi Pool, mi apotaa' Yéesu Kiristaa ee Kooh yérí waa'ka. Mi na Tímotée mbokiigaruu ga ngëmiida, dí bérí bíndúu këyítfii fii. <sup>2</sup> Dí bii këñí'túu, dú buwii en buu Kooh ga teerii Koloos, ee dú en mbok-kerceen biwóori' ga dii dú enin wíinoo na Kiristaada. Mi yii kíim Kooh, Paamudiigaruu barkeellúu, ya onndúu jam.

#### *Pool kíimi' kerceencaa ga teeraa Koloos*

<sup>3</sup> Dí dék ga kigérém Kooh, Paamudii Yéesu Kiristaa, Ha'mudiigaruu, saycaa dí kíimi'túu Kooh tóoh. <sup>4</sup> En ki'ena, dí kelohin ngëmii dú laak ga Yéesu Kiristaadfa. Dí kelohin ban dii dú hín kiwaa' béeb buwii enu buu Koohda. <sup>5</sup> Fodaama, iñii dú yaakaa' kilaas ee Kooh faani'túu ga asamaanda yérí tah ka. Ee yaakaariima, Wo'eenii wukayohwii en Hewhewii winéwí'wii dú keloheeda, wëri ínohlukohhhúwa. <sup>6</sup> Hewhewii winéwí'wii wiima le'in bi garúu ee fodaama wa wii wëñ kitas ga éldúna tóoh. Wa wii laaki' Kooh jeriñ ga buwii ga dii wa en na kisíw rekfa ee wa man da garúu ban, aboh ga besaa dú dseb kikeloh Hewhewiima wo' ga kijofkii Koohda ee dú ínohhaka kayoh-kayohda. <sup>7</sup> Epafaraas, yii dí keeñukin ee bok naríi ga lëgëyiida, jégí'túu iñaama. Ya súrga Yéesu Kiristaa yiwoorí', ya eni'túu duma ee ya yum tum lëgëyumgari dumada. <sup>8</sup> Ya wo'inndíi ban kiwaarohkii Helii yisela'í'yii tum garúudfa.

<sup>9</sup> Kérí tah, dí ban iñaa dí kelohee loorúu bi wati, dí dék ga kíimi'túu Kooh. Dí kíimiri, ya kooroh ga Helii yisela'í'yii, ya líífi'túu na béeb kiñaañ na ki'ínohkaa meyoh garida. En danaa dú míñ ki'ínoh bi jof iñii ya waa'dfa. <sup>10</sup> En danaa, dú míñ kipes ga iñaa neb Ha'mudii, dú tumi iñaa ya waa' ga iñaa en tóoh. Dú tumi tumeen wijofí' waa en tóoh ee dú wëñi kibaat ki'ínoh Kooh. <sup>11</sup> Dí bii kíim Kooh ya onndúu dooliigari taam na ndamda, wa yégísi'túu, doonaa ga coonufaa mínnadúu kitíkuk tóoh, dú baat kiguu'guuluk na kimúuñ, taam na keeñ wisóosí'. <sup>12</sup> Géremat Kooh, Paamudii, ya yii ya onndúu kimín kilaak bak ga iñcii cijofí'cii ya faani' buwii en buuci, ga nguuraagari taam na lee'laatda. <sup>13</sup> Ya te'innduu ga doolii ñúusii, ya ekkaruu

ga nguuri Kowukiigarii ya keeñukda. <sup>14</sup> Kowukiima kérí laassuu, baakaa'ciigaruu bayalussaruu.

### *Bii Kiristaanii enda na iñii ya tumfa*

<sup>15</sup> Kiristaanii yérí nataal Kooh yii hotukoo na hasda. Yérí en saawii ee ya hanoh dlook ga tóoh iñcii sakuda. <sup>16</sup> En ki'ennaa, béeb iñcii Kooh sakda kooroh gari. Ennda iñcii ga asamaanda na cii ga kakayfiida, cii hotukin na cii hotukooda, cii en kinguuruk ee ca kaañukooda, cii kuliyuk ga tóoh ee ca toon doolicha. Kooh sakin tóoh kooroh gari, ee tíkin tóoh ga yahci. <sup>17</sup> Balaa dara sakunaa lak ya enin, ee yérí tuuki' iñaa enin tóoh. <sup>18</sup> Ya yérí en hafii faanfii; ee jaangii en faanfima. Ya yérí en dalaarii, yii dëb kimilis ga buwaa kaaninda doonaa ya hanoh dlook ga tóoh. <sup>19</sup> En ki'ennaa, neb Kooh hen ya líiffa muut ga Kowukiigari. <sup>20</sup> Ee kooroh gaka, ya júwohdín bu-ëldúna béebsba na hafci: ennda ga kakayfii ennda ga asamaan. Ya haydohi'ta béebs jam kooroh ga ñífaa Kowukaagari aamuk ga kuraanaada.

<sup>21</sup> Dú ban, kudewaa, dú enee sagac ga Kooh. Dú enee buwaa sagoh na Kooh ndaga halaatcaagarúu na tumeencaagarúu cibóní'caa dú enukoheeda. <sup>22</sup> Diimada, Kooh júwohdinndúu na hafci, kooroh ga kikaankaa Kowukiigari, kii hay, bayya faan bo'-súusúsda. En danaa, Kooh onndúu ki'en bibo' bisela'i' ga fíkíici, baa laakoo sík ee ken laakoo iñaa ya wo'an gaba yibóni'. <sup>23</sup> Kon nak, dú jom kidék kigém ga Yéesu, dú am bi yégis ee dú soofoo fenoo ga. Dara hanat kinís ga hellúu yaakaarii meyoh ga Hewhewii winéwí'wii dú kelohda. Hewhewii winéwí'wii wiima yéegalohu ga baa en béebs ga ëldúna, ee mi Pool, mi en súrga kiyéegalohwa.

### *Légéyi Pool sasu kitum ga jaangiida*

<sup>24</sup> Diimada, keeñnjoo soosin ga coonucii mi day ee laakdinndúu jeriñda. Coonucima mi day ga faanndooda, mi baatca ga caa Yéesu dayeeda, ee mi tumka ndaga jaangii en faanfigarida. <sup>25</sup> Mi enin súrga ga jaangiima kitum sasii Kooh nakkooda: ennda kiyéegallúu Wo'eeniigari bi mat sék. <sup>26</sup> Wo'eeniima wéri en kúmpafii dsaakkee ga béebs ga jamaanucii tóoh paafda. Wayee diimada, Kooh teewinwa buwii en buucida. <sup>27</sup> Ya waareeba ki'ínohlukoh ndamiigari leehoo enee ga kúmpafii ya faani' béebs buwii enussii yaawúu'da. Kúmpafaama férí fii: Kiristaanii yii garúu ee iñaama oninndúu kilaak yaakaa' kilaas ga ndamii Kooh. <sup>28</sup> Kiristaaniima, yérí dí jangati baa en béebs, yérí dí yéegali baa en béebs, yérí dí jégíri baa en béebs taam na kiñaañkii meyoh ga Koohda. En danaa, baa tuuk ga fíkíi Kooh béebs en bo' yiméti' ndaga daa ya enin wíinoo na Kiristaada. <sup>29</sup> Iñaama nak yérí tahhoo kison ga kilebiroh. Ee mi lebirohoh doolii Kiristaa onndoodfa. Wa wii lègëy yiyaak ga duuycoo.

## 2

### *Ngémii bu-Koloos enin Pool halaat*

<sup>1</sup> En ki'ennaa, dú buu teerii Koloos, mi waarin dú ínoh lebirii wiméeskí'wii mi enndúu na kilebirohi'da. Mi yii lebirohi' ban dú buu teerii Lawodísée na ban buwum biínnoo mosooroo kitík hasda. <sup>2</sup> Mi lebiroh doonaa Kooh dëlí' hellúu, dú waaro, dú en wíinoo, dú laak kiñaañ kiméti'kaa meyoh gari. En danaa dú ínoh kúmpafii en Kiristaaniida. <sup>3</sup> Kiristaaniima yérí en dii béebs alalcii en Kiñaañkiima na ki'ínohkiima dsaakohuda. <sup>4</sup> Mi wo'"úu iñuma, doonaa ken dúkoorúu na wo'een cinéwí'. <sup>5</sup> Ee luu enee an faanfii gaa narúu, heliigoo wii narúu. Keeñnjoo soosin ga dii mi hot an taabohumgarúu koorin waas ee dú yégisin ga ngémii dú laak ga Kiristaada.

### *Kipes ga ki'en wíinoo na Kiristaanii*

<sup>6</sup> Kon, waa dú tookin an Yéesu Kiristaa yérí en Ha'mudiigarúu, pesat dú en wíinoo nari. <sup>7</sup> Níilciigarúu ga ngëmiida cii yípussa gari, kipeskiigarúu kii tawahussa gari, ngëmiigarúu wëñ kiyégis taaboh na iñaa dú jégí'seeda. Kon wënat kigérém Kooh dijóff'. <sup>8</sup> Watukat bo' fí'túu ga kiheel hamham, kaa en wo'een dúkoh, kaa enndii tú. Hamhamamaa kolkoh ga baah bo'-súsúus na ga iñcii ga eldúna laakin dooli ee ca hotukooda. Wa meyohhii ga Kiristaanii. <sup>9</sup> En ki'enaa, Kooh yii dékka ga faanfiigari, ya gomin gari. <sup>10</sup> Ee dú ban, dii dú enin wíinoo narida, ya gomin garúu, ya yii ya hanoh dook béebs iñcii en na kinguuruk, na béebs iñcii laakin dooli ee hotukooda.

<sup>11</sup> Dú enin buwaa gúrukun ndaga dii dú enin wíinoo na Kiristaada. Enndii nak gúrukaa kooroh ga yah bo'-súsúus, wayee en gúrukaa meyoh ga Kiristaanii, ee wa nísin kibo'kiigaruu ëewdohhuu ga kitum baakaa'dfa. <sup>12</sup> Dú acuunun nari, ga wii dú bëtisi'uðfa, ee ga ki'enndúu wíinoo nari, dú mélísín nari ban. Iñaama laakin ndaga dú gëmin ga doolii Kooh mélisi'ti ga buwaa kaaninda. <sup>13</sup> Kudewaa dú enee buwaa kaanin ga fíkii Kooh ndaga lak ya níssii kibo'kiigaruu ëewdohirúu ga kitooñda. Diimada Kooh oninndúu kipesis na Kiristaanii.

Ya bayalinnduu tooñcii du tooñnjifa béebsca. <sup>14</sup> Kéyítfaa atti'eeruu ndaga du taabukéeríi iñaa fa nakoh kitumfa, Kooh níli'dinfa. Man na ya daaydohinfa ga kuraanaa Kiristaanii. <sup>15</sup> Fodaama, Kooh nísin doolii iñcii en ga díkaanti dook na kakay en na kinguuruk ee ca kaañukooda. Ya wíinñjaca ga fíkii béebs buwii ga wii ya banca na ceenda, ya wëti'taca kiteewoh an ya búukinca ga dook kuraanaa Kiristaanii.

<sup>16</sup> Kéri tah, kaa tookat ken ña'túu ga loo ñamah, wala anah, ga loo hew, ga loo baahcii tumsi ga ñiin wi'as, wala ga loo bes Sabat. <sup>17</sup> Iñcaama tóohca nataalee hen rek iñii enee na kihayfa, wayee kayohfii fii ga Kiristaanii. <sup>18</sup> Buwii wo' an faan jomin kisodalu, ee ban an malaakacii jomin kijaamukufa, kaa onatba hal ga haffúu ba hoonoohhúu kilaak ndam. Ba ndamuki iñcii ba hoti ee an Kooh yérí teebbacada. Ba kuliuki halaat bo'-súsúus, ee ca ekfa ga kibéwi' hafffa. <sup>19</sup> Ba ammbii ga Kiristaanii en hafi kuliyuk ga faanfiida. Ee moona déy, Kiristaanii yérí topudu'i faanfii béebsfa, ya onnda cée'cii ga faanfii béebsca, ki'aboh na tēpíscii na tísiltii, bi fa fii yak fodii dii Kooh waa'dfa.

<sup>20</sup> Waa dú kaandohin na Kiristaanii bi dú bëgísukin ga iñcii ga eldúna laakin dooli ee ca hotukooda, iñii tah ya dú lís kitaabuk iñii ca nakohdfa, en fan eldúnaaniima bay kipessúu? Dú ebilohi an: <sup>21</sup> «Kaa bewat iñii yii!», «Kaa yoohat wii!», «Kaa le'at ga wúunee!» <sup>22</sup> Iñciima, ee bo' jeriñukohcanaa ca seeydfa, ca enndii tú. Buwii donj ebilohica kitum, ba jégírohica. <sup>23</sup> Kayoh, iñcaama nakohu kitumfa jekin ga kiyóodíroh badukeen wijóff', ndaga ca ebiloh ki'apuk ga kitaabuk baahcii, kiyóoski' haffu na kisodal faanfu. Ee moona, ca laakoo haf ndaga hoonoohoo buwii kitumi iñcii cibóni'cii ba enukohida.

### 3

<sup>1</sup> Waa dú bokin kimílsdu na Kiristaanii, kon heelat kilaak iñcaa en ga dookdfa, ga daa Kiristaanii enoh, yugoh yah-ñaabaa Koohdfa. <sup>2</sup> Líkat hellúu ga iñcaa en ga dookdfa, hanat ki'en ga cii en ga eldúnada. <sup>3</sup> En ki'enaa, dú kaanin ee kipeskiigarúu taabin kifaaku na Kiristaanii ga Kooh. <sup>4</sup> Kiristaanii yérí en kipeskiigarúu ee béríinaa ya feeñukanda, dú hay kibok nari kitaam ga ndamaagari.

#### Kipeskaa kudewaa na kipeskii ki'askii

<sup>5</sup> Kon apat iñcii en garúu ee ca enaama eldúnada, ennda: kifaanuk na baa en béebs, kitum iñcaa moroo, kibeeduk ga yen, neblaat-kumuun cibóni' na kiwa' kigooñ tóoh ga haffu ndaga iñaama man na kijaamuk alal fodii baa jaamuk Kooh. <sup>6</sup> Iñcaama céri tah aylukaa Kooh keeni ga dook buwaa sañngi kikelohi'dfa. <sup>7</sup> Dú ban, dú

madee da kudewaa ga wii dú taabuk iñcaama ga kipessúuda. <sup>8</sup> Diimada nak, foñat béeb iñcii cii: ki'ayluk, kitamoh keeñ, kisoot, kibas na kimeydoh wo'een cibóní' ga kúuwrúu. <sup>9</sup> Ísat kiwo' saboh ga díkaantirúu, ndaga baa dú enee kudewaaada, ya na tumeencaagari, dú súmi'inndi fodii kúltí, <sup>10</sup> ee bii yi'asyii, dú ekukinnodi fodii kúltí fi'as. Biima dëkat rek ki'en yi'as, ka' bi ya ínoh fodii dii Kooh yii sakki ínohda, ee ya man nari ban. <sup>11</sup> Ga iñaama, laakissii solu an yii yaawúu', yii enndii yaawúu', yii gúrukkin, yii gúrukki, yii meyoh ín, yii yúudukki, yii ñaam, yii enndii ñaam. Kiristaa doñ laak solu: ya en téoh ee ya en ga baa en béeb.

<sup>12</sup> Waa Kooh tanukinndúu, dú en buuci ee ya keeñukinndúu, laakat yérmaandi ga bimooroommbúu, jofat ga baa en béeb, yóoskírat haffúu, dú yewin jam ee dú müuñdoh. <sup>13</sup> Yaa en béeb tookat mooroomci, dú bayalohi binaa laak baa yen mesikki ga mooroomcinaa. Fodii dii ban Ha'mudii bayallúuda, dú ban bayalohat da ga díkaantirúu. <sup>14</sup> Ee ga dook iñcaama téohca, waarohat ndaga kiwaaroh kéri onanndúu ki'en wiinoo senjis. <sup>15</sup> Jamii Kiristaanii níirat keeñciigarúu. En ki'ena, jamiima wéri Kooh bayohhúu ga hafci dú béebspúu dú en fodii cée'caa bok ga faan fíinoo. Kon dëkat Kooh kigérém.

<sup>16</sup> Wo'eenii Kiristaanii, ga dii wa hín kihoomda téoh, wa dëkat ga d'uuyucúu. Jégírohat, dú daasohi ga d'uuyucúu taam na kiñaañkaa Kooh onndúuda. Yeekat Kooh na béeb keeñciirúu, dú gérëmmbi kooroh ga yeek-bak, yeek-ndam, na béeb yeekcaa Helii Kooh onndúu kiyek. <sup>17</sup> Ee iñaa dú míñ kitum téoh, ennda ga wo'een, ennda ga tumeen, enat ga teekii Yéesu Kiristaa, Ha'mudii, dú gérëmi Kooh Paamudii, kooroh gari.

### *Kitaabohkii jom kilaak ga d'uuy jawoot kerceenda*

<sup>18</sup> Dú beticci, kelohdat biyaallúu fodii betifaa en yuu Ha'mudii jom kitum. <sup>19</sup> Dú yaalcii, waarat beticiigarúu ee kaa sootat gaba.

<sup>20</sup> Dú oomaacii nak, kelohdat bipaammbúu na bi'eewwúu ga iñaa en téoh. Iñaama yérí Ha'mudii sek garúu. <sup>21</sup> Dú paamuncii nak, kaa tamohdat keeñcii towutiigarúu, enndiikanaa, ba yah garúu kimey.

<sup>22</sup> Dú ñaamcii nak, kelohdat ha'munciigarúu ga eldúnaada ga iñaa en téoh. Hanat ki'en rek ga daa ba malaki garúuda tah dú tumi lëgëyiigarúu kiheel ndam bo'-súsúus, wayee kelohdatba, taam na keeñ wisétí' ndaga dii dú erin Ha'mudii cée'da.

<sup>23</sup> Lëgëyaa dú míñ kitum téoh, ekat keeñnjúu ga béeb fodii lëgëyaa dú tumi' Ha'mudii. Hanat ki'en fodii dú tumi' bo'-súsúus rek. <sup>24</sup> Tumat iñaama ndaga dú ínohin an dú hay kilam ga iñcii cinéwí'cii Ha'mudii faani' buwiigarifa. Ha'mudii yukayohyii du súrga'ukda, Kiristaanii yérí. <sup>25</sup> Béeb baa tum iñaa joffiinaa nak, Ha'mudii íkanndi yibóní' yaa ya tumda. Ee ya yahhii kifa'doh ken.

## 4

<sup>1</sup> Dú ha'-ñaamcii, taabat na ñaamciirúu ga iñaa júwin ee koorin waas. Kaa alat an dú ban, dú laakin Ha'mun ga asamaan.

### *Iñcii Pool meeñjoh ki'ebil bu-koloos kitumda.*

<sup>2</sup> Dëkat ga kikíim Kooh, dú ek hellúu ga kitaam nari na kigérëmmbi. <sup>3</sup> Kíimfattíi Kooh ban, doonaa ya lëgísi'tíi hal dí yéegalohi Wo'eeniigari, dí jangati kúmpafii ga Kiristaaniid'a. Kúmpafima férí tahhoo kilagu ga kasu. <sup>4</sup> Kíimat Kooh doonaa mi míñ kijangat kúmpafima bi lee' lañ fodii dii mi jomka kitumda.

<sup>5</sup> Buwii enussii kerceenda, taabat naba na hel. Ee binaa dú laak hal gabanaa, kaa ísat wa paaf. <sup>6</sup> Wo'eencaagarúu naba enat wo'een cinéwí', caa laak haf. 'Baa wo' narúu béeb míñatti kitaas daa jomda.

*Tanjkoh*

<sup>7</sup> Tísík, hayyúu kibéestí' béeb iñaa aaw garoo. Ya mbok-kerceen, yaa mi keeñukin ee ya súrga Ha'mudii yijúwí'. Ya taam naroo ga lägëyii Ha'mudii. <sup>8</sup> Mi wosinndi garúu doonaa ya ga kihafci, ya wo"úu iñii dí enukoh diida ee ya dël'i hellúu. <sup>9</sup> Ya yah kitaam na Onesím, mbok-kerceen yiwoóri', yaa mi keeñukin ee dëk kúllúu. Ba hayyúu kibéestí' tóoh iñii laak diida.

<sup>10</sup> Arístarka yii en naroo ga kasiida, yii këñí'túu ga, ya na Marka yii bokoh na Barnabaasda. Marka nak, binaa ya hay garúunaa, téeblukatti, dú toputu'i dijóffí fodaa mi wo'eerúukada. <sup>11</sup> Yéesu yii baysi Yustusda, yii këñí'túu ga ban. Ga yaawúu'cii enu kerceenda, buwum baahaybum buma rek taam naroo ga lägëyii Nguurii Kooh ee ba daasinndoo. <sup>12</sup> Epafaraas ee dëk kúllúuda yii këñí'túu ga. Ya súrga Yéesu Kiristaa ee ya yii kaantukoh ga kikiíimi'túu Kooh, doonaa dú en kerceen biyégísi' ga ngëmii, baa tuukuunun ga kitum tóoh iñaa Kooh waa'. <sup>13</sup> Mi yii seedi' gari an ya tookin kison lool ndaga dú, dú na buu teeraa Lawodísée na baa teeraa Yeropolis. <sup>14</sup> Fiiliiruu Lúkkaa, payohii, yii këñí'túu ga, ya na Demaas.

<sup>15</sup> Këñí'dattíi béeb mbok-kerceencum ga teerum Lawodíséeda, dú këñíri'tíi Nímfas, ya na béeb buwaa gëmin ga Yéesu, hídírukohsi ga kaancida. <sup>16</sup> Binaa dú jan Këyítffi mi bínnuduú fiinaa, tumat tóoh bi bu-Laodiíseebaa gëmindä jañfa ban, ee dú jan faa dú laasan meyoh gabada ban. <sup>17</sup> Wo'at Arkíp ya tuuk ga lägëyum Ha'mudii e'tidfa, en danaa, ya mínda kitum bi mat.

<sup>18</sup> Mi Pool, mi yérí bíń bíncii cii na yahhoo kikëñí'túu. Kaa alat an mi yii lagussa ga kasu. Mi yii kiim Kooh barkeellúu.

## Këyítfii Pool deb kibín Bu-teeraa Tesaloníkda Wo'eencii lëgis Këyítfiida

Këyítfii fii fëri Pool deb kibín kerceencaa ga teeraa Tesaloník han ki'aasu ga ngëmaada. Pool karee daama, ya yéegallaba Hewhewii winéwi'wii wo' ga loo Yéesu Kiristaada (Tumeen 17: 1-10). Buwaan daamada gëmussa ga Kiristaanii. Tíkkii ga iñaa maañ yaawúu'caa dëku daamada ekussa buwaa ga kisagoh na Pool ya na filiimuncaagari. Iñaama tahha kon, ba kaañissii kiyuñ daama.

Kerceencaa daamada dsaakussa Pool ya na buwaa taabee narida. Ba meyca nari dëkaa, ga wek, kisaandohhi; Pool na biyaabaagari karussa teeraa Beree (Tumeen 17: 10).

Tíkka ga iñaa maañ, Pool wossa Tímotée kiwaaknee kerceencaa ga Tesaloníkda. Tímotée ka'ta ee ga waa ya boyukda, ya wo'a Pool an buwaa lís ki'am ga waasaa. Wayee laakin gaba baa sañ kilégéy kibay hafba. Ba abee an diimanaa Yéesu hayis, kon calooba kilégéy. Bíinoo helcaagaba daléerii ndaga an ba sekin iñaa maañ bi sah bipaamba na bi'eewba kaanin ee bi wati Yéesu hayyii. Iñaama tahha Pool bínnadaba kidaasba. Ya wo'aba ban daa kihayiskii Kiristaanii yah kimanda, na iñaa ya yah kitumi' buwaa gëmin garida. Kon nak ba jomin kilís ki'am yaakaa' an bes waa hay, ba enan na Ha'mudii bi taa'.

### **Këyítfii Pool bín kerceencaa ga Tesaloníkda tíidoh anee:**

- 1 - Këñdoh (1: 1)
- 2 - Kipeskaa na ngëmaa bu-Tesaloník laakda (1: 2-3: 13)
- 3 - Kipeskaa neb Koohda (4: 1-12)
- 4 - Kimílskaa buwaa kaanin na kihayiskaa Yéesu (4: 13-5: 11)
- 5 - Iñcii Pool mëenjoh kinak bu-Tesaloníkda (5: 12-28)

#### *Këñdoh*

<sup>1</sup> Mi Pool mi yérí bínnadúu këyítfii fii, mi na Sílaas\* na Tímotée. Dí bii këñí'túu, dú bu-jaangii ga Tesaloník ee bok ki'en wiñoo ga Kooh Paamudii na ban ga Yéesu Kiristaa, Ha'mudiisa. Kooh barkeelattúu, ya onndúu jam.

#### *Kipeskaa na ngëmaa bu-Tesaloník laakda*

<sup>2</sup> Dí bii géräm Kooh garúu béeëpúu besaa en téoh ee saycaa dí kiim Kooh béeëb, dí baydohhúu ga ban. <sup>3</sup> Dí bii níindísuk rek ga fíki Kooh, paamudiigaruu, tumeenciigarúu meyoh ga ngëmda, lëgëyii wiméeski'wii dú enukoh ndaga kiwaa' Yéesu Kiristaa, Ha'mudii garuuda, na ban ga dii dú yégisin ga yaakaaríi dú laak garida. <sup>4</sup> Mbokcii, dí ínohin an Kooh waarinndúu ee ya tanukinndúu dú en buuci.

<sup>5</sup> En ki'ena, ga wii dí yéegallúu Hewhewii winéwi'wiida, eeméerii ga wo'eenciigaríi kesi, wayee dí taabee ga na doolii Helii yisela'í'yii oneeríida. Ee dí ínoheera híl an iñaa dí wo'da kayoh. Ga wii dí en narúu dumada, dú hotin ga dum dí madee ga dñuycúu ee laaki'tarúu jeriñda. <sup>6</sup> Dú nak, dú taabukkaríi, dí na Ha'mudii ga dii dí manda. Ee ga dñuy coonu ciméeski', dú tookka wo'eenii Kooh ee dú taammba ga na keeñ wisóosí' waa Helii yisela'í'yii onndúuda. <sup>7</sup> Fodaama, buwaa gëmin Yéesu ga gohaa Maseduwaan na waa Akayda abohussarúu buwaa ba míniñ kitaabuk, ba mëdirohha kipeskaagaba na kaa garúu. <sup>8</sup> En ki'ena, Hewhewii wo' ga loo Ha'mudiida meyoh garúu, wa tassa ga dñuy béeëb gohaa Maseduwaan na Akay. Ee eemmbii daama dorj: ngëmii dú laak ga Koohda síwin daa en béeëb. Kon caloo dí wo'

\* <sup>1:1</sup> 1: 1 Teekaa Sílaas ga kiLateñ wo'si Sílwanus ee wëri eroju dii.

dara ga. <sup>9</sup> Béeb buwaa faa béstí'koh tookaa dú tookkíi ga waa dí hay dëkumgarúu, na daa dú foñ koofcaagarúu, dú aawwa kijaamuk Koohyii yukayohyii en na kipesda. <sup>10</sup> Ee ban dú bii sek Kowukiigari yah kihayis meyoh asamaanda. Kéri en Yéesu, yii Kooh mélísi' ga buwaa kaaninda, ee yérí mísalluu ga aylukaa Kooh yah ki'if ga dook buwiida.

## 2

### *Légéyaa Pool ga teeraa Tesaloníkda*

<sup>1</sup> Mbok kerceencii, dú ga kihaffúu, dú ínohin an hayaan dí hay garúufa enndii sooy. <sup>2</sup> Dú ínohin ban an wii dí le'an garúunaa, dí deb kitíku coonu na kibasu ga teeraa Filiip, wayee Koohyiigaruu onndaríi kikaañ kiyéegallúu Hewhewii winéwí'wii meyoh garida ga lebi' wiyaak<sup>‡</sup>. <sup>3</sup> Iñii dí jangattúuda enndii saboh wala en iñaa lee'tii, ee dí heellii kidfúk ken. <sup>4</sup> Kooh nak yérí malakkíi bi ya óolukkaríi, e'taríi kiyéegaloh Hewhewii winéwí'wii. Kon dí yéegalohaa, dí wo''ii ga iñaa neb bo'-súsusús, wayee dí wo' ga iñaa neb Kooh, ya yii ya ínohin iñaa ñaakuk ga dhuuy keeñciigaruu. <sup>5</sup> Dú ínohin dijófí' an dí mosoo kijay ken ga jangatiigaríi ee dí mosoo kiheel iñaa dí laakan ga; Kooh sah ínohin an iñii dí tumda júwin; <sup>6</sup> ee ennda dú bu-Tesaloník, ennda buwii tesda, dí mosoo kiheel ken ndammbíi ga. <sup>7</sup> Moona déy, dí míneerarúu kigítin dú tumi'tíi iñaa en tóoh ndaga dí bi'apotaa' Kiristaanii. Wayee dí tummba ndaj narúu mannda na eemunaa toputu'i liiraa ya laak. <sup>8</sup> Kiwa'a'kii dí waa'túufa eemmbii rek ga kiyéegallúu Hewhewii winéwí'wii meyoh ga Koohfa, wayee dí tookin sah ki'e'túu haffíi ndaga dú enee ga dhuuy keeñnjíi. <sup>9</sup> Mbokcii, dú níindísukaa dú hotin ga lëgëycaa dí tumeeda na daa dí hídee kisonda. Wekoo nohoo dí enee ga kilëgëy en ñanaa dí sodaloo ken ga kitoputu''ii, hídaa daa dí eneerúu kiyéegal Hewhewii winéwí'wiidfa tóoh. <sup>10</sup> Dú hotin iñaa dí tumeeda ee Kooh ban hotinndi. Dú bii dú gëmin ga Yéesuda, dí taabee narúu ga iñaa setin, iñaa júwin ee ga iñaa laakoo sík. <sup>11</sup> Dú ínohin ban an baa en béeb garúu, dí abeeri fodii paamun na towutaagari. <sup>12</sup> Dí baa onndúu hel, dí baa daassúu ee dí ebilirúu kipes ga iñaa sóosí' keeñaa Kooh, ya yii ya bayyúu ki'aas ga nguuraagari na kibok ga ndamaagarida.

<sup>13</sup> Iñii tah dí iisoo kigérém Koohfa wérí en an, ga wii dú laas ga Wo'eenii Kooh dí yéegaleerúufa, dú dallawa kitook ga keeñnjúu. Dú tookkiwa fodii wo'een bo'-súsusús wayee ga iñaa wa en kayoh-kayohfa, fodii wo'eenaa meyoh ga Kooh. Fodaama, wa wii lëgëy ga dhuuy, dú bii dú gëmin ga Yéesuda. <sup>14</sup> En ki'ena, mbokcii, dú taam ga kotcaa buwaa ga jaangucaa Kooh ga gohaa Yúudée ee enu buu Yéesu Kiristaada. Coonucaa yaawúu'caa tíkeebada cérí cii buwiigarúu tíkussúu watida. <sup>15</sup> Yaawúu'caama bérí apee Yéesu, Ha'mudii, ya na sëldiiga-Koohcaa; ee ba bérí enndíi na kihatal ga kipes. Ba tumi Kooh iñaa newoori ee ba sagohin na béeb buwii, <sup>16</sup> waa ba heeliríi kihoonoh kijangat ga buwaa enussii yaawúu'da Wo'eenii Kooh jomba kimúsalda. Fodaama, ba baatin ga baakaa'caa ba dëki ga kitumda bi matin sék. Aylukaa Kooh nak méeñjohin kikípuk ga dookba.

### *Pool waa' kihotis bu-Tesaloník*

<sup>17</sup> Mbokcii, dí nak, dí hégískohin narúu iñaa samin kimaañ, wayee luu enee an dū úsaayoh ga has, enndii ga keeñ. Dí doorukkúu hen bi dí tumin iñaa en tóoh kimínndúu kihotis. <sup>18</sup> Dí waa'ta kon kihayyúu kibaab ee mi Pool, mi ga kihaffoo, mi jéeminka enndii waas kínoo, enndii waas kanak, wayee Seytaani galukka ga. <sup>19</sup> En ki'ena, dí bewohan yaakaa' ga ba? Dí bewohan ga ba iñaa sóosí' keeñnjíi, na neehalaas dí ndamukohan ga fikíi Yéesu, Ha'mudii, binaa ya hayisaa? Enndii dúne? <sup>20</sup> Ahañ kay! Dú bérí en iñaa dí ndamukohan, dú en iñaa sóosí' keeñnjíi!

<sup>‡</sup> 2:2 2: 2 Malkat Tumeen 16: 19-24.

### 3

<sup>1-2</sup> Kérí tah nak, waa dí ka'ta bi dí míniſſii kimúuñ sekeenaama, dí namm̄ba kiwos Tímotée, ya hayyúu kihaltuk, dí, dí tes ga teerii Ateen. Tímotée, ya mbok-kerceen fodiigaríi ee ya taabi narii ga lègëyii Kooh en kiyéegaloh Hewhewii winéwi'wii wo' ga loo Kiristaaniida. Dí wosinndi garúu, en d̄anaa ya amdohhúu, ya daassúu ga ngëmumgarúu, <sup>3</sup> doonaa coonucii du en na kidayda tahoo ngëm ken kiyëngéluk. Dú ga kihaffúu, dú ínohin an coonuciima bok ga iñaa Kooh wa'tuu. <sup>4</sup> En ki'enaa, wii dí en narúufa, dí wo'eerarúu kuméeñi' an du hay kihatalu ga kipessuu, ee dú ínohin gaka an iñaama yëri laak. <sup>5</sup> Kérí tah, waa mi mínsiséerií kimúuñ sekeenaama, mi wossa Tímotée kihaltukkúu ati dú lís kiyégis ga ngëmumgarúu. Ee lak mi niikee Seytaani fí'túu bi béeb iñaa dí dayee ga kijégí'túuda en sooy.

<sup>6</sup> Diima nak Tímotée meyohin garúu boyukin garíi, ee ya haydohdinndíi béestí' winéwi' ga loo ngëmumgarúu na loo kiwaarohkum laak ga díkaantirúufa. Ya wo'in an helciigarúu lís kilik garíi ee dú waarinndíi kihot lool fodii dii dí waa'túu kihotisda. <sup>7</sup> Kon mbokcii, hídaa ga coonucii na mesiklaatcii du dayda, dú dëlirin hellíi ndaga ngëmum dú laakda. <sup>8</sup> Diima deñ, dí míniñ ki'fik hëes, waa dú abin bi yëgísin ga Ha'mudii. <sup>9</sup> Dí mínoo Kooh kigérém garúu bi dooy ndaga ga dii dú hín kisóosi' keeñciigaríi ga fíkiici, ya yii ya en Koohyiigarudu. <sup>10</sup> Wekoo nohoo, dí bii kíim Kooh ga daa dí wëñ kimín, ya onndíi dí míndúu kihotis ee dí míñ kijégíroh iñii tes ga bi dú wëñ kiyégis ga ngëmiigarúu ga Yéesuda.

<sup>11</sup> Kooh, paamudiigaruu ga kihafci, na Yéesu, Ha'mudiigaruu, ba waayukdattíi waasii bi dí míñ kihay bi garúu. <sup>12</sup> Ha'mudii onattúu kiwaaroh kiyaak, kidóoyí', yaa en béeb na mooroomci, ka tas ga béeb buwii. Waarohat kon fodii dii dí waa'túuda. <sup>13</sup> Fodaama, Yéesu Ha'mudiigaruu baatat dooli keeñciigarúu, en d̄anaa, dú en bïbo' bisela'í', baa laakanndii sík ga fíki Kooh, Paamudiigaruu, bëriinaa ya hayisan taam na buwii en bùucida.

### 4

#### *Kipeskaa neb Koohda*

<sup>1</sup> Kon nak, mbok-kerceencii, dú hotin garíi daa dú joman kiman bi dú nebloh Kooh. Ee sah dú taabuk iñaama. Dí bii kíimmbúu diima ee dí bii dímalukkúu ga teekii Yéesu Ha'mudii, wëñat kiguu'guuluk ga iñuma. <sup>2</sup> En ki'enaa, dú ínohin iñci dí ebillúu kitum ga teekii Yéesu, Ha'mudiida. <sup>3</sup> Iñii Kooh waa'da wëri en an dú sela': Kon abukat ga kifaanuk na baa en béeb. <sup>4</sup> Baa en béeb garúu mínat ki'am hafci\*, ya pes ga iñaa sela'in ee tahanndi ki'onu cée'. <sup>5</sup> Hanat ki'en neblaat-kumuun jíitalli, fodii yiifa'cii, buwaama ínohsoo Koohda. <sup>6</sup> Ga loo iñuma, kaa tooñ mûk mooroomfu ga betici, fu dükiri. Dí wo'eerarúuka ee dí bii wo'issúuka an Ha'mudii hayka ki'eldúk ga dook béeb buwaa tumsi iñaamada. <sup>7</sup> En ki'enaa, Kooh bayyiiruu ga hafci kitaabuk iñaa moroo kitum, wayee ya bayyuu doonaa du en buwaa sela'in. <sup>8</sup> Béeb baa fu sañ wo'eenii wiinaa, fu sañgii wo'een bo'-súusús wayee fu sañ wo'eenii Kooh, ya yii ya onndúu Heliigari yisela'íyiida.

<sup>9</sup> En ga loo kiwaaroh ga díkaanti mbok-kerceenaa, caloo dí bíndúu ga, ndaga Kooh lëdírinndúu, dú ga kihaffúu, kiwaaroh yaa en béeb na mooroomci. <sup>10</sup> Ee kiwaarohkaama kérí dú tídi ga díkaantirúu na béeb mbok-kerceencii ga gohii Maseduwaanda. Kon mbokcii, dí bii daassúu, dú wëñ kibaat kiguu'guuluk. <sup>11</sup> Ekat keeñnjúu ga kipes na jam, aasat ga iñaa en waassúu ee lègëyat dú bay haffúu, fodaa

\* **4:4** 4: 4 Ki'am hafci laakin lóogísohcaa taabuku waas wiliis ga iñaama: «kibéeb beti». Iñaa takadfa, wo'eenii ga kiGerek diifa: «yen», míñ kiwaa' kiwo' halaatcaa kanakcaama.

daa dí nakeerúukada. <sup>12</sup> En danaa, buwii enussii kerceenda hayyúu ki'on cee' ee dú sekoo dara ga ken.

### *Kimílskaa buwaa kaaninda na kihayiskaa Yéesu*

<sup>13</sup> Mbokcii, dí waa'tii dú tesfa dú ínohoo dara ga loo buwaa kaaninda, doonaa keeñnjúu leehoo ga iñaama fodii buwii biima laaksoo yaakaa'da. <sup>14</sup> Waa du gëmin an Yéesu kaanin ee ya mílísin, du gëmat ban an buwaa kaanin na ngëmaagaba ga Yéesuda, Kooh hayba kimílsí', ba taam na Yéesu. <sup>15</sup> En ki'enaa, iñii yii yéri dí wo"úu ee dí bewohhi ga iñaa Ha'mudii wo': du bii, kihayiskii Ha'mudii laakannduu lak du bii lís kipesfa, du dëwírukandii buwaa kaaninda. <sup>16</sup> Du hay kikeloh koonaa ka ebiloh yen, du keloh koonaa malaaka ga baa kuliuk ga malaakacaadfa, na ríiraa mbiiwaa Kooh wiyaakwaa; ee daama, Ha'mudii ga kihafci hay kiyoosukoh asamaan. Fodaama buwii kaanin ee kikaan laakba ga kitaabuk Kiristaaniida bëri dewan kimíls. <sup>17</sup> Lëehíraa, du bii laakannduu lak du lís kipesfa, du hay kibëwíru naba ga dook yaayeelcii, du hídochnee na Ha'mudii ga dook. Ee fodaama du hay nari ki'en bi taa'. <sup>18</sup> Kon nak, baa en béeb garúu dëlírat hel mooroomci na wo'eencum cuma.

## 5

<sup>1</sup> Kon Mbokcii, en iñaa aaw ga jamaanaa na wahtaa iñcuma yah kilaakohdانا, caloo dí bínnudu ga. <sup>2</sup> En ki'enaa, dú ga kihaffúu, dú ínohin híl an besaa Ha'mudii yah kihayisfa betohan fodii dii lok betohi ga wekda. <sup>3</sup> Laakan buwii lak ba baa wo' an: «Du bii ga jam, hel dalin!». Daama, kisanjku' hay kikípuk waas kíinoo ga dookba, betba fodii dii mesiklaat kimatuk beti betifa en na lookda. Besaama, ken gaba mínanndii ga kisaan. <sup>4</sup> Wayee nak mbokcii, dú enndii ga ñúus bi besaama mírirúu kibet fodii lok. <sup>5</sup> En ki'enaa, dú béebpúu, dú bitowu lee'laatii ee dú tíin na noh. Du enndii buwaa bok ga wekii ee du tíinndii ga ñúus. <sup>6</sup> Kon nak, du hanat kineeh fodii buwii bíinoo, wayee du neehat kiwatuk, du wíisoh. <sup>7</sup> Buwii neehida, neehsi na wek ee buwii laalida, laalsi na wek; <sup>8</sup> du nak, du bii du bok ga noh tanfa, du wíisohat, du ekuk kúltí-pewiñfi en kigëm na kiwaarohdfa, du ekuk ban baanupewiñii en yaakaarii kimúckiifa. <sup>9</sup> En ki'enaa, Kooh waa'tiiruu ki'iif aylukaagari, wayee ya waa' du laas ga kimúckii, kooroh ga Yéesu Kiristaa, Ha'mudiigaruu, <sup>10</sup> ya yii ya kaani'tuufa doonaa waa du kaan, waa du pes, du bok kipes nari. <sup>11</sup> Kon baa en béeb daasat mooroomci ee ban baa en béeb amdoh mooroomci kibaat ngëmaagari fodii dii dú en naka kitum diima deñfa.

### *Iñcii Pool méeñjoh kinak bu-Tesaloníkda*

<sup>12</sup> Dí bii kíimmbúu mbokcii, heelukat buwum Ha'mudii tík ga fíkiirúu ee ba yúudirúuda, ba enukoh lëgëy wiméeski' ga d'uuyucúu; <sup>13</sup> onatba cée' wiyaak ee dú waa'ba dijóff' ndaga lëgëyum ba tumida. Yaa en béeb dëkat na mooroomci ga jam. <sup>14</sup> Mbokcii, dí nakkúuka: ñarat sagoh-coonucum, daasat buwum laakoo fitfa, amdohat buwum laakoo doolida ee dú took kimúuñi' baa en béeb. <sup>15</sup> Watukat ki'ëldük ga mooroommbúu yibóni'ya ya tummbúuda. Namat kitaabuk kitum yijóff' besaa en béeb, ennda ga díkaantirúu, ennda ga díkaantirúu na béeb buwii.

<sup>16</sup> Dëkat ga kineb keeñ, <sup>17</sup> dëkat ga kikiim Kooh, <sup>18</sup> ee ga iñaa míñ ki'en tóoh, gérëmat Kooh. Iñaama yéri Kooh sek garúu ga kipeskiigarúu ga Yéesu Kiristaadfa. <sup>19</sup> Kaa tuukirat lëgëyii Helii yisela'íyii, <sup>20</sup> kaa saganohat wo'eencii sëldiiga-Koohcii, <sup>21</sup> namat kimalaksukoh hen béeb iñaa dú wo'u: iñaa jof gada, du ammbi, <sup>22</sup> ee úsaayat béeb iñaa bonin.

### *Tanjoh*

<sup>23</sup> Kooh yii laak jamſa, ga kihafci, ya onattúu kisela' kimëti' sëk, ya níirat tóoh garúu: ennda helciigarúu, fítciigarúu, faanciigarúu, doonaa dara laakoo sík gaca, bëriinaa Yéesu Kiristaa, Ha'mudiigaruu hayisan. <sup>24</sup> Kooh yii bayyúu ga hafcida hay kimëti' iñaama ndaga iñaa ya wo' tóoh ya tummbi.

<sup>25</sup> Mbokcii, dú ban, kíimdsattíi Kooh.

<sup>26</sup> Këñsat béeb mbok-kerceencum dumada, dú míginoh hafcumgarúu fodii buwaa bok eewun na paamun. <sup>27</sup> Ga teekii Ha'mudii, mi dímalukkúu ga iñii yii: jagat käyítfii fii ga fíkií béeb mbok-kerceencum. <sup>28</sup> Mi yii kíim, Yéesu Kiristaa, Ha'mudiigaruu barkeellúu!

## Këyítfii fukanakfii Pool bín Bu-teeraa Tesaloníkda Wo'eencii lëgís Këyítfiida

Këyítfii fii férí en fukanakfii Pool bín kerceencaa ga teeraa Tesaloníkda. Ya wo'isba ga loo kitukí'kaa èldúna daa ka yah kimanda, kihayiskaa Kiristaanii na daa buwaa gém garí yah kiméeñjohda.

Biyewin ga bu-teeraa wo'ee an Kiristaanii hayin kuméeñí' (2: 2); bíinoo wo'ee an iñaama laakkii duum, wayee besaa ka laakohanda deeyin. Buwaama wo'ee an besaa deeyinda sagussa kilégéy: ba wo'ee an calooba kilégéy. Fodaama ba tEEKÍNI lookcaagaba ga buwaa tookin kilégéyda (3: 6-12). Iñaama tah Pool bínnadaba kiwo'ba an baa en béeb jomin ki'anaj, ya ñémí' hafci. Ya wo'aba an saycaa ba hídoh na coonu téoh, ba abat ngëmaagaba bi yégís ee ba dëkat rek ga kitum yijófí'.

### **Këyítfii fukanakfii Pool bín bu-Tesaloníkda tíidoh anee:**

- 1 - Këñdoh (1: 1-2)
- 2 - Pool gérëmmba Kooh ga bu-Tesaloník (1: 3-12)
- 3 - Iñcii dëwírukan kihayiskaa Ha'mudiida (2: 1-12)
- 4 - Pool bëytoh kiyégís ga ngém (2: 13-17)
- 5 - Pool nakoh kikiim Kooh na kitook kilégéy (3: 1-15)
- 6 - Tañkoh (3: 16-18)

### *Këñdoh*

<sup>1</sup> Mi Pool, mi yérí bínnadúu këyítfii fii, mi na Sílaas\* na Tímotée. Dí bii këñí'túu, dú bu-jaangii ga teerii Tesaloník ee bok ki'en wíinoo ga Kooh Paamudiigaruu na ban ga Yéesu Kiristaa, Ha'mudii. <sup>2</sup> Kooh Paamudii na Yéesu Kiristaa, Ha'mudii barkeelattúu, ba onndúu jam.

### *Pool gérëmmba Kooh ga bu-Tesaloník*

<sup>3</sup> Mbokcii, dí mínan Kooh kigérém garúu besaa en béeb, ee júwin dí tum iñaama, ndaga ngëmiigarúu wii wéñ kiyégís ee kiwaarohkii baa en béeb garúu laak ga mooroomcida kii wéñ kibaatuk garúu bëebpíuu. <sup>4</sup> Ee ban, dí safarin kiwo' loorúu ga jaangucii Kooh ndaga dú bii guu'guuluk ee dú yégísin ga ngëmiigarúu, hídaa ga díi dú hatalu ga kipes na mesiklaatcii dú en na kiday téohda. <sup>5</sup> Iñaama teewohin an atti'aa Kooh júwin ee wéri teewohan ban an Nguurii Kooh tähhúu kisonda, joommbiirúu. <sup>6</sup> En ki'ena, júwin ga Kooh ya ík buwii sodallúu watida coonucii ba tikkúuda, <sup>7</sup> ee dú bii dú daycada, ya onndúu ki'fikaruk, dú naríi. Iñaama hay kilaak béríinaa Yéesu, Ha'mudii hotukan ga asamaan, taam na malaakacaagari biléekí'-doolibaa, <sup>8</sup> ga dñuy kiwii kiyéeñí', ki'atti buwii ínohsuu Kooh ee sagu kitaabuk Hewhewii winéwí'wii wo' ga loo Yéesu, Ha'mudiigaruu. <sup>9</sup> Buwaama, fayaagaba yah kisanju'ba bi taa', ba gúrohu na Ha'mudii, ba gúrohu na doolaagari onba kibok ga ndamaa ya laakda. <sup>10</sup> Iñaama hay kilaak ga besaama ya yah kihayisda. Béríinaa, buwii enu buucida hayyi ki'eru ndam, ee béeb buwii gém garida hay garí kawaar'. Dú ban, dú bok ga buwaama ndaga dú gömin wo'eeniigari dí yéegalohda.

<sup>11</sup> Kéri tah, dí dëk kikiimi'túu Kooh, doonaa Koohyiigaruu tummbúu buwaa bëytohiigari naba joommbiiba, ee ya amdohhúu ga doolaagari doonaa dú mëti' bëeb iñcii cijófí'cii dú waari kitumda na cii dú en na kitum meyoh ga ngëmiigarúuda.

\* **1:1** 1: 1 Teekaa Sílaas ga kiLateñ wo'si Sílwanus ee wéri erohu dii.

<sup>12</sup> Dí bii kíim iñaama doonaa béeb buwii e' teekii Yéesu, Ha'mudiigaruu ndam, kooroh garúu, ee Kooh e'túu ndam kooroh gari. Iñaama hay kilaak ndaga Koohyiigaruu na Yéesu Kiristaa, Ha'mudii barkeelinndúu.

## 2

### *Iñcii dëwírukan kihayiskaan Ha'mudiida*

<sup>1</sup> Mbokcii, en ga loo kihayiskaan Yéesu, Ha'mudiigaruu, na hídírukohaagaruu ga yahaacidanaa, dí kíimmbúu iñii yii: <sup>2</sup> luu dú kelohee ga wo'een sëldiiga-Kooh an besii Ha'mudii le'in, wala bo' jangattúuka, wala dú teewu këyítfaa bídu an fa meyoh garíi, hafciigarúu hanat kigaaw kikúnuk ga iñaama wala dú yee ga kitíit. <sup>3</sup> Ken hanattúu kidúk ga iñaa míñ ki'en tóoh. Ínohat an, bi besaama hayaa, kiwedi' Kooh kiyaaak hay kilaak ee sépí'i'-ga-nofii aaw ga kisanjku'da hay kiteewukoh paay. <sup>4</sup> Yii lebirohi ee heñohi tóoh iñcii bayohu teek Kooh ee jaamuksida, hay kika' sah bi ga kiyun ga dzuuy Kaanfaa Kooh, ee ya teek hafci Kooh. <sup>5</sup> Wii mi en ga kaanndúuda, man mi wo'eerarúuka, dú níindísukkiine? <sup>6</sup> Ee dú ínohin iñaa ammbi diima deñ, bi ya teewukohan ga wahtaa Kooh amda. <sup>7</sup> Doolii sépí'i'-ga-nofii daakuki henda wii lëgëy haat, wayee bii ammbi, hoonohhi kiteewukohda kolukohan dii hen, doonaa ka míñ kihotuk. <sup>8</sup> Fodaama sépí'i'-ga-nofii hay kihotuk, wayee Yéesu, Ha'mudii hayyi ki'ap na épaa meyohan kúuwciida, ya dúbí'ti na lee'laataa taaban na kihayiskaagarida. <sup>9</sup> Sépí'i'-nofaa nak, binaa ya teewukohaa, ya hay kitaam na doolaa Seytaani, ya hay kitum kíntaanaa en béeb, mandargaa en béeb na enaama cidóoyí'-waa' kiheel kidúk buwii. <sup>10</sup> Ya hay kitum yibóní'yaa en tóoh kidúk buwii en na kisanjku'da. En ki'ena, ba te'ii ga keeñba kayohfii jomba kimúsalda. <sup>11</sup> Iñaama tah Kooh tapohhaba na doolaa díukohi hen, waa gëmlukohanba saboh, <sup>12</sup> doonaa béeb buwii gëmussii ga kayohfii ee yibóní' rek neblohbadá, ba atti'u.

### *Pool bëytoh kiyégis ga ngémii*

<sup>13</sup> Mbokcii, dí mínan Kooh hen kigérém garúu besaa en béeb, dú bii Ha'mudii waarinndúuda. En ki'ena, Kooh tanukinndúu ga dalaaraa, doonaa dú béeb kimúsalu kooroh ga tumeenaa Helii yisela'i'yii onndúu kisela'da, na ban ga ngémii dú laak ga kayohfiida. <sup>14</sup> Iñaama yérí Kooh bayohhúu, kihay gari, koorohha ga Hewhewii winéwí'wii dí yéegaleerúuda, doonaa dú bok ga ndamaa Yéesu Kiristaa, Ha'mudiigaruu. <sup>15</sup> Kon fodaama, mbokcii, yégisat ga ngémiigarúu, dú am dijóffí iñcaa dí jégíreerúuda: ennda iñaa dí wo"úu, ennda iñaa dí bíndúu hen.

<sup>16</sup> Dí bii kíim, Yéesu Kiristaa, Ha'mudiigaruu, ga kihafci, ya na Kooh, Paamudiigaruu waarinnduuda, yii kooroh ga yérmaandaagari, oninnduu iñaa dëli' helluu bi taa' na ban yaakaa' wiyégisí'da, <sup>17</sup> ba dëli' hellúu, ba yégisí'túu ga béeb iñaa dú tum na iñaa dú wo' aaw ga yijóffí'.

## 3

### *Pool nakoh kikím Kooh*

<sup>1</sup> Kon diimada nak, mbok-kerceencii, kíimdsattí Kooh doonaa wo'eenii Ha'mudii gaaw kisíw daa en béeb, ee wa onu cée' fodii dii dí onwa cée'da. <sup>2</sup> Kíimdsattí Kooh ban doonaa ya sommbíi ga buwii bisóotí'bii, bibóní'bii. Dú ínohin an, enndii béeb buwii bëri gëm ga Ha'mudii. <sup>3</sup> Ha'mudii nak, iñaa ya wo' tóoh, tummbi, ya hayyúu ki'on kiyégis ga ngémii, ya sommbúu ga yibóní'yii. <sup>4</sup> Ya dëlirin hellíi garúu. En ki'ena, iñcii dí nakkúuda dú bii taabukca ee dú lísanca kitaabuk.

<sup>5</sup> Dí bii kíim Ha'mudii, ya níi' keeñciigarúu dú míñ kiwaa' Kooh, ee ya onndúu kimúuñ fodaa Kiristaanii.

### *Kitook kilégëy*

<sup>6</sup> Mbok-kerceencii, dí nakkúu ga teekii Yéesu Kiristaa, Ha'mudiigaruu ki'úsaay béeb mbok-kerceen, yaa en ga kiwilíiluk ya saŋ kitaabuk iñcii dí jégí'túufsa. <sup>7</sup> Dú ga kihaffúu, dú ínohin daa dú koorohan bi dú tum fodii garíi. Ga wii dí en narúudfa, dí moséeríi ki'en ga kiwilíiluk. <sup>8</sup> Dí moséeríi ken kikíim ñamah, Wayee wekoo nohoo, dí lëgëyee hen, dí sodi, dí anagi doonaa dí sodaloo ken ga kitoputu"íi. <sup>9</sup> Dí tumkanaa, enndii an dí jomoo kilaas dímal garúu, wayee dí waaree dú malak garíi, dú tum fodaa gari. <sup>10</sup> En ki'ennaa, ga wii dí en narúudfa, dí wo'eerúu iñii yii: Baa saŋ kilégëyaa, jomoo kiñam þan. <sup>11</sup> Dí wo'"úu iñuma ndaga dí kelohin an laakin ga d̄uuycúu biwilíilkoh, baa lëgëyanndii dara enndii ki'aas ga iñaa waasba gaaga rekaa. <sup>12</sup> Buwaama, dí nakinba ga teekii Yéesu Kiristaa, Ha'mudii ee dí bii daasba an ba yeewukat ba aaw kilégëy, ba ñam iñaa ba lëgëy na yahba. <sup>13</sup> Dú nak mbokcii, kaa soofat fenoo ga kitum yijóff'. <sup>14</sup> Binaa laak garúu baa saŋ kitaabuk iñii dí bín yii ga këyítfinnaa, yéegalohatti, dú kíiduk gari doonaa ya kaci. <sup>15</sup> Wayee kaa abohatti baa sagoh narúu, namatti kiña' hen dú abohhi fodii mbok-kerceen.

### *Tanjkoh*

<sup>16</sup> Dí bii kíimi'túu Ha'mudii laak jamfa, ya ga kihafci, ya onndúu jam besaa en béeb na ga iñaa en tóoh. Ha'mudii taabat narúu béebpúu. <sup>17</sup> Këñdohii méeñjohda, mi Pool mi yérí bínwa na yahhoo. Këyítfaa mi bín tóoh, mi lëehdohifa foduma. Bíncumgoo cérí cuma.

<sup>18</sup> Mi yii kiim, Yéesu Kiristaa, Ha'mudiigaruu barkeellúu, dú béebpúu.

## Kéyítfii Pool dēb kibín Tímotéeda Wo'eencii lègís Kéyítfiida

Kéyítfii fii férí Pool dēb kibín Tímotée. Tímotée, eeci enee yaawúu' aassa ga ngëm kerceen ee paamci enee Gerek. Pool, ga kotaa kukanakkaa ya baab kiyéegalohnee Hewhewii winéwí'wiida, hídohha nari ga Lísta' (Tumeen 16: 1-3). Aboh daama ya bokka ga buwaa wěñ kideey Pool taabi narida. Ya taabin na Pool kibaab waas ciyewin ee ya bokin nari kilegék iñaa yewin ban. Saycaa Pool keloh an laakin bikerceen, ga teeru wiinoo, baa waa' kifoñ ngëmaagaba wala an coow laakin daama töoh, Tímotée yérí ya wosee kidaasba. Kérí tah, yewinin iñaa teekci wo'si ga këyítcií bídu fodii: Tumeen 17: 14-15; 18: 5; 19-22; wala ga këyítcaa Pool bín fodii: 1 Korenti 4: 17; 16: 10-16; Filipp 2: 19-24; 1 Tesaloník 3: 2-6, na ciliis. Këyítcií kanakcii cii bídu Tímotée na fii bídu Títfa, ca enin këyítcaa wosohu buwaa kuliuk kerceencaada ndaga ca jégíroh ga loo daa bo' jom kitídi' jaanguda.

Wii Pool bín këyítfii fiida, lak ya wosinndi teeraa Efees kidaas kerceencaa kuliuk ga jaangaada: ba wěñ kiguu'guuluk ga ngëmaa. Fa laak Tímotée daama. Pool bínndari ya wo' kerceencaa ba watuk buwaa en na kijégíroh iñaa taabohhii na Hewhewii winéwí'wiida. Ya wo'ari ban daa kerceen jom kiman ga duuy jaangu, na ban daa ba jom kitum ba yah kitán baa kuliukan gabadanaa.

### **Kéyítfii Pool bín Tímotéeda tíidoh anee:**

- 1 - Kéñdoh (1: 1-2)
- 2 - Kipes kerceen daa ka jom kimanda (1: 3-3: 13)
- 3 - Iñii yiyaakyii daakukee ee Kooh teewohinndida (3: 14-4: 5)
- 4 - Pool dígalla Tímotée (4: 6-6: 20)

#### *Kéñdoh*

<sup>1</sup> Mi Pool, mi apotaa' Yéesu Kiristaa. Kooh yii mûsalluuda, ya na Yéesu Kiristaa yii dū yaakaa' garifa, bérí nakkoo ki'en apotaa'. <sup>2</sup> Mi yérí bínndaa këyítfii fii, fu Tímotée, fu yii mi aboh fodii kowuroo kayoh-kayoh ga ngëmiida. Mi yii këñí'taa ga ee Kooh, Paamudii, ya na Yéesu Kiristaa, Ha'mudiigaruu, barkeelattaa, ba laak yérmaandi garaa, ba onndaa jam.

#### *Kiwatuk buwaa jégírohi sabohda*

<sup>3</sup> Fodaa mi nakeeraaka ga wii mi en na kiyah gohaa Maseduwaanda, tesaa duma ga teerii Efees, doonaa buwum en na kijégírohu saboh dumada, fu ebilba ki'íis iñaama.

<sup>4</sup> Wo'aaba ban ba íis kitaabuk wo'een édit na kikín-caasamunkaa ínohoo kileeh, ee iñcaama haydohi nookoh doñ. Ca amdohoo ken ga kituuki' iñii Kooh nat kitum ee kigém Kooh onohiwa ki'ínohda.

<sup>5</sup> Iñaa límukan ga iñii nakohu yiida, yérí en an ba míñ kiwaaroh ga díkaantiba, kiwaarohkaa meyoh ga keeñ wimórí', kilaak hel widélí', na kigém ga Kooh kayoh-kayohda. <sup>6</sup> Laakin buwaa deen iñcumá, ba múuyin, ba abin ga iñcaa laakoo haf.

<sup>7</sup> Ba tíkin hafba jégíroh biyaak ga iñaa aaw ga loo Waasii Móyiis wayee ba ínohoo túš, enndii iñcii ba wo'ida, enndii cii ba sú'oh ga an cérí en kayohda.

<sup>8</sup> En loo Waasii Móyiisaa, dū ínohin an wa jofin, en lak dū jeriñukohwa ga iñaa koo' waasaa. <sup>9</sup> Ee, dū ínohat dijófí' an enndii buwii bijuwí'bii tah Waasii Móyiis kituukiru, wayee wa tuuki'du buwii tookussiwa ee ba heñohiwaða, buwii sañ kigëmsa, na buwii dék ga kitum baakaa'da. Wa tuuki'du buwii faali'ussi iñaa selá'in ee tikkussii Kooh darada, buwii api paamba wala eewbadfa, buwii lajsi kumuun bo'fa. <sup>10</sup> Wa

tuuki'dsu ban buwii faanuki na baa en béebsda, yaal-beticii na buwii tooni bifo' kitum ñaamda, kaakoh-sabohcii, buwii cojuki ëgí'da, na béeb iñaa taammbii na jégírohii wiwóorí'wii, <sup>11</sup> wii Hewhewii winéwí'wii haydohda. Jégírohiima taaboh na Hewhewii winéwí'wii Kooh díñkaanndoo kiyéegalohda, wii teewoh ndamii Kooh, yii yewinin múu'da.

### *Pool gérëmmba Kooh ga yérmaanda yaama laak garida*

<sup>12</sup> Mi yii gérëm Yéesu Kiristaa, Ha'mudiigaruu, yii onndoo dooli ga lëgëyiigari mi enukohdfa. Mi yii gérëmmbi ga dii ya malakinndoo bi ya óolukkaroo ga lëgëyiigari ya nakkoo kitumda. <sup>13</sup> Mi, kudewaa, mi enee baa baseeri, hatalee ga kipes buwii en buucida, na baa sooteera bi hépin, wayee nak ya laakka yérmaandi garoo. En ki'enaa, mi géméeríi gari, kérí tah mi ínohéeríi iñaa mi enukoheedfa. <sup>14</sup> Ha'mudiigaruu yóoskírin garoo yérmaandi wiyaak, ya oninndoo kigëm gari na kiwaa' buwii. Ee kiwaarohkaama kérí paali ga keeñ baa taam na Yéesu Kiristaa.

<sup>15</sup> Wo'eenii mi yah kiwo' wii wóorin ee béebs jominwa ki'am dijófí': Yéesu Kiristaa hay éldúna kimúsal buwii tumi baakaa'da, ee mi Pool, mi yérí kuliyuk gaba. <sup>16</sup> Wayee nak Kooh laakka yérmaandi garoo: Yéesu koorohha garoo, mi, tumoh-baakaarii wëñ kiyiisdfa, kiteeb buwii dii ya hín kimín kimúuñda. Ya tum garoo iñaama kiteeb béebs buwaa gëman gari ee ba joman kilaas ga kipeskaa leehoo taa'da.

<sup>17</sup> Ya buurii yah kinguuruk bi taa'da,  
Kooh yii kaanandii bi taa'da,  
yii has mínoori kihotdfa,  
yii en Kooh ya hañci donçda,  
cée' na ndam aawat gari bi taa'. Aameen.

<sup>18</sup> Kon nak Tímotée, kowuroo, iñuma yérí mi ebillaa kitum ee taaboh na wo'een sëldíiga-Koohcaa wo'see garaa kudewaada. Ayukaa ga iñcumaa doonaa ca onndaa dooli kilebiroh bi jof ga lëgëyumgaraa. <sup>19</sup> Taabaa ga na kigëm, na hel widélí'. Laakin buwaa saj kitaabuk iñuma, kérí tah ngëmaa ba laakeeda yímin. <sup>20</sup> Buwaama, Ímenee na Ëlíksaan boku ga. Mi íisohinba na Seytaani\* doonaa ba koruk ee ba wo'sisoo yibóni' ga Kooh.

## 2

### *Iñcii Pool nakoh ga loo kikiim Koohda*

<sup>1</sup> Mi d'ewohan ga iñii yii paay: mi nakoh kon kikíimi' buwii béebsba Kooh, kíimat Kooh, dú dímalukiri, dú gérëmiri gaba. <sup>2</sup> Dú kíimdfi buu'cii na buwii kuliyuk ga fíkiirúuda doonaa coow laakoo ga kipessuu, ee du en ga jam, du júb ga fíkii Kooh ga iñaa en téoh ee du mat ga fíkii buwii. <sup>3</sup> Iñaama yérí jof ee yérí Kooh yii mísalluuda waa'. <sup>4</sup> Ya waa' buwii béebsba múc ee ba ínoh kayohfii. <sup>5</sup> En ki'enaa, Kooh ya yíinoo doñ ee bo' yíinoo doñ yérí en baa tuukuk díkaanti Kooh na buwii. Baama, Yéesu Kiristaa yérí. <sup>6</sup> Yérí eroh na kihafci kumuunkaagari, ya kaannda kilaas buwii béebsba. Ya teewohha fodaama ga wahtaa Kooh amda an Kooh waarin buwii béebsba múc. <sup>7</sup> Iñaama tah Kooh tummbaroo jégíroh na apotaa'. Ya wossaloo kijégí'nee buwii enussii yaawúu'da iñaa jom kigëmu ee yérí en kayohfiida. Iñii mi wo'da kayoh, enndii saboh.

<sup>8</sup> Iñii mi waa'da yérí en an: daa míñ ki'en téoh, yaalcaa kíimat Kooh, ba bëwíri gari yahcaa setin ga téoh, ee ba hanat ki'aylukoh wala kiñaroh.

<sup>9</sup> Mi waarin ban beticum, ba ekuk ekukaa koorin waas, waa hídin ee hanat kihëp. Ba hanat kihëwíruk bi ba', ennda ga dún, wúrúus, siimii wala kúltícaa seerin,

\* <sup>1:20</sup> 1: 20 Ki'íisoh bo' na Seytaani wo'seedfa waama ga buwaa meydohu ga jaangucaadfa. Malkat ban ga 1Korenti 5: 5

<sup>10</sup> wayee ba hëwíruk bi mo' ga tumeen cijóffí', ndaga betifaa wo' an erin Kooh cée' tumi fodaama.

<sup>11</sup> Beticii, ba en na kijégírunaa, ba yeewukat, ba korukat ga fíkíi baa jëgí'badá.

<sup>12</sup> Mi onndii beticum kijégíroh wala kikuliyuk yaal ga jaangu. Ba laak kidekoh. <sup>13</sup> En ki'naa, Kooh dëb kisak Aadama, tikka Aawa ga. <sup>14</sup> Ee ban enndii Aadama yëri Seytaani dúkee, wayee betifaa férí, ee fa férídeen iñaa Kooh nakohda. <sup>15</sup> Wayee kilaak-kowukaa tíkukkida hayfa kimúsal binaa fa dëk ga kigëm Kooh, taam na kiwaa' buwii, kijúb ga fíkíi Kooh, na ki'eref.

### 3

#### *Baa kuliuk ga jaangu daa ya jom kimanda*

<sup>1</sup> Wo'eenii mi yah kiwo' wii wóorin: Binaa bo' helci ëewdohhi ga ki'en baa kuliuk ga jaangunaa, lëgëyaama ya waa' kitumda jofin. <sup>2</sup> Wayee nak, ya jom ki'en baa laakoo iñaa bo' wo'an gari yibóní'. Ya jom ki'eem ga betici doñ, ya en baa wíisohin, baa míniñ hafci ki'am ee onuunun cée'. Ya en baa waarin sagac ga kaanci, baa míniñ kijégíroh Waasii. <sup>3</sup> Ya jomoo ki'en baa waarin ki'an, wala baa gaawin kiheñoh, wayee ya jom ki'en baa soosin keeñ ee yewinin jam. Ya jomoo ki'en baa gëmin kopa'.

<sup>4</sup> Ya jomin kimín kibay bu-kaanci bay wijóffí' ee ya ko' towutaagari bi jof ta kelohi'ti ee ta e'ti cée' wimëti'. <sup>5</sup> En ki'naa, baa mínoo kibay bu-kaanci bi jof ya mínan na kibay jaangii Kooh? <sup>6</sup> Baama ban jomoo ki'en baa han ki'aas ga ngëmii. Enndiikanaa, míniñ ki'en ya bëwi' hafci bi hëp ee baanaa Kooh hayyi ki'atti' fodaa ya atti'ee Seytaani ga waa ya bëwi' hafcida. <sup>7</sup> Ee ban, buwum enussii kerceenda, ba jom gari kiseedi' yijóffí', en danaa ba tíkoori baa laakoo haf ee ya keenoo ga fíraa Seytaani.

#### *Buwaa amdohi ga jaangaa daa ba jom kimanda*

<sup>8</sup> Buwum amdohi ga jaangaada ban, ba jom ki'en bibo' biwóorí' baa wo'oo wo'een kanak. Ba jomoo ki'an anaa hëpin ee ba jomoo kiheel kilaak hëelís ga iñaa enndii waas. <sup>9</sup> Ba jom kidék ki'am ga kayohfii yéegalohu ga ngëmiida ee ba taam ga na hel widélí'. <sup>10</sup> Buwaama ban, ba jom kimalaksukohu hen paay. Lëehíraa, laakkii dara yibóní' yaa bo' wo'an gabanaa, ba han kitum lëgëyaama.

<sup>11</sup> Fodaama ban, beticaa amdohi ga jaangaada, ba jom ki'en bibo' biwóorí', ba jomoo kidsoob bo', ba jomin kiwíisoh, ba wóo' ga iñaa en téoh.

<sup>12</sup> Buwaama amdohi ga jaangaada, yaa en bëeb jom ki'eem ga beti doñ, ba bay towutaagaba na bu-kaanba bay wijóffí'. <sup>13</sup> En ki'naa, buwaama tumsi bi jof lëgëy ki'amdoch ga jaangaada, ba hay ki'onu cée' wiyaak ee ba hay kikaañ kituuk ba jangat ga loo ngëmii d'u laak ga Yéesu Kiristaadfa.

#### *Iñii yiyaakyii daakukee ee Kooh teewohinndida.*

<sup>14</sup> Mi waarinndaa kihay kiwaak ga iñaa maañannndii, wayee këyítffi ffi mi bínnndaafa, <sup>15</sup> doonaa mi yéeh kihaya, fu ínoh daa buwii en buu Kooh jom kimanda, ffi en jaangii Kooh, yii laak kipesda. Buwiima bëri en jípii, dii kayohfii yípukohda.

<sup>16</sup> Iñii daakukee ga waasiigaruu ee diima Kooh teewohinndida yakin ee ken míooka kisañ. Iñaama yëri en:

Ya hayin, ya mannda fodii bo'-súusúus,  
Helii yisela'i'yii teewohha an ya júwin,  
malaakaca hotuununndi,  
ee ya jangatuunun ga d'uuy buwii enndii yaawúu'da.  
Bu-ëldúna gëmussa gari,  
Kooh ekkari ga ndamaagari ga asamaandfa.

## 4

*Buwaa jégírohi sabohda*

<sup>1</sup> Helii Kooh wo'inka bi leerin an: ga jamaanucaa méeñjohanda, hay kilaak bibo' baa foñan ngëmii, ba taabuk halaatcaa ëewdohi bo' ga kimúuy na enaamacaa jégírohu ee meyoh ga hel cibóni'. <sup>2</sup> Ba hay ki'is haffba ga yah buwii jófjófduki ee wo'soo kayohdfa, dükba. Buwiima jófjófdukida nak, helcaagaba këenírin bi man na odaa ñaasu na pewiñpaa útu ga kiwii bi yo'ohin cor. <sup>3</sup> Ba hoonohi buwii kipajoh, ba gítinohi an buwii abukat ga kiñam ñamahcii cíinoo. Ee ñamahcaama, Kooh yérí sakca. Kon buwii gëm ga Yéesu ee ínohuunun kayohfiida, mínuununca kiñam, ba gérëmmibi gaca. <sup>4</sup> Béeb iñaa Kooh sakin jofin. Laakoo dara iñaa jom ga kisagu. Ñamat hen rek dú taam ga na kigérëm Kooh. <sup>5</sup> En ki'enaa, wo'eenaa Kooh, wa na kímaa du kíimiriða onin iñaa en téoh kisela'.

*Súrga Yéesu Kiristaa yijóffí*

<sup>6</sup> Binaa fu jégí' kerceencum iñcaama téohcanaa, fu hay ki'en súrga Yéesu Kiristaa yijóffí, súrgaa líif na wo'eencii jégírohu ga ngëmiida na jégírohii wukayohwii fu taabukda. <sup>7</sup> Abukaa ga wo'een ëdítcum laakoo haf ee taammbii na kigém Koohda. Namaa haffu kiméerí' ga kitum iñaa neb Kooh. <sup>8</sup> Jeriñaa ga kiméerí' haffu ga kiheel dooli faanda laakin daa wa eem, wayee jeriñaa ga kiméerí' haffu ga iñaa neb Kooh onohin iñaa en téoh. Ka dígohin kipeskii diima na kipeskaa hayanda. <sup>9</sup> Wo'eenii mi wo' wii wóorin ee béeb jominwa ki'am dijóffí'. <sup>10</sup> Kérí tah, du apuki, du lebirohi ndaga du lík yaakaa'tuu ga Kooh yii laak kipesða, yii mûsal béeb buwiida, wëñaa ga buwii gëmindaa.

<sup>11</sup> Iñuma yérí fu jom ki'ebiloh kitum ee yérí fu jom kijégíroh. <sup>12</sup> Kaa took ki'eewu ndaga dum fu en oomaada, wayee guu'guulukaa ga ki'en baa kerceencum mínan gari kimalak: ennda ga wo'eencum fu wo'ida, ga badukeenumgararaa, ga kiwaa'kum fu waa'bada, ga ngëmum fu laakða, na ga kiset ga fíkí Kooh. <sup>13</sup> Dëkaa ga kijan Wo'eenii Kooh ga fíkí béeb, fu jangatiba, fu jégíriba bi ga daa mi hayan. <sup>14</sup> Kaa caahadòh doolum Helii yisela'i'yii onndaada, wii koorohee ga wo'een sëldíiga-Kooh ee yaakcaa tikkaraa yah ga hafða. <sup>15</sup> Iñuma tumaari ga helfu, fu ek keeñfu ga téoh, doonaa béeb hot ga dii ngëmiigaraa baatukda. <sup>16</sup> Malaksukohaa daa fu jom kiman ga kipesfu, fu ínoh iñcaa fu jégírohida, ee fu dëk ga iñaama rek. En ki'enaa, fu tumkanaa, fu hay kimúc, fu na buwaa súkúrukanaada.

## 5

*Kidaas kerceenaa en téoh*

<sup>1</sup> Fu wo' na gu'ginaa, kaa gëtti, wayee saawalaa nari fodii baa wo' na paamci. Ooma-yaalcum, abaabäa fodii bikëmëenjkífu. <sup>2</sup> Beticum enuunun yaakða, abohaabäa fodii bi'efu. Ooma-beticum, fu abohba fodii bikëmëenjkífu, ee fu taam ga na keeñ wiséti'.

*Beticaa yaalba kaaninda*

<sup>3</sup> Beticaa biyaalba kaanin ee ba tes ba hañbadäa kayoh-kayohdfa, toputu'aabäa, fu onba cée'. <sup>4</sup> Betifaa yaalci kaanin ee fa laakin towu wala tucaasamun, oomaacaama, ba dëwat paay kiyoon kiteewoh ngëmaagaba ga bu-kaanba, ba ík buwaa límbada na bicaasamba iñaa baama tumdeebeda. En ki'enaa, iñaama yérí Kooh waa'.

<sup>5</sup> Betifaa yaalci kaanin ee fa tes hañci, laakoo baa toputu'anndi, fa líkat yaakaaraagari ga Kooh, fa dëk ga kikíim Kooh wekoo nohoo, na kikíimmibi dímal.

<sup>6</sup> Wayee betifaa yaalci kaanin ee fa taabuk iñaa nebfa rek, faama beti kaanin hídaa ga daa fa en na kipesða téoh. <sup>7</sup> Yéegalaabäa iñuma doonaa ken laakoo iñaa ya wo'an

gaba yibóní'. <sup>8</sup> Binaa bo' toputu"ii mbokcaagari wëñaa ga bu-kaancinaa, ya taasukin ngëmaagari ee yérí wëñ kiyiis baa gëmmbii ga Yéesu.

<sup>9</sup> Betifaa yaalci kaanin, fa waa' kibok ga beticaa bídu, jaangaa jomba kidímaldaanaa, fa jomin kilaak tíkiis tidaankaah-yitniinoo, ee fa en betifaa mos kilaak yaal yíinoo. <sup>10</sup> Fa jom ki'ínohu ga kitum yijófí': ennda kiko' towutaagari dijófí', kiwaa' sagac ga kaanci, kitísi' sagaccaagari en buu Koohfa kotcaagabá\*, kidímal buwaa en ga coonuda na kitook kison ga béeb iñaa jofin.

<sup>11</sup> Beticum yaalba kaanin ee ba lís oomaada nak, kaa bínda, ndaga binaa helba ka' ga kilaakis yaalaa, ba dal ki'íis Kiristaanii. <sup>12</sup> Fodaama, Kooh hayba ki'atti ndaga daa ba foñin iñaa ba dígeerida. <sup>13</sup> Ee sah eemanndii rek ga iñaama. Ba yah kiméeñjoh ki'en bisagoh-coonu, ba aasi ga kaan na kaan, taam na kúuw kihépi' na kiwaa' ki'ínoh iñaa en téoh na kiwo' iñaa enndii waasba.

<sup>14</sup> Kéri tah iñaa gënëlloo gabada wérí en an ba pajukis, ba laak towu, ba toputu' kaancaagabá bi buwaa sagoh nabadfa laaksisoo iñaa ba síkohanfa. <sup>15</sup> En ki'ena, laakin gaba baa müuyin haat, ba baa taabuk Sneytaani.

<sup>16</sup> Béeb betifaa gëmin ee fa laakin ga mbokcaagari beticaa biyaalba kaanin, fa amdohatba, fa hanat jaangaa kikoo' beticaama. En danaa, jaangaa hay kimín éewruk ga beticaa yaalba kaanin ee ba tes ba hanßada.

### *Buwaa kuliyuk ga jaangaada*

<sup>17</sup> Buwaa kuliyuk ga jaangaa ee tumuunun lëgëyaagabá bi jofsa, ba calin ki'e' cée' waas kanak, wëñaa ga baa enukoh ga kijangat na kijégíroh rekfa. <sup>18</sup> En ki'ena, wo'uunun ga Kéyítfaa an: «Kaa súum kúuwkaa enohfaa en na kiyon belaada.» Wo'sussa ban an: «Lëgëyohaa en béeb jomin ki'eru fayaagari.»

<sup>19</sup> Ga buwaa kuliyuk ga jaangaada, laak yaa yabu yenaa, enndii an bo' banak wala baahay bérí seedi' an iñaama kayohaa, kaa gëm! <sup>20</sup> Baa kuliyuk ga jaangu, enukoh ga kitum iñaa joffiinaa, ñaraari ga fíkii béeb, doonaa buwaa tesfa niik kitum fodaagari.

<sup>21</sup> Mi yii dímalukkaa ga fíkii Kooh, ga fíkii Yéesu Kiristaa na ga fíkii malaakacaas bisela'i'baa an: guu'guulukaa ga iñcuma. Kaa fa'doh ken ee kaa gënantiloh.

<sup>22</sup> Kaa gaawtuk bi fu tík bo' yah ga haff†, ee kaa bokidoh haffu ga yibóní' yaa bo' tum. Fu ga kihaffu nak, dëkaa kiset ga iñaa en téoh.

<sup>23</sup> Kaa eem ga ki'ani mûsú don, leenaa anaa biiñ jtuut ndaga look-mesikum bûukiraada na dum fu wakooda.

<sup>24</sup> Laakin buwaa, baakaa'caa ba tumida hotuki hen fanj bi ba laas ki'atti'u sahaa. Bíinoo nak baakaa'caagabá hotuki lak karin bi maañin. <sup>25</sup> Fodaama, tumeen cijófí' hotuki hen fanj. Ee luu enee an ca hotukkii fanj, ca mínoo kidék kidaakuk.

## 6

### *Buwaa abu ñaamda na ha'muncaagabada*

<sup>1</sup> Béeb buwaa abu ñaam ee gëmuunun ga Yéesuda, jom ki'aboh ha'muncaagabá fodii buwaa jom ki'eru cée' wimëti', en danaa teekii Kooh na iñcii du jégírohfa, ken laakoo iñaa ya wo'an ga yibóní'. <sup>2</sup> Ee ban buwaa abu ñaam ee ha'muncaagabá gëmuunun ga Yéesuda, ba hanat ki'am an bérí bok ngëm bi tah ba faali'ooba. Wayee ba namatba kilégëyi' ga daa wëñ kigën, ndaga buwaama jeriñuk ga anagaagabáda, ba gëmin ee Kooh waarinfa.

### *Sabohcii jégírohsida na alalii wukayohwii*

---

\* <sup>5:10</sup> 5: 10 Kitísi' sagaccaagari en buu Koohfa kotcaagabá Malkat Lúkkaa 7: 44. Ga baahaa yaawúu'caa, bo' laak sagacaa, tisi'ti kotcaagari kile'dohhi na jam ga kaanfaa. † <sup>5:22</sup> 5: 22 Iñaama enee kisassi lëgëy ga jaangii

Iñcuma cérí fu jom buwum kijégí' ee fu daasiba ga. <sup>3</sup> Laakin buwaa jégíroh yen yiliis, ba sagin kitaam ga wo'eencii ciwóorí'cii Yéesu KiristaaHa'mudiigaruu jégírohda. Ba tookkii iñii du jégírohi taaboh na ngémii du laak ga Yéesuda. <sup>4</sup> Buwaama bëwírin hafba bi hépin, ee ba ínohoo dara. Ba bay díukool kinookoh, ee ga kuwo'een jíinoo doj ba ñarohi ga kiñaroh bi. Iñcaama, ca lími ki'iñaan, kiñaroh, kicaakooroh, kifoogi' bo' yibóní', <sup>5</sup> kinookohkaa leehoo múk ga díkaanti buwii bay nof-morooda. Ba ínohissii kayoh ee ba am ga helba an kigém Kooh kérí onohi kilaak alal. <sup>6</sup> Moona déy kigém iñaa alal wiyaak ga bo' en lak baama dooylukohin iñaa ya laakdanaa. <sup>7</sup> En ki'ena, du hayyii na dara ga éldúna, ee ban du soofanndii na dara. <sup>8</sup> Kon binaa du laak ñamah, du laak iñaa du ekkanaa, du jomin kidooylukoh iñaama. <sup>9</sup> Wayee buwii waa' kilaak alal wiywinda, Seytaani dúkinba, ba bagukin ga kiwaa' kilaak iñcaa leehoo, caa newan gaba. Iñcaama laakoo haf ee ca joffii. Cérí yahi bo', ca éewdohiri ga kisanjku'. <sup>10</sup> En ki'ena, kiwaa' héelís kihépí' kérí lími enaama yibóní' yaa en béeb. Bíinoo waaru kilaak héelís hen bi tah ba gëmissii, ee keeñcaagaba gúri ga ndaga sooli cihépí'.

### *Iñcii Pool mëeñjoh kidíñkaan Tímotéeda*

<sup>11</sup> Kon fu nak, fu Tímotée, fu yii fu en bo'-Koohda, núpaa iñcaama. Heelaa ki'en bo' yijúwi' ga fíkíi Kooh. Taabukaa iñaa ya nakoh, dëkaa ga kigém gari, waaraa mooroomfu. Tookaa kimúuñ ee fu yewin jam na béeb. <sup>12</sup> Lebirohaa lebirii wijófi'wii ngémii meekisohda, abaa kipeskii leehoo taa' Kooh bayohhaa kilaas gakada. Ngëmaama wérí fu seedi'ee ga fíkíi bibo' biyewin.

<sup>13</sup> Fodaama, ga fíkíi Kooh yii on iñaa en tóoh kipesda, na ga fíkíi Yéesu Kiristaa yii ga fíkíi gúwernée' Poos-Pílaat, seedi'a seedi wimórí'da, mi ebillaas iñii yii: <sup>14</sup> taabukaa iñaa mi wo'eeraadfa, kaa líib ga dara yibóní' ee ken hanat kilaak dara iñaa ya síkohanndaa, bi ga daa Yéesu Kiristaa Ha'mudiigaruu feeñukan ga ndamaagari. <sup>15</sup> Feeñukaama, Kooh haywa kitum ga wahtaa ya amda. Kooh ya hançi, yérí míñ ga tóoh, yérí onohi jam, yérí en Buurii buu'cii, yérí en Ha'mudii ha'muncii. <sup>16</sup> Ya hançi donj, yérí kaananndii, ya dék ga lee'laat waa ken mínoo kideey. Ken mosoori kitík has ee ken mínoori kihot. Yérí laak ndam, ee yérí míñ bi taa'; aameen.

<sup>17</sup> Ha'-alalcii ga éldúnada, dígalaaaba, ba watuk kibëwí' hafba. Fu wo'ba ba hanat kilik yaakaa'ba ga alalaa wóo'tii. Ba namat kitík yaakaa'ba ga Kooh yii oniruu iñaa en tóoh bi dooy ee du neblukigada. <sup>18</sup> Dígalaaaba kitum iñaa jofin, ba en buwaa yewindin tumeen cijóffí', ba took ki'onoh, ba took kiwaroh na buwaa laakoodfa. <sup>19</sup> Fodaama, ba hay haffba kinégírohi alal wijófi', wiwóorí', waa aaw fayuu', en danaa ba míñ kilaak kipeskaa kukayohkaa.

<sup>20</sup> Kon, Tímotée, abaa iñum Kooh díñkaanndaada dijóffí', fu watuk ki'aas ga wo'eencaa laakoo haf ee ca taammbii na ngémii. Watukaa ban ki'aas ga iñcum buwum toon ki'ínoh jégírohi ga Waasiida ee ca enndii kayohda. <sup>21</sup> Laakin nak buwaa taabuk iñcuma jégírohuda, kérí tah ba deegin ngémii.

Mi yii kíim Kooh ya barkeellúu.

## Këyítfii fukanakfii Pool bín Tímotéeda Wo'eencii lègís Këyítfiida

Këyítfii fukanakfii Pool bín Tímotéeda férí fii. Man na ya bínfa lakanaa yaa lagussa ga kasu ga Room (2 Tímotée 1: 17; 2: 9; 4: 10,16).

Pool d'ewoh ga kigérém Kooh ga kiwaarohkaa na ngëmaa Tímotée laakda.

Pool ínoheera an iñaa tessi ga kipesfa yewinissii, tessari kibín Tímotée ki'ebilli ya am bi yégis ga ngëmii, na kilebiroh bi jof ee ya heel besaa en béeb ki'en soldaa' Yéesu Kiristaa yijúwí' (1: 3-2: 13). Ya nakki ki'am bi yégis ga ngëmaa fodaa gari (2: 14-4: 5), na kiguu'guuluk ga kijégíroh Wo'eenaa Kooh taaboh na iñaa Këyítfaa fisela'í'faa wo'da ee ya abuk ga béeb iñaa taabohhii na Hewhewii winéwí'wii. Pool tikk'a ga an, ya lebirohin bi matin ee diimanaa ya ka' kilaknee Yéesu Ha'mudii. Ya nakoh an kerceenaa en béeb jom kitum fodaagari.

Këyítfii fii férí béeb yaakaa' an Pool méeñjohfa kibín ga kipesci.

### **Këyítfii fukanakfii Pool bín Tímotéeda tiidoh anee:**

- 1 - Këñdoh (1: 1-2)
- 2 - Pool dígalla Tímotée (1: 3-18)
- 3 - Kilebiroh ki'en soldaa' Kiristaa yijúwí' (2: 1-26)
- 4 - Badukeenaa buwaa bibóní'baa (3: 1-9)
- 5 - Pool nak Tímotée kiyégis ga ngëmaa (3: 10-4: 8)
- 6 - Iñcaa Pool méeñjoh kidíñkaan Tímotéeda; tankoh (4: 9-22)

#### *Këñdoh*

<sup>1</sup> Mi Pool, mi apotaa' Yéesu Kiristaa ee Kooh yérí waa' ka, ya wossaloo kiyéegaloh kipeskii dígussuu, du bii du en wíinoo na Yéesu Kiristaadsa. <sup>2</sup> Mi yérí bínndaa këyítfii fii, fu Tímotée, kowukiigoo mi keeñukdfa. Kooh Paamudii, ya na Yéesu Kiristaa Ha'mudiigaruu, ba barkeelattaa, ba laak yérmaandi garaa, ba onndaa jam.

#### *Pool gérëmmba Kooh ga Tímotée*

<sup>3</sup> Mi yii gérém Kooh, ya yii mi jaamuki na hel widélí' fodaa daa bicaasamboo tumeekada. Wekoo nohoo, wahtaa mi kíim Kooh tóoh, helloo ka' garaa. <sup>4</sup> Mi níindísuk moonca fu búukee ga wii mi en na kiyahfanaa, mi waa'sissaa kihotis, bi fu mín kisóosí' keeñnjoo. <sup>5</sup> Mi yii níindísuk ngëmii wiwóori'wii fu taam nawada. Ngëmaama mi debwa kihot ga Lówíis caasamfu yibeti na ga Ëníis eefu, ee wóorinndoo an wa wii garaa.

#### *Pool daassa Tímotée*

<sup>6</sup> Kéri tah, mi níindíssaa fu obis fodii kiwii iñii Kooh onndaa kimín ga wii mi tikkaa yah ga haf kikíimi'taada. <sup>7</sup> En ki'entaa, Helii yisela'í'yii Kooh onnduuda tumooruu niik, wayee wa en Helaa oniruu dooli na kimín kiwaaroh ga díkaantiruu, na ban kimín ki'am haffu. <sup>8</sup> Kon nak, kiseedi' Ha'mudiigaruu hanattaa ki'ap kaci, ee mi hanattaa ki'ap kaci ban ga dii mi lagu ga kasu ndaga kiseedi'í'da. Namaa sah kitook kisodalu fodiigoo ndaga Hewhewii winéwí'wii, fu taam ga na doolii Kooh onndaada. <sup>9</sup> Kooh yiima, yérí músaluu, ya bayyaruu, du en bibo'ci bisela'í'. Enndii tumeenciigaruu tah ya tummbaka, wayee yérí abeeka kitum ee ya waareeruu kiteeb kijofkaagari. Lak éldúna sakussii duum, ya ammbaruuka kiteeb kooroh ga Yéesu Kiristaa. <sup>10</sup> Ee diima deñ wa hotukin ga wii Yéesu Kiristaa, Músalkaatiigaruu hay éldúnada. Ya dúbí'ta kikaan, ee kooroh ga Hewhewii winéwí'wii ya léeri'ta ga buwii kipeskaa kikaan mínoo yen gakada. <sup>11</sup> Kiyéegaloh Hewhewiima tah Kooh fallaroo

mi ennda yéegaloh, apotaa' na jégíroh. <sup>12</sup> Iñamaa tah ban mi kooruk mesiklaatci cii. Wayee mi rúussii ga ndaga bii mi gém garida, mi ínohinndi ee wóorinndoo an ya laakin dooli kiníi' iñii ya díñkaanndoofa bi ga besaama Yéesu yah ki'atti buwiida. <sup>13</sup> Malkaa ga wo'eencii ciwóorí'cii mi wo'"aada, fu taabukca. Abaa bi yégís ga ngëmii na kiwaarohkii laak ga ki'enfu wíinoo na Yéesu Kiristaada. <sup>14</sup> Abaa iñii yijóff'yii Kooh díñkaanndaa dijófí', taam na dímalii Helii yisela'í'yii en garuuda.

### *Fítaa Onesifoo' laakda*

<sup>15</sup> Fu ínohin an béeb bu-gohaa Aasíi foñuununndoo ee buwaama, Fígeel na Hermogeen boku ga. <sup>16</sup> Bu-kaan Onesifoo' nak, mi yii kíim, Ha'mudii laak yérmaandi gaba, ndaga Onesifoo' yewineera kidéli' heliigoo ee dii mi bagu na ceenda mosoo ki'en kaci gari. <sup>17</sup> Ee sah ga wii ya hay Roomfa, ya nammbaroo ki'aaw kiraas daa en tóoh bi ga daa ya hotohhoodfa. <sup>18</sup> Mi yii kíim Ha'mudii onndi kilaas ga yérmaandaagari, ga besaama Yéesu haysisanda. Fu, fu wéñ baa en béeb ki'inoh daa ya hídeeroo ki'amdoch, ga waa mi en ga teeraa Efeesfa.

## 2

### *Lebihrohat*

<sup>1</sup> Kon Tímotée, kowukiigoo, lísaa kibaatuk dooli kooroh ga Kooh, ya yii ya teeþpuu kijofkiigari ga ki'ennduu wíinoo na Yéesu Kiristaada. <sup>2</sup> Ee iñcaa fu kelohee mi jégírohi ee bo' biyewin seedi'incada, jégíraaca bibo' biwóorí', baa ba ban hayca kimín kijégí' bo' biliis.

<sup>3</sup> Bewaa bafu ga coonucii dí en na kidayfa, fu en soldaa' Yéesu Kiristaa yijóff'. <sup>4</sup> Baa ekuk kisoldaa' bítukoo ga enaamacaa buwaa enussii soldaa'da en lak ya waarin kineþlooh baa tahhi ki'ekukdانا. <sup>5</sup> Ee ban baa tum lègëy kifool laakoo ndam ga en lak ya taammbii ga iñcaa foolaa meekisohdanaa. <sup>6</sup> Línohaa kooruk coonufaa kilín yéri dewan kibonuk. <sup>7</sup> Lègísaal helpu ga iñcii mi wo'"aa cii, en danaa, Ha'mudii hayyaa ki'on ki'inoh iñaa en béeb.

### *Kipeskaa Pool teewohda*

<sup>8</sup> Níindísukaa Yéesu Kiristaa, yii mílís ga buwaa kaaninda, yii bok ga níilaa buu' Dëwít, fodii dii Hewhewii winéwí'wii mi yéegaloh wo'kada. <sup>9</sup> Hewhewii winéwí'wii wiima wérí tah mi tiku mesiklaat, karin bi ga kibagu na ceen fodii tumoh-kofeel, wayee Wo'eenii Kooh bagussii. <sup>10</sup> Kéri tah mi tookin kikooruk béeb mesiklaatciima ndaga buwii Kooh tanukda, doonaa ba ban, Yéesu Kiristaa mûsalba ee ba laak ndam bi taa'. <sup>11</sup> En ki'enaa, wo'eencii cii wo'een ciwóorí':  
«Binaa du kaan narinaa,  
du hay nari kipes ban.

<sup>12</sup> Ee binaa du guu'guuluk bi leehaa,  
du hay nari kibok kinguuruk.

Wayee binaa du taasukkinaa  
ya ban, ya hayyuu kitaasuk.

<sup>13</sup> Binaa du tummbii iñaa du dígooh naridanaa,  
ya ga kihafci, ya hay kitum iñaa ya dígooh naruuda.  
En ki'enaa, Kooh mínoo hafci kitaasuk.»

### *Lègëyaa neb Koohda*

<sup>14</sup> Iñcuma cérí fu jom buwum kiníindís. Dímalukaafa ga fíkíi Kooh ba íis ga kuwo'een jíinoo doj ba ñaroh ga kiñaroh bi. Iñcaama laakoo haf ee ca éewdohi buwaa súkúrukicada ga kisanju' doj.

<sup>15</sup> Tumaa tóoh bi fu en baa Kooh tookdfin, fodii baa lëgëyaagari enndii kaci gari, yaa jëgírohi bi júb Wo'eenii wukayohwii. <sup>16</sup> Kaa aas ga wo'eencaa laakoo haf ee taammbii na kigëm Kooh. Buwaa wo'icada ba wëni ki'usaayoh na Kooh. <sup>17</sup> Wo'eencaa ba jëgírohidä man na puusaa uruk hen, waa líruk kilíruk. Buwaama Ímenee na Fílet boku gaba. <sup>18</sup> Ba deegin Waasii wukayohwii, ba bum deeñlukoh bibo' biyewin ndaga ba jëgíroh an kimilískaa buwaa kaaninda paafin. <sup>19</sup> Wayee buwii gëm kayoh-kayoh ga Koohdfa yëgísuunun ga ngëmiigaba en fan la'-atoh wiyégisí', waa yípohu tawah. La'-atohaama, wo'eencii cii cérí bídu ga an: «Ha'mudii ínohin buwaa en buucida.» Bíduunun ban an: «Béeb baa bay teekii Ha'mudii, úsaayat yibóni'.

<sup>20</sup> Ga kaan ha'-alal, enndii rek panjaaahcaa hëwírohu wúrúus na hëelís laak da, laakin ban caa pesu ga doo' na caa muulohu na ban. Cíinoo lëgëyukohsi ga bes hew jam, cíinoo lëgëyukohsi ga besaa en béeb. <sup>21</sup> Man fodaama na buwii gëmindä: binaa bo' líiwí'tii hafci ga iñcumanaa, ya man na panjaaahcaama lëgëyukohsi ga hew jamdfa. Ya yah bo' yaa faandu Kooh hañ, yaa laakdfan Ha'mudii jeriñ, yaa mínin kitum tóoh iñaa jofin.

<sup>22</sup> Núpaa kitaabuk neblaat-kumuuncum ki'oomaa enukohida. Heelaa ki'en bo' yijúwí', fu dék ga kigëm ga Yéesu, fu waaroh na buwii, fu laak jam na béeb buwum wo'i teekii Ha'mudii na keeñ wiséti'da.

<sup>23</sup> Kaa aas ga wo'een-dofcum laakoo hafdfa ndaga fu ínohin an ca lími ñaroh kesi. <sup>24</sup> Súrga Ha'mudii nak jomoo kiñaroh. Ya jom kineb kiwo'oh, ya en baa mínin kijégíroh ee ya took kimúuñ coonucaa buwaa tikirida. <sup>25</sup> Buwaa sagi iñcii fu jëgírohidä, dükohaa naba hen. Mín ki'en Kooh onba ba súpit halaatcaagaba bi ba ínoh Wo'eenii wukayohwii. <sup>26</sup> Fodaama, helcaagaba íkuk gaba, ba rëc ga fíraa Seytaani bageebada, ba ennda ga iñaa nebida.

### 3

#### *Badukeencaa buwaa bibóni'baa*

<sup>1</sup> Kon, fu Tímotée, ínohaa iñii yili dijóffí: bescaa méeñjohanda yah bes ciméeskí'. <sup>2</sup> En ki'ena, buwii ínohsan hafba rek, ba hay kigëm hëelís lool, ba kaañ kindamuk bi hép, ba bëwiri haffba, ba yewin kipok kiwo'. Ba kelohanndii wo'een paambä na wo'een eewba, ba gérëmanndii ken, ba faali'anndii iñaa sela'in. <sup>3</sup> Ba hay kisúb keeñ, ba yérëmanndii ken, ba yah kidék ga kiwo' yibóni' ga bimooroomba, ba mínanndii ki'am haffba, ba hay kisoot bi hép ee ba waaranndii kihot ga yijóff'. <sup>4</sup> Ba dëkan ga kitoon bimooroomba, ba leelan kibët, ba hay haffba kibëwí' bi ba'. Ba wëñan kiwaa' iñaa neb gaba loo Kooh. <sup>5</sup> Ba teewohan kilaak ngëm ee lak ba tookkii ga keeñba doolaa ga kigëmda. Buwaa man fodaama, úsaayaa gaba.

<sup>6</sup> Ga buwaama nak, laakin baa aasi ga dñuy kaancii, kidúk beticaa nooyin haf. Beticaama, dooli baakaa' tikukinba ee ba taabuk neblaat-kumuunaa en tóoh.

<sup>7</sup> Beticaa man fodaamada ban, hídaa kidékba ga kijan tóoh, mínsanndii mûk ki'ínoh kayoh. <sup>8</sup> Fodaa Sanees na Samberees<sup>◊</sup> heñohsee Móyíis kudsewaada, buwiima dûki beticaadfa bii heñoh Kayohfii. Ba bay hel nof-moroo ee ngëmaagaba enndii ngëm.

<sup>9</sup> Buwaama nak waasba úsaayanndii. En ki'ena, béeb buwii hay ki'ínoh an ba halaatoo fodaa ka dalee Sanees na Sambereesdfa.

#### *Pool nak Tímotée kiyégis ga ngëmaa*

<sup>10</sup> Fu nak Tímotée, fu ínohin dijóffí iñii mi jëgírohdfa, na badukeeniigoo, iñii mi heel ga lëgëyi mi tumdfa, ngëmii mi laakdfa, dii mi hín kimín kitook kimúuñdfa, dii mi hín kiwaa' buwiifa, dii mi kaañ kiguu'guulukdfa. <sup>11</sup> Fu ínohin ban dii mi hín kisodalu ga kipessooda, na mesiklaatcaa mi day ga dëkaa Añcoos, waa Íkoñom na

<sup>◊</sup> 3:8 3: 8 Malkat Eksoot 7: 11-22.

waa Lísta'fa. Kihatalu ga kipeskii kiida mi daycii dii? Moona tóohca, Ha'mudii mísallaroo ga. <sup>12</sup> Ee sah buwii waaru kijúb ga fíkíi Kooh, ba en wíinoo na Yéesu Kiristaadfa hay kihatalu ga kipesba, <sup>13</sup> wayee nak buwii bibóní'bii na buwii wíili kidúk bimooroombadfa, ba yah kiwéñ kidúruk ga kibon. Ba yah kimúuyi' buwii wayee ba ga kihaffba, ba hay kimúuy ban. <sup>14</sup> Fu nak, abaa bi yégis ga iñum fu jan ee fu hotin an wa kayohdfa. Fu ínohin buwaa jégi'taawada. <sup>15</sup> Bíncii cisela'í'cii, fu ínohca ga ki'oomaafu bi ga wati. Ca dooyin kitum garaa hamham, waa éewdohi ga kimúc béeþ baa gëmin ga Yéesu Kiristaa. <sup>16</sup> Bééþ Bíncii cisela'í'cii, Kooh híi' bo'-súusúus ga kibínca. Ca laakin jeriñ kijégíroh kayohfii, kiteeb bo'-súusúus iñcaa ya tumi ee jommbiifa ki'en, kiko' buwii taammbii ga iñaa jofin, ki'ëewdoh bo' ga kipeskaa júwin. <sup>17</sup> En danaa, baa en yuu Kooh béeþ hay kimat ee ya hay kimín kitum tóoh iñaa jofin.

## 4

### *Pool nakoh kijangat Hewhewii winéwi'wii*

<sup>1</sup> Yéesu Kiristaa hay kihayis bes. Ya yah buu' ee ya yah ki'atti' buwaa kaaninda na bii en na kipesfa. Kon mi yii dímalukkaa ga fíkíi Kooh na ga fíkíi Yéesu Kiristaa: <sup>2</sup> jangataa Hewhewii winéwi'wii. Waa neb, waa mesik tóoh, jangataa hen rek. Haydohaaba ga kayoh, fu ñariiba, fu daasiba, fu jégíriba, taam na kimúuñ. <sup>3</sup> En ki'ena, jamaanu waa hay, waa buwii waaranndii kisúkúruk jégírohii wukayohwii. Ba waaran kikeloh iñaa nebbfa rek. Ba hay haffba kiheeli' bijégíroh, baa wo'anba iñaa newin. <sup>4</sup> Ba hay kidúkúruk kayohfii, ba súkúruki wo'een éditcii jégírohudfa. <sup>5</sup> Fu nak, taabaa ga na kiwíisoh ga iñaa en tóoh, fu took kikooruk mesiklaat, fu tum lëgëy kiyéegaloh Hewhewii winéwi'wii, ee fu tum lëgëyumgaraa Kooh nakkaada bi mat.

<sup>6</sup> En haffoonaa, mi enin anahaa seeyuunun bi ki'an don tes ga ndaga kikaanndoo deeyin. <sup>7</sup> Mi lebirohin lebirii bi jofin, mi foolin bi mi topin, mi yii na ngëmiigoo bi wati. <sup>8</sup> Diimada neehalaa Kooh faani'too ga ndamii mi laak ga kijúb ga fíkicida waa sekkoo. Ha'mudii, atti'ohii yijúwi'yii hayyoowa ki'e' béríinaa ya hayisanda. Ya eranndiiroowa mi hañngoo doj wayee ban ya eran béeþ buwii nebluk ga kihotissida.

### *Iñcii Pool mëeñjoh kidíñkaan Tímotéeda*

<sup>9</sup> Tumaa tóoh fu hayyoo kiwaaknee ga iñaa wëñ kigaaw. <sup>10</sup> Demaas foñinndoo, karin teeraa Tesaloník ndaga kiwaa' enaama éldúna. Kereseen karin gohaa Galasíi. Tít ban karin gohaa Dalmasií. <sup>11</sup> Lúkkaa doj yëri tes naroo dii. Fu en na kihayaa, baydohaa Marka ndaga ya laakdinndoo jeriñ lool ga lëgëyii mi enukohdfa. <sup>12</sup> Mi wosin Tisik teeraa Efees.

<sup>13</sup> Fu en na kihayaa, haydohaaroo kúltí-soosoosfaagoo mi foñ ga teeraa Torowaas, ga kaan Karposdfa. Haydohaaroo ban këyítcaagoo, wëñaa ga caa hëwírohu onda.

<sup>14</sup> Ëlíksaan, tíwohaa, tuminndoo mesiklaataa en béeþ. Wayee Ha'mudii hayyi kifay béeþ iñcaa cibóni'caa ya tumfa. <sup>15</sup> Kon fu ban watukaari ndaga ya dék kiheñoh ga daa ya mos kimín iñii su jégírohda.

<sup>16</sup> Waa mi ðeb kika' kilayoh ga fíkíi atti'ohcaadfa, ken amdohhiroo, béeþ foñjaroo. Kooh nak hanatbaka ki'aboh. <sup>17</sup> Ha'mudii yëri amdohhoo, lífi'taroo na dooli, bi mi mínnida kiyéegaloh dijóffí' Wo'eeniigari. Ee fodaama béeþ buwii enussii yaawúu'da mínuussawa kikeloh. Ee ban Ha'mudii onndaroo kiréc ga kúuw gayindi.

<sup>18</sup> Ha'mudii hayyoo kidék kimúsal ga béeþ iñaa bonin; ee dara ocooroo, ya ekkoo ga nguuraagari ga dookdfa. Ndam aawat gari bi taa'. Aameen.

*Tanjoh*

<sup>19</sup> Kon këñí'fsaaroo Pírisíl, ya na Akílaas, na fu-kaan Onesifoo'. <sup>20</sup> Erasti, yaa tessa ga teeraa Korenti. Torofím nak dúukoolee hen, mi foñnjari ga teeraa Mílet.

<sup>21</sup> Tumaa tóoh bi fu gaaw kile' dii balaa soosoosii aasaa. Ebulos, Pudensi, Linus, Kolodíyaa na béeþ mbok-kerceencii diida bii këñí'taa ga.

<sup>22</sup> Mi yii kíim Ha'mudii ya níi' helumgaraa, ya barkeellúu dú béeþpúu.

## Kéyítfii Pool bín Títda Wo'eencii lëgis Kéyítfiida

Kéyítfii fii férí Pool bín Tít. Tít enéeríi yaawúu' wayee ya gëmmba ga Kiristaanii. Ya taabin na Pool kibaab waas ciyewin ee yérí tíidee kot kijúwohi' Pool na kerceencaa ga Korentida (2 Korenti 7: 6-16). Kéyítfii fii laak Tít ga Keret, dék waa giyaa wíil. Pool yérí foñeeri daama, sassari kitán bibo' baa kuliukan ga jaangaa. Ya jomee buwaa kiteeb daa baa en béeb jom kiman ga mooroombida na daa kipeskaagaba jom kimanda. Ya wo'ari ban ki'on hel gu'gic和平, oomaacaa, ñaamcaa na daa buwaa kuliuk ga jaangaa jom kimanda.

### **Kéyítfii Pool bin Títda tíidoh anee:**

- 1 - Kéñdoh (1: 1-4)
- 2 - Buwaa kuliuk ga jaangucaada (1: 5-16)
- 3 - Jégírohii wukayohwii (2: 1-15)
- 4 - Badukeen kerceen (3: 1-11)
- 5 - Tañkoh (3: 12-15)

#### *Kéñdoh*

<sup>1</sup> Mi Pool, mi súrga Kooh ee mi apotaa' Yéesu Kiristaa. Mi sasu kinook ga ngëmii buwii Kooh tanukda na ki'ínohlukohba kayohfii taaboh na ngëmiigaruada, <sup>2</sup> en danaa, ba laak yaakaa' kilaas ga kipeskaa leehoo taa'da. Kooh yii wo'i kayoh kesida dígeeruu kipeskii kiima, lak èldúna sakussii duum. <sup>3</sup> Ga wahtaa Kooh Músalkaatiigaruu amda, ya onnda Wo'eenagari ki'ínohuk. Wo'eenama wéri en iñii ya sassoo kiyéegalohda.

<sup>4</sup> Mi yérí bínndaa këyítfii fii, fu Tít, fu yii mi aboh fodii kowuroo kayoh-kayoh ga ngëmii du bokda. Mi yii kíim Kooh, Paamudii, ya na Yéesu Kiristaa Músalkaatiigaruu, ba barkeellaa, ba onndaa jam.

#### *Baa kuliuk ga jaangu*

<sup>5</sup> Mi foñinndaa duma ga kúlkum Keret doonaa fu lëestí' iñcum tes kituuki'da, ee fodaa mi nakeeraakada, ga teeraa en béeb, fu tan buwaa kuliukan ga jaangaa en daamada. <sup>6</sup> Baa kuliuki ga jaangu nak jom ki'en baa laakoo iñaa bo' wo'an gari yibóni'. Ya jom ki'eem ga betici doñ. Towutaagari jomin kigëm ga Yéesu, teekba hanat kibokidohu ga iñaa joffii, ee ta kelohi'ti.

<sup>7</sup> En ki'enaa, baa kuliuk ga jaangu jom ki'en baa laakoo iñaa bo' wo'an gari yibóni' ndaga ya sasu kituukuk lëgëyii Kooh: ya jomoo kibëwí' hafci, ya jomoo kiyoob ki'ayluk, ya jomoo ki'en anoh, ya jomoo kigaaw kifeekoh, ya jomoo kiheel kilaak hèelis ga iñaa enndii waas. <sup>8</sup> Wayee ya jom ki'en baa waarin sagac ga kaanci, baa waarin yijóffi'. Ya jom ki'en baa wíisohin, bo' yijuwí', baa erin Kooh hafci, baa míniñ hafci ki'am. <sup>9</sup> Ya jom ki'en baa abin bi yégisin ga Wo'eenii wukayohwii taabohin na iñii jégírohuda. Fodaama, ya hay kimín kidaas buwaa bíinoo, kooroh ga jégírohii wukayohwii wiima, ee ban, ya míñ kibúl buwaa sañwada.

#### *Kiwatuk buwii jégírohi sabohda*

<sup>10</sup> En ki'enaa, yewinin buwaa kelohsoo wo'een ken. Ba díuki buwii na wo'eenciigaba laakoo hafda. Buwaama, yaawúu'cii enu kerceenda wëñu ga kiyewin. <sup>11</sup> Buwaama, fu jominba kiwo' ba lañ túuwtaagaba, ndaga ba hícísohi kaan ñeeb, ba jégírohi iñaa jomoo ki'en ee kiheel kilaak hèelis ga iñaa enndii waas tahka. <sup>12</sup> Laakin bo' yaa bok gaba ee ya sëldíigaba, ya wo'ee an:

«Bu-Keret mos ki'enu bikaakoh-saboh,  
ba bijúu' bisóotí',  
ba bibo' biségi'-coonu, baa liilukin.»

<sup>13</sup> Baa yaama, iñaa ya wo' gabada kayoh. Kérí tah, ñaraaba ña' citamohí', en danaa, ba laak ngém wukayoh-kayoh, <sup>14</sup> ee ba íis kitaabuk wo'een édítcii yaawúu'cii, na iñcii ba ebilohi kitum ee meyoh ga buwaa súugúrukuunun Kayohfiida. <sup>15</sup> Baa setin ga fíkii Kooh, tóoh setin ga fíkíici. Wayee buwii setussii ga fíkii Kooh ee ba gémmbiidisa, dara settii ga fíkíiba. Halaatcaagaba na helcaagaba moroo. <sup>16</sup> Ba tooni ki'ínoh Kooh, wayee tumeencaagaba kaakdinba saboh. Ba bibo' bi'araami', ba kelohoo wo'een ken ee ba mínoo kitum dara yijóffí'.

## 2

### *Jégírohii wukayohwii*

<sup>1</sup> Fu nak, jégírohaa iñaa taabohin na jégírohii wukayohwii. <sup>2</sup> Gu'gicum, wo'aaba ba en buwaa wiisohin, baa onuunun cée', buwaa taabu na hel, buwaa laakuunun ngém wiyégsí', buwaa waaruunun bimooroomba ee tookuunun kimúuñ.

<sup>3</sup> Fodaama ban, ya'bucum, wo'aaba ba bay badukeen baa pes ga iñaa Kooh waa'. Ba hanat kidooß mooroomba, ba hanat kihabin ga ki'an, ba jom kidígaloh yijóffí', <sup>4</sup> Fodaama, ba yóodi' beticaa han kipajuksa kiwaa' yaalba na towutaagaba. <sup>5</sup> Ba yóodí'ba kitaam na helba na kisan caahan, kitook kitoputu' kaancaagaba bi jof, ki'en bibo' bijóffí', kikelohi' yaalcaagaba doonaa ken wo'oo yibóni' ga Wo'eenii Kooh.

<sup>6</sup> Oomaa-yaalcum ban, wo'aaba, ba en buwaa taabi na hel <sup>7</sup> ga iñaa en tóoh. Fu ga kihaffu, tumaa yijóffí' doonaa fu en ga oomaa-yaalcum baa ba malakan gari. Jégírohumgarraa setat, wa laak haf. <sup>8</sup> Wo'eencumgarraa enat wo'een kayoh, caa ken mínoo kinís, doonaa buwum sagoh naruudsa hotoo dara iñaa ba wo'an garuu yibóni' ee ba líif na kaci.

<sup>9</sup> Buwum abu ñaamda nak, ba kelohdat ha'muncaagaba ga iñaa en tóoh. Ba heelat kitum iñaa neb ha'muncaagaba ee ba hanatba kiwedi'. <sup>10</sup> Ba hanatba kiloki'. Ba namatba kikelohi' ga tóoh, en danaa ha'muncaagaba baama hay ki'e' cée' wiyaak iñii du jégíroh ga loo Koohyii mísalluuða.

### *Kijofkii Kooh onoh kimúc*

<sup>11</sup> En ki'ena, Kooh teewohin kijofkiigari on béeß buwii kimúsaluda. <sup>12</sup> Kijofkiima jégí'tuu ki'íis kitaabuk kipes kibóni' na kiwaa' éldúna ee ga jamaanii du enoh diimada, du ëewruk ga kipes ga iñaa hídin, ga iñaa júwin na kitum iñaa Kooh waa'. <sup>13</sup> Du jom kisek fodaama besaa winéwí'waa du yaakaa'da. Besaama wéri Yéesu Kiristaa, Músalkaatiigaruu, yii en Koohyiigaruu wëñ béeß, yah kihayis taam na ndamda. <sup>14</sup> Ya ga kihafci, ya erohin kumuunkaagari ndaga du, kimúsalluu ga tóoh yibóni' ee ya tuminnduu heetaa en wuuci, waa setin ee kaantukohi ga kitum yijóffí'.

<sup>15</sup> Iñuma yérí fu jom kijégíroh, fu daasiba, fu ñariba, fu taam ga na kimat sëk. Kaa took nak ki'eewu!

## 3

### *Badukeen kerceen*

<sup>1</sup> Niñdísaa béeß buwaa an ba jomin kikelohi' ha'-nguu'cii na buwum tuukukcada<sup>◊</sup>, ba toki'ba ee ba tuuk ga kitum yijóffí' yaa en béeß. <sup>2</sup> Ba hanat kibas ken, ba yewinat jam, ba mínat kibayaloh, ba teewoh keeñ wimórí' ga béeß. <sup>3</sup> En ki'ena, kudewaa, du ban, du halaatéeríi kayoh, du tooksféeríi ken, du múuyeera, du enee ñaam béeß iñaa neb kumuunnduu na iñaa du waa'. Du ínohee kisoot na kidíibuk kilaak. Du bëri

<sup>◊</sup> 3:1 3: 1 Mëdïrohat na Room 13: 1; 1 Pee' 2: 13.

calee kisagu ee d'u baa sagoh ga díkaantiruu. <sup>4</sup> Koohyii mísalluuda nak teewohha kijofkiigari na kiwaa'kii ya waa' buwiida, <sup>5</sup> Ya mísallaruu, ee enndii an iñcaa d'u tumda júwin, wayee ya laakee yérmaandi garuu hen. Ee, ya mísalinnduu, onndaruu kilímukis ga kipes ki'as koorohha ga mísú-bétisimaa, na Helaa yisela'í'yaa. <sup>6</sup> Helii yisela'í'yii yiima, Kooh yoosukdfinndi ga dookkuu bi dooyin koorohha ga Yéesu Kiristaa, yii mísalluuda. <sup>7</sup> Fodaama, ga kijofkaa ya teeþpuudsa, ya abohharuu bibo' bijúwi' ga fíkiici ee ya onndaruu kilaas ga kipeskaa leehoo taa' d'u yaakaa'da.

<sup>8</sup> Iñii yii wo'een wiwóorí', ee mi waarin fu tuuk ga tek, en danaa buwii gëmu ga Koohdfa, ba ëewruk ga kitum iñaa jofin. Iñaama jofin ee laakin jeriñ ga buwii.

<sup>9</sup> Wayee kaa aas ga wo'een-nookohcaa laakoo haf, kaa aas ga kikín-caasamunkaa ínohoo kileeh, kaa ñaroh ee kaa nookoh ga loo Waasii Móyiis. Iñcaama laakoo jeriñ ee ca laakoo solu. <sup>10</sup> Baa haydoh kihégískoh ga d'uuy buwumaa, ñaraari waas kíinoo bi ga waas kanak. Ya íissiinaa, kaalaari ga jaangaa. <sup>11</sup> Baa man fodaama, wóorattaa an ya deegin Waasii wukayohwii, ee ya d'uucuk ga kitum baakaaraa, ya yaa sañku' hafci.

### Tanjoh

<sup>12</sup> Mi hayyaa kiwosoh Artemas wala Tísík. Binaa ya le'aa, leenaa tumaa tóoh fu gaaw kihay fu dabpoo ga teeraa Níkópolís. En ki'ennaa, mi am ki'ennee daama binaa soosoosii aasaa. <sup>13</sup> Tumaa tóoh, fu amdoh Senaas, layohohaa, ya na Apoloos, en danaa ba ñakoo dara ga faawaagaba. <sup>14</sup> Buwii bok naruu ngëmda ban, ba guu'guulukat ga kitum yijófi', en danaa, sooliciigaruu wëñ kibítolahfa, d'u míncä kipay. Ee fodaama, kipeskaagaba laak jeriñ.

<sup>15</sup> Béeb buwii enu naroo diifa, bii këñí'taa ga. Këñíraa béeb filiimuncumgaruu boku naruu ngëm enu dumada. Mi yii kíim Kooh ya barkeellúu d'u béeþpúu.

# Kéyítfi Pool bín Fílemonđa Wo'eencii lègís Kéyítfiida

Kéyítfii fii Pool bídeefa filiici Fílemonj. Fa wo' ga loo kimat ga ngëm na ga loo ki'en ñaam. Fílemonj nak dëk teeraa Koloos ee ya enee bo' yilëekí'-teek daama. Ya súkúrukka iñaa Pool jangat ga loo Hewhewii winéwí'wiida, ya gëmmbawa, ee ga saasi, ya aassa ga kikerceen. Ya laakeera ñaamaa teeku Onesím. Onesím nak núppa; Kooh tummba ya hotohha na Pool lak yaama yaa ga kasu. Pool yéegallari Hewhewii winéwí' wii ga loo Yéesu Kiristaadfa. Fodaama, ya aassa ban ga kikerceen.

Kéyítfii fii nak Pool bínnada Fílemonj ya bayal Onesím. Ya ebilla Onesím kibaya na kihafci bi ga Fílemonj. Newee Fílemogaa ya tum ga Onesím iñaa nebpi bi ga sah ki'ap ndaga lak waas oninnika. Pool nak kíimmbari ga kékítfima ya abohoo Onesím fodii ñaamaa núp hen. Ya kíimmbari kitookki ga kaanci na keeñ wimóri' ndaga Onesím nari ba banak béeħba, ba bok ngém ee ba enin wiinoo ga Yéesu Kiristaa.

**Kéyítfi Pool bínl Fílemonda tíidoh anee:**

- 1 - Kẽñdoh (1-3)
  - 2 - Pool gérëmmba Kooh ga Fílemonj (4-7)
  - 3 - Pool nak Fílemonj yen aaw ga Onesím (8-22)
  - 4 - Tañkoh (23-25)

Këñdoh

<sup>1</sup> Mi Pool, mi yii mi lagu ga kasu ndaga lëgëyii Yéesu Kiristaada, mi na mbokkuu Tímotée, dí bëri bíndaa këyítfi fii, fu Fílemon, fu yii dí keeñukin ee fu taam narii ga lëgëyiida. <sup>2</sup> Dí bii këñi'taa, fu na ban mbokiigaruu yibetiyii, Apfíyaa, na Arkíp yii taam naruu ga lebirii kituuki' ngëmiida, na ban buwum gëmin ga Yéesu ee hídírukohsi ga kaanfuda. <sup>3</sup> Mi yii kíim Kooh, Paamudiigaruu, ya na Yéesu Kiristaa, Ha'mudii, ba barkeellúu, ba onndúu jam.

## *Pool gérém Kooh ga Filemon*

<sup>4</sup> Saycaa mi kíim Kooh tóoh, helloo ka' garaa ee mi gérëmi Koohyii mi jaamukida.  
<sup>5</sup> En ki'enaa, mi kelohin ngëmii fu laak ga Yéesu, Ha'mudiida na dii fu hín kiwaa' buwii en buu Koohda. <sup>6</sup> Mi yii kíim Kooh, kibokkii fu bok naríi ngëmda laak jeriñ, en danaa ka onndaa kiwëñ ki'ínoh iñaa yijófí'yaa en tóoh du míñ kitumi' Kiristaada.  
<sup>7</sup> Mbokii, en ki'enaa, kiwaa'kii fu waa' buwiida soosin keeñnjoo lool ee dëldin helloo ndaga dii fu yii daas keeñcii buwii en buu Koohda.

*Pool nak Fílemon yen, aaw ga Onesím*

<sup>8</sup> Kérí tah, laakin iñaa mi waa' fu tumi'too. Ee hídaa ga dii Kiristaanii oninndoo kimínndaa ki'ebil fu tummbida tóoh, <sup>9</sup> mi kíimanndaa hen, ndaga kiwaarohkii en ga díkaantiruufa. Mi tumka, mi Pool, mi gu'gi'in ee mi yii lagussa ga kasu ndaga kilégéyi' Yéesu Kiristaada. <sup>10</sup> Mi kíimmbaa ndaga Onesím\*, yii mi am fodii kowuroo, ee mi en paamci ga ngémii aboh dii ga kasii mi lagohudfa. <sup>11</sup> Kudewaa, ya laakdéeriíraa jeriñ, wayee diimada, ya hayyaa kilaaki' jeriñ lool fodii ya laaki'too jeriñda.

<sup>12</sup> Ya ga kihafci, mi yii boykidohhi garaa, wayee man na mi boykidoh keeñiigoo sah-sah. <sup>13</sup> Mi waareerari kitéhdoh dii, ga yahaaroo, ya amfohiroo ga lëqëyaa fu

\* **1:10** 10 Onesím enee ñaam Fílemonj. Ya rëcca bes, ka'ta. Heyna, ya daanee Pool kiwaaknee ga kasu. Teekaa «Onesím» waa' kiwo' «jeriñ». Mëdïrohat na 1: 11

jomee kitumda, waa mi yii lagussa ga kasu ndaga kiyéegaloh Hewhewii winéwí'wii.  
<sup>14</sup> Wayee mi waa'tii kitum dara ee fu taammbii ga, doonaa, iñii yijóff'yii fu tumdannoodaa enoo gítín garaa, wayee wa en iñaa newanndaa hen.

<sup>15</sup> Heyna sah, Onesím hégísohu naraa iñaa maañjii, doonaa binaa ya boyukis garaanaa, dú en bi taa'. <sup>16</sup> Ee ya ensisoo fodii ñaam, wayee ya en iñaa gën kiñaam fúuf: ya yah mbok-kerceenaa béeb keeñukin. Mi ga kihaffoo, ya en iñaama garoona, wëñaa ga fu yuma, ndaga ya yuufu ee ya mbokfu ga ngëmii dū laak ga Ha'mudiida.

<sup>17</sup> Kon en an fu abinndoo filiifunaa, tookaari ga kaanfu dijóff' fodii enee minaa.

<sup>18</sup> Ee ban, en an ya tooñinndaa wala ya baydfinndaa kobotaa, namaaroo kitaabuk.

<sup>19</sup> Mi Pool, mi yérí bínnadaa iñuma na yahhoo an: «Mi yérí yahhaa kifay.» Enndii an mi waa'taa kiníindís an fu baydfinndoo kobot ban, ennda fu ga kihaffu. <sup>20</sup> Ee, mbok, dímalaaaroo ga iñaama ndaga Ha'mudii dū bokohða ee fu dëlí' helloo ndaga dii dū en wiinoo na Kiristaaniida.

<sup>21</sup> Ga dii mi enndaa na kibínda, mi laakin yaakaa' an fu hay kitum iñii mi kíimmbaadsa. Fu hay kitum sah iñaa paaf iñii mi kíimmbaadsa. <sup>22</sup> Ee ban waayukðaaroо daa mi dëkan. En ki'ennaa, mi abin yaakaa' an mi hayyúu ki'íku ndaga Kooh kelohin iñcii dū kíimi'tooda.

### *Tajkoh*

<sup>23</sup> Epafaraas, yii mi bok nari kilagu ga kasii ndaga lëgëyii Yéesu Kiristaada, yii këñí'túu ga. <sup>24</sup> Marka na Arístarka na Demaas na Lükkaa, bii taam naroo ga lëgëyiida, bii këñí'taa ga ban.

<sup>25</sup> Mi yii kíim Yéesu Kiristaa, Ha'mudiigaruu, barkeellúu.

## Këyítfii bídu Yaawúu'caada Wo'eencii lëgís Këyítfiida

Këyítfii fii bídu biyaawúu' baa gëmu ga Yéesu Kiristaa. Bii bínfada ken ínohoori. En ki'enaa ya ínohin dijofí' Bíncii cisela'i'cii, ndaga ya kooroh gaca kiteebba kayohfii. Waama lak yaawúu'ciima hatalsee ga kipes hen bi ba waa' kifoñ ngëmaagaba, iñaama tah bii yii bíndaba këyítfii fii kidaasba, ba am bi yégis ga ngëmaagaba ee ba soofoo fenoo ga.

Ga jamaanaa caasamuncaa, Kooh pokoh kifiliimun na yaawúu'caa. Ya wo'eeba an binaa bo' tum baakaaraa, ya sarahat en danaa Kooh bayalli. Këyítfii fii teewoh an kifiliimunkii ki'askii Kooh aboh na buwii gëm ga Kowukiigarida paafin kudewaakaa. Iñii Yéesu Kiristaa tumi' buwiida wëñ kiyak iñaa malaakacaa, yaa Móyiis, yaa Aaron, na yaa Yosuwéé tumdeeßada. Yéesu Kiristaa yérí en kubaal-sarahkii Kooh apu kinís baakaa'cii buwiida. Kon baa gëm garinaa soolukissii kitum sarah júu' kibayaluk baakaa', Kooh hayyi kibayal.

### **Këyítfii bídu yaawúu'caada tíidoh anee:**

- 1 - Kooh wo'in kooroh ga kowukaagari (1: 1-3)
- 2 - Yéesu paafin malaakacii (1: 4-2: 18)
- 3 - Yéesu paafin Móyiis (3: 1-4: 13)
- 4 - Yéesu yérí en sarahohii yiyaakyii paafin béeßda (4: 14-7: 28)
- 5 - Kifiliimunkii ki'askii na kudewaakii (8: 1-9: 22)
- 6 - Sarahii méeñjoh kilaakda: Kiristaanii erohin hafci (9: 23-10: 31)
- 7 - Ngëmaa buwaa múus laakeeda (11: 1-40)
- 8 - Kiguu'guuluk ga ngëmii (12: 1-13: 19)
- 9 - Taŋkoh na kíim-Koohii méeñjohda (13: 20-25)

### *Kooh wo'in, kooroh ga Kowukiigari*

<sup>1</sup> Kudewaa, Kooh wo'a na bicaasammbuu waas ciyewin na ga badukeen ciyewin, caa bokkii kiman, koorohha ga sëldíigacaagari. <sup>2</sup> Ee ga jamaanuciima méeñjohda, Kooh wo'in naruu koorohha ga Kowuki. Ya erinka kilam iñaa en tóoh, ee kooroh gari ya sakka eldúna na tóoh iñcii en gada. <sup>3</sup> Ka kérí en meliclaatii ndamii Kooh ee ka kérí teewoh dii ya man kayoh-kayohda. Kérí tíidi' iñaa en tóoh kooroh ga wo'eeniigari wiléekí'-dooliwii. Ya séti'ta buwii ga baakaa'caagaba, lëehí'ta ya yuŋnga ga asamaan, hanohha yah-ñaabaa Kooh yii míñ ga tóohda.

### *Kowuki Kooh paafin malaakacii*

<sup>4</sup> Kooh tumin, Kowukiigari paafin malaakacii, kérí tah, ya e'taka teek waa wëñ kiyak teekciigaba. <sup>5</sup> En ki'enaa, Kooh mosoo kiwo' yíinoo ga malaakacii an: «Fu, fu en kowukiigoo, wati mi en Paapu», Ya mosoo kiwo' ban yíinoo gaba an: «Mi yah Paamun gari, ya en kowu garoo»<sup>6</sup>. <sup>6</sup> Ee ban, wii Kooh wos eldúna Kowukiigari en saawda, ya wo'ee an: «Béeß malaakacii Kooh jaamukatti» <sup>7</sup> Ga iñaa aaw ga malaakacii, bíduunun ga Këyítfii an:

«Ya tumin malaakaciigari, ba man na uuris,  
súrgaciigari, ba man na kiwii.»

<sup>8</sup> Wayee ga loo Kowuki, ya wo' an:  
«Ban-buuriigaraa, fu Kooh, yah bi taa'  
nguuriigaraa, fu tíindiwa ga iñaa júwin.

<sup>6</sup> 1:5 1: 5 Kañcaa 2: 7; 2 Samiyeel 7: 14.

<sup>9</sup> Fu warin yijúwí', fu sagin iñaa koo'tii waas.

Kérí tah fu Kooh, Koohyiigaraa leefinndaa dúuleen ga haf kifalla, fu en buu'. Iñaama teewoh an, ga béeb buwii fu taabi nabada, fu wëñnji kinebloh.»

<sup>10</sup> Ya wo'in ban an:

«Fu Ha'mudii, fu yérí sak kakayfii ga dalaaraa ee asamaanii fu hëwí'wa na yahfu.

<sup>11</sup> Iñcumá hay kipaaf

ee fu yah bi taa'.

Kakayfii na asamaanii hay kiñamuk fodii kúltífaa rapin.

<sup>12</sup> Fu hayca kipon fodii baa pon kúltí;

ca hay kisúpítuk fodii kúltífaa líiwin,

wayee fu, fu yah ya ya.»

<sup>13</sup> Kooh mossoo kiwo' malaaka yíinoo an:

«Hay, yugaa dii fu hanoh yah-ñaabiigoo

bi ga daa mi tuman buwii sagoh naraadsa ditogaa' kotfu.»<sup>☆</sup>

<sup>14</sup> Béeb malaakacii, ba en rek hel, caa lëgëyi' Kooh ee ya wosba ki'amsoh buwii jom kilaas kimúckiida.

## 2

### *Kimúckii kiyaakkii Ha'mudii yéegalohda*

<sup>1</sup> Waa enin fodaama, du jomin kiwëñ kinjoooy ga Wo'eenii du jégíruda, en danaa, ken aawoo ègíraa. <sup>2</sup> En ki'enaa, Wo'eenaa malaakacaa yéegalee bicaasammbuuda laakka ee béeb baa deegeerawa wala kelohdéríwa, Kooh ko'tari. <sup>3</sup> Kon du bii du kelohin kimúckaa hín na kiima kiyakfa, binaa du ammbiika bi yégísa, du tuman na bi Kooh korooru. En ki'enaa, Ha'mudii ga kihafci yérí deb kiyéegaloh kimúckiima, tikka buwaa keloh kafa onussaruu ki'ínoh an kayoh. <sup>4</sup> Kooh koorohha ga mandarga ciyewin, enaama cidóoyí'-waa', kíntaan caa bokkii, ee ca teewoh doolaagari, ya warohhaba daa neþpi iñcii Helii yisela'í'yii onohida, ya teewohha fodaama an ba wo' kayoh.

### *Yéesu Kiristaa paafin malaakacii*

<sup>5</sup> En ki'enaa, enndii malaakacii bérí Kooh on kilaak dooli ga dook èldúnani en na kihay, dí wo' gawada. <sup>6</sup> Laakin daa bídu ga Kéyítfaa an:

«Éey Kooh, bo'-súusúus nam ya ki'en bi fu foñi hel gari?

Bo'-súusúus nam ya ki'en bi fu malaki hasfu gari?

<sup>7</sup> Fu yóoskí'tari ya hanoh fíldoo malaakacii,

ee maañnjii fu onndari fodii baa tíku baanu-buu' kilaak ndam na teek.

<sup>8</sup> Fu oninndi kitík kot ga dook iñaa en tóoh.»

Ga dii dí wo' an: laakoo dara iñaa tes Kooh onndiiri kinguuruk gada. Bi diima, dí hottii duum ga daa bo' nguuruk ga dook iñaa en tóoh. <sup>9</sup> Wayee, du hotin an Yéesu yóoskírussa, ya hanohha fíldoo malaakacii ee maañnjii, en danaa, ga yérmaandaa Kooh, ya kaani' béeb buwii. Ee du hotin diimada an Kooh oninndi ndam na cée' wiyaak ndaga kikaankaa ya dayfa. <sup>10</sup> En ki'enaa, Kooh yii sak iñaa en tóoh ee yérí am iñaa en tóohda waaree kihaydoh towuci tiyewin, ta bok nari ga ndamaagari. Fodaama bii jomba kilégisi' halii kimúckiida, ya ammba ki'onndi kimat, kooroh ga coonucaa ya dayanda. <sup>11</sup> Yéesu, yii on buwii kiset ga baakaa'ciigabada, ya na buwii ya on kiset ga baakaa'da, bérí bok paamun yíinoo. Kérí tah enndii kaci gari ya bayiba bimbokci. <sup>12</sup> Ee ya wo''a an:

«Kooh, mi hay kiyéegaloh teekiigaraa ga béeb mbokciigoo.

<sup>☆</sup> 1:13 1: 13 Kañcaa 110: 1.

Mi hayyaa kikañ ga leeloo mbooloomii buwii jaamukkaada.»

<sup>13</sup> Ya wo'issa ban an:

«Mi, mi óolukan Kooh ga tóoh.»

Ya wo'issa an:

«Mi yeema na oomaacii Kooh onndoofa.»

<sup>14</sup> Oomaaciima, waa ba bibo', Yéesu hayya, tummba hafci bo' fodaa gaba. En danaa, kooroh ga kikaankaagarinnaa, ya dúbí' Seytaani, yii bay doolii kikaankii tíkukeebada.

<sup>15</sup> Fodaama, buwaama, ga kipesba tóohka ba madee na ba abu ñaam, ndaga kiniik kikaankiida, ya bëgíssaba. <sup>16</sup> En ki'enaa, wéerin an enndii malaakacii bëri ya hay ki'amföh, wayee ya hay ki'amföh tucaasamuntii Abaraham. <sup>17</sup> Kéri tah, ya jommba kiman na mbokciigari ga tóoh. En danaa, ya en sarahohii Kooh yiyaakyii laakin yérmaandi ee tookdfinndisa, doonaa, ya bayal buwii en buucida baakaa'ciigaba.

<sup>18</sup> Waa ya ga kihafci, ya dayeera coonu ga wii ya firuda, ya mínin ki'amföh kimma buwii en na kifíruda.

### 3

#### *Yéesu paafin Móyíis*

<sup>1</sup> Kéri tah, dú buwii en buu Koohdfa, dú bii Kooh tanukdfa, malakat ga Yéesu yii du gém an Kooh yérí wossi ee yérí en sarahohii yiyaakyiida. <sup>2</sup> En ki'enaa, ya tookdeera Kooh yii tanukeeri kitum lëgëyaamada fodaa Móyíis tookdeeri, ya tummba lëgëyaagari bi matta ga duuy bëeb buwaa Kooh wo' bu-kaancida. <sup>3</sup> Baa tawah kaan, yérí wëni ki'onu cee' kaanfaa ya tawahdfa. Iñaama tah Yéesu yérí cal ki'e' ndam waa wëñ waa Móyíis eruda. <sup>4</sup> En ki'enaa, kaanfaa en tóoh, laak baa tawahfa. Ee Kooh yérí tawah iñaa en tóoh. <sup>5</sup> Móyíis ga kihafci enee baa kelohdfuseera ga duuy bëeb buwaa Kooh wo' bu-kaancida, ya enee súrga rek, yaa sasu kile'doh ga buwaa iñaa Kooh yah kiwo' fayuu'da. <sup>6</sup> Kiristaanii nak tookdfin Kooh, ya yii ya en Kowukii kuliyukdu ga fíkií buwaa Kooh wo' bu-kaancida. Du, du bëri enan heetiima binaa du am ga iñii du óolukdfa ee du ndamukohi iñii du yaakaa'fanaa.

#### *Íikaraa Kooh yah ki'on buwii gëminda*

<sup>7</sup> Kéri tah, fodaa Helii yisela'íyii wo'da an: «Wati, binaa dú keloh koonaakii Koohaa, <sup>8</sup> kaa lagat keeñnjúu fodaa bicaasammbúu tumeeka ga ègí'-dúndagaada: ba baa ña'sukoh, ba baa malaksukohhi.» <sup>9</sup> Kooh wo'"a an: Daama, bicaasammbúu baa tooñnjoo, ba waareeroo kimalaksukoh, hídaa ga daa ba hoteera iñcaa mi tumee, <sup>10</sup> bi ennda tíkíis tidaanjkaah-nikiisfa. Iñaama tah mi aylukkaba, mi wo'"a an helciigaba dëk ga kinaan, ba ínohhoo daa mi waa' ba éewrukda. <sup>11</sup> Mi waatta, lak mi aylukin, an: Ba aasoo mûk daa mi onanba ki'íkarukdfa.

<sup>12</sup> Mbok-kerceencii, watukat bi yíinoo garúu laakoo keeñ wibóní' bi tah ya gëmoo, ya súugúruk Kooh yii laak kipesda. <sup>13</sup> Wayee baa en bëeb namat kidaas mooroomci besaa en tóoh, waa bi wati wo'eenii «Wati» wo'ufa, wa wii lís kiwo'u, en danaa ken lagoo keeñjaagari, baakaa' wëñnji dooli. <sup>14</sup> En ki'enaa, du bokan kitaam na Kiristaanii, en an du abin bi yëgísin ga yaakaariima du laakee ga dalaaraada bi ga siñdaanaanaa. <sup>15</sup> Bídu ga Kéyítfaa an:

«Wati, binaa dú keloh koonaakii Koohaa, kaa lagat keeñnjúu fodaa bicaasammbúu tumeeka, ba baa ña'sukoh, ba baa malaksukohhida.»

<sup>16</sup> En ki'enaa, buwii biida bëri kelohée wo'eenaa Kooh ee ba baa ña'sukoh fodaama? Man enee bëeb buwaa Móyíis meydohee kúlkaa Esíptida! <sup>17</sup> Buwii biida bëri Kooh aylukee bi ennda tíkíis tidaanjkaah-nikiis? Man enee buwaa tumee baakaa' ee faraafcaagaba keennda ga ègí'-dúndagaada. <sup>18</sup> Buwii biida bëri Kooh wo'ee naba an ba aasoo mûk daa ya onanba ki'íkaruk? Man enee buwaa sageeri kikelohi'da!

<sup>19</sup> En ki' enaa, du hotin an fa mínnndii ki'aas ga kúlkaa Kooh waayukdeebadfa, ndaga ba sagee kigëm hen.

## 4

<sup>1</sup> Kooh díginnduu ki'aas daa ya onannduu ki'iikaruk. Waa dígaama lís bi wati, kon du watukat bi yíinoo garuu aboo an ya tesin ga fenoo. <sup>2</sup> Wo'eenii Kooh yéegalsee buwaa enee ga ëgí'-dúndagaadfa, du ban du yéegalununwa. Wa laaki'tiiba jeriñ ndaga ba kelohhawa ee ba te"iwa na ngëm. <sup>3</sup> Du bii du gëmindä, du hay ki'aas ga daa ya onannduu ki'iikarukdfa. Ga loo iikaraama, Kooh wo'ee an: «Mi waatta lak mi aylukin an: "Ba aasoo mûk daa mi onanba ki'iikarukdfa!"»

Íikaraa Kooh wo' waama, ya maañinwa kituuki' ga wii lëgëyaagari mat ga waa ya sak èldúnada. <sup>4</sup> En ki' enaa, ga loo iñaama, laakin daa ka bídu ga Kéyítfaa an: «Ga besaa wu-yitnakanakwaa, Kooh iikarukka ga tóoh lëgëyaagari.» <sup>5</sup> Kooh wo'sin daama ban an: «Ba aasoo mûk daa mi onanba ki'iikaruk.» <sup>6</sup> Buwaa dewee kikeloh Wo'eenii Koohdfa, ba aassii da ndaga ba te"iwa na ngëm. Wayee bi wati, laakin buwaa hay aasu daama. <sup>7</sup> Tíkiis tiyewin tikka ga, Kooh abissa bes wiliis, ya teekkawa «Wati»; ya koorohhaka ga kúuw Dëwít, fodaa ka dewin kiwo'uda an: «Wati, binaa dû keloh koonaakii Koohaa kaa lagat keeñnjúu.»

<sup>8</sup> Enee an Yosúwée onin bicaasammbuu ki'aas ga fíikaraa, eneenaa Kooh wo'sissoo, ga fenoogaa, iñaa aaw ga loo bes wiliis. <sup>9</sup> Kon nak laakin íika', waa faandu heetii en wuuci, waa man na waa ya iikarukee ga besaa wu-yitnakanakwaada. <sup>10</sup> En ki' enaa, baa aas ga daa Kooh onanndi ki'iikaruk, ya ban, ya hay ki'iikaruk ga lëgëyaagari fodaa daa Kooh iikarukee ga waagarida. <sup>11</sup> Kon, du díibukat ki'aas daama; yíinoo garuu hanat kikeen ndaga kisaj kikelohi' Kooh fodaa bicaasammbuu tumeeka ga ëgí'-dúndagaada. <sup>12</sup> En ki' enaa, Wo'eenii Kooh wii pes ee wa laakin dooli. Wa wérí wëñ kikaañ kalab faa bakcaa kanakcaa kaañin. Wa aasi ga d'uuuycuu bi ga daa wëñ kihuutda, wa le'nee bi ga fitii, helii, têpiscii na fabuuyfii. Wa míniñ kimeydoh fanj iñaa bo' halaat na iñaa bo' am kitum ga keeñci. <sup>13</sup> Laakoo dara iñaa saku daakuk ga fíkii Kooh. Ya ga kihafci ya hoti ga iñaa en tóoh ee du béebspuu du hay kituuk ga fíkici, du taas ga iñcii du tumidfa.

### *Yéesu yérí en sarahohii yiyaakyii paafin béebsfa*

<sup>14</sup> En ki' enaa, du laakin sarahoh yiyaak, yaa paafin béebs, ya karin bi tuukin ga fíkii Kooh ee Yéesu Kowukii Kooh yérí en sarahohiima. Kon du abat bi yégís ga iñiima en kayoh du gëm gawada. <sup>15</sup> Sarahohii yiyaakyii du laakdfa míniñ naruu kibok ga d'uuuy kilaakoo-doolikiigaruada, ndaga fodii du fí'sida, ya ga kihafci, ya fí'seera ga bakaa en tóoh, wayee ya tummbii baakaa'. <sup>16</sup> Kon, du deeyat na hel widél' ga banj-buuri Kooh, dii kijof enohdfa, en d'anaa du laas ga yérmaandiigari na kijofkiigari, ee ya amdohhuu saycaa du sooluk tóoh.

## 5

<sup>1</sup> En ki' enaa, sarahoh yiyaak yaa en béebs tansi ga d'uuuy buwaa ee ya bewu ki'eni'ba súrgaa Kooh, yaa enan ga díkaanti buwaa na Kooh. Yérí laak lëgëy kifaan ga fíkii Kooh iñcaa buwaa onohida na ban kitum sarah kibayaluk baakaa'caagaba. <sup>2</sup> Waa ya ga kihafci ya míñ kikeen ga baakaa', ndaga ya bo'-súusúus kesi, ya ínohin dijóff' iñaa dal buwaa bíinoo keeni ga baakaa' ee ki'ínohoo tahkada. <sup>3</sup> Waa ya ga kihafci ya keenin ga baakaa', ya jomin kitum sarah kibayaluk baakaa'caagari fodaa ya tumika kibayaluk baakaa'caa heetaada.

<sup>4</sup> Ken mínoo ki'on hafci cée' ki'en sarahoh; Kooh doj yérí oni bo' wa, fodaa ka enee ga Aaronda. <sup>5</sup> Fodaama, Kiristaanii enndii yérí on hafci céeraama ki'en sarahoh yiyaak, wayee Kooh yérí onndika ga waa ya wo'i an: «Fu, fu en kowukiigoo, wati

mi en Paapu.» <sup>6</sup> Ya wo'issa diliis ban an: «Fu, fu yah sarahoh bi taa' ga lagaa Melkisedek.» <sup>7</sup> Ga wii ya pes ga ēldúnada, Yéesu enee ga kíimi Kooh, dímalukiri taam na tifiip na moon, ya kíimi Kooh yii míneeri kimúsal ga kikaanda. Kooh nak tummba iñaa ya kíimda ndaga daa ya kelohdeerida. <sup>8</sup> Hídaa ga daa ya en Kowu Koohda tóoh, ya yoonnda kitooki'ti kooroh ga coonucaa ga daydfa. <sup>9</sup> Ga waa ya mëti'ta fodaama, ya ennda baa kimúckii leehoo taa'da meyohan gari, ka yoosuk ga béeþ buwii kelohi'tida. <sup>10</sup> Fodaama Kooh tummbari sarahohii yiyaakyii ga lagaa Melkisedek.

### *Kofeelkii ga kifoñ ngëmda*

<sup>11</sup> En ga loo iñamanaa, yewinin iñaa dí jom ga kiwo'. Wayee kilóogísohi'túuwa enndii iñaa yoob ndaga dú enndii buwaa gaawin ki'am iñaa dú wo'u. <sup>12</sup> Dú laakeeraa jot widóoyí' ki'en buwaa jégírohan wati, ee bi wati dú lís kisooluk baa yóodíranndúu iñcii dëbsi kijégíroh ga loo Koohda. Dú jomee wati kiñam ñamahaa tígın ga look, wayee dú lís kisooluk miis, maa dú bapan. <sup>13</sup> Baa bapi miis lís oomaa, ya laakoo hel ki'ínohsoh iñaa júwin na yaa júþpii. <sup>14</sup> Ñamah witígí' nak wuu yaakcii, ba bii ba núusohdin helba ga ki'ínohsoh iñaa jofin na yaa joffii.

## 6

<sup>1</sup> Kéri tah, du hanat kiméeñi' haffu ga iñcii dëbsi kijégírohu ga loo Kiristaaniida. Du namat ki'ëewruk ga cii yaak jom kijégírudá, du watuk kiboyukis ga cii dëbsi kijégírohudá fodii: loo ki'fis tumeencii ëewdoh bo' ga kikaanda, loo kigëm ga Kooh; <sup>2</sup> kijégírohkii ga loo bëtisi', loo kitík buwii yah ga haf, loo kimilískaa Yéesu ga buwaa kaaninda na loo atti'aa mëeñjohda. <sup>3</sup> Kon du ëewrukát ga iñcii yaak jom kijégírudá, Kooh onnduuukanaa.

<sup>4-6</sup> En ki'ñaa, buwii mosin kilaas ga lee'laatii Koohda, ba yoohin ga iñcii cijóffí'cií meyoh asamaanda, ba laakin doolaa Helaa yisela'í'ya, ba yéegin ga keeñba neblaatii Wo'eenii Kooh, na ban doolaa ēldúnaanii en na kihayda, ee hoonohhii ba boykisin ga kipeskaagaba kibóní'kaada, laakkissii iñaa bo' míñ kitum kinookba bi ba súpit kipeskaagaba. Buwaama man fodaama, ba daaysin Yéesu ga kuraanaa, ba baslukinndi ga fíkii béeþ.

<sup>7</sup> Binaa kakay ëní' ga tobcaa tíkísukohi kikeen ga dlookfadá, fa paal iñcaa laakdin buwaa línfada jeriñaa, Kooh barkeelfa. <sup>8</sup> Wayee binaa fa paal lúp na ñaawaawaa, fa laakoo jeriñ, fa aaw ga kicoju ee fa mëeñjohan ga kitékíru.

<sup>9</sup> Wayee nak mbokcii, dú bii dí keeñukinda, luu dí wo'ee foduma, wóorinnídí an dú bii taabuk waasii wijóffí'wii aaw ga kimúcdá. <sup>10</sup> Kooh enndii baa júþpii; ya mínoo ki'aluk iñcaa dú tumdeeri na kiwaarohkaa dú teeweeri, ga daa dú amdohee buwii en buucida; ee dú lísca kitum bi watida. <sup>11</sup> Dí nak, dí waa' baa en béeþ garúu teewoh kikaantukoh, kaa man fodaama bi ga siñdaanaa. En danaa, iñii dú yaakaa'da laak bi mat sëk. <sup>12</sup> Kon, kaa enat sagoh-coonu, wayee taabat ga kotcii buwii guu'guuluk taam na ngëmda, ndaga ba bérí yah kilam iñcii Kooh dígoħda.

### *Iñii Kooh dígoħda wóorin*

<sup>13</sup> Wii Kooh díj Abaraham ee ya laakkii baa ya waatan gari wëñnji kiyakda, ya waatta ga hafci, ya wo'a an:

<sup>14</sup> «Mi hay kitum, fu barkeelan kibarkeel  
ee tucaasamuntaagaraa yewinan kiyewin.»

<sup>15</sup> Fodaama Abaraham yuñnga yaa sek bi ya laassa iñaa Kooh dígeerida. <sup>16</sup> Binaa buwii ba en na kiwaataa, ba waati ga baa wëñba kiyak; ee fodaama ba ayuki ga wóo'laataa baa ba waatuk garida, kiléehí' wo'eenaa. <sup>17</sup> Kooh nak waaree kiteeb buwii jom kilam iñcii ya dígoħda an ya soofoo fenoo ga iñaa ya am kitum, kéri tah ya waatta ga hafci. <sup>18</sup> Fodaama iñaa Kooh dígoħ yaama na waataa ya waat ga hafcidá

enin enaama kanak caa teewoh an mínoo ki'en Kooh wo' iñaa enndii kayoh. Iñcaama en garuu iñaa baatannduu kidaas du bii du foñin tóohdfa ee du abin bi yégisin ga iñcii du yaakaa' kilaasca. <sup>19</sup> Yaakaariima wérí en jípii fitciigaruu ayukohdfa: wa wóorin ee wa yégisin. Wa oninnduu kipaaf rídóonaa kún dékataa wëñ kisela'da ee du le' bi ga daa Kooh enohdfa. <sup>20</sup> Dekataama, Yéesu kuliyukkuu da ee haffuu tahhi da ki'aas. Ya enin sarahohii yiyaakyii yah bi taa'da, ga lagaa Melkisedek.

## 7

*Melkisedek, buuraa, sarahohaa*

<sup>1</sup> Melkisedek yaama enee buuraa Saleem, ya ennda ban sarahohaa yiyaakyaa Kooh yii ga dookaa-dookdfa. Wii Abaraham meyoh ga heñaa ya kaalee buu'caada, Melkisedek ka'ta kitéebílukki, barkeellari<sup>21</sup>. <sup>2</sup> Ya yérí Abaraham eree ban komaa wudaanjkaahwaa ga béeb iñcaa ya bewohee ga heñaada. Teekii Melkisedek waa' kiwo': «Buurii tíidi yijúwi'.» Baatta ga ya ennda buurii Saleem ee wérí en: «Buurii tíidi jam». <sup>3</sup> Melkisedek yiima ken ínohi'tiiri eewun, wala paamun, wala caasamun. Ken ínohoo dara ga loo kilímukci wala loo kikaanci. Ya mëdírohu na Kowukii Kooh ee ya en sarahoh bi taa'.

<sup>4</sup> Malakat baamaa, daa ya hídee kilaak teek ga duuy buwiidfa. Abaraham, caasammbuu, e'tari komaa wudaanjkaahwaa ga iñaa wëñ kijof ya te'ee ga buwaa ya heñohee nabada. <sup>5</sup> Buwaan enu sarahoh ga tucaasamuntaa Léwídfa, Waasaa Móyiis oneeraba kimeekisoh komaa wudaanjkaahwaa ga béeb iñaa bu-Isarayeel laakdfa. Ba meekiseewa mbokcaagaba, ee moona mbokcaama tucaasamun Abaraham ban. <sup>6</sup> Melkisedek nak enéerí kucaasamun Léwí, wayee hoonohhii ya laassa bakaa wudaanjkaahwaa ga iñaa Abaraham bewohee ga heñaada. Wëñaa ga, ya barkeella baa yaama laasee iñcaa Kooh dígoheeda. <sup>7</sup> Wóorin an bii barkeeldä yérí wëñ kiyak bii barkeeluda. <sup>8</sup> Buwiima enu tucaasamun Léwí, ee ba laasi bakaa wudaanjkaahwaa ga buwaadfa, ba bibo' baa aaw ga kikaan. Melkisedek nak Kéyítfi wo' an ya yii pes. <sup>9</sup> Bo' mínin kiwo' ban an, Léwí, ya yii, tucaasamuntaagari tii laas bak wudaanjkaahdfa, ya ga kihafci sah, ya erin Melkisedek bak wudaanjkaah, kooroh ga Abaraham. <sup>10</sup> En ki'ena, wii Melkisedek téebíluk Abarahamdfa, lakanaa Léwí límussii duum, wayee ya lísee ga geñaa Abaraham.

*Yéesu, sarahoh yiyaak fodaa Melkisedek*

<sup>11</sup> Légéy sarahohaa bu-kaan Léwí ba tumee ga lagaa Aaronda, Waasii Móyiis wérí ebiloheewa kitum. Enee an légéy-sarahohaama míneera buwaa ki'on kimat ga fíkií Koohaa, eneenaa soolukan ya sarahoh yiliis, yaa manndii na sarahohcaama, falu ga lagaa Melkisedek? <sup>12</sup> En ki'ena, binaa ki'en-sarahohkaa lofirunaa, Waasaa ban jomin kilofiru. <sup>13</sup> Ee Ha'mudiigaruu, yii wo'eencii ciima wo' ga loocida, bokee ga níil wiliis waa, yíinoo ga buwaa bok ga níilaamadfa, mosoo kitum légéy-sarahoh. <sup>14</sup> En ki'ena, baa en béeb ínohin an Ha'mudiigaruu bok ga níilaa Yúdaa, ee Móyiis mosoo kiwo' loo légéy-sarahoh waa aaw ga níilaama.

<sup>15</sup> Iñii yii yérí baat kiléeri' tóoh: sarahoh yiliis hayin, yaa man na Melkisedek, <sup>16</sup> ee ya falussii sarahoh, koorohha ga kilamkaa ga lagaa Léwí fodaa Waasaa Móyiis nakoheekada, wayee ya falu, ayuk ga doolaa kipeskaa dara mínooka kiyasohdfa. <sup>17</sup> En ki'ena, seedi'uunun gari an:

«Fu, fu yah sarahoh bi taa' fodaa Melkisedek.»

<sup>18</sup> Fodaama, iñaa enee kudfewaada foñussa ndaga wa laakéerí dooli ee wa jeriñséerí dara. <sup>19</sup> En ki'ena, Waasii Móyiis mínoo ki'on ken kijúb ga fíkií Kooh, kérí tah du haydohdfussa yaakaa' wiliis waa gën ee wérí onannduu kideey ga Kooh.

<sup>21</sup> 7:1 7: 1 Malkat Sënees 14: 17-20.

### *Kiristaanii, sarahohii yah bi taa'da.*

<sup>20</sup> Wëñaa ga, ga waa Kooh fal Yéesu sarahohdса, ya waateera ga iñaama, wayee sarahohcaa bíinoo faluunun ee ya tummbii fodaama. <sup>21</sup> En ki'ena, Kooh waatee hen, wo"ari an:

«Mi Ha'mudii, mi waatukin,  
ee mi soofanndii fenoo ga:  
fu, fu yah sarahoh bi taa'.»

<sup>22</sup> Ga iñaama, Yéesu enin baa tuuki' kifiliimunkii gën ga buwii ga díkaantiba na Koohdса.

<sup>23</sup> Baatta ga, buwaa falsee sarahohdса kudewaada yewineera, ndaga kikaan onéeríiba kites bi taa'. <sup>24</sup> Yéesu nak, waa ya pesan bi taa', ya enan sarahoh bi taa' ban.

<sup>25</sup> Kérí tah, ya mínin kimúsal waas kíinoo, leeh tak, buwii kooroh gari, ba deeyca ga Koohdса, ndaga ya yii pes bi taa' kikíimi'ba Kooh.

<sup>26</sup> Yéesu yérí en sarahohii gën garuuda: ya sela'in, ya ínohoo kitum yibóni', ya laakoo baakaa', ya hégísohussa na tumoh-baakaa'caa, ya bëwírussa ga dookaa-dook asamaan. <sup>27</sup> Ya manndii na sarahohcii biyaakbii bíinoo, ya soolukkii kitum sarah saycaa en tóoh fodii gaba kibayaluk baakaa'caagari na ban caa mbooloomaa. En ki'ena ya tumin sarah waas kíinoo kibayaluk baakaa'cií buwii ee bi taa' ga wii ya eroh kumuunkaagarida. <sup>28</sup> Waasii Móyíis, bibo' kesi baa mínin kikeen ga baakaa' bëri wa falee bisarahoh biyaak. Wayee wo'eenii\* Kooh waatuk, hay ga fenoo Waasii Móyíisda, Kowukiigari matin ga tóohda kérí wa fal sarahoh yiyaak ee bi taa'.

## 8

### *Kifiliimunkii ki'askii na kudewaakii*

<sup>1</sup> Iñii yii yérí wëñ kilaak solu ga iñii dí en na kiwo'da: Du laakin sarahoh yiyaak, yaa yugin ga asamaan, hanoh bañ-buuraa Kooh yii míñ ga tóohdса yah-ñaam. <sup>2</sup> Ya yérí tumi lëgëy-sarahoh ga dekataama wisela'i'waa en ga taalii\* wukayohwiida. Taaliima, bo'-súusúus yíppiwa, Ha'mudii yérí yípwa. <sup>3</sup> Sarahoh yiyaak, yaa en tóoh, falu kihaydoh ga fíkií Kooh iñcaa faandu Kooh sarahdса na kitumi'ti sarah. Kon sarahohiigaruu yiyaakyii ban jomin kilaak iñaa ya sarahohan. <sup>4</sup> Ya enee dii ga kakayaa, eneena ya enoo sarahoh, waa laakin sarahohcaa laak kihaydoh ga fíkií Kooh iñcaa faandussi sarah fodaa Waasaa Móyíis nakohkada. <sup>5</sup> Lëgëyii sarahohcii biyaakbii tumi ga dekataa wisela'i'waa ga Kaanfaa Koohdса nak, wa en nataal na sóogúu ga iñaa tumu ga asamaanda. Iñaama tah, ga wii Móyíis yah kiyíp taalaama jaamukohsida, Kooh wo"ari an: «Foñaa helfu ga iñii fu yah kitumda bi tóoh man fodaa mi teeweeraaka ga dook janjagaada»<sup>6</sup>. <sup>6</sup> Wayee diima, lëgëy-sarahohhaa Yéesu sasuda wérí wëñ waa sarahohcaa bíinoo kiyak fúuf, ndaga ya yérí tún ga díkaanti Kooh na buwii kipok kifiliimunkaa gën kaa kudewaa. Ee Kooh díginnduu ga kifiliimunkaama iñcaa gën ga tóohda.

<sup>7</sup> Enee an kifiliimunkaa kudewaakaa laakéerí sík wíinoonaa, eneena caloo ka kilofirohu na kukanak. <sup>8</sup> Wayee Kooh ña' heetiigari hen ga waa ya wo' an:

«Mi Ha'mudii mi wo' an:  
Bes caa hay, caa mi hay kipok kifiliimun ki'as na bu-Isarayeel,  
na bu-Yúdaa ban.

<sup>9</sup> Kifiliimunkaama madanndii na kaa mi pokohée na bicaasamba,  
bëriinaa mi amba ga yahhoo, mi meydohhaba kúlkaa Esíptida.  
Ba ga kihaffba, ba ammbii kifiliimunkaa kaama,

\* <sup>7:28</sup> 7: 28 Malkat wo'eñaama ga 7: 21 \* <sup>8:2</sup> 8: 2 Taalaa wérí en ga daa Kooh faanohee wo'eñaagari bídú ee níí' bu-Isarayeel ga ngëmaa ba laak garida. Ga dekataama, laakeera dekataa wo'u wisela'i'waa na dekataa wo'u wëñ kisela'da. <sup>6</sup> <sup>8:5</sup> 8: 5 Malkat Eksoot 25: 40.

kérí tah, mi foñlukkaba ban.

<sup>10</sup> Kifiliimunkii kiima kérí mi yah kipokoh na heetii fu-Isarayeel, besciima paafaa:

Mi hay kiso' iñcii mi ebilohda ga helba,  
mi bínca ga keeñba.

Mi yah Koohyiigaba  
ee ba yah heetiigoo.

<sup>11</sup> Yíinoo gaba soolukanndii kijégí' baa bok nari kúl,  
wala mbokci an ya heelat ki'ínoh Ha'mudii.

En ki' enaa, lak béeb ínohinndoo,  
daloh ga yaa wéñ kijututda bi ga yaa wéñ kiyakda.

<sup>12</sup> Mi hayba kibayal tooñcaagaba ee mi aluk baakaa'caagaba.»

<sup>13</sup> Kooh wo' loo kifiliimun ki'asaa, lak kaa ya pokee kudewaada kasohin ee iñaa kasohin aaw ga kileeh.

## 9

### *Daa Kooh jaamuksee ga kifiliimunkaa kudewaakaada*

<sup>1</sup> Kifiliimunkaa kudewaakaa laakeera iñcaa Kooh ebilohee kitum ga loo daa buwaa jommbi kijaamukda. Laakeera ban kaan ga ēldúna, faa yípfuseeri. <sup>2</sup> En ki' enaa, laakeera taalaa yípu, hégísohussa kom kanak. Waa dëbda teeku «\*Dekataa wisela'í'waa». Iñaa tíkohsee lampuda, wa na mbúurúcaa faandusee Kooh sarahdса, na palaanjfaa ca faanohseedа, ca enee daama. <sup>3</sup> Komaa wukanakwaa teeku «\*Dekataa wéñ kisela'da», ee enee ga fenoo rídóonaa hégísoh dekatcaa kanakcaadа.

<sup>4</sup> Loteel-wúrúus, waa cúuraaycaa tékírohsida, wa na gaalaa kifiliimunkaa\* ee leefsee na wúrúus bi gommbadа, ca enee daama. Kaas-wúrúus waa tum ñamahaama meyohee asamaan, wo'si maanda, na dooraa Aaron tapiseedа, na atohcaa bídu wo'eencaa kifiliimunkaa pokohuda eksee ga gaalaama. <sup>5</sup> Nataal enaama kanak caa wo'si Serubee ee ca teewoh ndamaa Koohda faanussa ga dook gaalaa. Sëegúufaa paabcaagaca kúnnda daa ñífaa wíssi kibayaluk baakaa'da. Wayee iñcaaama, diima caloo du lóogísohca wiinoo wínoo.

<sup>6</sup> Iñcaaama tóohca, waa en béeb faanussa fodaama. Sarahohcaa, saycaa en tóoh, ba aas ga dekataa dëbda kitum lègéyaagaba. <sup>7</sup> Dekataa tík gadá, sarahohaa yiyaakyaa, ya hañci rek yéri aasi daama, ee eni kískaa en tóoh waas kíinoo. Ee ya jomin ki'aam ñíf júu', yaa ya tumi' Kooh sarah kibayaluk baakaa'caagari, na ban caa heetaa tum ee ba ínohéeríi<sup>8</sup>. <sup>8</sup> Fodaama, Helii yisela'í'yii teewohha an, waa dekataa dëbda waa lís kilaak, kon daa koorohsi, ki'aas dekataa wéñ kisela'da lègískukii duum. <sup>9</sup> Iñama teewoh yen ga jamaanii diima. Ca teewoh an iñcii onohsida, na júu'cii tumdusi Kooh sarahdса, baa jaamuki Kooh fodaama, iñama tahhoori kiset ga fíkiici. <sup>10</sup> Béeb iñaa nakohu ga loo ñamahcaa, anahcaa, na kibookuk kisétíruk, iñama enee iñcaa Kooh nakee buwaa kitum ki'ebílkoh rek, bi ga daa ya lofirán tóoh en yi'as.

### *Kiristaa erohin hafci sarah*

<sup>11</sup> Kiristaanii nak hayin, ennda sarahohii yiyaakyii erohi iñcii cijóff'i ci ee diima den ca hotukinda. Ya aassa, paaffa bi ga dekat waa tumohsi sarah, waa wéñ kilaak solu, wéñnya kimat taaloo taal. Dekataama hëwrohussii yah bo'-súusúus, ee waa' kiwo' an wa bokkii ga ēldúnaanii wii. <sup>12</sup> Ga waa Kiristaanii aas ga dekataa wéñ kisela'da, ya aas da waas kíinoo, ee bi taa'. Ya aassii da, ya aammba ñíf súkút wala ñíf naal, ñífaagari ga kihafci wéri ya aam. Fodaama ya laassaruu bi taa'. <sup>13</sup> Fodaa ka nakohu ga baahaa Waasaa Móyíisda, ñíf súkútcii na cii naalcii, na wetcii meyoh ga enoh

\* <sup>9:4</sup> 9: 4 Iñaa tumee Bíncaa Kooh ñíree buuncida    <sup>8</sup> 9:7 9: 7 Malkat Léwítik 16: 2-34.

bitékírudá, ca wísu ga buwii kisétí'banáa, ka eem rek ga faancaagaba bokituda. <sup>14</sup> En an iñaama laakohdánaa, wéñaa ga ñífaa Kiristaanii paafin ñífoo ñífdá! Ya erohin hafci sarah ga Kooh, waa laakoo sík, kooroh ga doolii Helii yisela'i'yii yah bi taa'da. Fodaama ya hay ki'sétí' keeñciigaruu bi du tumsiso iñcaa éewdohi bo' ga kikaanda; en danaa du míñ kijaamuk Kooh yii laak kipesda.

### *Ñífi Kiristaa wérí pokohu kifiliimunkii Kooh na buwiida*

<sup>15</sup> Iñaama tah Kiristaanii ki'en bii tíin kifiliimunkii ki'askii poku ga díkaanti buwii na Koohdá. En danaa, buwii Kooh haydoh ga hafcida míñ kilaas ga iñcii cijófí'cii ya díñba kilam bi taa'da. Ba míñinka kilaak ndaga Kiristaa kaanin ga kuraanaa ee kikaankaa kaama kérí bégís buwii ga baakaa'caa ba tumee, ga wii ba taabuk kifiliimunkaa kudewaakaada. <sup>16</sup> Binaa bo' bín kényít kiwo' ga daa alalaagari warohsandánaa, bi bo' tum dara ganaa, jomin kilaak iñaa teewoh an baa bínfada kaanin. <sup>17</sup> En ki'ena, baa bín kényítfaamada kaanaa, iñaa buwaa lam garida han kimín kiwarohu. Wayee, en rek ya lís kipesaa, kényítfaa faama laakoo solu. <sup>18</sup> Iñaama tah kifiliimunkaa kudewaaka bi ka enaa, lakanaa ñíf aamuk hen paay. <sup>19</sup> En ki'ena, Móyiis dëwoh ga kiyéegaloh, ga fíkií heetaa béebwá, tóoh iñaa Kooh ebilohdá fodaa ka bídu ga Kéyítfaada. Léehí'ta ya bëbpa ñíf doon yinaal na ñíf súkút, ya akitohha mússú ga, weella koy ga kedikkaa teeku Isoop, ya mülla fénúf baal ficogí' ga dooraama, ya wíssa ñífaa ga dook Kéyítfaa waasaa na ga dook heetaa Isarayeel béebwá. <sup>20</sup> Ya wo'a an:

«Wii wérí en ñífi pokohu kifiliimunkii Kooh narúu  
ee dú jomka ki'amda.»

<sup>21</sup> Móyiis wíssa ban ñífaa ga dook taalaa, na ga dook béeþ panjkaahcaa bëþsi binaa buwaa en na kijaamuk Koohaa. <sup>22</sup> Ga Waasaa Móyiis, daanaka iñaa en tóoh sétirohsí na ñíf; ee ñíf aamussiinaa, baakaa' bayalohsoo.

### *Sarahaa Yéesu tumda matin*

<sup>23</sup> Iñcii en ga ēldúna ee ca nataal caa en ga asamaan cukayohcaadá jomee kisétíru fodaama. Caa en ga asamaanda nak meekisoh sarah waa gën waama fúuf. <sup>24</sup> En ki'ena, Kiristaanii aassii ga dëkat wisela'i', waa bo'-súusús héwí', ee nataal rek waa ga asamaanda, wayee ya aas ga wukayohwaa ga asamaanda; en danaa ya tuukuki'tuu diimada ga fíkií Kooh. <sup>25</sup> Ya aassii ga dëkataa wisela'i'waa waas ciyewin ki'eroh kumuunkaagari, fodaa ga kifiliimunkaa kudewaakaada. En ki'ena, waama, sarahohaa yiyaakyaa aasee daama na ñíf waa enndii waagari. <sup>26</sup> Enee fodaamanaa, ennaa ya hay kiday coonu waas ciyewin, aboh ga iñaa ēldúna saksee bi wati. En ki'ena, ya erohin hafci sarah waas kíinoo ee bi taa', ga jamaanucii mëenjohdá, kinís baakaa'cii buwii.

<sup>27</sup> Waa baa en tóoh hay kikoo' ga kikaankii waas kíinoo, léehíraa ya atti'u, <sup>28</sup> fodaama Kiristaanii hayin, erohha ñífaagari waas kíinoo kinís baakaa' bo' bigéñ. Ya hay kihayis waas wukanak, waa enanndii kinís baakaa', wayee enan kimúsal buwii enussi na kisekda.

## 10

### *Sarahii Kiristaanii tumda hajwa wérí laak jeriñ*

<sup>1</sup> En ki'ena, iñcii Waasii Móyiis teewohdá ca en sóogúufii iñcii cijófí'cii en na kihaydá; wa mínoo ki'on buwaa kilaas ga iñcaama kayoh-kayohdá. Daa ka míñ kiman tóoh, ga dii kískaa en tóoh, sarahcaa tumsida caca caca, iñaama teewoh an Waasaa Móyiis mínoo ki'on buwii deeyi ga Koohdá kimat. <sup>2</sup> Enee an wa míñinkanaa, enneena buwaa jaamuki Kooh fodaamada setuunun kumééñí', ndaga lak ba daakissii baakaa' wíinoo ga keeñba. <sup>3</sup> Wayee nak, sarahcaama ba tumi kiiskaa en tóohdá, céri

níindísohi baakaa'caa buwaa tumida. <sup>4</sup> Wóorin an ñíf naal na ñíf súkút mínoo mún kinís baakaa' ga bo'.

<sup>5</sup> Iñaama tah, wii Kiristaanii aas éldúnada, ya wo'"a an:  
 «Júu'caa tumu sarah wala iñcaa faanu sarahda,  
 fu wo'issii dara ga,  
 fu hëwíri'taroo faan.

<sup>6</sup> Sarah júuraa tékíru hen,  
 wala sarah wiliis waa tumsi ban kinís baakaa',  
 wiinoo newissiiraa gaca.

<sup>7</sup> Kérí tah mi wo' an: Mi yeema, mi hayin kitum iñii fu waa'da, fu Kooh,  
 taaboh na iñaa bídú garoo ga Kéyítfaada.»

<sup>8</sup> Kiristaanii deb kiwo' an:  
 «Júu'caa tumu sarah wala iñcaa faandusaa sarahda,  
 sarah júuraa tékíru hen,  
 wala sarah wiliis waa tumsi ban kinís baakaa',  
 fu waarissiica ee wiinoo newissiiraa gaca.»

Moona déy, iñciima tumu fodii dii Waasii Móyíis nakoh kada. <sup>9</sup> Tíkka ga, ya wo'"a an:

«Mi yeema; mi hayin kitum iñii fu waa'da.»

Fodaama ya nísin daa Kooh jaamuksee kudewaada, ya tuukirin kijaamuk ki'as diima. <sup>10</sup> Yéesu Kiristaa tumin iñaa Kooh waareeda bi matin. Ya erohin faanfaagari waas kíinoo, fa tumfussaruu sarah, ee fodaama, d'u sétíruunun ga baakaa'.

<sup>11</sup> Sarahohaa míñ ki'en téoh, besaa en béeb hay kituuk, tum lëgëyaagari. Ya tumdi Kooh sarahcaa caca rek, ee ca mínanndii mún kinís baakaa'caa buwaa tumida. <sup>12</sup> Kiristaanii nak tum sarah waas kíinoo kinís baakaa'cii buwii, ee wa en sarahaa jeriñaagawa yah bi taa'; lëehí'ta ya yuñnga, hanohha yah-ñaabaa Kooh. <sup>13</sup> Diima denj, ya yaa sek daama bi ga daa Kooh tuman buwii sagoh narida ditogaa'-kotci. <sup>14</sup> En ki'ena, kooroh ga kumuunkaagari ya erohda, ya onnda buwii en buu Kooh setuunun ga baakaa'da kimat ga fíkíi Kooh.

<sup>15</sup> Iñaama, Helii yisela'í'yii ban seedi'dinnduuri. En ki'ena, ya dëwin kiwo' an:

<sup>16</sup> «\*Ha'mudii wo' an: kifiliimunkii kii, kérí mi yah naba kipokoh.  
 Binaa bescaama paafaa,  
 mi hay kitum iñcii mi ebilohda ga keeñba,  
 mi bínci ga helba.»

<sup>17</sup> Lëehí'ta ya tíkka ga an:  
 «Mi hay ki'aluk baakaa'caagaba bi taa',  
 ca na tooñcaagaba.»

<sup>18</sup> Ee binaa baakaa' bayalohunaa, calisoo kifaani' Kooh sarah waa nísanca.

### *Du deeyat ga Kooh*

<sup>19</sup> Fodaama mbokcii, d'u hay ki'aas na hel widéli' ga d'ekataa wëñ kisela'da, ndaga nífaa Yéesu tumu sarahda. <sup>20</sup> Ya lëgíscinnduu waas wi'as, waa onohi kipes, kooroh ga rídóonaa hëgísoh d'ekataa wisela'í'waa na waa wëñ kisela'da; waa kiwo' kooroh ga faanfaagari. En ki'ena, faanfaagari sarahuda féri lëgís waasaama. <sup>21</sup> Fodaama, d'u laakin sarahoh yiléekí'-soli, yaa hanohdu ga fíkíi heetii en wuu Koohda. <sup>22</sup> Kon d'u deeyat ga Kooh na keeñ wimórí', na ngém wiyaak, ndaga keeñciigaruu setin wic, d'u laakkissi halaat cibóní', ee faanciigaruu bookuunun ga músúmii misétí'mii. <sup>23</sup> Kon d'u abat bi yégís ga iñcii d'u yaakaa' ee kayohda, ndaga Kooh hay kitum iñcii ya dígohda. <sup>24</sup> Baa en béeb amfohat mooroomci, ëewdohhi ga kiwaaroh na kitum yijóffí'. <sup>25</sup> Du hanat kifoñ hídochcii d'u tumi kikiim Koohda, fodii buwii bíinoo meeruunun kimaasohoocada. Baa en béeb wëñat kidaas mooroomci, wëñaa ga dii d'u ínohin an besii Ha'mudii deeyinda.

<sup>26</sup> En ki' enaa, binaa du ínoh kayohfii ee du lísi kitum baakaa' ga iñaa neþpuunaa, laakkissii sarah wiliis waa míñ kitumu bi baakaa'ciigaruu bayalussuu. <sup>27</sup> Iñaama laakaa, du tíitat, ndaga atti'aa yah kikeen ga dookkuuda na kiwiikaa yah kitéki' béeþ buwii heñoh Koohdá, céri sekkuu. <sup>28</sup> Béeb baa fu këldúk iñii Waasii Móyíis ebilohdá, ee bo' banak seedi' ganaa, fu hay ki'apu ee ken yérémanndiiraa. <sup>29</sup> Dú fooj an baa faali'ii Kowukii Kooh, keeñukkii ñífi pokohu kifiiliimunkii ki'askii onndi kisétírudá, ee ya basi Helii yisela'í'yii teeþpuu kijofkii Koohdá, baama, atti'aa ya jom kitíkuda enndii wérí wëñan kimesike? <sup>30</sup> En ki' enaa, du ínohin bii wo' an: «Mi yérí laak ki'atti', mi yérí yah kifay baa en béeþ iñaa ya tumdá.» Ya wo'in ban an: «Ha'mudii hay ki'atti' heetiigari.» <sup>31</sup> Baa fu keen ga yah Kooh yii laak kipesdanaa, ati fu yah yuuba?

<sup>32</sup> Níindísukat wii du han kilaas ga lee'laatii meyoh ga Koohdá. Ga bescaama, dú enee ga lebi' wiméeskí' na coonu ciyaak. <sup>33</sup> Cii ga cii, dú bassi, dú sodalsi ga fíkíi béeþ; cii ga ciinaa, dú amdrohi buwaa enu ga coonu fodaamada. <sup>34</sup> En ki' enaa, dú bokka na buwaa abu ga kasuda coonucaagaba, ee ga wii iñcaa dú laak te'ufa, dú tookkaka na keeñ wisóosí', ndaga dú ínoheera an dú laakin alalaa gën, ee alalaama yah bi taa'. <sup>35</sup> Kon kaa foñat yaakaarii dú laakdá, ndaga neehal wiyaak wii sekkúu ga. <sup>36</sup> En ki' enaa, kiguu'guuluk kérí dú sooluk, en danaa, binaa dú mëti' kitum iñii Kooh nakohdanaa, dú laas ga iñii ya dígohdá.

<sup>37</sup> Fodaa ka bídu ga Kéyítfaada an:

«Tes ga jutuut, jutuut sah,  
bii jom kihaydá dal kihay,  
ee diimanaa ya hay.»

<sup>38</sup> Kooh wo'a an:  
«Baa mi aboh bo' yijúwí' ndaga ngëmaa ya laakdanaa hay kipes.  
Wayee ya soof fenoona,  
keeñnjoo soosandii gari.»

<sup>39</sup> Du nak, du bokkii ga buwii enu na kisoof fenoo, aawu ga kimúuydá. Du bok ga bii gëmuunun, aawu ga kimúcdá.

## 11

### *Ngëmaa buwaa müus laakeeda*

<sup>1</sup> Kigëm Kooh eni kilaak wóo'-wóó' ga iñaa fu yaakaa'da na ban ga iñcii hotukoo na has ee ca laakin sah sahdá. <sup>2</sup> Ngëmiima wérí buwaa müus laakee ee Kooh seedi'a gaba yijófí'.

<sup>3</sup> Kilaak ngëm kérí tah du ínoh an éldúna, wo'eenaa Kooh wo'eeda wérí tah wa laakka, na ban ki'ínoh an éldúnaanii hotuk wii kúlkoh ga waa hotukooda.

<sup>4</sup> Kilaak ngëm kérí tah Abeel tumi'ta Kooh sarahaa gëñ waa Kayee. Ngëmaa Abeel laakee waama wérí tah Kooh abohhari bo' yijúwí' ee ya seedi'a an iñcaa ya onohda jofin. Ee ngëmaama tah bi, luu enee an ya kaanin, wo'enaama wii lís kiwo'u.

<sup>5</sup> Kilaak ngëm kérí tah Henok koo'tii ga kikaan, ya bëwírussa ga yahaa Kooh, ee ken hotissiiri ndaga lak Kooh bëwírinndi ga yahaaci. En ki' enaa, bídu ga Kéyítfaa an: «Wii ya bëwí'sanaa, lak ya neblohin Kooh.» <sup>6</sup> Wayee baa laakoo ngëm, mínoo mûk kinebloh Kooh. Baa waa' kideey ga Koohaa, ya jomin kigëm an Kooh laakin ee buwii heelli ki'ínohdá, ya yii neehalba.

<sup>7</sup> Kilaak ngëm kérí tah Nowee hëwí'ta gaal-giyy wiyaak kisom bu-kaanci. Iñcaa Kooh teeweeri ee lak ca hotukkiida ya abohéeríica caahan. Fodaama ya búlla bu-éldúna, ee Kooh abohhari bo' yijúwí' ndaga ngëmaagari waama.

<sup>8</sup> Kilaak ngëm kérí tah Abaraham kelohi'ta Kooh. Waa Kooh ebilli kika' ya dëknee ga kúl, kaa ya yah kilam fayuu'dá, ya ka'ta ee lak ya ínohoo sah daa ya yah kihakdá.

<sup>9</sup> Kilaak ngëm kérí tah ya dëkka ga taal fodii sagac ga kúlkaama Kooh dígeeri kilamda. Ísaak kowuci, bi ga Yakoop, kucaasamunkaagari, baa bokee ga dígaa kilam kúlkaamada, déksee ga taal ban. <sup>10</sup> Abaraham yaa sek teeraama yípsan ga la'-atoh ciyégísí', ee Kooh ennda natohaa, na tawahohaada.

<sup>11</sup> Kilaak ngëm kérí tah ban, Saaraa, hídaa ga daa ya ya'bu'eeda téoh ee ya míneerí kilaak kowudá, ya laakka kowu ndaga ya gëmeera an Kooh hay kitum iñaa ya dígoheeda. <sup>12</sup> Fodaama, kooroh ga yaal yíinoo ee lak ya kasohin, tucaasamun tiyewin taa hín na olcii ga asamaanda, ee ta yewin ban en fan tukakaytii en ga yahaa giyyiida límukka.

<sup>13</sup> Béeb buwaama kaanu na ngëmaagaba. Ba laasséerí duum ga iñcaa Kooh dígoheeda, wayee ba séenee gaca di'usaayí', ba léríssaca yah. Ba tookeera an ba bisagac ga ēldúna, ba hay kibaab. <sup>14</sup> Buwaa wo' fodaamada, ba teewohin bi leerin lañ an ba lís kiheel kúlkaa ba laakdán haffa. <sup>15</sup> Binaa helba tesee ga kúlkaa ba meyoheedanaa, eneena fa hay kilaak halaa onanba kiboyuk daama. <sup>16</sup> Wayee nak, ba séentukee kilaak kúlkaa gën: ennda kúlkaa ga asamaanda. Iñaama tah Kooh laakkii kaci ga kibayu Koohyiigaba, ee ya waayuki'taba dék.

<sup>17</sup> Kilaak ngëm kérí tah Abaraham yaa yah ki'ap kowuci Ísaak kitumi' Kooh sarah, ee lakanaa Kooh eneeri na kimalaksukoh. Abaraham tuukka tek ga kitumi' Kooh sarah Ísaak, kowukaagari ya laak doñda ee lak Kooh díginndi, <sup>18</sup> wo'ari an: «Fu hay kilaak tucaasamuun tiyewin ee koorohan ga Ísaak.» <sup>19</sup> Abaraham abee ga helci an Kooh míniñ kímilísi' baa kaanin. Kérí tah ya laassisaa ga Ísaak ee iñaa ennda gari fodii kowukkaa miliñsfu hen ga buwaa kaaninda.

<sup>20</sup> Kilaak ngëm kérí tah Ísaak barkeella towutaagari, Yakoop na Esawuu ki-waayukba ga iñaa en na kihayda.

<sup>21</sup> Kilaak ngëm kérí tah, Yakoop wii ya yah kikaanda, ya barkeella yaa en béebe ga towutaa Yoseef. Ya ébflukka ga dooraagari, ya yaa jaamuk Kooh.

<sup>22</sup> Kilaak ngëm kérí tah, Yoseef wii ya yah kikaanda, ya wo'a ga loo kimeykaa heetaa Isarayeel ga kúlkaa Esiptida, ya nakohha kibaydoh faraaffaagari\* binaa ba en na kiyahaa.

<sup>23</sup> Kilaak ngëm kérí tah wii Móyíis límuda, eeci na paamci dfaakussari ñiin kaahay ndaga ba hotee daa oomaanaa hín kimo'da†, ee ba faali"ii iñaa Farawoñ ebiloh kitumda. <sup>24</sup> Kilaak ngëm kérí tah Móyíis, wii ya ennda yaak ya sañga kiwo'u an ya kowu kowukka Farawoñ kibetikaa. <sup>25</sup> Kibok kisodalu na heetaa en wuu Koohdá wérí gënëlli loo kipesi ga baakaa', ya taabuki neflaat-kumuun ee iñaama maañanndii. <sup>26</sup> Ya ammba an kisodalu fodaa Kiristaanii iñaa alal, waa wëñ kiyak alalcaa ga kúlkaa Esiptida. En ki'enaa, hasci yípee rek ga neehalaan en na kihayda. <sup>27</sup> Kilaak ngëm kérí tah ya meyca kúlkaa Esípti ee ya niikkii aylukka Farawoñ. Ya ammba bi yégíssa ee ya ennda baa hot ga Kooh, yii bo' mínoo kitík hasda. <sup>28</sup> Kilaak ngëm kérí tah Móyíis húmballa hewaa Paakaa, ya wissa ñif ga iñaa hanoh halcaa túuycaa dookdá, en danaa malaakaa bay kikaankaada le'oo ga saawcaa heetaa Isarayeel.

<sup>29</sup> Kilaak ngëm kérí tah heetaa Isarayeel koo'ta ga dñuuy giyyaa wiyo'ohwaa, tíidussa ga kakay kaw. Bu-Esípti baa jéemee kikoo' gada, giyyaa onndaba.

<sup>30</sup> Kilaak ngëm kérí tah wii heetaa Isarayeel wiilla teeraa Yéríkóo bi ennda bes ciyitnakanakda, míraa dékkaa bú'ta. <sup>31</sup> Kilaak ngëm kérí tah Rahap, faankoh-pakayaa bokkii kikaan na buwaa ga dékkaa sagee kikelohi' Koohdá. Iñaa tahkadá: ya dapee ga kaanci bu-Isarayeel baa aasee yoloos‡ ga dékkaa kiheel ki'ínoh iñaa buwaa enukoheedá.

\* **11:22** 11: 22 Wo'eenii diifa enin yohcaa Yoseef      † **11:23** 11: 23 Farawoñ wérí en teekaa eru buuraa ga Kúlkaa Esiptida      ‡ **11:31** 11: 31 Malkat Yosúwée 2: 1-21; 6: 22-25.

<sup>32</sup> Mi wo'at ya yiliis, waa mi laakanndii jot kiwo' wiinoo wiinoo ga loo Gedewonj, Barak, Samson, Yeftee, Dëwít, Samiyeel na sëldíiga-Koohcaa bïinoobaa? <sup>33</sup> Kilaak ngëm kérí tah buwiima, ba mínda kibúuk nguu'caa, ba tuuki'ta iñaa júwin, ba laassa iñaa Kooh dígohda. Ba mûuffa túuwtaa gayindiccaa, <sup>34</sup> ba yímmba dooli kiwii kiyaak, ba rëcca ga ki'apu na kalab; ga wii ba mímissii darada, Kooh onissaba dooli<sup>‡</sup>; ba enee buwaa kaañin heñ, ba kaalla buwaa heñohee naba meyohsee índa.

<sup>35</sup> Kilaak ngëm kérí tah laakka beticaa hot buwaagaba kaanda mílsdussa. Laakka bïbo' baa sodalu bi baa kaanan, wayee ba tookkii kisomu, en danaa, ba kaan ee ba mílsaa, ba laas ga kipeskaa leehooda. <sup>36</sup> Bibo' biliis tumussa yensirukaah, ba feekussa, ba bagussa na ceen, ba lagussa ga kasu. <sup>37</sup> Bii tapisohussa na atoh bi ba kaannda, bïinoo d'arussa kom kanak, wala ba apussa na kalab. Laakka ban baa ensee ga kiwíil daa en béeb, ba ekukee kúlti-on baal wala on-pe' ndaga ba laakéeríi dara iñaa ba ekukan; ba dëkka kihatalu ga kipes na kisodalu. <sup>38</sup> Ba joobeera éldúna, ba enee ga kiwíil ga égi'-dúndanjcaa na janjanjcaa, ba dëkee ga nojcaa atohcaa na cùl-cúlcaa.

<sup>39</sup> Béeb buwaama Kooh seedi''a yijófí' gaba ndaga ngëmaa ba laakdä, ee moona ba laassii ga iñaa ya dígoheeda. <sup>40</sup> Waa Kooh waayukdinnduu iñaa wëñ kiyak fúuf, kon nak jomoo ki'en ya onba kimat ee du, du bokoo ga.

## 12

### *Kiguu'guuluk ga ngëmii*

<sup>1</sup> Kon fodaama, waa mbooloomaa hínda kiyaak wëri wiilluu ee wa seedi'in ngëmiigawa ga Kooh, du ban, du këlëembísukat tóoh dof, waa hoonohannduu ki'aaw fíkií, na ban baakaa', wii yoowinnduu kiwíilda; du guu'guulukat ga kifool jaarii du naku kifooldä. <sup>2</sup> Du yípat hasciigaruu ga Yéesu yii onnduu kilaak ngëm, aboh ga dalaaraa bi ga leehaaraa; ya koorukka coonucaa ki'apu ga kuraanaa, ee ya bítukkii ga kacifaa en ga kikaankaa kaamada, ndaga lak ya hotin haat keeñ-soosaa ya yah ga kilaakdä. Ee diima deñ ya yaa yugohha banj-buuraa Kooh baka hanoh yah-ñaamda.

<sup>3</sup> Foñat hellúu gari, ya yii ya tookka kimúuñ, hídaa ga daa tumoh-baakaa'caa hídeeri kiheñohda tóoh. En fodaamanaa, dú meydohoo yaakaa'túu ga, ee dú soofoo fenoo. <sup>4</sup> En ki'enaa, dú ka'tii duum bi ga kikaan ga heñiigarúu na baakaa'dä, <sup>5</sup> ee dú alukin wo'eencii cii Kooh daasoheerúu, dú bii dú en bitowucida, an:

«Fu kowukiigoo, Ha'mudii, ko'taa ga yenaa, watukaa iñaamaa,  
ee ya ña'taanaa, kaa soof fenoo.

<sup>6</sup> En ki'enaa, Ha'mudii baa ya waarin, ya koriri hen  
ee baa ya am fodii kowuci, ya feekiri hen.»

<sup>7</sup> Tookat coonucii dú daydfa; Kooh enndúu na kiko'. En ki'enaa, coonuciima teewoh an ya tíkkúu bitowuci. Kowukii kiida, en na paamcinaa, paamci koroori? <sup>8</sup> Kooh kori towutiigari hen béefta. Kon binaa ya ko'tiirúunaa, lak dú enndii bitowuci, dú en fodii towutaa límu ga iñaa koo'tii waas.

<sup>9</sup> Du níndísukat paamunciigaruu ga éldúna: man ba koreeruu hen ee du e'taba cée'. Kon paamudiigaruu ga asamaanda, du jommbi na kihín kikelohi', en danaa du laas ga kipeskaa leehoo taa'da? <sup>10</sup> En ki'enaa, paamuncaagaruu, koraagaba naruudfa maañnjii ee enee ga iñaa ba am an wëri júb. Kooh nak ko'taruu ga iñaa gën garuu, en danaa du laak bak ga kisela'kaagari. <sup>11</sup> Binaa du korunaa, ga saasi keeñjuu soosoo ga, wayee nami ga kileeh hen. Binaa ka' bi ga fíkiinaa, buwaa koru fodaamada ba hot jeriñaa koraama: ba en bo' jam ee ba pes ga iñaa júwin.

<sup>‡</sup> 11:34 11: 34 Onissaba dooli laakin buwaa hotu dii an wo'u ba wakka ga díukool

### *Iñcii ebilohu na cii jom kiwatuku kitumda*

<sup>12</sup> Kon nak, bëwírat yahciigarúu neewohinda ee dú on dooli yí'ciigarúu nagaminda.

<sup>13</sup> Hëwí'dsat kotciigarúu waascaajúwin, en danaa kotaayíwin tíin ganaa díidukohoo wayee naman kiwak hen.

<sup>14</sup> Guu'guulukat ki'en ga jam na baa en béeb, na kipes ga iñaa sela'in, ndaga béeb baa sela'ii, hotanndii Ha'mudii. <sup>15</sup> Watukat, ken hanat kisúugúruk yérmaandaa Kooh laak garida. Fodii kedikkaa aayin, ka ndomi tediktaa tíinoo ga aaylaataagakada, watukat laak garúu yaa man fodaama, ya ndom buwii biiinoo. <sup>16</sup> Watukat, ken hanat kifaanuk na baa en béeb. Erat cée' iñcii Kooh cisela'i'cii, ee kaa madat na Esawuu, ya yaa ñamah wiinoo waa ya ñaman tahhi kitoon ki'en-saawkaagarida. <sup>17</sup> Dú ínohin an, ga waa iñamaa paafda, ya waa'ta paamci barkeelli, wayee ya tookdussiika. Ya mínnndii sah paamci kiboyukidoh fenoo ga iñaa yaama amda, luu enee an ya kíimeeri iñamaa na moon.

<sup>18</sup> En ki'enaa, dú manndii na heetaa Isarayeel deeyee ga janjagaa Sínayíi, bo' míñ kile' yahci gada; dú hottii kiwiikaa tak ga dook gaanaa, yaayeel cisúusúus sí'ís, ñúus téruus na urisaa taam na tob wiyaakda. <sup>19</sup> Dú kelohhii ríi' mbiib, dú kelohhii ban koonaakaa ríi' bi buwaa keloheekada sah baa kíim an ka hanat naba kiwo'is. <sup>20</sup> En ki'enaa, ba hatineerii iñii yii ebilohseedä an: «Béeb baa le' ga janjagiinaa, bi ga júu' sah, tapisohatti na atoh bi ya kaan.» <sup>21</sup> Iñamaa bu-Isarayeel hotee ga janjagaada titalohee hen bi Móyíis sah wo'a an: «Mi tíitin bi mi yii saak.»

<sup>22</sup> Dú nam sah kideey ga janjagaa Síyon, teeraa Kooh yii laak kipesda, waa en Yéerúsaleem yaa ga asamaanda, daa malaaka-Kooh bijúnni júnni enu, baa mbúumbaayukda. <sup>23</sup> Dú aasin ga mboolooma towutaa Kooh enu saaw, ee teekcaagaba bíduunun ga asamaanda. Dú deeyin ga Kooh yii laak ki'atti' béeb buwiida, dú taabin na béeb buwii fítciigaba setin say ee matin ga fíkii Koohda. <sup>24</sup> Dú deeyin ga Yéesu yii tuukuk kifiiliimunkii ki'askiida, dú deeyin ban ñífiigari aamu ee iñii yéegalohu gada gën iñaa yéegalohsee ga aamaa ñífaa Abeel aamuda.

<sup>25</sup> Watukat kon kidúkúruk bii wo' narúuda. En an bu-Isarayeel baa sagee kikelohi' Móyíis, yaa wo'ee naba dii ga éldúnadsa, bérí rëcussii ga kisanju'aa, wëñaa ga, du bii bii, binaa du súugúruk yii wo' naruu, en ga asamaanda. <sup>26</sup> Koonaakaagari kéri yëngëlee kakayfii kudewaa, diimada nak, ya dígoth an: «Mi yëngëlis kimmanaa, eemanndii rek ga kakayfii, wayee mi hay kiyëngël asamaan ban.» <sup>27</sup> Wo'eenii an: «Mi yëngëlis kimmanaa» teewoh an Kooh hay kibewoh dii iñcii saku ee yëngëlkonda, en danaa cii yëngëlkooda doj tesan. <sup>28</sup> Kon waa du hay kilaas Nguuraa ken mínoo kiyëngël, du gérëmatti ga iñamaa, du súrga'ukki ga daa ya waarohkada ee du e'ti cée', du niikki. <sup>29</sup> En ki'enaa, Koohyiigaruu en kiwii, kaa tékiri hen tóoh iñaa joffii.

## 13

### *Iñaa tahannduu kinebloh Koohda*

<sup>1</sup> Dëkat kiwaaroh yaa en béeb na mooroomci; enat buwaa bokoh ga Kiristaanii.

<sup>2</sup> Kaa alat kitoputu' bi jof sagaccaa hay garúu. En ki'enaa, buwaa tumeekada, laakin gaba baa toputu'ee bimalaaka ga<sup>◊</sup>, ee ba ínohhii gaka sah. <sup>3</sup> Kaa alat buwaa lagu ga kasufa, níindísukatba bi man na dú bérí bok kilagu ga kasu. Kaa alat buwaa en na kisodaluda, níindísukatba bi man na dú bérí bok kisodalu.

<sup>4</sup> Baa en béeb erat sëy cée', ee buwaa pajoh, yaa en béeb eemat ga mooroomci. Kooh hay ki'atti' buwaa dúki yaalba wala bëtiba ee ba faanuki na bibo' biliisda, wala béeb buwaa faanuki na baa en béebsda.

<sup>◊</sup> 13:2 13: 2 Malkat Sënees 18: 1-8; 19: 1-3.

<sup>5</sup> Sagat kiwaa' hëelís kulyuk ga kipessúu. Eemat ga iñaa dú laakdса, ndaga Kooh ga kihafci wo' an: «Mi iisanndiiraa mûk, mi foñanndiiraa bi taa'». <sup>6</sup> Kon du mínin kiwo' na hel widël' an:

Ha'mudii yérí en bii yahhoo kisomda,  
mi niikanndii dara.  
Bo' mínnood ya kitum?

<sup>7</sup> Kaa alat buwaa kulyukee ga fíkiirúu kudewaa yéegalseerúu Wo'eenii Koohdса. Malakat ga daa ba madee ga kipesba bi ga kikaanbadа; gëmat fodaa gaba. <sup>8</sup> Yéesu Kiristaa, ya ya rek: daa ya madee wútúwaada ya manda wati ee ya yahda kiman bi taa'. <sup>9</sup> Kaa iisat ken nëení' helciigarúu na jëgírohcaa en tóoh ee bokkii dara na Wo'eenii Kooh yéegalohuda. Iñaa gënda wérí en an doolii dú laak ga keeñnjúuda dú mínya kibewoh ga kijofkaa Kooh. Kitaabuk iñcaa ebilohu ga loo ñamah, waa onohu kiñam wala hoonohuda, haydohdoorúu dara.

<sup>10</sup> Loteelii du laakdса, ñamahcii en gada, sarahohcaa tumi lëgëy kisarahohkaagaba ga taalaa yaawúu'caada onussii ga kiñam. <sup>11</sup> Sarahohaa yiyaakyaa haydoh ñifaajúu'caa tumu sarahdса ga dook dekataa wisela'í'waa kibayaluk baakaa'caa buwaa, ee faancaa júu'caa tékíru ga foogaanaa daa ba daldса. <sup>12</sup> Iñaama tah Yéesu kaannda ga foogaanaa teeraa kisétí' baakaa'caa buwaa na ñifaagari sah-sah. <sup>13</sup> Kon du meyat gari ga foogaanaa daa ba dalohdса, du bok nari kikooruk kacifaagari. <sup>14</sup> En ki'ena, du laakoo dii ga ēldúna teeraa yah bi taa', kérí tah du bii ga kiheel waa yah bi taa'da. <sup>15</sup> Kon du koorohat ga Yéesu, du kañ teekii Kooh; iñaama en sarahaa du tumi'tida. Túuwtiigaruu dëkatti kiyek yeek-kañ, <sup>16</sup> ee kaa alat kitum yijófí' na þan kidímaloh ga díkaantirúu, ndaga sarahcaa man fodaama cérí neþloþ Kooh.

<sup>17</sup> Kelohdat buwii kulyuk garúuda, dú taabuk iñcaa ba wo"úuda. En ki'ena, ba dëk ga kiwatuk fitciigarúu, waa ba hay kituuk bes ga fíkií Kooh kibéestí' lëgëyaagaba. Kon ba mínat kitum lëgëyba na keeñ wisóosí'; ka hanat ki'en na kiheeñ ndaga iñaama laakdfanndiirúu jeriñ wíinoo.

<sup>18</sup> Dëkattíi kikíimi' Kooh. Wóorinndíi an hellíi dalin, waa dí tuukin ga ki'enukoh yijúwí' saycaa en tóoh. <sup>19</sup> Mi wëñnjúu kikiim iñii yii: kíimdattoo Kooh bi mi mí kigaaw kiboyuk garúu.

### Tanjohii na kíim-Koohii méeñjohda

<sup>20</sup> Kooh yérí onohi jam. Ya mílisi'ta Yéesu, Ha'mudiigaruu en nírohii yiyaakyii baalciida, ee ñífigari aamuda pokka kifiliimunkii yah bi taa'da. <sup>21</sup> Mi yii kíim Kooh yaama, ya onndúu kimín kitum yijófí' ga bakaa en tóoh doonaa dú mëti' iñii ya waa'da. Ya tumat garuu iñaa neþpi, kooroh ga Yéesu Kiristaa, ee ndam aawat gari bi taa'. Aameen!

<sup>22</sup> Mbokcii, mi kíimmbúu tookat, taam na kimúuñ, wo'eencuma mi bíndúu kidaassúuda. En ki'ena, iñcii mi bíndúuda hoo'tii. <sup>23</sup> Mi yii yéegallúu an Tímotée mbokiigarúu meyin kasu. Binaa ya teel kile'aa, mi hay nari kitaam, dí hayyúu kiwaaknee.

<sup>24</sup> Këñí'dattoo þéeb þuwum kulyuk ga mbooloomumgarúuda, na þéeb þuwum en þuu Kooh dumadса. Mbokcii en dii ga kúlkii Ítalíicда þii këñí'túu ga þan. <sup>25</sup> Mi yii kíim Kooh, ya barkeellúu þéebpúu.

## Këyítfii Saak bínda **Wo'eencii lëgís Këyítfiida**

Këyítfii fii férí Saak bin béeb bwuui en bu-Kooh tasaarukoh ga éldúnada. Saak enee bo' yiléekí'-teek ga kerceencaa ga Yéerúsaleemda. Wo'u an Yéesu yéri en yaakci. Biyewin ga bwuui ya bídee këyítfii fiida wo'ee an ba gëmin ee ka hotukéerii ga badukeenaagaba. Iñaama tah ya wo'"aba an kigém jom kitaam na kitum yijófí'. Saak kelohha an ga dzuuy kerceencaa, bwuua laakooda ensee ga coonu ndaga ha'-alalcaa yéensee haffba doŋ. Iñaama tah ya wo'"a ha'-alalcaa ba watuk kitum fodii bwuua filiimunoh na éldúnada, wayee ba am bwuua laakooda yah kanak. Tíkka ga ya wo'"a béeb watuk kiñaroh, ba am túuwtaagaba, ba dék ga kitaabuk yijófí' fodaa Kooh nakohkada.

### **Këyítfii Saak bínda tíidoh anee:**

- 1 - Këñdoh (1: 1)
- 2 - Kigém na kiñaañkaa meyoh ga Koohdá (1: 2-18)
- 3 - Kisúkúruk wo'eenii Kooh na kitum iñaa wa nakohdá (1: 19-27)
- 4 - Kigénantiloh jomoo kilaak (2: 1-13)
- 5 - Kigém jom kitaam na tumeen (2: 14-26)
- 6 - Kiñaañkaa meyoh ga Koohdá na kiwatuk perem (3: 1-18)
- 7 - Kifiiliimunoh na éldúna (4: 1-5; 6)
- 8 - Kimúuñ na kikiim Kooh (5: 7-20)

### *Këñdoh*

<sup>1</sup> Mi Saak, mi súrga Kooh mi súrga Yéesu Kiristaa, Ha'mudii. Mi yii këñí' jawootcii Isarayeel\* cidaan̄kaah na kanakcii tasarukoh ga éldúna tóohdá.

### *Kiyégís ngém ga coonu*

<sup>2</sup> Mbokcii, binaa dú keen ga coonu, ga daa ca míñ kiman tóoh, leenaa taabat ga na keeñ wisóosí' seb. <sup>3</sup> Ndaga dú ínohin an coonucaama míñndii yen ga ngëmiigarúunaa, onanwa kiwéñ kiyégís. <sup>4</sup> Kon teewohat kiyégís kiméti' sëk en danaa dú síkoo ga dara ee dú mat ga tóoh. <sup>5</sup> Binaa laak garúu, baa hamhamagaari dooyyiinnaa, ya kiimat Kooh hamham, Kooh hayyiwa ki'on. Ndaga Kooh oni béeb, foñoo ken ee ñaroo ken ga. <sup>6</sup> Wayee ya en na kikiimaa, ya taabat ga na ngém ee ya hanat kilaak hel kanak ga, ndaga baa laak hel kanak man na dúsaa giyyaa uuris bëwí' egawa daa en béeb. <sup>7</sup> Baa man fodaama hanat kitum helci ga kilaak yen ga Ha'mudii, <sup>8</sup> ndaga iñaa ya aasoh tóoh ya laak hel kanak ga, ya egiskohi.

### *Kinduul na kilaak alal*

<sup>9</sup> Baa en nduul garúunaa ya neblukat ndaga Kooh hayyi kibëwí', <sup>10</sup> ee ha'-alal, ya neblukat ban ndaga Kooh hayyi kiyóoskí'. En ki'enaa, ha'-alal lëehsfuki fodii sapuus-pëegíi. <sup>11</sup> Nohii kolukaa, wa tam jír, wa téki' pëegíifaa, sapuuscaa keen, mo'laataa pëegíifaa ka'. Ha'-alal, ga dzuuy lëgëyaagari, yah kilëehsfuk fodaama.

### *Coonucii dali bo' na iñcii eki bo' ga kitum iñaa joffiida*

<sup>12</sup> Ya yewinin múu', baa yégisin ga coonucaa ya hídoihi nacada. Ndaga ya teewoh kiyégískaagari na ndam ga dzuuy coonucaamanaa, ya hay kilaas kipeskaa en neehalaa Kooh díñ bwuua waaruussida.

\* **1:1** 1: 1 Jawootcii Isarayeel waa' kiwo' bwuui gëm ga Yéesu ga éldúna tóohdá.

<sup>13</sup> Bo', binaa helci ka' ga kitum iñaa joffinnaa, ya hanat kiwo' an: «Kooh yérí hí'too ga.» Ndaga laakoo iñaa híran Kooh ga kitum iñaa joffii, ee ya ga kihafci, ya híroo ken ga kitum iñaa joffii. <sup>14</sup> Baa en béeb, neblaat-kumuunci wérí nookiri, wa dúkiri bi ekki ga kitum iñaa joffii. <sup>15</sup> Léehíraa neblaat-kumuun taabukkinaa, wa lím baakaa', ee baakaaraa ka' bi mataa, wa lím kikaan.

<sup>16</sup> Dú, mbokciigoo mi keeñukdá, ken hanattúu kidúk ga iñii yii. <sup>17</sup> Iñaa dú onu yijófí' tóoh na béeb sércaa matin, ca yoosukoh dook, ca meyoh ga Paamudii en tóoh lee'laatdá. Ndaga Kooh laak þadukeen wíinoo ee ga daa ya hanoh tóoh, ñúus laakoo da. <sup>18</sup> Neß Kooh hen ya límmbaruu, koorohha ga wo'eenii en kayohdá, doonaa dú en fodaama buwii kuliuk ga tóoh iñcii ya sakdá.

### *Kisúkúruk wo'eenii Kooh na kitum iñaa wa nakohda*

<sup>19</sup> Mbokciigoo mi keeñukdá, foñat hel ga iñii mi wo' yii: baa en béeb gaawat ga kisúkúruk wo'eenii Kooh, wayee ya hanat kigaaw kiwo', ee ya hanat kigaaw ki'ayluk. <sup>20</sup> Ndaga baa aylukin tumoo iñaa júwin ga fíkíi Kooh. <sup>21</sup> Kéri tah meydohat ga haffúu béeb iñaa líibdan keeñnjúu, na ban kisoot kihépí'. Yóoskídat haffúu ga fíkíi Kooh, dú took kite' wo'eenii míndúu kimúsal ee Kooh sok ga keeñnjúuda.

<sup>22</sup> Kaa eemat rek ga kisúkúruk wo'eenii Kooh, dú dúki haffúu ga iñaama. Wayee tumat iñaa wa nakohdá. <sup>23</sup> Ndaga baa súkúruk wo'eenii Kooh ee tumoo iñaa wa nakohdá, man na bo', yaa malak fíkíifaagari ga seetu, ya hotfa ga daa fa manda. <sup>24</sup> Ya seetu'uk bi ya léehíraa, ya yee, ya dal ki'al daa ya manda. <sup>25</sup> Wayee bo' yaa ga, yaa heel ki'ínoh dijófí' Waasii Kooh wimétí'wii on buwii kilaas hafbadá. Ya abinwa dijófí' ee foñjiwi. Ya eemmbii ga kisúkúruk iñaa wa wo'danaa ya aluk, wayee ya yaa tum iñaa wa nakohdá. Baa yaama, iñaa ya tumda, keeñci hay ga kisoos.

<sup>26</sup> Baa fu fooj an fu taabuk Kooh ee fu mínoo ki'am kúuwfunaa, fu dúk haffu: kitaabuk-Koohkaagaraa kaama laakoo jeriñ. <sup>27</sup> Kitaabuk-Koohkaa setin ee laakoo sík, ga fíkíi Kooh, Paamudii, kéri en: kihaltuk baayucii na beticci yaalcíigaba kaanin ee enu ga coonuda, na ban ki'abuk ga iñcii ga éldúna, líibdí bo' ga fíkíi Koohdá.

## 2

### *Kigénantiloh jomoo kilaak*

<sup>1</sup> Mbokcii, ngëumumgarúu dú laak ga Yéesu Kiristaa, Ha'mudiigaruu laak ndamda, hanat kitaam na kigénantiloh ga díkaantirúu. <sup>2</sup> Fodii dii: ha'-alalaa ekuk kúltí címórí' na kipii-wúrúus ga tokontaa, yérí hay, aassa jaangaagarúu. Laakka nduulaa ekuk líil-kúltí hay, aassa ban. <sup>3</sup> Yaa ekuk kúltícaa címórí'caada, dú onndi cée' wiyaak, dú wo'i an: «hay, Yugaa dii ga fíkíi.» Ee dú wo' nduulaa an: «fu, tuukaa hen», Wala «fu, Yugaa kakay ga kotciigoo!» <sup>4</sup> Iñaama dú tummbinaa, lak dú gënantilohin ga díkaantirúu ee dú atti"ii na keeñ wimórí'.

<sup>5</sup> Mbokciigoo mi keeñukdá, súkú'kattoo: buwii tíku nduul ga éldúnaða, Kooh tanukba, doonaa ngëmaa ya onbada dooyba alal ee ba laas ga Nguurii Kooh díñ buwii waa'tida. <sup>6</sup> Wayee dú tíkkii nduul bo'! Enndii ha'-alalcii bérí hoonohirúu kilaak Jame? Enndii bérí fasirúu bi ga paancii atti'ohsidane? <sup>7</sup> Man bérí ñaawali teekii Kiristaanii wimórí'wii dú bayda. <sup>8</sup> Waasii Nguurii Kooh, fodaa daa bídu ga Kéyítfaada, nakoh an: «waaraa mooroomfu fodaa daa fu waa' haffuda.» Binaa dú taabuk iñaamanaa, dú tumin iñaa jofin. <sup>9</sup> Wayee binaa dú gënantiloh buwiinaa, dú tumin baakaa', ee waas tíkkinndúu, ndaga dú këldúkin iñaa waas nakohdá. <sup>10</sup> Kéri tah, baa fu taabuk tóoh iñcaa waas nakoh ee fu këldúk wíinoo rek gacanaa, lak waasaa tóoh tíkkinndaa. <sup>11</sup> Ndaga Kooh yii wo' an: «Kaa dúk yaalfu wala betifu, fu faanuk na bo' yiliisdá» yérí wo' an: «Kaa lañ kumuun bo'.» Kon binaa en an fu

dúkkii yaalfu wala betifu, fu faanuk na bo' yiliis, wayee fu lagin kumuun bo'aa, fu këldúkin iñaa waas nakoh.

<sup>12</sup> Kon wo'at, dú tumi fodii buwaa jom ki'atti'u ga waas, waasaa oni buwii kilaas hafbadä. <sup>13</sup> En ki'enaa, baa laakoo yérmaandi ga mooroomci, Kooh atti'oori na yérmaandi; wayee luu Kooh atti' atti', yérmaandaagari míñ.

### *Kigëm jom kitaam na tumeen*

<sup>14</sup> Mbokcii, kiwo' an «mi laakin ngëm» ee ngëmaagaraa taammbii na tumeen, jeriñ ya? Ngëmaama míñin bo' kimúsale? <sup>15</sup> Fodii dii: dú laak mbok yiyaal wala yibeti, yaa laakoo iñaa ya ekukan ee ya laakoo iñaa ya ñaman besaa en béeb. <sup>16</sup> Laak garúu yaa wo'i an: «Karaa na jam ee fu ekuk faanfu bi bít, fu ñami bi fu kap!». Ya wo'i iñaama ee ya e'tiri iñaa ya soolukdانا, laak ya jeriñ? <sup>17</sup> Ngëm man fodaama: ngëm kesi taammbii na tumeenaa, wa leeh.

<sup>18</sup> Heyna bo' hayyoo kiwo' an: «Bii laak ngëm, bii laakka tumeen.» Wayee mi taasanndi an: «teewaaroo ngëmaa bo' míñ kilaak ee taammbii na tumeen, mi, mi teebpaa ngëm ga tumeen.» <sup>19</sup> Fu gëmin an Kooh ya yíinoo doñ. Rabciibibóni'bii ban gëmuunun iñaama ee ba bii saak ga ndaga kitíit. <sup>20</sup> Fu laakoo hel kat! Fu waa' iñaa teewanndaa an ngëm taammbii na tumeenaa laakoo jeriñ\*?

<sup>21</sup> Caasammbuu Abaraham, Kooh abohhi bo' yijúwíraa, enndii ga daa ya faanee kowuci Ísaak ga loteelaa kitumi' Kooh sarahcfane? <sup>22</sup> Kon fu hotin an ngëmaagari taabee na tumeencaagari. Fodaama ngëmaagari míñnda kimat sék ndaga tumeencaa taam gada. <sup>23</sup> Fodaama iñaa bídu ga Këyítfaada, matta an:

«Abaraham gëmin ga Kooh,  
kérí tah Kooh abohhari bo' yijúwí<sup>†</sup>»

Kooh teekkari fiiliici<sup>‡</sup>. <sup>24</sup> Kon dú hotin an Kooh abohi bo' an ya júwin, ga tumeencaagari, wayee enndii ga ngëm kesi.

<sup>25</sup> Enee dña ban na Rahap, faankoh-pakayaa. Kooh ammbari baa júwin ndaga tumeencaagari<sup>†</sup>. Yérí ekee buwaa bu-Ísarayeel woseeda ga kaanci, ya dímallaba kisaadoh ga waas wiliis. <sup>26</sup> En ki'enaa, fodaa daa faan, fa íikissiinnaa, fa kaanda; ngëm ban, taammbii na tumeenaa, wa leeh.

## 3

### *Kiwatuk peremfu*

<sup>1</sup> Mbokcii, hanat ki'en baa koluk garúu béeb waa' ki'en jégíroh, ndaga dú inohin an dí, jégírohcii, dí wëñan kimesik atti'. <sup>2</sup> En ki'enaa, du béebspuu du yewinin ki'ëldoh ga iñii yii wala iñaa yaa. Baa éldohoo taa' ga kiwo', baa yaama bo' yimëti' ee míñin ki'am hafci ga tóoh. <sup>3</sup> Du eki lahab ga kúuw pénís doonaa ya tooki'tuu, fodaama du éewdohhi ñúm daa neþpuu. <sup>4</sup> Malakat ga gaal-giiy ban: daa wa hín kiyakfa tóoh ee uuris bayiwada, kuwalan jijutuut fóolíriwa. Luu uuris wiyaak ye'eewa, wa aawi ga daa neþ fóolírohaa. <sup>5</sup> Perem manda ban. Pa enaama yijutuut ga faan bo', wayee pa ndamuk kilím enaama ciyaak. Malakat hemet-kiwii. Ja jijutuut ee ja dooyin kitéki' luuf wiyaak. <sup>6</sup> Perem ban kiwii. Pa líif na yibóni' kesi. Pa en ga faannduu ee pérí líibdifa béebsfa. Pa tamin na kiwiikaa safara ee pa tékíri kipeskiiruu ga éldúnada, aboh ga kilímuk bi ga kikaan. <sup>7</sup> Bo' laakin hel kitagat heet rawaa en tóoh: ennda rap-luuf, ennda sel, ennda rabciifasukida na bii ga duuy giyda; ee ya tagattaba. <sup>8</sup> Wayee perem, ken mínoopa kiko'. Pa enin enaama yibóni' yaa abukoo, ee pa líif

\* <sup>2:20</sup> 2: 20 laakoo jeriñ laakin ga Këyítcaa cidewaacaa baa wo': ngëmaa kaanin <sup>†</sup> <sup>2:23</sup> 2: 23 Malkat Sënees 15: 6. <sup>‡</sup> <sup>2:23</sup> 2: 23 fiiliici Ísayí 41: 8. <sup>†</sup> <sup>2:25</sup> 2: 25 Rahap Ga waa yaawúu'caa hayu teeraa Yéríkóo kimalakwa balaa ba hay kiheñoh na bu-teeraamanaa, Rahap yaama, ee enee faankohfa, yérí dfaakeebä, lëehí'ta dímallaba ba saan ee ken hottiiba.

na danjaraa apin. <sup>9</sup> Perem pérí dū kañohi Paammbuu Ha'mudii, ee pérí dū cojohi buwii Kooh sak, mëdí'taba na hafcidá. <sup>10</sup> Kúuwkii ka kiñoo, kérí meydohi wo'een barkeel, na wo'een coñ. Mbokcii, iñamaa jomoo da kimín ki'en. <sup>11</sup> Músúmaa newin na maa aayin mínan na kihal ga kuhaala jíinoo? <sup>12</sup> Mbokcii, een mínan na kilím towu yaawuun wala kedik-reseñ lím towu een? Fodaama ban, kuhaalaakaa meydohi mísúmaa aayin maraa, meydochoo mísúmaa newin.

### *Hamhamaa meyoh ga Koohda*

<sup>13</sup> Yiida garúu laak kiñaañ ee ínohin yen? Ga badukeenci wijúwí', ya teewohatka ga tumeencaa teeyin, caa teewoh kiñaañ kimëti'. <sup>14</sup> Wayee en lak keeñnjúu líif na ki'iñaan kiyaak na kinookoh kilaak rekaa, kaa ndamukat kiñaañ ndaga dú taammbii ga kayoh. <sup>15</sup> Kiñaañkaagarúu kaama meyohhii dook, ka kuu ēldúna, kuu bo'súsúus ee ka kuu Seytaani. <sup>16</sup> Ndaga daa ki'iñaan na kinookoh kilaak enoh béeþ, coow na tumeen cibóní'caa en béeþ caada. <sup>17</sup> Wayee baa laak kiñaañkaa meyoh dooksa, déeþ kiset hen paay, ya hannda kiyewin jam, ya teeyya; ya hídírohi hen, ya lífin na yérmaandi, ya lími yijófí'; ya fa'dohoo ken ee ya ínohoo kijófjófsuk. <sup>18</sup> Bo'-jam daa ya enoh tóoh, ya soki jam da, ee yijúwí' yérí ya píiki ga.

## 4

### *Kifiliimunoh na ēldúna*

<sup>1</sup> Heñcii na ñarohcii ga dzuuyucúuda iñii haydohcada ya? Kiwa'a' neblaat-kumuunkii dëk kiheñoh ga dzuuyucúuda kérí haydohca. <sup>2</sup> Dú dñibukin yen, dú mínoori kilaak ee dú hatinin kilañ kumuun bo' ga. Dú kaani na ki'iñaan ee dú laakoo iñaa dú waa'fa,faf dú en ga kiñaroh na kiheñoh. Iñaa dú waa'fa dú laakoori, ndaga dú kímoowa Kooh. <sup>3</sup> Luu dú kíimee Kooh ya onoorúu, ndaga dú kíimoo ga daa jomfa ee dú éewrukki dara ga, enndii iñaa neb kumuunndúu kepaa. <sup>4</sup> Dú oorin Kooh!\* Dú ínohoo an kifiliimunoh na ēldúna kérí en kisañ Kooh hanaa? Baa fu waa' kifiliimunoh na ēldúnanaa, fu tumin haffu baa waa'tii Kooh. <sup>5</sup> Kaa foogat an Kéyítfaa wo' sooy. Fa wo' an: «Helaa Kooh tum, wa dëkka garuufa, ya waa'wa hen bi ya naalohinwa.»<sup>†</sup>

<sup>6</sup> Ee sah kijofkii Kooh teeþpúufa paafin daama, ndaga bíduunun ga Kéyítfaa an: «Kooh tookdoo buwii bëwi' haffbadfa, wayee ya laakin yérmaandi ga buwii yóoskí' haffbadfa.» <sup>7</sup> Kon ayat hafffúu ga Kooh, dú sagi' Seytaani, ya soof fenoo, ya úsaayyúu. <sup>8</sup> Deeyat ga Kooh ee ya hay garúu kideey. Dú, tumoh-baakaa'cii, sétírat yahhúu ga yibóní', dú bii dú laaki hel kanakfa, sétírat keeñciigarúu. <sup>9</sup> Keeñnjúu leehat, aawat kiton dú looyi. Tiyentiigarúu enat moon, keeñciigarúu soosfa, ca leehat tak. <sup>10</sup> Yóoskírat hafffúu ga fíkii Ha'mudii ee ya hayyúu kibëwí'.

### *Ki'abuk ga ki'atti' mooroomfu*

<sup>11</sup> Mbokcii, ken hanat kiwo' ga mooroomci iñaa bonin. Baa wo' ga mooroomci iñaa bonin wala atti'inaa, ya wo'din Waasii iñaa bonin ee ya atti'inwa. Ee waas, fu atti'wanaa, fu enissii baa taabukwa wayee fu en baa atti'iwa. <sup>12</sup> Kooh hançci doñ, yérí hëwí' Waasii, ee yérí laak ki'atti'. Ya doñ yérí míñ bo' kimúsal, ee ya míñ bo' kisañku'. Haa fu yii fu atti'i mooroomfu, fu tík haffu ba?

### *Watukat kiyéen hafffúu*

<sup>13</sup> Súkú'kattoo diima, dú bii dú wo'i an: «Wati wala kuwis, dí hay kika' teeru nangam, dí tum da kíis. Dí toonsuki daama bi dí laak kopa'.'» <sup>14</sup> Dú ínohoo dara ga

\* <sup>4:4</sup> 4: 4 Dú oorin Kooh wo'eenii ga kiGerek diifa man na «betifaa dík yaalcii ya faanukka na bo' yiliis.» † <sup>4:5</sup> 4: 5 Helaa Kooh... naalohinwa Lëegísoh ciliis wo' da an: Helaa Kooh tum dëk garuuda, iñaa ya waa'fa, ya sagin wa bokidohu na yen yiliis.

kipessúu, iñaa ka yah kuwisda! Ndaga dú man na eeb. Wa kolukaa, maañoo dara wa keen. <sup>15</sup> Dú jom anee kiwo' kay: «Neb Kooh, Ha'mudiinaa, dí hay kipes, dí hay kitum iñii yii wala iñaa yaa.» <sup>16</sup> Wayee ó'óo! Dú yéegin haffúu ee dú ndamuki rek. Kiyéen haffu fodaama daal, joffi! <sup>17</sup> Kon, baa fu ínohin iñaa fu jom kitum yijóffí', fu tummbiirinaa, fu koorukin baakaa'.

## 5

### *Iñcii yoot ha'-alalcii*

<sup>1</sup> Súkú'kattoo diima, dú ha'-alalcii! Aawat kilooy, dú weleluki ndaga coonucii sekkúudsa! <sup>2</sup> Alalcigarúu nöpin ee kúltíciigarúu maasohin. <sup>3</sup> Wúrúusiigarúu na hëelísiigarúu homaakin<sup>☆</sup>. Homaakaama hay kiteewoh fodii seedi iñcaa cibóní'caa dú tumeeda. Ee homaakaama, fodii kiwii, hay kiñam faanciigarúu. Ëldúna, daanaka, leehin ee dú bii lís haffúu kigari' alal! <sup>4</sup> Malkat, koparii jomee kifayohu píikohcii lëgëysee ga yoonciigarúuda, dú tëhdohinwa kak, wa wii fiip rek. Ee jambatcii píikohcii aasin nof Kooh, Ha'mudii wëñ buuroo buu'da. <sup>5</sup> Dú cattii dara ga èldúnaruú, dú dëk ga mo'laat na neblaat rek. Dú kapin dút en fan júuraa yafalu hen, dú bii sek bëriinaa dú hoossanda. <sup>6</sup> Baa tummbii dara, dú atti'inndi kikaan, dú lagin kumuunci ee ya nookohhii ga.

### *Múuñat, dú seki*

<sup>7</sup> Kon mbokcii, múuñat dú seki bi ga daa Yéesu, Ha'mudii haysisan. Malakat ga daa línoh múuñi, aboh ga tobcaa dewi kikeen bi ga daa seek wíisan, kakay eroh towu tilúudí'. <sup>8</sup> Dú ban, múuñat fodaama, dú am bi yëgís, ndaga kihayiskii Ha'mudii deeyin.

<sup>9</sup> Mbokcii, ken hanat kijambatuk ga mooroomci, en danaa Kooh atti'oorúu. Malkat bii yah ki'atti'da sah yeema ga halii. <sup>10</sup> Mbokcii, malkat ga sëldíiga-Koohcaa. Ba wo'ee ga teekii Ha'mudii ee ga d'uuy coonucaagabaa, ba múuñee hen. Taabat ga kotcaagabaa. <sup>11</sup> Inohat an, dí wo' an ba yewinin múu', buwii yëgís ga d'uuy coonucaagabada. Dú kelohin iñaa wo'u ga Yoop<sup>☆</sup>, ga daa ya tookee kimúuñda. Ee dú hotin iñaa Kooh, Ha'mudii mëeñjohi kitumi'da, ndaga Kooh, Ha'mudii líif na kijof na yërmaandi.

### *Kiwaat joffi*

<sup>12</sup> Ee sah mbokcii, kaa waatat mûk<sup>☆</sup>. Enndii ga teekii dook-Kooh, enndii ga teekii kakayfii wala ga enaama yiliis. Ga daa ka mín kiman tóoh, wo'eenndúu en «Eheenaa», enat «Ehee», en «Ó'óonaa» enat «Ó'óo». En danaa Kooh atti'oorúu.

### *Doolaa laak ga kikiim Koohda*

<sup>13</sup> En laakin garúu yíinoo yaa en ga coonunaa, ya kíimat Kooh. En laakin garúu yíinoo yaa en ga jamaa, ya kañat Kooh na tiyeek. <sup>14</sup> En laakin garúu yíinoo yaa dúukoolinaa, ya baylukat yaakcaa ga jaangaada. Ba kíimi'ti Kooh, ba leeffi dúuleen<sup>☆</sup> ga teekii Ha'mudii. <sup>15</sup> Kíimaama taam na ngëmda hay kimúsal dúukoolíraa: Ha'mudii hayyi kiwéki'. Ee en an ya tumin baakaaraa, ya bayaluca.

<sup>16</sup> Kon baa en béeëb wo'at baakaa'caagari ga fíkií mooroomci ee yaa en béeëb kíimi' mooroomci Kooh, en danaa dú wak. Baa júwin kíim Koohaa, kíimaagari waama, doolaagadá límin yiyaak. <sup>17</sup> Malkat ga Ili, sëldíiga-Koohaa, ya enee bo' doj fodii garuu. Wayee ga waa ya kíimmba Kooh na ngëm doonaa ya towooda, mûsú keenndii kakay bi laakka tíkíis taahay na caban. <sup>18</sup> Waa ennda ña, ya kíimissa Kooh ya tob, Kooh tobpa, doo kakayfaa, faa han ki'eroh iñaa pesohohsan.

<sup>☆</sup> 5:3 5: 3 Malkat Mëccée 6: 19. <sup>☆</sup> 5:11 5: 11 Malkat Yoop 1: 20-22; 2: 10. <sup>☆</sup> 5:12 5: 12 Malkat Mëccée 5: 33-37. <sup>☆</sup> 5:14 5: 14 Malkat Marka 6: 13.

*Gínd'at buwii míuydá*

<sup>19</sup> Mbokcii, laak garúu yíinoo yaa deen̤ kayohfii, ee laak garúu yaa gíndi''inaa,  
<sup>20</sup> leenaa níindískat iñii yii: Béeb baa fu gíndi tumoh-baakaa' ee lak ya míuyee hen  
ga waas wibóníraa, fu bewohinndi ga waasaama, fu sominndi ga kikaan ee fu hay  
kitah bi baakaa' ciyewincaa baa yaama tumdá Kooh bayallica.

## Këyítfii Pee' dēb kibínda **Wo'eencii lëgís Këyítfiida**

Këyítfii fii férí Pee', apotaaraa Yéesu, bín kerceencaa teerucaa ciyétúuscaa ga gohaa Aasiida (ga dii kúlkaa Turukií enoh watida). Këyítfiimaa Pee' bideefa kerceencaama hatalu ga kipesfa.

Ga wii Yéesu en ga ēldúnada, Pee' taabee nari. Ga waa Yéesu meyoh ēldúnada, Pee' enee apotaaraa yaawúu'caa. Kerceencii Pee' bidee këyítfii fiida enee buwaa hatalsee hen ga kipesba ndaga daa ba gëmee ga Yéesu Kiristaada. Iñaama tah ya bínndaba kiwo'ba, ba am bi yégis ga ngëmii. Enndii bérí dëwoh ga kitiku coonu. Ya wo'aba an Yéesu yii ba gëm garida yérí dëb kitiku coonu, bi ya apussa. Iñaama teewoh an binaa ba hídoh na mesiklaataa, ba tookat kimúuñ fodaagari. Ya wo'aba ban daa kipesba jom kiman ga dñuy buwaa sagu kigëm ga Kooh.

### **Këyítfii Pee' dëb kibínda tíidoh anee:**

- 1 - Këñdoh (1: 1-2)
- 2 - Yaakaarii onoh kipesfa (1: 3-12)
- 3 - Kipeskaa sel'a'in (1: 13-2: 17)
- 4 - Kitaabuk kotcaa Kiristaa (2: 18-4: 19)
- 5 - Níirohcii yopii Kooh (5: 1-11)
- 6 - Tankoh (5: 12-14)

### *Këñdoh*

<sup>1</sup> Mi Pee', apotaa' Yéesu Kiristaa, mi yérí bínndúu këyítfii fii dú buwii Kooh tanuk enu sagac ga gohcii ba tasaarukohda: ennda gohaa Pom, waa Galasií, waa Kapadoos, waa Aasíi na waa Bítiníi. <sup>2</sup> Kooh, Paamudii tanukinndúu kuméeñí' fodaa ya nateeka kitumda, doonaa dú en buuci ga tumeenaa Helaa yisela'í'ya, en danaa dú kelohi' Yéesu Kiristaa ee ñifaagari aamuda onndúu kiset. Mi kíim Kooh barkeellúu bi dooy, onndúu jam wiyewin.

### *Yaakaarii onoh kipesfa*

<sup>3</sup> Du kañat Kooh, Paamudii Yéesu Kiristaa, Ha'mudiigaruu. Ga yérmaandaagari wiyaakwaa, ya oninnduu kilímukis ga kipes ki'as, ee dñu laakin yaakaaraa onohi kipes, ga daa ya milísi' Yéesu Kiristaa ga kikaankaad'a. <sup>4</sup> Fodaama, dú laas ga iñcaa cinéwí'caa Kooh faani'túu ga asamaanda. Iñcaama yasukohoo, ca líwoo, ca neewoo. <sup>5</sup> Kooroh ga ngëmii dú laakfa, Kooh hayyúu kiníi' na dooliigari míin ga tóohfa, bi ga besaa méeñjoh ya yah kiteewoh kimúckiima ya waayuki'túuda.

<sup>6</sup> Keeñnjúu soosin ga yaakaaraama, luu enee an dú jomin kikooroh diima ga coonucaa en tóoh. Coonucaa nak maañannđii, <sup>7</sup> ca en kimalaksukoh ngëmiigarúu, dii wa hín kiyégísd'a, fodaa daa wúrúus útsi ga kiwii kimelici'wada. Ee ngëmiigarúu wëñ solu fúuf wúrúusaama aaw ga kiyasukoh donđfa. En danaa ngëmiigarúu hayyúu ki'on dú laak gérém, dú laak ndam, dú eru cée', bérínaa Yéesu Kiristaa feeñukand'a.

<sup>8</sup> Dú mosoo kihot Yéesu ee moona dú waardinndi. Bi wati dú hottiiri, ee kokohhii dú gëmin gari. Kérí tah dú taabin ga na keeñ wisóosí', waa ken mínoo kiwo' na kúuw, waa taam na ndam. <sup>9</sup> En ki'enaa, dú laasin ga iñii dú séentuk ga ngëmii dú laakfa. Iñaama yérí en an fítciiigarúu, ca múc.

<sup>10</sup> Ga loo kimúckiima, sëldíiga-Koohcaa heelussa ki'ínoh na kihalaat ga dijófí', ee ba yéegalohha kijofkaa Kooh nareerúu kiteeb'd'a. <sup>11</sup> Ba baa heel ki'ínoh bi jof

jamaanaa iñcaama Helii Kiristaanii ínohlukoheeба, yah kilaakohda, na daa ca yah kimanda. Heliima taabee nabada yéegaleeба, balaa ka laakaa, cooncaa Kiristaanii na' kidayda na ndamaa yah ga kitíkda. <sup>12</sup> Kooh teebpaba an iñaa ba yéegaloohee yaama, ba ga kihafba, aawéerii gaba wayee aawee garúu. Diimadä, buwii en na kiyéegaloh Hewhewii winéwí'wiida wo'inndúu iñaama, kooroh ga doolii Helii yisela'i'yii Kooh wosoh, meyoh asamaanda. Malaakacii sah waaruunun kitík hasba ga iñcaama.

<sup>13</sup> Kon waayukat haffúu, dú wísoh weceñ, dú lík yaakaa'túu béebwa ga iñaa yijófí'ya Kooh yahhúu ki'on béríinaa Yéesu Kiristaa feeñukanda. <sup>14</sup> Enat oomaacaa kelohdin Kooh. Kaa taabukat neblaat-kumuuncaa dú enukohee kudewaada; lak dú ínohhii Kooh duum, <sup>15</sup> wayee sela'at hen ga béeb kipeskiigarúu fodii dii bii bayyúu ga hafci sela'da. <sup>16</sup> En ki'ena, bídu ga Kéyítfaa an: «Enat buwaa sela'in, ndaga mi, mi sela'in».

<sup>17</sup> Waa Kooh yii atti'i baa en béeb ga iñaa ya tumi ee fa'dohoo kenda yérí dú bayi «Buba» dú en na kikiimaa, kon nak, ga kipeskiigarúu dii ga ēldúnada, dú jominndi ki'e' cée' wiyaak. <sup>18</sup> Dú ínohin an iñaa dú laasohu ga kipeskaa enéerii dara dú lam ga bicaasammbúuda enndii iñaa yah kiyasukoh fodii hëelís wala wúrúus.

<sup>19</sup> Ó'oo, dú laasuunun ndaga ñífaa wiléekí'-soluwaa Kiristaa aamu, fodii sarah kubaalkaa dara néeewískkiigarí ee laakoo sík. <sup>20</sup> Kooh tanukinndi kuméeñí', lak ēldúna sakussii duum ee ya onin buwii ki'ínohhi ga jamaanuciima en cii méeñjohda, ndaga dú. <sup>21</sup> Kooroh gari, dú gëmin ga Kooh, yii mélisi'ti ga buwaa kaanin, e'tari ndamda. Fodaama, ngëmiigarúu na yaakaariigarúu cii éewrukka ga Kooh.

<sup>22</sup> Ga wii dú taabuk kayohfiida, fodaama dú sétirin fitciigarúu bi dú míniñ kiwaa' bimooroommbúu kayoh-kayohda. Kon nak, waarohat kayoh-kayohda na keeñciigarúu béebca. <sup>23</sup> Dú límuksin kilímuk ki'as kaa meyohhii ga pesohpaa yah kiyasukoh, wayee ka meyoh ga pesohpaa yasukohanndii. Ee pesohpiima përi en Wo'eenii Kooh onohi kipes ee wa tuukan bi taa'da. <sup>24</sup> En ki'ena, bídu ga Kéyítfaa an:

«Bo'-súusúus man na pëegíi;  
ndam bo'-súusúus man na sapuu-pëegíi.

Pëegíi súwin, sapuuasca keen,

<sup>25</sup> wayee Wo'eenii Ha'mudii tuukan bi taa'.»<sup>⊗</sup>

Ee wo'eeniima wérí en Hewhewii winéwí'wii dú yéegalseeda.

## 2

### *Atoh-koñii tawahii Kooh*

<sup>1</sup> Kon foñat tóoh iñaa en kisoot, kiñaañukoh bo', kijófjófcuk, ki'iñaan, kipok kiwo'. <sup>2</sup> Fodii lii', díibukat kibap ga miismii koocussii en Wo'eenii Koohda, en danaa, ma onndúu kiyak bi dú múc. <sup>3</sup> En ki'ena, bídu ga Kéyítfaa an: «Dú hotin dii Ha'mudii hín kijofda».

<sup>4</sup> Ha'mudii yérí en atohii en na kipes buwii jafeeda wayee Kooh tanukwa ee wa laakin solu gari. Deeyat gari. <sup>5</sup> Waa dú enin atohcaa en na kipes, dú ban, deeyat gari doonaa dú en tawahii Kaanfi Helii yisela'i'yii dëkohda ee dú en bisarahoh, baa en buu Kooh, kitumi'ti sarahcaa Helii yisela'i'yii onnduuca kitumda. Sarahcaama Kooh tookinca kooroh ga Yéesu Kiristaa . <sup>6</sup> En ki'ena, bídu ga Kéyítfaa an:

«Mi yii yíppa atoh-koñ dii ga Síyon,  
mi yérí tanukwa ee wa wérí wëñ kilaak solu.

Baa gëm gawanaa, yaakaa'fu tasoo muk.»<sup>⊗</sup>

<sup>7</sup> Kon dú bii dú gëminda, wa erinndúu cée', wayee bii gëmmbiidá, ba ínohat an:

<sup>⊗</sup> 1:25 1: 25 Mëdïrohat na Kañcaa 103: 15-17.    <sup>⊗</sup> 2:6 2: 6 Malkat Ísayíi 28: 16.

«Atohaa tawahohcaa jafeeda  
wérí méeñjoh ki'en atoh-koñii tawahii»<sup>⊗</sup>.

<sup>8</sup> «Wa enin ban atohii këfiti buwii,  
wii bùukíbada.»<sup>⊗</sup>

Wa këfitinba ndaga ba tookkii kigëm Wo'eenii Kooh, ee iñaama yérí sekeeba.

<sup>9</sup> Wayee dú, dú en heetii Kooh tanukða ya tuminndúu bisarahoh na bibuu'. Dú en heetii wisela'í'wii, heetii ya heeli' hafcidfa, doonaa dú yéegaloh tumeencii ciyaakcii<sup>⊗</sup>.

Ya bewohhúu ga ñúusii, haydohharúu ga lee'laatii neñ kiniirukda. <sup>10</sup> Kudewaa, dú enéeríi heetii Kooh wayee diimada dú enin heetiigari. Kudewaa dú laaséeríi ga yérmaandii Kooh wayee diimada dú laasin gawa.

### *Kipes fodii súrga Kooch*

<sup>11</sup> Dú bii mi keeñukinda, dú man na buwaa kooroh éldúna hen rek, fodii bisagac, kérí tah mi daassúu ga iñii yii: Abukat ga neblaat-kumuuncii heñohi fit bo'da. <sup>12</sup> Badukeenumgarúu ga dñuy yiifa'cumða enat wimórí'. En danaa, luu ba pokdeerúu ki'en bitumoh-kofeel, ba hotan tumeenciigarúu cijóff'i'cii, ee ba ndami Kooh bériinaa yaama baawanbada.

<sup>13</sup> Béeb nguu' waa bo'-súsúus míñ tuuki' ga éldúna, kelohdatwa ndaga Ha'mudii: ennda buurii hanoh béeb buu'cii dookdfa, <sup>14</sup> ennda ban gúwernée'ciigari ya wos kiko'tumoh-kofeeli'cii na kikañ buwii tumi yijóff'i'cii. <sup>15</sup> En ki'ena, iñii Kooh waa'da wérí en an: dú tum iñaam jofin. En danaa dú lañ túuwttii buwii laakoo hel, ínohsoo darad'a. <sup>16</sup> Bayat badukeen buwaa laak haffba, ee kaa tumat iñaama úuf kikún tumeen cibóní'. Namat ki'en bisúrga Kooh. <sup>17</sup> Erat buwii béebba cée', waarat mbok-kerceencii, niikat Kooh ee dú e' buurii cée'.

### *Súrga na ha'mudaagari*

<sup>18</sup> Dú súrgacii, kelohdat ha'munciigarúu, dú e'ba cée' wimëti' sëk. Hanat ki'eem rek ga ha'muncii bijóff'i'cii wala bii dúkohsi narúu henda, wayee bi ga sah bii tamohinda. <sup>19</sup> Kayoh, kikoruk coonucaa dú tiku ga iñaam enndii waas ndaga kitaabuk Kooh, ínohat an Kooh ga kijofkaagari onndúuka kimín. <sup>20</sup> En ki'ena, ndamii wiida wérí laak ga kikoruk doo'caa dú feekuca ndaga lak dú tum iñaam joffi? Wayee binaa dú took kikoruk coonu ndaga kitum iñaam jofinaa, ínohat an Kooh ga kijofkaagari yérí onndúu kimín iñaama.

<sup>21</sup> Iñaama yérí Kooh bayohhúu. Kiristaanii ban sodin ndaga baakaa'ciigaruu, ee fodaama ya teewinndúu waas waa dú kooran, doonaa dú taabuk kotcaagari.

<sup>22</sup> Ya mosoo kitum baakaa' wíinoo ee saboh fiinoo mosoo kimeyoh kúuwci.

<sup>23</sup> Ya basuunun, ya mossii kitaas na basee.

Ya tikuunun coonu, ya mossii kidíguk ken ki'ëldúk,  
wayee ya díñkaanohee hafci ga yah yii bay atti'ii wijúwí'wiida.

<sup>24</sup> Ya koorukka baakaa'ciigaruu ga faanci, ya bayyaca,  
ya ga kihafci ga wii ya kaan ga kuraanaada.

En danaa baakaa' mínsisoo yen garuu ee du aas ga kipeskii kijúwí'kii.

Dú wékírohu kon ga gaañcaagari.

<sup>25</sup> En ki'ena, kudewaa dú madee na baalcaa múuy hen, wayee diimada, dú bii ëewrukka ga níirohii watuki fítciigarúudfa.

## 3

### *Beti na yaalci*

<sup>⊗</sup> **2:7** 2: 7 Malkat Kañcaa 118: 22.    <sup>⊗</sup> **2:8** 2: 8 Malkat Ísayii 8: 14.    <sup>⊗</sup> **2:9** 2: 9 Malkat Eksoot 19: 5; Ísayii 43: 20.

<sup>1</sup> Dú ban, beticii, kelohdat yaalciigarúu. En danaa, laak gaba yaa gëmmbii Wo'eenii Koohaa, daa dú manda míンba ki'ek ga ngëmii. Iñaama soolukanndii kiwo':  
<sup>2</sup> ba malakan rek ga badukeenaagarúu, daa dú hín kiset keeñ ee dú erinba cée'da.  
<sup>3</sup> Kaa heelat rek kimo' ga fooh: ennda kidúguk bi jek, kipokuk ceen-wúrúus na ki'ekuk kúltí cimóri'. <sup>4</sup> Wayee heelat kimo'kaa en ga dzuuy keeñ, yasukohoodsa: ennda kilewet na kiyewin jam. Kimo'kaa kaama kérí laak solu ga fíki Kooh. <sup>5</sup> En ki'ena, beticaa waama bisela'í'baa tıksee yaakaa'ba ga Kooh ee tookdfusee fiyaalbadá, iñaama yérí enee kimo'kaagaba. <sup>6</sup> Madee fodaama ga Saaraa. Ya kelohdee Abaraham hen bi, ya bayeeri Ha'mudaagari. Dú ban, binaa dú tum iñaa jofin ee taammbii na kiniik daranaa, iñaama hay kiteewoh an dú tucaasamun Saaraa.

<sup>7</sup> Dú yaalcii ban, baa en béeb ga kipeskaagari na betici, ya jomin kifoñ hel ga an ya híndii nari dooli. Eratba cée' wimëti' ndaga ba hay narúu kibok kilam kipeskaa kukayohkaa Kooh onndúuda. En danaa dara honohoorúu kikíimi Kooh bi jof.

### *Kitook kisodalu ga kitum iñaa jofin*

<sup>8</sup> Iñii méeñjohda wéri en béebpúu, bokat halaat, dú bok keeñ wíinoo. Waarohat ga díkaantirúu fodii buwaa bérí bokoh; baa en béeb laakat yérmaandi ga mooroomci ee baa en béeb yóoskí' hafci. <sup>9</sup> Kaa íkat mesiklaat ga mesiklaat ee kaa taasat basee ga basee; namatti kikíimi', Kooh barkeelli. Kooh bayohhúu ga hafci iñaama, kibarkeellúu. <sup>10</sup> En ki'ena, bídu ga käyítfaa an:  
«Béeb baa waa' kinebluk ga eldúna ee kipesci newaa,  
ya abat kúuwkaagari ga yibóni',  
ee perempaagari hanat kiwo' saboh.

<sup>11</sup> Ya úsaayat yibóni' ee ya tumi yijóffi',  
ya heelat jam ee ya taabukiwa.

<sup>12</sup> Ya ínohat an Ha'mudii yii yíppa hasciigari ga buwii bijúwí'bii  
ee ya yii déekka nofigari ga iñii ba kíimirida.  
Wayee buwii tumi iñaa boninda, Ha'mudii súugúrukinba.»<sup>◊</sup>

### *Yaakaa' ga dzuuy kihatalu ga kipes*

<sup>13</sup> Ee sah, bii yiida tumanndúu iñaa mesikin binaa dú kaantukoh ga kitum yijófíraa? <sup>14</sup> Luu enee an dú jom kikoruk iñaa meskin ndaga kitum iñaa júwin, ínohat an dú yewinin múu'. Kaa niikat buwii ga dara ee ban ken hanat kihícoh hellúu. <sup>15</sup> Tookat ga keeñnjúu an Kiristaanii sela'in, ee ya hançi doj ya en Ha'mudiigarúu. Tuukat tek ga kitaas béeb baa meekisanndúu iñii tah yaakaarii dú laakda. <sup>16</sup> Ee nak taabat ga na teey, dú on béeb cée', ee dú dëli' hellúu. En danaa buwii pokdfirúu kiwo' ndaga kipeskiigarúu kijúwí'kii ga Kiristaaniida kaci'u ga iñci ba pokdfirúuda. <sup>17</sup> En ki'ena, kikoruk mesiklaat ndaga kitum yijóffi', en ga iñaa Kooh waaraa, kérí gën kikoruk mesiklaat ga kitum yibóni'.

<sup>18</sup> Kiristaanii ga kihafci koorin ga mesiklaat waas kíinoo ndaga baakaa'cii buwii. Ya yii ya en bo' yijúwí'cfa, ya kaannda kimúsal buwii júwussiida doonaa ya haydohba ga Kooh. Ya apussa, faan bo'-súusúusfaagari kaannda, wayee Helii yisela'í'yii onndari kipesis. <sup>19</sup> Korohee ga Heliima, ya ka'ta ga helcaa tècuk ga bu-baamda kiyéegalba iñaa laakda\*. <sup>20</sup> Helcaama cérí en cii sagee kikelohi' Kooh, ga jamaanaa mísúmaa miyewinmaa Kooh toweeda. Wiima lak Kooh yii múuñ rek, hídoch ga wahtaa Nowee enee na kihéwi' gaal-giiyaa wiyaakwaadsa. Bibo' bijutuut bérí múcee ga mísúmaama, ee enee bo' biyitnabaahay. <sup>21</sup> Iñaama yérí mandarga bétisi dú bétisi'u ga mísú watí, onndúu kimúcfa. Bétisi' nak, enndii kinís iñaa líib ga faan, wayee nam ki'en kitaas Kooh na hel widëli'. Ee wa mísalinndúu kooroh ga kimílskaa

\* 3:12 3: 12 Mëdïrohat na Kañcaa 34: 13-17. \* 3:19 3: 19 Lëegísoh ciliis wo' «ya ka'ta ga fítcaa buwaa kaaninda... »

Yéesu ga buwaa kaaninda, <sup>22</sup> yii lap dook asamaan, hanohha yah-ñaabaa Koohda. Malaakacii, iñcii en na kinguuruk ga dook buwiida na iñcii laakin dooli ee hotukooda, kelohdinndi.

## 4

### *Kigúroh na baakaa'*

<sup>1</sup> Kon nak, waa Kiristaanii dayeera mesiklaat ga faanfaagari, dú ban, bewat helaa Kiristaa waama, dú tumwa ganaay. En ki'enaa, baa day mesiklaat ga faanfaagari gúrohin na baakaa'. <sup>2</sup> Kon, aboh diima deñ, iñii tes ga kipessúu ga ēldúnada hanat ki'en ga iñaa neb bo'-súsúus wayee enat ga iñaa Kooh waa'. <sup>3</sup> En ki'enaa, dooyin sék ga díi dú pesee kudewaa ga iñaa neb yiifa'ciida: dú enee ga kifaanuk na baa en béeb, kidšíibuk iñaa en yuu mooroomfu, kilaal kihépí', kihíp look ga kiñam na ki'an, ki'aamuk koof ki'araamí'. <sup>4</sup> Diimada, yiifa'cii léyuunun ga díi dú taabissii naba ga kipeskiigaba kibóní'kii kiima barinda. Kéri tah ba bii bassúu. <sup>5</sup> Ba hay kituuk bes kitaas ga fíkii bii tuuk ga ki'atti buwii en na kipes na buwii kaaninda. <sup>6</sup> En ki'enaa, iñamaa tah Hewhewii winéwí'wii yéegalohussa ban ga buwii diima deñ kaanuununda. Fodaama, luu enee an ba atti'uunun kikaan ga faancaagaba fodii béeb buwii, ga fitcaagaba ba bii pes fodii Kooh.

### *Ki'amdoh mooroomfu ga iñaa Kooh onndaa*

<sup>7</sup> Iñaa enin tóoh, jamaanaa wa leehanda deeyin. Kon taabat na hel na kiwíisoh, en dñanaa dú míñ kikiim Kooh. <sup>8</sup> Balaa daranaa, waarohat ga díkaantirúu kiwaaroh kiwóorí' ndaga kiwaaroh kúnin baakaa'caa leehoo. <sup>9</sup> Baa en béeb tookat mooroomci ga kaanci ee hanat kitaam na kicapatuk. <sup>10</sup> Baa en béeb garúu laakin iñaa Kooh onndi. Ya bewat iñaa ya onuda, ya amdoh buwaa bñinoo ga, fodii buwaa tuukuk lëgëy. Fodaama, ba tuukuk dijófí' béeb iñcii cinéwí'cii Kooh onohdfa. <sup>11</sup> Bo' en na kijangataa, ya wo'at iñii Kooh wo'da. Baa en na ki'amdoh ga lëgëyiinaa, amdohat na doolii Kooh onndida. En dñanaa, Kooh eru ndam ga iñaa en tóoh, kooroh ga Yéesu Kiristaa yii laak ndam na dooli bi taa'da. Aameen!

### *Buwii hatalu ga kipesba ndaga Kiristaada*

<sup>12</sup> Dú bii mi keeñukinda, kaa lëyat ga mesiklaatcii citamohí'cii dallúuda en fan enndii waas. <sup>13</sup> Namat kinebluk hen, ndaga dú bëb bakkúu ga coonucii Kiristaa dayda, doonaa béríinaa ya feeñukan ga ndamaagarida, keeñnjúu soos seb. <sup>14</sup> Dú yewinin múu', binaa dú basu ndaga teekii Kiristaaniinaa, ndaga lak Helii Kooh líif na ndamfa wii dëkka ga dñuycúu. <sup>15</sup> Binaa laak garúu yaa tíku coonunaa, hanat ki'en an lak ya ap bo', wala ya lok hen, wala ya tum kofeel, wala an ya aas ga iñaa enndii waasci. <sup>16</sup> Wayee en an ki'en kerceen kéri tah bo' tíku coonunaa, ya hanat kilaak kaci ga iñamaa. Ya namat kay kigérém Kooh daa ya bay teekii kerceenda.

<sup>17</sup> Wahtii ki'atti'kii le'in, ee wa dewoh ga buwii en buu Koohda. En lak wa daloh garuunaa, kon buwii sagu kigém ga Hewhewii winéwí'wii Koohda, ba yah na kiméenjoh? <sup>18</sup> Fodaa këyítfaa wo'da: «En lak kimúc bo' yijúwi' kéri yoobpiinaa, kon baa tumi baakaa', faali"ii Koohda, ya aaw na?»<sup>☆</sup>

<sup>19</sup> Fodaama, buwii dayu mesiklaat ndaga kitaabuk iñaa Kooh waa'da, ba lísat kitum iñaa jofin. Ba ayat kipesba tóoh ga yii sakba ee tumi iñaa ya dígoohdfa.

## 5

### *Níirohcii yopii Kooh*

<sup>☆</sup> 4:18 4: 18 Mëdïrohat na Liiwuk 11: 31.

<sup>1</sup> Diiimada nak, mi daas buwii ga d'uuyucuu en biyaak ga jaangiida. Mi yaak ga jaangii fodii gaba. Mi seedi'in coonucaa Kiristaa dayeeda ee mi laakin bak ga ndamaa yah kihotukda. <sup>2</sup> Níirat yopii Kooh díjkaanndúuda ee d'u toputu'iba. Ee hanat ki'en an d'u gitínu ga hen wayee enat ga iñaa newinndúu fodaa Kooh waa'kada. Hanat ki'en an kiwaa' hëelis ekkúu ga, wayee enat an d'u gëm lëgëyaama hen. <sup>3</sup> Kaa heelat kilaak dooli ga dook buwii Kooh tìk ga yahhúuda, namat ki'en buwaa yopii Kooh malakan gaba. <sup>4</sup> Ee binaa yii kuliyuk ga tóoh níirohciida feeñukaa, d'u hay kilaas ndamii fodii baanu-buu', waa fúri'anndii.

<sup>5</sup> Ee ban, d'u oomaacii, kelohdat buwii en yaak ga jaangiida. Ee béeb buwum, yaa en béeb yóoskírat hafci ga fíkií mooroomci ee ekukat iñaama fodii kúltí ndaga bídu ga Kéyitfaa an: «Kooh kaalin buwaa bëwi' haffada, wayee buwaa yóoski' haffada, ya teewinba kijofkaagari<sup>◊</sup>». <sup>6</sup> Kon yóoskírat haffúu ga fildoo yahii Kooh wiléekí'-dooliwi. En d'anaa, ya bëwi'túu ga wahtaa ya amda. <sup>7</sup> Kélëembískat tóoh iñaa bítinndúu ga dookci ndaga yérí toputu'irúu.

<sup>8</sup> Wíisohat ee d'u watuki! Yii heñohirúu, Seytaanii, yii yoot en fan gayindifaa en na kimbëmbuk kiheel baa ya seelsohan. <sup>9</sup> Abat bi yégis ga ngëmiigarúu, d'u têhhi têc, ee d'u ínoh an mbok-kerceenciigarúu tasaarukoh ga eldúna tóohda, coonucaa man da céri ba day ban. <sup>10</sup> Dú hay kibaat kiday coonu jutuut, wayee Kooh ga kijofkaagari kiyaakkaa, hayyúu kibëwíris, ya onndúu kiyégis gík, ya baattúu dooli bi dara mínoorúu kiyëngël. Ya bayinndúu kibok ga ndamiigari leehoo taa', ndaga dii d'u enin wiinoo na Kiristaada. <sup>11</sup> Ya yérí laak kimín bi taa'. Aameen!

### Tanjoh

<sup>12</sup> Sílwee, ee ya en garoo mbok-kerceenaa mi óolukin, yérí amfohhoo bi mi mínnadarúu kibín këyítfii fii. Mi bínnadúu kidaassúu na kiseedi'"úu kijofkii kiwóorí'kii meyoh ga Koohda. Abat ga iñaama bi yégis.

<sup>13</sup> Bu-jaangii ga Babíloon\* Kooh fal fodii garúu, bii këñí'túu ga. Marka yii mi aboh fodii kowu ga ngëmiida, yii këñí'túu ga ban. <sup>14</sup> Baa en béeb mígnohat na mooroomci haf, kifuunndi fodii buwaa bokoh.

Jam taabat narúu béebpúu, d'u bii d'u en wiinoo na Kiristaaniida.

---

\* 5:5 5: 5 Malkat Liiwuk 3: 34. \* 5:13 5: 13 Pee', ga teekaa Babíloon, míniñ ki'en, wo' dëkaa Room

## Këyítfii fukanakfii Pee' bínda Wo'eencii lëgís Këyítfiida

Këyítfii fii férí en fukanakfii Pee' bínda. Jom ki'en an ya bínfa ga béeb kerceenoo kerceen (1: 1). Laakkii ken baa wo' an kerceencaa ya bídee këyítfaa c eb a b  r i ya b  dis fii, ee w  o'tii ken an k  y  tcii kanakcii cii doj c  r i ya b  n. Ya wo' rek an k  y  tfii fii f  r i en fukanakfii ya b  nb  da (3: 1).

Pee' wo' an laakin buwaa kari ga kerceencaa, ba jangati ga d  uuys  a i  caaa taabohhii na Hewhewii win  w  i ba y  egalee buwaamada. J  g  rohcaama taabuk neblaatkumuunba doj ee ba wo'i an Y  esu hayisandii.

Pee' wo' ban an kipes kerceen jom kitaam ga i  aa ne   Kooh. I  aama y  r i Y  esu j  g  ree buwaa taabukeeri ga wii ya en ga   ld  nada, ee i  aama y  r i b  a en b  eeb jom kitum ga helci.

### **K  y  tfii fukanakfii Pee' bínda t  idoh anee:**

- 1 - K  ndoh (1: 1-2)
- 2 - I  ii Kooh bayoh buwii ga hafci  a (1: 3-15)
- 3 - Wo'een s  ldiiga-Koohcaa ga loo Y  esuda kayoh (1: 16-21)
- 4 - Buwaa j  g  roh saboh  a na i  caaa sek  a g  da (2: 1-22)
- 5 - Kihayiskii Ha'mudii d  gohud  a (3: 1-18)

#### *K  ndoh*

<sup>1</sup> Mi Simonj-Pee', s  rgii na apotaarii Y  esu Kiristaa, mi y  r i b  nnd  u k  y  tfii fii, d   b  ii, d   u laakin ng  em ga Koohyiigaruu, Y  esu M  salkaatiigaruu fodii d   g  m garida. Ee i  aama, ya y  r i onnduuka ga kij  bkiigari. <sup>2</sup> Waa d   u inohin Kooh, ya na Y  esu Kiristaa, Ha'mudiigaruu, mi yii k  im ba barkeell  u bi dooy, ba onnd  u jam wiyw  in.

#### *I  ii Kooh bayoh buwii ga hafci  a*

<sup>3</sup> En ki'enaa, Kooh, ga doolaa ya bay  a oninnduu t  oh i  aa du laak sooli ga kipes, ee du am gari, ndaga du inohin yii bayyyuu ga ndamaagari na kijofkaagarida. <sup>4</sup> Fodaama, Kooh oninnduu kilaas ga i  ci ciw  or  'cii ee w  en kiyak ya d  geeruud  a. En d  anaa, kooroh gacanaa d   r  c ga neblaat-kumuuncii posoni kipeskii buwii ga   ld  nada, d   b  b   badukeenaa Kooh. <sup>5</sup> Kon ga i  aama, tumat i  aa d   u m  n t  oh, ng  emiigar  u taam na badukeen wij  f  ', ee badukeeniigar  u wij  ff  'wii wii taabat na ki'ino. <sup>6</sup> Ki'inoikiigar  u taabat na kim  n ki'abuk, kim  n ki'abukkiigar  u taabat na kiguu'guuluk, kiguu'guulukkiigar  u taabat na ki'am ga Kooh. <sup>7</sup> Ki'am ga Koohyiigar  u taabat na kifiliimunoh ga d  kaantir  u ee kifiliimunohkiigar  u taabat na kiwaaroh.

<sup>8</sup> En ki'enaa, binaa d   bay i  ci ciima ga kee  nj  u ee ca yewin gar  unaa, ca hay kitah ki'inoikiigar  u na Y  esu Kiristaa, Ha'mudiigaruu hay kibaat kilaak jeri  n ee l  m yen. <sup>9</sup> Wayee baa bayyyii i  caama ga kee  ci man na b  umi', ya hotoo di'usaay  '. Ya alin an ya s  t  ruunun ga baakaa'caa ya tumee kucsewaad  a.

<sup>10</sup> K  r i tah mbok-kerceencii, guu'guulukat, d   am faali' ga bayii Kooh bayyyuu ga hafci  a na tanukii ya tanukk  uf  a. Binaa d   u tum i  aamanaa, d   keenoo m  uk ga yib  n  '. <sup>11</sup> Ee i  aama y  r i onannd  u kil  g  sdu bi a   hal ga nguuraa leehoo taa'd  a, wii Y  esu Kiristaa, Ha'mudiigaruu ee en M  salkaatiigaruu.

<sup>12</sup> K  r i tah, mi jominnd  u kin  ind  si i  cum  a besaa en t  oh, luu enee an d   u inohinndi ee d   abin bi y  g  sin ga kayohfii d   wo'ud  a. <sup>13</sup> Kon waa mi yii l  s

ki'en ga äldúna, mi abin an júwin mi níndísirúu iñcaama, dú lík helciigarúu ga. <sup>14</sup> En ki'enaa, fodii dii Yéesu Kiristaa, Ha'mudiigaruu ínohlukohhookadsa, diimanaa kipessoo leeh ga äldúna. <sup>15</sup> Mi hay kitum nak iñaa mi míin tóoh bi dú níndísuk iñcuma wahtaa en béeb, binaa mi kaanaa.

### *Wo'een sëldíiga-Koohcaa ga loo Yéesuda kayoh*

<sup>16</sup> En ki'enaa, dí ayukkii ga liib, caa halaatu hen bi jekin, ki'ínohlukohhúu kihayiskii Yéesu Kiristaa, Ha'mudiigaruu líif na ndamda, wayee dí nam kihot na hasciigaríi kiyakkaagari. <sup>17</sup> En ki'enaa, Kooh, Paamudii erinndi cée' na ndam, ee Kooh ga ndamaagari wiyaakwaa wo'a gari an: «Bii yii yérí en kowukiigoo mi keeñukdса, keeñnjoo soosin gari!»\*. <sup>18</sup> Dí ga kihaffii, dí kelohha koonaakaa kaama meyohee asamaanda, lakanaa dí baa nari ga dook janjagaa wisela'i'waa.†

<sup>19</sup> Ga iñaamaa dí wëñin ki'ayuk bi yégisin ga iñcii sëldíiga-Koohcaa wo'eeda. Ee dú foñ hel bi jof gacanaa, dú tumin iñaa jof, ndaga wo'eenciima man na lampu, waa en na kiniit ga cekataa ñúusin bi ga daa Kooh wíisan. Lee'laatii Kiristaa melic fodaama ga keeñciigarúu fodii olii meyi na kím lee'dí äldúnada. <sup>20</sup> Balaa daranaa, ínohat iñii yii dijófí' an, ken mínoo na kihafci kilóogísoh wo'een sëldíiga-Koohcii ga Kéyítfaada. <sup>21</sup> En ki'enaa, wo'een sëldíiga-Kooh wíinoo meyohhii ga iñaa bo'súsúus waa', wayee Helii yisela'i'yii yérí éewdohi bo' ga iñaama, ya aawi kiwo' ga teekaa Kooh.

## 2

### *Buwii jëgíroh sabohda na iñcii sekbadaa*

<sup>1</sup> Kudewaa, laakeera ban ga heetaa Isarayeel buwaa tíkee haffba bisëldíiga-Kooh ee lak saboh. Fodaama ban, hay kilaak ga d'uuyucúu buwaa jëgíroh saboh. Bi dú yéegaa, ba hay kijégíroh ga d'uuyucúu waas ciliis caa enndii kayoh, caa éewdohi bo' ga kisañku'. Ba hay kitaasuk teekii Ha'mudii laasbada, ee fodaama, ba hay kitík haffba kisañkuk ga gaaw gaaw. <sup>2</sup> Bo' biyewin hayba kitaabuk ga kipeskaagaba kisépi'i'kaa ba enukohda ee ba hay kitah buwii aaw kiñaawal waasii wukayohwii. <sup>3</sup> Buwaama hayyúu kidíku na wo'een, caa ba tokisoh kiwaa' kiñam héelís garúu. Wayee Kooh tuukin tek ga ki'atti'ba kuméeñí'; ya neehhii ee ya nímmabii, ya hayba kidúbí'.

<sup>4</sup> Ínohat an malaakacaa tooñsee Koohda, Kooh müuñí'tiiba. Ya jaffaba ga safara, ba bagussa ga ñúusaa kisek besaa buwii yah ki'atti'uda. <sup>5</sup> Buwaama kudewaa ensee ga äldúnada, Kooh müuñí'tiiba ban. Ya toþpa mísú miyewin maa onan buwaama faali'ussiirida, wayee ya sommba Nowee, yaa nakee buwaa kipes ga yijúwí'da, ya na bo' biyitnabanak biliis. <sup>6</sup> Kooh atti'a ban teeraa Sodom na waa Gomoo', ca tékírussa na kiwii bi ennda wet. Ee fodaama, ya teewohha iñii yah kidal béeb buwii faali'ussiirida. <sup>7</sup> Ya sommba Loot, yaa enee bo' yijúwí' ee keeñci leehee hen tak ga tumeencaa cisépi'i'caa buwaa bibóní'baa enukohee ga jamaanaagarida. <sup>8</sup> Baa yijúwí' yaama dëkee nabada, keeñagari wijúwí'waa dëkee ga kileeh ndaga tumeencaa buwaa cibóní'caa ya hotee, ya kelohee wekoo, nohooda.

<sup>9</sup> Kon iñaama teewohin an Ha'mudii ínohin daa ya tuman bi ya müsal buwii am gari ga coonucii ba enukoheedaa, na daa ya daakan buwii bisootí'bii, ya tórójí'ba bi ga bériinaa äldúna yah ki'atti'uda. <sup>10</sup> Ya wëñan kitórójí' buwiima faali'ussiiri, taabuku rek iñaa neb kumuunba ee líibdibada. Ba niikoo dara ee ba yéegin haffba, ba kaañin sah kibas iñcii en ga asamaan laakin doolidaa. <sup>11</sup> Wayee malaakacii wëñba dooli, míndabada, wo'soo ga iñcaama iñaa bonin ee en basee ga fíkii Ha'mudii.

\* **1:17** 1: 17 Mëdïrohat iñaa bídu ga Mëccée 3: 17; 17: 5    † **1:18** 1: 18 Janjagaama wëri en daa Yéesu enee na kikíim Kooh balaa soldaa'caa hayussi ki'amda. Jëmmaa Yéesu súpitukee daama ga fíkii Pee' na Sañ.

<sup>12</sup> Buwaama nak madu na júu', ba laakoo hel ee fa baahkoh ki'abu, ba apu fodii júu'. Ba basi iñaa ba ínohoo ee fa apsan fodii júu'. <sup>13</sup> Yibóni'yii ba tumida yérí ba faysan. Iñaa nebbada wérí en kitaabuk neblaat-kumuunba na noh tañ. Binaa ba bok narúu kanu kiñamaa, ba nebluki hen ga sabohcaa ba wo'irúufa. Ba soofin ee ba apohin kaci. <sup>14</sup> Ba heeli kifaanuk na beticaa enndii buuba, ee ba kapoo ga kitum baakaa'. Ba abi ga fí'caagaba buwaa ngëmaagaba yégíssiifa. Ba míñ béeb ga kiheel hëelís: Kooh cojinba. <sup>15</sup> Ba deegin waasii wíjúwí'wii, ba múuyin, ba taabuk waasii Balam, kowu Boosoo'. Yaama, kiwaa' hëelís ekeeri ga kitum yibóni'. <sup>16</sup> Wayee ya tíkussa ga waas ga waa ya sañ kikelohi' Koohdfa. En ki'enaa, baamaa mínoo kiñaah, wo'"a nari fodii bo'-súusúus, ee níssa sëldíiga-Koohaama ga kidofkaa ya waaree kitumdfa.

<sup>17</sup> Jégírohcaama madu na ne'caa síñin, ba man na húyaa uris tas. Kooh faandínba cekataa ba enan ga díuuuy ñúusaa witérúuswaa. <sup>18</sup> En ki'enaa, ba taabi ga na kijangat kiyaak, kaa laakoo haf, ee buwaa han kirécohu ga buwaa míuyinda, ba teewiba neblaat-kumuuncaa apohin kacida, kinookba. <sup>19</sup> Ba dígi buwii kilaak haffba ee lak ba ga kihaffba, ba biñaam badukeen cibóni', caa éewdohba ga kisanju'. En ki'enaa, baa en béeb ñaam ga iñaa wëñnji doolidfa. <sup>20</sup> Buwii rëcuunun ga tumeencii cibóni'cii ga éldúna ndaga ba ínohin Yéesu Kiristaa, Ha'mudiigaruu, mûsalluufa, binaa ba íisis haffba ga yah buwaama jégírohi sabohdfa, bi ba búukisbanaa, ba keensisin kimma ga badukeenaa wëñ kiyiis waa ba enukohee kudewaada. <sup>21</sup> Iñaa gënee gabada wérí en ki'ínohoo Waasii éewdoh bo' ga kitum yijúwí'da, loo ki'ínohwa, lëehíraa ba súugúrukwa, ba foñ iñii Kooh nakba kitum ee ba yéegaluuununwada. <sup>22</sup> Iñii dalbada teewohin kayohfii ga wo'eenii liiwuk an: «Baay boykisi kiñam cibotcaagari», ee «Mbaam lëehíri kibookunaa, bíraañuki ga duupuul».

### 3

#### *Kihayiskii Ha'mudii dígohuda*

<sup>1</sup> Dú bii mi keeñukda, këyítfii fii férí en diima fukanakfii mi bínndúufa. Ga díuuuy këyítci mi bínndúufa, mi níindíssúu iñaa dú jégíruunun, en díanaa, mi yúun helciigarúu ga kilaak halaat ciléeri'. <sup>2</sup> Níindísukat wo'eencaa sëldíiga-Koohcaa bisela'í'baa wo'ee kudewaada, na ban iñii Ha'mudii, yii en Músalkaatii ebiloh kitum ee apotaa'caagarúu yéegalseerúufa. <sup>3</sup> Ínohat iñii yii paay: ga bescaa mëeñjohanda, hay kilaak buwaa taabuksan iñaa neb kumuunba rek, ba yensirukirúu, <sup>4</sup> ba wo'i an: «Man Ha'mudaagarúu dígohee an ya hay kihayis! Haa ya da? Caasamuncaagaruu kaanuunun, ee bi wati, iñaa Kooh sakee éldúna, tóoh lís da.» <sup>5</sup> En ki'enaa, ba aluk iñii yii tay: waama, Kooh, ga wo'eenci, sakka asamaanii na kakayfii. Ya méyí'ta kakayfii ga díuuuy mûsúmii ya hégísohhaca ca kanak. <sup>6</sup> Fodaama ban, kooroh ga mûsú, mûsúmaa miyewinmaa Kooh toweeda, éldúnaanaama dúbírussa. <sup>7</sup> Fodaama, Wo'eenii Kooh faanin asamaanii na kakayfii wati bi ga besaa buwii waarusii Kooh yah ki'atti'u, ba dúbírudá. Besaa béríi, asamaanii na kakayfii hay kitékíru na kiwii.

<sup>8</sup> Dú bii mi keeñukinda, laakin enaama yíinoo yaa dú jomoo ki'al: ga Ha'mudii, bes wíinoo man na tíkiis tijúnni ee tíkiis tijúnni man na bes wíinoo. <sup>9</sup> Luu enee an laakin buwaa halaatu an yéehin, iñaa Ha'mudii dígohdfa, ya hayyi kitum ga besaa na wahtaa ya amda. Nam ki'en kay an ya móuñí'túu hen ndaga ya waa'tii ken sañku', wayee ya waa' béeb míñ kisúpít badukeen. <sup>10</sup> En ki'enaa, besaa Ha'mudii yah kihayisdfa betan buwii fodii lok. Besaa béríi, asamaanii hay ki'en mes, taam na yéngél wiyaak. Béeb iñcii en ga asamaanda hay kitak, ca seey ee kakayfii na iñcii fa baydfa hay kidúm. <sup>11</sup> Kon waa dú ínohin an béeb hay kidúbiru fodaama, dú jomin ki'ínoh dijóffí' daa kipeskiigarúu jom kiman. Dú jom kibay badukeen wisela'í', waa teewoh

an dú am ga Kooh. <sup>12</sup> Dú jomin kisek besii Kooh haysanda, dú gaawtuk wa le'. Besaama wérí asamaanii téki'san na kiwii wa seey ee iñcii ga asamaanda hay kiseey ndaga tamohlaataa kiwiikaa. <sup>13</sup> Wayee Kooh díñngaruu asamaan wi'as na kakay fi'as: dekatcaama iñaa júwin doj tumsan da ee iñaama yérí du sek.

<sup>14</sup> Kérí tah, dú bii mi keeñukda, waa dú bii sek besaama, tumat iñaa dú míin tóoh bi dú set ga fíkii Kooh, dú laakoo iñaa bo' wo'an garúu yibóni', ee dú en ga jam. <sup>15</sup> Ee ínohat an Ha'mudiigaruu múuñí'túu fodaamanaa, ya onndúu halaa dú múcohan. Iñaama ban, Pool mbokiigaruu du keeñukda, ga kiñaañkaa Kooh onndida, bídinndúuri. <sup>16</sup> Ga béeþ këyítcaa ya bín wo' ga loo iñumada, ya wo' fodaama. Laakin ga këyítcaa dekatcaa yoobpii ki'ínoh ee buwii ínohsoo dara, ee ngëemiigaba yëgíssiida súpitsi iñaa ca wo'da hen fodaa ba tumika ga Këyítcaa cisela'í'caa cíinoo. Fodaama nak, ba saŋku' haffba. <sup>17</sup> Kon dú bii mi keeñukinda, waa dú yéegaluunun iñii yah kilaakda, watukat buwii júwussii múuyuununda ba baydohhúu ga kimúuykiigaba. Dú watuk ban kiyówí' yahhúu ga yëgísii dú yëgís ga ngëmiida. <sup>18</sup> Wayee namat ki'aaw fíkii ga kikijofkii Yéesu Kiristaa, Ha'mudiigaruu ee en Músalkaatiigaruu teeþpúuda, ee dú wëñiri ki'ínoh. Ndam aawat gari war, bi taa'. Aameen!

## Këyítfii San dēb kibínda **Wo'eencii lëgís Këyítfiida**

Këyítfii fii féri Sanj dēb kibín. Sanj yiima laakin këyít filiis faa ya bídee, ya béstí'ta ga duuygaanaa daa kipeskaa Yéesu madee ga ēldúnada. Fa wo'u: «Hewhewii winéwi'wii Sanj bínda». Tíkka ga, ya bínda këyít kanak ciliis.

Waama laakee buwaa wo'ee buwaa saboh, an Yéesu Kiristaa yii tum hafci bo' hayya ēldúnada enndii kowu Kooh. Ba wo'ee buwaa ban an baa en béeb mínin kitum iñaa neþpi, Kooh abohoori ka. Iñaama tah Sanj bínda kerceencaa këyít kiwo'ba baa en Yéesu kayoh-kayohda. Ya wo'aba ban iñaa aaw ga kipeskaa leehooda, na daa bo' jom kitum bi ya míni kilaas gakada: béeb baa gém ga Yéesu Kiristaanaa hay gaka kilaas.

Ya tikka ga an buwaa enat wiinoo na Kooh ya na Yéesu Kowukiigari; ba waa' Kooh, ba waa' bimooroomba béeþba. Binaa ba tum iñaamanaa, wóorin an ba hay kilaas kipeskaa leehooda.

### **Këyítfii Sanj dēb kibínda tíidoh anee:**

- 1 - Wo'eenii Kooh onohi kipesda (1: 1-4)
- 2 - Kooh lee'laat kesi (1: 5-2: 6)
- 3 - Iñii nakohu kitumdfa (2: 7-17)
- 4 - Buwii sagoh na Kiristaaniifa (2: 18-29)
- 5 - Buwii enu ðitowu Koohdfa (3: 1-10)
- 6 - Waarohat ga díkaantiruu (3: 11-4: 21)
- 7 - Kigém ga Yéesu haydohi kiwaaroh (5: 1-21)

### *Wo'eenii Kooh onohi kipesda*

<sup>1</sup> Bii iñii mi bíndúu yii wo' ga loocida, enin lak ēldúna sakussii duum. Biima nak, dí kelohinndi ya wo', dí hotinndi na hassíi, dí malaksukohinndi dijófi', dí le'in yahhií gari. Ya yérí en wo'eenii Kooh onohi kipesda. <sup>2</sup> Kipeskii teewukohin, dí hotinka ee kéri dí seedi'. Dí yéegallúu kipeskii leehoo taa'da, kii enee kuméeñi' ga yahaa Kooh Paamudii ee ka teewukohin garíida. <sup>3</sup> Iñii dí hotin ee dí kelohinda, yérí dí yéegallúu dú ban, doonaa, dú naríi, dú en wiinoo, ee du béeþpuu du bok ki'en wiinoo na Kooh Paamudii, ya na Yéesu Kiristaa, Kowukiigari. <sup>4</sup> Dí bii bíndúu iñcuma doonaa du béeþpuu keeñnjuu soos bi mat.

### *Kooh lee'laat kesi*

<sup>5</sup> Iñii dí keloh ga Yéesu Kiristaa ee dí yéegallúuda yérí en an: Kooh, lee'laat kesi, laakoo dara iñaa ñúus gari. <sup>6</sup> Binaa du wo' an du enin wiinoo na Kooh ee du tíidi ga ñúusiinaa, lak du wo'ii kayoh ee du taabukkii waasii kayohfii. <sup>7</sup> Wayee binaa du tíin ga lee'laatii fodii dii Kooh ga kihafci ya yii ga lee'laatiidanaa, lak du enin wiinoo, ee ñífi Yéesu, Kowukiigari aamukdfa, hayyuu kiséti' ga baakaaraa en béeb. <sup>8</sup> Binaa du wo' an du laakoo baakaaraa, lak du dík haffuu ee kayohfii gaa garuu. <sup>9</sup> Wayee binaa du took an du laakin baakaaraa, Kooh hayyuu kibayal, ya seti'tuu ga tóoh iñaa du tum ee júþpii, ndaga ya júwin ee iñaa ya wo' tóoh ya tummbi. <sup>10</sup> Binaa du wo' an du mosoo kitum baakaaraa, du tíkin Kooh baa wo'oo kayoh ee wo'eenigari gaa garuu.

## 2

*Kiristaanii yëri amdohiruu*

<sup>1</sup> Oomaaciigoo, mi bínndúu iñcii cii doonaa dú tumoo baakaa'. Wayee laak garuu yaa tum baakaaraa, ínohat an dū laakin baa wo'fannduu ga fíkii Paamudii; Yéesu Kiristaa yëri, ee ya júwin. <sup>2</sup> En ki'enaa, ya ga kihafci yëri eroh kumuunkaagari sarah, doonaa baakaa'ciigaruu bayalu. Ee sah, eemmbii ga baakaa'ciiruu doj, wayee bi ga cii bu-ëldúna béebca.

<sup>3</sup> Iñii teewannduu nak an dū ínohin Kiristaadfa, wérí en kitum iñcii ya nakohdfa. <sup>4</sup> Kon binaa bo' wo' an: «Mi ínohin Kiristaa» ee ya tumoo iñcii Kiristaa nakoh kitumsanaa, baama wo' saboh ee kayoh gaa gari. <sup>5</sup> Wayee baa tumi iñaa Kiristaa nakoh kayoh-kayohdfa, baama teewohin kiwaa'-Kooh kimétí sék ga keeñci. Fodaama kon du míñ ki'ínoh an dū bok nari ki'en wiinoo. <sup>6</sup> Baa wo' an ya bokin ki'en wiinoo na Kiristaanaa, ya jomin kidék kitíñ ga kotcaa Kiristaanii.

*Iñii nakohu kitumda*

<sup>7</sup> Iñii mi bínndúu yii enndii enaama yi'as yaa nakohu kitum. En ki'enaa, wa en iñaa maañin kinakohu kitum ee dú laasee ga, ga dalaaraa. Ee iñama Kooh nakohee kitum kumëeñí'da, wérí en wo'eenii dú maañ kikelohdfa. <sup>8</sup> Hoonohhii wa enin enaama wi'as, waa mi bínndúu. Wa enee kayoh ga kipeskaa Yéesu ee wa enin kayoh ga kipeskiigarúu. En ki'enaa, ñúusii wii yah ee lee'laatii wukayohwii wii melic haat. <sup>9</sup> Baa wo' an ya yii ga lee'laatii ee ya waa'tii kihot ga mooroomci kerceen, ya lís ga ñúus. <sup>10</sup> Béeb baa waarin mooroomci, dék ga lee'laat. Ee waa ya yii ga lee'laatii, laakoo dara iñaa búukanndi. <sup>11</sup> Wayee baa waa'tii kihot ga mooroomci, ya ga ñúus. Ya tíñ ga ñúus ee ya ínohoo daa ya yahda, ndaga ñúusaa kúnin hascaagari.

<sup>12</sup> Dú oomaaciigoo, mi bínndúu an, kooroh ga teekii Yéesu Kiristaa, Kooh bayalinndúu baakaa'ciigarúu. <sup>13</sup> Dú paamuncum, mi bínndúu an,, dú ínohin baa enee ga, aboh ga dalaaraa bi ga watifa. Dú wahambaanicum, mi bínndúu an, dú búukin Seytaani. <sup>14</sup> Mi bídinndúu, dú oomaaciigoo: dú ínohin Kooh Paamudii. Mi bídinndúu, dú paamuncii: dú ínohin baa enee ga, aboh ga dalaaraa bi ga watifa. Mi bídinndúu, dú wahambaanicii: dú yégisin, wo'eenii Kooh wii dékka ga keeñciigarúu ee dú búukin Seytaani. <sup>15</sup> Kaa keeñukat ëldúna ee kaa keeñukat ban iñcii en gada. Baa keeñuk ëldúna, mínoo kikeeñuk Kooh, Paamudii. <sup>16</sup> En ki'enaa, iñcii ga ëldúnada: ennda neblaat-kumuun, kidíibuk kilaak béeb iñaa fu hot, na kiyakyakdük ndaga alal. Iñcuma meyohhii ga Kooh, Paamudii, wayee ca meyoh ëldúna. <sup>17</sup> Ee ínohat an ëldúna na béeb iñcii bwii díibuki kilaak gadfa, hay kipaaf, wayee baa tumi iñcii Kooh waa'da, hay kipes bi taa'.

*Buwii sagoh na Kiristaaniida*

<sup>18</sup> Oomaaciigoo, wahtii méeñjohdfa le'in. Dú kelohin an baa heñoh Kiristaaniida hay kihay. Ee diima den bo' biyewin, baa en na kiheñoh Kiristaanii, hayuunun. Kon du ínohin an dū bii ga bescii méeñjohdfa. <sup>19</sup> Buwiima nak heñoh Kiristaaniida meyohu ga dsuyucuu, Wayee ba bokéerii garuu. Ba bokee garuunaa, eneenaabaa tesan naruu. Wayee ba foñinnduu doonaa ba hotuk fañ an béebba ba bokéerii garuu. <sup>20</sup> Dú nak, bii yisela'i'yii sorinndúu heliigari. Ee fodaama dú béebpúu dú ínohin kayohfii. <sup>21</sup> Mi bínndúunaa enndii an dú ínohoo kayohfii. En ki'enaa, dú ínohinfia, ee ban dú ínohin an saboh meyohoo ga kayoh.

<sup>22</sup> Kon bii yiida en yii wo'oo kayohdfa? Baa wedi' an Yéesu yëri en Kiristaaniida, yëri. En ki'enaa, baama yëri en baa heñoh Kiristaaniida ee yëri saj kitook Paamudii na Kowukii. <sup>23</sup> Béeb baa saj an Yéesu yëri en Kowukii Koohaa, mínoo kilaak Kooh fodii paamun. Ee baa took an Yéesu yëri en Kowukii Koohaa, laakin Kooh fodii Paamun. <sup>24</sup> Dú nak, iñaa dú jëgi'see kudewaa ga dalaaraa, dú te'arida,

dēkat ga keeñciigarúu. Iñaa dū jégí'see kudewaa ga dalaaraada binaa dēk ga keeñciigarúunaa, dū hay kidēk ki'en wíinoo na Kowukii na Paamudii ban. <sup>25</sup> Ee iñii yii yérí Kiristaanii dígeeruu. Ya dígeeruu kipeskaa leehoo taa'da.

<sup>26</sup> Kon iñuma yérí mi waareerúu kibín, aaw ga loo buwum hellúu kimúuyi'da. <sup>27</sup> Dú nak, Kiristaanii sorin heliigari garúu. Ee waa Heliigari wii dēkka ga d'uuycúu, dū soolukissii bo' yiliis jégí'túu. En ki'enaa, Helii yisela'í'yii ya so' garúuda, jégírinndúu iñaa en béeb ee iñii ya jégí'túuda kayoh, enndii saboh. Kérí tah, taabukat iñii Helii yisela'í'yii jégírohda ee dū dēk ki'en wíinoo na Kiristaanii.

<sup>28</sup> Kon nak oomaaciigoo, dēkat ki'en wíinoo na Kiristaanii, en danaa, binaa ya haysisaa, helluu míin kidal ee du kaci'oo bi du híil ga fíkíici. <sup>29</sup> Waa dū ínohin an Kiristaanii júwin, kon tookat an baa tumin iñaa júwin tóoh kowu Kooh.

### 3

#### *Buwii enu bitowu Koohda*

<sup>1</sup> Kon malkat ga dii Paamudii hínnduu kiwaa'da bi ya wo' an du bitowucida. Ee sah du bitowuci. Iñii tah bu-ëldúna ínohsooruuda wéri en ga dii ba ínohoo Paamudiida.

<sup>2</sup> Mbokciigoo mi keeñukinda, diima deñ du bitowu Kooh ee daa du yah kimanda teewohussii bi lee' duum. Du ínohin nak an binaa Kiristaanii teewukohis garuunaa, du madan nari ee du hotanndi ga daa ya man deñda. <sup>3</sup> Béeb baa laak yaakaaraama ga Kiristaaniinaa, hay kisétí' hafci fodaa daa ya ga kihafci, ya setinda.

<sup>4</sup> Béeb baa dēk ga kitum baakaa', lak ya d'eeegin Waas-Kooh, ndaga baakaa' wéri en kideen Waas-Kooh. <sup>5</sup> Dú ínohin an Yéesu Kiristaa hayin ëldúna kinís baakaa'cii ga buwii ee ya ga kihafci ya laakoo baakaa'. <sup>6</sup> Baa en nari wíinoonaa dēkoo ga kitum baakaa'. Baa dēk ga kitum baakaa' nak hottii Yéesu Kiristaa ee mossiiri ki'ínoh.

<sup>7</sup> Oomaaciigoo, ken hanattúu kidúk. Baa dēk ga kitum yijúwí', júwin fodii dii Yéesu Kiristaa júbdá. <sup>8</sup> Baa dēk ga kitum baakaa' nak, yuu Seytaani. En ki'enaa, Seytaani, ga dalaaraa bi ga wati, dēk ga kitum baakaa'. Iñamaa tah Kowukii Kooh hayin ëldúna kidúbí' iñcii Seytaani lëgëyda. <sup>9</sup> Béeb baa en kowu Kooh, dēkoo ga kitum baakaa', ndaga iñaa Kooh sok garida wéri paal gari. Ya mínoo kidēk ga kitum baakaa', ndaga ya kowu Kooh. <sup>10</sup> Bo' ínohsohan towutii Kooh na towutii Seytaani ga iñii yii: baa tumoo iñaa júwin ee waa'tii mooroomci kerceen enndii yuu Kooh.

#### *Waarohat ga díkaantiruu*

<sup>11</sup> En ki'enaa, aboh ga dalaaraa bi wati, wo'eeniiwii wéri dū wo'u: Du waarohat ga díkaantiruu. <sup>12</sup> Du hanat kiman na Kayeej. Ya taabee na Seytaani bifaf ya appa këmëenjkíci. Ya ga kihafci tumeencaagari enee cibóní', ee caa këmëenjkíci enee cijúwí'. Kérí tah ya apparí. <sup>13</sup> Dú mbok-kerceencii, binaa bu-ëldúna sagussúunaa, iñaama hanattúu kijaahal. <sup>14</sup> Du ínohin an du múcin ga kikaan, du laasin ga kipeskaa leehoo taa'da. Du ínohin gaka, waa du waarin bimooroommbúu. Baa waa'tii mooroomci, lís ga kikaankaa bi wati. <sup>15</sup> Béeb baa san mooroomci kerceenaa lak ya apoh-bo'. Dú ínohin an apoh-bo', kipeskaa leehoo taa'da dëkkii gari. <sup>16</sup> Dú ínohsohan kiwaaroh ga iñii yii: Kiristaa erohha kipeskaagari ndaga du. Kon du ban, du jomin ki'eroh kipeskiigaruu ndaga bimooroommbuu. <sup>17</sup> Binaa bo' yaa laakin alal dii ga ëldúna, ya hot mooroomci kerceen yaa laakoo ee soolukin dímal, ya tèc keeñci ga baamanaa, kon kiwaarohkaa Kooh nakohda ka hanoh gada ga keeñci? <sup>18</sup> Oomaaciigoo, kiwaarohkiigaruu hanat ki'eem ga wo'een doj, ga túuwtii, wayee ka enat kayoh-kayohda taam na kitum.

#### *Kowu Kooh niikoo*

<sup>19</sup> Iñii yii yérí onannduu ki'ínoh an du bii ga kayohfi ee fodaama helluu hay kidal ga fíkí Kooh. <sup>20</sup> Luu enee an helluu yabinnduu ga yen, du míniwa kidélí ga Kooh,

ya yii ya míñ helluu fúuf ee ya ínohin tóohda. <sup>21</sup> Kon dú bii mi keeñukinda, binaa helluu yammbiiruu ga daranaa, ínohat an helluu hay kidal ga fíkíi Kooh. <sup>22</sup> Ee iñaa du kíimmbi tóoh, du hayyi kilaas, ndaga du bii taabuk iñcii ya nakohda, ee du bii tum iñcii ya waa'da. <sup>23</sup> Iñii yii yérí ya nakoh kitum: du gëmat ga teekii Yéesu Kiristaa, Kowukiigari ee du waaroh ga díkaantiruu fodaa ya nakkuukada. <sup>24</sup> Baa taabuk iñcumma Kooh nakoh kitumfanaa, ya en wíinoo na Kooh ee Kooh dëk gari. Ee Helii yisela'íyii ya onnduuda hayyuu ki'on ki'ínoh an ya yii dëkka garuu.

## 4

### *Ki'ínohsoh Helii Kooh, wa, na helii Seytaani*

<sup>1</sup> Dú mbokciigoo mi keeñukda, kaa gaawat kigëm béeb baa wo"úu an ya taam na Helii yisela'íyii, wayee malaksukohatba hen paay bi dú ínoh ati helaa ba baydä meyoh ga Kooh ati na. Mi wo"úu iñuma ndaga laakin bibo' biyewin, ba tík haffba bisëldíiga-Kooh, ee enndii kayoh. Ba bii tasaarukohha ga éldúna. <sup>2</sup> Dú ínohsohan baa taam na Helii Kooh ga iñii yii: baa wo' fañ an Yéesu Kiristaa hayin éldúna ga faan bo'-súusúusaa, baama taam na Helii Kooh. <sup>3</sup> Wayee béeb baa tookkii an Yéesu hayin éldúna ga faan bo'-súusúusaa, yaama bo' taammbii na Helii Kooh, ya taam na helaa meyoh ga bii heñoh Kiristaaniida. Dú keloheera an ya hay kihay éldúnada, ee sah (mi wo"úu man) ya hayin kuméeñi'. <sup>4</sup> Kon nak, dú oomaaciigoo, dú buu Kooh ee dú búukin buwaama tík haffba bisëldíiga-Kooh ee lak sabohdfa, ndaga Helii taam narúuda wérí wëñ dooli wii taam na buwii enu bu-éldúnada. <sup>5</sup> Buwaama tíku haffba bisëldíiga-Koohda, ba bok ga éldúna kéri tah ba wo'i wo'een éldúna ee bu-éldúna súkúrukiba. <sup>6</sup> Du nak, dú buu Kooh. Baa ínohin Kooh súkúrukinnduu, wayee baa enndii yuu Kooh súkúrukooruu. Fodaama, baa taam na Helii yukayohyii meyoh ga Koohda na baa taam na helii dúki buwiida, du ínohsohanba ga iñaama.

### *Kooh líif na kiwaaroh*

<sup>7</sup> Mbokciigoo mi keeñukda, du waarothat ga díkaantiruu ndaga kiwaaroh meyoh ga Kooh, ee béeb baa waarin mooroomci, límuk ga Kooh ee ya ínohin Kooh ban. <sup>8</sup> Baa waa'tii mooroomci nak, ya ínohoo Kooh ndaga Kooh líif na kiwaaroh. <sup>9</sup> Kooh teebspuu an ya waarinnduu ga iñii yii: ya wosin Kowukiigari ya laak dondfa éldúna, doonaa ka onnduu kipes. <sup>10</sup> Kon, kiwaaroh kayoh-kayohda kéri en ya? Enndii an du bëri waa' Kooh, wayee nam ki'en an Kooh yérí waa'tuu, ya wossa kowukaagari éldúna, ka erohha kumuunkaagari, ka ennda sarahaa tumsi kibayaluk baakaa'da, doonaa ka kinís baakaa'cumgaruu.

<sup>11</sup> Mbokciigoo mi keeñukda, en lak Kooh ga kihafci yérí waa'tuu fodaamanaa, du ga kihaffuu ban, du jomin kiwaaroh ga díkaantiruu. <sup>12</sup> Kooh nak, ken mosoori kihot. Wayee binaa du waaroh ga díkaantiruunaa, ya hay kidék ga duuyccuu ee kiwaarohkaa meyoh garida hay kimat ga keeñciigaruu. <sup>13</sup> Iñii onannduu ki'ínoh an du enin nari wíinoo ee ya enin naruu wíinooda wérí en an ya oninnduu Heliigari yisela'íyii. <sup>14</sup> Dí nak, dí hotin ee dí bii seedi' an Kooh Paamudii wosin Kowukiigari éldúna ka mûsal bu-éldúna. <sup>15</sup> Béeb baa took kiwo' fañ an Yéesu yérí en Kowukii Koohaa, Kooh dëkin gari ee ya enin wíinoo na Kooh. <sup>16</sup> Du ga kihaffuu, du ínohin dii Kooh hínnduu kiwaa'da, ee du gëminka. Béeb baa dëk ga kiwaa' mooroomcinaa, ya enin wíinoo na Kooh ee Kooh enin wíinoo nari ban. <sup>17</sup> Du ínohsohan an kiwaaroh matin ga keeñciigaruu ga iñii yii: du mëdí' kipeskiigaruu na kaa Yéesu. Fodaama helluu hay kidal ga bëriinaa Kooh yah ki'atti' bu-éldúnada. <sup>18</sup> Kiwaaroh, kiniik gaa ga duuygaa, ee ka mat ga duuyccuunaa ka kaal kiniik garuu. En ki'enaa, bo' niik yenaa lak helci ka' ga doo'caa sekkiida. Kon bo' niikaa lak kiwaaroh mattii ga kipeskaagari.

<sup>19</sup> Kooh ga kihafci yérí dsebpuu kiwaa', kérí tah du waarinndi, ya na buwii enu buucida. <sup>20</sup> Binaa bo' wo' an: «Mi waarin Kooh», ee lak ya waa'tii kihot ga mooroomci kerceenaa, ya wo"ii kayoh. En ki'enaa, baa waa'tii mooroomci, yii ya hotdfa, mínan na kiwaa' Koohyii ya hottiifa? <sup>21</sup> Kiristaanii ga kihafci nakkuu iñii yii: «Baa fu waarin Koohaa, waaraa mooroomfu ban.»

## 5

### *Kigëm ga Yéesu haydohi kiwaaroh*

<sup>1</sup> Béeb baa fu gëm an Yéesu yérí en Kiristaaniinaa, fu kowu Kooh. Ee baa fu waa' Paamun béeb, fu waa' towutaa límukoh garida ban. <sup>2</sup> Binaa du waa' Kooh, du taabuk iñcii ya nakoh kitumdsanaa, iñaama hayyuu kitah ki'ínoh an du waarin towutiigari tíinootii ban. <sup>3</sup> Kiwaa' Kooh nak, kérí en kitaabuk iñii ya nakoh kitumda. Ee iñcumá ya nakohdfa, ca bítoo ga dookkuu. <sup>4</sup> En ki'enaa, towutii Kooh laakuunun ndam ga dook éldúna. Kigëm ga Yéesu kérí onnduu kilaak ndamaama ga éldúna. <sup>5</sup> Kon bii yiida míin kilaak ndam ga dook éldúna? Hanaa baa gëm an Yéesu yérí en Kowukii Kooh.

### *Iñcii teewoh an Yéesu Kowu Koohda*

<sup>6</sup> Yéesu Kiristaa hayin éldúna, ya koorohin ga kibétisi'u ga múusú, ee ya aamin ñifaagari ga wii ya kaanda. Enndii múusú doj wayee ga múusú na ñíf. Helii yisela'í'yii seedi'in an iñaama kayoh ndaga Helii teewohi kayoh rek. <sup>7</sup> En ki'enaa, ya laakin seedi baahay: <sup>8</sup> Helii yisela'í'yii, músumaa, na ñífaa. Ee ba baahay, ba júwohin ga iñaama. <sup>9</sup> Binaa bibo' seedi' yenaa, du tookin iñaa ba wo'da. Seedi'aa Kooh nak wëri wëñ kibít ee iñaa ya seedi' yaamada, ya éewdohwa ga Kowukaagari. <sup>10</sup> Fodaama, baa gëm ga Kowukii Kooh bayin seedaama ga keeñaagari, wayee baa gëmmbii Kooh, ya tíkinndi baa wo'oo kayoh, waa ya gëmmbii iñii Kooh seedi' ga Kowukiigarida. <sup>11</sup> Iñii yii yérí en iñii Kooh seedi'da: Ya oninnduu kipeskaa leehoo taa', ee kooroh ga Kowukiigari, du laassa ga kipeskiima. <sup>12</sup> Béeb baa enin wíinoo na Kowukii Kooh, laasin ga kipeskii, ee baa enndii wíinoo na Kowukii Kooh, laassii gaka.

### *Iñii onohi kipeskaa leehoo taa'da*

<sup>13</sup> Mi bínnndúu iñcumá tóohca dú bii dú gëmin ga teekii Kowukii Koohdfa, doonaa dú ínoh an dú laasin ga kipeskaa leehoo taa'da. <sup>14</sup> Helluu nak dalin ga fíkii Kooh ga iñii yii: binaa du kíimmbi yen ee taam ga iñaa ya waa'dfanaa, ya hay kisukúruk iñaa du kíimmbida. <sup>15</sup> Ee waa du ínohin an ya súkúrukinnduu, ga iñaa du mínnndi kikiim béeb, du ínohat ban an du laasin ga iñaa du kíimmbida. <sup>16</sup> Binaa bo' hot mbokci kerceen, yaa tum baakaa', waa éewdohoori ga kikaan ya hégískoh na Kooh bi taaraa, ya kíimdfatti Kooh. Fodaama, Kooh hay ki'on baa yaama kipes. Iñii mi wo'da eem ga buwaa tumsi baakaa'caa éewdohooba ga kikaanda. En ki'enaa, laakin baakaa' waa éewdohi bo' ga kikaan bi taa', wayee nak enndii baakaaraa manda tah mi nakkúu kikiim Kooh. <sup>17</sup> Iñcii cibóni'cii du tumida tóohca iñcii baakaa' ga fíkii Kooh. Wayee nak, enndii an baakaa'cii tóoh éewdohi bo' ga kikaan bi taa'.

<sup>18</sup> Du ínohin an baa en kowu Kooh dëkoo ga kitum baakaa'. En ki'enaa, Kowukii Kooh kérí watukiri ee sépí'i'-ga-nofii mínoo yen gari. <sup>19</sup> Du ínohin an du buu Kooh, ee du ínohin an sépí'i'-ga-nofii tíkin yah ga dook éldúna tóoh. <sup>20</sup> Du ínohin an Kowukii Kooh hayin éldúna ee ya oninnduu hel ki'ínohsoh Koohyii yukayohyii. Du enin wíinoo na Koohyii yukayohyii ndaga dii du enin wíinoo na Yéesu Kiristaa, Kowukiigari. Ya yérí en Koohyii yukayohyii, yérí en kipeskii leehoo taa'da. <sup>21</sup> Kon oomaaciigoo, watukat haffúu ga kijaamuk iñcaa enndii Kooh.

## Këyítfii fukanakfii Sañ bínda **Wo'eencii lëgís Këyítfiida**

Këyítfii fukanakfii Sañ bínda férí fii. Ya bínfa buwaa ya teek fodii «beti na towutaagari». Buwaama mínin ki'en bibo' baa ya daak teekcaagaba. Mínin ki'en ban wo'een waa mandarga «Jaangaa na buwaa bok gada».

Ya wo''aba daa kerceencaa jom kiwaarohda, ya nakkaba ki'am bi yégis ga ngëmaa na ban kiwatuk buwaa en na kijégíroh iñaa taabohhii na Hewhewii winéwí'wii.

### **Këyítfii fukanakfii Sañ bínda tíidoh anee:**

- 1 - Kéñdoh (1-3)
- 2 - Kayohfii na kiwaaroh yaa en béeþ na mooroomci (4-11)
- 3 - Taŋkoh (12-13)

#### *Kéñdoh*

<sup>1</sup> Bii mi, yaakii ga jaangiida, ee mi bínndaa këyítfii fii, fu betifii\* Kooh tanuk, yíppafada, fu na towutumgaraa mi keeñuk kayoh-kayohda. Enndii mi hajngoo doj mi waa'túu, wayee ban béeþ buwii ínoh kayohfiida waaruununndúu. <sup>2</sup> Dí keeñukinndúu ndaga kayohfii dék ga keeñciigaruu ee fa yah naruu ki'en bi taa'da. <sup>3</sup> Kooh, Paamudii na Yéesu Kiristaa Kowukii Paamudii, ba barkeelattuu, ba yérëmmbuu, ba yóoskí' jam garuu, fodaama du pes ga kayoh na kiwaaroh.

#### *Iñii nakohu kitumda*

<sup>4</sup> Ga wii mi hot an ga towutumgaraa laakin taa taabuk kayohfii, fodii dii Paamudii nakkuukada, keeñnjoo soossa ga lool. <sup>5</sup> Diima nak, fu betifii, mi dígallaa iñii yi: du waarohat ga díkaantiruu. En ki'ena, iñii mi dígallaa yii enndii enaama yi'as yaa nakohu, wayee en enaama ya du laasee ga dalaaraa. <sup>6</sup> Kiwaaroh kéri en kipes ga iñaa Kooh nakoh. Ee iñii ya nakkúu, aboh ga dalaaraada, wérí en dú dék ga kiwaaroh ga díkaantirúu.

<sup>7</sup> Mi wo''úu iñuma, ndaga bo' biyewin tasaarukohuunun ga éldúna, ee ba bii dúk buwii, ba sagin kitook an Yéesu Kiristaa hayin éldúna kayoh-kayohda ga faan bo'-súsúus. Baa manda, yérí en dúkoh-bo'ii, yii heñoh Kiristaaniida. <sup>8</sup> Kon watukat haffúu dijófí', en danaa dú ñakoo neehalaa dú jom kilaas ga lëgëyiigaruu, wayee dú laas neehal wimëti'. <sup>9</sup> Ínohat nak an, béeþ baa eemmbii ga iñii Kiristaanii jégírohda, ya baat yen ganaa, baama laakkii Kooh. Wayee nak béeþ baa taabuk iñii Kiristaanii jégírohda, laakin Paamudii, laakin ban Kowukii. <sup>10</sup> Binaa bo' hay garúu ee haydoi'túu jégíroh wiliisaa, kaa tookatti ga kaanndúu, ee sah, kaa këñdohat nari.

<sup>11</sup> En ki'ena, baa fu këñdoh nari béeþ, fu amdochinni ga tumeencaagari cibóní'caa.

#### *Taŋkoh*

<sup>12</sup> En ki'ena, mi yewinin iñcaa mi waa'túu kiwo', wayee mi waareeríica kibín ga këyít fodii dii. Mi yaakaarin kihay kaanndúu, mi yuŋ kisaawal narúu, mi na kihaffoo, en danaa du béeþpuu, keeñnjuu soos seb. <sup>13</sup> Mbokiigaraa en dii Kooh tanukda, towutiigari tii këñí'taa ga.

---

\* <sup>1:1</sup> 1: 1 Betifaa wo'u faama míñ ki'en jaangaa ee towutaa en kerceencaa enu daamada

## Këyítfii fukaahayfii San bínda Wo'eencii lëgís Këyítfiida

Këyítfii fii férí en fukaahayfii Sanj bínda. Ya bínfa kerceen yaa teeku Gayus. Laakee bibo' baa Sanj wosee ga gohcaa kijangat buwaa loo Yéesu Kiristaa. Wayee, ga wa ba le' teeraa Gayus dëkohdfa, laakka bo' daama yaa teeku Yoteref, ya sañnga kitook buwaa Sanj woseeda ga kaanci. Kerceencaa dëlí' buwaamada ya kaallaba jaangaa. Iñaama tah Sanj bínda Gayus kidaassi ya am bi yégís buwaa Kooh hay daama kijangat Hewhewii winéwi'iida ya dëlí'ba bi jof. Iñaama yéri mandarga kibokohkaa buwaa enu wiinoo na Yéesu Kiristaada.

### **Këyítfii fii Sanj bínda tiidoh anee:**

- 1 - Këñdoh (1-4)
- 2 - Kerceen jom ki'amdoch mooroomci hen (5-12)
- 3 - Tañkoh (13-15)

#### *Këñdoh*

<sup>1</sup> Bii mi, yaakii ga jaangiida, ee mi bínndaa këyítfii fii, filiiroo Gayus. Mi keeñukinndaa kayoh-kayohdfa. <sup>2</sup> Fiilii, mi yii kíim Kooh ya onndaa ki'aaw fíkií ga tóoh, ee faanfu soos fodii dii helumgaraa en wecenđda. <sup>3</sup> Laakin mbok-kerceencaa haysee duma, ba hayin dii ee ba seedi'in kayohfii fu enukohdfa, an fu yum taabuk kayohfii dijóffí' ee fu dék ga. En ki'ena, keeñnjoo soossa ga seb. <sup>4</sup> Mi keloh an oomaaciigoo taabu ga kayohfiinaa, laakkii iñaa hínndoo da kisoos ga keeñ.

#### *Kijúbkii Gayus*

<sup>5</sup> Fiilii, fu taam na ngém ga dii fu tookin kison ga mbok-kerceencii, luu enee sah an ba bisagac. <sup>6</sup> Buwaa fu dímaleeda, ba seedi'in kijofkiigaraa ga fíkií béeb mbok-kerceencii enu diida. Jofin, fu amdrohi buwaa manda, bi ba míñ kidíidoh baawaagaba fodaa daa Kooh waarohkada. <sup>7</sup> En ki'ena, kiyéegaloh teekii Kiristaanii tahba kikoluk ee ba tookkii kite' dara iñaa meyoh ga buwii enussii kerceenda. <sup>8</sup> Kon du jomin kidímal buwaama, en danaa, d'u ek yahhuu ga lëgëyaa ba en na kitum en kiyéegaloh kayohfiida.

#### *Kibonkaa Yoteref na kijofkaa Dímitiriyus enukoheeda*

<sup>9</sup> Mi bídin mbok-kerceencum enu dumada këyít, wayee Yoteref na kihafci tookkii iñaa dí wo'da. Ya waa' rek kikuliyuk ga iñaa en tóoh. <sup>10</sup> Kon, binaa mi hay dumanaa, mi hay kiwo' ga fíkií béeb iñcum ya tumida: ya pokfinndí wo'ee cibóní'. Ee ya eemmbii ga iñaama: binaa laak mbok-kerceencaa hayu daamanaa, ya sanba ki'ek kaanci. Ee baatta ga, buwaa tookba ki'ek ga kaancaagabada, ya hoonohbaka ee ba sagaa ya kaalba ban jaangaa.

<sup>11</sup> Fiilii, kaa taabuk yibóní', taabukaa yijóffí'. Baa tumi iñaa jofin yuu Kooh, ee baa tumi yibóní' ínohoo dara ga Kooh.

<sup>12</sup> Dímitiriyus nak, béeb buwii wo' yijóffí' gari, ee kayohfii sah ya taabukdfa seedi'inndika. Dí ban, dí seedi'in iñaama gari, ee fu ínohin an iñii dí seedi'da kayoh.

#### *Tañkoh*

<sup>13</sup> Mi yewinin iñcaa mi waa'taa kiwo', wayee mi waa'tiica kibín ga këyít fodii dii.

<sup>14</sup> Mi yaakaarinndaa kihot ga iñaa maañoo, d'u yuñ kisaawal d'u banak. [ <sup>15</sup> Kon

jam taabat naraa. Béeb filiimuncii en diida bii këñí'taa ga. Fiiliimuncumgaríi en dumada, këñíraaba ga, yaa en béeb ga teekaagari.]

**Kéyítfii  
Yúut  
bínda  
Wo'eencii lègís Kéyítfiida**

Kéyítfii fii férí Yúut bín. Ya na Saak na Yéesu bérí bok eewun ee Yéesu en yaakfa. Kéyítfii fii waa' kiman na kéyítfaa fukanakfaa Pee' bínda. Ba lebiroh rek na buwaa en na kijégíroh saboh ga leeloo yaawúu'caa na buwaa enndii yaawúu'dsa. Yúut bínda béeb kerceencii Kooh tanukfa. Ya wo'ba kiwatuk buwii jégírohi sabohfa. Buwaama madukeenaagaba teewohin an ba enndii buu Yéesu. Ya wo"aba ñan daa Kooh yah kitum buwaama tumoo yijóffisa. Ya ebiloh kon ki'am bi yégís ga yaakaaraa Kooh e' béeb kooroh ga Yéesu Kiristaa na Helaa yisela'íyaa.

**Kéyítfii Yúut bínda tíidoh anee:**

- 1 - Kéñdoh (1-2)
- 2 - Iñaa sek buwii jégírohi sabohfa (3-23)
- 4 - Tañkoh (24-25)

*Kéñdoh*

<sup>1</sup> Mi Yúut, mi súrga Yéesu Kiristaa ee mi kéméejkí Saak, mi yérí bíndúu kékýítfii fii dú bii Kooh, Paamudii bay ga hafci, ee ya keeñukinda, buwii Yéesu Kiristaa níiridfa.

<sup>2</sup> Mi yii kiim Kooh laak yérmaandi garúu, ya onndúu jamaagari na kiwaarohkaa meyoh garida, ca yewin kiyewin rek.

*Buwii jégírohi sabohfa*

<sup>3</sup> Mbok-kerceencii mi keeñukinda, mi waareerarúu kibín lool ga loo kimúckii du béebsuu du bok gada. Mi hotta kon an laakin solu mi bíndúu iñii yii kidaassúu, dú aaw kilebirohi' ngémii Kooh tumin garúu waas kíinoo, dú bii dú en buucidfa.

<sup>4</sup> En ki'enaa, laakin bibo' baa lokuk, aasuunun ga duuyucúu. Ba waa'tii Kooh ee ba móoñísin Wo'eenii yéegalohu ga loo kijofkii Koohyiigaruuuda, kiheel kimórí' kipeskiigaba kibóní'kii. Ba taasukin fodaama Yéesu Kiristaa, ya yii, ya rek, ya laakkuu ee ya en Ha'mudiigaruuuda. Atti'aa tíkuk buwaamada bíduunun kuméeñí'.

<sup>5</sup> Hídaa ga dii dú ínohinka bi leehin takfa, mi wa'túu kiníindís hen ga daa Ha'mudii tum bi ya mísalla béeb heetaa Isarayeel ga kúlkaa Esípticfa, tikka ga, ya sañku"<sup>a</sup> buwaa sagee kigém garida. <sup>6</sup> Níindísukat ñan malaakacaama\* sagee ki'eem ga doolaa Kooh oneebada, ba foñinja daa ba dëkeeda. Kooh ñanlukinba na ceencaa góoro taa', ñaakinba ga ñúusaa bu-baam bi ga besaa wiyaakwaa ba yah ki'atti'ufa. <sup>7</sup> Níindísukat ñan teeraa Sodom na waa Gomoo'<sup>◊</sup>, na dëkcaa wíleecada. Ba tumee fodaa malaakacaama, ba enukohha ga kifaanuk na baa en béebs, na ñan kitaabohkaa keeñ na faan tookkii. Ba atti'ussa, ba tékírussa na kiwii bi taa', ee iñaama korin baa en béebs.

<sup>8</sup> Buwiima aasu ga duuyucúuda nak tumi fodaama denj. Ba heeyi éldúnaanaa ekanba ga kilíwi' haffa ga fíkii Kooh. Ba sagin Ha'mudii kuliyük ga kipeskaagaña, ba basi enaamacii en ga asamaan ee laakuunun ndamfa. <sup>9</sup> Iñiima, Míseel ee bok ga malaakacaakuliyukfa sah tummbiiri. Ga wii ya en na kinookoh na Seytaani ga loo faraaffaa Móyiis ee ya ñarohha narifa, ya ga kihafci sah ya kaañnjii Seytaani ki'atti' wala kibas, wayee ya eemmba ga kiwo'i an: «Ha'mudii torohsfattaa». <sup>10</sup> Buwiima nak, ba basi iñaa ba ínohoo. Ee ga daa ba ñaañoh has, fodii júu'da ekba ga kisanju'.

\* <sup>1:6</sup> 1: 6 Mëdirohat na 2 Pee' 2: 4. Malaakaca wo'u ñaama béstírussii ga Kéyítfaa Kooh wayee meyoh ga béstí'caa kerceencaa ñidewaaabaa   ◊ <sup>1:7</sup> 1: 7 Malkat Sënees 19: 24.

<sup>11</sup> Massa buwaama! Ba taabuk kotcaa Kayee<sup>†</sup>. Ba múuyin ndaga kiwaa' kopa' fodii Balam. Ba saŋku'in ndaga ba faree ga kisaŋkaa Koree bëytoheeda. <sup>12</sup> En ki'enaa, binaa ba bok narúu kanu kiñamaa, ba bëri yahi hídohaagarúu. Ba sori lookcaagaba ee ba laakoo kaci ga, ndaga ba ínoh haffba rek. Ba man na húyaa towoo ee uurisaa ye'iwa rek. Ba man na tediktaa límoo towu luu enee ga wahtaagaca, ee ca dofukaa, man na lak ca kaanin waas kanak. <sup>13</sup> Ba man na dúscaa giyyaa aylukin. Ca weesi kúuwaagaca ga tewisaa, ee kúuwaama mandarga tumeencaagaba apohin kacida. Ba man na olcaa wesoh ga asamaan ee Kooh faandínba dëkat waa ba enohan bi taa', ga dñuy ñúusaa witérúuswaa.

<sup>14</sup> Henok, caasamunaagaruu yuyitnakanakyaa aboh ga caasammbuu Aadamada, yéegaloherra loo buwiima an: «súkúruk, Ha'mudii yii hay, taam na bibo' bisela'í' bijúnni júnni, <sup>15</sup> ki'atti' béeb buwii. Ya hay kibúl béeb buwii heñoh Koohda, ndaga béeb iñcii on Kooh bíij ba tumee ga wii ba heñoh Koohda, na ban béeb wo'een-baseecii buwaama laaksoo kaci wo'si aaw garida.» <sup>16</sup> Buwiima, keeñba soosoo mûk, ba dëk ga kijambatuk ga kipesba. Ba taabuk neblaat-kumuunba, ba yakin kúuw ee ba ndami bimooroomba ndaga kiwaa' kilaak yen gaba.

### *Kiguu'guuluk ga ngëmii*

<sup>17</sup> Dú bii mi keeñukinda nak, níindísukat wo'eencaa apotaa'caa Yéesu Kiristaa, Ha'mudiigaruu yéegaleerúu kudewaada. <sup>18</sup> Man ba wo'eerúu an: Ga jamaanucaa méeñjohda hay kilaak bibo' baa yahhúu kiyénsíruk, ba wedi' Kooh ee ba taabuk neblaat-kumuunba. <sup>19</sup> Ba baama nak, ba bëri hëgísoh kerceencii. Ba bayyii Helii Kooh, ba bay doj halaat bo'-súusúus. <sup>20</sup> Dú bii mi keeñukinda nak, guu'guulukat ga ki'amsoh ga díkaantirúu bi dú yégís ga ngëmii wisela'í'wii dú laakda. Kímat Kooh taam na doolii Helii yisela'í'yii. <sup>21</sup> Abat ga kiwaarohkii Kooh waa'túuda, dú seki Yéesu Kiristaa, Ha'mudiigaruu, yii ga yérmaandaagari, onanndúu kilaas ga kipeskaa leehoo taa'da. <sup>22</sup> Buwii laak hel kanak ga ngëmiida, laakat yérmaandi gaba. <sup>23</sup> Somat buwii mírukda, dú meydohba ga kiwiikaa. Buwaa bíinoo nak, yérematba wayee watukat ba ekkúu ga baakaa'. Sagat sah kúlticaagaba ba ekukin ga faanba dëwin ga tumeencaagaba cimoroocaada.

### *Kooh yërí cal kikañ*

<sup>24</sup> Kañat Koohyii míndúu kiwatuk bi dú keenooda, Koohyii onndúu kituuk ga fíkii ndamiigari ee dú en buwaa laakoo sík ee dú líif na jamda. <sup>25</sup> Du kañat Kooh, yii en yíinoo dojda, yii mûsalluu, kooroh ga Yéesu Kiristaa, Ha'mudiigaruu. Ndam, kimín, dooli na nguu' aawat gari, ga iñaa mosee ki'en, diimada, ee bi taa', Aameen!

<sup>†</sup> 1:11 1: 11 Malkat Hewhewaa bëestíru ga Sënees 4: 8

## Iñcii Yéesu Ínohlukoh Sañ ca jom kilaakđa **Wo'eencii lëgís Këyítfiida**

Këyítfii fii Sañ ee apotaa' Yéesu Kiristaa yérí bínfa. Ya wo' an béeb iñcii ya bín gadfa, ya hotca na hasci, ya kelohca ban na nofcı. Ya wo' an Helaa Kooh wéri sorukki bi ya mínnnda ki'ínoh iñciima béebca. Ya amsee hen bayussa Patmos, dék waa giyyaa wíil ee hanoh kúlkaa Aasíi aasaa'-nohda ndaga daa ya yéegalohée Hewhewii winéwi'wii wo' ga loo Yéesuda. Iñaama tah ya bínnda këyít, ya wosohhaca ga jaangu ciyitnakanak ga gohaa Aasíi kidaasba ga ngëmaa ndaga lak waama ba hatalsee ga kipesba hen. Ya wo'"aba ki'am ngëmaagaba bi yégís, ee ba am yaakaa' ndaga Yéesu wo' an: 'Baa lebiroh bi mey ga na ndamaa, ya hayyi ki'on ya ñam ga towutaa kedikkaa onohi kipeskaa leehoo taa', ee ka en ga dëraa Koohda. Ee diimanaa Yéesu hayis, ya dúbí' yibóni'.

Laakin enaama ciléekí'-solu ga Këyítfii fii:

- Wii debđa wéri en an: enaamacii cibóní'cii cii nguuruk ga éldúna, ee kerceencii hay ki'enu ga mesiklaat bi ga sah bíinoo kumuunba lagu ga.
- Wukanakwii wéri en an: Yéesu yérí en Ha'mudii ee ya hay kibúuk buwaa san kitaabuk Koohđa, ya dúbí' béeb enaamacii cibóní'cii ciima.
- Wukaahaywii wéri en an: Kooh faandin buwii gém garifa neehal, wëñaa ga baa kumuunba lansee ndaga kigém garifa.

Kooh teeb Sañ an ya hay kitükí'i' éldúna, ya tuukđis wiliis wi'as, ya músal buwaa kelohi'tida, ya jaf Seytaani na malaakacaagari ga bu-baam, lëehíraa ya na Ha'mudii ba hay, ba dék na béeb buwaa kelohi'tida.

### **Këyítfii Ínohlukoh tíidoh anee:**

- 1 - Sañ këñdohha, ya yéegalohha an ya súrga Kiristaanii (1: 1-20)
- 2 - Këyítcaa Sañ bín teerucaa ciyitnakanakcaa (2: 1-3: 22)
- 3 - Kijaamukkaa ga asamaanda (4: 1-11)
- 4 - Kubaalkaa; Këyítfaa na capcaa ciyitnakanakcaada (5: 1-6: 17)
- 5 - Jaamukaa ga fíkii bañ-buraada (7: 1-17)
- 6 - Mbiibcaa ciyitnakanakcaa típpa (8: 1-11: 19)
- 7 - Gon-jësíkaa na rabcaa banakđaa (12: 1-13: 18)
- 8 - Atti'aa Kooh atti' buwiida; buwaa laasuda (14: 1-15: 8)
- 9 - Kaasca tum aylukaa Kooh (16: 1-21)
- 10 - Buwaa sagoh na Kooh hay kibúuku (17: 1-20: 10)
- 11 - Atti'aa méeñjohda (20: 11-15)
- 12 - Asamaan wi'as; kakay fi'as; Yéerúsaleem wi'as (21: 1-22: 5)
- 13 - Kiristaanii yii hayis (22: 6-21)

### *Dalaarii Këyítfii*

<sup>1</sup> Këyítfii fii wo' ga loo iñcii Kooh e' Yéesu Kiristaa kiteeb súrgacaagari, en danaa, ba ínoh iñcaa joman kilaak ga iñaa maañanndii. Fodaama, Yéesu Kiristaa wossa malaakaagari ga súrgaci Sañ, ya ínohlukohhi'ca. <sup>2</sup> Sañ wo' an béeb iñcii ya béstí'da, ya hotca hen, ennda iñaa Kooh wo' na kayohfii Yéesu Kiristaa seedi'da. <sup>3</sup> Yewinin müü' baa jagan, na buwaa súkúrukan wo'eencii ciima meyoh ga Kooh ee ba am iñcum bídu ga Këyítfiida. En ki'enaa, wahtii abu ca jom kilaakohđa, deeyin.

### *San këñ' mbooloo kerceencaa ciyitnakanakcaa*

<sup>4</sup> Mi Sañ, mi yërí bínndúu käyitfii fii, dú buwii ga jaangucii ciyitnakanakcii ga gohii Aasiídfa: Kooh yii en, yii enee ee ya yah kihayda barkeelattúu, ya onndúu jam, ya na helcaagari ciyitnakanakcaa tuuk ga fíkíi ban-buuraagarida, <sup>5</sup> na Yéesu Kiristaa, seedii yiwoori'yii deb kimilis ga buwaa kaaninda; yii en buurii buu'cii ēldúnada. Kiristaaniima waarinnduu, ee ya bëgísinnduu ga baakaa'ciigaruu, kooroh ga ñifaagari aamu fodii sarahda. <sup>6</sup> Ya tummbaruu bibuu' na bisarahoh doonaa du súrga'uk Kooh, Paamudiigari! Ndam na dooli aawat gari bi taa'. Aameen.

<sup>7</sup> Malakatti! Ya yii hay ga djuuy yaayeelcii, ee béeb buwii hayyi kihot na hasba, bi ga buwaa maageeri núbda. Béeb heetcii ga ēldúnada hay kikodukohu. Ehee, yahda kilaak deñ! Aameen. <sup>8</sup> Ha'mudii en Koohda wo' an:

«Mi en Alfaa, mi en Omegaa\*,  
mi yërí en, mi yërí enee, ee mi yah kihay,  
mi yërí míñ ga tóoh.»

<sup>9</sup> Mi Sañ, mbokiigarúu, mi bokin narúu kiday coonu, mi bokin narúu Nguurii Kooh, na kiguu'guuluk ga ki'ennduu wíinoo na Yéesu. Mi toolsee na dooli, mi bayussa Patmos, dëkaa giyyaa wiilda, ndaga dii mi yéegalohi Wo'eenii Kooh, mi seedi'i Yéesu Kiristaada. <sup>10</sup> Laakka bes, hídoh ga besaa Ha'mudii jaamukohsida, Helii yisela'i'yii sorukkaroo. Mi kelohha ga fenooroo koonaa kaa ríi' didóolí' en fan mbiib wiyaak.

<sup>11</sup> Koonakaakaa wo"aroo an:

- Iñcii fu hotda bídaaca ga käyít, fu wosohca ga jaangucii ciyitnakanakcii, cii en ga teerucii ciida: teeraa Efees, waa Ismíi', waa Pergaam, waa Tíyaatíi', waa Sardes, waa Fílaadelfíi na waa Lawodísée.

<sup>12</sup> Mi heelukka kimalak baa wo' naroofsa. Daama, mi hotta tofaa'-lampu-wúrúus ciyitnakanak. <sup>13</sup> Mi hotta ban iñaa man na bo'†, tuukin ga leeloo lampu-wúrúuscaa ciyitnakanakcaa. Ya ekuk sabadoo' síp, waa yoosukin bi ga kotcaa, ya pëkírukun liib wúrúus ga kenohkaa. <sup>14</sup> Hafaagari na fenfaagari yaanaawin der en fan perkaal. Hascaagari caa bac en fan kiwiikaa jaalohin. <sup>15</sup> Kotcaagari man na përémaa útu ga kiwii bi waa melic. Koonakaagari kaa ríi' en fan yëngëlaa dúscaa ga giyyaa. <sup>16</sup> Ya abin ga yahaagari ñaabaa tu'ol tiyitnatanak, ee laakka kalabfaa mey ga kúuwkaa, bakcaa kanakcaa kaañin. Fíkíifaagari faa melic en fan noh njaloo' <sup>17</sup> Daa mi hoteeri, mi keennda kakay ga kotcaagari, mi mannda na baa kaanin. Waa ennda da, ya tikkha yahaagari ñaabaa ga dlookkoo, wo"aroo an:

- Kaa niik dara! Mi yërí en yii, iñaa en tóoh, d'fewoh gari ee tóoh mëeñjoh garida. <sup>18</sup> Mi yërí en yii en na kipesda. Mi kaaneera, mi mílisin ee mi yah kipes bi taa'. Mi yërí bay kucëwíkii míñ kilaq na kilégis kikaankii, ka na d'ekataa buwaa kaanin d'aakohuda. <sup>19</sup> Kon iñcii fu hotda, bídaaca ga käyít. Fu bín iñcii en na kilaakda na caa tíkan ga, yah kilaakda. <sup>20</sup> Tu'oltii tiyitnatanaktii fu hot ga yah-ñaabiigooda na tofaa'-lumpucii ciyitnakanakcii fu hotda, mi hayyaa kiteeb iñii ca waa' kiwo'da: tu'oltii tiyitnatanaktii teewoh malaakacaa jaangucaa ciyitnakanakcaa; tofaa'-lumpucii ciyitnakanakcii teewoh jaangucaa ciyitnakanakcaa.

### **Käyítcaa wosohu ga jaangucaa ciyitnakanakcaada**

## 2

(2: 1-3: 22)

### *1. Käyítfii wosohu bu-jaangaa ga teeraa Efeesda*

<sup>1</sup> Baa yaama wo'issaroo an:

\* **1:8** 1: 8 Alfaa na Omegaa wërí en ocii deb na wii mëeñjoh ga bín Gerekda. † **1:13** 1: 13 Ga kiGerek wo'u «iñaa man na kowu bo'»: wërí en teekaa eru Yéesufa «\*Kowukii bii», malkat Dañeel 7: 13; 10: 16.

- Bídaa wo'eencii cii, fu wosohca ga malaakaa\* watuki bu-jaangaa ga teeraa Efeesđa. Wo'aari an iñii yii meyoh ga kúuw baa am ga yahci ñaam olcaa ciyitnakanakcaa ee ya tíin ga leeloo tofaa'-lampu-wúrúuscaa ciyitnakanakcaadđa. <sup>2</sup> Ya wo' an: «Mi hotin lëgëyum garaa na coonucii fu dayi gadsa, na dii fu took kiguu'guulukđa. Mi ínohin an fu wo'ii dara ga bo' yibóni'. Buwii tíku haffba bi'apotaa', ee ba enndii apotaa'da, fu malaksukohinba dijófí' bi fu ínohin an ba bikaakoh-saboh. <sup>3</sup> Mi ínohin an fu tookin kiguu'guuluk: teekiigoo calalinndaa kiday coonufaa en béeđ ee fu mosoo kisoof fenoo ga. <sup>4</sup> Wayee nak mi hayyaa kiña' ga enaama yíinoo: yérí en an fu keeñukissiiroo fodaa daa fu keeñukeeroo kudewaađa. <sup>5</sup> Kon níindísuka ga daa fu dëegískohđa, fu súpít kipesfu, fu boyukis kitum fodaa daa fu tumee kudewaađa. Binaa fu saŋ kisúpít kipesfunaa, mi hay kihay garaa, mi bewoh lampu-wúrúusiigaraa ga dekatii wa tofohuda. <sup>6</sup> Wayee fu neblohinndoo ga iñii yii: fodiigoo, fu sagohin na iñcaa buwaa Nikolaa† tumida.»

<sup>7</sup> Béeb baa fu laakin nof kikelohaa, súkúrukaa iñcii Helii yisela'í'yii wo', éewdoh ga jaanguciida. Béeb baa fu lebiroh bi fu mey ga coonucii na ndamaa, mi hayyaa ki'on fu ñam ga towutaa kedikkaa onohi kipes, en ga déraa Koohđa.

### 2. Këyítfi wosohu bu-jaangaa ga teeraa Ismí'iđa

<sup>8</sup> Baa yaama wo'issaroo an:

- Bídaa wo'eencii cii, fu wosohca ga malaakaa watuki bu-jaangaa ga teeraa Ismí'iđa. Wo'aari an iñii yii meyoh kúuw baa yaama enee, lak dara sakussiida ee yah ki'en binaa tóoh leehaa. Ya kaaneera ee ya mílisin. <sup>9</sup> Ya wo' an: «Mi hotin iñii fu dayda na dii fu laakoodđa. En ki'enaa, fu yérí en ha'-alal kayoh-kayohđa. Mi ínohin ban iñcii cibóní'cii buwii wo'i garaada. Buwii wo'iraacada, ba bay teekaa yaawúu', ee ba enndii yaawúu': jaangu-yaawúuraagaba iñaa mbooloo Seytaani. <sup>10</sup> Kaa niik dara ga coonucii fu yah kidayda. Malka, hay kilaak garúu baa Seytaani ek kasu, kinat ngëmaagari. Fodaama, dú hay kiday coonu bi en bes cidaaňkaah. Leenaa abaa ga ngëmiigaraa bi ga kikaan. En çanaa, mi hayyaa ki'on kipeskaa leehoo taa'da, ka en neehalaagaraa.»

<sup>11</sup> Béeb baa fu laakin nof kikelohaa, súkúrukaa iñcii Helii yisela'í'yii wo', éewdoh ga jaanguciida. Baa fu lebiroh bi fu mey ga coonucii na ndamaa, fu ínohanndii coonucaa kikaankaa kukanakkaa.

### 3. Këyítfi wosohu bu-jaangaa ga teeraa Pergaamđa

<sup>12</sup> Baa wo'issaroo an:

- Bídaa wo'eencii cii, fu wosohca ga malaakaa watuki bu-jaangaa ga teeraa Pergaamđa. Wo'aari an iñii yii meyoh kúuw baa yaama bay kalabfaa bakcaa kanakcaa kaaňinda. <sup>13</sup> Ya wo' an: «Mi ínohin dum fu dékđa. Seytaani yíp nguuriigari da, wayee tähhii bi fu líssa ki'am ga teekiigoo. Ee ga kúllúu duma, dum Seytaani dëkohđa, Antípas, yii wo'ee ga fíkií béeđ an ya yuurooda, ya apohsee da, wayee tähhii bi fu sooffa fenoo ga ngëmii fu laak garooda. <sup>14</sup> Wayee nak laakin iñcaa mi yahhaa kiñaroh: fu laakin duma buwaa taabuk jëgírohaa Balam. Balam jëgíree Balak daa ya kooran bi ya dúk bu-Isarayeel, ya ekba ga kiñam koynohkkaa sarahohu ga koofcaa, na ki'aas kifaanuk na baa en béeđ. <sup>15</sup> Ee ban, fu laakin duma buwaa taabuk iñcii buwaa Nikolaa jëgírohida. <sup>16</sup> Kon súpítaa kipeskiigaraa; fu tummbiikanaa, mi hay kihay garaa diima-diima, mi heñoh na buwaama na kalabfii meyoh ga kúuwkiigooda.»

<sup>17</sup> Kon béeđ baa fu laakin nof kikelohaa, súkúrukaa iñcii Helii yisela'í'yii wo', éewdoh ga jaanguciida. Baa fu lebiroh bi fu mey ga coonucii na ndamaa, mi hayyaa

\* **2:1** 2: 1 Malaaka wo'eeniiwii þan waa' kiwo' «baa wosu hen» † **2:6** 2: 6 Buwaa Nikolaa enee mbooloomaa bay teekaamada. Ba jëgírohee iñaa ngëm tookéeríi. Ken ínohoo iñaa wëñda gaba. Malkat þan gúris 15.

ki'on ñamahaa wo'u maan, ee wa dsaakukinda. Mi onndaa ban atoh wiyaanaaw waa bídunun ga dookgaa teek wi'as waa ken ínohoo, enndii doj baa eruwadanaa.

#### *4. Kéyítfii wosohu bu-jaangaa ga teeraa Tíyaatí'i'da*

<sup>18</sup> Baa yaama wo'issaroo an:

- Bidaa wo'eencii cii, fu wosohca ga malaakaa watuki bu-jaangaa ga teeraa Tíyaatí'i'da. Wo'aari an iñii yii meyoh kúuw Kowukii Kooh, kii hasciigari baci en fan kiwiikaa jaalohinda ee kotcaa melici en fan pérëmaa útu ga kiwii. Ya wo' an: <sup>19</sup> «Mi hotin lëgëyum garaa na kiwaarohkiigaraa, ngëmiigaraa, kitook kidímalohkii en garaada na kiguu'guulukkiigaraa. Mi hotin ban an iñii fu tumi diima ga yijófí'da yérí wëñ yaa kudewaa. <sup>20</sup> Wayee nak, laakin enaama yíinoo yaa mi ñarohhaa: Yérí en an fu íisin Yesabeel, betifum tík hafci sëldiiga-Koohda, yum dúki súrgacumgooda, ya jégí'ba an ba aawat kifaanuk na baa en béeþ, ba ñami koynohkaa sarahohu ga koofcaa. <sup>21</sup> Mi oninndi iñaa maañ doonaa ya míñ kisúpít kipeskiigari, wayee ya sagin ki'iis kibonkum ya tumida. <sup>22</sup> Kon nak, mi hayyi kifaan ga fayaan na mesiklaat ciyaak. Ee buwii faanuki narida, binaa ba íssii iñaamanaa mi hayba kitík coonu ciméeski'. <sup>23</sup> Mi hay ki'ap towutiigari. En dñanaa béeþ jaangucii hay ki'ínohu an mi yérí en bii ínohin iñaa dñakuk ga keen bo', na iñaa ya halaatda ban. Ee baa en béeþ garúu, mi hayyi kifay iñaa ya tumida. <sup>24</sup> Dú, buwii bñinoo bok ga jaangii Tíyaatí'i'da, dú bii dú taabukkii iñum yibóni'yum yuma jégirohu ee dú heellii ki'ínoh iñcum ba teek "cihóotí'cum Seytaanida", mi yahhiirúu kikoo' enaama yibíti' yiliis. <sup>25</sup> Wayee yégisat rek ga iñum dú amda, bi ga daa mi haysan.

<sup>26</sup> Béeþ baa fu lebiroh bi fu mey ga coonucii na ndam ee fu dëk ga kitum iñcii mi nakohdanaa, mi hayyaa ki'on dooli ga dook heetcii béeþca. <sup>27</sup> Fu hayca kiníi' na ngot pewiñ, fu pookisohca fodii dii kataa-ban pooksida. <sup>28</sup> Ee fodii dii mi laas ga paammboo kimín kitum iñaa en tóohdfa, mi hayyaa ki'on ban olaa meyi na kím cuutdfa.»

<sup>29</sup> Béeþ baa fu laakin nof kikelohaa, súkúrukaa iñcii Helii yisela'í'yii wo', éewdoh ga jaanguciida.

## 3

#### *5. Kéyítfii wosohu bu-jaangaa ga teeraa Sardesfa*

<sup>1</sup> Baa yaama wo'issaroo an:

- Bidaa iñii yii, fu wosohwa ga malaakaa watuki bu-jaangaa ga teeraa Sardesfa. Wo'aari an iñii yii meyoh ga kúuw baa bay helcaa Kooh ciyitnakanakcaa na olcaa ciyitnakanakcaada. Ya wo' an: «Mi hotin lëgëyumgarraa, buwii hotohhaa baa en na kipes wayee fu kaanin. <sup>2</sup> Yúuduka, fu móri' iñii tes garaa ee en ga waas kikaanda bi wa kaanoo. En ki'ena, mi malaksukohin an tumeenciigaraa tesohin kimat ga fíkii Koohyiigoo. <sup>3</sup> Kon, niindísukaa wo'eencii Kooh fu yéegalsee ee fu keloh ca wo'seeraada, fu taabukca, fu súpít kipeskiigaraa. Binaa fu yúudukkiinaa, mi hay kihay, mi bettaa fodii lok, ee fu ínohanndii wahtaa mi yah kihaydfa. <sup>4</sup> En ki'ena, laakin duma ga teerum Sardes bñbo', baa líibdussii kúlticumgaþa, ba hay kitaam naroo, ba tíidi, ba ekuk kúltí ciyaanaaw ndaga iñiaama joommbiiba.

<sup>5</sup> Fodaama, baa lebirohan bi mey ga coonucii na ndam, hay ki'ekuk kúltí ciyaanaaw. Ee mi nísandii mûk teekaagari ga këyítfaa buwaa laak kipeskaa leehooda. Mi hay kiwo' ga fíkii Paammboo na ga fíkii malaakacaagari an ba þuuroo.»

<sup>6</sup> Baa fu laakin nof kikelohaa, súkúrukaa iñii Helii Kooh wo' éewdoh ga jaanguciida.

#### *6. Kéyítfii wosohu bu-jaangaa ga teeraa Fláadelphiida*

<sup>7</sup> Baa yaama wo'issaroo an:

- Bídaa iñii yii, fu wosohwa ga malaakaa watuki bu-jaangaa ga teeraa Fílaadelfíida. Wo'aari an iñii yii meyoh kúuw bii yisela'íyii ee ya en kayoh-kayohdfa, yii bay kucéwíkii buu' Dëwítdfa. Ya lëgisaa, ken mínoo kilaj ee ya lagaa, ken mínoo kilégis. <sup>8</sup> Ya wo' an: «Mi hotin lëgëyumgaraa, mi ínohin an fu laakoo dooli, ee moona fu taabukin wo'eeniigoo ee fu taasukkiiroo. Kon mi lëgísdinndaa hal ga fíkiifu ee ken mínoowa kilañ. <sup>9</sup> Iñii yii yérí mi yah kitum mbooloomuma en wu-Seytaaniida. Ba tík hafba biyaawúu' ee ba enndii yaawúu'; ba bikaakoh-saboh. Mi hayba kigítín, ba hay, ba yí' ga fíkiifu, ba took an mi waarinndaa. <sup>10</sup> Waa mi nakoh kiguu'guuluk ee fu taabuk iñaama, mi ban, mi hayyaa kisom ga jamaanaa coonucaa hayandfa. Coonucaaama yah kidal ēldúna téoh, kimalaksukoh buwii. <sup>11</sup> Mi hay kihay diimadiima. Abaa bi yégis ga iñii fu laakdfa, en danaa ken te'oo neehaliigaraa fu laakan gada.

<sup>12</sup> Béeb baa fu lebiroh bi fu mey ga coonucii na ndamaa, mi hayyaa kiyíp fodii jíp-túuy ga duuy Kaanfaa Koohyiigoo, ee fu meyoo da múk. Mi hay kibín teekii Koohyiigoo ga dookfu. Mi bín ban ga dookfu teekaa teeraa Koohyiigoo, Yéerúsaleem yaa yi'asyaa yah kiyoosukoh ga asamaan, meyoh ga Koohyiigoodfa. Mi hay kibín ban ga dookfu teekiigoo wi'aswii.»

<sup>13</sup> Baa fu laakin nof kikelohaa, súkúrukaa iñii Helii Kooh wo' éewdoh ga jaanguciida.

### 7. Kéyítfi wosohu bu-jaangaa ga teeraa Lawodíséeda

<sup>14</sup> Baa yaama wo'issarao an:

- Bídaa iñii yii, fu wosohwa ga malaakaa watuki bu-jaangaa ga teeraa Lawodíséeda, wo'aari an iñii yii meyoh kúuw baa yaama wo'u Aameen, ee yérí en seedii yiwoorí'yii, yukayohyii, yii béeb iñcii Kooh sak koo' yahcida. <sup>15</sup> Ya wo' an: «Mi hotin lëgëyumgaraa, mi ínohin an fu soossii, fu tamohhii. Fu soosee wala fu tamoh sahaa, bo' míñ kiwo'. <sup>16</sup> Wayee waa fu eem ga ki'iloh, fu soossii, fu tamohhii, mi hayyaa kibíris. <sup>17</sup> Fu yii ndamuk an: "Mi laakin alal, mi hoomdin, mi soolukissii dara". Fu ínohoo an fu torohin, fu calin kiyérém, fu nduul, fu búumi' ee fu tesdfa buucuuce?

<sup>18</sup> Kéri tah, mi dígallaa kihay garoo, kilom wúrúuscaa tíwuunun ga kiwii bi setin, en danaa fu hóomi'. Lomaa ban kúltí ciyaanaaw, caa fu ekukan doonaa fu úul faan-buucuucfiigaraa apohin kacida. Fu lom ban kedik, kaa fu tuman ga hasciigaraa en danaa fu míñ kihot. <sup>19</sup> Mi nak, béeb buwii mi waardin, mi ñariba hen, mi koriba. Kon kaantukohaa ga, fu súpit kipesfu. <sup>20</sup> Súkúruka! Mi yeema mi tuukka ga halii, mi yii féekei'. Baa keloh koonaakiigoo, lëgis haliinaa, mi hay ki'aas kaanci, mi bok kiñam nari ee ya bok kiñam naroo ban.

<sup>21</sup> Béeb baa fu lebiroh bi fu mey ga coonucii na ndamaa, mi hayyaa ki'on fu yuñ ga yahaaroo ga banj-buuraagoo, fodii mi, mi lebiroh bi mi meyca na ndam ga coonucaa, ee mi yugin ga yahaa Paammboo ga banj-buuriigarida.»

<sup>22</sup> Béeb baa fu laakin nof kikelohaa, súkúrukaa iñii Helii Kooh wo' éewdoh ga jaanguciida.

## 4

### Kooh yugin ga banj-buuraagari

<sup>1</sup> Waa ennda dfa, mi hotta halaa lëgisuk ga asamaan. Koonaakaama man na mbiib wiyaak ee deweera naroo kiwo'dfa, wo'issarao an:

- Lapaa dii, mi teebspaa iñii tík ga, yah kilaakdfa.

<sup>2</sup> Ga saasi, Helii Kooh sorukkaroo. Mi hotta ga duuy asamaan banj-buu' na bo', yugin gawa. <sup>3</sup> Baama yuñ ga banj-buuraada, yaa melic en fan atoh cimórí' cihilii na ciyo'oh. Banj-buuraa ya yugohdfa, ko'kaa-huulaa wílinwa ee kaa melic en fan atoh wimórí'

waa wo'si eméróot. <sup>4</sup> Ga iñaa wíil bañ-buuraada, laakin bañ-buu' cidaankaah-kanak na cinikiis ee yaak bidaankaah-kanak na binikiis yuguunun gaca. Ba ekuk kúltí ciyaanaaw der na baanu-buu' wúrúus. <sup>5</sup> Meliccaa caa meyoh ga bañ-buuraa ee toonaa na íníj caa ríi', meyoh da ban. Laakka ban kocom-kiwii ciyitnakanak ciléeri', caa en na kitak ga fíkii bañ-buuraa. Kocomcaama cérí en helcii Kooh ciyitnakanakcii. <sup>6</sup> Laakin ban ga fíkii bañ-buuraa, enaama en fan giiy-seetu, ee wa lee' en fan seetu. Ga iñaa sés ga bañ-buuraa rék wíllawada, laakin enaama binikiis baa en na kipes ee ba gomin na has ga fíkii na fenoo. <sup>7</sup> Yíinoo man na gayindi, yukanakyaa man na doon, yukaahayyaa fíkíifaagari man na fíkii bo', yunikiisyaa man na caagiyoofaa en na kipún.

<sup>8</sup> Enaamacaa binikiisbaa en na kipesda, yaa en béeß bayin pab ciyitniinoo ee ca gomin na has, dook na fíldoogaa. Wekoo, nohoo ba dëkee ga kiyeek an:  
 «\*Ha'mudii en Koohda, fu yii fu míñ ga tóohda,  
 fu yii fu enee, fu en ee fu yah kihayda,  
 fu sela'in, fu sela'in, fu sela'in!»

<sup>9</sup> Ee saycaa enaamacaa en na kipesda, ba ndam, ba kañ, ee ba gérém baa yuñ ga bañ-buuraa ee yah kipes bi taa'da, <sup>10</sup> yaakcaa bidaankaah-kanakbaa na binikiisbaa yí'u kúrk ga fíkii baa yuñ ga bañ-buuraada, yaa yah kipes bi taa'da, ba jaamukiri; ba búuk baanu-buu'caagaba ga kakay, ga fíkii bañ-buuraa, ba wo'i an:

<sup>11</sup> «Ha'mudiigaríi, fu yérí cal ki'e' ndam,  
 fu cal ki'on cée', ee fu yérí míñ.

Fu yérí sak iñaa enin tóoh,  
 fu waaree hen ca en, ca sakussa».

## 5

### *Kubaalkaa Kooh bēþpa këyítfaa*

<sup>1</sup> Waa ennda ða, mi hotta ga yah-ñaabaa baa yuñ ga bañ-buuraada, këyít fipoduu fodii kútúwaan, bíduunun ga dñuuy na fooh, capuunun cap ciyitnakanak. <sup>2</sup> Mi hotta ban malaaka yiléekí'-dooli, yaa wo' didóolí' an:

- Bii yiida mat ga kinís capcii Këyítfii, ya pónisfa?

<sup>3</sup> Wayee laakkii ken baa mat kipónis Këyítfaa, ya malak iñaa en ga dñuuyaada: enndii ga asamaan, enndii ga kakayfii, enndii ga fíldoo kakayfii. <sup>4</sup> Mi ennda ga kikoduk mooncaa leehoo ndaga daa laakoo baa mat ga kipónis Këyítfaa na kimalak iñaa en ga dñuuyaada. <sup>5</sup> Daama, yíinoo ga yaakcaa wo'"aroo an:

- Kaa koduk, Malka! Gayindifii nílili Yúdaa, kuumkii paal ga buu' Dëwítða, yeema. Ya lebirohin bi ya meyin ga na ndam ee ya hay kinís capcii ciyitnakanakcii, ya pónis Këyítfii.

<sup>6</sup> Waa ennda ða, mi hotta kubaal, jaa tuuk ga leeloo ðekataa enaamacaa binikiisbaa wíil ee yaakcaa wíllada. Kubaalkaa man na fodii hoossee hen ee ja bayin wiyy ciyitnakanak na tuhas tiyitnatanak. Tuhaustaa tiyitnatanaktaa téri en helcii Kooh ciyitnakanakcii wosohu ga éldúna tóohda. <sup>7</sup> Kubaalkaa deeyca kibeb Këyítfaa en ga yah-ñaabaa baa yuñ ga bañ-buuraada. <sup>8</sup> Daa ya bewee Këyítfaa, enaamacaa binikiisbaa na yaakcaa bidaankaah-kanak na binikiisbaa yí'ussa ga fíkíici, yaa en béeß bayin ga yahci riiti na aanda-cúuraay-wúrúuscaa líifin muut ee cúuraayaa teewoh iñcaa buwaa en buu Kooh kíimidá. <sup>9</sup> Ba baa yeek, yeek-kañ wi'as an:

«Fu yérí cal ki'e' Këyítfii fu nís capcii amfadá  
 ndaga fu apseera  
 ee kooroh ga níifaagaraa aamukða,  
 fu laasi'ta Kooh bifo' baa bok ga níilaa en béeß  
 na lakaan en béeß, heetaa en béeß na kúlkaa en béeß.

**10** Fu bokidohinba ga fu-nguuriigaraa,  
fu tuminba bibuu' na bisarahoh, ba en súrga Koohyiigaruu  
ee ba hay kinguuruk ga dook éldúna tóoh».

**11** Lak mi lís kimalak, mi kelohha koonaa malaaka biyewin, ken ínohoo daa júnnicaa hín kiyewinda. Ba wíilin banj-buuraa na enaamacaa binikiisbaa en na kipesda na yaakcaa. **12** Ba baa yeek didóoli' an:  
«Kubaalkii hoosseeda yérí laak kimín,  
yérí laak alal, yérí laak ki'ínoh,  
yérí laak dooli, yérí cal ki'on cée',  
yérí cal ki'on ndam, yérí cal kikañ!»

**13** Daama, béeb iñaa Kooh sakin en ga asamaan, ga kakay, ga fíldoo kakay, ga díuuuy giiy, béeb iñcii en na kipes ga éldúnada, baa yeek an:  
«Yii yun ga banj-buuriida, ya na kubaalkii  
bérí cal kikañ, bérí cal ki'on cée',  
bérí cal kindam, bérí míñ bi taa'!»

**14** Enaamacaa binikiisbaa en na kipesda taasussa an:

- Aameen!

Yaakcaa nak yí'ussa kúrúk baa jaamuk.

## **Capcaa ciyinakanakcaa ga Këyítfaada**

### 6

#### *Cap wiinoo ga ciyitnakanakcaa nísussa*

**1** Léehí'ta, ga waa mi hotta kubaalkaa níssa capaa wiinoowaa ga ciyitnakanakcaa, mi kelohha yíinoo ga enaamacaa binikiisbaa en na kipesda lessa koonaa kiyaak en fan íníj, an:

- Hay!

**2** Mi dalla kihot pénís fiyaanaaw meyca mél. Baa lapfada bayin hélí' ga yahci. Ya erussa baanu-buu', ee ya yaa yah fodii baa bay ndam ee ya meyca kilaaksinee ndam.

#### *Capaa wukanakwaa nísussa*

**3** Ga waa Kubaalkaa níssa capaa wukanakwaa, mi kelohha enaamaa yukanakyaa wo'a an:

- Hay!

**4** Pénís filiis fiyo'oh cor en fan kiwii meyca mél. Baa lapfada onussa kinís jam ga éldúna, buwii aaw ki'apoh ga díkaantiba. Ya erussa kalaß fiyaak.

#### *Capaa wukaahaywaa nísussa*

**5** Ga waa Kubaalkaa níssa capaa wukaahaywaa, mi kelohha enaamaa yukaahayyaa wo'a an:

- Hay!

Mi dalla kihot pénís fisúsúus, meyca mél. Baa lapfada bayin balaas ga yahci.

**6** Mi kelohha, en fan koonaa kérí meyoh ga díkaanti enaamacaa binikiisbaa, kaa wo'an:

- Kílóo beli wiinoo calat cadam fay noh-noh bo' yíinoo. Ee kílóo lorsu kaahay calat cadam fay noh-noh bo' yíinoo. Dúuleen na biíñ nak, kaa le' gaca!

#### *Capaa wu-nikiiswaa nísussa*

**7** Ga waa Kubaalkaa níssa capaa wu-nikiiswaa, mi kelohha enaamaa yunikiisyaa wo'a an:

- Hay!

<sup>8</sup> Mi dalla kihot pénís fihilii\*, meyca mél. Baa lapfada teeku «Kikaan» ee dekataa buwaa kaanin dsaakohuda taabin ga fenooci. Ba onussa dooli ga dook komii wunikiiswii ēldúna ki'ap buwii na kalab, ki'apba kooroh ga a', dúukoolcaa karohin, wala kooroh ga rab bisóotí'.

### *Capaa wu-yëtúuswaa níssusa*

<sup>9</sup> Ga waa Kubaalkaa níssa capaa wu-yëtúuswaa, mi dalla kihot, ga fildoo loteelaa ga Kaanfaa Koohdfa, fitcaa buwaa hoossee, ndaga kitaabuk wo'eenii Kooh, na ban seedi'aa ba seedi'eewada. <sup>10</sup> Ca nak, caa fiip didóolí' an:

- Cic Kooh, fu sela'in ee fu kayoh kesi. Fu sekan bi kera ki'atti' buwii ga ēldúnada na ki'ēldúki'tíi ñífiigaríi ba aamdfa<sup>†</sup>?

<sup>11</sup> Waa ennda d'a, ba erussa yaa en béeþ kúltí fiyaanaaw, ba wo'ussa kisékíruk jutuut paay, bi ga daa kídaa buwaa boku naba lëgëy, ba na mbok-kerceencaagaba jom ki'apu fodaa gabada, matan.

### *Capaa wu-yitniinoowaa níssusa*

<sup>12</sup> Lëehí'ta mi hotta Kubaalkaa níssa capaa wu-yitniinoowaa. Kakayfii dalla kiyëngéluk didóolí. Nohii súusúussa sí'ís en fan kúltí togoh, ñiidii béeþwa yo'ohha cor en fan ñíif. <sup>13</sup> Olcii dëegísukka kakay fodaa daa towu een tihilii wúuni, binaa uuris wiyaak yëngél bos eenaanaa. <sup>14</sup> Asamaanii kerukka fodii kútúwaanfaa en na kipodu. Janjançii béeþca na dëkcii giyyii wíilda léerukka ga daa ca eneedfa. <sup>15</sup> Waa ennda d'a, buu'cii ga ēldúnada na buwii biyaakbii, soldaa'cii biyaakbii, ha'-alalcii na ha'-doolicii, béeþ, ennda ñaam, ennda buwii laakin haffbadfa, béeþba dsaakkussa ga noñ-noñcii na ga fenoo atohcii ga janjançiiida. <sup>16</sup> Ba baa fiip janjançii na atohcii an:

- Búrat ga dlookkii, dú daakkii ga hascii Yii yun ga banj-buuriifa, dí úsaay aylukii Kubaalkii, <sup>17</sup> ndaga besii wiyaakwii aylukiigaba yah kikeen ga dlookkíida le'in. Ee ati bii múcan ga ba?

## 7

### *Buwii Kooh kín bayu mandargiigarida*

<sup>1</sup> Tíkka ga, mi hotta malaaka binikiis baa tuukin ga topaa'cii ēldúna cinikiiscii. Ba ammba uuriscii ēldúna cinikiiscii\* doonaa uuris wíinoo wëpoo: enndii ga kakayfii, enndii ga giyyii ee enndii ga kedik kíinoo. <sup>2</sup> Mi dalla kihot malaaka yiliis, yaa kolukoh meyaa'-noh, yaa lap. Ya bayin ga yahci iñaa mandarga'ohsi buwii enu buu Kooh, yii laak kipesda. Ya fiippa didóolí' malaakacaa binikiisbaa onu kiyah kakayfii na giyyiida <sup>3</sup> an:

- Kaa yahat kakayfii, giyyii na tediktii bi ga daa dí tuman mandarga ga púkcii buwii enu súrga Koohyiigaruduða.

<sup>4</sup> Waa ennda d'a, mi kelohha kídaa buwaa mandarga'ufa: ba ennda bo' bijúnni citéemée' na cidaajkaah-nikiis na cinikiis (144.000), baa meyoh ga béeþ níilcii heetii Isarayeel : <sup>5</sup> bo' bijúnni-daaajkaah na bijúnni-kanak (12.000) mandarga'ussa ga níllaa Yúdaa, bo' bijúnni-daaajkaah na bijúnni-kanak ga níllaa Ruben, bo' bijúnni-daaajkaah na bijúnni-kanak ga níllaa Gaat, <sup>6</sup> bo' bijúnni-daaajkaah na bijúnni-kanak ga níllaa Aasee, bo' bijúnni-daaajkaah na bijúnni-kanak ga níllaa Neftalíi, bo' bijúnni-daaajkaah na bijúnni-kanak ga níllaa Manasee, <sup>7</sup> bo' bijúnni-daaajkaah na bijúnni-kanak ga níllaa Simewoñ, bo' bijúnni-daaajkaah na bijúnni-kanak ga

\* **6:8** 6: 8 Hiili Ga iñaa iíkin, mandargaama teewoh iñaa kaanin (bi nopin) <sup>†</sup> **6:10** 6: 10 Malkat Sakarí 1: 12.

\* **7:1** 7: 1 Malkat Sakarí 6: 5. Bo' mínska kimédíroh na lapoh péníscaa wo'u ga Ínohlukoh 6: 1-8

níilaa Léwí, bo' bijúnni-daankaah na bijúnni-kanak ga níilaa Ísakaa' <sup>8</sup> bo' bijúnni-daankaah na bijúnni-kanak ga níilaa Sabulon, bo' bijúnni-daankaah na bijúnni-kanak ga níilaa Yoseef, bo' bijúnni-daankaah na bijúnni-kanak mandarga'ussa ga níilaa Beesamee.

### *Buwaa biyewinbaa ekuk kúltí ciyaanaawda*

<sup>9</sup> Tíkka ga, mi hotta mbooloo wiyaak, waa ken ínohoo daa buwaa hín kiyewinda. Ba meyohee ga kúlkaa en béeþ, ga níilaa en béeþ, ga heetaa en béeþ na ga lakaan en béeþ. Ba tuukin ga fíkii bañ-buuraa, ga fíkii Kubaalkaa, ekukuunun kúltí ciyaanaaw ee bayuunun soo'soo' ga yahcaagaba. <sup>10</sup> Ba baa wo' didóolí' an:

- Kimúckii kii ga yah Koohyiigaríi yuŋ ga bañ-buuriida, ya na Kubaalkii.

<sup>11</sup> Béeþ malaakacaan tuukussa ga iñaa wíil bañ-buuraa, wíil yaakcaa na enaamacaa binikiisbaa en na kipesda. Ba yíppa púk ga fíkii bañ-buuraa, ba baa jaamuk Kooh <sup>12</sup> an:

- Aameen! Koohyiigaríi, fu yérí cal kikañ, fu yérí cal ki'e' ndam, fu yérí laak ki'ínoh, fu yérí cal kigérém, fu yérí cal ki'on cée', fu yérí míñ, fu yérí laak dooli, bi taa'. Aameen!

<sup>13</sup> Yiñoo ga yaakcaa nak meeckissaroo an:

- Buwii bii ekuk kúltíci ciyaanaawciida, ba biba? Ba meyo gada?

<sup>14</sup> Mi taassari an:

- Kiyaakii, iñaama, fu yérí ínohhi.

Ya wo''aroo an:

- Bérí en buwii meyo ga kihatalu ga kipes kiméeski'da. Ba naawin kúltíciigaaba, ba yaanaawi'taca ga ñífaa kubaalkaa. <sup>15</sup> Kérí tah, ba tuuk ga fíkii bañ-buuri Kooh, ba kañi nohoo, wekoo ga Kaanfiigari. Ee yii yuŋ ga bañ-buuriida hayba kisëegún ga taaliigari. <sup>16</sup> Ba yaabsisoo, ba pílsisoo, noh wala taangaay wíinoo tamsisooba. <sup>17</sup> En ki'enaa, Kubaalkii tuuk ga leeloo d'ekatii enaamacii binikiisbii wíil ee yaakcii wíllada, hayba kiníi', bayba ga tuhaalaataa músumaa onohi kipesda. Ee Kooh hay kimoos béeþ moon ga hascaagaba.

## 8

### *Capaa wu-yitnakanakwaa níssusa*

<sup>1</sup> Ga waa kubaalkaa níssa capaa wu-yitnakanakwaa, asamaan eennda selew iñaa jomin kile' caban wahtu. <sup>2</sup> Mi dalla kihot malaakacaan biyitnabanakbaa tuuk ga fíkii Koohda ee ba erussa mbiib ciyitnakanak.

<sup>3</sup> Malaaka yiliis dalla kihay, tuukka ga yahaa loteelaa, ya bayin aanda-cúuraay-wúrúus ga yahci. Ya erussa cúuraay ciyewin, ya tékí'ca sarah ga dook loteel-wúrúusaa en ga fíkii bañ-buuraad<sup>4</sup>, taamdoch na iñcaa buwaa Kooh béeþba kíimda.

<sup>4</sup> Fodaama, iifilaa cúuraayaa bewukohha yah malaakaa, wa lappa, awwa ga Kooh, taamdochha na iñcaa buwaa Kooh kíimda. <sup>5</sup> Léehí'ta, malaakaa béeþa aanda-cúuraayaa, ya teffa ga kiwiikaa en ga dook loteelaada bi líiffa, ya weessawa ga dook kakayfii. Ga saasi íníjcaa awwa kitak na meliccaa, toonaataa taa ríi', kakayfaa faa yéngéluk.

### **Mbiibcaa ciyitnakanakcaa ciyaakcaa**

#### *Mbiiwaa d'ebda*

<sup>6</sup> Waa ennda d'a, malaakacaan biyitnabanakbaa bayu mbiibcaa ciyitnakanakcaada, baa waayuk ga kimbii.

<sup>4</sup> 8:3 8: 3 Malkat Yaawú'caa 9: 1-5.

<sup>7</sup> Malaakaa yíinoo dalla kimbiiþ: tob-galaas wiyaak na kiwii, caa akitukoh na ñíf, íifukka ga kakayfii. Fodaama, Komii kakayfii wukaahaywii takka, komii tediktii wukaahaywii takka, ee béeþ iñaa en pëegíi fihiili takka dúr.

### *Mbiiwaa wukanakwaa típpa*

<sup>8</sup> Malaakaa yukanakyaa dalla kimbiiþ waagari: iñaa man na janjan wiyaak waa en na kitak, jafussa ga giiyaa. Fodaama, komaa giiyaa wukaahaywaa ennda ñíf, <sup>9</sup> komii wukaahaywii iñcii Kooh sak pesi ga giiyiida, dúmmba, ee komii wukaahaywii gaal-giycii yasukohha.

### *Mbiiwaa wukaahaywaa típpa*

<sup>10</sup> Malaakaa yukaahayyaa dalla kimbiiþ waagari: ol wiyaak, waa yaañ en fan kocom-kiwii, dëegísukoh asamaan, dalla kikeen ga dook komii wukaahaywii húlúbcii, na ga dook haalaa-músúcii. <sup>11</sup> Olaama teeku «gít». Komii mísúmii wukaahaywii aayya heh en fan gít ee bo' biyewin kaannda ndaga mísúmaa ba anee maama, lak ma yasukohin.

### *Mbiiwaa wu-nikiiswaa típpa*

<sup>12</sup> Malaakaa yunikiisyaa dalla kimbiiþ waagari: komii nohii wukaahaywii, na wii ñiidii, na wii olcií míkussa. Fodaama komii wukaahaywii lee'laatiigaca dalla kiñúus, ee komii wukaahaywii lee'laatii en na nohda yímmba, wii wekii ban yímmba.

<sup>13</sup> Léehí'ta mi hotta caagiyooftaa en na kipún ga jepitaa asamaan, mi kelohhari yaa wo' didóolí' an:

- Massa, massa, massa dú, buwii ga éldúnada, ndaga mbiiþcii tes malaakacii þaahaybii yah kimbiiþda!

## 9

### *Mbiiwaa wu-yëtúuswaa típpa*

<sup>1</sup> Waa ennda ða, malaakaa yuyëtúusyaa dalla kimbiiþ mbiiwaagari: mi hotta olaa dëegísukoh asamaan keennda ga kakayfii. Olaa erussa kucëwiikaa nogaa bu-baam.

<sup>2</sup> Ya lëgíssa nogaa bu-baam, ee iifil dalla ga kimeyoh, waa dúuk en fan iifil púu' wiyaak, bi nohii na éldúnaanii ñúusí'ta ndaga iifilaama. <sup>3</sup> Laakka paycaa meyoh ga iifilaama, ba tasaarukohha ga éldúna. Ba onussa kimín kitum mesiklaat fodii dagal. <sup>4</sup> Ba hoonohussa kile' ga pëegíifii, ga tediktii wala ga béeþ iñcii paali ga kakayfiida, wayee ba eem rek ga buwii bayussii mandargaa Kooh ga púkcaagabada.

<sup>5</sup> Ba onussiiba ki'ap, wayee ba sodalba iñaa le' ñiin ciyëtúus. Ee mesiklaataa ba yah buwaa kitumda man na meskilaat ðob dagal ga bo'. <sup>6</sup> Ga bescaama, buwii heelsan kikaan ee ba hotanndiika. Ba kíiman kikaan ee kikaan núpanba hen fír.

<sup>7</sup> Paycaa madu na péníscaa waayuku kibay kiheñohnée. Ba bayin ga hafcaa iñaa man na baanu-buu' wu-wúrúus ee fíkiicaagaba man na fíkií bo'-súusúus.

<sup>8</sup> Ba bayin fencaa man na fen beti ee sísciaagaba man na sí gayindi. <sup>9</sup> Fasaacaa man na eku kúltí-pewiñ. Ríraa paabcaagaba man na ríi' sareet-péní ciyewin caa fíisuk kiheñohnée. <sup>10</sup> Ba bayin lúk, fodii lúk dagal na kútúñ ga siñdaanaa, ee ga tútúntaama, dañaraa ba yah buwaa kisodaloh iñaa le' ñiin ciyëtúusda, waa ga.

<sup>11</sup> Buuraa paycaama yérí en malaakaa nogaa bu-baam. Ya teeku Abadon ga lak ki'Ebérée, ee ga kiGerek ya baysi Apoliyon\*.

<sup>12</sup> Kofeelkii ðebða paafin. Tík ganaa, kanak ciliis jomin kihay ðan.

### *Mbiiwaa wu-yitniinoowaa típpa*

\* <sup>9:11</sup> 9: 11 Abadon na Apoliyon teekcaama ga lakcaagaca ca waa' kiwo' «yahoh»

<sup>13</sup> Malaakaa yuyitniinooyaa dalla kimbii<sup>b</sup> mbiwaagari: mi kelohha koonaakaa meyoh ga wiiycaa cinikiiscaa ga loteel-wúrusaa en ga fíkíi Koohda. <sup>14</sup> Koonaakaa wo<sup>a</sup> malaakaa yuyitniinooyaa bay mbiwaada an:

- Bëgísa malaakacii binikiisbii bagu ga yahaa húlwii wiyaakwii teeku Ëfaratda.

<sup>15</sup> Waa ennda d'a, malaakacaa binikiisbaa bëgíssussa. Ba waayukee wahtiima na besiima, ñiidiima na kíiskiima kidúbí' komii wukaahaywii buwii ga èldúnada. <sup>16</sup> Ga iñaa mi kelohda, soldaa'caa lapu pénís kiheñohneeda enee bimílyon citéemée'-kanak (200 Mílyon). <sup>17</sup> Péníscaa na buwaa lapbaða, mi hotba en fan ga heey, fodii dii: ba ekuk kúltí-pewiñ ciyo'oh cor en fan kiwii, cibúlo, búlohaa deey ga súusús ee cimbaasaan en fan pëndél witamóhí<sup>†</sup>. Hafcaa péníscaa man na haf gayindi. Kiwii, iifil na pëndél witamóhí', caa mey ga túuwtaagaba. <sup>18</sup> Kofeelcaa kaahaycaa caamaa, mey ga túuwtaagabada ennda: kiwiikaa, iifilaa na pëndëlaa, ca dúbí'ta komii wukaahaywii buwii ga èldúnada. <sup>19</sup> Doolaa péníscaa bayda nak en ga lúkcaa na ga túuwtaagaba. En ki'enaa, lúkcaagaba man na gonj; ca bayin haf, ee ca tumi buwaa iñaa meskin naca.

<sup>20</sup> Wayee nak buwaa tes kaanussii ga kofeelcaa-caamada, foñussii ga fen iñcaa cibóní'caa ba tumee na yahbaða. Ba baa lís kijaamuk rab-seytaani na nataalcaa hëwírohu wúrus, wala hëelís, wala pérém, atoh cimórí' wala doo' kedik. Ee iñcaama míoo kihot, ca míoo kikeloh, ca míoo kitíin. <sup>21</sup> Ba baa lís ga ki'ap bo', kinaahkaa ba enukoheeda, kifaanuk na baa en bëeb, na kilok.

## 10

### *Malaakaa na kukéyítkaa*

<sup>1</sup> Waa ennda d'a, mi hotta malaaka yiliis yiléekí'-dooli yaa yoosukoh asamaan, úulukin yaayeel. Ko'kaa-huulaa wílin hafaagari, fíkíifaa faa melic en fan noh ee kotcaa yo'ohin en fan jelem kiwii. <sup>2</sup> Ya bayin ga yahci kukéyít jaa kúnisuunun. Ya yíppa kotaagari ñaabaa ga giyyaa, wuseñwaa ya yíppawa ga kakayfii. <sup>3</sup> Ya dalla kiles koona ga dook en fan gayindifaa en na kibëmbuk. Daa ya fiipee, íníjcaa ciyitnakanakcaa téesí'ta. <sup>4</sup> Daa íníjcaa ciyitnakanakcaa téesdee, mi waa'ta kibín iñaa ca wo'da, wayee mi kelohha koonaakaa meyoh asamaan, wo<sup>a</sup>roo an:

- Iñii íníjcii ciyitnakanakcii wo'da enat kúmpa ga bëeb, kaa bínnadi. <sup>5</sup> Waa ennda d'a, malaakaa mi hotee tuukin ga giyyaa na kakayfiida, bëwí'ta yahaagari ñaabaa, èewdohha asamaan. <sup>6</sup> Lëehí'ta ya waatta ga bii en na kipes bi taa'da, yii sak asamaanii na bëeb iñcii en gadfa, kakayfii na bëeb iñcii en gadfa, giyyii na bëeb iñcii en gacada, ya wo<sup>a</sup> an:

- Diimada, laakkissii kisekis dara. <sup>7</sup> Bëriinaa dú keloh malaakii yuyitnakanakyii, fúrisan mbiwaagarida, bëeb iñii Kooh am kitum ee ínohukkii duumda, hay kimat sëk fodaa daa ya yéegaleeka súrgacaagari enu sëldíigacaagarida.

<sup>8</sup> Koonaakaa mi kelohee, meyoh asamaanda nak wo'issaroo an:

- Kara, fu bëb kukéyítkaa kúnisuunun en ga yah malaakaa tuuk ga giyyii na kakayfiida.

<sup>9</sup> Mi ka'ta ga malaakaa, kiwo<sup>a</sup>i ya e'too kukéyítkaa jaama. Ya wo<sup>a</sup>roo an:

- Uuna, ñamaaja. Ja hay kicelem fodii kúum ga kúuwkiigaraa, wayee le' lookfunaa, hay ki'aay heh<sup>☆</sup>.

<sup>10</sup> Fodaama, mi bëbpa kukéyítkaa ga yah malaakaa, mi ekkaja ga kúuwroo, mi yaa ñam. Ja celemmaa fodii kúum, wayee daa mi oneeja, ja aayya heh ga lookkoo.

<sup>11</sup> Lëehí'ta, mi wo'ussa an:

<sup>†</sup> 9:17 9: 17 Mëdïrohat na iñaa hewee ga Sodom na Gomoo'da. Malkat Lúkkaa 17: 29    <sup>☆</sup> 10:9 10: 9 Malkat Esekíyeel 2: 9-3: 3.

- Fu jomin kika' kiyéegalohis iñcii Kooh yah kitum, aaw ga heet ciyewin, túl tiyewin, lak ciyewin na buu' biyewin.

## 11

### *Seedicaa banakbaa*

<sup>1</sup> Waa ennda dfa, mi erussa doo'-barahaa man na dooraa natohsí hen, mi wo'ussa an:

- Koluka, fu nat Kaanfii Kooh, fa na loteelii, fu kín buwii en na kijaamuk Kooh gada. <sup>2</sup> Dekatii Kaanfii Kooh hanoh foohda nak, íisaawa, kaa natwa, ndaga wa foñdu yiifa'cii. Ba hay kitogisoh teerii wisela'íwii iñaa le' ñiin cidaanjkaah-nikiis na ñiin kanak\*. <sup>3</sup> Mi hay ki'on seediciigoo banakbii, ba yéegaloh iñii Kooh wo'da, ee ba ekukan saaku, kiton iñaa le' bes cijúnni na bes citéemée'-kanak na cidaanjkaah-yitniinoo (1.260).

<sup>4</sup> Seedicaama bëri en tedik-ólíwíyéetii tanaktii na ban lampucii kanakcii en ga fíkii Ha'mudii laak kakayfiida. <sup>5</sup> Baa waa'ba kitum iñaa mesikinaa, kiwii hay kimey ga túuwtiigaba, tékí' buwaa sagoh nabada. Kayoh, baa fu waa'ba kitum iñaa meskinaa, fu joman ki'apu fodaama. <sup>6</sup> Seedicaama onuunun kimín kilaj asamaanii ee tob keenoo kakay bi ga daa ba lëehfan kiyéegaloh iñii Kooh wo'da. Ba onuunun ban kimín kisúpít mûsúmii ma en ñif, na kimín kifeek bu-ëldúna na kofeelcaa leehoo, wahtaa nebbá tóoh.

<sup>7</sup> Ee binaa ba lëehí' kiseedi'aa, rawaa yisótí'yaa<sup>◊</sup> meyoh ga bu-baamda hayba kiheñoh, ya laak ndam ga dookba, apba. <sup>8</sup> Fodaama, faraafcaagaba hay kifoñu ga paanaa en ga teeraa wiyaakwaada. Teeraama, Kooh abohwa fodii Sodom wala Esípti ee Ha'mudiigaba daayohsee ga kuraanaa daama. <sup>9</sup> Iñaa le' bes kaahay na caban, bïbo' ga heetaa en bëeb, ga nílää en bëeb, ga lakaa en bëeb, na ga kulkaa en bëeb, hay kihayu kimalak faraafciigaba, ee ba íisanndii ken acca. <sup>10</sup> Bëeb ëldúna, keeñba hay kisoos ga iñaa dal buwaamada, ba nebluki, ba wosohi cikëñi' ga díkaantiba ndaga seedicaa banakbaama sodalseera buwii lool.

<sup>11</sup> Wayee waa bescaa kaahaycaa na caban matda, épaa onohi kipes, ee meyoh ga Koohdfa hayya, sorukkaba, ba kolukka. Daama, buwaa tuukee kimalakbadá, tútussa bi baa saak. <sup>12</sup> Seedicaa banakbaa kelohussa koonaakaa wo' didóolí', meyoh asamaan, an:

- Lapat dii! Yaayeel úullaba, ba lappa dfook asamaan. Buwaa sagoh nabada baa malak ga. <sup>13</sup> Ga wahtaama siiy, kakayfaa yëngélukka didóolí', ee ga iñama, kaan cidaanjkaahcaa fu am ga teeraa tóoh, fínoofaa bú'ta ga, bo' bijúnni-yitnabanan (7.000) kaanussa ga yëngélala kakayfaa waama. Buwaa bïinoo mûc gada tútussa, ba aawwa kindam Koohyii hanoh dookda. <sup>14</sup> Kofeelkii kukanakkii paafin foduma. Malakat kofeelkii kukaahaykii kii hay diima-diima.

### *Mbiiwaa wu-yitnakanakwaa típpa: Kihaykii Nguurii Kiristaanii*

<sup>15</sup> Malaakaa yuyitnakanakyaa mbiibpa ee ga asamaan laakka toonaataa téesí' an:

- Nguurii ëldúna tíkuunun kimma ga yah Kooh, Ha'mudiigaruu, na ga yah Kiristaaniigari, ee ya yah kinguuruk bi taa'.

<sup>16</sup> Waa ennda dfa, yaakcaa bidaanjkaah-kanak na binikiisbaa yunsee ga fíkii Kooh, ga bañ-buu'caagabada, yípussa pük kakay, ba baa jaamuk Kooh. <sup>17</sup> Ba baa wo' an:

- Kooh, Ha'mudii míñ tóohda, fu yii fu en ee fu eneeda, dí bii kañjaa ndaga fu teewohin doolii kimíkiigaraa ee fu tuukirin nguuriigaraa. <sup>18</sup> Heetcii aylukuunun, wayee nak aylukiigaraa wëri yoosuk. Wahtii le'in, wii fu yah ki'atti' buwii kaaninda, wii fu yah kineehal súrgaciigaraa enu sëldíigaciigaraada, na buwii en buufuda

\* <sup>11:2</sup> 11: 2 Wo'u dii teeraa Yéerúsaleem: Médírohat na Lúkkaa 21: 24    <sup>◊</sup> <sup>11:7</sup> 11: 7 Malkat Dañel 7: 3,7,21.

ee niikuunun teekiigaraada, oomaanoo, yaakoo. Wahtiima ban, wérí en wii fu yah kidúbí' bwuuii yahsoh élđúnada.

<sup>19</sup> Waa ennda da, dékataa wisela'í'waa Kooh ga asamaanda lëgísukka, gaalaa mandarga kifiiliimunkii Kooh na buwiida<sup>†</sup>, hotukka ga duuygaa. Kooh awwa kimelic, toonaataa taa ríi', íníñcaa caa tak kitak, kakayfaa faa yëngéluk, ee tob-galaas wiyaak waa keen.

## 12

*Iñcaa ciyitnakanakcaa Kooh teewoheeda*

### Betifaa na gon-jësíkaa

<sup>1</sup> Fodaama, Kooh teebleparoo enaama yiyaak yaa mey ga asamaan: ennda beti, fa úulukin nohii, ñiidii hanohin fildoo kotcaagari, ee ya ekukin baanu-buu', waa bay ol cidaankaah na kanak. <sup>2</sup> Betifaa enee na look bi fa faa yah kilaak kowu. Fa faa fiip ndaga lëgëyaa kilaakkaa na mesiklaataa kilímkaa.

<sup>3</sup> Mi hotta enaama yiliis yaa mey ga asamaan ban: ennda gon-jësík yiyaak, yiyo'oh cor en fan kiwii. Ya bay haf ciyitnakanak na wiiy cidaankaah, ee hafaa en tóoh ekukin baanu-buu'. <sup>4</sup> Ya fëyëekissa komii wukaahayii olcii ga asamaanda na lúkaagari, jaffaca ga kakayfii. Ya tuukka ga fíkii betifaa en na kilaak kowudfa, en danaa kowukaa límsinaa, ya ñamka. <sup>5</sup> Betifaa nak laakka kowu kiyaal, kaa yah kinii' heetcii ga élđúnada béeëbca na ngot-pewiñ. Kowukaa dalla kibewu bayussa ga yahaa Kooh, ga banj-buraagari. <sup>6</sup> Betifaa nak núppa, ka'neera égi'-dúndagaa, ga dékataa Kooh waayukdeerifa, en danaa, ya toputu'u daama iñaa le' bes cijúnni na citéemée'-kanak na cidaankaah-yitniinoo (1.260).

<sup>7</sup> Waa ennda da, heñ wiyaak dalla kilaak ga asamaan. Míseel, malaakaa Kooh yiyaakyaa, ya na malaakacaagari baa heñoh na gon-jësíkaa. Yaama ban, ya na malaakacaagari, yaa heñoh naña. <sup>8</sup> Wayee gon-jësíkaa míndii ga heñaa, ee fodaama ya laakissii fen daa ya enan ga asamaan, ya na malaakacaagari. <sup>9</sup> Ya jafussa ga fooh, ya gon-jësíkaa, gon-jësíkaa wo'u sépi'í'-ga-nofii, wala Seytaanii, yii dúki béeëb élđúnada. Ya jafussa ga kakay, ya na malaakacaagari.

<sup>10</sup> Lëehí'ta, mi kelohha koonaa kiyaak ga asamaan, kaa wo' an:

- Diimada, jamaanii kimúckii le'in, diimada Koohyiigaruu teewohin iñii ya mínda ee tuukirin nguuriigari. Diimada Kiristaaniigari eruunun doolii. Ga iñama, pokoh-kiwo'ii, yii wekoo nohoo épírohi mbok-kerceenciigaruu na Koohda, jafuunun ga kakayfii.

<sup>11</sup> Ba nak, ba laakin ndam ga dookci ndaga ñífi kubaalkii aamfuseebada, na ban kayohfaa ga wo'eenaa ba seedi'eeda. Ba keeñukkii kipeskaagaba bi ba niikka kikaan.

<sup>12</sup> Kérí tah, fu asamaan na dú bii dú dék gada, neblukat!! Kakayfii na giyii nak, massa dú, ndaga sépi'í'-ga-nofii yoosukin garúu, ee ya líifin na tam-keeñ ga dii ya ínohin an ya tesohissii yewinda.

<sup>13</sup> Daa gon-jësíkaa hotee an ya jafuunun ga kakayfii, ya íisukka ga fenoo betifaa límee kowukaa kiyaalkaada. <sup>14</sup> Betifaa nak tokfussa pabcaa kanakcaa caagiyooftaa\* fiyaakfaa, en danaa ya pún bi ga égi'-dúndagaa, ya saan gogaa, ya en ga dékataa Kooh waayukdeerifa, ya toputu'u da iñaa le' tikiis taahay na caban<sup>†</sup>. <sup>15</sup> Waa ennda da, gon-jësíkaa weessa na kúuwci múusú miyewin en fan húlúb, ga fenoo betifaa, doonaa múusúmaa bayfa. <sup>16</sup> Wayee kakayfaa sommba betifaa, fa lëgísukka, fa annda

<sup>†</sup> **11:19** 11: 19 Gaalaama wérí daakee atohcaa Waasaa Kooh bínsee gadfa. Gaala faansee ga dékataa wéñ kisela' ga Kaanfaa Koohda \* **12:14** 12: 14 Caagiyooftaa míñ ki'en enaamaa yunikiisyaa en na kipes ee wílee banj-buraadfa. Malkat 4: 7 † **12:14** 12: 14 Ga kiGerek, wo' an: «jamaanu wíinoo, jamaanu ciyewin na caban jamaanu» Iñaama jomin kile' tikiis taahay na caban. Malkat ban 11: 3; 12: 6 na 13: 5

músúmaa goŋ-jësíkaa weesee na kúuwciida. <sup>17</sup> Goŋ-jësíkaa nak, keeñci tammba ga betifaa lool, ya móoñísneera heñaa ga towutaa betifaa tesfa, baa taabuk iñcaa Kooh nakoh kitumfa, ee ba dék ga kiseedi' Yéesuda. <sup>18</sup> Waa ennda d'a, goŋ-jësíkaa tuukka ga seereenaa giiyaa.

## 13

### *Rab meyca ga giyyaa*

<sup>1</sup> Tíkka ga, mi hotta rab yidëyna yaa en na kimey ga giyyaa. Ya bayin wiiy cidaankaah na haf ciyitnakanak. Wiyyaa en béeb bayin baanu-buu', ee hafaa en béeb bíduunun ga teek-basee ga Kooh. <sup>2</sup> Rawaa mi hotdfa nak, man na cígído, kotcaa man na kot rawaa wo'si úrsi\* kiyak na kikaañ, ee kúuwkaa man na kúuw gayindi. Goŋ-jësíkaa e'tari kimínkaagari, e'tari banj-buuraagari, ee e'tari ban dooli wiyaak. <sup>3</sup> Wiinoo ga hafcaa bayin gaañaa man na hoossee hen, ee gaañaama yeeri ki'apdfa, wakka. Bu-ëldúna béebla waaru'ussa ga rawaa, ba taabukkari. <sup>4</sup> Béeb aawwa kijaamuk goŋ-jësíkaa ndaga daa ya on rawaa doolida. Ba baa jaamuk ban rawaa, ba baa wo' an: «Bii yiida man na rawii? Bii yiida míñ nari kiheñoh?». <sup>5</sup> Rawaa nak, onussa kiwo' wo'een tay na wo'een-basee ga Kooh. Ya onussa kon dooli kitum ga iñaa nebpi, iñaa le' ñiin cidaankaah-nikiis na kanak. <sup>6</sup> Rawaa nak aawwa kibas Kooh, kibas teekii Kooh, kibas taalaa Kooh dékohsfuda na kibas ban béebl buwaa dék ga asamaanda. <sup>7</sup> Ya onussa kiheñoh buwii enu buu Koohdfa ee ya laak ndam ga dookba. Ya onussa ban dooli ga dook níllaa en béebl, heetaa en béebl, lakaa en béebl na kúlkaa en béebl. <sup>8</sup> Béeb buwii ga ëldúna, ee aboh ga iñaa wa saksee bi wati, teekcaagaba bídussii ga këyítfaa buwaa laak kipeskaada, hayussi kijaamuk. Këyítfaama fuu kubaalkaa hoossee fodii sarahdfa.

<sup>9</sup> Baa fu laakin nof kikelohaa, súkúruka! <sup>10</sup> Baa Kooh wo' an fu hay kibagunaa, fu hay kibagu. Kooh wo' an fu hay ki'apu na kalawaa, fu hay ki'apu na kalab. Iñaama tah buwii en buu Koohdfa, ba jom kiguu'guuluk hen ee ba taam na ngém.

### *Rab meyca ga kakayfii*

<sup>11</sup> Waa ennda d'a, mi hotta rab yiliis yaa en na kimey ga kakayfii. Ya bayin wiiy kanak, caa man na tuwiyy baal yiyín ee ya wo'ee fodii goŋ-jësík. <sup>12</sup> Rawaa meyee ga giyyaada, béebl doolaa ya laakdfa, yiima laakinwa ee ya yaa teewohwa ga fíkií rawaa ga giyyaada. Ya yaa gítín bu-ëldúna kijaamuk rawaama meyoh giyyaa ee bay gaañaa man na ya hoossee hen bi wakinda. <sup>13</sup> Ya yaa tum kíntaan ciyaak, caa karin sah bi ga kiyóoskí' kakay, ga fíkií béebl, kiwiikaa meyoh asamaanda. <sup>14</sup> Fodaama, ya múuydfi buwii ga ëldúnada na kíntaancaama ya onu kitum, ga fíkií rawaa meyohee ga giyyaada. Ya yaa wo' buwaa kihéwi' nataalaa rawaa hoossee na kalabfaa ee ya yaa pesisdfa. <sup>15</sup> Ya onussa kipesi' nataalaa rawaa waama, ya tummbawa bi wa míñnda kiwo', ee wa onuunun an béebl baa fu jaamukkiiwanaa fu apu. <sup>16</sup> Rawaa yukanakyaa gítínnda kon béebl buwii, oomaanoo, yaakoo, buuroo, nduuloo, ñaamoo, baa enndii ñaamoo, kibay mandarga rawaa ga yah-ñaam wala ga púk. <sup>17</sup> En d'anaa, ken mínoo kilom wala kitoon ee bayyii mandargaa rawaa: ennda teekaagari wala kídaa hín nawa.<sup>†</sup>

\* <sup>13:2</sup> 13: 2 Úrsi, iñaa rab yidëyna, yaa man na dëgngín pëení. Ya ñami pëegíi ee tumoo ken dara en an fu le"ii ga towutaa ya laakdfanaa. Ya míñin ki'ap bo' ga iñaa gaaw na coginaacaagari. † <sup>13:17</sup> 13: 17 Ga lakcaa waama, occaagaca kínsee hen, ocaa en béebl bayeera mandarga kín, fodii dii: a = 1; b = 2; c = 3. Kon teek míneera kijagu fodii kikín.

<sup>18</sup> Diima kilaak hamham kérí meekisohu dii: baa laakin hel hay kimín ki'ínoh iñii kídii teekii rawii waa' kiwo'dsa. En ki'enaa, kídiima hín na wii teekii bo'-súusúus<sup>‡</sup>. Wérí en téemée'-yitniinoo na daankaah-yitniinoo na yitniinoo (666).

## 14

### *Kubaalkaa na buwaa biyewinbcaa ya laasda*

<sup>1</sup> Waa ennda da, mi hotta Kubaalkaa tuukin ga janjagaa Síyon, ya na bo' bijúnni citéemée' na bijúnni cidaankaah-nikiis na bijúnni cinikiis (144.000). Yaa en béeb, teekii kubaalkii na wii Kooh paamci, bíduunun ga púkaagari. <sup>2</sup> Mi kelohha koonaa, kaa meyoh asamaan, ee ka ríi' en fan yéngëlaa dúscaa ga giyyada, en fan ban íníj wiyaak. Koonaakaa mi kelohda madin ban na ríi' riiticaa bibo' en na kiriiti. <sup>3</sup> Béeb buwaama baa yeek yeek-kañ wi'as ga fíkii bañ-buuraa, ga fíkii enaamacaa binikiisbaa en na kipesda, ee ga fíkii yaakcaa ban. Yeekaama, Ken mínoowa kiyoón, enndii buwaa bijúnni-téemée'baa na bijúnni-daankaah-nikiis na bijúnni-nikiisbaa baama Kooh laas ga éldúnadanaa.

<sup>4</sup> Buwaama nak mossoo kilíib ga kitaam na beti, ee ba setin wic. Ba taabuki Kubaalkii daa ja aaw tóoh. Kooh yéri laasba ga díkaanti buwii, ba erohha hafba ga Kooh na ga Kubaalkii fodii iñaa nísu ga iñcaa piiku, kifaani' Koohda. <sup>5</sup> Ee saboh fiinoo mosoo kimey ga kúuwba: ba laakoo sík.

### *Malaaka baahay yéegalohha atti'aa Kooh*

<sup>6</sup> Waa ennda da, mi hotta malaaka yiliis yaa en na kipún ga jepitaa asamaan. Ya haydoh hewhew winéwí' waa nírukoo bi taa', kiyéegalwa béeb buwii ga éldúnadfa: kúlkaa en béeb, níilaa en béeb, lakaa en béeb na heetaa en béeb. <sup>7</sup> Ya yaa wo' didóolí' an:

- Niikat Kooh ee dú e'ti ndam! Kayoh, wahtii ya yah ki'atti' éldúnadfa le'in. Kon jaamukat bii sak asamaanii, kakayfii, giyyii na haalaa-músúciida.

<sup>8</sup> Laakka malaaka yiliis, yukanak, taammba ga fenoo yudewaayaa, wo''a an:

- Babíloon, teerii wiyaakkii keenin! Ya yii ya lëeldee heetcii béeb na biiñii kifaanuk-pakaykiigari kiyaakkii ya enukohda, ya keenin jac!

<sup>9</sup> Laakka malaaka yiliis, yukaahay, taammba ga fenoo banakbaama, wo''a didóolí an:

- Béeb baa fu jaamuk rawii na nataaliigari, ee fu bay mandargiigari ga púkaagaraa wala ga yahaagaraanaa, <sup>10</sup> fu hay ki'an ban ga biiñaa aylukaa Kooh. Biiñaama nak koocussii ee Kooh hafanndaawa ga kaas aylukaagari. Fu yaama, fu hay kisodalu lool ga kiwiikaa na pëndëlaa witémí'waa, ga fíkii malaakacii Kooh na ga fíkii Kubaalkii. <sup>11</sup> Fodaama kiwiikaa yahhaa kisodaldä, iifilaagaka yah kidúuk bi taa'. Ee buwii jaamuki rawii na nataalaagarida, na béeb baa mandarga'u na teekiigari, laaksanndii íika', enndii wek enndii noh.

<sup>12</sup> Iñamaa tah buwii en bu-Kooh, taabuk iñci yá nakoh kitum, ee ba gëmin ga Yéesufa, ba jomin kiguu'guuluk. <sup>13</sup> Waa ennda da, mi kelohha koonaakaa meyoh asamaan, wo''aroo an:

- Bídaa iñii yii: «Aboh diima, ba yewinin müu' buwii en wiinoo na Ha'mudii bi ga kikaanda!» Helii yisela'i'yii wo' an:

- Kayoh, ba hay ki'íkaruk ga coonucaa ba dayeeda. En ki'enaa, tumeencaagaba hayba kitaabuk.

### *Éldúna píkussa*

<sup>‡</sup> **13:18** 13: 18 Kídaa teekaama mandarga éldúna na buwii en gadfa, ndaga bo' saku ga besaa wu-yitniinoowaa. Kon rawaa bay mandargaa bo' ee mandarga iñaa mattii. Kooh laak kín wu-yitnakanak.

<sup>14</sup> Waa ennda da, mi hotta yaayeel wiyaanaaw der, ee ga dookgaa laakin iñaa yun ga man na bo'<sup>✳</sup>. Ya ekukin baanu-buu' wu-wúrúus ga hafaa, ee ya abin píikaa wikéeñí' ga yahaagari. <sup>15</sup> Laakka malaaka yiliis yaa meyoh Kaanfaa Kooh, ya yaa fiip baa yun ga yaayeelaada an:

- Tíkaa píikaaniigaraa fu aaw kigú' ndaga kipíik le'in ee tóoh lúudin kipíik ga kakayfii. <sup>16</sup> Fodaama, baa yun ga dook yaayeelaada weessa píikaanaagari ga kakayfii, ēldúna tóoh píikussa.

<sup>17</sup> Laakka malaaka yiliis yaa meyoh Kaanfaa Kooh ga dookda. Yaama ban abin píikaa wikéeñí'.

<sup>18</sup> Léehí'ta, laakka ban malaaka yiliis yaa meyoh loteelaa. Yaama yérí laak dooli ga kiwii. Ya fiippa yaa bay píikaanaada, didoolí an:

- Tíkaa píikaaniigaraa wikéeñí'wii, fu gú' yool-resençii ga ēldúnada, ndaga ca lúudin.

<sup>19</sup> Waa ennda da, malaakaa weessa píikaanaagari ga kakayfii, gú'ta yoolcaa resençii ga ēldúnada. Ya íiffaca ga seesaa'-biiñaa wiyaakwaa en aylukaa Koohda.

<sup>20</sup> Towu resenjaa togisohussa ga duuy iñaa seesohsida, ga foogaanaa teeraada. Ñíf meyohha ga, wa taakka iñaa hín na kiloomeet cítéemée'-kaahay (300) ga agilaat, ee wa lappa bi hínnda na laabcaa péníscaa ga dook.

## 15

### *Malaakacaa biyitnabanakbaa na kofeelcaa ciyitnakanakcaa méeñdohda*

<sup>1</sup> Waa ennda da, Kooh teeþparoo enaama yiyaak yiliis ga asamaan, yidóoyí-waa': malaaka biyitnabanak bayuunun kofeelcaa ciyitnakanakcaa méeñjoh ee céri yah kimëti' aylukaa Koohda. <sup>2</sup> Mi hotta ban enaama, en fan giiy-seetu, waa akitohu na kiwii. Buwaa tēhin rawaa, ba jaamukii nataalaagari, ee ba bayyii kídaa hín na teekaagarida, tuukuunun ga dook giiy-seetaa. Ba níukin riiticaa Kooh ereebada,

<sup>3</sup> ee ba baa yeek-kañii Móyíis, súrgaa Kooh na wii Kubaalkii, an:

- Kooh, Ha'mudii ee míñ ga tóohda, tumeenciigaraa yakin ee newin kimalak, fu buurii béeb heetcii, iñaa fu natin kitum tóoh, júwin ee koo' ga waas.

<sup>4</sup> Ha'mudii, bii kaañanndaa kiniikoo ba? Bii sagan kikañ teekiigaraada ba? Kayoh, fu doñ fu yérí sela', ee béeb heetcii hay kihayu yí'u ga fikiifu, jaamuksiraa, ndaga ba hotin an tumeenciigaraa júwin.

<sup>5</sup> Waa iñaama paaffa, mi hotta ga asamaan, dekataa wëñ kisela' en ga taalaa teewoh kifiliimunkaa Kooh na buwiida, légískin. <sup>6</sup> Malaakacaa biyitnabanakbaa bayu kofeelcaa ciyitnakanakcaada meyohussa da. Malaakaa en béeb ekuk kúltí sooy fiyaanaaw der bi faa melic, ee pékirukin liib-wúrúus ga fasaafaa. <sup>7</sup> Yínoo ga enaamacaa binikiisbaa en na kipesda<sup>✳</sup> e'ta malaakacaa biyitnabanakbaa kaas-wúrúus ciyitnakanak caa líifin muut na aylukaa Kooh, yii en na kipes bi taa'da.

<sup>8</sup> Waa ennda da, dekataama wëñ kisela'da líiffa na iifil, kiteewoh ndamaa Kooh na doolaagari. Ee ken míndii da ki'aas bi ga daa kofeelcaa ciyitnakanakcaa malaakacaa biyitnabanakbaa haydohda matan.

## **Kaasca ciyitnakanakcaa tum aylukaa Koohda**

## 16

### *Kaasca dëbda*

<sup>1</sup> Tíkka ga, mi kelohha koona kiyaak, kaa meyoh dekataa wëñ kisela' ga Kaanfaa Koohda, ka wo'a malaakacaa biyitnabanakbaa an:

- Karat, dú iif ga ēldúna kaascii ciyitnakanakcii tum aylukii Koohda.

<sup>✳</sup> 14:14 14: 14 Malkat 1: 13; Dañeel 7: 13.    <sup>✳</sup> 15:7 15: 7 Malkat 4: 6.

<sup>2</sup> Waa ennda dfa, malaakaa d'efdfa, ka'ta, íiffa kaasaagari ga ēldúna. Taaw cibóní', ciméeskí' dalla kimey ga faancaa buwaa bayee mandargaa rawaa ee jaamuksee nataalaagarida.

### Kaasaa wukanakwaa

<sup>3</sup> Malaakaa yukanakyaa íiffa kaasaagari ga giyyaa, músúmaa dalla kiman na ñíf baa kaanin. Béeb iñcaa pesee ga giyyaada kaannda.

### Kaasaa wukaahaywaa

<sup>4</sup> Malaakaa yukaahayyaa íiffa kaasaagari ga húlúbcii na haalaa-músúci, ca súpitukka ennda ñíf. <sup>5</sup> Daama, mi kelohha malaakaa onu dooli ga dook músúciida wo"<sup>a</sup> an:

- Fu yii fu en, fu enee ee fu sela'inda, fu júwin ga dum fu atti' iñcumada. <sup>6</sup> Waa ba bérí aamee ñífaa buwaa en buufuda na waa sëldíigaciigaraa, fu nak, fu erinba ñíf ba an ee gënин gaba.

<sup>7</sup> Mi kelohha koonaa kaa meyoh lotelaa tékírohsí cúuraayda an:

- Ehee, Kooh, Ha'mudii míń tóohda, iñcii fu atti'da koo' ga waas ee júwin!

### Kaasaa wu-nikiiswaa

<sup>8</sup> Malaakaa yunikiisyaa íiffa kaasaagari ga dook nohii, wa onussa kitéki' buwii na kíwiikiigawa. <sup>9</sup> Noh witémi' aawwa buwii kitéki', ba baa bas Kooh, ya yii ya laak dooli ga dook kofeelcaa caamada. Ee ba sañga kisúpít kipeskaagaba, ba e' Kooh ndam.

### Kaasaa wu-yëtúuswaa

<sup>10</sup> Malaakaa yuyétúusyaa íiffa kaasaagari ga dook bañ-buuraa rawaa. Fodaama, kúlkaa rawaa nguurukohda ennda ga ñúus kérúus. Buwaa aawwa kidowuk perem ndaga mesiklaat. <sup>11</sup> Ba baa bas Kooh yii ga asamaanda ndaga kofeelcaa ba en na kidayda na taawcaa ambada; ee bi watí, ba sañga kisúpít kipeskaagaba.

### Kaasaa wu-yitniinoowaa

<sup>12</sup> Malaakaa yuyitniinooyaa íiffa kaasaagari ga húlúwaa wiyaakwaa wo'u Ëfaratda, mísúmaa dalla kisíiñ kifoñi' buu'caa kúlkohu meyaa'-nohdfa waas. <sup>13</sup> Waa ennda dfa, mi hotta rab bibóní' baahay baa waa' kiman na buuru-buu', ba meyca, yii ga kúuwkaa goñ-jësíkaa, yíino ga kúuwkaa rawaa\*, yíinooyaa ga kúuwkaa sëldíiga sépí'i'-ga-nofaa†. <sup>14</sup> En ki'enaa, iñcaa enee rab bibóní', baa tumi kíntaan. Ba ka'ta ga buu'cii ga ēldúnada béeþba, kihídírohba kiheñoohnee ga besaa wiyaakwaa Kooh, yii míń tóoh amdfa.

<sup>15</sup> Ha'mudii wo' an:

- Malakat, mi yii hay fodii lok. Baa neehhii ee yaa na kúlticaagari, yewinin múa' ndaga ya tíidoo faan buucuuc bi bo' hoti kacici.

<sup>16</sup> Fodaama, rabcaa bibóní'baa hídírohussa buu'cii ēldúna ga dekataa wo'si ga ki'Eberëe Armagedonja.

### Kaasaa wu-yitnakanakwaa

<sup>17</sup> Malaakaa yuyitnakanakyaa íiffa kaasaagari ga uurisii. Koonaa kiyaak kelohukka ga dekataa wéñ kisela'dfa, meyoh bañ-buuraa. Ka wo'a an:

- Matin sëk!

<sup>18</sup> Daama, laakka melic, toonaa na íníj, caa en na kiríi', na yëngéluk-kakay wiyaak, waa mosoo kilaak iñaa bo'-súusúus enee ga ēldúna bi watí. <sup>19</sup> Teeraa wiyaakwaa dfa'sukohha kom kaahay ee teerucii túltii béeþca bút'a. Babíloon nak, teeraa wiyaakwaama, Kooh alliiwa. Ya anlukohwa kaas-biiñaa en aylukaagari

\* **16:13** 16: 13 Rawaa meyee ga giyyaada † **16:13** 16: 13 Rawaa yukanakyaa, meyohee kakayda yëri bayu dii «sëldíiga sépí'i'-ga-nofaa» ee en baa tík hafci sëldíiga-Koohdfa. Malkat þan 19: 20.

witamóhí'waa. <sup>20</sup> Dëkcaa giyyaa wíilda tóohca ennda mes ee ken hotissii janjanj wíinoo. <sup>21</sup> Tob-galaas wiyaak, waa bíltataa kalamcaa jomin kile' kílóo cidaan̄kaah-nikiis, meyohha asamaan, dalla kikeen ga dook buwaa. Buwaa nak baa bas Kooh ndaga mesiklaataa tob-galaasaa haydoh ga dookbada. En ki'enaa, kofeekama dal gabada, lak barin.

## 17

### *Beti faankoh-pakayfaa na rawaa*

<sup>1</sup> Waa ennda dfa, yíinoo ga maalaakacaa biyitnabanakbaa bay kaas mesiklaatcaa ciyitnakanakcaada, hayya, wo"aroo an:

- Hay, mi teeþpaa atti'ii sek beti faankoh-pakayfii\* fiyaakfii yípuk ga yahaa giiycii ciyaakciida. <sup>2</sup> Buu'cii ga ëldúnada faanukuunun nari, ee buwii ga ëldúnada laaluunun ga biiñii en kifaanuk-pakaykiigarida.

<sup>3</sup> Helii Kooh dallaroo kisooruk, malaakaa bayyaroo ga ëgí'-dúndagaa. Mi hotta daama betifaa lap ga dook rab yiyo'oh cor. Faanfaa rawaa gomin na teek basee ga Kooh, ee ya bayin haf ciyitnakanak na wíiy cidaan̄kaah. <sup>4</sup> Betifaa ekuk kúlti ciyo'oh cor, cimelic-melic, ya líifin na wúrúus na jamaa na pemi. Ya bayin ga yahci kaas wúrúus, waa líifin na enaama cisépí'i' caa araamin ee límukoh ga kifaanuk-pakaykaagari. <sup>5</sup> Laakin teekaa bídu ga púkaagari ee iñaa kúmpa. Bídu ga an: «Babiloon yii yiyaakyii, eew faankoh-pakaycii, eew enaamacii ci'araamí'cii ga ëldúnada.»

<sup>6</sup> Mi hotta an betifaa laalin ga ñífaa buwaa en buu Koohda, buwaa seedi'ee Yéesuda. Daa mi hoteefa, mi waaru'a lool. <sup>7</sup> Malaakaa nak wo"aroo an:

- Fu waaru' ya hínda? Mi hayyaa kileerí' kúmpafii en ga betifi, na rawii koorukki, ee bay hafci ciyitnakanakcii na wíiy cidaan̄kaahciida. <sup>8</sup> Rawii fu hotda peseera, kipesci leehha. Ya hay kimeyoh bu-baam<sup>†</sup>, ya aaw ga kisañku'uk. Fodaama, buwii ga ëldúnada, ee ga iñaa wa saksee bi wati, teekcaagaba bídussii ga këyítfaa bay teekcaa buwaa laak kipeskaa leehooda, hay kiwaaru'u binaa ba hot rawaanaa, ndaga rawaa peseera, kipesci leehha, ee ya hay kihayis.

<sup>9</sup> Diima, ki'ínoh iñii yii meekisoh kilaak hel na hamham: hafci ciyitnakanakcii teewoh tégélci ciyitnakanakcii betifi yípukohda; ca teewoh buu' biyitnabanak ban. <sup>10</sup> Biyétúus ga buu'caama laasin kikeenu, yuyitniinooyii yii nguuruk diima, ee yuyitnakanakyaa hayyii duum. Wayee binaa ya hayaa, ya joman dii ki'en jutuut. <sup>11</sup> Rawii pesee ee kipesci leehhadfa, ya ga kihafci, iñaa buu' yuyitnakaahay. Ya kíndohu ban ga biyitnabanakbaa ee ya aaw ga kisañku'uk.

<sup>12</sup> Wíiy cidaan̄kaahcii fu hotda nak, cérí en buu' bidaan̄kaah, baa dallii kinguuruk duum. Ba hay kinguuruk, wayee ba onsan kinguuruk wahtu wíinoo doj ee ba yah kibok kinguuruk na rawii. <sup>13</sup> Ba béeþba nak, ba díiruk enaama yíinoo: ki'e' rawii kimíniigaba na dooliigaba. <sup>14</sup> Ba hay kiheñoh Kubaalkii wayee Kubaalkii hay kilaak ndam ga dookba, ndaga yérí en Ha'mudii ha'muncii, ennda Buurii buu'cii ban. Buwii ya nook ga hafci, ya fal ee ba gém garida, ba hay kibok ban kilaak ndam nari.

<sup>15</sup> Tíkka ga, malaakaa wo'issaroo an:

- Giycii fu hotda, cii beti faankoh-pakayfii yípukohda, teewoh heetcii, mbooloocii, túltii na lakcii ga ëldúnada. <sup>16</sup> Wíiy cidaan̄kaahcii fu hotda, ca na rawii waa'sanndii kihot ga betifi. Ba hay kite' béeþ iñcii ya laakda, ya tesda dúnj. Ba hay kiñam nahcii faanfigari, ba tékí' iñaa tes garida ga kiwii. <sup>17</sup> En ki'enaa, Kooh

\* <sup>17:1</sup> 17: 1 Betifi faankoh-pakayfii wérí teewoh jíkaa hotuk ga teekaa teeraa Babiloonda. † <sup>17:8</sup> 17: 8 Bu-baam Dekataa jafohsí rafcaa ga bí' kakayda. Ga baahaa yaawúu'caa, dekataama, ga bí' kakayfa, rafcaa daaksi da, ba seki besaa ba atti'san kikaan bi taa'dfa.

tumin ga keeñcaagaña, ba mëtí' iñaa ya natee kitumda, ba bokka kidíiruk iñama, ennda ki'e' rawii doolaa nguu'caagaba, bi ga daa iñcaa Kooh wo' da matan.

<sup>18</sup> Betifi fu hotda nak teewoh teerii wiyaakwii nguuruk ga dook buu'cii ga ēldúnada.

## 18

### *Keenaa Babíloon, teeraa wiyaakwaa*

<sup>1</sup> Ga waa iñama paaffa, mi hotta malaaka yiliis yaa yoosukoh asamaan. Ya laakin dooli wiyaak ee lee'laataa meyoh ga ndamaagarida gommba ga ēldúna. <sup>2</sup> Ya dalla kiles koonaa kiyaak an:

- Babíloon, teerii wiyaakwii keenin, wa keenin jac! Diimada ya enin didékaa' rab-seytanicii, d'aakkaarii béeb rabcii bibóni'bii, na béeb selcii tabin kiñam [na béeb júu'cii tabin kiñam], ee ken waa'tiida. <sup>3</sup> En ki'ena, heetcii ga ēldúnada tóohca anuunun ga biiñiigari en kifaanuk-pakaykii kiyaakkii ya enukohfa. Buu'cii ga ēldúnada faankuunun nari, ee kiwa' mo'laat ēldúnakiigari barinda onin toonohcii ga ēldúnada kilaak alal ga.

<sup>4</sup> Léehí'ta, mi kelohha koonaa kiliis kaa meyoh asamaan an:

- Dú heetiigoo, meyat gari, en d'anaa dú bokoo ga baakaa'ciigari ee dú akitohtsoo ga kofeelcii yahhi kidalda. <sup>5</sup> Kayoh, baakaa'ciigari tíkísukohin bi le'in asamaan ee Kooh hot ga tumeenciigari cibóni'cii. <sup>6</sup> Íkatti iñii ya tumee buwaada, fayatti waas kanak iñaa ya wútiroheeda. Líifdat kaasaagari na anahaa wéñ ki'aay waas kanak waa ya eree buwii ki'anda. <sup>7</sup> Ga daa ya hídi' kigooñi' hafci ndam na mo'laatda tóoh, tíkatti iñaa hínda ga coonu na kofeel. Ya wo' ga d'uuyuci an: «Mi yii yuñnga dii dës fodii buu' yibeti, mi enndii betifaa yah kiñak yaal, ee mi ínohanndii múk kitoñ.»

<sup>8</sup> Iñamaa yérí tahan bi kofeelcii sekkidaa hidohan kidal ga dookci ga bes wiinoo: ennda kikaan, kitoñ na a', ee ya hay kitékíru ga kiwii. Kayoh, Kooh, Ha'mudii atti'ida, yérí míñ ga tóoh. <sup>9</sup> Béeb buu'cii ga ēldúna faanuksee nari, bokussa nari kinebluk ga alalaagarida, binaa ba hot iifilií kiwiikii ya yah kitékírohudanaa, ba hay kifiipoh, ba kodukiri. <sup>10</sup> Ba hay kiceel palah ndaga kitíit ga coonucaa ya dayanda, ee ba wo'i an:

- Massa, éey massa, fu Babíloon, teerii wiyaakwii, teerii wiléekí'-dooliwii! Wahtii wa wiinoo doñ ee atti'ii fu atti'uda matta!

<sup>11</sup> Toonohcii ga ēldúnada, ba ban, ba hay ki'en ga kifiipoh, ba kodukiri ndaga ken lomsiso iñcaa ba toonida: <sup>12</sup> ennda wúrúus, hëelís, jamaa na pemii; ennda ban píis ci'elep-elep, píis cisooy, píis ciyo'oh cor cimelic-melic; ennda ban heet haangacaa yoobpii, na enaamacaa hëwírohu sis cooh, na haanga ciséerí', pérém, pewiñ wala atoh wimórí' waa wo'si marba; <sup>13</sup> ennda ban safalaah këedíí' na éeñdaah ciliis, la'koleñ, heet cúuraay ciyewin, biiñ, dúuleen, féríñ na beli, enoh, baal, pénis, sareet, bi ga biñaam na buwaa abu hen. <sup>14</sup> Toonohcaama hayyi kiwo' ban an:

- Iñcii fu heele kilaak ga keeñfusa tóohca saadinndaa. Tóoh alaliigaraa na mo'laatcii fu bayeeda, fu hídin gaca da d'úñ, ee fu laasissoo gaca bi taa'. <sup>15</sup> Toonohcaa laaku alal ga toonaagaba ga teeraamada hay kiceelu palah ndaga kitíit ga coonucaa ya dayanda, ba fiipohi, ba koduki iñamaa. <sup>16</sup> Ba hay kiwo' an:

- Massa, éey massa teerii wiyaakwii ekukee kúltí ci'elep-elepcii, cisooycii, kúltíci ciyo'oh cor, cimo'laatcii; teerii pokukee wúrúuscii, jamaacii na pemiciida! <sup>17</sup> Wahtii wa wiinoo doñ, alaliigaraa béebwa púdin! Fodaama béeb fóolíroh gaalcii, béeb buwii aasi gaal kibaabda, buwii lëgëyi ga giydfa na buwii ay kipesba ga giydfa, ceelussa palah, <sup>18</sup> ee daa ba hotee iifilaa tékíree teeraada, ba fiippa an:

- Laakoo múk teeraa hín na teerii wii kiyaak!.

<sup>19</sup> Ba baa iifuk kakay ga hafcaa, ba baa weleluk, ba baa fiipoh, ba baa koduk iñamaa, an:

- Massa, éey massa teerii wiyaakwii! Ha'-gaalcii ga giyiciida béeħba bewohu alalciigaba ga kisíidikiigari, ee wahtii wa wíinoo doj, wa dúbírussa!

<sup>20</sup> Fu asamaanii, neblukaa ga dii wa dúbírudha! Neblukat, dú buwii en buu Koohda, dú, apotaa'cii, na dú sëldíiga-Koohcii. Kayoh, Kooh ēldúkdfinndúu, ya atti'inndi.

<sup>21</sup> Waa ennda da, malaaka yiléekí'-dooli bēbpa atoh wiyaak waa man na cii dílohsí belida, jaffawa ga giyaa, wo'"a an:

- Babíloon, teerii wiyaakwii yah kijafu da fúr, ken hotsisoowa bi taa'! <sup>22</sup> Ken kelohsanndii ga leeloofu típ-halam na koonaa yeekeh, mbiwoch na típoh kúlúb. Ken hotsanndii ga leeloofu lègëyoh, yaa míñ ki'en tóoh, na kandañ këdí. <sup>23</sup> Lee'laat lampu melicsisoo ga leeloofu, ee ken kelohsisoo ga díuuyfu típuk sëgílook. Toonohciigaraa bérí wéñee dooli ga ēldúna, ee luhuseeniigaraa tahin béeħ heetcii kimúuy.

<sup>24</sup> Baatta ga, nífi sëldíiga-Koohcii, na wii buwii en buu Koohda, na ban wii béeħ buwii apsee ga ēldúnada, hotukin ga kaanfu, fu Babíloon.

## 19

### *Yee-k-ndam ga asamaan*

<sup>1</sup> Ga waa iñaama paaffa, mi kelohha ga asamaan en fan koonaa kiyaak, kaa en na kiríi' meyoh ga mbooloo wiyaak an:

- Alélúyaa! Kimúc, ndam, na kimín kuu Koohyiigaruu!

<sup>2</sup> Dii ya atti'icfa taam ga kayoh ee júwin. Ya atti'in beti faankoh-pakayfii fiyaakfii yahsohee ēldúna na kifaanuk-pakaykiigarida, ee nífaa sëldíigacaagari betifaama aamee na yahcida, ya ēldúkdfinbawa ga dookci.

<sup>3</sup> Tíkissa ga, ka wo'issa an:

- Alélúyaa! Iifili teerii en na kitakda díuukin pútúl, ee yah bi taa'!

<sup>4</sup> Waa ennda da, yaakcaa bidaajkaah-kanak na binikiisbaa, na enaamacaa binikiisbaa en na kipesda yí'ussa baa jaamuk Kooh, yii yuŋ ga baŋ-buuriicfa, ba baa wo' an:

- Aameen! Alélúyaa!

### *Cuunoh sëgílookfaa kubaalkaa*

<sup>5</sup> Laakka koonaa, kaa meyoh ga baŋ-buuraa, wo'"a an:

- Kañat Koohyiigaruu, dú béeħpúu súrgaciigari, dú bii dú niikinndida, oomaanoo, yaakoo.

<sup>6</sup> Léehí'ta, mi kelohha en fan koonaa, kaa meyoh ga mbooloo wiyaak, kaa ríi' en fan dúscaa ga giiyaada, wala ínij ciyaak caa en na kiles, an:

- Alélúyaa! Kayoh, Kooh, Ha'mudiigaruu míñ ga tóohda aasin ga nguriigari. <sup>7</sup> Du neblukat, du koltukat ndaga keeñ wisóosí', du e'ti ndam ndaga sëgílookfii Kubaalkii le'in kimma. Kilookkiigari hewíruk in bi morin. <sup>8</sup> Ka onuunun ki'ekuk kúlti-sooy fiyaanaaw der, fimélíci'. Kúlti-sooy faama teewoh iñcaa cijúwi'caa buwaa en buu Kooh tumida.

<sup>9</sup> Malaakaa dallaroo kiwo' an:

- Bídaa iñii yii: Ba yewinin múu', buwii bayu kiñam ga sëgílookfii Kubaalkiida. Tíkka ga, ya wo'issaroo an:

- Wo'eencuma Kooh wo'ca sah-sah.

<sup>10</sup> Waa ennda da, mi jafukka kakay ga kotcaagari kijaamukki. Wayee ya wo'"aroo an:

- Múk, kaa tum iñuma. Mi súrga doj fodiigaraa, fodii ñan mbok-kerceencaagaraa abu kayohfaa Yéesu seedi'fa. Jaamukaa Kooh! En ki'ena, kayohfaa Yéesu seedi'fa férí léerí' helcaa sëldíiga-Koohcaa.

## **Iñcii ciyitnakancii yah kiméeñjoh kilaakda**

### *1. Baa lap pénísfaa fiyaanaawfaada*

<sup>11</sup> Lëehí'ta, mi hotta asamaan lëgisukin, pénís fiyaanaaw dalla kimey. Laakin baa lapfa, ee teeku "Yiwóorí'yii, Yukayohyii". Dii ya atti'ida júwin ee ya heñohi ga kayoh. <sup>12</sup> Hascaagari caa bac en fan kiwiikaa jaalohin ee ya bayin ga hafaa baanubuu' ciyewin. Bíduunun gari teek, waa enndiirinaa, ken ínohoowa. <sup>13</sup> Ya ekukin kúltí, faa ñoodu ga ñíf. Ya teeku "Wo'eenii Kooh". <sup>14</sup> Heñohohcaa ga asamaanda taabuunun ga fenooci lapu pénís biyaanaaw ban, ba ekukin kúltí sooy ciyaanaaw dfer. <sup>15</sup> Kalab fikéeñí', faa ya yah kifeekoh heetcia, meyca ga kúuwkaagari. Ya yah buwii kiní'i na ngot pewiñ, ee ya togisoh towu-reseñtaa ga duuy diseesaa'daa en aylukaa Kooh witamóhi'waa, Kooh yii míñ ga tóohdfa. <sup>16</sup> Bíduunun ga kúltifaagari na ga poogalaagari teekaa wo' an "Buurii buu'cii, Ha'mudii ha'muncii".

### *2. Mbúumbaayaa wiyaakwaa selcaa*

<sup>17</sup> Tíkka ga, mi hotta malaaka yaa tuukin ga duuy nohii. Ya fippa béeb selcii púdi ga jepitaa asamaanda an:

- Hayat, hídírukohat kiñam cuunohfii fiyaakfii Kooh bëytöhda! <sup>18</sup> Hayat kiñam townohtii faancii buu'cii, townohtii cii buwii biyaakbii kuliyuki ga heñda, cii ha'-doolicii, cii péníscii na cii buwii lapbadá, cii béeb buwii: ennda ñaam, ennda buwaa enndii ñaamda, oomaanoo, yaakoo.

### *3. Rawaa búukussa ya na sëldíiga-Seytaanaa*

<sup>19</sup> Waa ennda da, mi hotta rawaa, ya na buu'cii ga éldúnada, na buwii taabi naba kiheñohda, ba hídírukohha kiheñohnee na baa yaama lap pénísfaa fiyaanaawfaadá, ya na buwaa taam narida ban. <sup>20</sup> Rawaa abussa, ya na sëldíiga sépí'i'-ga-nofaa tumee kíntaancaa ga fíkíida. Kíntaancaa cérí ya díkuohee buwaa bay mandargaa rawaa ee ba jaamukee nataalaagarida. Ba banak, ba jafussa ga duuy kiwiikaa na pëndëlaa witëmí'i'waa ee lak ba baa lís kipes. <sup>21</sup> Buwaa bíinoo tesfa apussa na kalabfaa mey ga kúuwkaa baa lap pénísfadá, ee béeb selcii ñamussa ga faancaa buwaama bi kapussa.

## 20

### *Nguuraa tíkiis tijúnnitaa*

### *4. Goñ-jésíkaa bagussa aaw tíkiis tijúnni*

<sup>1</sup> Lëehí'ta, mi hotta malaaka, yaa yoosukoh asamaan, bayin ga yahci kucëwíkaa bubaam, na ban ceen fidéena. <sup>2</sup> Ya ammba goñ-jésíkaa, goñ cosaanaama wo'u sépí'i'-ga-nof, wala Seytaanida. Ya þarngari ndiit na ceenfaa, kitëhdohhi tíkiis tijúnni. <sup>3</sup> Ya jaffari ga bu-baam, ya tècca halaa, galla pewiñ ga dookgaa, en danaa, ya mínsisoo kidúk heetcii ga éldúnada bi ga daa tíkiistaa tijúnnitaa paafan. Paaf danaa, ya jomin kibégisu ya íisu jutuut.

<sup>4</sup> Tíkka ga, mi hotta ban-buu'caa, buwaa yuñ ga dookgaadá onussa kimín ki'atti'. Mi hotta fodaama fítcaa buwaa hafcaa gú'see ndaga daa ba seedi'ee Yéesu ee ba gëmee wo'eenii Koohda. Buwiima mosoo kijaamuk rawii, mosoo kijaamuk ban nataalaagari ee ba bayyii mandargaa rawii, enndii ga pük enndii ga yah. Ba mílísса\*, ba bokka kinguuruk na Kiristaanii tíkiis tijúnni. <sup>5</sup> Waama wëri en kimílskaa dëbda. Buwaa tes ee ba kaaninda mílísannndii bi ga daa tíkiistaa tijúnnitaa matan. <sup>6</sup> Buwaama boku ga kimílskaa kaama dëbda, yewinin múu' ee ba sela'in. Kikaankaa kukanakkaa laakoo dooli ga dookba. Ee ba yah ki'en bisarahoh Kooh, bisarahoh Kiristaanii, ba bok nari kinguuruk tíkiistaa tijúnnitaa.

\* **20:4** 20: 4 Laakin lëegísohcaa wo'u duma an «Ba pessa». Malkat ban 20: 5

### *Seytaani jafussa ga kiwiikaa bi taa'*

<sup>7</sup> Binaa tíkíistaa tijúnnitaa mataa, Seytaani hay kibëgísu ga kasaa ya enoheeda. <sup>8</sup> Ee ya hay kiboyukis kidúknee heetcii en daa en tóoh ga éldúnada, ennda Gok na Magok<sup>†</sup>, ya hídírohba kiheñohnée. Ba hay kiyewin bi ba hín na tukakaytii ga yahaa giyyiida. <sup>9</sup> Ba tassa daa en tóoh ga kakayfii, ba soonjnga buwii en buu Koohda na teeraa Kooh keeñukfa. Wayee laakka kiwiikaa meyoh asamaan tékí'taba. <sup>10</sup> Sépí'i'-ga-nofii dúkee buwaada nak jafussa ga giiy-kiwiinaa na pëndëlaa witëmí'waa, daa goñ-jësíkaa na sëldíiga sépí'i'-ga-nofaa jafufa. Daama, ba yah ki'en ga mesiklaat wekoo, nohoo bi taa'.

### *Atti'aa méeñjohða*

<sup>11</sup> Tíkka ga mi hotta banj-buu' wiyaak wiyaanaaw dfer, mi hotta ban baa yuŋ gada. Asamaanii na kakayfii núpussa, úsaayussari, ee ken ínohissii daa ca aawða. <sup>12</sup> Mi hotta ban buwii kaaninda, oomaanoo, yaakoo, tuukuunun ga fíki banj-buuraa. Laakka këyítcaa kúnisu. Këyít filiis kúnissusa ban. Faama férí en këyítfaa bay teekcaa buwaa laak kipeskaa leehooda. Buwaa kaaninda atti'ussa, ga iñaa bídu ga këyítcaadfa, yaa en béeþ ga iñcaa ya tumfa. <sup>13</sup> Buwaa kaan ga giydfa, giyii íkkafa. Kikaankii na dekataa buwaa kaanin daakohuda ban, íkussa buwaa kaan ensee dada. Ee béeþ buwaa atti'ussa, yaa en béeþ ga iñcaa ya tumfa. <sup>14</sup> Léehí'ta, kikaankii, ka na cekataa buwaa kaanin daakohuda jafussa ga giiy-kiwiinaa. Giiy-kiwiinaama wëri en kikaankaa kukanakkaa. <sup>15</sup> Béeb baa teekaagari bídussii ga këyítfaa buwaa laak kipeskaa leehooda, jafussa ga giiy-kiwiinaa.

## 21

### *7. Asamaan wi'as na kakay fi'as*

<sup>1</sup> Tíkka ga, mi hotta asamaan wi'as na kakay fi'as. Wiima lak asamaanaa laakee kudewaa na kakayfaa laakeeda müuyin mes ee giiy laakkissii. <sup>2</sup> Mi hotta ban teeraa wisela'i'waa, Yéerúsaleemyaa yi'asyaa, yaa yoosukoh asamaan meyoh ga Kooh. Wa waayukuunun bi jekin en fan kilookkaa hëwíruk kiyah kaan yaalci. <sup>3</sup> Mi kelohha koonaa kiyaak, kaa meyoh ga banj-buuraa, kaa wo' an:

- Diimada, taalii Kooh dékohfa weema ga dñuuy buwii! Ya hay kidék nabá, ee ba, ba en heetiigari. Kooh ga kihafci, yah kidék ga dñuuyba, ya en Koohyiigaba. <sup>4</sup> Ya hayba kimoosi' mooncaagaba béeþca. Kikaan laaksisoo, loy na tikodukoh leeh, mesiklaat ban leeh. En ki'enaa, lak éldúnaanaa laakee kudewaada müuyin mes.

<sup>5</sup> Waa ennda ða, baa yuŋ ga banj-buuraada wo'a an:

- Malka, mi yii tum tóoh yi'as.

Ee ya tíkka ga an:

- Bídaa iñii yii, ndaga wo'eencii cii wóorin ee kayoh kesi.

<sup>6</sup> Léehí'ta ya wo'arоо an:

- Matin sëk! Mi yérí en Alfaa, mi en Omegaa, mi en dalaarii mi en siñdaanii. Baa pílaa, mi, mi hayyi ki'on ya an ga kuhaalaakaa bay müsúmaa onohi kipesfa ee ya meekissoo dara ga. <sup>7</sup> Baa lebiroh bi ya mey ga na ndamaa, iñuma yérí ya yah kiwaru, ee mi hay ki'en Koohyiigari, ya en kowuroo. <sup>8</sup> Wayee nak niikcaa, buwaa gëmmbiida, baa tumi iñaa araamin, baa lagi kumuun bo', buwaa faanuki na baa en béeþfa, naahcii, buwii jaamuki kooffa, na béeþ buwii wo'soo kayohfa, waraagaba wëri en kijafu ga giyyaa abin jëpít na kiwii na pëndël witëmí'da: kikaankaa kukanakkaa këri kaama.

### *Yéerúsaleemyii yi'asyii*

<sup>†</sup> 20:8 20: 8 Malkat Esekíyeel 38. Teekcaama cérí mandarga heetcaa sagoh na buwaa Kooh, ga bescaa méeñjohða.

<sup>9</sup> Waa ennda da, yíinoo ga malaakacaa siyitnabankbaa bayu kaascaan ciyt-nakanakcaa líif na mesiklaatcaa ciytnakanakcaa méeñjohda, hayya garoo, wo"aroo an:

- Hay, mi teeþpaa kílookkii, kii en betifi Kubaalkiida.

<sup>10</sup> Helaa Kooh sorukkaroo, malaakaa bayyaroo ga dook janjan wiyaak, wihóori'. Ya teeþparoo teeraa wisela'i'waa, Yéerúsaleem, waa yoosukoh asamaan, meyoh ga Kooh. <sup>11</sup> Ndamaa Kooh lee'dinwa lañ. Meliclaataa teeraa man na atoh wimóri', waa wo'si yaspi\* ee wa lee' fodii seetu. <sup>12</sup> Tawah míi' wiyaak, wikéri' dook wérí wiil teeraa ee tumuunun ga hal cidaanjkaah na kanak. Malaaka bidaanjkaah na banak béri watukca. Teekcaa nílcii Isarayeel cidaanjkaah na kanakcii bíduunun ga halcaama. <sup>13</sup> Lafcaa míraa, waa en béeþ bay hal kaahay: hal kaahay ga lafaa hanoh meyaa'-nohda, hal kaahay ga lafaa hanoh meyaa'-noh yah-ñaamda, hal kaahay ga lafaa hanoh meyaa'-noh yah-señda na hal kaahay ga lafaa hanoh aasaa'-noh. <sup>14</sup> Míraa teeraa nak yípuk ga dook atoh cidaanjkaah na kanak, ee ga dook atohcaa, bíduunun ga teekcaa apotaa'caa Kubaalkaa bidaanjkaah na banakbaa.

<sup>15</sup> Malaakaa wo'ee narooda bayin iñaa natohsi: enee doo'-wúrúus ee ya enoheewa kinatoh teeraa, halcaagawa na míraa wiilwada. <sup>16</sup> Teeraa enee koñ cinikiis, caa hín ga bakaa en béeþ; hoo'laataa na agilaataa ca wíinoo. Malaakaa natta teeraa na dooraa ya bayda: hoo'laataa na agilaataa na iñaa aboh kakay aaw dookda, tóohca hínnda net. Waa en béeþ, ennda estaat<sup>†</sup> cijúnni-daanjkaah na júnni-kanak (12.000). <sup>17</sup> Malaakaa ban natta míraa: wa ennda ñaaw citéemée' na cidaanjkaah-nikiis na cinikiis (144). Ya nateewa fodii dii ñuwii natida. <sup>18</sup> Míraa nak tawahohu atoh wimóri', waa wo'si yaspi ee teeraa tawahohussa wúrúus píi', waa man na seetu kilee'. <sup>19</sup> La'-atohcaa míraa teeraa yípohuda nak, mo'dussa na heet atoh cimóri' caa en béeþ. La'-atohaa hanoh kakayda hëwíru na atoh yaspi; wukanakwaa hëwírohu atoh wibúlo, waa wo'si safii'; wukaahaywaa hëwrohu atoh wihiili, waa wo'si kalseduwaan; wu-nikiiswaa, atoh wihiili waa sam kibúlo, ee wo'si eméróot. <sup>20</sup> Wu-yétúuswaa, atoh wiyo'oh, waa wo'si sardoník; wu-yitniinoowaa, atoh wiyo'oh cor, waa wo'si sarduwaan; wu-yitnakanakwaa, atoh wimbaasaan, waa wo'si kirisolít; wu-yitnakaahaywaa, atoh wibúlo fodii giiy ee wa wo'si béril; wu-yitnanikiiswaa, atoh wimbaasaan, waa wo'si topaas; wudaanjkaahwaa, atoh wimbaasaan, waa samin kihiili ee wa wo'si kirisoparaas; wudaanjkaah na wíinoowaa, atoh wiyo'oh, waa samin kimbaasaan, ee wa wo'si yaasenti; wudaanjkaah na kanakwaa, atoh wibúlo, waa samin kiyo'oh ee wa wo'si ametísti. <sup>21</sup> Halcaa cidaanjkaah na kanakcaa iñcaa siimii cidaanjkaah na siimii kanak. Halaa en béeþ siimii wíinoo doj en ga. Paanaa teeraa iñaa wúrúus píi', waa man na seetu kilee'.

<sup>22</sup> Mi hottii ga teeraa fen daa wo'u an Kaanfaa Kooh. En ki'enaa, Kooh yii míga tóohda, ya na Kubaalkaa, béri en Kaanfaa Kooh, daama. <sup>23</sup> Ee teeraa soolukkii noh wala ñiin waa yahwa kileeri' ndaga ndamaa Kooh lee'dinwa ee Kubaalkaa en lampaagawa. <sup>24</sup> Heetcii ga éldúnada tíinsan ga lee'laataagawa, ee buu'cii ga éldúnada ndamcaa ba laakda haydohsanca daama. <sup>25</sup> Halcaa teeraa yahhii kilagu taa'. En ki'enaa, wek laaksanndii daama. <sup>26</sup> Béeb iñaa on heetcii ndam, e'ba cée', hay kihaydohu daama. <sup>27</sup> Dara iñaa settii míannndii ki'aas ga teeraama. Baa tumi iñaa araamin aasoo da, ee baa wo'i saboh aasoo da ban. En ki'enaa, ñuwaa teekcaagaba bídu ga kényítfaa bay teekcaa ñuwaa laak kipeskaa leehoo, ee en fuu Kubaalkiida, béri doj aasan daama.

\* <sup>21:11</sup> 21: 11 Yaspi: iñaa heet atoh winóoyí', waa laakin hiili-hiili na yo'oh † <sup>21:16</sup> 21: 16 Estaat man na dii natsi ga Kiloomeet wala meeta'da. Estaat wíinoo méejngoh na meeta' citéemée'-kanak (200). Kídaa 12.000 abu fodii iñaa matin ee meyoh ga Kooh. Malkat Esekíyeel 48: 30-35.

## 22

### *Húlúwaa músúmaa onohi kipesda*

<sup>1</sup> Tíkka ga, malaakaa teebparoo húlúb, waa músúmaa onohi kipes. Wa waa melic fodii seetu, ee wa waa haaloh dékataa banj-buura Kooh enoh, ya na Kubaalkiida, <sup>2</sup> wa waa iifuk ga leeloo paanaa teeraa. Daama, ga díkaanti gaanahcaa húlúwaa kanakcaa, kedikkaa onohi kipesda kaa da<sup>◊</sup>. Ka lími towu waas cidaanjkaah na kanak ga kiiskaa, ennda niidaa en béeb waas kiinoo. Tuu'taa kedikkaa nak téri on heetcii béebsca kiwak. <sup>3</sup> Kofeel-Kooh wiinoo laaksisanndii ga bwuui. Banj-buura Kooh ya na Kubaalkaa yah ga teeraama, ee súrgacaagari hayyi kijaamuku. <sup>4</sup> Ba hay kihot fíkífaagari ee teekaagari hay ki'en ga púkcaagaba. <sup>5</sup> Wek laaksisanndii ee ken sooluksisanndii kiniitukoh lee'laat lampu, wala lee'laat noh, ndaga Ha'mudii en Koohda hay kiwésóhí' lee'laataagari ga dookba, ee ba hay kinguuruk bi taa'.

### *Kihayiskaa Yéesu*

<sup>6</sup> Tíkka ga malaakaa wo'issaroo an:

- Wo'eencii cii wóorin ee kayoh kesi. Ee Kooh, Ha'mudii, yii léerí' helcii sëldiigaciigarida, wosin malaakiigari kiteeb súrgaciigari iñcii yah kilaak ga iñaa maañanndiida.

<sup>7</sup> Yéesu wo' an:

- Kayoh, mi yii hay ga iñaa maañanndii. Fu yewinin múu', baa fu am wo'eencii meyoh ga Kooh, bídu ga Kéyítfii fiida!

<sup>8</sup> Mi Sanj, mi yérí keloh iñcii cii, mi hottaca. Ee wii mi kelohha, mi hottacada, mi jafukka kakay ga kotcaa malaakaa teeweeroocada, kijaamukki. <sup>9</sup> Malaakaa nak dallaroo kiwo' an:

- Watuka! Kaa tumka. Mi, mi súrga fodiigaraa, fodaa ban mbokcaagaraa, sëldiiga-Koohcaa, na ban béebs buwaa taabuk wo'eencii bídu ga Kéyítfii fiida. Jaamukaa Kooh!.

<sup>10</sup> Léehí'ta, ya wo'issaroo an:

- Kaa dékoh muk na wo'eencii meyoh ga Kooh, bídu ga Kéyítfiida. En ki'ena, wahtii abu ca jom kilaakohda deeyin. <sup>11</sup> Baa júbpiinaa dékat ga kitum iñaa júbpii. Baa settii ga fíkí Koohaa dékat ga kilíwi' hafci. Baa júwinaa nak, dékat ga kitum iñaa júwin ee baa en yuu Koohaa, dékat ga kisela'kaagari.

<sup>12</sup> Yéesu wo'in an: «Malkat, mi yii hay ga iñaa maañanndii. Mi hay kitaam na iñciigoo mi yah kineehal buwiida ee baa en béebs ga iñaa ya lègëyda. <sup>13</sup> Mi yérí en Alfaa, mi en Omegaa; yii iñaa en tóoh dëwoh gari ee tóoh méeñjoh garida; yii en dalaarii, en siñdaaniida.»

<sup>14</sup> Ba yewinin múu' bwuui naawin kúltíciigabada. Ba hay kimín kiñam ga towutaa kedikkaa onohi kipesda ee ba hay kimín ban kikooroh halcaa, ba aas teeraa. <sup>15</sup> Wayee, ba yah ga fooh, bwuui enukohi kibaaycsa, naahcii, faankoh-pakaycii, bwuui lagi kumuun bo'da, bwuui jaamuki koofda, na béebs bwuui gém saboh ee ba taabukifada.

<sup>16</sup> Yéesu wo' an:

- Mi Yéesu, mi wosin malaakiigoo kiyéegallúu iñciima tóoh ga dzuuy jaangucii. Mi yérí en kuumkii paal ga buu' Dëwít ee bok ga heetiigarida. Mi yérí en olíi wiléerí'wii meyi na kímda.

<sup>17</sup> Helii Kooh wa na kílookkaa wo'ussa an:

- Hay! Béeb baa keloh iñiimanaa, wo'at ban an «Hay!»

Béeb baa pílaa, hayat.

Béeb baa sooluk mísúmaa onohi kipesdانا, ya laasat ga ee ya meekisohsanndii dara ga.

<sup>◊</sup> 22:2 22: 2 Malkat Sënees 2: 9; 3: 22; Esekíyeel 47: 12.

<sup>18</sup> Mi Sanj, mi yii yéegal béeb buwii keloh wo'eencii meyoh ga Kooh, bídu ga Këyítfii fiida an: «Binaa bo' baat yen ganaa, Kooh hayyi kibaati ga kofeelcaa tíkukkida, cii béstíru ga Këyítfii fiida. <sup>19</sup> Ee baa nís yen ga wo'eencii meyoh ga Kooh bídu ga Këyítfii fidanaa, Kooh hay kinís bakaa ya laak ga towutaa kedikkaa onohi kipesda, na ban bakaa ya laak ga teerii wisela'í'wii béstíru ga Këyítfii fiida.»

<sup>20</sup> Yii seedi' iñcii ciida wo' an:

- Ee, mi yii hay ga iñaa maañanndii!

Aameen! Haya, Yéesu, Ha'mudii!

<sup>21</sup> Yéesu, Ha'mudii barkeelat béeb buwii.